

8-51-B6A3

7

13-C

45



41

~~13-C-45~~

8-51-B-23





H. P. Petrus X. R. S. P. U.



P. V. P. P. B. R. S. P. U.



M. P. P. P. Criminalis

R. P. PETRI
I. A. R. R. I. C. I
T. H. O. L. O. S. A. N. T. I. S. O. C. I. E. T.
I. E. S. U.
T. H. E. S. A. U. R. U. S.
R. E. R. U. M. I. N. D. I. C. A. R. U. M.

In quo Christianae ac Catholicae Religionis tam in
India Orientali quam alij Regionibus Lusita-
norum Opus nuper detectu

Ortus Progressus Incrementa &
maxime quae APP. SOC. IESU ibid
in diete Fidei plantatione ac propa-
gatione Ad Annum usque M. D. C.
gesta apte exarata sunt non minus
Vere quam eleganter recedunt.

Addita suntque tam Earum Regionum et eorū quae
ad eas pertinentium Chorographica quam
Historica Descriptions.

Opus nunc primum a M. Martino Martinez e gal-
lico in latinum sermone translatum.
Permissu Superiorum.

COLONIAE AGRIPPINAE.
Sumptibus Petri Henningy.
ANNO MD CXV.



M. P. P. P. Corree



M. P. P. P. de astro



M. P. P. P. Azobedi



M. P. P. P. Syluariae



M. P. P. P. Rudolphi Aquarii



M. P. P. P. Abrah. Georg. Martini





NOVA
HISTORIA
INDICA.





ADMODVM

8-51-23

REVERENDO

ET EXIMIO VIRO

AC DOMINO,

D. HENRICO

COFRÆO

ERCKLENSI,

ARTIVM LIBERALIVM

ET SS. THEOLOGIAE DOCTORI,

Eximio Magistro nostro,

ILLVSTRIS ECCLESIAE AD D.

GEREONIS CANONICO,

ALMAE VNIVERSITATIS COLONI-

ensis Rectori perquam magnifico, &c. Domino

& Patrono suo colendissimo.



INTER multas laudes,
quibus historia eiusque
studium efferri solet, ne-
mo magis proprijs eam
coloribus depinxit, quā
ille qui historiam VITÆ

MAGISTRAM indigetavit. Est enim
ea vera magistra, & dux vitæ, canon & re-
gula actionum nostrarum, ad quam & fa-

); 2

cile,

cilè,& rectè, non aliter atque ad normam Policleti ducimur & dirigimur. Ita ut sine illâ sociâ Theologia omnium artium regina ac vera sapientia mutilata quasi consistat, & manca: Iurisprudentia sine hac comite subinde oblita sui, in æqui, & boni tramite cespitet: Medicina ipsius consortio carens hæreat, & in exercitio sui ambigat: Et Philosophia, quæ & ipsa vitæ dux appellatur, inter mortua iaceat, nisi ad rerum præteritarum historias, dum bonorum, ac malorum fines proponuntur, dicta, facta, & consilia sua reuocet De Theologia id ita certum est, ut qui vel primis labijs eandem degustare cœperunt, illud inficias ire non possint. Quid enim Theologiâ dixeris, si ab illa dicta, facta Christi Saluatoris nostri, si historias omnes Veteris ac noui testamenti sustuleris? Est Theologia doctrina vitæ nostræ, præsertim illa, quæ in parte morali consistit: Eodem nomine commendârunt maiores nostri historiam eiusque studium. Hinc illa Christianis vîitata vox. Omnis CHRISTI actio (quæ nobis sine historica traditione ignota futura fuisset, est nostra institutio.

Quid Iuris prudentia? cespitat ut diximus in dijudicando æquo & bono sine histo-

historia. At ab exemplis, id est historia non esse iudicandum dicere consuevimus: Esto, verū & sine exemplis iudicare difficile est. Imo exemplis altera pars Iurisprudentiæ, ea quæ consistit nempe ἐν τοῖς ἀγροῖς constat. Quid enim aliud est cōsuetudo, & lex non scripta, quàm ē multis exemplis obseruata iustē, & æquē iudicandi regula, atqui exempla memoriam hominum effugiunt sine historicā traditione,

Ad alteram Iuris partem id est, legem scriptam quantum conducat historiarū cognitio Iustinianus ipse in Pandectarum legalium digestionē in vestibulo demonstrat, vbi de origine juris dicturus, immensam historiarum molem confarcinat.

Medicina hæret & ambigit, historiæ subsidio destituta: nam huius facultatis exercitium innumeris ferè experimētis solidatur, quorum notitia historiæ subsidio comparari potest. Etsi enim quemadmodū Theologus, & Iuriscōsultus, sic quoq; Medicus ē Laberynthi difficultatum suarū nō nisi rationis filo educatur, attamen Medico hoc magis ascribi solet, quod præ cæteris omnibus vsu, praxi, & experiētiā regatur,

hinc Aristoteles, dū in primo Metaphysicorum viam inuentionis artium, & scientiarum aperiret, Medicum quā ratione nititur artificē verè esse, & nominari posse docet, sed in applicandā scientiā suā & arte subiecto, vt loquuntur, sanabili incertum, & periculo esse proximiorē si experiētiā, id est historiā careat. Non existimo cuiquam dubium videri de historię notitia Philosopho necessaria, cum philosophia, quæ vt supra diximus, & ipsa vitæ dux appellatur, rerum expetendarum, & fugiendarum præcepta tantisper à se diuertens, in hac historica officinā conflare vsu didicerit. In hac præsentia commodè explicet, futura colligat, & cognoscat. Atque vt his iam nominatis facultatibus, pari modo, etiā omni alij honesto exercitio, quodcunque illud sit, historiæ studium mirum quantum proficit. Numquid expeditionem bellicarum duces, nunquid ignotarum patriarum inuestigatores, nunquid quisquis rem suam, quisquis, publicam gerit aut administrat, exemplis nititur, historijs ducitur? nunquid quid ante hac in ea vel simili materia gestum, obseruatumque, atque exinde consecutū aduertit, & obseruat? Et cum hæc sit

sit historiæ suprema & vera laus quæ ex
 memoratis illius commodis elicitur, tū
 hoc nomine magis commendandæ ve-
 niunt rerum in religionis nostræ Christi-
 anæ eius initijs, progressu, promotione
 & statu benè gestarum narrationes, quæ-
 rum notitia tantò nobis debet esse acce-
 ptior, & magis cordi, quantò religio ipsa
 Christiano cuilibet est gratior. Hinc illæ
 historiæ, quæ promotionem, & profectū
 religionis nostræ apud gentes barbaras
 & vel hæresion, vel gentilitatis erroribus
 implicatas tradūt singulari nobis & studio
 & zelo affectandæ, & perlegendæ veniunt.
 Inter quas mihi mirificè semper placuit
 Thesaurus rerum Indicarum R. P. Petri
 Iarrici Tholosani è Societ. Iesu Presbyte-
 ri, in quo Christianæ ac Catholicæ religio-
 nis tam in India orientali, quā alijs regio-
 Lusitanorum opera nuper detectis or-
 tum incrementa, & maximè quæ à PP. e-
 iusdem Societ. in dictæ fidei plantatione
 & prorogatione ad annum vsque 1600.
 gesta atque exantlata sunt, non minus
 clarè, quàm eleganter recensentur. Quem
 librum cū ego ad vtilitatem rei Chri-
 stianæ, & literariæ prælis mandare, & luci-
 dare constituissē, eidem non alium
 commodiorem Patronū, à quo tanquā

EPISTOLA DEDICAT.

manu è priuato in publicum primùm in Germania educeretur , inueniri potui præterquam te Admodum Reuerende & Magnifice Domine, tum vt T. Magnæ. nomen , eiusque claritas frontispicio illius non aliter, atq; præclarum aliquod sydus insidens, eidem sit & Helice, & Cynosura indeuio illo, & inuio communitatis, quam ingreditur , mari, atq; sua auctoritate & dignitate, qua meritò in Vniuersitate Colonienſi fulget, decus, & ornamētum; tum vt ego, quo animo ſim in Tuam Magnificent. admirandâ illius virtute & eruditione, nec non immenſis mihi iam ab annis multis præſtitis beneficiis illeſtus , hoc indicio non demonſtrem, verum demonſtrare dñtaxat incipiam. Roganſe eandem Tuam Magnificentiam , vt hanc animi mei in eandem quàm maximè affecti ſignificationē æqui boni conſulat, meque, vt hætenus , deinceps fauore ſuo beneuolè proſequatur. Valeat Magnif. Tua, multos annos proſpera & incolumis. Colonia Agrippinæ 1615. pridie Calend. Aprilis.

Admodum Rle. & Magnif. Dominat. T.

Obſeruaſſimus.

PETRVS HENNINGIVS
Bibliopola Colonienſis.



ELENCHVS

E O R V M Q V Æ

HOC TOMO CONTI-

NENTVR.

Primo Libro continetur.

1. **H**istoria regni Congi.
2. **H**istoria regni Angola
3. **H**istoria regni Monomotapa.
4. Naufragij memorabilis in India Syrtibus seu Breuius.
5. Bellica expeditionis à Lusitanis contra Turcas facta.
6. Aethiopia infra Aegyptum, cui Abyssinorum rex imperat.
7. Brasilia.

Secundo Libro comprehendentur.

1. **D**escriptio & res Ormuzij.
2. **D**escriptio Imperij magni Magoris.
3. Regni Chimensis vel Sinarum.

TYPOGRAPHVS LECTORI.

HAbes hic, amice lector secundam, nostri rerum Indicarum thesauri partem, quam tum ipsa rerum varietate, tum historię ipsius, de qua potissimū agit iucunditate, tibi minimē ingratam fore confido. At non parum mirari te dices, quoniam de causa secundam partem primę, in noua hac Editione Latina pręmiserimus, quasi Iosephi Patriarchę exemplo, primogenitis ius debitum, secundo genitis deferre velle videamus. cum debitus naturę ordo iure suo exposcat quodammodo, vt quę antè, temporis habita ratione contigerint, prius etiam referantur; neu secundi nomen habere locum posse, vbi primum non pręcesserit. Verum non sine ratione id factum. quod & tecum ipse, vbi me audieris, indicabis. Fieri siquidem videmus, vt quidquid nouum est, delectet & nescio qua tacita violentia omnium in se animos pelliciat: quod ipsum aut dignius sit, aut recentior illius apud homines memoria. Hinc etiam factum, quod secundus hic Tomus, quasi primo iucundior, ac de rebus dignioribus (absit inuidia aut liuida comparatio) agens in alijs etiam locis antea Gallicè post primam Burdigalę editionem, qui ederetur dignus sit iudicatus est enim velut quoddam historię Maffeti (qui magno cum iudicio, eloquentiā cum minori, ac fide, quidquid tum in Oriente, tum Occidente & ad Austium Lusitani, nominis & imperij sui dilatandi causa, rerum bellicarum experienciā generositateq; gessere, ac nonnulla etiam imperij Iesu Christi & Ecclesię incrementa, sed ea nonnisi ad pauculos constricta annos, est persecutus) supplementum.

TYPOGRAPHVS LECTORI.

plementum, vt quæ ipse veluti imperfecta & acephala reliquit, Auctor noster, non inferiori iudicio ac fide perfecerit & vbi Maffeijs definit, suæ hic narrationis telam ordiatur. Vt hisce duobus velut basibus solidissimis vniuersa Societatis Iesu gestorû apud Iudos si mtimosq; populos historia iuncti videatur. Nihil autem hic allatum videbis quod è fide dignissimis auctoribus, historijs editis, annuis denique Societatis litteris, non sit depromptum: neque enim nugas vendere, fucum ostendere, suisque (quod cauendum in primis historico) imponere voluit; at omni quo potuit candore, sinceritate ac fide, quidquid Societatis Iesu Patres, inuictissimi fidei & cõstantissimæ zelatores, in Christiani nominis gloria propagâda & fide & Redemptoris annûtiânda, variis in Orientis. locis, regnisque remotissimis, apud gentes immanitate barbaras, & ab omni plerasque humaniori cultu alienas & fecere & passi sunt, summatim referre. Neque enim tantillo volumine tanta gestorum magnitudo contineri queat: quæ sanè & numero in se nota & amplitudine incomparanda, vt si quis septuaginta illos, quibus fundata est annos infinita, & eorum quæ gessit numerum & eminentiam respiciat, aliquot vix sæculis eadem confici potuisse arbitretur. Vale itaque Lector Beneuole, & quem tibi nunc missum damus, alterius quem paramus obsonium crede.



APPROBATION DES DOCTEURS.

NOus soubs fignez Docteurs en Theologie, certifions auoir leu le present hute intitulè, *Secõde partie de l'Histoire des choses plus memorables aduenies tant ès Indes Orientales, qu' autres pays de la de scouuerte des Portugais, en l'establissement & progres de la foy Chrestienne & Catholique, &c.* Composé par le P. Pierre du Iarric de la Compagnie de IESVS, & n'y auoir trouuè chose aucune contraire a la foy Catholique, Apostolique, & Romane, ny auy bonnes mœurs, ains auõs iugè denoïrestre imprimè, pour contenir vne Histoire digne d'estre sceuë à la plus grande gloire de Dieu, & à l'edification des ames. En foy de quoy nous nous sommes soubs-signès à Bourdeaus le 8. Sept. 1609

DANIEL MARTIN
GABRIEL DE LA PORTE.

IOACHIM LE VENIER Prestre, Chanoine, & Maistr'eschole en l'Eglise Metropolitaine de Bourdeaus, & Vicaire General de Monseigneur l'Illustrissime & Reuerendissime Cardinal de Sourdis, Archeuesque de Bourdeaus, & Primat d'Aquitaine: Veul' attestation des Docteurs sus nommez, auons permis & permettons d'imprimer le present liure intitulè, *Secõde partie de l'Histoire des choses plus memorables aduenues tant ès Indes Orientales, qu' autres pays de la de scouuerte des Portugais, en l'establissement & progres de la foy Chrestienne & Catholique, &c.* Composé par le R. P. Pierre du Iarric de la Compagnie de IESVS.

• Faict à Bourdeaus le 9. Sept. 1609.

LE VENIER Vicaire General.

EGO



EGO infra scriptus testor hanc
Historiam Indicam *R. P. Petri
du Iarric Societatis Iesu* nihil conti-
nere contra sanam doctrinam, &
bonos mores : At verò plurima
quæ ad pietatem, & variam ac de-
lectabilem rerum cognitionem fa-
ciant. Actum Atrebatî 23. Iulij. 1611

H. DE MOEVSYNBROVCQ.
*Protonot. Apost. Can. Atrebaten. &
librorum Censor.*



APPRO-



APPROBATIO.

Thesaurus hic rerum Indicarum, in linguam Latinam à Gallica eleganter translatus, nihil Catholicæ Fidei aduersum, aut bonis moribus repugnans tradit; honesta autem lectoris animum voluptate perfundet, vbi fœlicia religionis Christianæ inter gentiles incrementa ob oculos posuerit. Magno igitur bono publico euulgabitur. Datum Colonix Agrip. die 20. Martij. 1615.

HENRICVS FRANCKEN
*Sierstorpfius SS. Theol. Doct. Regens
Gymn: Laurent. Librorum Censor.*

AVCTOR



A V C T O R
A D L E C T O R E M.



ECCET tandem, Amice Lector, duos
tibi reliquos libros Historia nostra
de rebus India Orientalis, etsi &
mea opinione, & voto etiam tuo
forsan serius aliquantò in lucem
editos; promisso tamen cumula-
tiores. Quum enim initio res in
Congo & Angolagestas quod pa-
rum comperta tum mihi essent, silentio praterire sta-
tuisssem, postea vero ea quæ à nobis desiderabantur, a-
pud diuersos Auctores reperisssem : duas Partes supe-
rioribus addere decreui: Quare ab ordineo quem initio
proposueram, paulum deflectens, libro vno res Africa
ac Brasilia; altero paris fere magnitudinis, res Asiae
describere volui: vt ita ad Cosmographicas descriptio-
nes instituto magis accommodati, Lectori facilius esset
in Tabulis singulas regiones, quarum fit mentio, faci-
lius reperire. Hoc monere te, Amice Lector, visum est,
vt ista ordinis mutatio minus tibi mira videretur; ac
simul rogare, vt credas, quod & in Praefatione Primi
libri à nobis dictum est, non minori me in hoc Tomo cõ-
scribendo diligentia ac fide, quam in Primo, vsum
esse, nihilq; cuius non graues ac fide dignas habe-
am Auctores, huc translulisse aut in-
seruisse. Vale,

RERVM





HISTORIA RERVM MEMORABILIVM,

QVÆ TAM IN INDIA ORIEN-
tali, quam alijs regionibus, quas Lusitani de-
texere, in fidei Christianæ ortu ac progres-
su contigerunt; ac præsertim eorum quæ
in eadem fide docenda confirmandaque
Soc. IESV Religiosi & egerunt
& passi sunt.

PROOEMIUM.



EI perfecta sunt opera, ait Hebraorum legislator Deut. 34
Moses, in vita extremo iam
constitutus; homines verò
adeo, ut plurimum, etiam
in bono, varij & inconstantes
sunt, ut si qua vel minima in
rei alicuius ardua effectu sese offerat difficultas,
animum fatigantes despondeant, & nescio quâ
cordis inertia, quod haud segniter & generose ag-
gressi sunt, abijciant, & à cæpto resiliant: at Deus,
qui immobilis est, in eo quod inchoavit bono pro-
grediur, & quod in diuino intellectu suo statuit ac
decreuit, ad exitum perducit; adeo ut disponens o-
mnia suauiter in finitâ suâ potentia ac sapientia,
A ad id

ad id quod concepit, tandem pertingat . Porre hoc non in ipsa totius vniversi creatione dumtaxat cernere est, quam sex ipsis diebus perfecit; verum & in ipso Redemptionis opere, in quo non prius quieuit, quam omnia iam consummata ad exitum perduxisset. Idipsum & in Ecclesia sua directione & administratione videre fas est: numquam enim hanc, ex quo pretioso Iesu Christi filij sui vnigeniti sanguine eam & erexit & fundauit, visus est deseruisse, inuiolabilem quam nascenti promiserat, protectionem, ad finem vsque saculi duraturam, re ipsa complens. At quoniam, vt apparet, in hoc fine seculorum, reliquas orbis nationes, ante supremum iudicij diem, fidei lumine illustrare decreuerat, immensa bonitatis sue diuitias vt mundo patefaceret; non satis ei fuit, Euangelij pracones per Orientalem Indiam, ad quam Lusitani, potissimum, ob diuitiarum ibidem affluentium copiam, nauigationem instituire conabantur, emittere; sed huius occasione in alias etiam tum Asia tum Africa prouincias, quin & in nouum Orbem, quem Americam dicunt, quotidie nouas & incognitas haecenus Christianis regiones detegendo destinare; sua vt doctrina rore easdem irrigaret, & bonorum operum ac virtutum fructus, quos diuina illius Maiestas ab hominibus exigit, vt beatitudine tandem caelesti eosdem remuneretur, è sterili gentilium solo eliceret.

Cum igitur ipse per Dei gratiam, quidquid in ortu progressuque promulgati ad Orientem Euangelij laudabile contigit, litteris consignare essem aggressus, & ea quae ad Indiam tam trans quam cis Gangem spectarent, Dei beneficio iam perfecissem, reliquum videba-

videbatur, & alias quasdam regiones, in quibus pro-
fectionum Lusitanicarum, tum ad India regiones a-
periendas, tum vero ad dominium imperiumque ex-
tendendum, institutarum occasione, Christiana Reli-
gio ortum habuit, persequi. Quamobrem liber pri-
mus complectetur ea, quae in Congo, Angola, Mono-
motapa, & Prestoloannis regno, alijsque Africalo-
cis, Brasilia etiam addita, euenerunt; in alterum vero
conyiciuntur, quae ad Ormuzium, regnum Mogor, &
Chinarum, quae Asia continentur, spectant. A rego-
no igitur Congo, quod pra alijs detectum fuit, ac
Christi fidem ante ceteros, per Lusitanos accepit,
exorsi, de regno & eius partibus, incolarum-
que ingenio ac moribus nonnulla
praeferemus.

CAPVT PRIMVM.

De regno Congo, eius terminis, mirabilibus, & incolatum moribus.



V A M Lusitani simul & incolæ Congum nuncupant, prouincia, in Africa, trans æquinoctialem est, vergit in meridiem; ad occidentem (vbi Oceano alluitur) à promontorio D. Catharinæ initium habet, quod sesquigradu latitudinis australis est, & in tertio definit, si regnum Angola, quod olim eidem adnexum erat, adiunxeris. Multa in hoc Oceani littore emporia, & flumina continet, quæ in Oceanum se exonerant; nam post D. Catharinæ promontorium sequitur portus, qui ab Aluaro Gonzales, qui primus eundem detexit, nomen habet: haud procul inde riuus quidam, quem à rubicunda arena, *las Borreras roxas*, Lusitani nuncupant, quod aqua per rubricantem illam arenam fluitans, rubescere videatur. Sequuntur deinde montes, longè lateque diffusi, & in immensum patentes: quos Lusitani propterea *serra comprida*, id est, montem longum dicunt. Longius paulo progredienti flumen occurrit, quod in mare delapsum, paruum quemdam efficit sinum, cui nomen *das almadias*, id est, à nauigiolis, quæ plurima hoc in emporio fieri solent, datum perhibent. Vltcrius dein ad Austrum eunti occurrunt magni fluminis Zairi, ex eodem quo Nilus originem trahentis lacu, ostia; tanto verò impetu in mare se exonerat, vt etiam interdum ad viginti ab ostio leucas dulcè illius aquam nauigantes hauriant. Verum versus caput nauigabilis non est, ac nō nisi ad sex septemve leucas; aqua enim, has vbi enauigaris, tanta vi atque impetu summis rupibus de-

scendit, vt non arenarum modo globos, sed ingentia etiam saxa conuehat, è quibus plurimas, quę hoc in flumine conspiciuntur, insulas natas fama est; insulę autem hęc, quod ager hęc pascuus & fecundus sit, incolis abundāt. Suum vnaquęque dynastam agnoscit, qui easdem regi Congo subdiri regunt: sed non parum inter se dissident; vt plurimum enim mutuo se bello laceffunt. Hinc sæpius bello nauali inter se contendunt, idque nauigijs ex vno arboris, cui nomen *Licondo*, trunco excavatis; arbor verò hęc tam est ampla, vt sex eam viri brachijs extensis, vix ambiant; hęcce autem nauigia tam capacia interdum, vt ducenti & armis & remis instructi, ijsdem comprehendantur. Harum insularum maxima, quę tamen exigua satis, Insula equorum dicitur, quod equi marini plurimi, quos Hippopotamos, id est, equos fluuiatiles, dixere Gręci, hic conspiciantur: quorum tanta hic vis & robur, vt pede vel dentibus naues integras euerant: at vbi in terram insilierint, magnam tum hominum tum animalium stragem eduat. Flumen hoc abundat etiam crocodilis immensę magnitudinis, quos incolę Caimanos appellant. Conspicitur hic & aliud animal, quod manus præfert humanas, caudam verò scuti instar, nomen habet *Ambize angulo*, id est, porcus aquatilis, quod porci saginati instar sit pinguis. Carnem illius fumo indurant, vt i nostri porcinam; eamque non nisi in genialibus epulis, quod sapida sit, apponere est moris. Nonnūquā aqua dulci egreditur, & herbis, in fluminis ripa crescentibus victitat. Facie est bouina; & tantę nonnunquam magnitudinis, vt ad quingentarum librarum pondo nonnulla pertingant. Hęc autem eius capiendi est ratio. Piscatores vbi locum, in quo pascere solet, notarunt, eodem cum nauigijs se conferunt, cum verò aquas repetere vult, remis & ve-

*Liconde
arbor*

*Hippo-
popota-
mi equi
fluuiatiles*

*Caima-
ni sunt
Croco-
doli
Ambize
angulo
porcus a-
quatilis*

*Lelūda
flumen.*

*Insula
Loanda*

etibus exprimunt. Captum animal ad regem deferre mos est; nefas enim, huiusmodi pisces, aut alios, quos regios dicunt, (quod soli regi seruentur) sibi piscari; quique celauerit, capitis adire periculum solet. Zairum ubi transieris, & coeptum per littus iter profequi volueris, incidēs quamprimum in Patroni promontorium, & haud procul inde in Lelundam flumen, quod ad pedem montis, cui Congus regni caput inædificata est, usque extenditur. Hinc ad flumen Ambrissum iter est, quod latum est, & commodum habet portum. Sequitur mox flumen Onzus, deinde Lemba; haud procul inde occurrit Danda, quod priusquam in mare se exoneret, in duo cornua diuiditur; horū quod ad Septentrionem vergit, Douda; quod ad Austrum, Bengo dicitur: hoc cornu vna cum alio flumine cui nomen Coanza, insulam *Loandam*, id est, terram planam, ab incolis nuncupatam, constituit. Caret enim montibus, & quinque nostrates leucas, id est, viginti Italarum millia passuum, (quatuor passuum millia unicuique leucæ, quod sequimur, attribuendo) patet. Sed angusta admodum est, & quæ aliquibus in locis ad teli iactum in latitudine non extendatur. si ad quatuor vel quinque pedes in terra foderis, aquam ad bibendum commodam in maris accessu inuenies; at in recessu, salis & amaræ. Hac in insula conchyliorum piscatio frequens est, quæ per vniuersum Congi regnum, monetæ loco vsurpantur. Vbi enim ad sola genua usque & paulo vltius aquam ingressus fueris, plenis educi sportis solent, quæ deinde in ripa mundantur, & à sordibus lapillisque alijs discernuntur. Exigua sunt admodum & varia, sed ad duo dumtaxat reuocari genera solent; alia masculina, femellæ alia dicuntur, quo-

quorum hæc maioris fiunt, quod fulgentiora, oculisq; gratiora. Quamuis autem in alijs Congi locis hæcce conchylia reperiantur, Loandēſia tamen alijs præferuntur, quod & ſplendidiora ſint & cinereum coloré, qui in cōchylis pretium habet, præferant. Hiſce omnia, etiam aurum & argentum, & quidquid ad victū ac vitam ſuſtentandā neceſſariū eſt, emuntur. In hac inſula gubernatorē rex habet, huius piſcatui præſidentem, conchyliaq; regio ærario inferri curantem, ad eo vt hæc auri fodinæ ſint loco. Vnde apparet, mundū opinione potius quàm ratione, etiam in rerum pretio regi; cū metallis, aurum præfertim & argentū, ubi que locorum non tanti, quanti in Europa ſiant, quibus nō modo honor, ſed & animæ ſalus ſæpenumero poſtponitur. Eſt hac in inſula etiā mira quædam arbor, quæ perpetuò viret, *Enſanda* nuncupata, quæ ſublimis admodum excreſcit, & crines, qui ramis illius depēdent in terram iacit, qui mox vt terram tetigerint, creſcunt, & matri magnitudine pares fiunt; adeo vt ingens regio, ab vno arbore, ſurculi niſi euellerentur, repleti poſſet. Sub exteriori cortice, lini quædam ſpecies deliteſcit, è qua contuſa & munda, plebecula veſtes parat. Iuxta hanc inſulam, ad latus maris plurimæ balenæ conſpiciuntur, quæ in ſe inuicem magno boatu inſurgunt ac ſæmiunt, adeo vt ob cruentum quod ineunt prælium, plures ſæpe in littore exſtinctæ reperiantur. Haſ incolæ diligenter per littora conquirunt, atque è pinguedine vnguētum quoddam parant, quo naues picis loco illinunt. Quamuis autem hic ſemper balenæ cernantur, Ambra tamen hic nulla, non grifea, quam vocant, nō candida, non nigra; è quo efficitur, non eſſe balenarum ſemē Ambram, vt aliquorum opinio eſt; cū

*Mundus
opinione
regitur
non ra-
tione.
Arbor
Enſanda*

hoc in loco, vbi tanta illorum copia, ne nomine quidem nota sit. Præcipuum insulæ emporium septentrionem spectat, in quo pagus est, qui à S. Paulo nomen habet, quemque Lusitani plurimi cum familijs incolunt; ad alterum insulæ latus ad Meridiem flumen Coanza est, quod ex paruo quodam lacu, qui eodem quo Nilus nascitur loco, originem trahit. Hunc incolæ Zebum vel Zairum vocant, & credunt nonnulli hunc Tritonum lacum à veteribus nuncupatum, quod plurimos hic Tritones vel Ichthyanthropos reperiri putarēt. Hic finis regni Congo, vti hodie distinctum est. Olim enim & alias complectebatur prouincias, quas iam regnum Angolæ appellant. Quoniam vero de hoc regno sermo etiam nobis instituendus restat, hoc omisso, in maritimæ huius partis descriptione, ad vsque illius limites progrediemur. Flumen igitur Coanzam, vbi Angolæ initium, cum transieris, in Promontorium Ledo, & aliquot alios fluuios incidēs, quorum primus Sunga vel Senga, alter Bengledi dicitur; circa quos modò dominium regulus quidam regi Angolæ vectigalis obtinet. Tâdem angustum emporiū occurrit, sed firmum & validum, quod à multitudine vaccarum circumquaque passentium, finum vaccarum nominant. Hi sunt veteres Congi limites occidentem versus: limites vero australes erunt, si ab emporio vaccarum ad montes argenteos rectâ processeris; argentei autem dicuntur à Lusitanis, ob argenti, quod ibidem eruitur, fodinas; regno Matamanensi ad meridiem relicto. Recta hæc linea centum ac tredecim nostrates complectetur leucas. Orientem versus, termini illius erit linea, quam fingere licet, à montibus argenteis, ad vsque cōfluuium Zairi fluminis & alterius quod Umbam nominant, pertranseundo scilicet montes quos à nitri copia montes nitri, Lus-

*Coanza
flumen*

*Angola
regnum*

*Sinus
Vaccarū*

*Congi
limites*

Lusi-

Lusitani indigetant, & alios quos Solis dicunt, quod ob altitudinem immensam solem tangere videantur; item alios, quos à venarum ChrySTALLINARUM abundantia, ChrySTALLI dixere; donec tandem in duorum illorum fluminum coniunctione finiatur, Linea hæc ad centum quinquaginta leucas extendetur. Deniq; ad partem Borealem, à prædicto fluminum concursu incipit, & ad vsque S. Catharinæ promontorium extenditur, quæ latitudo centum etiam & quinquaginta leucas complectetur. Hoc ad latus Congiani, populis, olim Bramis, sed modò Loangis vocatis contermini sunt; apud hos, uti & alios circumquaque, Iudæorum ritu, circumcisio in usu est. Vtcrius paulo ad Occidentem tendenti Anzi-
 Anzi-
 canorū
 barbari, & fe-
 roces ut qui maximè: deuorat enim alter alterum, barba-
 ries.
 utque apud nos bouina vel veruecina venalis exponitur, ita apud illos humana. Atque idcirco non inimicos dumtaxat bello captos, sed & mancipia, cum viua non tanti, quanti mortuorum caro in macello, vendi possunt, mactant. Sunt quinetiam, qui vltro magna animi præsentia & hilaritate sponte se iugulari permittunt, tum ut honorem ita sibi comparent (magnanimitatis enim indicium credunt vitam despiciere) tum ut suum in dominos affectum, propria illos pascendo carne, testentur; tum etiam, quòd vitam longiorem pertæsi mortem in votis habeant. Horum autem mentionem fecimus, quòd bello sæpius Congianos, ut suo dicemus loco, laceffant. Vniuersum verò regis Congianorum imperium in sex distinctum est prouincias, quarum maxima ac locupletissima Bemba dicitur, quæ ad
 Bemba
 prouin-
 cia.
 vsque oram maritimam pertingit, & à flumine Ambrizzo vsque ad Coanzam extenditur. in plures hæc præfecturas inferiores diuiditur, præfecti verò & rectores ipsorum lingua Mani dicuntur, quod

*Mani, id
est Do-
minus*

tantum sonat ac Dominus, adeò vt *Manibamba* Bembæ Dominum; *Manicoanza* dominum Coan-
zæ significet, atque ita de cæteris. Atque inde
patet decipi eos qui regnum hoc *Manicongo* vo-
cant; proximum enim illius nomen est *Congo*, *Ma-
nicongo* verò tantumdem significat ac Dominus
Congi, qui ad solum regem titulus spectat. Vrbi-
um Prouinciæ huius caput est Pausa, inter Onzum
& Ambrizzum fluuios, in loco plano sita, quin-
que & viginti à mari leucis remota. Haud procul
inde ad Orientem montes argentei incipiunt,

*Bemba
diuitia.*

qui ad Angolam vsque pertingunt. Prouincia
hæc tum ob conchylia, quorum numismatum lo-
co vbique est vsus, & quæ in Insula Loanda quæ
ad hanc spectat, magnâ copiâ colliguatur; tum
verò ob Lusitanorum in omnibus illius emporijs
commercia; ceteris est opulentior. Vnicis enim in
nundinis aliquâdo ad quinque mancipiorum millia
diuenduntur. Metropolis illius, totius Congi pro-
pugnaculum ac tutela est, quod Bembani ceteris
Congianis fortitudine & militaris disciplinæ sci-
entia præcellant. Tanto pollent robore & ijs viri-
bus, vt multos reperire sit, qui vnico hominẽ ictu

*Bemba-
norum
robur.*

à summo vertice ad medium vsque ventriculũ dis-
secent, & tauri mediocris ceruices penitus præci-
dant. Arma quibus se tueantur, oblôga & angusta
est cetra, qua totum corpus obtegant. Vnica hæc
Prouincia, si quando opus fuerit, Regi bellum pa-
ranti, quadraginta bellatorum millia, gladio, arcu
& clypeo instructorum suppeditabit. Animalia quæ

*Elephã-
rum gre-
ges.*

passim hic obuia, sunt elephantes, ceteris aliarum
prouinciæ maiora, & adeo frequentes, vt gre-
gatim per agros oberrent. Adeò vt à quo tempore
Lusitani Bembanorum frequentare cooperiat
commercia, ebur, id est elephantum dentes, tan-
ti, quanti prius apud Europæos pretij non sint, ob

ingen-

ingentem quæ hinc aduehitur eboris copiam. Tigridibus etiam abundat, iisque ferocibus, indæ- *Tigrides feroces.*
 thiopas maximè sæuiantibus, quos ubi reperiunt
 ilico frustatim discerpunt, candidi tamen & Euro-
 pæi impunè habere dicuntur. Est hic & animal ex-
 oticū, quod Zebam dicūt, muris nostratibus si for- *Zebra fi-
gura.*
 mæ spectes, nō ab simile, sed non ideo sterile; singu-
 lis enim annis, ut equi nostri, simile sibi gignunt,
 quibus incolæ, si modo domandi artem percalle-
 rēt, in sarcinis deferendis uti possent; hinc homi-
 num opera in earum gestatione utuntur; quin &
 ipsi ab iisdem, uti nos ab equis, gestantur. Incre-
 dibilis celeritatis sunt, adeo ut Lusitani inquilini
 pernitem ac promptum quemdam designaturi,
 Zebra eum velociorem, uti nostrates, ceruo cele-
 riorem, dicant. Colore à ceteris differunt anima-
 libus, strias quippe albas, nigras & rubras tres
 latas digitos, à dorsi spina ad imum usque ventri-
 culum, atque per totum corpus habēt. Sunt hic et-
 iam animalia bobus nostratibus persimilia, mino-
 ra tamen, & cornua caprarum instar recurua ge-
 stantia, alia etiam reuersa, ut cerui, nisi quod eno-
 dia sint. Oves & capræ a nostratibus non discre-
 pant, sed fecunditate Europæis præstant, utpote
 quæ non vnum dumtaxat foetum, sed geminos, ter-
 nos, imo & quaternos vno gestent utero. Reperias
 hic etiam Ziuettas, quas incolæ priusquam Lusita- *Ziuetta.*
 ni eodem appellerēt, domi, vnguinis illius pretio-
 si, quod ob odorem longè gratissimum magni ab
 omnibus fieri solet, colligendi gratia educabant.
 Sunt hic etiam serpentes immensæ magnitudinis. si
 enim ijs, quæ antehac relatu eorum qui viderunt
 scriptis prodidere, fidem adiungere fas est, reperie-
 nus hic, qui viginti quinque palmos longitudi- *Serpentis
ingens.*
 ne, & quinque latitudinē superabunt. modo in ter-
 ra, modo in aqua degere perhibentur, quoque

con-

*Serpentes
virulentum
si.*

commodius prædam captent, arbores interdum conscendunt, è quibus magna vi in animalia non procul inde pascentia insiliunt, quæ ubi occiderint, in silvarum conuehunt latibula, per otium deuoraturi. Qui ubi cibis sese ingurgitarunt, adeo vecordes & stupidi redduntur, vt vel puer occidat; atque hic stupor ad quinque sexve dies durare solet. Incolæ si quem inuadere queunt, esui adaptant, nec minus illis serpentum, quam nobis gallinarum caro sapit. Est & aliud serpentum genus adeo virulentum & noxium, vt si quem momorderit, intra quatuor ac viginti horarum spacium is expiret, nisi antipharma, quod aduersus morsus huiusmodi præsentissimum noruat remedium, ægro succurrant: sed hominum saluti diuina prouidentia consulens, signum serpenti huic dedit, suum quo aduentum prænuntiat; habet siquidem in cauda rotundam lagenulam, quæ dum se mouet, strepitum edit: hæc cardiacis doloribus ac febribus, vti & serpentis huius caput, mederi perhibetur. Auiibus etiam abundant, & imprimis struthionibus, quorum pennæ incolæ, pauonum intermixtis (quas pluri mi faciunt) in conis galearum vti solent. Phasianorum hic quoque, gallinarum Indicarum, columbarum, turturum, aliarumque auium, tum ob pennas tum ob carnis saporem maximi fieri solitarum, maxima copia. Lusitani mirum quoddam albicantium genus, hic reperiri solitum, Pellicanos vocant; natant hæc sub aquis, & piscibus victitant; harum pelles frigidis stomachi torminibus medentur. Psittacorum hic non exiguus est numerus, ac diuersicolorum quidem: auicularum quoque quarundam Canaricis maiorum, quæ iucundissimum edunt concentum, quo vt opulentiores perfundantur, domi easdem in caueis alere consueuere. Sed hæc de hac dicta prouincia sufficiant; ad alias accedamus,

mus; quòd enim de hac vna dictum, de alijs dictum putandum est.

Alterà nomen habet Songo, quæ à flumine Ambrizzo ad illud quod ab arena rubicunda nomen trahit, protenditur, & regno Loangæ ad septentrionem, ad orientem verò Anzicanis còtermina est. In meditullio huius prouinciæ vrbs est Songo nuncupata, in qua Regis Vicarius ac præfectus sedem habet, è familia regia seligi solitus: plurimos hic præfectos secundarios habet, in quos dominatur. Quòd magna hic sit Elephantum copia, vile est ebur, adeo vt integrum dentem elephantinum cum clauo ferreo permutent: ferro enim caret prouincia, aut fodinis ipsum educere, aut eductum, in cultros, enses, aliamque domesticam suppellectilem, conflare nesciunt. Tertia prouincia Sundo dicitur, quæ decem leucis à Congo totius regni capite, ad septentrionem exorditur, & ad flumen vsque Zairum, & vltra illius cataractas, vtramque fluminis ripam complectens, ad vsque Anzicanos, versus septentrionem pertingit: ad orientem verò ad vsque Brancaris & Zairi confluium, atque inde ad montes ChrySTALLINOS extenditur. Prouinciæ huius caput est iuxta cataractas vnde Zairus dilabitur, & nomen huic etiam Sundo. Hæc omnium totius regni prouinciarum primaria, ac velut regis patrimonium, cui primogenitus regius, vel quicumque regni futurus est successor, præesse vt plurimum solet, qui varios ditione sua Præfectos ac Gubernatores comprehendit. Chrystallo fertilis est alijsque mineralibus, quamuis non tanti hæc incolæ quanti ferrum faciant, quòd nulla ex his arma aut secures, aliaque quæ vsui sunt, parare, vti è ferro, queant.

Quarta Pango nuncupatur, territorio Congianæ vrbi ad Occidentem confinis, ad Boream verò e-

*Songo
prouin-
cia.*

*Sundo
prouin-
cia.*

*Pango
prouin-
cia.*

• eodem

osdem habet limites quas Sundensis prouincia. Ad Orientem ad montes Solis & nitri se extendit, & ad Meridiem prouinciam Battam, de qua iam iam loquemur, attingit. Metropolis olim nomen habebat Pangelungos, modò Pango, vnde tota prouincia nomen traxit. Mediam hanc diffecat Barbela flumen, quod ex eodem è quo Nilus, oritur lacu, & aliud quodam Aquelunda nomine, sed deinde in Zairum se exonerat.

*Batta
Prouin-
cia.*

Quartam Battam dicunt, quæ Pangensem ad Septentrionem tangit, ad Orientem montes Solis & Nitri, ad Meridiem verò alios montes quos *Queymados*, id est, vltulatos Lusitani nominant. Hanc esse prouinciam nonnulli putant, quam Ptolemæus alijque veteres Geographi Agezymbam dixere, & totius orbis habitabilis ad Meridiem, vltimam, ob immensos calores credidere; vix enim fieri putabant, quo minus homines vltius habitarent. Prouinciæ caput Batta etiam dicitur, quam sibi gubernator in sedem ac domicilium delegit, cui soli inter ceteros suis sclopetarios illius regionis stipendijs alere permissum, quod ne regis quidem filio concessum: huic enim si opus habuerit, externos, & vt plurimum Lusitanos, rex dare solet. Prærogatiuæ huius hæc est ratio, quod ad Orientem, vltra montes Solis & Nitri Barbari quidam commorentur, quos Congiani Giachas nuncupant, seipsos quamuis Agagios dicunt: hi non nisi raptu & latrocinij viuunt, & prouinciæ huius incolas magnopere infestant. Quare semper excubent & ad arma parati sint oportet, vt barbarorum impetum & insultum propulsent, ideoque sclopetarijs in primis opus habent, sclopetos enim barbari maxime formidant. Vnica hæc

*Giachas
populi
barbari.*

hæc prouincia septuaginta vel etiam octoginta armatorum millia subministrare potest.

Sexta & postrema prouincia Bemba appellatur, in aliarum medio ac velut in totius regni corde sita. In hac regum sedes, idque in vrbe, quam modo Congum, olim Banzam nuncuparunt, quamuis à Sancto Salvatore nomen illi imposuerint Lusitani. In septimo hæc constituta gradu & quadrante, latitudinis Australis, in altissima & durissima petra, duodequadraginta à mari leucis remota. Vrbs & omnis circumvicina regio, quæ quinque in latitudinem leucas patet, alium præter regem gubernatorem non agnoscit; reliquæ verò prouinciæ alius præest, qui in vrbe Pemba prouinciæ cognomini sedem habet, quæ ad montium vstulatorum pedê sita est; hanc flumen Onzon vel Onze alluit, quod è lacu Aquelunda nascês, cum bonâ prouinciæ partem pertransijt, in mare tandem se exonerat.

*Bemba
Prouin-
cia.*

Ceterum vrbs Congo, in qua rex commoratur, in montis sita est vertice, in quo planicies quædam ad duas cum dimidia in circuitu leucas, id est, decem Italarum milliaria patet. Salubris hic est aer & temperatus, quamuis sub Zona torrida constitutus. In hac planicie plurimæ sunt domus, quamuis duo tantum sint loca muro cincta, regis scilicet palatium, & locus quem Lusitani occuparunt. Eorum vterque quartam leucæ partem in circuitu patet, atque hic communiri muro coepit ex eo primum tēpore, quo Lusitani Congum incolere coeperunt; prius enim hunc ædificandi modum non habebant, quamuis lapide ad construendos muros aptissimo abundarent, sed eiusedē terrâ educendi inq; ædificia coaptandi non habebât industriâ, nisi postquâ id Lusitani edocuer. Inter Regis palatium & Lusitanorum domiciliū, ingens

*Congo
vrbs re-
gia, eius-
q; situs.*

ingens interiacet spatium, in cuius medio Metropolitana cernitur Basilica cum suo coemiterio. In reliqua montis planicie plurimæ sunt, tum magnarum ac principum, tum etiam reliquorum ciuium domus, quæ decem faciliè millium complebunt numerum. Non desunt hic horti, viridaria, agri frumentarij, imo nec pascua, & arbores fructiferæ. Locum hunc Reges Congi sibi in habitationem delegere, partim quod in regni sit veluti corde atque umbilico constitutus, quò facilius, si quis motus insurrexerit, ceteris regni partibus prospicere ac consulere possent; partim quod locus sit natura munitus ac quodammodo inexpugnabilis. Nam nonnisi vnicus ad montis verticem, in quo sita est vrbs, patet aditus, isque difficilis admodum & impeditus, adeo vt ascendere nemo, nisi summo labore queat, propulsari vero facile queant omnes. Ad montis radicem Celunda fluuius præterlabitur, circumcirca verò valles sunt & secundæ & exultæ, fructibus varijs & omnigeno frumento abundantes. Quorum præcipuum est, quod ab incolis *Luco* dicitur, semini canabino non absimile, nisi quod magnitudine superet. Ex hoc panem conficiunt, qui sapore & candore nostrati non cedat: habent & milium candidum quod frumentum Congi vocant. Oryzæ, quam granū de Mamputo, id est Lusitanicū (quod forsitan à Lusitanis inuecta sit) nuncupant, non adeo latus pronentus est, sed arborum feraciū hic ingens copia & diuersitas, ac præsertim citeorum, & malorum aurearum & Assyriarum, quarum fructus saporidi & iucundi; neque enim in acridinem, nec in dulcedinem vergunt. Variæ hic palmæ: hoc enim nomine complectuntur & eas, quæ dactylos ferunt, vt nostrates, & alias, quæ Indicis persimiles sunt: de quibus libro secundo dictum. Hæ illis, vti & suis Indicæ, oleum, vinum, acetum, fructus,

*Varia
palma.*

fructus, & panem subministrant. Oleum butyri & soliditate & colore persimile est, nisi quod paulo viridius; è fructus illius paratur nucleo, & butyri oleique vice fungitur, tum in cibis tum in lampadibus & vngendo. Vini ex hac arbore eliciendi hæc est ratio; arborè extremā perforant, & hinc liquor emanat, quē in lagenas admotas recipiunt. liquor hic initio lacti & colore & sapore est similis, sed tēporis lapsu paululū acescit, ac tū illis est vini loco, vt & inebriet; deinde interiectis aliquot diebus mirā acedinem induit, vt lactucę eodem, nō secus atq; aceto perfundantur. Quare dū recēs & mustum est bibere solent, idq; non ad voluptatē modò, sed etiam sanitatem, modò non excedant; nam præsentissimū aduersus lithiasin & dysuriā remedium est, ipsos etiam lapides in renibus cōminuens; nullus vt in vniuersa regione hæc sit morbis obnoxius. Alteri item arbori, cuius fructum Colā dicunt, palmæ nomen indidēre, nostris pinorū malis, si maiora sint, ille similis; nucleus internè quadripartitus est, & castaneę in morem, & ipse rubricās. Fructus hic famē & appetitum excitat, noxijs enim humoribus stomachū purgat, & corroborat, hepati etiam conducit, & paruo paratur; abundat enim. Est hic & aliud palmarum siluestrium genus, quæ præterquā quod fructum habeant esui suauē, mattas ad domos tegendas, sportas parādas, aliosque vsus humanos pernecessarias suppeditant. Ex his enim & lectulorum stragula & pannos conficiunt, è quibus vestes elegantes & cōcinnas corpori parant. Hunc in vsum sola folia subseruiūt, vtque plura habeant & subtiliora (quo filamēta tenuiora ducāt) quotannis ea expurgant, nec ex crescere eadē sinūt. Folia hæc purgata atq; vt par est parata, eo filāt modo quo nostrates linū, indeq; filamentum tenue, quale sericū nostrum, educunt; è quo diuersa

*Vinū pal-
mae lithi-
asi meda-
tur.*

*Panis 3
palmarū
folijs.*

*Palmarū
herū vs
us.*

pannorum genera parant, aliquos holoserico nostro ab utroque latere pares, diuersis & floribus & figuris variegatos; quin & alios qui damascenum nostrum vndulatum æmulantur; imo & specie quamdam serici subtilioris, quem, quod ceteris sit pretiosior, induere nemini præter regem, aut quibus hoc ille indulserit, fas est. Parant & alios hisce vi-
liores, imo & in plebeculæ vsum densiores. Adeo ut hic quisque iuxta dignitatem & facultates suas vestem gerat. De vestium forma alius erit dicendi locus. Lusitani verè stercas has ad tentoria & nauium vela adhibent, vento enim & pluuiæ sunt imperitiæ; quin & ijs vestire se abhinc annis aliquot cœpere. Verum ut ad plantas redeat sermo, est in Congo & aliud arborum genus, quas incolæ Ogeghas appellant; fructum illæ ferunt prunis nostris similem, coloris subflauî & saporis suauissimi, atque in construendis ædibus vsui sunt, idque hunc in modum. Ramos plurimos trunco præcisos terræ inferunt, iuxta se iuicem, ut se inuicem pene contingant; facile famiradices agunt, atque in arbusta crescunt, itaque sibi mutuo implectuntur, ut murum quodammodo constituent: atque hic illis est paries; adeo ut etiam parietes intermedios & locum vnum ab altero discernentes, prout domi voluerint, arbor hæc discriminet: ligna deinde leuiora super.ijciunt, quæ primo stramentis cooperiunt, deinde storeis diuersicoloribus, quæ simul & tegumento & ornatui sint. Hæc est ædium Congensium parandarum ratio, quæ omnes vnius contignationis, & lignæ. Lapide quamuis abundant, marmore, porphyrite, & iaspide, non vtuntur; quod, uti dictum est, eius vsum ignorent.

*Ogegha
arbor pa-
vandis do-
mibus
utilis.*

*Ratio do-
morū cō-
struenda-
rum apud
Cōgianos.*

*Temperata
regio.*

Ceterum regio, quamuis Zonæ Torridæ subdita, non tanto, quanto credidere veteres, æstuat calo-

calore. frigus tamen durius non habet, quam nostrates autumnii tempore; adeo ut ignis ad calefaciendum aut vestium pellitarum, aliarumque rerum ad frigus propulsandum commodarum nullus hic sit usus. hyemis & æstatis exiguum norunt discrimen, nisi quod brumali tempore, aer, ob assiduos imbres, sit frigidiusculus; at ubi illi deciderint, calor tam hyemis quam æstatis, duabus ante ac post meridiem horis, pene intolerabilis est. Perpetuum propemodum æquinoctium habent, id est, pares nox & dies habet horas, nisi fortè quadrantis aut circiter, discrimen statui possit. Hyems

Æstat & hyës quales in Cæ.
go.

Congiana tunc incipit, dum Europæi vere gaudent, & sol signa Septentrionalia subit; hæc ab Aprili in Septembrem usque extenditur; tunc quotidie aer aut pluuius aut nebulosus. Tanta porro imbrium copia est, ut quavis terra maxime arescat, (Tota enim æstate, quæ à Septembri ad usque Aprillem durat, non pluit) breui penitus madefcat; atque inde tanta fluminibus aquarum copia accedit, ut latè per agros stagnantia exundent. Atque hæc inundationis Nili aliorumque Africæ fluviorum est causa. Quæ Congianis mira aut noua non videtur; vident enim eam ante oculos, imbres, inquam, assiduos, qui quotannis certa anni tempestate decidunt. Alijs verò populis, & præsertim Aegyptijs, qui pluuiam penitus ignorant, (numquam enim in Aegypto pluit) admirabile videtur & nouum, quod à Iunij fine ad usque vigesimam Septembris diem aut circiter magna aquarum vis latè per omnem regionem stagnet, magno & fertilitatis & fecunditatis indicio. Sterilis alioquin ager nullum fructum proferret, cælitus non irrigatus; at inundatio hæc ita fertilem & vberem reddit, ut cum feracissima sit prouincia comparandus. Veteres porro

Inundationis Nili causa.

tudine est ouis, pilo caret, sed squamato est corio,
eoque viridi. Multi Congensium Dynastæ, interea
dum idolorum cultui dediti essent, huiusmodi do-
mi animal magnis sumptibus alebant: cruda nam-
que victitat carne. sed magnam quoque inde uti-
litatem colligebāt. varia enim populus idolo do-
naria offerebat; atque ideo interdum conspicien-
dum illi dabant. quidquid verò offerebatur in il-
lorum commodum cedebat. serpentes adhæc &
colubros immensæ magnitudinis viuos etiam ad-
orabant; quin & hircos, tigrides, bubones, aliaq;
animalia feraia & visu horrenda; quo enim eadem
& tetriora & terribiliora, eo maiorem illis cultū
deferendum putabant. Quin & vltius eorum
processit vesania; cultum enim & honorem soli &
vni Deo debitum, arboribus, herbis, alijsque plan-
tis insensibilibus, imo & lapidibus, lignis alijs-
que rebus inanimatis deferebant, diuersimodè ea
formâtes & figurantes, quibus aliquod inesse nu-
men credebant. Ipsæ quoque mortuorum anima-
lium exuiæ ac pelles (quod longè vesanius) fœno
& stramine infertæ, à misellis & cæcis mortalibus
vt numina colebantur. Ceremoniæ verò & ritus,
quos in deorum cultu adhibebant, erant varij, o-
mnes tamen ad hoc spectabant, vt idolis aut dæ-
moni in ijs latitanti aliquod obediētis ac submis-
sionis signum exhiberetur. Geni, vt plurimum,
numini flectebant, faciem solo illidebant, vultum
puluere opplebant, aliaque humiliationis submis-
sionisque edebant argumenta, denique quidquid
domi aut carum aut rarum erat, idolo offerebant.
Persuadebant popello sacrificuli, magnam horum illorū sa-
minum esse potentiam, precibus supplicantium crificuli.
intendere, & omne quod habebant bonum, ijs lar-
gentibus descendere: quod si quis æger, inuocato
aliquo numine, sanitati esset restitutus, deorum id

*Ceremo-
nia quib.
in deorū
cultu vti
bantur.*

*illorū sa-
crificuli.*



ope consilioque factum dicebant; si vero morbus ingrauesceret, numen iratum iactabant, ideoque sacrificijs ac donarijs placandum. Hæc sunt, quæ de Congianorum religione sacroque ritu scriptis tradita ad nos peruenerunt.

*Horum
politia.*

Politica eorum ratio hæc est. sunt qui tradant regem omnium quas subditi possident facultatum dominum esse ac proprietarium; nemo ut quidquam suum iure dicere queat, possideat, filijsque quidpiam sine Regis facultate, legare possit. Rex vero prout lubet de singulis disponit, dominia & possessiones sine ulla ratione aut causa, sed pro libito his aufert & his cõfert. Sed rarius hoc est, & non nisi ratio prægnans requirat: bis per hebdomadam ius petentibus intendit, nemini tamen nisi Principibus loquitur, ac illi velut interpretes disceptantibus regis voluntatem indicant. Lites quamprimum dirimuntur, scripto quippe non agunt, scribendi prorsus ignari. Actiones criminales etiam breui finiuntur; superius enim, quod appellent tribunal non habent rei; rarissime morti adiudicantur malefici, sed vel in seruitutem abripiuntur, vel solum vertere coguntur. Satius enim & æquius putant, homines ad officium & delicti agnitionem, calamitate & ærumna doctrice, quam hic perpetuantur, deducere, quam sine ulla facti poenitentia à vita tollere. Si quando Lusitano cum Congensi lis est, apud iudicem indigenam causam disceptat; si vero Congensis Lusitano actionem intetat, Lusitanicum tribunal adit, quod Regis permissu in regno Congo habet; atque Iudex hic iuxta Lusitanicum ius litem dirimit. Nulla apud hos de rebus præteritis historia, quod scribendi ignari sint; dies, noctes, & alia ite tempora per horas non distinguunt, sed per lunationes. Si quid rerum præteritarum cõmemorent, aliam illius memoriam

*Scribendi
scientiam
non callent.*

moriã

moriam non habent, quam illo & illo rege hoc cō-
tigisse. Varia apud illos instrumēta musica, quibus
in festis solent ad animi recreationē vti, quin &
testudinis quoddā genus quāuis à nostrate penitus
diuersum. Tibiarū hic quoque est vsus, & ad illa-
rum sonum pyrrychiam suā eleganter, ac nobilio-
res præsertim, saltāt. Cum gētili adhuc errore oc-
cecati tenerētur, tot vxores habere fas erat, quot
vellent aut alere possent; sed Christiana iam fide
imbuti omnes, præter vnam, quam legitimè ducūt,
repudiarunt. Aegri simplicia medicamenta, quorū
vsum natura edocuit, vsurpant. Inter cetera arbo-
ris cuiusdam corticem, qui in puluerem cōminu-
tus, & iusculo temperatus, tam leuem alui purga-
tionē causatur, vt qui sumpsit, obire mania sua si-
ne villo impedimēto, eodē die queat. Febres (quæ
communis hic morbus, & hieme præsertim, pluui-
arum tempore) ligno rubicundo, quod Sandalum
vocant, curantur, quod comminutum, oleo pal-
meo, pari vtrimque copia, commiscent, atque hoc
vngvine febrientis corpus à capite ad imos vsque
pedes, perungunt, itaque sæpius sanitati restituū-
tur. Eadē quoque ratione morbo Gallico, qui fre-
quēs hic, medentur. Cephalalgiam vt pellāt tēpō-
rum venas adaperiunt, & per cornua quædā mino-
ra, quæ aperto loco admoquent, sanguinē exsugūt,
donec omnis euauerit dolor. Hanc item curandi
methodū in alijs corporis partibus, quæ male ha-
bent, vsurpant. Vulneribus herbas quasdā, vel suc-
cū illarum applicant, & propediem curātur. Casia
fistularis, de qua aromatopolē sibi prospiciūt, hic
abundat. Tamarindi quoque magna hic copia &
Cedrorum, quæ passim hic obuiæ, ac præsertim in
fluuij Lelundæ ripis; & plurimæ cedro hic para-
ri naues queant: incolæ nonnisi ad struendum ig-
nem lignum hoc adhibent. Alia iam vestiendi

*Musica in
strumēta.*

*Vxorū
copia.*

*Morbis
quemodo
medantur.*

*Casia &
Tamarin-
do abundat
Congru.*

*Regis &
Principū
vestiendi
ratio ve-
tur.*

apud Congenses ratio quàm olim, prius quàm Lu-
sitianorum huc naues appellerent, & Europæorum
commercio excolerentur. Hęc enim regis & Prin-
cipum vestis forma erat. Ab vmbilico infernè te-
nuissima tela, quæ è palmarum folijs, vti diximus,
parabatur, tegebantur, pectus pelliculis subtilio-
ribus, vel catulorum tigrinorum, vel ciuettarum,
aut aliorum etiam animalium, pili mollioris, cō-
muniebant. Vt verò decentius & venustius hoc
schema foret, in humeros capita horū animalium
adaptabant; deinde pallio è filamentis quibusdam
tenuioribus, retis instar cancellatim contexto, sed
laxo cooperiebantur, quod ad vsq; genua deflue-
bat. habebat hoc circumseciis infernè fimbrias ex
eadem materia, sed floccidas & diuersicolores ac
variegatas: pallium in humerum dextrum cōvolu-
tum reijcere moris erat, quo manus foret liberior,
atque hinc cauda Zebrina, ad instar equinæ, depē-
debat: sunt tamen qui hoc proprium regis orna-
mentum fuisse velint. Caput pileus cooperiebat
punicus aut flautis, qui in summitate quadrangu-
laris, sed angustus adeo ac strictus, vix vt capitis
tegeret verticem. Potior nobilium pars nudipe-
des incedebant; Rex verò & Principes digniores
cothurnati, quales veterum Romanorum statuar.
Plebeiij à pube ad mediam tibiam dūtaxat, palma-
tis se storeis tegebant, ijsq; vilioribus, quā Prin-
cipum, Femineq; olim triplici veste vel toga vtebā-
tur, quæ pubi adhærebant; & alterā erat longior
altera. inferior ad talos vsque demittebatur, secū-
da genua tangebat, superior ad genua non pertin-
gebat: suo erat vnaquæque cingulo corpori ad-
stricta, infernè fimbriarum more flocci depende-
bant. Pectus velo tenui cooperiebatur, & hume-
ri palliolo breuiori; & singula è palmarum erant
contexta folijs. Vittæ redimibat caput vel pileo,
qualis

*Populi
vestis.*

qualis virorum . Is erat feminarum nobilissimè vestitus . Plebeia eodem vestiebantur ritu , sed panno non adeo subtili : pauperculæ ab umbilico ad mediam usque tibiam tantum se cooperiebant , & panno secundo & spissiori . Hæc igitur veterum Congianorum tam virorum quam feminarum vestimenti fuit ratio : modò verò rex & Magnates Lusitanico ritu vestiuntur , pallia serica vel purpurea parant , vel ex optimo qui ex Europa deuehatur panno . Calceos vel sandalia gestant , è corio vel serico aliave materia confecta ; ad latus gladios ferunt latiores , at breuiores . Plebei veterem vestis formam non exuerunt , vti nec mulieres ; sed ditiores & nobiliores , Lusitanas mulieres in vestitu æmulantur , præterquam quod velo caput non obnubant , foras dum prodeunt , vti in Lusitania moris est ; quin & pileolos capite gestant , vittarum instar , auro & gemmis graues . Aliæ quoque aureos collo gestant torques infiniti pretij . Christiani igitur barbaros luxum vestium edocuere , sed modestiam Christianam oportuit . Rex quoque splendorem & magnificentiam regis Lusitaniæ quam proximè æmulatur tam in vestibus quam in mensa & vniuersa familia . Publico in theatro , quod tapetes tegit Indicus , coram omnibus cibum sumit , solio insidet lapidibus pretiosis auro insertis locupletato , scabellum heteromallo serico puniceo conuestitur . Comedens mensæ accumbit solus , magnates nudo astant capite ; vasa aurea & argentea mensæ regis inferuntur ; suos quoque habet carptores & prægustatores priusquam degustet . Anzicani ut plurimum circa palatium armati versantur , eumque dum cum suis foras prodit , stipant ; quin & Lusitani , quos hunc in usum in aula paratos habet , eumque quocumque se contulerit , comitantur ; plurimum namque his fudit , & pluris

Nona Regum & aliorum vestis.

Christiani barbaros vestium vanitatem docuerunt

illos ex quo cum ijs amicitiam contraxit, facit, quam omnes suos. At videndum iam restat quomodo in Congum Lusitani venerint, quidve ibidem gesserint.

CAPVT II.

Quomodo Congum Lusitani detexerint, Regemque Annul & filium illius natu maiorem, necnon plurimos Principes ad fidem perduxerint.

ANNO salutis humanæ MCCCCLXXXIV. Ioannes eius nominis secundus Lusitanæ rex, omnem Aethiopiarum oram, quam Oceanus alluit occiduus, detegere per suos cum decreuisset, num quis ab Atlantico in Eoum Oceanum vel mari vel terra transitus foret; aliquot naues nobilissimo & impigerrimo viro, Iacobo Cano equiti aurato tradidit. Hic cum D. Catharinæ promontorium præteruectus esset, ad ostium ingentis fluminis (Zairi scilicet, cuius supra mentio facta est) quod octo leucas in latitudinem patebat, peruenit; quare aquarum natura perspecta, utramque fluminis ripam habitari verisimili coniectura credebat; ideoque ulterius progredi statuit. Secundo igitur æstu delatus longius, & aduerso flumine subuectus, errantes passim greges vtriusque sexus videt, alio colore vibratoque capillo, ut ceteros quos antea vidisse contigerat Aethiopes, sed labijs minoribus; ipsa quoque vultus lineamenta formaque non tam tetra ac deformis, quam Guineæ superioris incolarum; quæ regio cis Congum est, à nono latitudinis Septentrionalis gradu, ad vsque secundum Australis. Hoc enim nomine regionem hanc modo Lusitani indigetant, ut à regnis Congo & Angola decernant, quam Guineam inferiorem dicunt. Barbari ita-

Iac. Canus eques

Zairi de regis.

Guinea superior & inferior.

Itaque nouo candidorum hominum suas in terras
 aduentu percussi (insolens enim videbatur) simul
 & recreati, sese aduenis tanta securitate crede-
 bant, vt eorum quoque nauigia sine vlllo metu vel
 suspitione inuisendi gratia, lenibus dumtaxat
 munusculis & benigno vultu inuitati, conscen-
 derent. Veteres amicos vel consanguineos Lusita-
 norum dices, si communio linguæ intercessis-
 set. sed vtrinq; nutibus agendum fuit. Quia nix
 enim varios Canus secum duxisset interpretes,
 qui plures Africæ linguas callerent, tamen è tan-
 to numero iuuentus est nemo, qui gentis idioma
 teneret. quamobrem è signis ac gestibus illorum
 mentem ac sensa colligere oportuit: quibus haud
 ægre cognitum est, præpotentem regem, qui longè
 lateque dominium exerceat, cuique cuncti pare-
 ant, plurium dierum itinere introrsum abesse. Quo
 audito Canus aliquot è suorum numero ad Regē vt
 dirigāt rogat; quod haud difficulter obtinuit, mu-
 nusculis eorum sibi fauorem concilians. Quare qua-
 tuor Lusitanos intrepidus & audaces ad Regē cum
 muneribus destinat, quibus vt ad præscriptum tē-
 pus redirent, mores quoque incolarū & loci natu-
 rā notarent, imperauit. At quod vltra terminum
 moram traherent, & æquo diuturniorē, anchoras
 sustulit, secumq; quatuor Congianos, qui naues ex-
 ploraturi venerant, quos ceteris præstantioris iu-
 dicabat indolis, in Lusitaniam asportat; persancte
 pollicitus, quintadecima leuca (qua temporum ibi
 momenta obseruātur) sese illos Dei gratia, in colu-
 lumes patrio redditurum solo. Inter nauigan-
 dum ij quotidiano Lusitanorum contubernio, Lu-
 sitanici sermonis consuetudinem nacti sunt, adeo
 vt ad Lusitanix regem deducti, de Congi regno
 (sic enim appellari deniq; patuit) deq; eius opibus,
 ritib; religione cūcta ex fide atq; ordine retulerint.

Eorum

*Canus su-
os ad regē
Congo de-
stinat.*

*Quatuor
Congianos
in Lusita-
niam de-
uehit.*

*Rex illo-
eū aduen-
tu lata-
tus.*

*In Congū
reducun-
tur.*

Eorum aduentu Ioannes rex mirificè recreatus, & omnes Lusitanix Principes, alienigenas de varijs incognitisque rebus loquentes audituri, ad regiã vndique confluerant. Rex collaudata Cani prudentia, nouos iubet hospites in primis benignè & copiosè tractari; cumque ex ijs multa per otium, quæ de Congo pernosce volebat quæsiisset, veritus ne longior mora Lusitanis obsidibus aliquid afferret detrimenti, Cano mandat, quamprimum ut Congum repetat, & AEthiopas quamoptimè rursum acceptos in patriam reportet, atque in itinere omnia illis benivolentix signa exhibeat, suosque recipiat: tum vbi vltiora AEthiopix lustrarit, in reditu ad Congi regem adeat ipse, eumque (vbi in familiaritatem illius se insinuarit) ad veri Dei, rerum omnium conditoris & opificis, cognitionem ac fidem Christianam, quæ sola vera, perducatur. Nec mora, tempestatem idoneam nactus Canus, mare conscendit, cumque suis obsidibus in Congum nauigat: tandem post multas maris difficultates ac discrimina, rectà in flumen incidit, iuxta quod quatuor illos Cógianos repererat: vnũ in regiã destinat regem qui obsecraret, Lusitanos, qui in regno versabantur ad suos ut remitteret; simul promittens hos qui supererant incolae, nauibus detentos, se quam primum suis restitutum. Habere se quoque in mandatis regem coram alloqui, atque vbi negotia nonnulla expediisset, se quamprimum ad regem aduolaturum, & regis Ioannis mandata expositurum. Nuntius hic ut in regiam peruenit, sine mora, quæ in mandatis habebat, iussus est aperire. audita enim Cani postulatione, quatuor quos habebat obsides, duce quodam Congiano, ad Lusitanum remisit, quos ille cū Congianis bona fide permutat, Regi quæ è Lusitania aduenerat donaria destinat. Tantæ porro munera hæc

hæc, & quæ de Ioannis Regis virtute magnificentiæque referebant obsides, quem maris in cœlum extollebant laudibus, fuere efficaciz, vt Regē Lusitaniz quamuis absentem & ignotum incredibili ex eo sit tempore beneuolentia persecutus. Canus interim, ne temporibus excluderetur, continuato in præsentia cursu, leucas vltra regnum & flumen Zairum ducentas prouehitur. Inde Congum reuectus, mira gentis gratulatione ad regem ipse cū amplis muneribus, & egregio comitatu contēdit. Exinde pedetentim Canus, quemadmodū in mandatis habebat, ex occasione sermonem de rebus diuinis inferre, ac regem exhortari, vt, cū occasio sese offerret, spretis inanibus idolis, vnum Deum cœli terræque vniuersæ conditorem agnosceret. Atque hoc loco vel maximè patuit ad conuertēdos animos, quanto plus in perfectā ac sincera charitate quàm in fucato verborum apparatu, & sermonibus inanem colorem præferentibus, aures dumtaxat & non corda ferientibus, sit momenti. Militaris homo erat Canus, & ferro potius quàm literis assuetus, nihilominus prudentia sua singulari ac pietate plus apud regem profecit, quod eū ad Iesu Christi fidē perduceret, quā forsan sublimis aliquis & eloquentissimus Theologus. Rex igitur tum officijs quæ Canus præstabat, tū verbis illius, quibus summopere afficiebatur captus, ac præsertim diuino incitatus Spiritu, sine quo nihil aut cogitare aut agere boni aut animæ salutare homo potest, tātō cognoscendorū vltērius fidei nostræ mysteriorū desiderio exarsit, vt aures ad Canū semper sitientes afferret, atque ipsemet vltro multa de religione quotidie percunctaretur. Magnam igitur de eadem tandem opinionem concepit, simul & ardentissimum illius amplectendæ desiderium: quinimo in eundē animi sensum, familiares quoque

*Quid de
Rege Ioa-
ne Congi-
ani regi
suo refer-
rent.*

*Rex Cōgi-
Christia-
nus esse
vult.*

que suos & regni procures apertè monendo hortandoque pertrahere satagebat. Regi sanctè monenti hignauiter auscultabant, præsertim cum internus auræ coelestis afflatus accederet, qui cecās Aethiopum mentes ad rectum salutis iter occultis motibus prouehabat. Iamque agro ad Euangelij semetem accipiendam subactō, Cani reuersionis tempus instabat. Quem rex, tamen aduocatum sibi in Lusitania videbat fore, sperabatq; breui illū aut alium quendam in Congum rediturum, pro instituta consuetudine, & singulari quo cum prosequeretur affectu, perinuitus dimisit; deditq; proficiscenti comites pueros nobiles, præfecto Zacuta, vno eorum qui nuperrimè in Lusitaniā profecti fuerant; cui etiam atque etiam mādāt, primum ut suo nomine Ioanni regi, pro immortalibus eius in se beneficijs gratias agat ingentes, deinde ab eodem quam enixissimè petat, ipsum oratorem & pueros coelesti lauacro expiatis, & Christianis præceptionibus probè institutos, cum pijs aliquot summi Dei sacerdotibus Congum remittere ne grauarietur: vehementer & inprimis optare se, cum liberis & propinquis, & regno si fieri posset, vniverso, Christiana sacra suscipere. Legationi addit munera, Regi Ioanni. deferenda, tum ut muneribus prius ab eodem acceptis reciproco donario responderet, tum ut suum in illum affectum quamque intire amicitia veller, patefaceret; missa igitur magna eboris vis, & permulta vestis (nam hæc tum Aethiopum gaza erat, nihilque iisdem habebatur pretiosius) è palmarum folijs admodum scite atque eleganter contexta. Redit in Lusitaniā Canus; & Zacutam cum pueris in Regiam perducit; & quod à rege in mandatis habebant, simul omnes exposuere. Ioannes ut erat egro-

*Legatos
ad regem
Lusitania
cum muneribus
destinat.*

egregiè pius, ea legatione gaudio maximè est cum-
mulatus, cum tantam hic Euangelio portam pan- *Zacutach*
di cerneret. Zacutam igitur & pueros hosce no- *pueri no-*
biles Christianis iubet præceptis institui, quan- *biles Cõ-*
tum ad baptismum suscipiendum videbatur ne- *giani in*
cessarium; quare simulatque maturum visum *Lusitania*
est, festo ornatu & solenni pompa Ioannes & *baptizam-*
Eleonora vxor Zacutam, pueros alios alij prin- *tur.*
cipes viri, vètere Ecclesiæ instituto, lustrali-
bus aquis gratulabundi admonere: & Zacutæ
quidem Ioannis; ceteris vero sponsoris cuique
sui nomen impositum. Baptismo peracto, con-
festim idoneis traditi præceptoribus, vt fidei no-
stræ mysterijs perfectius imbuerentur, & Chri-
stianis moribus assuescerent. Totum hic bien-
nium impensum, quo simul etiam Lusitaniz
linguæ vsum habuere.

Plenam itaque cum omnium fidei Chri-
stianæ mysteriorum cognitionem habere e-
eos doctores iudicassent, tres instrui Ioannes
nanes iussit, quas Gonsaluo Sosa, illustri fa- *Legatos*
milia nato concredidit; hunc suum in Con- *mittit rex*
gum legatam esse voluit, eique amplissima & *Lusitania*
regalia (Sacrorum hæc apparatus erat magnifi- *ad Cong*
cus) dedit munera, quæ Regi deferret: ne- *regam.*
que neophytos modò ad suos remisit, verum et-
iam è sanctissima Dominicana familia viros
tres probatæ virtutis ac doctrinæ delegit, vt
Regem simul & subditos omnes sacra fidei no-
stræ mysteria edocerent, & sacro baptisma-
te tingerent, simulque & alia Sacramenta,
quorum administrandorum facultatem na-
cti erant, conferrent. Grassabatur ea tem-
pestate vehementer Olissipone pestis, quæ
naues etiam contagione infecit, adeo vt
etiam Gonsaluum Sosam in medio itinere
absum-

*Regis pa-
truus vel
socer bap-
tismū suū
scipit cū
filio mino-
re.*

absumpserit, cui omnium suffragio ac voluntate Rodericus fratris filius sufficitur. Porrum feliciter naues tenuere. magna interim apud Aethiopas erat expectatio nouæ religionis, & cum ceteri fermè summi atque infimi Christianorum aduentum valde expetebant, tum vero audissimè regis socer, vel, ut alij sentiunt, patruus, qui Sognēsis Congi partibus imperabat. Is ut primū naues ad littus applicitas audiuit, obuiam processit ingenti stipatus Aethiopum frequentia, qui magno cymbalorū ac tibiarum strepitu, (quibus in festis publicis perstreperē solent) occurrerunt, vix præ gaudio sui compotes, & Zacutam puerosq; simul & Lusitanos, qui ad regem tendere debebāt, mox ut nauis descenderant, magno animi gaudio exceperē. Inprimis verò regis patruus, vir prudentia laudabilis & senio venerabilis, incredibili se affectum lætitia indicabat, cum se iam iam per fidē & baptismi aquas renasciturū præfagiret, quod summo perē desiderabat. Quoniam verò exacta iam ætate erat, ne oblatam sibi diuinitus occasionem frustra labi sineret, baptizari se statim voluit, vnā cum altero ē filiis paruulo, quippe qui per ætatē sibi consulere nondum posset: alterum iam adultū, quamquam eodem studio vehementer incēsum, & obsecrantem etiam atque etiā, ne se cælestis illius beneficiij expertem vellet, honoris tamen & obseruantix causa, Regi, Regisque liberis in tanto mysterio anteuertere non est passus. Temporario igitur tēplo ē frondibus ac ramalibus raptim excitato, aræ tres Christiano more adornantur, ac sacris rite perfectis à Patribus Dominicanis, primus deinde ex omni memoria, quod equidem sciā, baptismus ille in ijs terris incredibili omnium, tum incolarum tum Lusitanorum lætitia celebratus est anno post Christum natum MCCCCXCI. & dicto

& dicto gubernatori illius prouinciæ collatus.
 Patrem nouo nomine Emanuelem vocari placuit,
 quod sciret regem Lusitanix cognatum esse, vir-
 tutibus eximium eodem qui nomine diceretur,
 filio verò Antonij nomen imponi. Magno zelo *Eius ze-*
 fidem Christianam Princeps hic arripuit, vt tum *lus & fer*
 è vultu, tum ex omnibus actionibus colligere-
 tur, intellectum nouo quodam lumine cœlitus
 illustratum, & voluntatem erga Dei cultum mi-
 rificè affectam esse: nec satis ei fuit, tanti se boni
 factum esse participem, sed etiam aduocata con-
 cione ipsemet è superiore loco in simulacra
 & nefarios ritus, quibus ad eam diem deditus fu-
 erat, adeò acerbè inuectus, & præteriti tempo-
 ris errata & flagitia tam grauiter ac dolenter est
 detestatus, vt animo planè immutatum ac Deo
 plenum, ac præteritorum poenitentem haud du-
 biò demonstraret. Ijs rebus cognitis maiorem in
 modum lætatus est Congi rex; præter gratulati-
 onem ad patrui ditionem ac fines munificè adie-
 cit agri, quod leucas in longum triginta, in la-
 tum decem pateret. Quo tanto de se regis iudi- *Idola de-*
 cio magis magisque animatus Emanuel, ad su- *struit plu-*
 periora Christiani animi documenta non minus *rima.*
 præclarum adiunxit aliud: siquidem graui edi-
 cto conquisita vnum in locum vndiq; idola gau-
 dens, quamquam multis idægrè ferentibus, & in
 cumulum congesta, publicè concremauit. Præ-
 terea Christi sacerdotes, quamdiu ibi substitere,
 tamquàm è cœlo delapsos, omni officio profe-
 qui & caritate complecti; de fidei mysterijs, de-
 que varijs virtutum generibus assidue percuncta-
 ri; Deum verò suppliciter obsecrare, vt quando
 multo maximam vitæ partem in cacodæmonis
 famulatu posuisset miser, quantumcumque su-
 peraret temporis, totum id in Christi Domini
 cultu

*Magna
animi pi-
e
oro inter-
est.*

cultu & in vera pietate impendere sibi liceret; prout fides, qua imbutus erat, edocebat. Iam rei diuinę quanto cum silentio, reuerentiane, vel tremore potius ac metu interesset, ex eo patuit, quod alios eadem pietate volebat sacris intendere. Quodam namque die sacrum cum audiret, honorarij ephebi, Principum filij, ad templi ianuam strepitum edebant; quod cum is indignū & nefarium crimen iudicaret, augustissimum sacrificium, in quo Dei filius pro hominum salute immolatur, ita negligi, mactari illico imperauit. Itaque dubio procul adolēscētes leuis & quotidianę apud nos, (quod pudeat) noxę, pœnas capere ipso luissent; nātātem ac genus miserati, ac diuinę insuper clementię memores Lusitani, vehementius obstitissent; edocentes, Deum quamuis alioquin iustissimum, tamen etiam clementissimum, in delicta nostra nō eo ac debet animaduertere supplicio, ac velle, homines in eo se vt sequerentur.

*Legatū ad
se Congi
rex ac-
cessit.*

Interim ab Congi rege adsunt nuntii, legatum orantes ne aduentum vltra differret, regem in vrbe regia patrui baptismo & conuersatione lætissimum, festos agitare dies: nihilque illi esse longius, quam vt, elutis toto animo sordibus ad filiorum Dei cœtū vnā cum ceteris aggregetur. Hoc nuntio accepto, morę nihil interponendū est visum. nauibus modico relicto præsidio, Sosa comitesq; se in viā dedēre. Quibus in digressu, præter ceteram benignitatem, ducentos etiam stipatores Sognensis præfectus Emmanuel tribuit; itemq; ad onera subeunda, vim hominū numerosam, magna animi alacritate quis potissimū sacra supellectilē baiularet, inter se certantiū. Vbi ad mediū ferme iter ventum est, præfectus regius vnus ac postmodum & alter, officij causa Lusitanis occurrit, qui

Regis

Regis nomine illos exciperent, magna procerum
 caterna subsequēte, quę varia amoris signa edebat
 seseq; illorū aduentu non mediocriter recreatam
 ostendebat. Advrbē vero appropinquātibus oppi-
 dani tripartito agmine obuiam prodierē, de more
 gentis armati, Lusitanię laudes & pręclara in se
 beneficia carmine cōcinentes: ita structis ordinib.
 & eiusmodi gradu ac symphonię genere, vt suppli-
 cantium apud no. pompę speciē quandā exhibe-
 rent. Modos in bant pauci, tum ceteri subsequēbā-
 tur, ac subinde vniuersi plenissimo sonitu, elatis in
 spatia certa vocibus æthera ferebāt. Hi Lusitanos
 ingenti gaudio in mediū acceptos eodē ordine ad
 regiā vsque perducunt, tanto populi cōcursu ac
 turba ita cōferta, vt Lusitanis aditus ad regem vix
 atq; agrē patuerit. Is in edito suggestu, vt ex omni
 parte conspici posset, eburnę sellę insidebat, mi-
 tratus in sulā ē palmę folijs opere subtili & elegā-
 ti perfecta: à capite ad pubē nudus, cetera, ad pe-
 des vsq; vestis bōbycina contegebat; læuum bra-
 chiū arinilla ex orichalco adornabat, Zebrina vel
 equina cauda depēdebat ex humero. Sosa legatus
 ad rege deductus, magnū illi prout par erat, hono-
 rē exhibuit, rex quoq; pro gentis modo honorifi-
 cē quoq; illū excepit. Salutatiōne peracta, exposi-
 tisq; regis sui mandatis quā paucissimis verbis, rex
 verbis & signis quām gratissimis Ioāni Lusitanię
 Regi immensas ob tanta ab eodem recepta bene-
 ficia gratias egit. Sosa mox à Rege inuitatus, illi-
 co per adstantes sacerdotes, dono, vestem pretio-
 sam, tabulas pictas, calices, aliaq; vasa aurea & ar-
 gentea, & omne Christiani ritus instrumentū, quę
 Lusitanię rex dono miserat, in conspectu totius
 populi, proferri iubet: tum rex perattentē singu-
 la contemplari, quem quęque in vsum quidque
 sign. ficeur, curiosius quærere. Erat in ijs prę-

*Regis Cō-
 gi magni
 ficientia:*

fulgidum Crucis vexillum, quod solenni precatōne consecratum Innocentius VIII. Pontifex maximus Lusitano Regi ex vrbe Roma transmisserat. Et quoniam eo explicando Sosa cum suis ingenua venerabundus procubuit, Redemptionis nostræ signum suppliciter adoraturus, rex quoque & vniuersa quæ adstabat multitudo in terra se prostrauit: namque inter illam sacrorum expositionem Aethiopes a deo intentis oculis gestus motusque sacerdotum & Lusitanorum obseruabant, vt eodem penè quo Lusitani momento capita submitterent, iungerent palmas, genua flecterent. Ab eo spectaculo Sosa cum suis in hospitia benignè diuisi, in quibus mote gentis quam lautissimè excepti fuere. tum de regis ac reginæ baptismate sedulo agi cœptum. Id quo maiore apparatu ac cæremonia fieret, templum Christiano more prius ædificari placuit. Miserat quippe Ioannes Rex architectos cum fabris, ad templa vero Deo in illis regionibus exstruenda. Opus erat sanè difficile tum ob alias causas, tum quod lapides & cæmenta longè admodum petenda forent: ardor tamen & zelus, quo opus hoc rex prosequeretur, tantus fuit, vt breui comportatis vndique necessarijs, vrgente atque instante imprimis rege, & multis structoribus in opus adhibitis, res cœpta sit. Crucis titulo Deo dicanda erat ædes: quare lapis primus est V. nonas Maias positus, quo die Ecclesia salutaris ligni inuentionem anniuersaria gratulatione celebrat,

*Templi
lapideū in
Congo ex-
structum.*

*Motus in
Congo.*

Dum hæc maximè fiunt, ecce tibi à finibus regni trepidi nuntij, populum quemdam in extremo regno constitutum iugum excutere, regi bellum mouere, & terminis suis egressum omnia enertere, vastare agros, testâ inflammare, ho-

nin m

minam ac pecudum prædas abigere, omnia-
 que obuia aut diripere aut pessundare. Lacus
 in interiore Aethiopia est ingens, pelagi instar,
 prorsus vt leucas centum in longitudinem pate-
 re dicatur: ex hoc nobilissimi totius Africæ am-
 nes, vt dictum est, originem trahunt, præsertim
 Nilus, Zairus, alijque. Hoc in lacu aliquot visun-
 tur insulæ; & ex ijs quædam tantæ magnitudinis
 atque frequentię, vt triginta hominum millia in
 bellum cogant. Sed præcipua celebritate popu-
 li Mundequeti sunt, qui per eos forte dies, prius
 domiti, ab Congi rege defecerant, magna que
 manu incursiones in regni limites faciebant. Ad-
 uersus id malum, quoniam & celeritate, & ipsius
 regis præsentia opus erat, proficisci ipse decre-
 uit, audacem illorum petulantiam compressu-
 rus. At prius, quàm ad expeditionem se accin-
 geret, animæ salutem consulere Baptismi decreuit
 sacramento, cuius ipse simul & regina; & aliquot
 regni procures facti sunt participes. Quamob-
 rem ad indicandum in Lusitanæ reges grati ani-
 mi obsequium, ille Ioannis, hæc Eleonoræ (hoc
 siquidem Reginæ Lusitanæ nomen) sibi nomen
 desumpsit. Duo Regi erant filij, natu maior, qui
 ad omnem virtutem ac pietatem propensus erat,
 ad regni fines tutandos à patre præproperè mis-
 sus; iunior alter, Pausus Aquitimus, nimi-
 rum vt esset, qui pios postmodum malorum quæ
 infligeret, tolerantia exerceret, à nefaria super-
 stitione, & vitis moribus nullo pacto se abduci
 est passus. Baptismo itaque peracto, & raptim
 coacto exercitu, rex, admittis Lusitanis aliquot
 inter Aethiopes, in hostes tendit. Sosa, cum sci-
 ret victorias in Dei manu sitas esse, easque diui-
 num numen & opem inuocantibus dari solere,
 abeunti regi vexillum crucis de manu porrexit;

*Lacus qui
 centum in
 longum
 leucas pa-
 tet.*

*Rex cum
 Regina
 baptismum
 recipit.*

*Rex ad
 bellum se
 accingit.*

*Dei ope
rebelles
domat.*

hortatus pergeret in dimicationem alacer; signi eius, aut Dei qui nostri redimendi causa in eodem affixus pependit beneficio (tantum fiducia ne deesset) hostibus utique superiorem futurum. Nec vana fuere promissa, hac enim spe nixus Ioannes rex, Iesu Christi nomine inuocato, & cruce prælata, ut à Sosa edoctus fuerat, fufis fugatisque primo certamine rebellibus, opinato celerius belli finem vidit. Victor igitur ad patriam redijt nulla suorum clade accepta, quantem natu maior filius secutus est; qui cum Christianæ doctrinæ diligentem in primis operam dedisset, perducto iam ad fastigium templo, summa populi celebritate ac gaudio baptismo lustratus est, Alphonsumque appellari se voluit, quo nomine Lusitaniæ regis filium vocari didicerat. Ac ne quid ad lætitiā deesset, baptizati cum ea insignes viri permulti, simul ex plebe infiniti, qui velut ceruus siti enectus ad fontes aquarum, ad sacras baptismatis aquas properarunt anhelantes. Alphonsus salutaribus hisce aquis tinctus, profectus in Ifundos, vel Sandos (quos Sundi provinciae, de qua iam supra actum est, incolae crediderim,) quibus iam tunc ex parentis auctoritate imperabat, Apostolico apud eos munere ipsemet fungi coepit, ac veritatis lucē admirabili studio omnibus impertire. adeo namque profundē in fidei mysteria penetrarat, ut iam nuperrimē nonnisi discipulus, breui doctor & præceptor factus sit. Hoc tanto Christianæ rei incremento admodum lætus Sosa, quam potuit citissimē in Lusitaniam proficisci statuit, regem tanti prosperi successus certiores redditurus, sacerdotibus ac Religiosis quos secum duxerat, in Congo, ad nouellas illas plantulas sanctæ doctrinæ aquis irrigandas, & virtutum omnium incrementum addendum

dum, aliosque ad fidem paulatim excitandos, relictis. At quidnam deinde aduenerit, indagemus.

CAPVT III.

*Ioanni I. Congi regi filius natu maior Alphonsus
succesit, qui non sine miraculo aduersus fratrem na-
tu iuniorem obtenta victoria, quinquaginta anno-
rum spatio summa quiete regno gaudet; & qua-
nam in illum beneficia Lusitania rex
contulerit.*

NON ferebat salutis nostrę felicitatisq; inimi-
cus diabolus, tam feliciter Christianę apud
Cōgianos religionis iactę fundamēta, & frē-
debat Iesu Christi Euangelium quotidie magis ac
magis in illis regionibus, quas duro seruitutis
iuro ac tyrannicis cōpedibus constrictas preme-
bat, pullulascere: impedire itaque totis cona-
tus est viribus, & cursui tam prospero remora-
si quam posset, iniicere. Per commodum ad hanc
instrumentum videbatur minor natu filius Regis,
Pansus Aquitimus, qui quamuis ingentem, quo
pater ac mater, simul & frater, alijque regni pro-
ceres, sancta n ac Christianam fidem receperant,
ardorem coram esset contemplatus; cū in vitia
ac lasciuiam quā virtutem pietatemque esset
pronior, tantum abfuit, eorum vt vestigia infi-
steret, immortalī vt aduersus eandem odio exar-
serit; eam potissimum ob causam, quod illicitis
illa voluptatibus, atque inprimis vxorum co-
pitę viam obstrueret, hinc aduersus eandem de-
bacchari, graue & intolerabile illius iugum
culpare, & regni totius pestem atque exitiū iacta-
re; quod regio impofterum deserta foret & incolis
destitu-

*Pansus
Aquitimus regis
filius iuni-
or fidei,
hostis.*

destituta. Indignum item & probrosum Congi-
anis fore, maiorum religionem ac sacra negligere,
nouam econtra, peregrinam & patrijs ritibus
ac legibus adeo repugnantem amplecti. Breui
ut complectar, omnem ille nouitatem, quæ
sensim locum occupabat, detestari, atque expo-
stulare palam, quod idola euerterentur, fana
solo æquarentur, & omnis idolorum cultus ac
sacra paulatim proscriberentur, sacerdotum &
auspicum consulta auspiciaque (nihil enim bar-
bari, nisi auspicio aggredi solent,) pessum i-
rent. Gratis hæc non è populo solum, sed & à
magnatibus nonnullis auribus edicipiebantur,
quin & ab ijs qui sacra baptismatis vnda tincti
erant. Etenim quamdiu de Ecclesiasticis cære-
monijs, & de mysterijs rectæ in Deum fidei est
actum, ea tametsi hominis captum infinitis par-
tibus superant; tamen quia Deo digna & ratio-
ni consentanea videbantur, haud ita repugna-
batur ab ethnicis. At vbi moralia tractari, &
de iustitia, temperantia, submissione præcipi est
coëptum, & abijcienda auguria, malè parta red-
denda, condonandas iniurias, aspernandas libi-
dines, frangendas cupiditates, vniuscusque vx-
oris contubernium, denique vbi de Christianæ &
diuinæ legis institutis, tum quasi ventilabro ad
trituram adhibito, boni viri illico secerni ab
improbis, & frumentum coëpit à palea. alterie-
nim vel amore virtutis capti, vel poenæ metu
perterriti, iter, quod doctores præscribebant,
quodque rectè ad salutem & æternam bratitu-
dinem animas perducit, insistere, à vitijs rece-
dere, iustitiamque & omnes Christianas virtu-
tes consecrari, duces & rectores animorum su-
orum honore & beneuolentia prosequi, alteri
verò, terræ spinis obsitæ, cuius Euangelium
me-

*Plures sibi
allegit so-
cios.*

meminit, perfimiles, diuinam sementem animorum sinu recipere renuentes (tanta scilicet praua consuetudinis est efficacia) velut canes ad vomitum, adritus nefarios & pristinas turpitudines, ingluuiem, libidinem, auguria similesque ineptias, quæ in Gentibus obuiæ esse solent, miserandum in modum reuolui, & odisse lucem, magistros auersari, & à piorum consuetudine longè refugere. Nec vulgo tantum serpebat vitium; notissimus ac ditissimus quisque arduum putabat virtutis iter; rex demum ipse, qui tantum initio ardorem ac firmitatem animi præ se tulisset, & diuinorum se mandatorum obseruationi penitus mancipare decreuisset, in illorum obseruatione paulatim adeo elanguit, delicijs & peccati illecebris pellacibus illectus, vix vt in eo roboris Christiani, pietatis & erga fidem Christianam affectus quidquam agnosceres. Occursabant scilicet eius animo pristina oblectamenta, ludi, computationes, quibus iter diuinorum præceptorum integritas occludit, quæque omnem impuritatem proscribit; ideoque (urgente præsertim dæmone eo vehemētius, quo ad vomitum ille videbatur procliuior) sensim de statu suo deiecta mens ita obduruit, vt cum internas religionis & officij recordationes obstinatè repudiaret, tum salutaria sacerdotum ac pastorum hortamenta ac monita, non modò non ad animum, sed iam ne ad aures quidem admitteret. Nullum porro ad defectionē telum sensit acrius, quam muliebres illecebras; nullum quippe Satan habet ad gratiam quam Deus Christianorum animis infudit destruendam, hisce grauius ac virulentius. Pellices enim illius ex inuectis nuper sanctionibus pelli aut ablegari se quotidie, & à pristina qua pollebant aucto-

Rex in diuinis languescit.

Idque mulierum in-stigatione

ritate degradari cum cernerent, vt est iracundiæ impotens sexus, & furorem nescit cohibere, damnum & ignominiam non tulere: coetibus clâculè habitis, per se perq; communes amicos cum rege vehementer agere insistant, quæ sibi irrogaretur iniuria, quæ damna exponere, ab eodem enixissime contendentes, aduentitias religiones durûque & horridum vitæ genus abijciat, præsentibus bonis & copia rerû quoad licet fruatur; nõ incertâ spem futuræ felicitatis tanto pretio, tantaq; commodum & voluptatû iactura sibi emendâ existimet. Hæc & alia eiusmodi blandimenta cum neq; rex inuitus acciperet, & eadē tabe infecti permulti, ac præsertim regis filius Pansus Aquitimus adiunaret, breui maximû in discrimen adducta Christiana tota res est, vt incrementum illius vix vllum speraretur, & quod accreuerat extinctum iri videretur. Obstabant sceleratis conatibus fideles ac boni, vt numero inferiores, ac proinde auctoritate & potentia destituti, ita diuino præsidio & causa longè superiores. Egregiû verò se pietatis vindicæ & assertorem præbebat Alphonsus regis filius natu maior, fidemq; quam in baptismo receperat, haud segniter & strenue tuebatur; patrifque miseratus insaniam, quod sensus voluptates sequendo consilijs persuasionibusq; illorû acquiesceret, quos impios & sceleratos sciebat; dictis factisq; neophytos, sine vlla in regno turba seditioneq; in fide atque in officio continebat. Ad eum tollendû obicem, ne quis foret qui improbis illorû conatibus in posterum resisteret, procures aliquot Pansum incensum iâ regnâdi cupiditate omni ratione fouere, illius improbos conatus blandiendo adulandoque, quacumq; ratione promouere. Vt verò votorû fieret compos, Alphonsum absentem varijs criminationibus patri non modo exosum

*Boni &
inprimis
Alphonsus
regis filius
improbis
se opponû*

exosum sed suspectum indies reddere conabatur; degenerasse illum plane in externos & peregrinos mores, ex quo alienigenarum uti coepisset commercio, nihil ut patriæ vel auitæ consuetudinis pateretur, incolas negligeret, & intimos regis familiares ab eodem auerteret aut detestaretur; Ritus & instituta à maioribus adeo religiosè obseruata vilipenderet, sed omnia, quò Lusitanis eorumque institutis robur adderet, pessundaret: Regem verò patrem ita vel contēnere vel odisse, ut in eius contumeliam magicis artibus, quas à Christianis nuper acceperit, amnes exsiccet, fruges vitiet, aliaque passim damna ac maleficia patret, atque adeo regias pellices ad se ipse pelliciat. Eiusmodi calumnijs atque portentis cum iuuenis innoxij famam ex composito quotidie lacerarent Pansus eiusque socij; regem in effeto iam corpore, animi quoque viribus defectum, ad hæc zelotypia quam maximè laborantem, facile perpulere, ut Alphonsum omni dignitate, honoribus, vectigalibus per summam iniuriam exueret, in ordinem redigeret, omnibusque quæ prius in illum quam liberalissime contulerat, quæque ad illum iure primogenituræ spectabant, spoliaret. Effectum tandem, ut patris indignationem incurreret, crediderit quoque illum sibi mortem machinari, ad regnum aspirantem, ideoque ad vltimos regni fines censuit relegandum: iacuisset porro in solitudine & squalore circumuentus & proditus Dei seruus, ni quidā ex optimatibus, quibus altior mens & cogitatio erat, cum Regem iniquis accusatorum machinationibus deceptum ac Principem iniuste circumuentum cernerent, & sancti spiritus (ut sit verisimile) instinctu admoniti, regem adissent, eique plurib. ostendissent, quod heredē regni destinātū, stirpis

*Aquitani-
mus Al-
phonsum
apud pa-
trem ca-
lūniatur.*

*Alphon-
sus patri
offensus
redditur.*

*In regnū
fines re-
legatur.*

*Defendi-
tur eius
innocentia.*

stirpis maximum, & omnium iudicio eximia virtute ac pietate iuuenem, indicta causa damnari nefas esset. Reputaret secum illius in arcendis hostibus præclara facinora, in tuenda popularium concordia studium, in ipso rege colendo pietatem ac fidem: dein videret num tantæ indoli tantisq; laudibus consentanea essent, quæ ab inimicis ad inuidiam conficta, de filio nimirum patulis auribus in animum admisisset, qui hætenus patrem tanto esset honore prosecutus, & longè maiore, quam qui illum inuidè calumniando traduxissent; æmulis quoque tam facile ac leuiter fidem non adhiberet. Quin per idoneos nec suspectos viros, in filij vitam & actiones inquireret, ac perspecta demum & cognita veritate, quod æquum videretur, tum in reum, si quid castigatione dignum admisisset, tum in accusatores, si falsa illorum esset delatio & nefariè cōficta, pro merito cuiusque statueret.

*Credit rex
filiūque in
dignitatē
pristinam
restituit.*

Hisce monitis quasi è veterno excitatus rex, per summam dissimulationem quæsitis ijs quæ Alphonso obiecta erant, simul & in vitam illius inquirens, omnia ad inuidiam conficta commentitiæque comperit, seipsum leuitatis accusat, quod inuidorum calumnijs & improborum hominum delationibus aures facile nimis adhibuisset, qui talem menti caliginem offudissent, & quo minus verum cerneret impediuissent. Quare ubi seridè examinauit singula, filium ab exilio reuocat, & in fontem in pristinum dignitatis & honoris ac gratiæ locum, maxima bonorum gratulatione, ex templo restituit; consceleratos calumniatores, ne quid huiusmodi postea quisquam attentaret, perpetua notatos infamia securi percuti iussit. Cuius tanti tæque insperati beneficij magnitudinem Deo acceptam

ptam referens, vt par erat, Alphonfus, multo ardentius in illius obsequio exarsit, ac liberius diligentiusve ad Christianam fidem tuendam atque amplificandam, quacumque demum ratione posset, incubuit; ac præter ceteras artes exterminandis gentium ritibus ad eam diem adhibitas, cum maiori se quam prius auctoritate pollere cerneret; rursus regno toto, vel (vt non nemo sentit) in ea dumtaxat prouincia, quam illi pater commiserat, palam capite sanxit, ne quis inaniū deorum effigiem vllam aut quid gentili superstitioni dedicatum consecratumque vel priuatim vel publicè coleret haberetve. Edictum hoc magnorum fuit motuum causa. in rabiem enim efferati inimici, frequentes in regiam coeunt, ac tumultu per operas seditiososque homines excitato, credulum ac timidum regem in eam sententiam adducunt, vt nisi reuocetur illico edictum, ingentem seditionem adesse non dubitet. Hoc timore pauidus senecio correptus, & calumnias patulis, nescio quo verisimilitudinis prætextu, arripiens auribus continuo per celeres nuncios admonet Alphonsum, edictum reuocet, videat etiā atque etiā quid agat, quò progrediatur; non peregrina ac noua religione retinenda mordicus, se suosque omnes & prouinciā vniuersam in apertum capitis ac fortunarum discrimen obijciat. Ille nihilominus in cœpto perstat infractus, & edictum executioni mandari præcipit, Deum multo magis quam homines metuendos ducens, præsertim cum illius honore & cultus in discrimine versarentur. ira percitus rex iubet Alphonsum ad se quamprimum venire. At ille cum nascentis eius Ecclesiæ salutem in suo post Deum capite

Alphonfus in fide propaganda diligentius solito al-laborat.

Edictum promulgat aduersus idola eorū que adoratores.

A patre corripitur

Ab eodem accersitur

do,

Venire distulit, donec tandem rex more retur.

do, variasque neſtendo moras, , tamdiu rem diſtulit, quo ad letali morbo impleatur parens iam ſenio & annis grauis, cum ægrū ſpiritum per multas curationes in dies aliquot extraxiſſet, tandem ſuperante medicamenta vi morbi, cōmune naturę debitum perſoluens, demortuus eſt. Interea Panſus Aquitimus natu iunior, qui ſpe quodammodo certa regnum deuorarat, ægro etiamnum patre (quem morbo ſciebat moriturum) ambire proceres & blandē cōpellare ſinguloſ, ſuis vt conatib. quibus ad regnum aſpirabat, adeſſent; hos itaque promiſſis, illos muneribus ſibi deuincire, vi medi-
licentiā & libertatem oſtentare. Ingentes deinde copias coegit, vt fratrem de iure regni, quod habebat, armata manu deturbaret. Alphoſus verò, cum indies de omnibus certior fieret, atque à plurimīs ad regiā vt veniret, inuitaretur, praua fratris molimina & conatus nefarios euerteret, & copias quas ad regnū inuadendū collegerat, proſtigaret; venire diſtulit, quoad patrem, de cuius anime ſalute anxius erat inprimis, obijſſe intellexeret. Regina de patris illū obitu certiorē reddidit, quē tamen ad dies aliquot illa ſuos celauit, quò Alphoſus, in quē illa quā in alium erat propēſior, interim ad regiā ante aduolaret, quā regis mors eſſet peruulgata. Hic igitur de obitu paterno iam factus certior, ilico ſeſe in viā dedit, & quāmaximis itineribus, quā citiſſimē ad urbem aduolauit regiam, quam noctu occultiſſimē ingreſſus eſt: atque vt primum diluxit, optimates quibus ſe maxime credebat, ſimul & populum ciuitatis ante regiam vnum in locum ad concionem vocat. Egregia hic illos oratione compellauit, & ſuum ad regnum ius pluribus expoſuit, quā eſſet clementia ac manſuetudine rectorus, quā de illorū omniū eſſet quiete, bono & æterna ani-
marum

*Alphoſus à matre factus certior urbem ingredi-
tar.*

marum vniuscuiusque! salute sollicitus; simul illos & ad obedientiam fidelitatemque est adhortatus. Igitur quæ pro tempore necessaria videbatur, ingenti spiritu, cum perorasset, omnes quotquot adfuere boni pariter & nefarii, vnanimi eum suffragio regem consalutarunt, & Vivat rex conclamarunt. Quibus rebus confestim ad Pansum in suburbana castra perlatis, ut quam minimum spacijs Alphonso ad comparandum ampliores copias relinqueret, cum ijs copijs quas habebat, duplici instructa acie, quod numerosum exercitum haberet, continuo infestus ad urbem aduolat. Alphonsus quam paucissimos secum habebat, atque ut ipse postmodum per publicas litteras admodum religiosè testatus est, ut postea dicemus, non plus quam sex & triginta, præter ceteram imbellem turbam, quæ ad regiam perculsa metu confluerat. Ac quoniam prudentia valebat, & animo præsentis erat & intracto, videbaturque meticulozorū animos confirmandos, præsentis singulos ac bono animo esse iubet; reputarent secum non in multitudine armorum, sed in causæ æquitate, & diuini numinis auxilio spem esse reponendam; ac Deum verum, quem spretis falsis dijs venerari instituerint, pro ipsis haud dubiè pugnaturum. Nec vana cecinit; ubi ad telum iactum ventum est, inimici magno impetu conflictum ineunt, tantamque iaculorum copiam misere, ut umbræ terris nubis instar inducerent; Alphonsus verò cum suis, sublato ante omnia clamore, Iesum Deum, & S. Iacobum ex disciplina Lusitanica ingeminat, mirum dictum; verum tamen: eas voces mox cum edidissent, & inimicorum impetum propulsatum cum armis processissent ulterius, tamquam coelesti fulmine afflata prior acies, cum aliquādiu attonitè similis fluctuasset, terga postmodum vertit. Primam aciem ubi fractam sensit Alphonsus inimicorum

*Rex salu-
tatur.*

*Fratre
bello su-
perat.*

cornu

cornua subsidiaria perfringit, quæ suorum fuga percussa, turbant ordines, & eandem viam insistant, conuersis, & illico signis effusa omnes fuga saltus anios & nemora petiere. Hanc tam incredibilem victoriam ac plane diuinam alia non minus admiranda res subsecuta est.. Pausus metu consternatus vnâ cum ceteris in fugam se coniecerat, intimas silvarum latebras petens, quas sibi præsidij loco futuras credebat: at quoniam diuinam difficile euitare vindictam queas, (nisi delicti accedat dolor & poenitentia, quod ille nolebat agnoscere) eandem Pausus sensit. Cippus erat in siluis, captandæ cuipiâ ferè paratus à venatoribus: in eû cippû cû pro se præcipiti cursu imprudens induisset, sic hæsit, vt explicare se inde nulla vmquam ratione valuerit; hinc factum vt illum Alphonsi milites viuum pedicis irretitum, & corpore toto grauitèr consauciato comprehenderint; Alphonsi dein regis iussu in arctam custodiam traditus: magnopere illum frater hortari, delictum vt agnosceret, simulque ei vitam incolumitatemque, si Christiana sacra suscipere velit, ac delicti pariter veniam polliceri: sed frustra. Aquitimus enim vulnèrum dolore ingrauescente, & vitâ captiuitatemque pertæsus, in pertinaci mentis duritie, & voluntaria cæcitate intra paucos dies animam efflauit. Longè melius & salutis & existimationi suæ consuluit is qui Pausi ductabat exercitum. Erat hic bello clarus: cumque suos fusos ac fugatos, vt iam dictum, cerneret, fuga quoque sibi studuit conuulere, sed è fuga retractus cum sibi necem intare minimè ambigeret, misit qui regi demissè nuntiaret; non deprecari se mortem; quam suæ temeritati debitam, præclare nosset: id vero omnibus votis expetere obtestarique, ne se

absque

Pausus captus & neci datus.

Tribunus illius militans capitur.

absque fidei Christianæ mysterijs ex hac vita excedere pateretur. Vitam se præsentem, calamitatum & ærumnarum theatrum, pertæsum, at vereri se, æterna ne excidat; ideoque velle se & summopere desiderare, prius, quam diem extremum claudat, Christianorum numero adscribi. solum enim illorum Deum, non verò quæ coluerat hætenus, adoratione dignum, confitebatur. Quod eo dicebat liberius ac confidentius, quod ipso congressus initio, suis se oculis viros humana specie augustiores ac maiestate plenos, vidisse testaretur, qui regem circum vndique ambirent, eumque ab hostili incurfu tuerentur, quin & alios ipsius quàm Lusitani adorarent crucis nota distinctos, clarissima circumfusus luce, vultu acerrimo præstantes, in equis armatos comparuisse, suoque fulgore omnium oculos præstinxisse. Quo viso ita se perculsum fuisse testatus est, ut omni consilio & viribus destitutus, sola sibi potuerit fuga cum suis consulere. Itaque constare sibi, fieri non posse, ut exiguus armatorum numerus, quem Regem habuisse certum erat, tantas Aquitimi copias profligaret, nisi divino opitulante numine, cui nullæ hominum vires possunt resistere. Alphonsus hisce auditis incredibili gaudio perfusus, cum infinitas Deo qui tam singularem sibi victoriam contulisset, gratias egisset, & sancto eius nomini varia concinuisset præconia, non modò resipiscentem non est aspernatus; quin potius clementer accepto & per baptismum in Christianos relato; vitam & incolumitatem ea lege concessit, uti purgando in posterum verrendoque sanctæ Crucis templo cum suis operam daret, & in mystici lauacri usum, puros lactices religiose conueheret. Ea victoria magnum rei Christianæ momentum attulit. Regni posses-

D sione

*Vitam ei
rex con-
cedit.*

sione adita, & barbaris quotquot postea se Euangelio opponere sunt ansi, perpetuo felicitatis tenore superatis, Alphonfus, quinquaginta ipsos annos (tot enim deinde post patrem regnavit) hominibus verbo & exemplo ad omnē virtutē ac pietatem erudiendis egregiū & pastorem populorū & vineæ Domini cultorem, ad extremū vsq; se præstitit. Nunquam enim à primo zelo refrixit, sed fidem Christianam pro viribus promouit, & subditi Deo vt fidele obsequium deferrent in primis curauit. Adeo vt sæpe pro cōcione suos ipse subditos ad iustitiā fidelitatemq; sit mutuam cohortatus, alios quoq; diuinorū iudiciorū iniquis præparatorū terrore perculerit, aut præmiorū celestii mercede ad virtutū studium excitaret; deniq; de doctrina vitaq; Christi Domini, & Sanctorum exemplis sæpius egerit. Illo itaq; regnante Ecclesia Congiana mirum in modum excreuit, & subditi perpetua in pace & tranquillitate effloruere. Acres ad hoc illi addebant stimulos quæ indies à Regibus Lusitaniæ recipiebat beneficia. Atq; inter ceteros Emmanuel primus eius nominis Lusitaniæ rex, mox vt regnum adiit, multa cū de Regis Alphonfi subditorumq; zelo ac pietate inaudisset, & natura sua institutorumq; suorū diligentia erga pietatem & cultū diuinū mirifice affectus esset, & pro viribus illū promoueret; quod feliciter à maioribus suis in Congo inchoatū esset, perficere & promouere tota animi contentione conabatur.

Emmanuel Lusitania rex mittit in Cōgū sacerdotes & m. m. c. x. a. Quamobrem anno salutis humanæ MDIV. rege Alphonso viros & doctrina illustres & virtutibus excultos, simul & teneræ ætati informādē doctores, varios adhuc artifices & operarios destinauit; vt nō diuina modò, sed & artes mechanicas gentē illā barbarā docerent. Misit quoque vestes, quibus diui-

diuina peraguntur plurimas, easq; & pretiosas & arte eximia elaboratas. calices adhuc, cruces, thuribula aurea & argentea; Breuiaria quoque, Missalia, Biblia, historias de vita ac gestis Chsisti ac Sanctorum, denique quidquid ad populum illum Christiano ritu efformandū pertinere videbatur. Stipendia adhuc amplissima ad sacerdotū aliorūque alimenta submisit, quibus iniūxit vt fide Christiana gentem illam barbarā imbuerent. Tamen si autem quos præstabat sumptus ingentes & infiniti forent, nullū tamen hinc emolumentū sibi euenturū sperabat, sed vnicā Dei gloriā, à quo se æterna sperabat mercede aliquādo donādū, spectauit. Sacerdotes vero, quos rex Emmanuel miserat, in Congum cū peruenere, muneraq; quę detulerant, explicarūt, tanta hominū multitudo cōfluxit illos ad regē perductura, vt nō modica sit inter illos, quis eadē in humeros reciperet, exorta contentio. Quā vero sacerdotes reuerentia prosequerētur, dici vix potest; rex quoq; quā potuit humanissimē officio sissimęque illos cōplexus est. Vt verò suum in regem Lusitanię animū beneuolentiāque à quo tot indies beneficijs cumulabatur, melius testatam faceret, publica pro illius salutē supplicia indixit, hac vt illum in vita Deus lætis ac prosperis successibus bearet, in altera vero æternę glorię corona redimiret. Audito igitur sacerdotum aduentu, plures qui infidelitatis virus animo adhuc fouebant, vndeque confluxere, Christo sacramentum daturi, firmissimō, vitam in melius, mox vt baptismo tincti forent, commutandi proposito. Rex vero, quoniam Lusitani idiomatis patrij ignari erant, & Congiani Lusitanici, quod vtriusque esset peritissimū, interpretis vice apud vtrosqueungebatur, quo sui sacerdotum doctrinā

*Quomodo
Congiani
illos sine
cōplexi:*

imbuerentur, maioriq̃ue affectu illorum sermōnem, quem rex illis propinaret, avidiusq̃ue perciperent.

Emmanuel rex legatum in Congum misit.

Sed non stetit hic Emmanuelis regis zelus, ac cum liberalitate sua permagnam ad Christianissimum accessionem factam intelligeret, & fidei negotium apud Congios pro virili promovere contenderet, anno Domini MD XI. summæ nobilitatis virum, cum aliquot sacerdotibus, vineæ Congianæ cultoribus, apparatu & suppellectile sacra, eaq̃ue, quo regem Congianum ad pietatem excitaret ardentius, pretiosa & ad pietatem composita, instructis, in Congum legationis fungentem munere destinavit.

Alphōsus rex filiū misit in Lusitaniā

Alphonso tanta Emmanuelis munificentia incitatus, filium nomine Henricum, fratrem quoque germanum, & alios nobilitate præstantes pueros, in Lusitaniā, Lusitanicæ & Latinæ linguę perdiscendæ gratia, misit, simul quoque ut fidei Christianæ mysterijs penitissimis imbuerentur. Missus cum his quidam singulari prudentia vir, Petrus nomine, quē suum apud Emmanuelem regem esse legatum voluit, quicum Lusitanicæ rex quam libentissimè agebat. Hic cum diutius in Lusitania hære decreuisset, uxorem comitem itineris esse voluit, quam Maria Regina singulari est prosecuta benevolentia. Emmanuel igitur rex Christianam apud Congianos religionem stabilire ac confirmare dum vellet, Regis filium ac fratrem, aliosq̃ue cephobos honorarios Religiosis quibusdam, doctrina & vitæ conversatione præstantibus, informandos dedit, Latinam ut eos Linguam, & fidei mysteria edocerēt. Haud multo post Simonem Silvium præcipuæ nobilitatis virum ad regem Congi legatum cum amplissimis muneribus destinavit. Erant in his equi cataphracti & phaleris

Secundā Lusit. rex in Congū legationē deperit.

infi-

insignibus ornati, simul & muli non indecores: vasa quoque sacra, tabulæ pictæ, Missalia, & ad sacra peragenda supellex necessaria: fabros addidit & architectos, qui templa construerent & regiam; plenam quoque Siluio in Lusitanos si officio deessent, animaduertendi, iusque illis administrandi si opus foret, auctoritatem & potestatem dedit; iniunxit insuper, vt Regi in iure suis administrando auxiliaretur. Quod quo fieret commodius, Iurisconsultum peregrinum, petente id Rege Alphonso, secum duxit. Regi ad hæc, quamdiu in Aethiopia ageret, si quis belli motus ingrueret, consilio, pecunia, atque hominum numero, opem ferret. Regem quoque Congi com noneret, suos vt Legatos Romam ad Christi in terris Vicarium, illius vt auctoritatem agnoscere sese ostenderet, mitteret. Petrus verò Legatus, qui in Lusitania commorabatur, quod prouidentia valere iudicaretur, visum fuit Emmanueli, ipsum cum aliquot nobilibus, suis expensis Romam destinare. Quo verò maior Christianæ rei fieret accessio, regem Congi orauit, alios vt pueros nobiles in Lusitaniam, præter illos qui iam venerant, quo instruerentur, mitteret.

Siluius igitur hæc in mandatis cum haberet, *Siluius prospera vsus nauigatione, breui Congum peruenit. Illius se aduentu recreatum dum rex significat, è cognatione sua virum nobilissimum, & è regni proceribus, de felici aduentu qui congratularetur, & ad regiam ciuitatem procul à portu ad quem appulerat, dissitam perduceret, emisit. At Siluius febri grauissima vexatus in itinere, priusquam regem videre contigisset, demortuus est; cuius morte rex non parum ingemuit. Siluio igitur, ex regis Emmanuelis præscripto succedit Aluarus Lopez, qui toti classi præerat. Hic regem* *Siluius moritur priusquam ad Congi regem perueniret.*

adiit ac Regis Emmanuelis litteras illi tradidit, quibus singularem ille suam pietatem testatam faciebat, & qua eum prosequeretur benevolentiam, simul & ea quæ legato coram enarranda iniunxerat. Litteris perlectis cum cetera verbis Lopezius exponeret, litterasque declararet, donaria tandem è Lusitania missa exponi iussit. singula rex in manus accepta dilaudare, & eadē conspicando non parum demirari, sublatisq; in cœlum manibus, Deo singulares agere gratias, quod se ex infidelitatis caligine erutum, cœlesti sacre fidei lumine, idque Regum præstantissimorum, & pietate excellentium, & Deo gratissimorum, Ioannis scilicet & Emmanuelis adminiculo, illustraret. Emmanueli vero plurimum se debere profitebatur, non ob vetera solum beneficia, sed ob præsentia quoque. Quoniam vero Emmanuel, quæ in posterum gestare ille insignia debebat, miserar, suam testaturus virtutē, & ad posterorū gloriam, dictum promulgavit quo insigniū horum rationem, & singulare Regis Lusitanie beneficium aperuit. Hoc in decreto, quomodo Ioannis regis opera fidei Christianæ lumen recepisset Congus, & è grauiissima Satanz tyrannide erepta esset, patefecit, quibus adhuc artibus sanctū hoc opus euertere & impedire conatus sit veteratorius ille serpens, qui humani generis auctoribus paradisi quietem amœnitatemque, qua iucundissimè perfruebatur, inuidit. Addebat insuper, quo studio & animi cōtentione Emmanuel prædecessoris sui conatus & coepta ad exitum perducere conaretur. Compēdiosam adhuc doctrinæ Christianæ epitomen adiungebat; simul & in mentem ijs reuocabat, patrem, quam ad tempus religionē coluerat, malignorū quorundā instigatione, paulo ante mortē, magna impietatis & incōstantię signo, nequiter re-

pudi.

*Rex Alphonsus
edictum
promul-
gat.*

pudiasse, & ad vomitum magna sui ignominia rediisse; quānā etiā Alphonfus filius natus maximus (se ipsum siquidem in edicto designat) discrimina incurrisset, quān patrem indignantem & iratum senserit, quod nefariæ illius molitioni cōsentire detrectasset. Referebat deinde exilium & proscriptionem, à patre intentatam, ecquæ etiam in exilio, Iesu Christi nomine, perpeffus fuerit: quas mortuo patre, frater turbas excitasset, quæ cum illo regnum iniquè inuadere tentante proelia gesserit, quomodo triginta sex hominibus comitantibus, Iesu Christi nomine & ope inuocata, fratrem infinitis copijs instructum, nō humanis viribus, sed Dei omnipotentis brachio, ex hostium etiam testimonio, superarit. Denique congressu peracto, fratrem nō sine singulari Dei miraculo in suas manus venisse, & dignas peruicaciæ impietatisq; pœnas persoluisse. Aperiebat etiam, quamobrè affinis suus Petrus, qui vnus de numero triginta sex illorū fuerat, qui pro illo decertarāt, in Lusitaniā missus sit; à quo per literas intellexerit, pro regni Congiani incolumitate ac prosperitate in Lusitania publicas à rege indictas esse supplicationes; atq; hoc vt singulare amoris Emmanuelis argumentū se habere. Ideoq; se paratissimū non omnia modo supplicia, & mortem etiā ipsam, si necesse fuerit, pro Christianæ Religionis defensione, locorū sanctorū protectione, & mādatorū Ecclesiasticorū obseruātia subire, sed vitā etiā & caput, pro rege Emmanuele defendēdo tuēdoq; , aperto discrimini exponere. Hęc tū conceptis verbis addidit. Vt vero hic immortalitatis laude dignissimus rex magis etiā sibi nos deuinciret, virū nobilissimū ad nos cū muneribus & apparatu sacro destinauit, quod euidēs affectus illius in nos est testimoniū. Quoniā autē Christiani reges gestare

*Insignia
qua Lusitania rex
Alphonso miserat.*

solent insignia , suam vt ad posteros memoriam
 suorumque transmittant, regiamque dignitatem
 illustriorem reddant ; in hoc etiam idem nobis
 rex voluit gratificari : scutum namque nobis de-
 dit signo crucis imprimis consignatum , victori-
 am vt Constantini Imp. quam hoc signo in aere
 viso de inimicis consecutus est, in memoriam re-
 uocaret ; & simul etiam quam nos de rebellibus
 iam olim retulimus, perpetuo ob oculos habere-
 mus. Et quoniam Diuus Iacobus Apostolus, cuius
 opem sæpius, Hispanico more, in prælio efflagi-
 tauimus, inimicos nostros percellendo, eosdem
 fugere compulit, imaginem illius clypeo inscul-
 ptam esse rex voluit. Vt etiam singulari sculpto-
 que testimonio initam inter nos & Lusitanos a-
 micitiā testatam faceret , Regum Lusitanæ su-
 peradiūxit insignia, quinque scilicet scutula cru-
 cis ad instar disposita : quæ quina , quæ Redemp-
 tor Christus in cruce pro humani generis redem-
 ptione recepit vulnera, repræsentat. Cum enim
 Alphonfus huius nominis primus aduersus quin-
 que Saracenorum regulos, qui infinitam homi-
 num multitudinem secum trahebant, conflictum
 in Lusitania esset initurus, suis ipse oculis Iesu
 Christi imaginem quinque vulneribus insignitā,
 in cælo vnde auxilium sperabat, conspexit. Tan-
 tum hinc ille animi ac roboris concepit, vt mag-
 nam inimicorum mox stragem ediderit : cuius
 singularis beneficij memoriam vt ad posteros
 transmitteret, hanc insignibus Lusitanicis in-
 sculpere placuit, qualia etiam Emmanuel rex ad
 nos destinauit; hinc vt successores nostri discant,
 in conflictibus non humanæ potentæ , sed Iesu
 Christi auxilio inniti. Quamobrem, ob hæc alia-
 que plurima beneficia, infinitas Charissimo fratri
 nostro Emmanueli gratias agimus , nec vt fratre
 modò

*Quinque
 scutula in
 insignib.
 Lusitani-
 cis quid
 designet.*

modo & protectorem agnoscimus, sed quidquid habemus, ipsam etiam vitam illius obsequio libentissimè dedicamus. Et quamvis etiam extrema & quidquid vires finunt, illi detulerimus, minimo tamen quod ab illo recepimus beneficio pares referre non possumus. Humanæ igitur cum vires deficiant ac respondere nequeant, regum Rex Deus, ad cuius honorem sua Emmanuel dirigit omnia, tamque laudabilia suscipit opera, æterna illum mercede beet. Ceterum filios nostros & omnes posteros commonemas, & prout *Insignia hæc in Cæ* possumus imperamus, hæc ut gestent insignia, *go usur-* hæc clypeis insculpant, hisce litteras obsignent, *pere Al-* hæc in vexillis depingant; denique semper, quod *phonfus* per eadem designatur ob oculos habeant, ut ho- *voluit.* rum recordatione ad virtutem & pietatem excitentur, & Redemptoris ope de inimicis suis victoriam consequantur. Quod etiam bellica facinora & fortitudo militaris præmijs amplissimis affici soleat, ut qui virtute sua ad altiore dignitatis gradum ascenderunt, roboris sui ac virtutis signa posteris valeant ostendere, idem rex Emmanuel alia etiam scuta velut nobilitatis insignia misit, quibus triginta sex illos, qui in proelio, in quo Pansum Dei ope debellauimus, strenuè se gessere, illorumque familiam ornaremus: uti reipsa, ipso auctore & suatore, iam facimus, ut huiusmodi præmijs alij ad virtutis studium excitentur, atque hac ratione non in hac vita duntaxat aduersus inimicorum violentiam communiatur, sed in altera etiam bonis sempiternis locupletemur. Hisce litteris, quas ubique per regnum spargi iussit, & quarum exemplar ad regni procures destinavit, Alphonfus ostendit, quantis erga regem Emmanuelem esset obligatus nominibus; cuius suasu Petrum, cum duodecim

*Legationē
ad Rom.
Pontificē
adornat.*

præcipue nobilitatis viris ad sacræ Rom. Ecclesiæ caput, Christi que in terris Vicarium misit, & ad Regem Emmanuelem magnam eboris vim aliaque quibus Congus abundat; Duodecim item ephebos pueros Principum, qui cum alijs in Lusitania instituerentur. Petrus cum in Lusitaniam rediisset, quidquid ad iter Romanum necessariū foret, Emmanuel illi & filio Regis Henrico alijsque socijs, magna liberalitate suppeditauit. Quanta eos humanitate Pontifex & magnificentia exceperit, dici non potest, cui litteras Regis Alphonsi obtulere; quibus, Ioannis secundi Lusitanie regis opera tam se quam vniuersum Congi regnū ex potestate Satanz & errorū tenebris educitū, ac deinde indefatigabili Emmanuelis regis industria incredibile in fide Christiana incrementum factū fuisse commemorauit; agnoscere se proinde iam ac perspectum habere, quo olim contagio & errorū lepra infectus fuisset, & superstitionē omnem præteritam summopere detestari. Deferebat ad hæc, infinitas se Deo ob singulare hoc beneficium, quo ab idololatræ caligine ad verum fidei lumen se vocare mirabiliter dignatus sit, gratias agere, & perpetuam illius in animo memoriam conseruaturum. Et quoniam multorum sermone intellexisset, habere Iesum Christum suum in terris vicarium, cui omnes Christiani reges obsequiū deferrent; cuiusque constitutionibus, velut cælo profectis & diuinis quamlibentissimè obtemperaret; nolle se à laudabili hac cōsuetudine recedere, sed omnium Christianorum Principum vestigia insistendo, illorumque submissionem æmulando, filiū se suum Henricum in sacris iam diligenter in Lusitania institutum, & affinem suum Petrum, cuius prudentiam & virtutem iam multis in rebus perspexerat, Romam destinare voluisse; suo vt nomine

nomine sacris illius pedibus osculum venerationis infigerent, regnumque illi suum, de eo ut pro libito disponderet, offerrent, nec pati se posse, quæquã Christianorum Principum sibi in debito erga Romanam & Apostolicam sedem obsequio præferri. Addebat insuper quod necessarium videbatur, quò sanctissimus Pontifex Legati sui verbis fidem adhiberet, & quæ ab eodem ad fidem spectantia peteret, facilius impetraret.

Gratissima summo Pontifici fuit hæc Legatio, & quidquid ab eodem rex petebat, sine ullo negotio obtinuit. Credebat enim Pontifex simul & Cardinales, non sine singulari Dei ope & gratia nationem hanc barbaram & ab omni humanitate ciuiliq̃ue conuersatione prorsus alienam, gentili superstitione repudiata, fidem Christianam amplecti potuisse: æquissimum propterea videri, magna gratiarum actione primitias illas Aethiopum, quæ post tot annorum reuolutionem Ecclesiæ offerebantur; recipere. Legati in Lusitaniam, ac deinde in Congum cum rediissent, omnia humanitatis officia, quæ à summo Pontifice & S. R. E. Cardinalibus exhibita fuissent, retulere, non sine incredibili regis & magnatum omnium gratulatione & gaudio. Emmanuel verò interea nobiles illos Aethiopum pueros non lingua Latina dumtaxat & Lusitanica, sed & scientijs maioribus, ut Philosophia & Theologia instituendos curauit. Hinc factum, ut nonnulli eorum, qui ceteris melius in sacrarum litterarum cognitione profecissent, ad sacros sint ordines promoti, & in patriam reuersi, plurimos suorum, qui nondum Christo nomina dederant, doctrina ac vitæ honestioris exemplo, ad fidem Christianam perduxerint. Quin etiam in

Quæ Pontifici & Cardinalibus existit longe gratissima.

Episco-

Episcopum, ut suo loco dicemus, ex illorum numero quidam fuit cooptatus. Sed rei seriem prosequamur.

CAPVT IV.

Regi Alphonso successit filius nomine Petrus, hoc regnante ad Insulam S. Thomæ translata Colonia, quæ & Episcopatu nobilitata: hinc Episcopi, qui & Congiani, in Congium commigrarunt. quid in eadem ab Alphonso primi obitu ad usque Aluari I. tempora contigerit.

His aliisque rebus cum regnum suum indies florentius redderet Alphonfus, & tenellam Christianæ religionis plantulam summa industria & contentione foueret, deque illius incremento summopere sollicitus esset; in quo eum spes minimè fefellit: tam profundas siquidē radices egerat, ut eradicari non posse videretur; visum Deo, ad se illum vocare, & immortalem illi pro industria ac sollicitudine, in subditis ad illius cultum & agnitionem attrahendis, mercedem (ut piè credendum) elargiri. Ut verò ad periculosum hoc mortis iter, quod omnes, & imprimis Principes & Monarchas, ob rationem Deo mox reddendam, percellere solet, oportunius se pararet; lento eum morbo, quo corpus paulatim emoriebatur, conficere placuit. Nec tamen eum morbus à cœpto religionis promouendæ studio deterruit aut auocauit; lecto quippe affixus, regni Christi latius extendēdi rationes assiduè vouebat, tantoque de eadem re circumstantes ardore alloquebatur, hanc sibi cordi in primis esse & imis mentis penetralibus insidere, ut ostenderet. Inter cetera

cetera enim, quæ filio in extremis, ad felicem ac prosperam regni directionem inprimis necessaria, commendabat, Christianæ fidei tutelam, protectionem, amplificationem & incrementum, illi cordi esse inprimis volebat. Sancto igitur fine in Domino obdormiuit, regniq̃ue successorem reliquit Petrum, acerrimum paternarum virtutum, atque inprimis pietatis ac fidei æmulatorem.

*Alphonſi
obitus cui
Petrus fi-
lius ſucce-
dit.*

Hoc regnante frequentior quam ante Lusitanorum fuit in Congum navigatio, etiam commercij causa. Hinc factum ut Lusitani Emmanuelis regis suasu, in Insulam S. Thomæ Colonias deduxerint. hæc sub æquinoctiali sita est linea, quinquaginta circiter leucas à continenti Africæ remota. Coloniarum ducendæ ratio erat, quod ex insula facilior in Congum esset navigatio. Quoniam verò frequens insulæ huius incidit mentio, prius illa quam ulterius descendamus describenda. Hoc dicta est nomine, quod ipso Apostoli Thomæ festo à Lusitanis, dum in Indiam navigare inciperent, fuerit detecta. Patet hæc in longum sexaginta millibus passuum, id est leucis nostratibus quindecim, in largum non minus: rotunda quodammodo est, quadraginta quinque in circuitu leucas complectens; fertili est solo, & cānis saccareis abundat. terra enim humidior est, & quotidiano rore sub auroram humectatur, ut sine alio humore cannæ feliciter proveniant & multiplicentur, cum tamen ante Lusitanorum aduentum nullas hic reperire esset: sed à primis Colonis inuectæ, adeo luxuriarunt, ut quadraginta quotannis naues saccaro onerarentur; sed abhinc paucis annis quod vermiculi radices cannarum corroserint, vix quinque aut sex naues onerantur. Quamvis autem initio oram maritimā

*Insula D.
Thomæ
quando
reperita, es-
t unde no-
men tra-
xerit.*

*Saccaro
felix.*

pisca-

*A Lusitania
habita-
ta &
Episcopa-
tu illu-
strata.*

*Huius E-
pisc. etiā
Cōgianis
præst.*

*Quomo-
do primus
Cōgi Epi-
scopus re-
ceptus.*

piscatores incoherent, interius tamen penitus erat deserta. at ex quo Lusitanix rex Colonias in eandem deduxit, plures constructi sunt pagi, & vrbs satis ampla, septingentis domibus instructa; Episcopalis iam est; adeo ut Capitulum hic & Episcopus sit, cui non Lusitanorum modo & aliorum incolarum, sed Congianorum etiam Christianorum cura concredita. Idcirco primus Insulæ S. Thomæ Episcopus, mox in vrbe prædicta inauguratus est, & res Ecclesiæ suæ in ordinem cum rede gisset, in Congum, diocesanos suos visitaturus profectus est. Hic cum ad Prassensem portum, qui quadraginta circiter milliaribus à regia distat, appulisset, admirabili quodam applausu & exultatione à ciuibz receptus fuit: nec defuit hic officio suo rex. omnes enim vias, per quas transeundum foret, purgari complanarique imperavit, quas & storeis constravit, adeo ut terram pedibus non tangeret. Magnus huc undique popularium concursus fieri, pastorem suum coram cernere gaudentium, ut omnes pene viæ spectantibus utrimque, velut sepimento, communirentur: nonnulli arbores locaque eminentiora, eum conspiciaturi, ascendere. Omnes eum ut numen cœlo delapsum venerari, singuli offerre pro facultate sua donaria, hic agnum, ille capellā, pullos gallinaceos, perdices, pisces, alij; quin & beatos sese credere, cum eadem dignaretur recipere. Multi per viam sese baptizandos offerre; atque inter hoc nonnulli octogenarij & nonagenarij; & tanta nonnullorum fuit pertinacia & instantia, ut non prius à petendo destiterint, quam votorum redderentur compotes. His ut satisfaceret Episcopus, aquam semper & salem, aliaque ad sacramenti huius administrationem ex Ecclesiæ præscripto necessaria præfe-

præferebat. Iniecit hoc moram itineri. Urbis metropolitanæ territorium ingredienti obuiam clerus processit & rex cum optimatibus. Deducitur deinde ad ædem S. Cruci dedicatam, in qua actis Deo ob prosperum iter gratijs, in domum, quam parari illi rex iusserat, descendit. sed nulla hic illi quies; neque enim ad quiescendum ac feriandum venerat. Illico igitur muneris sui partibus fungi, & non segniter in vinea Dominica operari cœpit, Ecclesiæ primum negotia disponere, S. Confirmationis Sacramentum administrare, sacerdotes tum Religiosos tum sæculares officij commone, Christianos quoque tam Lusitanos quam incolas, ad virtutē exhortari. Constituit adhuc ut Sanctæ crucis Ecclesia, in qua duodeviginti Canonici vnà cum Præbendarijs, in posterum Cathedralis foret. Verum se igitur pastorem, strenuum, vigilem, cumque diuini nominis ageretur honos, nullum periculum aut difficultatem subterfugientem; & diocesios, pagos & oppida, in quibus Christiani commorabantur obeundo, vicinos vel etiam Pastores instituendo, & quidquid ad gregis sui bonum ac salutem spectabat, quàm diligentissimè procurando, indefessum se Episcopum & speculatorem quoad vixit ostendit. Placuit tandem Deo impigrum hunc vineæ Dominicæ cultorem, cum nouū hunc surculū gnauiter curasset, ex huius vitæ ærunis ad æterna præmia & gloriæ coronā, vti speramus, educere: corpus ad insulā S. Thomæ delatum, ibique terræ traditū. Successit huic in curā & laborē Alphonsi regis filius, quē supra in Lusitaniā & deinde Romā missum diximus: hic cū in bonarū artium studio ac Philosophiæ ac Theologiæ sciētia mirificos fecisset profect⁹, in Lusitaniā cū reuertisset Episcopus S. Thomæ & Congianorū est cōstitutus.

Illius sollicitudo.

Obitus.

*Secundus
Congi Episcopus.*

Sed

aduigilaret, à longo iam tempore caruissent, omnia ex animi sententia ac pro voluntate, nemine refragante, & administrabant, & agebant; hos dū Episcopus officij commonere satagit, illi monentem aspernari, & vnusquisque se potestate illi parem & auctoritate credere, monitaque explodere; magnum hinc Neophytis oriebatur scādalum, & non mediocre damnum noua patiebatur Ecclesia. Episcopus econtra se opponere, auctoritatem ac dignitatem tueri, ac functiones sui muneris exequi; refractarios vero censuris alijsque seuerioribus flagellis compescere. Episcopi partibus rex adhærebat, Clerum pastori vt obediret obtestās, cui piè monenti si qui resisterent refractarij, in Lusitaniam captiuos trans mittebat. Hinc minui Ecclesiasticorum numerus cœpit, quod peruicaces ablegati essent, & alij officio suo deessent: tanta enim illorum in opinione praua fuit pertinacia, vt in Lusitaniam cum ijs quę in Congo sibi parauerant reuerti, quam Episcopo auscultare maluerint. Fides igitur quæ tam lætum ac felicem in Congo ortum habuit, penitus propemodū extincta est & emortua. His auditis, Ioannes Lusitaniæ rex eius nominis tertius, qui rem Christianam illiusq; apud infideles, ad quos iam tum per se tum maiores suos delata erat, progressum & incrementum cordi inprimis habebat; quatuor è Societate Iesu è Collegio Conimbriensi, quod ipse fundauerat, in Congum mittendos ad se euocauit, qui rem Christianam & conseruarent & propagarent, Christophorum Riberam, Iacobum Diazium, Didacum Soueralium, queis Georgius Vascus præerat, viros vineæ illi per commodos & in laboribus Christi nomine tolerandis impigros. Ij ab Olissipone ad celebrem S. Thomæ insulam, anno Domini MDXLI X.

*Ioann. 3.
Lusit. rex
in Congū
IV. è Soci-
etate Iesu
mittit.*

*Equi lignei
in Congo.*

naugarunt, ex qua facilis ad littora Congi trā-
iectus est. In ea insula pedem dum ponunt, febribus alijsq; morbis vexari cœpere; sed non ideo animi strenuitas ac magnitudo victa cessit. necdū enim recuperata valetudine ex Insulā Pindā Cō-
gi emporium trāsmittunt. Eorum aduentu auditor, ex à leucis quinquaginta è proceribus duos obuiam misit; ab ijs in regiā ligneis equis de more patriæ summo cum honore & applausu perducti. Rudis artificij tale cōmentum est. Cantherio seu ligno dodrātalis fermè crassitudinis, pedum octo longitudine, bubulū corium ad sellæ amplitudinem intendunt. huic ephippo diuaticatis cruribus viator insidet, baiulis succollātib. duobus; & ubi longius iter, succedentibus alijs. huiusmodi caballis lāguídos adhuc Patres in interiora prouectos comiter ac benignè accepit, in Ioannis videlicet regis gratiam, cuius litteris commendabantur, rex vnā cum liberis & alijs plurimis ad C u c e extra mœnia positā honoris causa progressus. Tū illis assignatur hospitium, cuiusmodi Aethiopum ædificia sunt, vnius cōtignationis, culmō paleisq; contextum. Ibi Soueralius, quoniam non ad quietem otiumq; , sed ad laborem negotiumq; venerāt; manu operi admota, publicè ludum aperuit, & sexcentos breui pueros collegit, quos labore maximo & litteris & Christianis præceptionib. im-
buebat. Ceteri regi, à quo comiter excipiebantur, propositū suū significātes, ad emēdandā populi ac procerum vitam omni ope connixi primum, dein ad prædicādum ethnicis Euāgelium operam cōtulare, nec sine fructu: quippe intra quintū mensem Riberus mille septingentos Aethiopas probè institutos ad Christum adiūxit; Diazus quadringētos, Vasæus trecentos: idemq; Vasæus cū fido vno dūtaxat interprete, viatico prorsus nullo, in proximos

ximos pagos egressus, duo millia & septingētōs baptismo iultrauit. Ac præter templa olim in vrbe, Alphonsi primī beneficio, cōdita tria in finib. excitauit, dicantq; Saluatori vnum, Mariæ Adiutrici alterū, tertium D. Ioanni Baptistæ. at ingrauescente dein morbo, domū redire coactus: ac reliqui item aduersa cōflictati valetudine (sine id è grauitate cæli, quod Lusitanico grauius, siue ex insolentia deterioris cibi, cōtingeret) à spiritualibus ministerijs ad necessariā corporū curationē, haud sine magno ipsorū dolore traducti. Accessit ad prædicationem interrumpendā, regis quoq; alienus à studio religionis animus, cum rei Christianæ, quæ ipsius auctoritate ac munificētia in primis egeret, segniter admodū ac malignē pro sua parte cōsuleret: atq; inter cetera pessimi exēpli delicta, ab improborum cōsuetudine & à multiplici pellicatu auelli nō poterat. Hæc simul & grauiora optimatum ac Principum, qui regis exemplum sequebantur, crimina, omnē fructus faciēdi spem Patribus præcidebant; adeo vt in Lusitaniam redire, à superioribus, qui illorum opera alio forsan loco, in Dei re agenda opus habebant, euocati redierint.

In Lusitaniam redeunt.

Haud ita multo post Iacobo rege vita functo, graues in Congo motus & seditiones, regni adeūdi causa exortæ; vt paucorū dierum spatio tres ad regnum euecti, mox à cōpetitoribus sint interfecti. Primus erat Iacobi filius maior natu, cui ius ad regnū paternum erat, velut legitimo heredi; sed displicebat hic populo, vt eodē quo rex salutat die, sit iugulatus. Erāt hoc sublato & alij duo, qui ad sceptrū aspirabāt. In horū alterum optimatū nō nullorū & populi animi propēdebāt, at Lusitanis simul & Congianis aliquot proceribus, parū erat grat^o: quare omni studio fratrem illi^o ad regnū euehere anitebātur. Itaq; cū in necē hui^o cōspirassēt

Tumultus in Congo.

impetu facto in templum, vbi pro more reges coronari solebant, & inter faustas populi regem salutantis acclamationes, nescio quo tumultu inopinato exorto regi fauces præcidunt. Hoc interempto, cum nullus maius ad regnum ius haberet, ipsum quem enehere ad sceptrum contendebant, regem certo certius credebant futurum. Sed (ô iusta Dei iudicia!) longè secus accidit. Qui enim partes secundi sequebantur, qui totius populi & procerum suffragio electus erat, audito, iam antequam interficeretur, Lusitanos & aliquot optimates in fratrem animis propendere, quo omnem huic ad regnum spem præciderent, lictores & sicarios qui hunc clam neci darét, submisere: vt quo ille obtruncatus est die, eodem sit hic in alio quodam templo interfectus. Populus omnem stirpem regiam excisam cum cerne-
ret, tantum aduersus Lusitanos (quos horum omnium causam credebatur) odium cōcepit, vt quotquot obuij forent, neci dederit, præterquam sacerdotes, quibus dignitatis & officij sacerdotalis gratia pepercit.

*Tres-
ges Congi
anæ die
occisi.*

Hi dum motus inualescerent, ne quid interea detrimenti regnum, si diutius rege careat, acciperet, optimates vnà cum populo Iacobi fratrem Henricum ad regnum euexere. Excusserant interim Anzicani Congianorum iugum, quos Henricus rex domiturus, cum copioso exercitu in illorum fines profectus est; Aluarum vxoris suæ ex alio filium, vicesimum quintum annum agentem, interim velut regni vicarium constituit. Hac in expeditione obiit Henricus, & in ipso stirps regia penitus extincta; cui omnium suffragio Aluarus successit. Valebat hic prudentia, & benignioris erat indolis; quamobrem mox omnes, qui per regnū passim tumultus exorti erāt, compone-
re sa-

*Henricus
Iacobi
frater co
ronatur
rex.*

re satagebat; Vtque regnum beneuolentiâ subditorum constabiliret, Lusitanos omnes tam Ecclesiasticos quam laicos, qui per diuersas regni prouincias, ne eodem quo ceteri modo iugularêtur sparsim vagabantur, ad se euocauit. Quidquid actum erat excusare conabatur, & illos à conpirationis prætentæ crimine immunes præstare. Id ipsum & regi Lusitaniæ & Episcopo insulæ S. Thomæ perscripsit, eumque, vt sine villo prorsus metu ac suspicione, eodem quo prius modo in Congum veniret, rogauit. Noua hæc beneuolentia non Lusitanos, sed & Congianos mirificè recreauit; multis enim, quæ Lusitanorum Societas commerciumque afferebant, cōmodis se cernebat frustratos. Hinc renouari cœpère commercia, vetera odia sopita, & præteritæ dissensiones inimicitiaque obliuionis tumulto obrutæ; Episcopus quoque, qui ob motus illos in Congum transire ausus non erat, regis vt litteras accepit, rei Ecclesiæ dispositurus, in Congum traiecit; & omnem vindictæ appetitum, in vtrisque, si quis supererat, extinguere pro virili conabatur; suis item consilijs sanctionibusque quibus Ecclesiasticū statum, qui insignem iacturam fecerat, & non parum tum præteritis tumultibus, tum longa Episcopi absentia labefactatus erat, restituit: denique cum omnia ex voto composuisset, in insulam D. Thomæ reuertit, in qua in morbum incidens, breui demortuus est, vt iam tertio sedes Episcopalis vacauerit.

Interim Aluarus rex, quod iuuenili licentia effervesceret, & parum firmas in fide radices egisset, brutalibus voluptatibus, cum à nemine officij commonefieret, habenas laxabat. Episcopo siquidem vita functo, & clero in dissolutionem relapso, non erat qui illū coarguere audebat, aut à

*Tumultus;
præteritos
excusat.*

*Episcop. in
Congum
trāsīt, &
quidnam
præstiterit.*

*Rex Alu.
l. fidem
Christia-
nā deserere
molitur.*

vitæ liberioris semita auocare; penitus vt ei, optimatibus quoq; & populo, (qui Principis exemplum sequi solet) diuina omnia desiperent ac displicerent, adeò vt iam de fide publicè deferenda agi cœptum sit. Regem, eò vt de mentia propemodum veniret, induxerant quānidi quidam ac stolidi adolescentuli, atq; in primis Franciscus Bullamaterius, illi consanguineus, cuius præ ceteris magni apud illum valebat auctoritas, tum quod sanguine illi iunctus esset, tū quod nouis illū quotidie dignitatib. exornaret. Hic igitur ceteris audacior, publicè ac priuatim apud Regē fidē Christianam sugillare, & eam regno ac rebus publicis perniciosam iactare, in primis quod vxorū pluralitatem vetaret; sat. us videri veterem amplecti, sub qua Congiani & opibus & potētia vicinis omnibus præcellere. His alijsq; criminationibus tantum apud regem ac populum, imo & apud omnes regni propemodū incolas, effecit, parū vt abfuerit, qui n fidē Christianam, quam olim tāto zelo & ardore amplexi erāt, velut inutile & noxiam proscriberent atq; abiurarent. Sed diuinæ bonitati ac potentæ obicē huic molimini visum obijcere; dū in nefarij huius cōsiliij auctorem suasoremq; grauissimè animaduertit. Cum enim Franciscus Bullamaterius a finitate & fauore regis turgidus, quotidie magis magisque insolesceret, & aduersus Dei legē nullo nō loco debaccharetur, ecce mors illū peccatis inuolutum & blasphemātem oppressit.

Mortuum rex, quamuis publicum fidei desertorem, quod sibi affinitate iunctus esset, solēniter in S. Crucis templo condi iussit. Sed audi rem mirabilem; quæ velut frēnū eos qui fidē iamā abiuraturi erāt, retinebat, & qui in eadem nutabundi vacillabant, confirmabat. Nocte enim post sepulturā prima, magno fragore excitato magnaq; v. ol. tua
de-

*Idq; sua-
su Fran-
cisci Bul-
lamaterij
cōsanguini.*

*Damones
cadauer
eius in tē-
plo sepul-
tū abripi-
unt.*

dēmones tēplū ingrediūtur, vt eminus audiri possint. Hic templi tectū perfringere, storeas ē quib. constructum erat, frustatim cōminuere, impium hoc cadauer tumulo cruere, & secum flammis, ve creditur, infernalibus vnā cū animavstulandū abripere. Postridie tota ciuitas hoc repentino denōtē fragore excitata, ad templum spectandi gratia cōfluunt, hic tectū perfractum, tumulū vacuū, corpus ablatum demiratur; nemo quo delatum esset nouerat, sed oēs consternatos magnus incessit metus: vt rex & quotquot in fide ancipites fluctuabāt, ducti pœnitentia ab impio proposito destiterint, & alij de fide Christiana rectius quam antea sentirent. Rex tamen qui cælebs erat, & neminem à quo ad meliora excitaretur, & à vitiorum semita abduceretur, habebat, in fœdo voluptatū cœno hæsit, donec tādē grauius in eum Deus animaduertit, vt sequenti referemus capite.

CAPVT V.

Giacha barbari Congum diripiunt & expilant, sed à Lusitanis profligantur: rex sacerdotes Catholicos mitti sibi contendit; quid aliquot Societat. IESV Patres in Congo egerint: rex Aluarus II. egregiam de fratre, qui ad regnum adspirabat, obtinet victoriam.

HAud procul à lacu, qui ē duobus, ē quibus Nilum nasci cōstat, magis ad meridiē vergit, populus est, ferus & barbarus, quem Giachas dicant; raptō hi & latrocinij, Arabum ac Numidarum ritu, victitant: humanavescūt carne, ab omni tamē sunt humanitate prorsus alieni. nullū enim dominum aut regē agnoscūt, incertis vagātur sedibus; sed pastorum instar, modo huc, modo illuc, prout fert impetus ferūtur, mapalia

*Giacha
eorūque
mores.*

*Congum
expilant.*

Ex arbuſtis conſtructa, aut tentoria quæ ſecum deferunt, domorum vicem obtinent. Arma offenſiua ſica eſt oblongior, arcus & ſagittæ, aut telum miſſile; quibus vero ſe tuentur, clypeus oblõgus, in medio latior, integrum vt corpus obtegat; ſed ad vtrumque extremum anguſtior; in imo acuminatus, vt terrę inſigant ac propugnaculi vicem obtineant. Hi ea tempeſtate terminis ſuis egreſſi omnia circumquaq; diripiebant, vt tandem & in Congum per Battam ſibi vicinam prouinciã deſcenderint, quidquid obuium haberent neci dantes. Hæc dum in Regia ſparguntur, copiæ aliquot quæ eos compeſcant & intra fines ſuos compellant, emittuntur; ſed à barbaris ad internecionem delentur. Giachæ itaque nullum qui reſiſteret obuium habentes, Congum regni totius caput, crudelitatis & immanitatis vbique ſignis relictis, petunt; quorum audito aduentu, fuga ſibi quiſque conſulit; tanta animos omnium inuaſerat formido. Rex non minori pauore conſternatus, horum audita feritate, ad conflictum egredi non eſt auſus, ſinibus eos ſuis pellendo; ſed in vrbe regia, quã ad impetum ferendum ſatis credebatur munitam, illos exſpectare decreuit. At nõ minor hic barbarorum fuit audacia; montis enim cui Congo inædificata, radicem aggrediuntur. Rex hoſtem accedere dum videt propius, aſſumptis ſecum aliquot, quos apud ſe habebat (potior enim pars, hoſtem audito aduentare, fuga ſibi cõſuluerat) vrbe egreſſus eſt, barbaros ne montem alioquin ſalebroſum aſcenderent impediturus, ne ad planitiem illam pertingerent, in qua olim rex Alphonſus tam proſpero ſuccèſſu rebelles domuerat. Sed non tam felicem hic naçtus eſt: vt qui nec pari in Deum confidentia in aciem deſcenderet. Internè enim peccati liuore vulneribusque

*Regem in
fugam cõ
ijciunt.*

erat

erat exulceratus, & vehementibus conscientiarum stimulis exagitabatur, adeo ut diuinum sibi auxilium diffideret adfuturum, ut qui debitum Deo cultum & honorem non detulisset. Hostis itaque facili negotio planitiem subit, & regem cum suis fugientem in urbem compellit. Hic exaudiri mulierum ac puerorum eiulatus & gemitus, quasi iam in hostiles manus incidissent. Rex cum varia agitasset animo, videretque nullum defendendę cōseruandęq; spem vrbs superesse, fuga sibi consulere, & locum aliquem munitum petere statuit. Conuasatis igitur omnibus, & vniuersa pretiosa supellectili asportata, cum militibus & præsidiarijs abitum maturat, urbemque omni destitutam præsidio deserit: sola enim hic restabat plebecula, quę tantę barbarorum multitudini non poterat resistere. Barbari interea sine vlla difficultate urbem ingressi, ferro flammaque omnia excindere, obuios vindice gladio trucidare, nec templis & regio palatii parcere. Ita visum Deo, non in regem modo, qui omni penę regno exutus erat, sed & incolas, tam Congianos quàm alienigenas, tam sæculares quàm Ecclesiasticos, animaduertere. Nullum apud barbaros sacrorum profanorumq; discrimen, tamque sacra & fana quàm plebeiorum ædes diripiēbant: cumq; nec satis esse crederent, omnia pretiosa expilasse, & potissimam vrbs portionem flammis dedisse, per vniuersum se regnum diffundunt, obuia quęque ferro obtruncant, domos succendunt, agros deuastant, & magnam longē lateque, nemine impediēte, stragem edunt. Incolę enim audito regem fuga sibi cōsuluisse, & urbem regiam à Giachis euersam & direptam, vitę consulturi, montana, facultatibus hostili furori omnia deuoranti relictis, conscendunt. Plurimi verò eorum qui ad montes confu-

*Congum
regiam
diripiūt.*

*Magna
regni de-
solatio.*

*Paupertas
& inedia
illorū qui
cum rege
fugerant.*

*Rex à Deo
punitur.*

gerant, cum rerum necessariarum copiā non haberent, famē miserē extincti sunt, vt nō pauci per viā inedia iacerent consumpti. Rex in insulam caballinam secessit, quam iam ante descripsimus: at quoniā plurimos secū habebat, multi indies, quod commeatu destituerentur, extinguebantur: secuta est, vt fieri solet, grauis aeris contagio, & pestilens lues, vt omnes propemodum qui eò confugissēt, inedia & ærumna consumerētur. Buccella quippe panis cum mācipio permutabatur, quod antea vix decem coronatis emeretur; quin & felices se hoc pretio si cibum nanciscerētur, existimabant. Lusitani qui in insula S. Thomæ commorabantur, audito eos qui in insulam Caballinam fugerant, rerum inopia diuexari, commeatū exiguum, quē cum mancipijs, vti diximus, permutabant, ad eos miserunt. Erat haud dubiè funestū spectaculū videre à parentibus fame pressis vilissimo pretio filios diuendi, quo vitā ad aliquot momenta differrent; à fratre fratrē cum buccella panis permutari; quodq; longè deterius, à filiis parentes venundari, & libertate spoliari ab ijs quibus vitā dederant. fuere & optimates qui sponte se seruituti subiiciebant, hac spe freti, ab emptore se saltē necessaria ad victum habituros. Hinc Insula D. Thomæ & Lusitania mancipijs Congianis repleti cœpta est, & quidem viris nobili genere prognatis. Rex quoque, quamuis non tanta quanta ceteri fame premeretur, extremam tamen passus est inediā, vt cibis deterioribus & esui minimè idoneis viueret. hinc hydropem contraxit, quo ad extremum vsque vitæ diuexatus est. Sic Deo visum in Regem sentire, vt ad mentem saniozem rediret, qui miraculo superiori admonitus à vita scelestā non recefferat. Sed vexatio dedit intellectum, nam ad extrema redactus oculos aperuit, & sibi

à Deo

à Deo hæc ob delicta flagella immitti agnouit, vt magno cum gemitu & lachrymis illius opem auxiliumque supplex depoposcerit. Atque vt Deus non vult mortem peccatoris, sed magis vt conuertatur & viuât, afflictum regem, illiusque subditos consolari voluit, illam regno, & hos quieti restituendo, quod hoc pacto contigit. Lusitani qui in Insula D. Thomæ commorabantur, Regis & regni calamitatem cum intuerentur, cōsiliū suggessere, legationem vt in Lusitaniam adornaret, qua præsentem ærumnam indicaret, & nisi suppetias aliunde nanciscatur, breui de salute sua atque omnium Congianorum actum fore nuntiaret. Hæc sub initia regni Sebastiani regis Lusitanix contigere, qui mox ducem Goueam nomine, cuius industriam tam in India Orientali quam Africa varijs in conflictibus perspectam habebat, in Congum destinauit, addiditque ei sexcentos præsidarios, præter ingentem nobilium Lusitanorum spontaneorum multitudinem, qui fortunæ periculum facturi suæ, in expeditionem illam vtrò dabant nomina. Gouea igitur cum suis in Insulam S. Thomæ cum appulisset, illius præfectus, vti à Lusitanix rege in mandatis habebat, comæatu & alijs ad expeditionem necessarijs, copias instruxit, & quæ tanta celeritate, vt Gouea cum suis breui in Congum traiecerit, & ad ciuitatem Præsensẽ appulerit; è qua rectâ in Insulam equorum nauigauit, regemque incredibili, aduentu suo, voluptate perfudit. Nec mora, in copias suas allegit omnes quos armis ferendis reperit idoneos tam incolas quam Lusitanos, & ea, qua fieri poterat festinatione aduersus Giachas lato rerû præteritarû successu turgidos, cõtendit. Multis eos conflictibus, ac proelijs attritos, intra sesquianni spatium, multis

*Rex Sebastianus
Congi regem
succurrit.*

multis eorum obtruncatis , regno penitus exegit. Post diuinum auxilium non parum ei profuit balistarum & nearum fragor, quem Giachæ, utpote non assueti, mirum in modum exhorrescebant. Rege igitur regno, & regno paci restituto, ouans in Lusitaniam reuertitur; Rex verò ad Regem Sebastianum litteras misit, quibus infinitas ei gratias egit, cuius ope non vitam modo, sed & regnū recuperari; simulque enixè sacerdotes aliquot in Congum incolarum instruendarum gratia destinari petijt. Plurimi verò Lusitanorum, qui cum Gouea in illam regionem nauigant, terræ ubertate & regis liberalitate, qui nouis indies eos honoribus & beneuolentiæ signis prosequabatur, illecti ibi remanserant. Rex itaque Congianorum flagellatus & castigatus cum saperet, ex animo se ad Deum conuertit, & Catholicam quamdā, nobili stirpe oriundā, sibi in uxorem adoptauit, è qua quatuor deinde suscepit filias, sed è concubinis venalibus prius duos filios & filiam. Quoniam vero pro regni consuetudine filiarum paterni regni successionis incapaces sunt, maior natus filiorum è Concubinis prognatorum Aluarius, paterno nomine appellatus, legitimus hæres & successor regni declaratus est, & regnum, ut dicetur, adiit. Interea verò dū Gouea cum copijs suis in Congo subsisteret, ad regem Lusitanie perscribitur, auri, argenti aliorumque metallorum venis regnum hoc abundare: quare duos erudi auri peritissimos artifices, quorum opera Hispani in India occidua, in aurifodinis inuestigandis vti fuerant, misit. His imperauit, ut Rege Congi annuente, Congianas fodinas indagarent, & rimerentur, num quod inde erui emolumentum posset. Rex Congi, sacerdote quodā Lusitano Francisco Barbutio in consiliū adhibito, fossores aliò

Rex Lusitan. fodinas Congo aperiri iubet.

duxit.

duxit, vbi nullas esse auri venas sciebat, veritus ne si fodinæ Congianæ referarentur, regnum pessum iret, & ipse in extremo periculo versaretur. Ac quamuis vtile hoc consilium videretur, quo alienigenas à regni sui possfione ita arceret, nò adeò tamen lætum res successum habuit. Lusitani enim cum aurifodinas quibus tantopere inhiabant reperire se posse in Congo diffiderent, non adeo libenter, vti solebant, cum Congianis inibant cōmercia; atque hinc fiebat, vt pauci sacerdotes eodem commigrarent, magno rei Christianæ quæ sensim extinguebatur, detrimento. Iacturam hanc religionis dum Congi rex intueretur, maxima animi contentione à Rege Lusitaniæ postulauit; sacerdotes aliquot vt in Congum transmitteret, ne Christiana fides, quam tanta animi pietate ac zelo maiores sui amplexi erant, penitus in regno intermoreretur; idque non tam incolarum satis in religionem propensorum vitio, quam sacerdotum, qui eos officij commonerent, sacramentaq; administrarent, inopia ac defectu. Gouea in Lusitaniam reuerfus, regi Sebastiano litteras, quibus hæc postulata cōtinebantur, tradidit; qui aliud nò respōdit, quàm regi vt in sacerdotum petitione mos gereretur, daturū se operam. Sed nullū res est effectum cōsecuta. Adeo vt Congi rex pietatis in regno restaurandæ ardens desiderio, legatum insuper in Lusitaniam miserit, à rege qui peteret, vt quæ motu præterito diuendita Lusitanis essent mācipia, persoluto pretio redderētur, & sacerdotes, qui suos fide Christiana imbuerent, in Congū mitterētur. Legatus in Lusitaniam cū appulisset, plurima redemit mancipia, alij tamen libertatem seruituti postponentes, in Lusitania manere, Deo vt seruirent securius animæque salutem procurarent, quam in patriam huiusmodi auxilijs spiri-

*Religio
Christiana
in Congo
sacerdotū
inopia ex-
stinguitur*

tuali-

tualibus destitutam, quamvis in libertatem asserti, redire malebāt. In altero legationis capite votorum non est compos factus, sed inani promisso lactatus, sine villo prorsus sacerdote in Congum reuertit. Abhinc tamē triennio Ep̄ scopum in Insulam D. Thomæ Sebastianus rex, Hispanum natione, Antonium Gliouam, miserat, dederatque in mandatis vt in Congum trāsmitteret, incolas illius cōsolaturus & docturus, visurusque quo in statu res ibi Christiana versaretur. Ep̄scopus in Insulam D. Thomæ cum venisset, præfecto illius parum gratus exstitit, atque ideo propediem in Congum traiecit, sed præfecti inuidiā, iniuste apud regem superbix & arrogantix, & quod regix se maiestati præferre contenderet, fuit accusatus. Tantum autem apud regem valuit calumnia, vt regni illum aditu primò interdixit; at vbi didicit deinde nonnisi meras esse calumnias & maleuolētiam, comiter illum excepit, & filiorum vnum obuiam illi misit, à quo magno beneuolentiæ argumento in regiam perductus est. Ep̄scopus cū octo mensium spatio in Congo substitisset, in Lusitaniā, paulo antè quam Sebastianus rex in Africā expeditionem moueret, redijt, sex duntaxat in Congo sacerdotibus relictis, religiosis duobus & quatuor sæcularibus, qui centesimæ regni portioni sufficere non poterant. Rege Sebastiano in Africa extincto, iterum è Congo ad Henricum Cardinalem, qui Lusitaniæ regnum adierat, venit Legatio, qua enixè sacerdotes petijt. Sed cum & Henricus haud multo post demoreretur, voto satissacere regio nō potuit. Philippus II. Hispaniarū rex Henrico Cardinali cū successisset, legatione hac piā auditā, præfecto insulæ S. Thomæ perscripsit, regio vt nomine Legatum in Congum mitteret, & regi amicissimè perscriberet quā maiores sui Lusitaniæ re-

Regis Congo instantia pro impetrandis sacerdotibus.

nia reges ostenderant in Congianos reges bene-
uolentiam & affectum, suo nomine non defuturū.
Sebastiano de Costa hasce litteras præfectus tra-
didit, qui easdem Legati nomine in Congum de-
tulit. rex Aluarus mirificè hisce litteris recrea-
tus eundē Sebastianum cum litteris ad regem Phi-
lippum destinauit, quibus præter ea quæ ad litte-
ras regias responderat, auri argentiq̃ue venas,
quas in Congo latere fama erat, vltro velut ami-
citix pignus & vinculum obtulit. Vt vero promissis
fidem faceret, aliquot etiam laminas ac specimina
metallorum Congianis venis eductorū misit;
non aliam à Rege Hispaniæ vicissim compensationem
expectare asserens, quàm sacerdotes aliquot, qui
populum rudem fide Christiana imbuerent, &
vacillantes in eadem confirmarent; periculum enim
esse, ne, nisi propediem doctor aliquis aduenerit,
eandem amittat. Sed priusquam legat⁹ hic appulisset,
haud procul a Lusitania naufragium passus est;
at quæ in mandatis habebat, naufragium non fecere,
nam arcula, cui regiæ litteræ incluse, in littore
reperta fuit. Congi rex tristis & peracerbo hoc
casu non mediocriter cōtristatus, nō ideo à cōceptis
desistit, sed eadē qua prius contentione sacerdotes,
qui rem Christianam promouerent, per nouam
legationem petere decreuit. Plures se optimates
Cōgiani, hac legatione ut fungeretur obtulere,
sed regis visum cōuenientius alienigenæ eandem
cōmittere; selegit itaque Eduardum Lopesium
Lusitanū, è cuius gestis hæc omnia Pigafetta
Italus, & nos è Pigafetta mutati sumus. Con-
cesserat in Congū hic Eduardus, cū Sebastianus
rex in Africā traiceret, ex eo tēpore ibidē erat
cōmoratus mercatorem agēs, & mores, linguā,
regniq; statum perfectissimum habebat, ut illi
poti⁹ quā subditorū vlli legationē suā ad regē

*Philippi II
Hispan. regis in
Cōgum legatus.*

*Eduardus
Lopez Lusitanus
regis Cōgi
Legatus.*

Philip-

In Hispaniam mittitur.

Et ad summum Pontificem obedientiam deferenda causa.

Philippum committere decreuerit. Huic in mandatis dedit, Regi vt miserū rei Christianę in Congo statum significaret, & enixè peteret, animarū, quę doctoris à quo in viam salutis reuocarentur, defectu miserrimè peribant, vt illum tangat miseratio; sacerdotes proinde aliquot, qui populum pabulo spiritali carentem, ideoque tabescentem reficerent, mitteret; neminem esse namque, qui diuini verbi panem frangat & impertiat, sacramentaque administret. Vtque etiam pondus aliquod haberet & efficaciam legatio, emolumentoque saltem temporali ad illud opus permoueret, laminas iterum aureas aliasque, quę fodinis Congianis eruuntur addidit, quas regi Hispaniæ deferret, plenum ei ius & per quoslibet auri argentique effodiendi potestatem offerens. Iniunxit insuper Eduardo, nomine suo vt Rom. Pontifici pedes oscularetur, & obedientiam pro more aliorū Christianorum Principum, obsequiumque quam suppliciter offerret, ei Congianam messem & sacerdotum penuriam aperiret, vt eo maiori sua Sanctitas affectu rebus Congianis prospiceret, quò ex officio ea quę & ad Dei cultum & animarum salutem spectant, eum curare diligentius cōstabat. Legatus hic cum octo adhuc mensibus in Congo rerum suarum curandarum gratia esset commoratus, mense tandem Ianuario nauigationem instituit; sed satis sinistram & infelicem: plurimis enim tēpestatibus & procellis, non sine periculo diuexatus est, & tandem in Insulā Culazoam, è regione insulæ Margaritæ, gemmarum piscatu nobilis, haud procul à noua Hispania sitam, apulit. In grauem hic morbum incidit, qui anno cum integro lectulo affixum detinuit. Periisse eū naufragio, vt Sebastianum, credebatur rex, ideoque aliū cum iisdem mandatis litterisque destinauit,

Petrum

Petrum Antonium nomine, præcipue Congianæ nobilitatis virum.

Socium ei Gasparem Diazium Lusitanum adiunxit, virum pietate non minus quam opibus illustre, cuius ope auxilioq; , quodd Hispanorum & mores & linguam calleret, quæ postulabat facilis se sperabat adepturum. His quoque iniunxit, ut si fortè in Eduardum Lopesium incidissent, ei se socios adderent, simulque omnes quam maximè ad petita obtinenda iunctis viribus conniterentur. sed hisce legatis casus accidit non minus sinister quam superioribus, nanis enim quam conscenderant in Anglorum piratarum, quibuscum Lusitanis & Hispanis immortales tunc erant inimicitia, manus incidit; hanc igitur in Angliam cum abducerent, scopulis & vado illisa periit, Petrus Antonius eiusq; filius, simul & aliquot Congiani submersi; sed Gaspar Diazius sospes euasit, & in Hispaniam peruenit, vbi in Eduardum Lopesium forte fortuna incidit, qui ante aliquot dies eiusdem rei causa appulerat. Diaz Eduardum omnium casuum suorum certiozem cum fecisset, clanculo & insalutato illo in Congum reuertit. Eduardus cum se solum esse videret, litteras regis Congi Philippo regi, qui tum Madriti versabatur, obtulit; à quo humaniter acceptus & summa cum voluptate, legationis dum mandata depromit, auditus fuit. Sed interea dū res differtur longius, nuntiatum est, Regem Congi à quo missus erat, exspirasse; adeo ut aliud ei responsum non fuerit, quam regem Philippum, bellis Anglicis tunc occupatum huic negotio hoc tempore vacare non posse. Eduardus itaque cum hanc spem fractam cerneret, Romam, Pontifici qui tunc Sixtus V. erat, legationis munus expositurus petiuit. Benignè eum comiterque Pontifex excepit; cui cum Congianorum

*Alia legatio regio
Cōgi hand
multo la-
tior*

*Aluarus
I. Congi
rex mori-
tur.*

neceſ-

*Exitus le-
gationis E-
duardi Lo-
pez.*

*Misſio
cuiusdam
Soc. Iesu
in Congo.*

neceſſitatem ac miſeriam aperuſſet, quantoque in periculo res apud illos Chriſtiana verſaretur, & quātum diſcrimem, paſtorum qui verbi Dei & ſacramentorum pane illos reficerēt, inopiā, animabus illorum immineret; quā potuit efficaciffime ab eodem, Regis Congi nomine poſtulauit, vt pro paterno in Chriſtianos omnes affectu, nouellæ illi Eccleſiæ de Episcopis, paſtoribus, alijsq; ſacerdotibus, qui rudem illam barbariem erudirent, ſufficienterq; inſtruerent, proſpiceret; ſe quoq; ſi qua in re facultatibus ſuis vſui eſſe poſſit, eaſdem vltro quam libentiſſimè offerre. Promittebat inſuper ſumptu ſe ſuo (nam opibus in Congo abundabat) domum ædificaturum, in qua iuuentus tum literis tum Chriſtianis præceptionibus inſormaretur. Reſpondit pontifex, Regi ſe Hiſpanienſi, cuius hæ partes erant, negotium hoc committere; adeo vt Romæ nihil omnino profecerit, & effectu oprato caruerit legatio. Cōſtat tamē, aliquot Soc. Ieſu Sacerdotes ſæpius Congum, ex quo domū in Inſula Loanda naſti ſunt, adiſſe. Inter alios, is qui anno ſalutis MDLXXXI. negotij alicuius ardui conſciendi gratia, eodem traiecit, vidit, quā cultoribus indigeret vinea illa Chriſti, qui quod deſſent, vitiçis & lolio ſcatebat. Triginta enim opidorum vicorumq; millibus, quæ habere Cōgus dicitur, decem aut ad ſummum duodecim ſacerdotes ſcribebat præſſe: magna hinc rerum ad ſalutem ſpectantiū in populo illo ignoratio; nā interrogati quid crederent, aut cui religioni addicti eſſent, aliud Chriſtianismi ſui dare indicium non poterant, quā ſalem ſe comediffe, quo ſe baptizatos aliquādo fuiſſe teſtabantur; baptizandis ſiquidem ſalem Eccleſia dari præcipit. Hic igitur vineam illam cœpit excolere, excaudicare noxia, rudiores imbuere, & quæ ſalutis erant palam ac priuatum

uatim edocere; quin & mille quingétos quinquaginta septem baptismo renatos Ecclesiæ adiunxit. Alius quoque societatis eiusdem Religiosus Anno MDLXXXV. postea in Congum traiecit, qui etiam messem quidem multâ, operarios vero paucos reperit. Scripsit enim plurimos hic reperiri pagos, quorû habitatores omnes Christianos esse se asserunt, rarissimè tamen ad eos sacerdos commigrat; sunt qui nûquam ullû sacerdotem viderû. Quocumq; hic se conferebat, incredibili aduentu suo Christianis solatio erat; multi obuiâ illi procedere, & magna illû excipere beneuolentia. Ille vicissim ad salutis semitam eos allicere, qui iam Christo adscripti erât in fide cõfirmare, paruulos parentû permittu baptismo lustrare, quin & alios prouectioris ætatis, qui Christiana præcepta callerêt, & baptizari postularêt. Baptizatorû numerus, adnumeratis etiâ quos in Angola baptizarat, ad millesimû pertingebat. cû enim in vtriusq; regni limite ageret, modo ad Cõgianos, ad Angolanos modo se conferebat. Elapso deinde biennio alius quidâ eiusdè Societatis sacerdos, a rege ob magni momèti negotiû conficiendû euocatus, (vtiam iâ referemus) eodè cõtedit, quod hoc pacto cõtigit.

*Item alius
rius postea.*

Aluatus I. de quo hætenus locuti sumus, rex demortuus filiû sibi cognominè, regni simul & fidei heredem ac successorem reliquit. Hic initio regni sacerdoti Soc. Iesu, qui tum forte in regno Angolano, tum Lusitanorû tum incolarum iuuandorum & ad virtutû iter incitandorû gratia versabatur, perscripsit, optare se de nonnullis quæ ad animæ salutem spectabânt, cõferre. id ipsum quoque perscripsit Lusitanorû qui in Congo commorabâtur Præfectus, & alij nobiles viri Lusitani, qui Regi famulabâtur. Sacerdos cû ad iter se iâ cõparasset literę ei redditę præfecti Lusitanorû Angolâ incolētû

*Tertia
missio al-
terius sa-
cerdotis
qui à rege
postulaba-
tur.*

quibus illum ad iter hoc capeffendum infligabat, additis etiam litteris fuis ad Regem Congi perferendis, quibus illi aditum regnum paternum gratulabatur, fimulque ei omne, Lufitaniæ Regis nomine, illius defendendi caufa, fi quis motus infurgeret, obfequium fpondebat. Ingentem hoc regi nouo animum addidit, illiusque rebus non mediocre emolumentum attulit: quod enim legitimo nõ efferet natus matrimonio, non deerant, qui regno eum deturbare conabantur. Hic igitur facerdos vnà cum socio ad Regem profectus, benigne comiterque ab eodem receptus efl; quod hinc manifefte colligi poteft. cum enim promovere haberet, nonnifi aliquot diebus exactis eos qui falutandi caufa ad regiam confluerant, temporis vt diuturnitas auctoritatem pareret, alloqui; audito facerdotem hunc adueniffe, nomine eum fuo per vnum ex optimatibus falutauit, & in regiam introduci imperauit. Obtulit hic Regi Præfecti litteras facerdos, fimul & pia aliquod munuscula, vt Reliquias, imagunculas fanctorum, grana benedicta, aliaque quæ regi, vt vultu præferebat, gratiffima fuere. Aduentus huius non minus regi vtilis exftitit: cum enim à morte patris hætenus ab omnibus defertus & à fuis contemptus domi fe continuiffet, ne quam improbis in caput fuum coniurandi caufam daret, fimul vt oportu- num, quo bonorum omnium confenfu in regem coronaretur, tempus exspectaret; audito Præfectum Angolanum litteris illi de paterno effe regno congratulatum, & aduerfus coniuratos opem pollicitum, tanto repente in omnium animis orta efl mutatio, vt plurimi optimatum fpon- te illi regnum gratulatum venerint, & obfequium, quod hætenus diftulerant, vltro detulerint. Soror interim, quam à parte habebat paterna, occultam aduerfus

*Regi hac
gratia &
vtilis.*

uerfus illum machinata est coniurationem; in alterum enim fratrem tunc absentem magis propendebat, eiq; regnum delatum volebat. Tantū porro illauctoritate sua effecerat ac verbis, ut alter, dum nullum sibi putat aduersaturum, ad urbem cum exigua hominum manu recta celerrime contendere, ut priusquam aduenire nuntiaretur, coram adesset. Cognito igitur Angolanum præfectum fratri litteras misisse, Lusitanis omnibus qui in Congo versabantur, interdixit, ne quod Aluaro fratri auxilium aut suppetias ferrent; sin. minus, ferro se obtentā victoriā (quam sibi certā & indubitatā iam spondebat, & humanitus loquendo, non sine ratione; quā paucissimos enim secū habebat Aluarius, nec ad cōflictum se parabat) in omnes animaduersurum, omniaq; illorum tēpla altariaq; euerfurum. Aluarius vero cum Deum exercitibus & prælijs sciret præesse, inque illius manu omnem omnium regum potentiam ac regna versari, precibus illum sibi propitium reddere studuit, & si forte illum haberet iratum, peccatorum præuia exomologesi, & sacro Christi corpore velut cælesti quadam armatura, magno animi ardore assumpto, gratiam illius & opem deprecari. Sacerdotem deinde Societatis Iesu, qui tum in regia versabatur, & ceteros qui in vrbe erant sacerdotes, rogauit, ut postridie, Kalendis scilicet Augusti, quo die de summa rei iacienda erat alea, sacrificijs & orationibus Deum propitium redderent, & victoriā ab eodem flagitarent. Quicquid in regia pretiosi habebat, sacerdoti nostro, quo asservaret, aut, si forte profligatus occumberet, in pios vsus conuerteret, in manus tradidit. Ac tum primum bellico apparatus comparando incubuit; quod vero plurimōs fratris partes sequi compertum haberet, & in caput suū conspi-

Frater illi bellum mouet.

Aluarius ad bellum separat.

rasse (neque enim huiusmodi moliminū ignē quis celarit, quin indicio se prodat suo) quod etiā non-nullos suspectos haberet, nefarios imprimis ac turbulētos homines, quibus parum fidebat, in regiā cōnotatos hacce oratione cōpellauit: Vidistis, crediderim, Proceres, fratrem nō legibus patrijs dūtaxat, sed iure naturę etiā cōculcato ac violato, armata me fratrē ac regē suum manu oppugnare. Quāuis aut natura in rerū nouitatē propēdeat, tūq; ætatis sit feruētioris & rationis incapacis, tū quod lata animi cōtentione regno inhiet; nunquam tamen erigere cornua, & huiusmodi quid machinari ausus esset, nisi hac in vrbe socios & rerū suarū cōscios instigatoresq; haberet. Hoc in cœtu, hocq; in loco sunt, qui illius partes mordicus tuēdo pro eodē decertēt: maius vt mihi meis cū ciuibus (si modo ciuiū digni nomine, remp. & ciuitatem qui euerlam volunt) quam cum hoste (ita enim fratrē dicam necesse est, ita dici cum velit) sit futurū negotium. Nouistis, credo, patre vos annuēte, qui tantis laboribus regni cōparati me heredem esse voluit, sacramentū mihi velut regni successori & heredi legitimo dixisse. Vos inquā me sceptro dignum iudicastis, vos regni inuitum gubernaculis adnōuistis, vos reluctātem ac nihil min⁹ ambiētem sublimastis; itaq; verbis dumtaxat vestris ac fide fretus morē gessi, ac futurorum nescius præsētia solummodo spectauī: an metu mei, an vero patris memorię conseruandę ergō hoc factum sit nescio, Sunt tamē permulti, qui vel odio mei, vel rerum nouarum mutationisq; desiderio, vel etiā forsitan ob rē aliquā momenti maioris, sacramēti iuramentiq; oblitī, quamuis corpore sint in ciuitate, foris animo versantur, & mente nos sua oppugnant. Vt vero toti, & animi & corpore cum hoste sint, procul à bonorū segregati cōsortio, ne
qua n

quam illis improbitatis labem aspergāt, plenam absolutamq; abeundi & quocumq; se conferendi potestatem elargior. Ipse vero nō humanis viribus, sed diuino innixus auxilio, & causę æquitate fretus (quamuis etiā inuictum Lusitanorū robur mihi nō defuturum sciā) aut summa cū æquitate, hoste cōfecto & superatis rebellibus, regnare hocce loco decreui, aut, si visum Deo, ius meū ad extremum vsq; defendendo occumbere. sed in victoriā spes mea promior est, ac certo mihi persuadeo, hostem quamuis instructissimum, quāprimum vt in cōspectū nostrum venerit, metum cōsternatum fugā sibi cōsulturū. Non enim ignoratis, eos qui secundis reb. insolescāt, & audaciam quandā temerariā præferunt, infirmioribus insultare ac cōtemnere, atq; hinc sæpenumero ab iisdē fundi fugariq; eos vero qui in rebus aduersis inuictos se ostendunt, nec animū despondēt semper meliora sperantes, inimicis sæpius præualere. Qui namq; causę æquitate præpollet, intrepidus & securus inire cōflictū potest. Hęc cum ingēti animo auctoritateq; singulari perorasset, ita omniū permouit animos, vt permulti cōiuratorum qui aderāt, regis pedib. adnoluti, veniā supplices postularint, si quid in fide vacillādo cōmissum esset, se pro virili resarturos spōdentes, & vitā corā illo in prælio viriliter pugnādo malle exponere, quam vllō ei pacto aduersari. Nec inanis aut verbosa illorū fuit pollicitatio; nullus. n. ex vninverso illo numero, ē prælio, quod postridie cōmissū, si nō occubuit, euasit illeq; eius. Atq; hoc nō inimi corū viribus, sed nonnullorū qui amicos se mentiebātur, perfidię est ascribendū. Multi namq; in vrbe qui alterius partes sequebātur, remāserāt, hi cū cōflictus ferueret, quāuis inter regias turmas agerent, in extremo agmine hærētes clāculo in Regē ac suos tela emittebant:

Egregium principis | propositū.

Proditores! multo magis noxij quā inimi ci manū fecti.

vt rex manifestè copias suas minui, & hostibus animos videret accedere; causam tamen horum omnium ignoraret. Bis regij in fugam acti, bis etiam resumptis animis, vel pudore vel desperatione exstimulante, hostilia cornua aduerso pectore perfregere. Ad extrema tandem compulsi quid agerent, ignorabant; non deerat siquidem animus, sed vires ob vulnera à tergo clanculo recepta, deficiebāt; nullus enim integro euasit corpore. Quocirca longioris conflictus pertesus frater regis, spemque suam differri ægrè ferens, Aluarum & oculis & voce, nominatim ad duellum illum prouocando per vniuersas turmas quasiuit. Nec vllus inueniēdi fuit labor: in prima namq; suorum versabatur acie strenuè depugnans; & tum è regio schemate, tum è sanguine qui vulneribus toto corpore acceptis emanabat (non tamen idcirco à statione discedebat) facilè poterat dignosci. Cum itaque eminus eum cōspexisset, nudato mucrone rectà ad eum per tela per enses, perq; sclopetorum fragores, quos regij excitabant, properat. Non detrectat duellum & congressum, quamuis imparem, Alvarus; præualebat enim alter viribus & magnitudine præstabat, nullumque corpore vulnus exceperat. integer namque & rabie tumens, rebusq; secundis elatus, ac spe plenus fratrem de medio tollendi regnoq; potiendi aduolabat. Alvarus dinina potius ope, quam proprijs innixus viribus, victoriæ certissima spe cōcepta animo ingenti fratri se sistit. Vbi in conspectum ventum est propius, ecce regis frater efferuescēs elato brachio ictum parat, quo fratrem disseccare putabat medium, vitæque spoliare. Sed dum elato brachio latus regi, ictum fraternum umbone (quo in duas partes dissecto, leue secundum manus vulnus accepit) excipienti denudat, ense per costas transa-

*Duellum
duorum
principū.*

transacto, solo dei i cuitur; & mox expirauit. Hostilis
acies, ducis audita morte, fugam cepisset. sed fru-
stra tentata fuga. Omnes enim elabendi vias iam
regij præcluserant, vt quam paucissimi sint cōser-
uari. Regi adepta victoria quati Sacerdos noster,
qui interim dum congredierentur acies, precibus
in templo operam dederat, occurrit, eiq; victoriā
ac prosperum successum est cōgratulus. Humane
benigneq; rex illum excepit, ac pariter D. Ia-
cobi ædem, deinde D. Antonij, Deo immortales
gratias acturi, adierūt, domum deinde vñnerum
curandorum gratia concessit. Templum eodem
quo frater occubuerat loco, cōstrui iussit; & mox,
vt persanatus, quo templum citius assurgeret, cū
suis ad lapicidinas contendit; nec probro aut de-
decori sibi putauit, regijs humeris lapides ad lo-
cum in quo ædes erat ædificanda, deferre; idque
magnorum Christianorum regum ac principum
exemplo, suos ad imitandum vt hoc pacto excita-
ret: nec vanum fuit augurium; secuta enim postri-
die regem regina cum suis, & omnis Lusitana no-
bilitas. Is fuit belli, adeo periculosi, & a quo om-
nis fidei Christianæ successus cōseruatioque de-
pendebat, exitus. Haud ita multo post Sacerdos
noster, qui cum rege erat assiduus, a superiore in
Loandam euocatus, regi valedicit; sed veniam is
abeundi dare recusauit: cū tamen violenter illū
se retinere non posse non ignoraret, summa illum
humanitate dimisit, breui tamen se reuersurum,
aut alius suo vt loco mitteretur, effecturum, pol-
licitum. Abeuntem rex viatico instruxit, & mille
ei coronatos ad res necessarias Loandensi domui
comparandas addidit. Quo vero fauore & bene-
uolentia vniuersam Societatem prosequeretur,
edicto quodam publico, cuius hæc series est, pa-
tescit; *Aluarus Dei gratia Conq; rex; Omnibus p: q-*

*Aluarus
fratrē in-
terimist.*

*Construi
eodē loco,
quo occi-
derat sē-
plū iubet.*

*Edictū pro
Socie. Iesu
promulgat.*

sentes visuris & lecturis notū facinus; nos, obsequij quod Societ. Iesu Patres Loandæ cōmorantes, Deo & animabus nostrorū, quos ad fidē Christianam conuerterunt, tam in insula Loanda, quā Corimba, alijsque regni locis, impendunt, intuitu; considerando etiam doctrinam salutarem, quā populum imbuunt, ad quam docendam potissimū à Rege Lusitaniz missi sunt, absolutam illis, nemo ut refragari & impedire audeat, per regnum nostrum docendi, ac cruces & templa erigendi potestatem concedere.

Volumus adhuc ut in omnibus portubus & pontib' ab omni sint liberi portorio, simul & illi quos in suo habebunt comitatu, nemo etiam ligna templorum aut domorum construendarum ergò cædentes, quocumq; etiam loco, impediat. Sed omnibus subditis imperamus, & inprimis Mocolutis quibus portuum & fluminum cura concredita, ut prædictis Patribus, omni in loco obsequiū & beneuolentiam exhibeant; ac rebus necessarijs, dum docendi, confessiones excipiendi, concionandiq; gratia provinciā obeunt, illos & comites iustruant; cum nullam horum omnium exercitiorum & functionum causa mercedem temporalem spectet. Actum in ciuitate hac mea S. Saluatoris v. 11. Iulij, Anno MDLXXXVII. Hæc diplomatis regis Congiani series. atque hæc sunt, quæ de Congo hæctenus comperta fuere. Iam Angolanum regnum percurramus.

CAPVT VI.

De regno Angola; quomodo eodem Lusitani penetrarint, & qualem fides hic Christiana ortum habuerit.

Regnum quod Lusitani modo Angolam nuncupant, trans Congum est, ad meridiem. In-

colæ olim Ambondi, & regio Ambonda dicebatur; & in multas diuidebatur prouincias, quas Mirindas vocabant, præerant his varij reguli, qui Sobas seipfos dicebant, qui cum plena absolutaque potestate suæ singuli præerāt prouinciæ, quâuis Regi Congi parerent. Sed abhinc centum aut amplius annis, vnus Sobarum Angola nomine, qui deinde Inena cognominatus, id est, magnus, Lusitanorum in Mirinda sua negotiantium ope subsidioque bellum ceteris Sobis intulit; hic singulos cum ex interuallo superasset, vectigales reddidit, sed prouinciæ sibi vnus cuiusque dominium retinuit, atque hac ratione mirifice imperium propagauit. Ab eo tum tēpore & hac de causa prouinciā, cui ille præerat, regnum Angolæ nuncupauit. Ad septentrionem Congo contermina est, ad quam olim spectabat; ad Occasum alluitur Oceano; ad Meridiem regno Matamanensi adhæret, quod crysalli varijque metalli feracibus venis abundat; ad Orientem deniq; Molembanos respicit. Angola porro argentifodinis refertissima est, ad victum necessariis abundat, animalium feracissima. Bobus & vaccis diues est. Nullā porro caninæ carnem præferunt incolæ, canū enim greges hunc in vsum domi educāt, & epulis velut cibum sapidissimum apponunt. Venditum hic canē, Anglicano molosso non maiorem, ducentis & viginti aureis tradunt, cum viginti duobus scilicet mancipijs permutatum, singula enim mācipia vix decem quis aureis comparet. Linguam habent Congianæ admodum affinem, quamuis idē in pronuntiatione vtriusque sit discrimen, quod Lusitanos inter & Hispanos: alter tamen non intelligit alterum. Incolis regio abundat, tot enim singuli, more patriæ vxores habēt, quot adlubuerit; adeo vt rex quā breuissimo tempore centū beliatorū millia

*Regnum
Angola
cui ita
vocetur.*

*Fines illius
& termini.*

*Canina
caro ab
Angolanis
magni, fit.*

millia in bellum cogat. Arma gestant eadem pro-
pemodum quę Congiani, arcum, tela, & sică. Om-
nes in bello sunt pedites, equos enim, alią; ani-
malia domandi artem ignorant. Conflictum ini-
turi extendunt se quam maxime, quo cōmodius
iaculentur, & hostilia tela huc illucq; cursitando
deutent. Prima in acie versantibus iam defatiga-
tis, canitur receptui, nouiq; & integri succedunt;
donec tandem tota simul acies cōferta in hostem
feratur. Vexilla Europęorum instar vsurpant, tu-
bas autē & tympana; nō item ex arboris enim cor-
tice, quem corio conuestiunt, tympana parāt, quę
deinde malleolis eburneis pulsant. In prœlijs va-
ria instrumenta musica vsurpant, quibus suos ad
arma concitent, & animos suggerant. Inter cetera
cymbala pulsant lignea, quę tubarum nostratium
ritu horrendum dant sonitum; est & aliud instru-
menti genus pyramidis inuersę formā, cui pluri-
mos circumqua; circulos, ansasq; annectūt, quos
baculo ad numerum pulsant. Varia insuper adhi-
bent cornua, tum magna tum parua, ē cauatīs ele-
phantum dentibus confecta, quę, ceutibię nostrę,
perforata & delectant & in bella exaciunt. Sin-
guli duces plurimā secum ad bellum instrumenta
militaria deferunt: si enim prœlii signum cunctis
dandum, maiora pulsari iubet; sin vero vni dum-
taxat turmę, minora; & eorum maiora, si turma
copiosior; si minor, minora; adeo vt singulę mili-
tum turmę suam habeāt signum, & ipse belli im-
perator tot secum signa habeat, quot turmas bel-
lo explicat. Quam igitur in aciem emittere de-
creuit, illius signum pulsat; quę mox suo vicissim,
paratam se vt significet, respondet. In primam a-
ciem conijciūt velocissimos quosque, qui campa-
nulas ē cingulo gestant, quibus & se & alios non
minus ad strenuē pugnandum exhortātur. Duces
pileor

pileolos gestant struthionum, & pañonum pennis circumcinctos: pectus ferrea, quæ ex humero dependet, catena, & sub vtraq; axilla antrorsum de-
cussatim deducitur, cõmuniunt; quæ quo grauior,
eo & honestior: ansularum spissitudo articula-
rem viri mediocris digitum exæquat; femora-
lia gestant ad genua vsque dependentia, at infer-
ne dependet tũnica, quæ ad mediam vsq; pertin-
git tibiam, laciniam vero vtramque anteriorem
cingulo affigunt. ceteri vero nonnisi à pube ad
vsque genua tecti sunt, cetera nudi. Rex bello nõ
interest, sed omnem suam in alium potestatem
transfundit. Belli imperatõre occumbente ceteri
in fugam se dant. Exercitum si quando rex con-
scribit, omnes armis ferendis idoneos etiã in-
uitos & reluctantes in bellum cogit. Quoniam
autem ingens bellatorum est multitudo, nec ad
sarcinas conuehendas equis vtuntur; hinc cõme-
atum qui longo tempore sufficiat, nunquam ha-
bent; hinc nõ procul à sedibus suis bellum gerere
solent; alioquin, omni comœata absumpto, re
infecta, fame propemodum enecti, domum redire
compelluntur, vt & plurimi etiã per viã inedia
& ærumna confecti expirent. Augurijs, Roma-
norum more, credentes bellum suscipiunt; si de
parte læua aues volarint, & ferali cãtu terrorem
incusserint, domum re infecta discedũt, etiã ad
pugnandum paratissimi, triste hoc & ominosum
arbitrati.

Præerat his olim Congi rex, omnesque eum
Sobæ vt caput ac Principem habebant; at vbi An-
gola Inena, de quo supra actum, ceteros prouin-
ciarum dominos subegisset, supremam sibi pote-
statem ac dominium vsurpauit; adeo vt tanta il-
lius sit hodie potentia, quanta Congiani. inter-
dum tamen illi tributum, sed voluntarium pedit,
vt si

*Omnes de
mis forẽ-
dis idonei
ad bellũ
cõscribuntur.*

*Lusitanorũ cõmer-
cium in
Angola
circa man-
cipia.*

ut si nolit, non pēdat, illius aut amicitiam aut hostilitatem parui ducēs. Nullum Lusitanorum cum Angolanis est commercium, nisi mācipiorum, quę deinde in Brasiliam saccari parandi gratia, vel in Lusitaniam & aliō, ut in auro argentoq; eruen- do laborent, deuehunt. Quamuis autē permulta hinc quotannis educantur, licet quoque bello aut domestico aut cum Lusitanis plurimi occumbāt, propagātur tamen & crescunt mirum in modum, tum quod mulieribus abundet, tum quod calida & humida sit regio. Hęc quidem Lusitanorum negotiatio nō adeo pia aut tuta est quoad cōscientiā; sepe enim qui venduntur, nō serui sed liberi sunt, ac vi abrepti aut inique inseruitutē redacti. Quod ut fiat manifestius, sciendum in singulis Angolę Mirindis siue prouincijs, quatuor hominum esse genera. Primi sunt Mocotę, qui nobili in Angola loco nati sunt, atque ideo liberi; secundi, qui ex Mirindę illius originarijs prognati sunt, qui proinde filij prouincię dicuntur; sunt horum pleriq; opifices & mechanici, sed liberi. Terrij qui sunt Quisici, id est, iuxta vim verbi, serui & mācipia Mirindę, qui eiusdē regulo velut patrimonium quoddam annexi sunt, ideoq; hęreditaria quodāmodo successione ad dignitatis successorem, velut bona patrimonialia, deuoluuntur. Quarti denique sunt aliud mācipiorum genus, quod Mobicas appellāt; hi sunt quos Sobę alijque ciues sibi vel iure belli vel persoluto pretio, alijsq; rationibus comparant. Erant hi in usu etiam priusquam Lusitani eodem nauigarent: qui plura apud illos habuerit mācipia, habetur ditior, quod eorum opera & in terra colēda, & in re domestica, utantur; quin & in rebus necessarijs emendis sunt vsui, dum illa cū alijs mercibus permutāt. Ipsi quoque patres, quāuis ditiores, filios diuendere graue nō ducūt, pręsertim

*Quatuor
hominum
genera in-
ter An-
golanos.*

fertim si è serua prognati sint; hinc Lusitanos sæpe mancipia nancisci contingit, quæ Sobarum aut filij aut cõsanguinei. Ipse etiam puellæ, ipsas sibi despondentibus venduntur, dum illarum loco aut mancipia aut boues aliaque similia persolunt; adeo vt hic mariti vxores pretio comparèt. Bello qui capiuntur, in seruitutem abripiuntur, *Plurimus* & sæpe præter omne fas & nefas; Sobæ enim non *Angola-* aliam ob causam se mutuo bello laceßunt, quam *notū ser-* vt imperij limites extendant. Multi, etiam è du- *mitu in-* obus primis generibus, ob leues quædam noxas, *qua.* vel parentum, sæpe in seruos veneunt. Si enim vel minimam Soba suspicionē concipiat, aliquē sibi subditorum iniuriā irrogare velle, aut aduersario in bello auxiliū ferre, nō hunc modo vel occidit vel in seruitutē abripit, sed omnes etiā illius cõsanguineos & necessarios. Quod vero iniquissimum, nulla de criminis veritate falsitateq; habetur quæstio, sed Sobæ, vel vnus etiam testimonio certissima habetur fides. Si quis de veritate, secus ac Soba retulerit, testimoniū ferat, cõfestim neci datur, vel vnā cum omnib. suis seruituti traditur. Leges habēt iniquissimas: solus rex paupones alit, *Angolano* & plurimos quidē; ideoque legētulit, ne quis, nisi *rum leges* cū cognatis mortē vel seruitutē subire omniaque *iniqua.* bona fisco adiudicari velit, pennam hinc auferat. Statuit adhęc, vt quicunq; cucurbitas, è palmetis suis dependētes, è quibus vinū quod emanat colligit, tetigerit, eadē poena cū omnibus suis multetur. Sunt hic & cõsuetudines in vsu nō minus barbaræ & iniquæ, quā quās retulimus leges; si quis Sobæ etiā vel minimū debēs demoriatur, oēs illi filij mox in seruitute abripiūtur, etiā si pretiū illorū infinito interuallo debito sit maius. Esse ferunt in Angola locū, in quo publice caro humana, vt i apud nostrates bouilla aut veruecina, diuēditur; si q

man-

*Feritas
quorundā
Angola-
notum.*

*Tractat.**2. disp. 34.**Insula Lo-
anda fer-
tilitas &
opes.*

mancipi um viuum tanti non veniret, quanti mor-
tui caro, mactatur & cibo destinatur; ad eo vt leui
saepe de causa homines, barbara quadam feritate,
mactentur. Hæc aliaq; quæ infra narrabitur, Lusit-
anorum cum illis agentium & Societ. Iesu Pa-
trum, qui ad eosdē fide Christi imbuendoseodem
missi sunt, relata accepta sunt; à quibus hæc cum
hausisset Ludouicus Molina eiusdem Societ. Iesu
Theologus præstantissimus, ac sæculi nostri facile
doctissimus, in suum de iustitia & iure tractatum
eadem retulit. Sed iam satis de illorum moribus
& institutis locuti sumus; iam disquirendum re-
stat, quonam apud illos modo suum Lusitani im-
perium propagarint.

Congi rex mox vt Christianorum sacra susce-
perat, Lusitani eum Congianis frequentiora ini-
turi commercia, varia eiusdem emporia portus-
que adiere. Hinc nonnulli ad Insulam Loandam
peruenere, quæ nono gradu & dimidio Lati-
tudinis australis est, haud procul à finibus Congi
ad ostium duorum fluminum, quorum quod Sep-
tentrionem respicit Bengius, quod Meridiem, Co-
anza dicitur, atque hoc modo Congum ab Ango-
la discriminat. Loanda quamuis exigua, diues
est & incolis abundat; conchyliorum, quæ num-
morum loco in Congo vsurpant, hic frequens pi-
scatus, vt ante dictum; & quæ ad vitam toleran-
dam necessaria sunt, suppeditat quam copiosissi-
me; pecore enim abundat. Per silvas passim hic va-
gantur copiosi caprarum, ouium & aprorum gre-
ges: ora maritima etiam pisculenta, trichix hic
frequentes, vt & aquis exsiliant, & in littore eti-
am hieme capiantur. Septem pagos cōtinet, quos
inquilini Libatas nuncupant, quorum primario
Lusitani S. Spiritus nomen indidere; atque in hoc
regis Congi præfectus commoratur. Præcipuus
Loan-

Loandæ portus ad Septentrionem est, quingētos in latitudinem patens passus, & profundus quàm maximè. Haud procul inde pagus erat olim, quē Lusitani cum suis incolebant; sed is in urbem S. Pauli dictam nomine mutatus, in qua Societate Iesu sacerdotes domum nunc & Residentiam habent, qui anno MDLXXVIII. eodem, ut suo loco dicetur, commigrarunt.

Lusitani qui in Loanda negotiabantur, cum notassent, flumen Coanzam navigiis posse procul ab ostio enavigari, sæpe aduerso flumine vltius contenderunt, ut cum vtriusque ripæ habitatoribus commercia inirent; hinc fiebat ut interdum in interiorem regionem sua vendituri, & mancipia empturi penetrarent. atque ita tandem ad aulam Sobæ cuiusdam peruenere, quem Angolam dicebant, cui plurima obsequia & insignem operâ præstiteret. Horum enim ope industriaque Sobas sibi finitimos subegit, & totius regionis dominus obtinuit, quæ à suo nomine Angolæ hodie nuncupatur. At quod Lusitani, qui hic operam suam impenderat, tum in Lusitaniam, tum in Loandam Insulam abiissent, videbat rex eos in Angola sacerdotum defectu cōmorari noluisse: quocirca à Lusitaniæ rege sacerdotes sibi mitti postulauit, se namque in Christianam religionem propendere. Rex Lusitanus cum sincerè & candidè Angolanum agere putaret, aliquot sacerdotes tū ex D. Thomæ insula, tum è Lusitania, & inter alios quēdam Ordinis Cistertiensis religiosum, in Angolam navigare iussit. At quod vnicum barbarus hic Lusitanorum in sua ditione spectaret cōmercium, & eorum opera imperium suum cōfirmare velleret, de animæ salute parum sollicitus, nullum è Christiana hac missione emolumentum secutum est: ut sacerdotes, re infecta, & nemine ad Christum conuerso,

*Quomodo
Lusitani
cū Rege
Angolano
agere com-
parint.*

partim emoreretur, partim in Lusitaniam reuerterentur; relictis tamē calicibus & apparatu quodam sacrorum; Rege forsan barbaro sibi hæc retinente, dum vel sperat alios hac de causa eò libentius concessuros, vel cupiditate exstimulatus hæc in rem suam reservat. apud illum enim hæc postea reperta. At cum videret, Lusitanorum cōmercia intermori, nullum in Angolam appellere, nec eorum opera imperium se posse suum propagare; novam ad Ioannem III. Lusitanix Regem, anno MDLX. legationem destinat, summa animi contentione rogans aliquos ut sacerdotes in regnum iussu mitteret, qui tum se tum suos veri Dei cultum edocerent; incredibili se namq; Christi fidei amplectendæ desiderio teneri, daturumque operam, subditi eandem ut amplecterentur. Quo vero petita concederet facilius, temporali etiam emolumento illum illicere decrevit; & argenti fodinas, quas Angola habet fecundissimas, ut quantum & quoties vellet grueret, offert; adhuc ut quæ ipse vel Lusitani vellent mancipiorum in Angola emendorum potestatem concessit. Rex Ioannes cum summa gratulatione & honore hosce legatos excepisset, illorum voluntati breui morem gessit, ac petita concessit. Quatuor enim illis Societ. sacerdotes, regio quo desiderio fidei Christianæ (ut dicebat) amplectendæ satisfaceret, reuertentibus socios dedit. Addidit etiam legatum suum Paulum Diazium virum domi nobilem, magni illius Bartholomæi Diazij, qui abhinc centum & decem annis Bonæ Spei promontorium detexit, nepotem.

*Ioann. III.
Lusit. rex
quatuor
illis Socie.
Iesu sacer
dotes mis
sit.*

*Paulus
Diaz, lega
tus regis
Lusit. ad
Angolan*

In Angolam cum legatis cum venissent Patres, cognouere legationis auctore Angolam inenum interea temporis obiisse, eiusque in locum filium Dambitum Angolam successisse; idcirco ad illum

velut

velut ad paterni regni successorem contenderūt. Magna, vt apparebat, humanitate affectuq; Regis Lusitanæ legatum & sacerdotes excipiebat in ciuitate regia Cabaca: postea vero, auaritia & inconstantia motus, audito legatum & Lusitanos socios varias secum attulisse merces, quas cum mancipijs in Lusitaniam deuehendis permutarēt, has sibi nequiter vsurpat & arrogat, mancipia earum loco se persoluturum asserens. Vti & persoluit, sed vaferrimo consilio; nam postea eadem abstulit, non quod mancipiorum recuperandorum esset audus, sed vt hac ratione Lusitanorum redditum in patriam impediret. Quin & omni eos facultate spoliavit: quam iniuriam permulti ægerrimè ferentes, præ tristitia & moerore vitam amifere; aliquot tamen eius manibus cuni elapsi essent, in naues, in Loanda quæ erant, se receperunt: Legatum tamen & duos Societat. Sacerdotes inuitos deterruit, dum illorum occasione Lusitanos libentius sperat in Angola n venturos. Alij duo sacerdotes haud multo post in Angola, ob aeris inclementiam aliasque iniurias & miserias, demortui sunt, & aliquot etiam Lusitani, vt quam paucissimi in patriam sospites reuerterentur. Legatus & duo Societat. Patres, cum aliquot alijs Lusitanis ibidem detentis, omnem, etiam Regis Lusitanæ ope implorata, elabendi occasionem quæsiere. Sed effectu res caruit, donec tandem barbarus, legatum & alterum Sacerdotem in Lusitaniam dimisit, altero velut obside relicto. Spondebant siquidem se in Lusitaniam reuersos, apud Regem negotium tam feliciter in rem Angolanam acturos, vt quidquid peteret, obtineret. Dulcibus hifce verbis inescatus barbarus vtrumque custodia educi imperauit. Moritur interim Patrum alter,

Cum duobus Soci. patribus delinectur.

Captiuitate educitur

*Sebasti-
ano rege
obtinere po-
testatem
iniuriam
illatam
vindi-
candi.*

obfes, Franciscus Gouea dictus tristis & peracer-
bi exilij casum & iniquam detentionem pertesus.

*Quomo-
do felici
cesserit.*

Paulus Diazius in Lusitauiam reuersus, cū à Re-
ge Sebastiauo iniuriæ Lusitanico imperio irro-
gata vindicandæ potestatem, anno MDLXXVII.
obtinuisset, copias conscripsit, præter eos qui spō-
te sua in expeditionem nomina dabant, quod fa-
ma esset, quæ nec postea mortua est, argenti ve-
nis Angolam scatere. Dederant qui regis consci-
entiæ præerant Diazio normam, quam priusquam
regi Angolano bellum inferret, seruari præcepe-
rāt; quæ si executioni mandat fuerit, nulla æqui-
oris belli reperiri causa queat. Comitabātur Di-
aziū aliquot Societ. Patres, quæ ducis simul & mi-
litū confessiones exciperent; qui in hunc vsq; diē
eamdem ob causam numquam in Angola defuere,
ac plurimos incolas, vti postea dicendi locus erit,
ad fidem Christi cōuerterunt. Imperator igitur cū
suis in Insulam Loandā cum appulisset, ad aliquod
ibi dies hēsit; interim nuntius allatus Dambium
Angolam, qui insignem illam iniuriam intulerat,
obiisse; & eius in locum, nepotem Quilongum An-
golam, successisse; huic igitur egregiū donarium
misit, quod Lusitaniæ Regis nomine auo suo Dam-
bio Angolæ detulisse significauit, simul & respō-
sum ad litteras quas Regi Lusitaniæ scripserat; sed
quod illius loco ipsum regnare comperisset se suc-
cessori illa' mittere. Munere hoc alijsque obsequi-
js, quæ Diazius Regi demonstrabat, veteris ami-
citiz commercijque iura inter Lusitanos Angola-
nosque renouata; adeo vt regi, quoties Sobis suis
bellum inferret, egregiam operam nauarent. Ad
quadriennium inuiolata & integra hæc stetit a-
micitia, nulla vt vtrimque inferretur iniuria, sed
alter alterum mutuis præuenire officijs cōtende-
ret. Sed interim Angolæ ceu, audito magnā mer-
cium

cium vim Cabacam , (quæ regni caput & regia) tredecim aut quatuordecim nauibus delatam esse, quibus triginta, aut vt summum quadraginta præerant Lusitani, (nam mercibus exoticis inhiant barbari;) auaritiæ cæstro exagitatus, obuios in plateis Lusitanos qui merces detulerant, (vt nō nulli scribunt) interfici iubet, sibiq; omnia arrogauit. Aliorum tamen est sentētia, eum quod diffideret, omnes simul Lusitanos qui cum mercibus ad regiam appulerant, se posse superare; varias se expeditiones per manibus habere finxisse, ideoque eorum operā, postulando huc decē & illuc quindecim, atq; alios alio misisse, & à se mutuo distractos à barbaris interfici iussisse. Quo demum cumque modo res gesta, rex tantæ stragis & auctor & suasor: vt vero aliquo honestatis prætextu tantam veritatem palliaret, exploratum illos aiebat, non venditum merces, & sub mercium diuendendarum colore, regem iugulatum venisse; vt regno perturbato & motibus faciscente ceteri, qui in Loanda commorabantur Lusitani, imperium inuaderent. Sed friuola hæc & mendacia. Quis enim credat, tantillum hominum numerum tam arduum, in regni meditullio, & Angolanis vndique circumseptum negotium aggredi ausum? Alia igitur cædis huius dari causa nequit quam inexplēbilis barbari auaritia. Cui cum non esset satis, Lusitanos innocuos nefariè obtruncasse, eorumque merces inique usurpasse, Paulum Diazium oppugnare cœpit; qui cum tantam barbari perfidiam nequitiamque cerneret, defendere se & iniuriam Lusitanis omnibus illatam vlcisci statuit. Omnes itaque quos reperire potuit Lusitanos, quam citissime conscribit, quos triremibus duabus quas proprias habebat, alijsque nauigijs quæ in Loanda erant, imponit. Classē hāc aduerso flumine Coanzam subire iussit

*Paulus
diaz bello
regem
Angola-
nū venat
& multū
terra oc-
cupat.*

fit, omnesque regulos & Sobas quos in ripa citiori Angolam respiciente reperiebat, Lusitaniæ regi aut amicos aut tributarios reddidit. Rex inopino casu consternatus & læto hoc successu percussus, veritus ne omnes Angolani sponte se Diazio, qui & opibus affluebat & munificentia præstabat, dederent, ingentē ilico conscribit exercitum, impetum Lusitanorum propulsaturus. Diazius comperto ingentes Angolanum collegisse copias, Congi Regem ut suppetias ferret rogauit, qui sexaginta illi mox bellatorum misit millia, quibus Sebastianus Manbamba regis affinis præerat, quin & centum ac viginti Lusitanos, regij corporis custodes, vnā cum eorum duce, quibus omnibus stipendia, nondum merita persoluerat. Vniri hæ copiarum cum Diazij copiis debebant, sed quoniam onerariæ, quæ eosdem per Bengum flumen quod transeundum erat, quodque tribus à Loanda distat leucis, transmitterent, ad manum non essent; viderentque duces minoribus cymbis nonni si magna cum difficultate & temporis dispendio tantas copias trajicere posse: aliud iter ingredi, & per terram cum Diazij se copiis coniungere decreuerunt. Cum itaque Bengi ripam sequerentur, in hostiles incidere copias, quibuscum frequenter manus conseruere, penes Congianos tamen semper manebat victoria, magna vtriusque editā strage. At quod comeatus inopia Congianos premeret, domos quisque suas fame & morbis ex inedia prognatis confectus, repetere coactus fuit. Hoc sibi auxilium cum nulli vsui fuisse cerneret Diazius, Coanzam trajicit & in Coanzæ & Luyolæ confluuium, in insula quam efficiunt vtrumque enim flumen iam coniunctū iterum separatim ad teli prope iactum fuit, ac deinde rursus coniungitur) naturā loci satis munita

*Copia Cō-
gianorum
que Pau-
lo Diaz
auxilia-
tum vene-
rant, re-
uersa.*

nita, in colle quodam qui confluuium fecit, arcem exstruit. Insulam hanc nemo tum incolebat, sed iam urbem habet, Massagam, à Lusitanis exstructam, quæ illis admodum comoda; hinc enim facilis est mari nauigatio; terra quoque tutum patet ad quinquaginta leucas iter. Haud procul hinc sunt etiam montes Cambambes, argento secundi, quos occupare Lusitani, illos vero hinc pellere Angolani conabantur; metuebant enim, ne patrijs opibus ditati Lusitani validius incolas oppugnarent. At ubi Angolæ rex Lusitanos vidit hic se communijsse, nullumque se ijs inferre damnum posse, exercitum dimisit.

*Cambābes
montes
argenti
feracissimi*

Diazus anno 1580. eosdem inuadere dum parat montes, regionis interiacentis incolæ de illius expeditione certiores facti, magnis collectis copijs, iter impedire illius conabantur, sed à Lusitanis in fugam acti ac profligati fuere; qui ulterius prouecti nullam itineris ab hoste remoram habuere. Sed non sine dispendio do nestico; plurimi enim coeli inclementia, & morbis Autumnali tempestate grassari solitis extincti sunt; adeo ut iter interrompere, & in Coanzæ ripa vallum contra barbarorum insultus exstruere coacti sint.

*Lusitani
illos paratè
inuadere.*

Secum duxerat Diazus quemdam Societatis Iesv Sacerdotem, qui militibus & sacra administraret, & Confessionibus eorum vacaret, hic quamuis eodem morbo affligeretur, ægris tamen adesse non cessabat; cumque præ imbecillitate non valeret incedere, mancipiorum opera in militum tentoria, eorum ut Confessiones exciperet, aut morientibus salutaria monita daret, gestabatur. Sed egregiam præstitit operam in militum animis; qui à se inuicem discordes erant conciliandis: adeo

enim alter in alterum exardebat, vt instructa acie partes concurrere voluerint, & iam diē crastinam conflictui cōstituerint. Sacerdotem nostrum hoc intestinum odium & conflictus indictus non latebat, quare nocte præcedenti præcipuos vtriusque factiōis adit duces, & diuina fretus ope ita vtroque conciliauit, omnis vt odij fomes sopitus sit. Hæc dum per eos dies gereretur, & Lusitani duas hebdomadas ibidem essent ob pluuias assiduas commorati, iter coeptū ad montes rectā profecuti sunt. Cū quarta tantum leuca à montibus abessent, infinitæ Angolanorum copię in itinere conspectę sunt: Lusitani mox se in loco comodo, quod nauigijs adiri posset, (Mocūba loco nomē) cōmunierunt; hunc Angolani obsidere quā arctissimē. Imminutus admodum iam erat frequentibus morbis Lusitanorum numerus, & indies etiā minuebatur; vt triginta vix dierum spatio cētum Lusitani & quadraginta sint mancipia extincta; ceteri vero adeo confecti & exhaustis viribus fuisse, vix vt ægra membra traherent. Vrgente tamē necessitate, resumproque animo vires languidas confirmantes, strenuos se in hoste depellendo oppugnandoque exhibuere, vt quoties excursiones facerent, fuso semper hoste domum reuerteretur.

Arctē ob-
fossi ab
Angola-
nīs.

Quod vero protraheretur obsidio, indiesque grauior videretur, plurimis defensorum vel morbo vel conflictu extinctis, & iam è trecentis qui è Loanda discesserant, vix centum armis ferendis idonei recenserentur, animum pene obsessi desponderant. Expectabant indies auxiliares Congianorū copias, miserat siquidem Rex septuaginta hominum millia, qui obsessis suppetias ferrēt, quorum accessione non modo liberandos, sed & hostē debellaturos certissime sperabant. Sed nuntius interim adfertur, auxilia Congianorum ab Angolanis fusa

fusa & profligata fuisse. Hac itaque cum spe excidisset, & res pessimo esset loco, quisque de salute cœpit cogitare. Plurimi itaque è castris clâculo fugientes, in Loandam Insulam concessere; socijsque quo in periculo Lusitani in Mocumba versarentur, enarrarunt. Societatis Iesu sacerdos, qui in Loanda tum forte hærebat, cum perspiceret, non Lusitanorum modo, sed Christi etiam résummo in discrimine tum versari, Lusitanos omnes qui in Loanda commorabantur, magna animi contentione exhortari cœpit, socijs suis in extremo periculo versantibus vt succurrerent, expeditionis se futurum socium, & eandem sortem subiturum. Tantum ille sua apud eos oratione profecit, omnes vt in expeditionem quam libentissimè nomina dederint. Horum aduentu creuit obsessis & animus & audacia; excursione enim facta insignem hostium stragem edidere, reliquos in fugam compulere. Inciderat hæc victoria in diem Natali Ioannis Baptistæ sacrum, quem singulari Lusitani cultu persequi solent, quod sacræ apud illos equitû militiæ patronus sit: huius itaq; precibus ac meritis egregiam hanc victoriam acceptam retulere, ideoque locum S. Ioannis nomine donarunt. Tanta quoque illorum obsidij tempore fuit pietas, vt nunquam, nisi peccatorum sacerdoti, quem secum habebant, confessione præmissa, & sacra Eucharistiæ communione accepta, manus cû hoste conferrent; mirû vt non sit, tam singularem ijs cœlitus de hoste victoriam collatam esse. Tântum hæc Angolanis terrorem iniecit, potissima vt regni pars in Lusitanorum manus venerit, plurimi que Sobæ vltro in eorum potestatem concesserint, atque horum nōnulli hac occasione ad Christianorum religionem transierint. atque inter ceteros Soba Banzanus, Regis gener, qui fratrè filiū-

*Auxilia
nāciscun-
tur & in-
micos pel-
lunt.*

*Conuersio
Soba Ban-
zani regij
generi.*

que natu maiorem ad sacerdotem, qui cum Lusitanis erat, baptismo lustrādos præmisit, simulque exoratorios ut ad se prima occasione, docendi baptizandique sui gratia, excurreret. Neq. differendum iter ratus Pater, quamprimum se in viā dedit. Quotquot in itinere idola habuit obuia, deiecit & eorum loco crucem Christi erexit, incolasque ut ad Christiana sacra transirent est exhortatus. Sexaginta quinque in hoc itinere baptismo expiati. Sed relatu dignum est, quod cum mago quodam illi in itinere negotiū fuit. Hic quamvis vir, muliebri vestiebatur schemate, cæsaries promissa & crispans per collū dependebat; ut numen quoddā eū suscipiebant barbari, & sanitatis & pluviæ eum largitorē credebant, quæ dū luberet, dare & tollere poterat. In hunc cū sacerdos noster incidisset, cur foemineo vestitu utatur, rogat, vir cum foret. Respondit, genium qui vniuscuiusq; sortem & fata prænuntiare solet, matri prædixisse, se nisi sexum mentiretur, propediē emoriturū, atq; ideo muliebrē se togam induere. Mox illi cæsariē præfecat Pater, atq; omnes impiæ superstitionis characteres & signa remouet. Et ecce rem miram, tanta de repente pluuio cælo delapsa, omnes ut sub recta concederent; Sacerdos vero magum vinctum sub dio reliquit, perplutum & omnium ludibrio expositum; à pluvia, si posset, setueretur, dicens, cū sua ipsius sententia pluviæ & auctor & largitor esset. Inde ad aliū pagum contendunt, cuius dominus iam ab hinc annis aliquot fidē Christianā suscepserat. Hæc Crucis signum plantatum & templi cuiusdam fundamenta iacta, idque tanta Christianorum diligentia ut ad culmen breui perductū sit, & sacra sacerdos etiā priusquā inde discederet celebrarit. Toparcha loci incredibile ex idolorū euerfione lætitiā capiebat, & narrabat duo sibi ob
pium

piū hoc opus beneficia eximia cælit⁹ collata. Prius enim quā Christianā fidem suscepisset, omnes illi agri inaudita ariditate quotannis exedebantur, at postquā eandem amplexus est, & idola cōminuit, numquā sibi optatā pluuiæ irrigationē, eo quo indigebat tempore defuisse; vicinis tamē qui nōdū sana idolaq; destruxerant, huius beneficij expertibus. Deinde referebat, hippopotamū quēdā (quos aquis egressos mirā in terra tū animalū tū hominū stragē edere, & obuia quęq; destruere diximus) qui suos sæpi⁹ infestare solebāt, ex quo Christianę fidei accessisset, sine vlllo negotio, aut alicui⁹ dano (quod miraculi ille loco tenebat) interfectū. Sacerdos noster, cū nō procul esset ab oppido, in quo Soba Banzanus cōmorabatur, à quo euocatus erat, in itinere illū obuiū habuit; honoris enim causa obuiā processerat, & elata orationē Dominicā aliaq; Christiana documēta voce decantabat. Mirifice hoc Sacerdotem nostrū recreabat, qui à catechumeno incredibili animi alacritate & honore excipiebatur. singularem namque illi aliquot, quibus apud ipsum hæsit diebus beneuolentiā exhibuit; interim plurima quæ circūquaque colebantur idola, destructa & igni tradita. hic cum satis iā Christianus mysterijs videretur imbutus, in Lusitanorū castra, quo maiori pōpa solēnitatēque ei baptisma cōferretur, perductus est. Magna hic ducis omniumq; militū gratulatione & gaudio ac festo hōbardarū, tubarū, tiliarū, ac tympanorū fragore ac cōcētu exceptus est. Postridie quā aduenit, baptismo admotus est, & ducis nomine Paulus, (dux nāque Paulus Diazus de sacro illū fonte suscepit) vocitat⁹ est, Vt vero illi⁹ exēplū ceteri Sobę sequeretur, dux regis Lusit. nomine, facultatē illi arcū regiū gestandi dedit, ideoq; more patrio, dux Aethio. creat⁹ est: soli quoq; illi cōcessū, corā

*Fides Christi
si tempo-
raliū suc-
cessū prospe-
rū dedit;*

*Soba Ban-
zanus bap-
tizatus. !*

Lusita-

Lusitaniz regum pratoribus in folio peristro natis cooperto sedere ; quod haftenus AEthioꝝ um nulli datũ fuerat ; sed quod Sobarum Angolanorum primus fidem Christianam adiisset, quam ceteris maiora illi collata sunt priuilegia. Hæc unus è duobus sacerdotibus opera peracta sunt.

217. homi-
nes bap-
tizantur

Alter, qui anno & bimestri in Lusitanorum castris hæserat, postquam in Loandã redijt, baptismo quodam sollenniori ducentos ac septemdecim Christo adiunxit. Tanto porro Catechuimeni hi baptismi recipiendi ardore ac desiderio tenebantur, ut cum sinum quendam maris, quo in Loandã peruenirẽt, traicere oporteret, & nauigia quib. oēs simul trãsmitterẽt, nõ sufficerẽt vxoribus & filiis ijs quas habebant cymbis impositis, viri æstuariũ hoc latissimum natatu traiecere ; non tamen sine euidenti vitæ periculo, magna enim hic Tuberonum (quibus dentes sunt acutissimi, quibus natantium tibiae integras cum femore præmordeant)

Item alij
quadrin-
genti.

copia. Sed non sine singulari Dei beneficio sospites omnes Loandæ littora adnatarunt. Idem quoque sacerdos ad alios quosdam Coanzæ accolæ, qui in arborum corticibus eõmorantur, & cæcos tam parum abominantur, ut cubantibus illis & coenatibus faciei & ferculis superinambulẽt, graue aut tetrum nõ ducant; excursionem fecit. Quadringentos hic Christo, sine pueris, adiunxit, & baptismo tinxit; plurimis quoque in locis, idolis ad terram deiectis, salutare Crucis signum erexit. Dici non potest, quantum Sobæ Banzani cõuersio rei Christianæ apud Angolanos incrementum dederit: permulti enim illius exemplo commoti, oculos aperuere, & rei Christianæ participes fieri summo opere desiderarunt. at quamuis incredibilem permulti fidei suscipiendæ ardorem re ipsa demonstrarẽt, baptismum tamen illis cõferre parũ consul-

consultum videbatur, ne, quod nullus esset, qui in fide suscepta neophytos conseruaret, ad priores superstitiones & patrias cōsuetudines deinde relaberentur. In vniuersa enim regione, eaq; latissima nonnisi tres Societ. Patres erant, qui ne Lusitanis, nedum Aethiopibus satisfacere poterant. Tamen anno Dom. MDLXXXIV. mille sunt sacro fōte abluti, qui in vicinia haud procul inde habitabant, ac proinde facilè ad illos, si quādo indigerent, fieri excursiones poterant. Sed accessit mox baptismus, qui tum ob ob baptizandi dignitatem, tum ob causas quibus ad eundē permotus est, singularis fuit. Regulus quidam Angolanus, in cuius ditione vixerat, quam Lusitani in Mocumba construxerant, cum ab hinc biennio plus minus, fidei rudimenta, quæ baptizandos scire oportet, edidicisset; in grauem prius incidit morbum, quam baptismo tingeretur, adeo vt exigua de vita illius spes superesset. De cuius inualetudine Diazius & Societ. Sacerdos quo docenæ fidei rudimēta perceperat, certiores facti, per nuntium ab eodē postularunt, annon prius quam è vita discederet, baptismum recipere velit. Tantum vero nuntius ille huic gaudij attulit, vt ab illo tum tempore habere cœperit meliusculè, & pristinæ breui sit valetudini restitutus. Confirmatis igitur viribus idola euertit, ac mox vnā cum vxoribus, filijs familiaribusq; baptismo lustratus. Omnes deinde vxores repudians, vnā legitimo sibi matrimonio, iuxta Ecclesiæ cōsuetudinem, copulauit. Incidit Baptismus hic in diem Deiparæ natali celebrè; anno salutis hamanz MDLXXXIV. qui magna fuit sollemnitate & pōpa collatus. Omnes siquidem catechumeni albis induti, & veste serica, palmas manu præferentes lōga serie præcedebant. nō fuit etiā minus Lusitanorum gaudiumq, quod auxit etiā inopinata-

*Miraculo
sa cuiusdā
Soba sa-
natio, &
baptismo
eiusdem.*

*Aliorum
optimatū
pia contē-
tio & a-
mulatio.*

pinatus suorum aduentus, qui eodem fortè die bellica quadam expeditione, ad quam abhinc trimestri profecti fuerant, domum ouantes redibāt, imaginem Deiparæ, quam non sine miraculo hostium manibus extorserant, secum ferentes. Præfectus, vt Neophytis simul & ethnicis præsentibus, quo Deipara honore digna esset ostenderet, magna sollennitate & pompa hanc excipi imaginem iussit. Eodem quoque die Neophytos in Patrum Soc. domo prandio Præfectus excepit. Sobæ huius baptisma iam per vniuersam regionē diulgatum erat, quem æmulati pia quadam cōtentione reliqui principes, se de Christianorum numero nondum esse conquerebantur, & baptismo maximoperè initiari contendebant. Horum vt volūtati satisfacerent Patres, simul & aliquod illius periculum facerent, vnum è suis ad eorum pagos emisere, qui deorum imagines prius igni daret, & eorum subditos Christianæ fidei rudimentis imbueret, ac deinde baptizandos illos sponderet. Patrum voluntati morem gessere barbari, magno Toparcharum & Lusitanorum, ac præsertim Patrum gaudio, qui eorum fernorē assidua frequentiori quē visitatione fouebāt; quo factum vt semper nonnullos Christo lucrifacerent, vt sequenti capite referemus: si quæ in eadem regione gesserunt Lusitani, quæ non mediocre fidei nostræ incrementum attulere, prius retulerimus.

C A P V T VII.

Insignes Lusitani de Angolanis victorias retulere, ac præclarum fides in Angola incrementum habet.

IAm supra Lusitanos, ad Cambambes montes argenti feraces dum contendunt, in Mocumba quatuor inde leucis distante castrā metatos, atque

que magna Angolanorum manu circumseptos
vltius progredi non potuisse, diximus. Ad bien-
nium ibi cum substitisset, dux ipse exercitus Pau-
lus Diazius coeptum iter dum prosequi vult, suos
ad argentifodinas, à loci domino vltro oblatas
tédere iubet. Huius profectiois fama ad regé An-
golanú cum peruenisset, nūtiatumq; esset à Lusita-
nis montes iam occupatos, ingentes ille colligere
copias, & duodecies centena hominum millia cō-
scribere (tantum enim numerum suorum esse de-
prehendit in exercitus lustratione, vti sui etiā te-
stati sunt) quibus Lusitanos incautos opprimere
voluit: Centum vix & quinquaginta Lusitani erāt.
quibus accedebant Aethiopes aliquot, qui Sobæ
Banzano, quem iam abhinc aliquot diebus Chri-
sto nomen dedisse diximus, domino suo adhæse-
rant. Reliqui enim tãta hostium multitudine per-
territi defecerāt ad hostem. At diuina bonitas suis
in maxima necessitate, & hominum ope fatiscen-
te, adesse solita, hic suos non deseruit: pauculi e-
nim illi Lusitani, & exigua Aethiopum manus,
quæ cum Soba Banzano in prima verfabatur acie,
innumeras illas hostium copias profligarunt, &
magnam per castra stragem dederunt, nonnisi sep-
tem suorum desideratis; qui, cum Sacerdos noster
qui aderat, ab orando desisteret, subito à barba-
ris interfecti sunt. Cum enim in ipso certaminis
initio precibus à Deo victoriam postulare cœpisset,
& ipso conflictus tempore non desisteret, quā-
diu, Moſis exemplo, manus in cælum sustollebat,
penes Lusitanos, nullo suorum amisso, stabat vi-
ctoria; at cum orare desineret, quod prælium iam
confectum crederet, hostes mox reuersi in Lusita-
nos ruunt, ac septem illorum obtruncant. Hoc vi-
so ad orationem redit, quam non prius finiuit quā
Lusitani victoriæ finem imposuissent; vnde colli-
gere

*Duodecies
centena
millia An-
golanorū
vno in ex-
ercitu.*

*A CL. Lu-
sitani &
aliquot
Aethiopib.
profligati.*

*Mirabilis
vis orati-
onis.*

fiſſe, ad illum, perfidiæ ſuæ pœnas veriſ, redire uon audebant, & victis quam victori adhærere malebant. Quamobrem dux in locum aliquem natura munitum hiemandi cauſa concedere ſtatuit, ideoque in arcem quàm ſupra inter duo flumina cõſtructam diximus, ſe recepit, in qua auxilia, quæ è Luſitania belli huius conſciendi gratia euocarât, exſpectabat. Hoc cum intellexiſſent barbari, ne quod hoſti communiendi ſui auxiliorumve exſpectandorum tempus darent, magnas breui denuo colligunt copias, quibus locum illum circumcingunt: vt vero omnem eundi redeundi que in Loandam poteſtatem tollerent, è qua & com meatum & ſuppetias habere poterant Luſitani, omnes aditus vaſtro commento intercludere ſtatuant. Erant ea tempeſtate non niſi duo in Angola Sacerdotes, & ambo Societ. Ieſu, quorum alter cum obſeſſis verſabatur, alter in Loanda hærebat. hic, audito obſeſſorum diſcrimine, in Inſulam D. Thomæ proficiſci ſtatuit, vt ſuppetias, ſi Luſitanica forſan appuliſſet classiſ, quam celerrimè obſeſſis ferret. Occurrit ei in via classiſ, quæ auxilium latura Oliſſipone ſoluebat, cum qua in Loandam redijt; plurimi qui eadem vehebantur, mox vt appulère, in grauiffimos incidère morbos. Quatuor Societ. Ieſu Sacerdotes eadem vehebat, quorum vnus haud ita multo poſt quam appulit, demortuus eſt: omnes enim qui recenter venerant, tum ob ciborum inſolentiam, vel etiam famem aliaque incommoda, quæ plurimos etiam equos conſiciebant, male habebant: nullus erat qui eorum curam habebat, paſſim hinc inde ægri omni auxilio deſtituti iacebant; vt tandem Societ. Patres miſeratione tacti ægros in domum ſuam delatos omni quo poterant beneuolentiæ officio ſouerint, donec

*Luſitani
ab Ango-
laniſ ob-
ſeſſi.*

*Auxiliū
obsessis
allatum.*

tandem publicum erigeretur nosocomium, in quo & alerentur & curarentur. Interim Diazius cum ducentis Lusitanis & aliquot Angolanis magna rerum premebatur inopia, deerant commeatus & ad bellum habendum necessaria, adeo ut obsidionem ferre se diutius posse diffideret. Appulit interea classis, quæ è Lusitania auxiliatum venerat, hæc cum in Loanda compacta, & ægri pristinae essent valetudini restituti, ostium Coanzæ fluminis petiuit, ad arcem in qua obsessi tenebantur nauigatura. Animos addidit hæc classis obsessis, adeo ut eruptione facta hostes in fugam compulerint, & decem aut amplius Sobas cum præfecturis suis Regi Lusitanicæ vedigales reddiderint, & rex ipse non parum timeret. Hæc Anno MDLXXXV contigerunt. Quod vero populosa sit hæc regio, & incolarum numerus, etiam plurimis occisis & diuēditis, vix minui videatur, anno sequenti rex vires reparauit, multumque Lusitanis negotij facessuit, duplici. n. cum illis prælio cōtēdit, sed in utroque victus est; & in horum altero à ducētis Lusitanis & duobus Aethiopum sociorum millibus sexcenta hostium millia fusa & fugata sunt, nullo Lusitanorum interempto. quod Dei auxilio, Deiparæ precibus obtento, cuius cultui Diazius cum suis vnice deditus erat, ascripserunt. Habebat namque in castris Deiparæ imaginē, & huic quotidie coram omnibus supplicabat, felicem ut expeditionis successum precibus obtineret. Eadem porro imago paulo ante cōflictum non sine miraculo, eo quo sequitur modo, impias barbarorum manus euasit. Nam cum densa barbarorum turba Lusitanicum vallum perfregisset, & Aethiopes socij, dum hostilem impetum ferre non valent, ad interiora Lusitanorum castra relictiis sarcinis confugissent; barbari occupato iam loco, (sunt enim, gazæ & supellectilis Lusitanicæ, quam magni faciunt, auidissimi) quid-

*Imago
Deiparæ
barbarorum
manus
non sine
miraculo
effugit.*

quid

quid obuium erat conuasantes diripiunt. Erat inter hæc impedimenta sarcina cui Deiparæ erat imago inuoluta, hæc in via integra reperta, quamuis eodem loco hostes transiissent & reliqua diripuissent, Deo impiorum oculis etiam, ut veri simile est, caliginem offundente, ne oculis viderent, quod cognitum sacrilegis manibus forsitan temerassent. Hoc cognito, dux, incredibili læticia perfasus, imaginem magna pompa & sollennitate in castra reduci imperat, quam ipse simul & Lusitani cum Neophytis Angolanis magna animi pietate excepere; Fortissima hinc salutis & victoriæ, insidiarumque hostilium in posterum effugiendarum spe concepta, tam potentis reginæ auxilio eos obumbrante. Accessit his & aliud, quo illorum spes & in Deiparam pietas accreuit. Haud ita multo post admirabilem illam victoriam, quam de duodecies centenis Angolanorum obtinuerunt millibus; Lusitanus, cum negotiorum causa, Cabacam ciuitatem adiisset, in totius exercitus præfectum incidit, à quo cur tanta hominum multitudo à pauculis Lusitanis euerfa & profligata esset, amice petebat. cui alter: Lusitanorum robur & animos non timebamus, quos minimo negotio conficere potuissimus; sed matrona quædam pulcherrima & splendore rutilantissima, simul & senex, flammeum rotans ensẽ, qui in aere vestros præcedebant, nos consternarunt; ita ut perterriti exanimatique in fugam nos dederimus. Si barbari huius testimonio aut eius qui retulit fides adhibenda est, Lusitanis magna, diuina beneficia per Deiparæ intercessionem obtenta agnoscendi obligatio incumbit. nam ipsam, feminam illam splendidam, & venerabilem senem, D. Iacobum, quem in prælijs inuocare Lusitani solent, fuisse credunt.

*Magi An-
golani
Gangas
dicti.*

Multi quidem deinde Angolanorum baptizari petebant, sed omnium petentium voto nō satisfiebat: consultum enim videbatur baptismum differre, donec Christiani toti regno dominarentur. fidei quippe incolumitas ac progressus à regum dominorumque nutu dependet. Atque hoc pacto sacrificulorum Angolanorum, vel potius magorum, quos Gangas dicunt, videbatur retundi posse insolentia; quos tanto barbari prosequuntur honore, ut semideos & numina quædam credant; ab his enim salutem, incolumitatem ac vitam hominum, quin & omnium rerum cōseruationem dependere sibi persuadent. Hos pluuias in aere putant sistere, vel nubes laxare, ac proinde sterilitatis vbertatisque annuæ existere auctore. Incantationibus eorum & artibus magicis hoc ascribendum; cuius sunt peritissimi. Apud vulgus inoleuit opinio sanitatem illos vel tollere vel dare posse, denique hominum vitam ac mortem in eorum potestate sitam. Maleficijs hoc nanciscuntur, vel quod solis illis, quid sanitati hominum noceat, quid ad eandem cōseruandam recuperandamve conducat, pateat; & vtrumque quibus voluerint, applicent. nullis nisi sequacibus suis huiusmodi secreta manifestant, quo maior sui apud populum sit veneratio, ac diuinis afficiantur honoribus. sinistram aut lætam vnicuique sortem prædicunt, ac ventura prænuntiant. Quod vero familiari dæmonum commercio nonnulla verè prædixerint, hinc oraculorum instar responsa eorum haberi solent. At diuina prouidentia, horum impostorum impietatem interdum detegit: in eamque meritis animaduertit poenis, quo misellos & dementatos barbaros à fascino illo liberet ignorantia; uti eo quod dicam modo, anno MDLXXXVII. contigit.

Cum

Cum Lusitani Sobę cuidam finitimo bellum intulissent, & in alterius Sobę, quem socium atque amicum habebant, ditione castra metati essent; tanta per terram circumquaque grassata ariditas est, ut sementis in agris tosta quodammodo videretur, idque pluvię defectu. Hanc Gangas quidam magus (cui, ut iactabat, coelum parebat) *Promittit pluuiam magus.* coelo se deuocaturum spondebat. Multi spectandi prodigii causa confluerant: ipse itaque sereno coelo patetem quemdam locum haud procul à Lusitanorū castris, ingreditur, hinc multi illorum prodigij quod facturū se spondebat, spectatores esse cupiebant. In cōferta spectatorū corona sese collocās, tintinnabulis alijsq; instrumētis magicis instructus saltare & magicos quosdā modos canere, verba quædā incondita ignotaque inter dētes mussitans, cœpit. Execranda hæc cæremonia: ac dæmonum inuocatio ad mediam iam horam durauerat, & ecce magno fragore & repentino tonitru densa quædam nubes exorta est. Secutura iam iam pluuia putabatur. Ipsum rei exitum Lusitani exspectabant summo cum silentio; barbari e contra exultantes insolenti inconditoque clamore, Gangam in coelum vsque laudibus euehebant. Ipse præuijs hisce signis factus insolentior se palam iactare, & Christianos irridere (ignarus quantum capiti mali impenderet) ut Lusitanis bilem & indignationem mouerit. sed longè secus quàm putarat, euenit. Crescentibus enim fragoribus tam vehemens tonitru exortum, ut coelum terraque iam iam dehiscenda videretur; & fulmen secutum terribili quodam boatu, spectatoribus omnibus trepidantibus, missello incantatori caput, velut fulmineo mucrone à cernicibus præfectum abstulit, & exanimem in terram truncum deiecit. Vnde verissimum esse

Dæmones aduocat & tempestatem ciuit.

patebat, quod barbaris dicebant Christiani, non hominum esse coelorum cataractas, pluviæ petendæ aut negandæ causa, claudere aut referare, sed solius Dei, ad quem in huiusmodi necessitate confugere opis petendæ causa necesse sit: meritas itaque Gangas hic superbiæ & insolentiæ poenas dedit. Hinc discimus, altum sapientes, quod magis se euehant, eò deprimi & humiliari profundius ab eo qui superbis resistit, & humilibus suam elargitur gratiam. Sed in fidei Christianæ progressu apud Angolanos progrediamur. Anno MDXC. viginti Christianorum incolarum numerabantur millia, qui omnes Patrum Societat. Iesu industria operaque ad fidem venerent, & hoc ipso anno mille quingentos baptismali lauacro tinxere: & plures, si qui in fide Catechumenos erudirent, suppeterent, tinxissent. Verebantur namque, ne, si baptizarentur ij, qui procul à Lusitanorum arcibus, in regione interiori commorantur, à fide deficientes, pro more, ad pristinas superstitiones & nefarios gentilitatis ritus delaberentur. At paucorum horum pietas & fervor multitudinis defectum supplebat. In sacris enim audiendis, & sacramentorum susceptione seduli erant, & in oratione assidui, tantaque Socios veneratione ac reuerentia nimia prosequabantur, ut aliquo benevolentiae signo & amico nutu fuerint, quo liberius eorum commercia frequentarent, inuitandi. Superiore anno morbo Paulus Diazus extinctus erat, qui pro eo quo semper Socios erat prosecutus affectu, tantum illis terræ ac fructuum testamento legauit, quantum quingentis alendis Socijs sufficeret; hæredibusque suis imperauit, ut omnibus in expeditionibus tum domi tum belli, eorum

20000.

*Angolani
Christiani.*

*Pietas
Christianorum
inquinorum*

*Pauli Diazij
obitus & testamentum*

rum consilio vterentur. Testamenti quoque tabulis Regem Hispaniæ (in quantum erat & Lusitanæ) rogavit, ut in hac regione Societ. Religiosos stabiliret ac foueret, velut Angolanę vineæ cultores integerrimos. Nec huius vnus dumtaxat singularis in illos fuit affectus, sed & omnium Lusitanorum Angolam incolentium, ut sæpenumero splendida ijsdem, nisi impedimento essemus, donaria legarent, ne dum ad celestia eosdem exhortamur, terrena ambuisse videamur. Duæ hac in regione Societatis sunt Residentiæ, quarum prima in Loanda Insula, quæ ad Regem Congi pertinet, cuius omnes incolæ iam, Dei gratia, & Patrum prædictorum studio contentioneq; Christiani sunt. altera in vrbe Massagan, in qua arx illa Lusitanorum, quam gemino diximus fluuio circumcingi. At quoniam Lusitani interiora regni penetrant, bello imperiū dilataturi, semper castra sequuntur aliquot, qui militum confessiones excipiant, & ad bene viuendum Christiane q; moriendū excitent. Magna Lusitanorum erga Deiparam hic pietas & affectus singularis, qui in templo Sociorum, Sodalitatem quamdam sub nomine Beatæ Mariæ de Victoria instituerunt; quod omnes se victorias Deiparæ potissimū ope in Angolam nactos norint. Atque ideo dāt operā, ut, si quando cum hoste dimicandū sit, id aliquo Deiparę festo cōtingat. Quidquid hætenus vel pace vel bello prosperū ijs successit, vni post Deū Deiparæ intercessionem ascribūt. Præliū inituri, in Deiparę orare tēplo, sacramētis Confessionis & Eucharistię præmissis, antequam solent; domum reuersi ibidem quoque vota persolunt, Deoq; ac Beatissimę Virgini, immensas ob recepta beneficia gratias agunt. Eiusdem quoque Virginis imaginem semper in castris ha-

*Duæ Res-
dentia So-
ciet. in
Angola.*

*Lusitan.
in Angola
cōmoran-
tiū pietas
erga Dei-
parā.*

bent, & singulari cultu prosequuntur: si quando diutius aliquo in loco hærendum, oratorium quoddam erigunt, in quo eandem interea imaginem venerabundi deponant; abeuntes verò illud succendunt, aut destruunt, ne sacrilegis barbarorum manibus violetur, cruce dumtaxat ibidem, quæ oratorij memoriam refricet, relicta. Regionis cuiusdam Soba, cum Lusitanos, excitato aliquando huiusmodi oratorio discessisse comperisset, fracto quod cum iisdem pepigerat foedere, suam in oratorium impietatem ac nequitiam ostendit. Sed audaciæ mox poenas luit: morbum namque contraxit, ex quo anno integro lecto affixus decubuit, omni medicorum magorumque ope incassum tentatâ. Cum itaque omnem medici spem abijcerent; cælitus sibi hunc morbum ob delictum immitteri agnouit, quare suum SS. Cruci quam Lusitani in oratorij loco reliquerât, pallium dono, velut oblationem misit, se Christiana, si conualesceret, sacra suscepturum spondens. Rem miram, veram tamen! Quamprimum ut cruci oblatum fuit pallium, sanitati fuit æger restitutus, & mox Legatos ad Regis Lusitaniæ Vicarium in Angola, misit, qui delicti ab eo veniam postularent, orarentque se ut reciperet, non modo ut Regni Lusitaniæ clientem, sed etiam fratrem; desiderare se quippe Christianis accedere & baptismo ablui, uti & re ipsa deinde, in fide satis à sacerdote nostro instructus, præstitit. Non prætermittere hic oportet eximium quoddam diuinæ providentiæ ac Virginalis auxilij exemplum in serua cuiusdam Lusitani. Vapulabat hæc ab hero grauiissimè leuem ob noxam, mordebat barbaram infamia ac verbera; quare violenta morte desperabunda sui ipsius vltrix, vitam statuit abrumpere. Hanc ob causam

Soba cuiusdampunitio qui locum sacrum violauerat.

Miraculose à morbo liberatur. & fit Christiani.

fam cum nocte media domo esset egressa, restim arbori ex qua suspendere seipsam volebat, adnectit, & lapidum struem quæ ascensum præberet congerit; quos, dum collum laqueo implicasset, pedibus subuerteret fulcroq; sublato in aere de- penderet. At ecce, rem mirabilem, quotiescum- que lapidum illam congeriem ascendere conten- deret, mulier quædam eximie pulchritudinis e- andem destruebat. noctem ergo integram strui struendæ impendit, sed labore irrita, mulier e- nim coeptum opus semper demoliebatur. Cum ita- que luesceret, timore correpta domum concessit; ac totam rei seriem secum demirata, Hac, inquit hero, seruam nocte haud dubie amisisses, nisi per dominam quam in Sociorum æde adoramus, ste- tisset: quo dicto quid sibi nocte contigerit enar- ravit. Credere se rem dissimulauit herus, sed vni è sacerdotibus nostris accersito, quid ancillæ eue- nisset refert, orans vt ad locum illum se cõferat. Ille locum adit, & laqueum arbori appensum ac lapidum struem comperit; quæ indicia ancillam verã dixisse testabantur. Hoc itaque modo mater misericordiæ huic auxiliata est mancipio, ac præ- sentissimo corporis animæque periculo misel- lam eripuit. Suam quoq; Deus sæpenumero mise- ricordiam erga aliquos patefacit, quos in vlti- ma vitæ clausula ad fidem Christi amplectendam exstimulat. fidem facient tres adolescentes, in quos duo Soc. Sacerdotes, qui in littore gradie- bantur, inciderunt in vitæ extremo iam constitu- tos: hos cum interrogassent num Christo dare vellent nomina, velle se respondentibus colla- tus baptismus, quorum animæ, iam recenter Christi mundatæ sanguine, ad æternam beati- tudinem euolarunt, Quod euidentis prædestinati- onis illorum argumentum, Alius quoque sacer

*Serua
Christia-
na suspē-
dio se enar-
care dum
conatur à
Dei para
seruatur.*

*Tres ado-
lescentes
exanimis
baptizati.*

dos eiusdem Societatis cum forte fortuna in locum venisset in quo puerpera in presentissimo mortis periculo vnà cum foetu suo versabatur; & hoc altera quædam illi femina quæ è puerperio venerat, significasset, matrem vnà cum prole baptismo abluit, quæ suscepto baptismo expirantes, rextà, vt credere fas est, cœlum adierunt. Quin & alij per mortem hanc temporalem, vitam contulit Deus immortalē ac sempiternam. Anno siquidem Domini MDLXXXIX. Sobæ nonnulli Lusitanæ regis vestigales cum occultam aduersus Lusitanos conspirationem inijsent, & re iam detecta morti adiudicati essent; horum vnus quicum olim Patres de fide suscipienda egerant, priusquam supplicium capitis subiret, baptismum sibi conferri enixissimè petijt, atque id ipsum à teri quoque è coniuratis persuasit, adeò vt ambo morientes cœlo felicius renati sint, quam in terra extincti. Septem deinde post annis, alij duo Sobæ, qui varia Lusitanis intulerant mala, in eorum manus ceciderunt, à quibus morte sunt condemnati; prius tamen quam mortem subirent, baptismo lustrari voluerunt; fidei igitur rudimentis pro temporis opportunitate imbuti, baptizati sunt. Mortuorum corpora, Ecclesiæ ritu, magno honore ac solenni pompa terræ sunt mandata, quod fidei ante mortem dedissent nomina. Ipsi enim duces militares ac tribuni, baiulorum ac vespillonum officio fungentes, sepulcro eosdem intulerunt; stupentibus Angolanis, simul & indignantibus, tam exquisitas ac delicatas terræ condi epulas. In Angolæ enim ac Congi confinio barbari quidam commorantur Capud quos hoc contigit) quin nullam mortuis sepulcrum parari

*Conuersio
duorum
Sobæ
supplicio
addictorum*

*Item aliorum
duorum*

*Anthropophagi
in Angolâ*

rari posse putant melius ac decentius, quam viuenti stomachos apud: quos si quando genio indulgere voluerint, moris est, si inimicos ad manum non habeant, consanguineos & amicos mactare, coctosque conuiuis apponere. Rex autem Angolanus, quod vel damnorum quæ in conflictibus cum Lusitanis accipere solet, cum pigeat, vel quod pacem bello potius credat, anno Millesimo vndesexcentesimo ad Prætorem Lusitanicum legatos pacem petituros misit, fidem adhæc nostram se amplecti velle significauit. Cuius ut legationi fidem haberent Lusitani, aliquot Principum filios velut obsides destinauit, quos tamdiu in arcibus seruari volebat, donec Patres, quos petebat, à quibus vnà cum suis fidem edoceretur, ad interiorem regni partem peruenissent. Prætori Regem Hispaniæ, visum fuit, quid hic faciendum foret, consulere, cuius litteræ dum expectabantur, obsides fidem ac Christianorum ritus interim edocti sunt.

Rex Angolanus pacem à Lusitania petijt & fide imbui.

Hæc sunt, quæ de hoc regno annum vsque
MDC. scire potui.

CAPVT VIII.

*Ora maritima ab Angola ad vsque promontorium
Bonæ spei, atque hinc Soffolam vsque, simul &
Monomotapa, & Mosambici de-
scriptio.*

*Montes
Lunæ.*

EX Angola & Congo Austrum versus per oram
maritimam progredienti occurrit regnum
Matamanêse, quod prouincias aliquot, quas
incolæ Chimbebas nuncupant, comprehendit. Ad
septentrionem Angolæ conterminum est, ad me-
ridiem flumine cingitur Brauaghul, quod è Lunæ
exoritur montibus; ad orientem alio, quod Mag-
nicum dicunt, quod è lacu, qui è duobus quos Nili
fontes esse constat, magis ad meridiem vergit, o-
riginem trahit. Ad occidentem mari alluitur oce-
ano, idque à Sinu vaccarum ad vsque Tropicum
Capri corni, qui Lunæ Montes, quos ad meridiem
statuit, ab hoc regno discriminat. Trans illos vero
ad Austrum, regio est, quæ à Bonæ spei promonto-
rio haud procul distat, cui plurimi reguli ac dy-
nastæ imperant. Interior regio, quæ in Lunæ mō-
tium radice sita, ob intensum frigus deserta est, &
nonnisi à paucissimis incolitur. Atque hi Arabum
ritu in mapalibus habitant pellibus conuestiti, le-
gumine ac terræ fructibus victitant, crudaque tam
ferina quam humana carne, à bestiali ritu consue-
tudineque parum distantes, vescuntur. In horum
montium radice occidentali lacus exiguus est, è
quo fluuius enascitur, quem incolæ Camissam, Lu-
sitani flumen dulce nuncupant. Is non procul à
Bonæ spei promontorio in mare se exonerat, in
cuius ostio sinus quidam & æstuarium paruum,
cuius extremitas occidentalis, Promontorium fal-

falsum, à Lusitanis ideo, meâ sententiâ, dicitur: quod dum in Indiam nauigantes hoc promontorium eminus conspiciantur, fallantur, dum Bonæ illud spei esse credunt. Est enim & aliud quoddam, magis ad Orientem in altera sinus extremitate caput, quod vulgo promontorium Acus dicitur, quod hoc loco nautica acus rectâ septentrionem respiciat, nullam vt in partem declinet; quod vix alibi contingere comperitur. Alterum ab altero promontorium viginti quinque distat leucis; atque hoc vulgo Bonæ spei dici promontorium solet, ob nimiam terræ in Oceanum prominentiam. vbi enim vtrumque hoc promontorium enauigatum fuerit, vtrumque latius se paulatim extendit. Bonæ Spei nomen, vt libro primo dicere memini, à Ioanne II. Lusitanix regi ei inditû. nec omnino abs re. quicumque enim è Lusitania in Orientalem Indiam nauigant, aut inde domum repetût, felicem nauigationis cursum hoc capite præteruecto sperant. nam quod ventî procellosi qui è montibus vicinismagno impetu descendunt, per mare grassentur ac tempestates excitent, quibus permultæ naues periere, exhorrescere hoc nautæ solent. Hinc quoque leo Marinus nuncupatur, quod vorticibus ac fluctibus naues simul & homines mercesque pretiosissimas absorbeat ac quoddammodo deuoret. Atque ideo qui è Lusitania Iudiam petunt, duobus aut tribus ad meridiem gradibus ab eo declinant, vt ne videant quidem. E duobus tamen signis id se præteruectos comperiunt: primo ex acu nautica, quæ vtî diximus, rectâ septentrionem respiciens, è regione Promontorij Acus nauem esse ostendit: deinde ex aurbus quibusdam cygni instar candidis, nisi quod alarum extrema nigricent, ideoque mani-

Promon-
torium
Bonæ spei

cas

cas holoserics Lusitani easdem nuncupant. hoc autem genus hic abundat, quæ præternauigantes semper aduolando salutant; quasi speculatrices hic à Deo constitutæ, nauigantibus quo in loco versentur, indicantes.

Hoc promontorium præternecto, ad orientem plures occurrent portus; quorum faciliè primus est is, quem ob decorem atque elegantiam formosum nuncupant; occurrit deinde sinus quidam, quem quod lacus similitudinem habeat, Lacum dicunt. haud procul inde flumen est, quod à S. Christophoro nomen habet, in cuius faucibus tres parue sunt insulæ. Sequitur deinde terra, quam, quod à Lusitanis in Natalitiorum festis detecta fuerit, Natalem appellant; tum etiam quod continuâ rigeat brumâ. Naufragijs hæc nobilis, ut, aliquorum sententia, non minus quam promontorium Bonæ spei, sit metuenda. Desinit hæc in Caput, quod à Piscatu nomen inuenit. Longius idem iter rectâ prosequenti ad usque flumen Magnicum, obuium erit regnum Butua, quod, si Continentem spectes, ad Lunæ montes & flumen Brauaghul extenditur. A Magnico ad Cuamæ flumen usque est ora Sofalana. At priusquam eandem describamus, de incolis regionum quas iam recensuimus, nonnihil paucis est dicendum: omnes nigri sunt, ut Aethiopes sub zona torrida commorantes; quamuis Promontorij Bonæ spei incolæ in xxxv. gradu sint latitudinis australis; adeo ut hinc manifestè colligi queat, non esse calori Solis hanc nigredinem ascribendam; cum Brasilijs ac Peruani, qui sub Zona torrida etiam habitant, nigri non sint; atque Abyssini subflauo sint colore. Quamobrem dicendum potius, agnatam hanc illis esse nigredinem, &

non

Regnum
Butua.

non terræ situi ascribendam. Quod etiam manifestius patet in ijs, qui in eadem ora commorantes, quamuis AEquatori his sint viciniore, vti paulo post dicetur, colorem tamen candidum vultu præferunt.

Sed coeptum iter prosequamur. Magnicus, *Magnicus flumen.* à quo à parte occidentali Sofalæ ora initium habet, è maximis & celeberrimis Africæ fluminibus est. E primo lacu è quo Nilum nasci diximus, originem ducit, qui duodecim gradibus latitudinis est Australis; regnum deinde Monomotapæ pertransiens ac Lunæ montes, tandem in mare, ad Austrum, tribus & viginti ac dimidio gradibus, deuoluitur. Occurrit deinde Promontorium quod dicunt Currentium, ac mox nobile illud flumen Cuama, quod septem ostijs, *Cuama flumen.* quinque insulas constituentibus, Nili instar, in Oceanum se exonerat: ex eodem quo Nilus nascitur lacu, quamuis hic septentrionem versus decurrat, & in Mediterraneum se mare exoneret; Cuama vero e contra tum Meridiem tum Orientem versus defluat. Porro Sofalæ ora, quæ inter vtrumque hoc flumen interiacet, non multum ad interiorem regionem extenditur; rex quippe Monomotapæ per interiora prouinciæ dominatur. Ora hæc Sofalæ ab ostio Magnici ad vsque promontorium Currentium sterilis est ac deserta; sed inde ad vsque Cuanam incolitur ac feracissima est. E regione promontorij Currentium, inter ipsam atque nobilem insulam S. Laurentij, alio nomine Madagascar dictam, sunt breuia ac scopuli, quos Iudaicos indigerant nautis metuendi, vt metu, interim dum præteruehantur, exalbescant: nec immeritò; per multæ enim naues iisdem illis miserè naufragium passæ sunt, ac præfertim anno MDLXXXV. vt suo loco referemus.

Scopuli

nerationem in mare (Sofala ora si excipiat) extenditur, ad regnum Monomotapæ spectare; cui si & hæc ora includatur, erit, insulæ *Auriferæ* instar, aquis vndique circumcincta. Regnum hoc auri ferax est. In plurimis enim illius provincijs venæ sunt, è quibus auri magna eruitur copia, ac præsertim in regno Toroa, in quo etiamnum veterum ædificiorum lapideorum supersunt vestigia, quæ & magnitudine & splendore cum veterum sunt Romanorum ædificijs comparanda. Hanc ob causam non desunt qui credant, hinc Salomonem ac deinde reges omnes Hebræos, quod singulis tribus annis, teste scriptura, ex Ophir (quam Sofalam aut Sephalam esse dicunt) accipiebant aurum, eduxisse: septuaginta enim Interpretes Soupheir aut Sopheiram nuncupant: quod nomen Sofalæ affine admodum est. Ad hæc referunt incolæ (teste Thoma Lopesio in suo itineralio Indico) penes se libros esse, qui Salomonem hinc omne suum accepisse aurum testentur. Alibi tamem diximus, probabilius videri in auream Chersonesem, vel regionem, quæ à Pegu ad vsque Malacam cum insula Sumatra extenditur, quæ & auri venis & alijs rebus ad Salomonem deferri solitis, qualia sunt gemmæ, simij, pauones, ebur, & lignum quod Thyinum in scriptura nominatur, abundabat, nauigationem institutam, hæc siquidem omnia in India orientali, non vero in Sofala (auro & ebore excepto) reperiuntur: vti nec in Peru, quam nonnulli esse Ophir volunt, cuius sacræ meminere litteræ, ebore enim & ligno thyino caret. Tanta porro in Monomotapa elephantum est copia, vt quotannis

I plus-

plusquam quinque occiduntur millia, ideo hic ebur, quod elephantorum dentes suppeditant, vile est. Rex Monomotapæ opulentus est ac locuples. permultos regulos sibi vectigales habet ac subditos, adeo ut longe lateque imperaret, & ad usque Bonæ Spei promontorium imperium illius extendatur. Regnum enim Tororæ, auri feracissimum, quodque regi huic paret, huic est promontorio proximum, Magnas militum copias sustinet, quas hinc inde per provincias, velut præfidiarios, dum in bello non occupantur, distribuit; tum ut potentiam suam patefaciat, tum ut subditos in pace contineat. Sunt qui præcipuas illius vires in quadam mulierum legione sitas existiment; habitant hæc separatim in provincia, quam rex illis concessit, ab omni virorum remotæ consuetudine, & veterum Amazonum exemplo ad bellum procedunt. Mamillam etiam dextram titione exurunt, ne arcum tendentibus (is enim arma sunt) impedimento sit aut remoræ. cum Giachis siluestribus, de quibus ante egimus, ut plurimum bello contendunt, quibus industria, strategematis, arteque bellicæ non eedunt; animosæ enim sunt, & rei bellicæ peritissimæ. Hæc quidem à nonnullis perscripta sunt, rei tamen veritas non adeo certo constat. Arma & insignia regis Monomotapæ sunt exiguus ligo cum manubrio eburneo, & binæ sagittæ: ligone, subditos ad terram colendam adhortatur: altera sagittarum designat, habere se potestatem rebelles ac nefarios comprimendi; altera verò, arma sibi ad inimicorum impetum propulsandum suppetere. Regum ille vectigalium filios in aula nutrit, tum ut mores & elegantias discant aulicas, tum ut patres, ne cor-

nua extollant, in officio contineat Quotannis ad omnes reges ac Principes sibi subditos, qui aliqua potestate pollent, legatos mittit ad ignem nouum, vt apud illos moris est, accendendum: qui ritus ad fidei experimentum hic in vfu est, atque hoc modo peragitur. Quando legatus Regius in domum Regali alicuius aut Principis appulit, omnis mox qui ibidem reperitur ignis exstinguitur: nec prius alius exstruitur, quam legatus ignem excitarit, è quo omnes eiusdem Principis subditi suum accendunt ac mutuuntur. Si quis secus fecisse comperitus fuerit, violatæ fidei reus peragitur. Hæc sunt potissimum quæ de hoc regno traduntur. at prius quam de fide apud Monomotapenses plantata agamus, de Insula Mozambico nonnulla præmittenda sunt. Omnia igitur Cuamæ ostia vbi transieris, aliud occurrit flumen, Qualimana nuncupatum, quod Lusitani cōmercijs suis frequentat, ac regi Gilox, qui hic longè latèque dominatur foedere iuncti sunt, sequitur deinde regnū ac flumen Angoscia, ac deinde aliud, Masita nominatum, quod nō nisi nouē à Mozābico leucis distat.

Ritus recentis ignis excitandi infidelitatis signum.

Qualimana flumen

Erat Mozambicum olim, vt asserunt nonnulli, promontoriū à veteribus Prasum nuncupatum: hodie vero insula est Africā respiciens, in quinto decimo gradus latitudinis australis; ante hanc duæ aliæ sunt insulæ minores, quæ rectā oram continentem respiciunt, ac velut ad amussim sitæ; vnde cōiicio aquam, cum sensim terram absorberet, duas has loco Promontorij prioris insulas effecisse. Ea quæ ad orientē vergit magis, à S. Georgio nomē habet, altera à S. Iacobo: vtraq; deserta, & parua; at Mozābicum incolis abundat; quis nō tātē sit magnitudinis, vt quæ ad sclopeti iactum in latitudine extēdatur, lōgitudine vero

Mozambicum promontoriū olim iam insula.

quater latitudinem superet, vel vt nonnulli sentiunt, quingentis in longum pateat passibus. regio plana est, simul & ora maritima. Palmis abundat Indicis, de quibus suo sumus locuti loco; quin & ficus habet quæ quotannis emoriuntur, & enascuntur, quibus nonnisi vnicus est ramus, tot ficuum ferax, vt toto anno non deficient; vna quippe post alteram maturescit. Longiores sunt quam latiores, & Europæas magnitudine longè excedunt. Cibus hic communis est, salubris tamen; folia habet quæ longitudine cum viri mediocris statura certent, & ad quinque ad sex in latum palmos extendantur; ficu emoriente radix non emoritur, sed ab illa noua repullulat arbuscula, quæ mox in arborem excrescit. Est & aliud fructuum genus quod Ananasas appellant, quod cucumeri non absimile est; longum ac rotundum, palmari longitudine, colore subflauo, ac corticibus tenuibus velut crumenulis contextum, qui squammarum instar nonnihil eleuati sunt, atque ad extremitatem virescunt, odoremque edunt suauissimum. Non prius comeditur, quam omnis ablatus fuerit cortex, gustum habet pomis nostris cydonijs non dissimilem, quamuis paulo sit sapidius. Idem quoque fructus in India reperiuntur, unde huc forsan delati sint. Mala citria, & aurea, aliaque, quæ Europæis similia sunt, hic non recenseo. Oues hic tantam caudam habent, vt quartæ ouis parti magnitudine & pondere respondeat, adeo vt in quinas ones hic partes constituentur, quarum vna est cauda. Gallinæ non plumas hic modò nigras habent, sed & carnem, & ossa, quamuis alioquin sapidæ

Amorazas

*Ovis magna
cauda.*

*Gallina
hæc carne
habens nigram.*

pidæ sint. Incolæ regionis Cafres dicuntur, uti
 & Sofalæ, atque omnes oræ huius incolæ à
 promontorio bonæ spei ad usque Mozambicum;
 atque hinc omnis regio Castraria nominatur.
 Omnes ut plurimum stupidi & barbari sunt,
 nudi incedunt, sola verenda tecti, quæ viri
 linteo contegunt; mulieres vero à pectore ad
 usque tibiam mediam teguntur. Nullum ado-
 rantidolum, adeo ut quod à vera eos religio-
 ne auertat, nihil sit præter barbariem ac stupo-
 rem mentis innatum; vix enim vllum ingenij
 iudicijque micam præferunt. Tota Mozambi-
 cum insula Lusitanis paret, qui urbem hic si-
 mul & arcem munitissimam habent, quod
 totius sit Indiæ propugnaculum ac clavis, ut si
 eandem amitterent, difficillima foret naui-
 gatio. Huc enim aquaturi exscendunt, corpo-
 ra nauigatione tabida non nihil refocillaturi;
 ut relictis animis simul & corporibus iterum
 nauigationem resumant. difficile quippe foret
 longinquum hoc iter sine interruptione atque
 vno tractu peragere. Conducit hæc etiam tum
 vt illorum tuta cum vicinis, ut Sofalanis, Mo-
 nomotapensibus, & alijs, à quibus aurum ma-
 gna copia recipiunt, sint commercia, tum eti-
 am ut Reges omnes ac Principes illius oræ, quos
 aut subditos aut foedere sibi iunctos habent, in
 officio contineantur. Dominicani hic mona-
 sterium habent. Hæc sunt, quæ de hac regione
 scripta ad nostras venire manus potuerunt,
 iam ad ea quæ fidei progressum spe-
 ctant properemus.

Arx Lusitanorum in Mozambico.

CAPVT IX.

Gonsalvus Silueria Goa in Mozambicum mittitur, atque inde Regem Inambana adiit, quem ad fidem conuertit, deinde regem Monomptapa.

*Regnum
Inabana.*

*Alius regis
natus minor bapti-
zatur.*

VT, cur Gonsalvus Silueria in Mozambicum missus, constet apertius, sciendum, handprocul ab hac insula, in ora continenti, versus Bonæ spei promontorium, regnum Inambanense esse, cuius rex anno MDLIX. duos habebat filios, quorum natus minor cum à Lusitanis, qui in paterno regno commercia frequentabant, multa de fide Christiana inaudisset, plura audiendi, eiusque si allaberet, amplectendæ æstuans desiderio, illius ergo Mozambicum ultro venit. Ipse præfectus arcis, cum quis esset probè perspectum haberet, ac simul quamobrem eodem venisset; summa illum humanitate atque honore excepit: cuius etiam factum opera, ut in fide Christiana satis sufficienterque institueretur: quæ tantoperè illi placuit, ut quam enixissimè baptismum sibi conferri postularit. Quem etiam mox recepit non sine pompa & applausu: nec modò candidam innocentis vestem in anima recepit, sed exterius quoque pretiosis indutus fuit vestibus, quas ei dono præfectus dederat: qui cum in patriam reuerti se velle significaret, aliquot ei Lusitani, qui honoris eum causa comitarentur, additi viæ comites. Reuersum ut pater, frater ceterique consanguinei hilariorè solito lætiorèque (nouam enim vultu lætitiæ præferebat) viderunt, nouæ exultationis causam

sam inquirunt. Ille Lusitanorum in se referre beneuolentiam, & Christianæ legis præconia ita deprædicare, omnes ut mirificè erga illā afficeretur; & frater natu maior regni heres, eodem ardens desiderio, baptismum postulaturus Mozambicum adire decreuerit. sed patris eum retinuit auctoritas, qui abeundi ei veniā denegabat; rem dicens maturiori ponderandam iudicio, quamobrem exspectaret, donec quid circa hoc negotium agendum esset, secum ipse etiam statuisset. Se enim, si cōmodos Christianæ legis doctores nancisceretur, eamdem forsan amplexurum. Minor natu filius iam Neophytus, hoc cognito, Mozambicum redit, præfectoque arcis pronū patris, fratris, aliorūque in fidē Christianam animū significat; requiri dumtaxat operarios, qui messē iam flauescētē & nō nisi falcem desiderantē colligerent. Iisdem diebus nuntius allatus est, Regem Monomotapæ Lusitanorū ambire commercia ac fœdus; quæ res incredibili eos cumulauit lætitia. Neq; enim libera solum in vniuerso illius regno sibi spōdebant cōmercia, & emolumentū non mediocre hinc secuturum, sed etiam fidei hocce cōmercia eodem inferenda. Quare totius Indiæ Prætori rem communicant, qui eandē P. Antonio Quadrio; (agebat hic tum Prouincialem Soc. nostræ apud Indos) significauit, rogauitque quemdam ut Patrum in messē illam destinaret. P. Prouincialis rem maturè deliberata, ac per frequentiores preces ac sacrificia Deo commendata, tandē Gonsaluum Silueriam, non tam sanguinis nobilitate, quam virtutibus illustrē mittendum censuit. Erat hic Comitis Sortellani, quæ per antiqua apud Lusitanos ac nobilis est familia, filius; & ob singulares quibus clarebat

Patrem ac fratrem eodē incitat.

*P. Gonsal-
uus Silue-
ria in Mo-
zambicū
mittitur.*

virtutes, Prouincialem apud Indos iam egerat; iam vix munere defunctus erat, cum noua hæc illi mandata prouincia, quam pluris profecto quam omnes mundi huius honores omniumq; prouinciarum possessione faciebat. Socios illi addidit alios duos eiusdem Soc. sacerdotes, qui Goâ anno MDLX. simul in viam se dedere, ac secundo vento haud ita multo post in Mozambicum appulerunt. Loci præfectus in arce hospitium illis assignauit, ac summa illos excepit humanitate; cum hic post nauigationem ad aliquot dies vires restaurassent, sex illis milites itineris socios dedit, qui in regno Inambanense eos deducerent: quo ut peruenerunt, in morbum omnes ob vehementissimos quibus regio Zonæ torridæ subdita torretur calores, inciderunt. Silueria quamuis firmo ac robusto esset corpore, morbi tamen vehementia illum ita deiecit, oculorum scilicet dolor acerrimus, ut vitæ discrimen adierit. Vbi illorum confirmata fuit valetudo, urbem Tongum, quæ Regis sedes erat, adiere, magno illos gaudio & applausu rex excepit, præsertim cum Christianæ fidei solum edocendæ gratia illos venisse intellexit. Mox igitur ut venire, legem gratiæ, quam Christus mundi redemptor in terras aduexit, promulgare cœperunt, tantam porro ille verbis illorum addidit efficaciam, ut breuissimo tempore plurimi fidei nostræ accederent: adeo ut postquam singulariter eos qui in fidem Christianam propenderent, instruxissent, regem, reginam, liberos, aliosque illorum consanguineos, & in primis sororem regis ac plurimos regni procures, simul & infinitam plebis multitudinem baptizarent

*In amba-
nem petije*

*Regē bap-
tizat &
vniuersā
eius fami-
liam*

rint. Regi Conſtātini, Reginæ Catharinæ, ſorori Iſabellæ nomen inditum. Interim Silueria relictis ibidem Socijs ſuis, qui neophytos in fide ſtabilirent, ac plures quotidie ad eandem pertraherent, Monomotapam adire decreuit; cuius Regem ſi fidei lucrificere poſſet, ceteros circumcirca regulos ac Dynaſtas facile Chriſto nomen daturus. Prius vero quam iter illius enarremus, quid duobus hiſce in Inambane relictis Patribus factum ſit referendum eſt; cum de illis agendi commoda poſtea non detur occaſio; ſeriem enim rerum geſtarum P. Gonſalui Silueriæ retineamus neceſſe eſt. Duo igitur Patres in Inambane relictæ, ædem ſacram imprimis exædificari curarunt, quam aſſumptioni Deiparæ dedicarunt; grauiter in fidei conſeruatiōe augmentoque laborantes & indefatigabili ſtudio rem Chriſtianam promouentes: quorum alter cum ex imbecillitate corporis cæli intemperiem diutius ferre non poſſet, Goam redire eſt coactus; alter Andreas Ferdinandus nomine, amplius biennium in ijsdem locis, quamquam graui iam ætate hæſit: laboribus interim varijs afflictionibusque exercebatur, ac perſecutionibus, vt ſæpe vitæ adiret diſcrimen. Et quoniam incolæ, ſicut & alij, quos vulgo Cafraſ appellat, in humani moribus aſperi ac monitorum impatientes fere ſunt, vt dum ſalutis commonentur, ac multo magis cum ſceleris commiſſi arguuntur, pie monentem exſiſſilent, Andreas in populis erudiendis excolendisque multas minas ac contumelias pertulit. magnum cum alias adiſſet vitæ periculum, tum quibusdam præſertim diebus, cum Cafres ar-

*Duos in
Inambane
relinquit
ſocios
qui neo-
phytis aſ-
ſiliaren-
tur.*

& tempori. Triduum ibi biremis restaurandæ causa commorati, pergunt quarta die tràquillo pacatoq; mari ad Qualimanem fluuium, ibique rursus aduerso vento repente vexati & in ipso fluuio subeundo valdè periclitati, exscensione post tempestatē facta ad Mingoaxanem Gilæ regē Lusitanorum amicum cōtendunt, ab eōq; benignè ac liberaliter accepti, facta etiam promulgandi per vniuersum regnum Euāgelij potestate, quod rex tametsi Maurus, Mahometicos ritus superstitionesque exploderet, & religionē Christianam apud suos disseminari, eaque illos imbui magnopere cuperet. Diutius hic morari Gonsaluus noluit, quod ad Monomotapæ regē festinaret, & hoc ad Christū adiuncto, finitimos reges longè viribus atq; auctoritate inferiores facilè ad eadē sacra perduciposse cōsideret. E Giloa ad amnē ingentem Cuamam tendunt, vbi rursus periculosa procella in Lindem proximiū sinū compulsi, tredecim dies steterūt. Ostia Cuamæ cum ingressi essent, in ipso fluminis introitu re diuina peracta Gonsaluus à Lusitanis comitibus petijt primum, vt quoniā Monomotapæ fines ingredi inciperent, totū legationis suæ negotiū Domino suppliciter commendare ne grauarētur; deinde vt æqui boniq; facerent, si reliqua tota nauigatione se, vt precib. vacaret, ab eorū cōspectu atq; cōsuetudine remouisset: in rebus præsertim grauioribus cōsulto potissimū Deo exoratoq; opus esse. Sacris itaq; celebratis iubet in certa nauigij parte circa se prætēdi cortinā, ibiq; octiduo ipso delituit, cū semel tantū quotidie tostī ciceris pugillo & exiguo haustu frigidæ sese reficeret; & quidquid à precatione supererat tēporis, in euoluēdo libro cōlimmeret, qui scriptas Sāctorū cōtinebat vitas

*Qualima-
nes fluuius.*

*Quomodo
se P. Gon-
saluus ini-
tio legatio-
nis parauit
in primo
terra adica*

*Sena haret
ac plurimū
boni pra-
stat.*

Octo igitur dies cum aduerso flumine Cu-
amam nauigassent, Senam, vicum satis popu-
losum ac frequentem perueniunt; ibi descen-
sum est, nuntiusque à Gonsaluo ad regem Mo-
nomotapæ de suo aduentu in intima regni
missus, qui regem adeundi simul veniam ro-
garet; à quo dum responsum expectat, inte-
rim Christianos aliquot Lusitanos qui ibidem
commorabantur, à peccatis per confessionem
absolutos, à turpi concubinarum consuetu-
dine ad sacras nuptias legitimasque tradu-
xit; catechismum publicè docuit, & è Lusita-
norum seruitijs ibidem capita ferè quingenta
baptismo lustrauit.

*Rex Inha-
mioris ba-
ptizari
vult.*

Regem etiam Inhamioris, regis Monomo-
tapæ stipendiarium, vt qui nonnisi tribus pas-
suum millibus à vico Sena distet & sedem re-
gni habeat, cum aliquoties adiisset, cohorta-
tionibus suis ita permouerat, vt se vnà cum
uxore & liberis, libentissimè Christianum fo-
re profiteretur. Sed Gonsalvus, partim quod
nō habebat, quem apud illum catechismi cau-
sa relinqueret, partim etiam ne Monomota-
pæ regis animum offenderet, si prius stipen-
diario quam ipsi Christiana sacra impertisset,
Inhamioris regem vt potuit consolatus hor-
tatusque, vt ipse cum suis Dei bonitate fretus
in suscepto consilio permaneret, totam rem
in aliud tempus distulit. Iamque alter men-
sis effluxerat, nec vllum responsum à rege
Monomotapæ venerat, ita vt non parum Gon-
salius miraretur; cum Antonius Caiadus Lu-
sitanus, qui morabatur in vrbe regia Mono-
motapa, Legatus à Rege, ad Gonsaluum adue-
nit Monomotapam perducendum. Gonsal-
uus

*Iter Sil-
ueria Mo-
nomotapæ
versus.*

nus sacrorum ornatu cum sacro lapide & calice in sarcinam colligato, sublatoque in humeros se in viam dedit, pedibus iter conficiens, nec ullius opem in sarcina deferenda requirens. Caret siquidem Monomotapa equis alijsque dorsiferis animalibus, præter Elephantos. Cum ad fluuios ventum erat, qui multi in ea regione sunt, si quidem vado superari possent, quamuis ad iugulum usque pertingerent, transibat elata manibus seu capite sarcina: sin minus, vasi ligneo impositum peramplo Gonsaluum natantes ipsi propellentesque traiciebant Cafres. Hoc pacto iter suum peragens, sub noctem natalem Domini ad Chetuchin pagum haud longè à Monomotapa ventum est, factumque ter sacrum, pro more Ecclesiæ, summa sui & Lusitanorum comitum animi voluptate. Octiduo hic hæsit, suam interim Deo missionem ex animo commendans. Inde natalium feriarum octava cum urbem Monomotapam regum sedem introissent, misit confestim rex qui Gonsaluum cum muneribus viseret, auri pondere ingenti, vaccisque permultis, quæ plurimi ab incolis fiunt, & famulatu ad ministeria quotidiana: quippe qui de Lusitanis mercatoribus iam ante cognouerat, Gonsaluum generis claritate ac nomine inprimis esse conspicuum; ideoque maximis ac dignissimis cum donis afficere visum. Gonsaluus gratijs actis, muneribusque repudiatis, ex ipso legato regem breui cogniturum esse respondit, quod genus auri, quasve dinitias quæsiturus in ea loca venisset. Obstupuit ea animi magnitudine rex, & apud suos procures eandem de-

*Monomotapa
pam ingre-
ditur.*

prædi-

*Quomodo
à rege ex-
cepit*

*Qua à rege
offeratur ei
MAGNA.*

*Deipara
imago.*

prædicans ait, vir hic multum ab aliorum natura distat, qui maxima animi contentione per mare ac terras aurum & diuitias quæsituri discurrant. Cum itaque bonam de Gonsaluo opinionem concepisset, crastina die venientem ad se illum tanta gratulatione & significatione honoris excepit, quanta neminem unquam antea. Nam & in ipsa penerralia, quod nulli est aditus, introduxit, & assidente matre considerare Gonsaluum etiam in tapete iussit, Anton oque Caiado è conclavis ianua interprete adhibito, rex continuo sciscitatur, quid auri, vaccarum (quas incolæ non minoris quam aurum ipsum æstimare dicuntur) quantum prædiorum, quot denique feminas veilet; nam votorum quæ profitebatur ignarus erat. Cum nihil se præter ipsum regem respondisset optare, conuersus ad interpretem inquit rex, profecto necesse est, qui nihil horum accipiat, quæ a ceteris tantopere adamantur, longo hunc interuallo à reliquis distare mortalibus. & nihilominus, dum pluribus diutius inter se egisset, iterum eadem & etiam maiora munera obtulit. Sed gratijs Gonsalvus actis regi, & vale ei simul & matri dicto, domum redijt; hic aulam instruxit sacris celebrandis peridoneam, & altare extemporaneum adornauit, in quo Deiparæ, quæ ex India aduexerat imaginem constituit. Vbi dum ille manere rem facit diuinam; è principibus quidam prætereuntes cum è foribus aspexissent in ara propositam perelegantem illam sacratissime Virginis imaginem, specie decepti ad regem deferunt, Gonsaluum egregia forma puellam apud se habere; cuius eximiam pulchritudinem regi tantopere prædicant, illius ut videndæ illum ceperit desiderium. Haud surdis auribus dicta.

Misit

Misit ille confestim, qui Gonsaluo renuntiaret, audire se, illum vxorem secum adduxisse, vehemēter cupere, vt eam sibi sisteret. Tum Gonsaluus, tabulā pretiosa veste inuolutā ad regem deferret; cuius desiderium quo magis exacuat, antequā tabulam detegat, præfatur illā esse effigiē matris Dei, creatoris cœli & terræ, cuius in ditione ac potestate sint omnes reges & Imperatores orbis totius; tū deniq; tabulam aperit, regis quoq; matre præsentē. Rex imaginē veneratus supplex, eius amore captus, Gonsalum etiā atq; etiam obsecrat, vt eam sibi largiatur, domi habere se velle. Libenter Gonsaluus annuit: quinetiā ipsemet in regio cubiculo collocat, ibidemq; quasi sacellū quoddā præcādi causa peristromatis pretiosis exornat. Narrant qui deinde post mortem Gonsalui venere Lusitani, noctibus deinceps circiter quinq; reginam cœlorū ea ipsa specie, quā tabula ostenderet, diuina circumfusam luce, suauiq; splendore fulgentē augustissimo simul ac iucūdisimo aspectu dormitatī regi astitisse: quod ille mane matri narrabat rei nouitate vehemēter attonitus, itemque Lusitanis, qui rem statim Gonsaluo renuntiabant. Postremo rex Gonsalum ipsum accersit, ait se mirum in modum angi, quod sermones eius quæ singulis secum noctibus loqueretur non intelligeret. Cui Gonsaluus cum eam esse linguam diuinam dixisset, quam nemo cognosceret, nisi qui sacrosanctis eius reginæ filij legibus pareret, quippe qui cœli terræque esset conditor generisq; totius humani redemptor, Rex in præsentia quidem si minus verbis, vultu certe ac significatione se Christianum velle fieri ostendit. bidui deinde spatio interiecto per Antonium Cziadium Gonsaluo aperte denun-

*Deipara
noctū regi
apparuit,*

*Regi loqui-
tur. sed ig-
nota lin-
gua.*

tur,

*Rex cum
matre bap-
tizatur.*

tiat, certum esse sibi matrique Christiana sacra suscipere; proinde ad se baptizandum quam primum veniret. Gonfaluus tamen dies aliquot supersedere satius visum, dum rex Christianæ fidei præceptis ac rudimentis simul cum alijs regni proceribus imbuitur. quibus cum satis iam operam dedisse videretur, quinto circiter & vigesimo post aduentum suum die Gonfaluus regem simul & matrem non sine solenni pompa & gratulatione baptizat. Regi Sebastiani, matri Mariæ nomen est inditum. Eo ipso die rex Gonfaluus, quoniam aurum respuerat, vaccas centum donauit; ille ne regis munus contempsisse videretur, ad Antonium Caiadum misit macandas, ut in frustra dissectæ distribuerentur in pauperes. Quam eius liberalitatem ac beneficentiam populus iugenti admurmuratione suspexit. Regem imitati trecenti fere è regni proceribus Christo sese pariter addixere, ac baptismum suscepere. Hi nunquam à Gonfaluui latere discedebant, tanto illius doctrinæ desiderio tenebantur, ut semper noui quippiam ab illo discerent; hinc etiam dona illi adferebant, lac, oua, butyrum, hœdos, aliaque id genus; sciebant enim alia eundem non admittere: imò nec hæc quidem nec aliud carnis genus omnino gustabat; sed pauperibus distribuebat omnia, cocto dumtaxat milio quodam exiguo, herbisque & filue-
stribus fructibus victitans.

CAPVT X.

*Rex Monomotapa Gonsaluo Silueria necem parat;
quid post mortem illius acciderit.*

REGE, regisq̃ue matre ac præcipuis regni proceribus Christo adiunctis, spectata vitæ inorumque sanctimonia studioq̃ue salutis humanæ tantam sibi Gonsaluo apud summos æque ac infimos benevolentiam conciliauerat, tantosq̃ue in omnium animis motus effecerat, vt in Christianam religionem vniuersa multitudo videretur incumbere; cum Satan boni omnis, hostis acerrimus; tot animas faucibus suis eripi, & rei Christianæ progressum in Monomotapa, quam tanto tempore suo presserat ingo, ægrè ferens, omnem mouet lapidem nequitie; quo nouum Ecclesiæ ædificium destrueret vt fractis muris fatisceret; quod quo ad exitum perducatur facilius, illius fundamentum conuellerè inprimis contendit, ac Gonsaluum Silueriam, in quo constructum erat, neci dare. Ad hoc quatuor delegit callidos veneficos Mauros, ac potentes, & apud regem gratiosos. Hi itaque coniunctis viribus ac machinis insidias, inferis cufas fornacibus; Gonsaluo struunt. Auctor conspirationis fuit Mozambicanus Mingnâmes, Mauricæ superstitionis antistes, siue, vt ipsi appellant, Cacicius. Il regi partim coràm ipsi, partim per idoneum internuntium (quoniam auctoritate apud regem valebant) valde se dolere demonstrant, quod tantum in capitis regniq̃ discrimen vltro seipse demiserit: Gonsaluum, cui tantum fidei & honoris habeat, missu proregis Indicæ, terræque Sofalæ regulorum, ad explorandum regis statum, sollicitandosque ad defectionem popularium animos aduenisse, vt motibus excitatis ipsi deinde, infesto exercitu subsecuti, regem oppri-

Satã Silueria necem machinatur:

Illius insidias.

Illorum vasa in insidia

*Euficani
dicti: Lā-
garij.*

*Rex Gon-
saluum
decidere
statuit*

*Diuini-
tus re- am
suā pra-
scit.*

primant, vitaque & regno exuant. Addunt insuper fabulosa portenta, Gonsaluum veneficū esse teterrimum omnium & sagacissimum, varia veneficia ac medicamenta secū attulisse ad incolarū animos occupandos, regemq; mactandum potentia. Quicumq; caput suum aqua, (Baptismū intelligebant) perfundi paterentur, conceptis præsertim, verbis Langariorum (sic enim Lusitanos vocant) à Gonsaluo pronuntiatis cōfestim volentes nolentes in eius potestaté venire: id ipsum alibi contigisse, proinde videret etiā atq; etiā rex quò progredieretur, cui se suaq; crederet. Si Gonsalvū abire permittat incolumem, fore vt ciues mutuis inter se cædibus amentes atq; lymphati miserandū in modum grassentur atq; concurrant. His alijsque id genus mendacijs onerato regi, adolescenti præsertim, ac matri (vt est muliebri semper an xiū ac suspicax genus) facilè persuasum est, vt Gonsaluum primo quoq; tempore interficiendū curarent, qui vitam illis animæ attulerat. Nec dum ea cōsilia eruperant, clandestinis agitata colloquijs quin Gonsaluo eadē, diuinā, vt credere fas est, reuelatione patuerint. Cū enim ad illum Caiadus se cōtulisset, illi mox Gonsalvus ait, Haud ignaro mihi nec imparato mors instat ab Rege; sed paratus sum, cū visum Deo, vitam simul & sanguinem ad illius honorē profundere. Caiado ita incredibilis visa res, vt subridens prorsus negaret. Iamq; dies aduenerat, qua diuino instinctu, necē sibi inferendam Gonsalvus didicerat (nemo id enim illi significarat) cū ab Antonio magnoperè petit, vt Lusitanos omnes qui in vrbe versarentur, ad se cōfestim accersat, Cōfessionem illorum, inquit, tuamq; simul excipere, & sacra Eucharistia hodierno die reficere vos omnino constitui; nec enim postea potero. Ille vix credere, & tantæ rei nouitate

rate perculsus, absentes illos euocat, Gonsalvus
 ad meridiem vsque præstolatus, cum non adessent
 (vrbe enim omnes eadē die excefferant) cōse-
 cratas consumpsit hostias, factisq; eodē die Christia-
 nis circiter 50. rosaria ijs ad precandum diuisit.
 Lusitanos verò sub vesperam redeuntes, Confessi-
 onis Sacramento, quoniam Eucharistiæ non lice-
 bat, purgatos, mira vultus hilaritate animiq; tran-
 quillitate animabat, vt in fide Dei q; obsequio fir-
 mi & constantes in persecutionibus & afflictioni-
 bus perstarent; animi quidem illi constantiā fere-
 nitatemq; in Gonsaluo notabant, quid tamen cā-
 didū haberet in animo ignorabāt, aut quorsum il-
 los hisce verbis excitaret, vnico excepto Caiado,
 cui Gonsalvus rem detexerat. Iisdē sacrorū appa-
 ratū dat in ædes Antonij deferendū, ne in barba-
 rorum incidat manus, & ab iisdē nefariē profane-
 tur; ostendens ita sequenti se nocte interficiendū.
 Lusitanis domū reuersis, ipse linteatus cum effigie
 crucifixi domi remansit, ad mortē se disponēs, quā
 ad singula exspectabat momenta; reuertētiq; rur-
 sus Caiado pectus hominis manu leniter appre-
 hendens, Antoni Caiade (inquit) profecto parati-
 or ad mortē obeundam ego sum, quā ipsimet ini-
 mici ad inferendam; Regi autē ac matri libenter
 ignosco: Maurorū quippe artificijs ac dolis inducti
 sunt. Hęc ille serena facie atq; hilari cum dixisset,
 Antonius ab eo digressus, tametsi vix fieri posse
 putabat, vt rex tā nefario scelere sese obstringe-
 ret; tamen quoniā ex recēti quodā sermone eius
 animū exulceratū, cōtra quā existimasset, offen-
 derat; & cogitabundū illū viderat, ré eminus sub-
 olfecit; ideo famulos duos ad Gonsaluū custodi-
 endū ea nocte misit, vt siquid tumultus oriretur, si-
 gnificarēt: ab his seruis ea quę de morte illius se-
 quūtur, accepta sūt. Gōsaluū, cū sec^o hospitium in a-
 rea ad multā noctē, quasi è corporis custodia exire

*Ad mor-
tem se
parat.*

*Illius cō-
stantia.*

*Martyri-
um eius.*

*Quo die
et anno
con:ige-
rit.*

*Regis se-
ritas.*

gestienti mora nimis longa videretur, ita citatis gressibus ambulasset, oculis semper intentis in cælum, manibus modò sublatis ad sidera, modò crucis in figuram extensis vitam Deo, vt credere fas est, oblaturus, qui suam priùs in cruce pro hominum salute obtulerat, ducens ex intimo corde suspiria; suum denique, bona noctis parte transacta defatigatum, tugurium subiisse, habitaque coram Christi simulacro oratione, quod vnum solatium ei supererat, in arundinem stratum, in quo somnum capere solebat, decubuisse, & in somnum incidisse iustorum: id ex insidijs conspicati satellites octo circiter, ilicò irrumpunt illum suffocaturi, in ijs barbarus nobilis nomine Mocrumès, qui sæpe cum Gonsaluo familiariter egerat, ac conuiuium inierat, lectulo illum detrahit, ac pectori iacentis insedit opprimens, itaque pedibus illum collidit & impetit, vt pene interfecerit, arreptum inde pedibus brachijsque humo tollunt alij quatuor: sublato collo reliqui duo funem iniciunt, quo vtrimque adducto Gonsaluus expressam ex ore naribusque magnam sanguinis copiam effudit, ac spiritum simul Deo reddidit. Hic fuit gloriosus P. Gonsalui Silueriæ exitus, qui XI. Augusti die an. 1561. contigit. Tum verò Christi simulacro quod ille manibus tenebat, sacrilegis manibus comminuto, barbari defuncti corpus recte ligatum, attractumque in præterfluentem Monsengeßem deijciunt, ne videlicet, (quod Mauri confinxeant) cadaner ipsum tam malefici hominis sub dio relictum, veneni sui tabo aërem inficeret, & luem incolis afflaret. Gonsaluo sublato, rex eadem sæuitia percitus, cum eandem nondum expleßet, Christianos pariter quinquaginta, quos ille extremà die suo pepererat Domino, magistri prius donis exutos, iubet

iubet occidi. Id simul atque cognitum est, regni proceres, quos Excoles vocant, rei atrocitate permoti, vno consensu conueniunt regem, & aiunt, Si hominibus hisce mors idcirco debetur, quod aqua infundi capitibus suis à Gonfaluio permiserint (baptismum designabant) eadē & omnium nostrum, & verò tua quoque, rex, causa est, omnibus vno eodemque letho occumbendum. Qua denuntiatione repressus regis furor cum aliquantulum resedisset, eum biduo post Lusitani quoque adeunt, docēt quā graui scelere se obstrinxerit, virum integerrimum innocentissimumque, qui solam animæ regis omniumque subditorum salutem spectauerat, tam nefariè interimendo: terrores insuper addunt, non Deum modò indignam sanctissimi viri necem debitis poenis, sed etiam homines ipsos nobilissimos bello atque armis vi-
*Reprobè
sine res-
piscit.*
 tituros. Ad ea diligenter rex excusare sese, culpam in suatores impulsoresque rei icere, magnum perpetrati facinoris dolorem ostendere: denique vt facta verbis consentiant, è quatuor consiliarijs duos confestim interficit; interfecturus & alios
*Pœnitent
in suaso-
res cadu-
animadu-
uertit.*
 ni fuga sibi consulissent; nam rem subodorati maturè diffugerant: qui tamen quod summa diligentiā conquirebantur, nequaquam euasuri manus regis existimabantur, vt dignas nefario consilio poenas luerent. Horum alter erat Mingua-
*Nuntius
mortis
Gonfalu
ceteros
Soc. viros
animas.*
 mes scelesti huius consilij princeps & auctor. His-
 cerebus perlatis in Indiā, Antonius Quadrius ei
 prouinciæ pro Soc. Præpositus, quiq; P. Gonfaluū
 in Monomotapam destinarat, vti supradiētum,
 non parum doluit, quod talem tamque eximium
 virum amisisset Societas; sed quod hinc enegerat
 bonum, & ingentes quos Socijs addebat mors eius
 animi, vtpote qui tanti boni felicitatisque parti-
 cipes erant, non minus illum recreabant; coeptā
 igitur

igitur expeditionem tantum abfuit vt intermor-
 fineret, vt eandem pro viribus promouere con-
 tenderit, aliosque Socios Monomotapam mittere
 ad coepta promouenda satageret, quæ felicem o-
 mnino progressum habitura sperabat, eius Ecclē-
 siæ fundamentis tam innocenti castoque sangui-
 ne positis. Quod tamen conceperat, exequi mul-
 tis eisque grauissimis causis impeditus non potuit.
 At octo aut nouē post annos, salutis humanæ sci-
 licet M. D. XIX. rex Lusitaniæ Sebastianus, ingen-
 tem aduersus regē Monomotapæ classem, auspici-
 js ac directione Francisci Barreti, qui sedecim au-
 amplius annis Indiæ Orientalis proregem egerat
 & varios conflictus feliciter aduersus barbaros
 inierat, direxit. Normam ei belli gerendi dede-
 rant, qui regi à consilio conscientiæ erant, quan-
 seruare exactè illam oportebat, priusquam barba-
 ro bellum inferret; ad cuius normæ præscripta
 res ageretur, & rex iniuriæ quam ipse aut sui ir-
 rogarant Lusitanis, satisfacere noluerit, bellū æ-
 quissimum fore; quamuis illum quem desiderabā
 exitum non habuerit. Barretus enim quamuis
 multis regem Monomotapæ eiusque confœdera-
 tos, quos prius subijcere oportebat, annis conti-
 nuo bello exagitasset; tandem coeptis desistere in-
 uitus coactus est; quòd impia illa ac nefaria Sara-
 cenorum colluies, (quæ tum ibidem mirum in
 modum propagata erat) infectis veneno fontibus
 ac cibis, omnes penè Lusitanos enecaret: adeò vt
 permultos illa pestis absumpserit, & imprimis
 ducem ipsum Franciscum Barretum, cuius mortē
 ægerrimè tulere Lusitani; eius in locum alius suf-
 fectus est, qui eodem animi ardore bellum pro-
 secutus est, donec à rege Lusitaniæ in arcem, quam
 haud procul inde Lusitani habent, cum suis se re-
 cipere est coactus: ex hac in Saracenos excursio-

*Rex Lu-
 sitania
 classem
 aduersus
 regē Mo-
 monota-
 pæ misit.*

*Belli hu-
 ius succes-
 sus.*

ones continuas facientes, ita eosdem attrituere, ut non nisi paucissimi in regno illo reperiantur, atque omnes Regi Lusitanæ tributarij. Ceterum rex Monomotapæ iam Lusitanorum socius atque amicus est, quorum etiam opera suis in expeditionibus uti solet, magnisque stipendijs eosdem ad ad sepellicere. Classe illa quam Barretus ducebat, tres Societatis Sacerdotes etiam vehabantur, cum ut militibus in ijs quæ salutis erant opem ferrent, tum ut Monomotapæ incolas, si subiugari potuissent, fidem Christianam edocerent. Horum aliqui ibidem, non secus ac plurimi militum extincti sunt, ceteri in Indiam concesserunt. Nullus deinde Sociorum in Monomotapam ibidem ut resideret missus est, non quod sterile solum, ut heretici nonnulli obijciunt, subterfugerint. Loca enim longè steriliora adeunt, ut oram piscariam, aliaque huiusmodi; abundant enim omnia quæ ad victum sunt necessaria, quæ auro quod hic obuium est, comparari queunt. neque etiam ob incolarum barbariem feritatemque, cum ad Brasilijs multo etiam immaniores, navigationem instituunt. adhuc accedit, quod plurimi in Monomatapa Lusitani commorentur, qui hic non minori quàm in patria securitate commercia ineunt. Causa igitur hæc est, quod Religiosi D. Dominici hanc Christi vineam doctrina & vitæ exemplo colendam susceperint; Societas itaque ne falcem in messem mittat alienam, Monomotapa abstinet, ne alios cultores offendat. Quid tamen hæcenus præstiterint, compertum nondum habemus, nec de incolarum in fide progressu quidquam inaudijmus. Quare vela vento dantes mare petamus, ac quid in eo è regione oræ Sofalanæ contigerit, inquiramus.

Cur Societas Monomotapæ non adeat

CAPVT XI.

*Triste naufragium describitur, quod anno 1585. in Breui-
bus Iudæa nauis Lusitana, dum Indiam Orientalem peti-
passa est; quas, qui eadem vehebantur, arumnas
sustinuerint, ac præsertim due turmæ, quæ
enatarunt.*

VT, quæ pericula adeant, qui zelo diuini ho-
noris & salutis animarum acti Indiam pe-
tūt, vt incolas Satanæ tyrannide qua vincti
tenentur, eripiant, manifestum fiat; triste quo-
dam huic historiæ naufragium inferere visum fu-
it, quod anno Domini M. D. LXXXV. nauis quæ-
dam incurrit, qua duo Dominicani & sex Soc. Ie-
su Sacerdotes, qui Indiam diuinæ gloriæ studio
incitati adibant, vehebantur. Hoc porro extra
propositum nostrum non videtur esse; occurrent
hic enim præclara diuinæ erga homines prouidē-
tiæ indicia, simul etiam hinc apparebit, Deum a-
mara sæpe dulcedine quadam inexpectata, tem-
perare, quò in aduersis aliqua consolatione per-
mulceantur. Depromsimus autem hæc è litteris
Petri Martinez Soc. Iesu ad finem anni 1586. Goa
datis; qui singulari quodam Dei beneficio naufra-
gio sospes ereptus est, quem tot educere periculis,
in quibus alij socij & ætate iuniores & corpore fir-
miores perierant, Deo placuit, vt primus Iaponū,
decem post annis, foret Episcopus, vti suo refere-
mus loco. Ceterum hunc in modum res contigit.

An. salutis humanæ 85. supra millesimū ac quin-
gentesimum, quarto Idus Aprilis Olyssipone duæ
Indiam versus soluerunt naues, quarum hæc D.
Albertum, altera D. Iacobum tutelarem habebat.
Ambæ initio nauigationis vehemētissimam tem-
pestatem expertæ, vt pendē in ipso portu ac limine
cœpti itineris naufragium fecerint: sed vbi pro-
cella, quæ triduo durauit, defauisset, nauis quæ in

D. Iaco-

*Triste
naufra-
gium.*

D. Iacobi tutela erat XI. Iunij Insulas Martini Vafæi pertransijt, atque hic præfagia calamitatis instantis certiffima, fi dici fas est, confpecta sunt. Huc enim cum veniffent, terribilis formæ piscis derepentè omnibus apparuit, qui ceteros qui na-
uem fequebâtur fugauit, ac nani indiuiſus co-
mes adhæſit ad ipſam vſque noctem, qua nauſra-
gium paſſa; ei uſdem ſiquidem vespërâ ſub crepu-
ſculo prorâ adnatauit, & ingentem aquæ vim eij-
cere viſus eſt.

*Calami-
tatis præ-
ſagium.*

Itaque cum 27. Iulij Bonæ ſpei promontorium felici ſatis curſu præternauigaſſent, magna repentè ventorum orta eſt dinerſitas, ſubinde pro-
uehebatur, ſubinde retrocedebat nauis, nonnun-
quam in proram, non raro etiam in puppim irru-
entes venti nauim concutiebant, vt fretum
quod inter continentem Africæ oram & S. Lau-
rentij Inſulam, alio nomine Madagaſcar appella-
tam, interiacet, intrare ſe poſſe diſſideret. In freto
hoc è regione oræ Sofalanæ diſſicilis quidam eſt
transitus, quem Luſitani *baixos da Iudia*, id eſt Iu-
dææ ſcopulos aut breuia, nuncupant: ſunt enim
ſcopuli, aut potius lapidum acerui, coralli candi-
di, acuti & prominentes; nihil etiam terræ appa-
ret. Hi cum maris acceſſus eſt, aqua penitus operi-
untur, vt non prius quàm acceſſeris appareant.
Hanc ob rem omnib. qui hoc mare enauigant ſunt
formidini, quod plurimæ illis naues illiſæ miſerè
naufragiū fecerint, vti & hæc de qua iâ loquimur,
quæ cū ad freti fauces veniſſet, nobiles & quot-
quot auctoritate aliqua pollebant, conſiliū capta-
runt, num fretum ingredi, an verò longius iter
circum inſulam ſuſcipere conſultum eſſet; quod
venti ab occidente flare ſoliti iam diſicerent, quâ-
uis interim dum conſulerent, ſatis vehementes
eſſent. Solent ſiquidem, qui Indiam petunt, Pro-

*Scopuli
Iudææ.*

Consul-
tatio de
curſu ca-
piendo.

montorio Bonæ ſpei ſuperato, conſilium inire,
num per fretum, an Inſulã circumnauigando, cur-
ſum ſuſcepturi ſint. Si enim menſe Iulio Promon-
torium ſuperent, fretum intrare & Moſambicum
appellere licet, atque ibidem reſtauratis aliquan-
tiſper viribus, coëptũ iter proſequi, & eodem an-
no Goam appellere. At ſi non niſi Auguſto. menſe
Caput præteruehantur, Goam, non niſi anno ſe-
quenti, appellere queunt: ſi enim in Mozambico
in ancoris hæreant, oportuna nauigandi tempe-
ſtas elabitur; ſi vero trans Inſulam S. Laurentij cur-
ſum inſtituant, Cocinum duntaxat pertingunt,
quod vndæ & venti generales deficientes vltèrius
non propellant. Tandem melior conſultantium
pars in hac ſententia conquieuit, vt quandiu occi-
dui ſpirarent venti, curſum coëptum ſequen-
tur, & fretum ſubirent, ſi modo ad 22. gradum
perducerent, at ſi orientales ante flarent, quàm
gradum illum pertingerent, foris circũnauigarët.

Occidui igitur flantes eo uſq; nauẽ propulſẽ, vt
quamuis freto exire cuperët, nõ poſſent. Decimo
quarto Calend. Septembris ſolis altitudinem
nauarchus dimenſus 23. graduum altitudinẽ, &
tertiam vnius grãdus partem deprehendit, quæ
ſola tertia pars deerat, vt ad ſcopulos Iudææ per-
uenirent, qui huius ſunt altitudinis. Quod vèro
proſpero vteretur vento, hoc eodem flante ſpe-
rabat ſe quadraginta leucas diei ſpatio cõficere,
& nocte, quæ inſtabat, Iudææ ſcopulos tranſire
poſſe: quocirca viſum ei fuit vela non ſubducere,
ne vndarum impetu nauis in ſcopulos *Delas praias*
id eſt plagarũ, præceps impingeret, ſicut ſane ita
pridem naui D. Petro ſacræ contigerat. Cum ita-
que ſcopulos Iudææ ſe præteruectum putaret,
quod excubitores qui in carcheſio erant, vidiffe
ſe, continentem verſus aues volitantes dicerent,
velis

velis expansis cursum prosequi insit; metuebat quippe ne in Mozambicum debito appellere tempore non posset. Refragabantur huic Nauarchi mandato ceteri, qui nauigandi peritiores erant, ac præsertim tractus huius difficilis naturam perspectam habebant, dicentes non esse tam securè ac temerè nauigationem hanc instituendam, cum nondum, se euasisse periculum, certi essent; sed nauarchi, cui omnes parere debent, iussis obtemperatum est. Hic quidem in prora exploratores constituit, qui viderent, ne quod naus discrimen adiret; at quod velociter ferretur, & nox esset obscurior, nemo scopulos aduertit, nisi cum iam naus in illorum esset medio constituta. Vnde enim scopulis illis in tantam ferebantur altitudinem, ut quo minus apparerent, impedierint. Omnibus itaque profundo somno distentis, prima noctis vigilia, naus, omnibus pene etiam initio inscijs, scopulis vehementius illiditur. Ventus quippe secundus vela imprægnans tantum strepitum edebat, ut fragore collisionis nemo audiret, nisi dum naus diffringeretur; & quamuis nonnulli vertendam nauem inclamarent; tamè tanta venti fuit vehemètia ac cursus impetus, ut bis terve scopulis illideretur, antequam opè ferre nautæ possent. Infernè igitur in medio diffracta est, ac in præceps inuersa scopulis inhæsit, adeo ut prima naus contignatio scopulum tangeret, qui in medio concavus erat, & in hunc omnes qui naui vehebantur præcipites cadebant. erat hæc concavitas satis vasta, & in ipso maris refluxu, horæ aut amplius spatio, colluculi quidam hic apparebant, quos reuertentes denovo fluctus contegebant. Hoc verò tempore horum naufragium, non sine singulari Dei nutu, contigit.

*Naus cō-
fractio.*

Sic-

Si enim aqua recessisset, nauis nō in ipso scopulo
sedisset fracta, sed allisa scopuli lateri pessū iuis-
set, & vnā omnes nemine excepto, voracibus ma-
ris fluctibus absorpti fuissent. Aqua ad hęc fluens
& accrescens, firmiter latera & tabulas nauis in
scopulo retinebat, quibus deinde, nonnulli, vt
suo dicetur loco, adhærentes euadere ten-
tarunt.

*Cur nau-
fragium
hoc terri-
bile fue-
rit.*

Hoc tamen naufragium multas ob causas om-
nium sanè naufragiorū fuit maximè terribile ac
graue. Primò ob tēpus, nocte quippe obscura &
intempesta accidit, qua neque cælum, neq; terra
videri poterat, sed horrendi tantum flaciūs, qui-
bus omnes qui fecerant naufragium, singulis mo-
mentis operiebantur: deinde, quod à nocte media
ad vsque auroram in continuo mortis præsentis-
simæ periculo versarentur, dum ad singula metu-
ebant momenta, ne vndis obruerentur, quæ assi-
duò nauem, sub qua hærebant, vehementer impe-
tebant, ipsosque penitus tegebant. Accedunt hic
denique lamēta, clamores, ac gemitus, quos vnus-
quisque ex imo trahebat corde, Dei opem implo-
rando, delictorumque veniam postulando. Con-
fessionem inclamabant omnes. Sex in nauī erant
Sacerdotes, Dominicani duo, ac quatuor Soc. Iesu
Sacerdotes; ac vnusquisque se ita morti propin-
quum credebat, vt cum Sacerdotes omnibus ac
singulis scorsim operam nauare non possent, plu-
rimi clara voce palam peccata tanto feruore pro-
ferrent, vt ijs imponere silentium nemo posset.
Alij, quos se in facultatibus, honore, ac corpore
ipso offendisse sciebant, reptando quærebant, ve-
niam offensæ efflagitaturi, quasi iam iam ex hac
vita emigraturi: quos si forte non inuenissent, ob-
uios quosque obnixè rogabant, vt ipsorum nomi-
nè delictorum veniam ab ipsis impetrarent, cum

primum

*Naufra-
gi ad
mortem
separāt.*

primum videndi eos potestas daretur. Hæc igitur mortis formido, omnes vt in tuto animam constituerent, in causa fuit: absque hoc enim fuisset, timendum erat, ne plures tristius animæ quam nauis fecissent naufragium. Hisce in angustiis reliquo noctis spatio versabantur; atque eo magis quod ignoraret quonam essent loco, ac num haud procul inde locus foret, ad quem adnatare cum tabulis possent. At cum iam dies illuxisset, atque vnde quaque non nisi aqua appareret, omnem euadendi spem abicere. Quare cum vnusquisque ante solis occasum se iudicio Dei sistendum crederet, de omnibus alijs rebus cogitatione seposita, in hoc vnum intendebat, vt ad iter illud difficile ac metuendum diligenter se præpararet, vt non nisi fletus ac lameta suspiriaq; atq; alia doloris ac pænitiencie indicia audirentur. Etsi verò ad promouendam vitæ spem, funibus arreptis fractæ nauis tabulis aliqui se alligarent, fluctuum Dei que arbitrio se committentes; in quo reis capitali iudicio damnatis, iamque ad mortem properantibus similiores videbatur, quàm ijs qui huiusmodi commento vitam prorogare mortisque necessitatem effugere se posse sperant. At quoniam omnes naturam mortem perhorrescunt, multi vt vitæ consulere, noua consilia, nouas rationes in-

videre erat nautas quinos aut senos in malis nauis velut equitantes, infidis se maris fluctibus credere, alios tabulis colligatis ceu cratibus vfos inter fluctus terram inquirere: de quibus, quod nihil secum ciborum, quo vitam inter ea traherent sumpsissent, quid actum sit, nemo vnquam inaudijt. vnde eos aut fluctibus obrutos aut fame confectos interijssæ coniectura est. fuere tamé nonnulli, qui sumptis ad vitam necessarijs in terram appulere, hi cratibus, illi cymba nauis vecti; sed tot in itinere

*Spem ab-
ijciunt e-
uadendi.*

*Aliqui e-
uadere
conantur;
sed fru-
stra.*

arum-

ærumnaſ & calamitates perpeſſi ſunt , permulti
vt perierint , vti iamiam dicturi ſumus. Incipia-
mus igitur ab his qui cymbam ingreſſi ſunt.

*Quid na-
ui Guber-
nator &
aliquot
alii ege-
rint.*

Rebus ita conſtitutis nauis gubernator prima-
rius, ad mortem ſe non minus aliis quàm diligen-
tiſſimè præparabat: interim de horum ſcopulorū
ſitu melius explorando agebat, eo nimirum con-
ſilio, vt videret, num inter eos aliquis foret & tu-
tior & commodior, ad quem vniuerſa ſe recipe-
ret multitudo, donec nauis, qua Sofalam vehere-
tur, parata & inſtructa foret. Quare cymbam na-
uiſ parari iubet quæ integra, læſa tamen perman-
ferat: hanc ipſe cum nauarcho aliisquæ ſeptem-
decim aut octodecim ingreditur, & omnia circū-
quaque luſtrat, ſed irritò conatu. Quid agendum
hic foret, ſociis propoſuit. Omnes communi con-
ſenſu dixere; ſi nauem fractam repeterent , fore
vt omnes qui in eadem remaſſerant, audito nul-
lum eſſe ad quem tutò ſe recipiant locum, magno
impetu in cymbam irruant , atq; ita eandem præ-
pondere neceſſariò ſubmergendam: Quamobrè
conſultiùs ſe facturos, ſi iter repeterent , & ena-
dendi viam quærerent, deinde, ſi poſſent , ceteris
opem ferrent.

*Cymbam
reſtaurāt,
& terrā
petunt.*

Hoc itaque captato conſilio , cymbam
reſtaurant , vt reliquo itineri tolerando ſuffi-
ciat, proxima quippè terra ſexaginta aut amplius
diſtabat leucis. Nonniſi duos ſecum ſumpſerant
remos, quorum altero mali loco utebantur, enſes
duo per capulos colligati antennarum loco e-
rant; linteamē quo ex nautis quidam cinctus erat,
veli; ſtragulum album quod in cymba reperi-
erant; dolonis; funiculi quidam piſcatorij rudentum
vice ſuncti ſunt.

Sed quoniam rimofa erat ſcapha, & aquam tra-
hebat,

hebat, funium frustillis minutim concisis eiusdem commissuras refarciebant; picis vicem supplebant humor ille spissior salgami addi solitus. vide vt necessitas, mater industriæ, plurima suggerat media, quæ aliàs vix quisquam adinueniat. Instructa iam scapha, viam quærebant, qua scopulos euadere possent, ne cymba iisdem impingeret: quod verò humana id industria scire non possent, diuinam opem implorarunt, idque intercessione Deiparæ, votis sese singuli obstringentes, vt si è tantis periculis elaberentur, ædem illius in Guadalupe in Hispania summa cū deuotione ac gratiarū actione supplices adirēt. preces Deo acceptas, ac vota Virgini matri grata fuisse inde cognouere, quod breui saxosas illas rupes euaderēt, atq; in altum deuecti placidiore iam cursu ferrentur. Hac porro in itinere victus ratione vsi fuerunt, vt duæ dumtaxat Cidoniati (condimentum hoc est è malis cidonijs) buccellæ in dies singulos mane vna ac vesperi altera unicuique suppeterent, sitim autem perexiguo vini aqua marina bene diluti haustu statis diei horis prouocarent potius quam exstinguerent. Neque enim aliam habebant; Gubernator verò paululum aquæ è floribus vi igniseductæ in vsum suum habebat. Litanias sanctorum quotidie sub vespèram magno animi affectu recitabāt, quibus finitis sublata cælo voce diuinam opem supplices implorabant, pectusque subinde tundentes, commissorum alter alterum veniam rogabat. Gubernator hunc pietatis actum instituerat, cuius exemplo, & exhortationibus ceteri ad eundem excitabantur. Hoc itaq; modo cum in cœpta navigatione pergerent,

*Diuinam
opem im-
plorant
intercessi-
one Dei-
paræ.*

*Terram
desegunt.*

quoni-

quoniam locorum & oræ ignari erant, quatuor ad huc diebus littus raserunt, donec in amnem, quem subirent, inciderent. In hac nauigatione maximum à balenis similibusq; monstribus periculum ipsis impendit, quæ excitato strepitu ac fragore, simul & incondito clamore & Dei imprimis ope fugarunt. Siti ad hæc enecabantur, ut non defuerint qui vrina epota illam sedare tentarint. Octauo tandem die cum à meridie cælum ventos ac procellam minitari videretur, in proxima loca, quorum alteri Trilinda, alteri Qualimane nomen erat, se recipere decreuerunt: antequam tamen exscenderent, inualescente paulatim tempestate parum abfuit, quin euersa scapha omnes perirent. Quare præsentis periculo consternati ad D. Virginis suffragia emissi antea voti repetitione confugerunt, ne expectantes donec ad littus appulissent, alij umbilicotenus, alij pectore in aquas se dedere præcipites, & terram nacti sunt. Cumque primum egressi essent, duobus ad nauiculæ recularumq; custodiam relictis summa omnes contentione aquâ recentem conquieserunt: qua inuenta præ nimia siti pronos se in eadem prostrauere, ut nec satiari nec à bibendo auelli possent. Interim in eos, qui ad scaphæ custodiâ in littore rem auferant, indigena quidâ Cafer incidit, quib. visis manuum plausu (quod apud eos humanitatis signum est) occursum gratulatus, pisciculos aliquot obtulit, & ignem ad coquendum se inuestigaturum promisit. interim cum Lusitanorum alter ignem allaturus cum Cafero à littore recessisset, ducenti circiter Cafres arcubus ac sagittis instructi accesserunt, qui ne hostile quidquam moliri velle videretur, depositis arcubus, manibus præ lætitia plaudentes, læta eos qui à fonte reuertebantur fronte exceperunt. Lusitani vicissim à fonte reuersi in be-

neuo-

ne uolentię signum vascula aliquot pomis Cidoni-
is melle conditis referta barbaris obtulerunt.
Tandem nihil aliud illos machinari, quàm vt o- *A Casu*
mnibus rebus, quas secum aduexerant, Lusitanos *spoliatur.*
exuerent, manifesto patuit indicio. Cùm enim,
quod postea euenit, metuentes Lusitanienfes tri-
ginta sub arena condidissent, eos hoc astu inuene-
runt. Centum namque illorum, ceteris circum-
stantibus, humi se prosterntes terram tamdiu
unguibus effoderunt, donec quod occultum latê-
re arbitrabantur, inuenissent: nec eo contenti,
stragulum illud, quo dolonis loco vsi fuerant,
certatim arripientes in minuta frustra discerpse-
runt. Ex quo cùm Lusitani metuerent, ne pari im-
manitate in ipsos quoque seuirent, cursu litus
petiuere: sed irritò conatu. Ita enim exhausti
ac debiles erant, barbari verò perniciēs & agiles,
breui vt eos attigerint. Vestibus despōiātōs, et-
iam indusio, nudos deseruerunt: prædā autem
mulieres in sportis collectā domum retulere.
Pati hæc oportuit, ne quid deterius contingeret,
vti gubernatori nauis parum abfuit contingeret:
huic enim cū prædonum ductor (quem Xequū,
id est ducem ac præfectum nūcupant) imperas-
set, vestes vt vltro traderet, & ille parere nōllet,
tāto Xequus furore subitō est inflāmatu, vt impe-
tu factō omnes illi vestes abstulerit, ne pileo quidē
quō se à solis ardoribus tueretur, relicto. Eō cala-
mitatis redacti cū essent, ac cū forte haud procul
inde Lusitani negotiarentur, & ignorarent, quorū
opē exposcerent; ex intimo cordis affectu se Deo
omnes Deiparæque patronæ suæ, commendarunt,
quæ hoc in casu, vt & præcedentibus, misellis
auxiliata est. Vix enim tres leucas confecerant,
locā explorantes, cū Qualimanem fluium
inciderunt, in quo Lusitani cum alijs interioris

orā incolis magna exercere mercimonia solēbant. Gubernatōr cū nauem in fluminē conspicatus esset, festinat in illā ingredi, quō in alterā ripam traiceret. At ecce ē proxima silua repente rhinoceros exilit, qui gubernatōrem & nauarchū qui aderat, denorasset; nisi celeriter in nauem se recepissent; qua ad alteram ripam adnauigarent. Iamque in hac ripa expositi Caftros precibus induxerunt, vt sociōs eō loci adducerent, quod in præsentiſſimo vitę verſarentur periculo: vnda enim accedēte omnia circumquaque latē stagnare solent, & coenum agris induci, ita vt viatores coeno saepe suffocentur. Sed efferōs barbarōrum animos mitigauit Dēus, vt libenter postulatis annuerint, adeō vt omnes in vltiorem ripam peruenerint, breuique in emporium quoddam inciderint, cui Franciscus Brociadus nobilis Lusitanus præerat, vti & cunctis Aethiopiæ locis Lusitaniæ regi hac in orā subditis; sed tum temporis aberat. ad aliud enim flumen Sofalam verſus; quod triginta leucis distabat, concesserat, ancillis solis domi relictis; quæ cum misellōs istos ac nudos conspicerent (nam quod tum solis ardore, tum acutis vesparum culicumque morſibus dilaceratam in itinere haberent cutem, leprosi & vlcerosi videbantur) sortem illorum miserantes, vbertim lacrymari cœpere; ac statim cibi quoddam genus, ex milio confectum, (quod Mazaram patria voce dicunt) simul & pisciculos quosdam esurientibus apposuerunt. Non procul ab hōc portu Mahometanus quidam opulētus commorabatur, Lusitanorum amicus ac socius, cui eū nūciatum esset, naufragos quosdam eō ap-
 pulſſe, nihil cunctatus eosdē inuiſit, ac gubernatori indusum, vestes, caligas, chlamydem, cal-
 ceos & rubrum pileum; socijs verō aliquot orizæ
 modios,

In portu
 porueni-
 unt, cui
 præerat
 Lusitanus
 nomine
 Franc.
 Brociadu

modios, magno beneuolentiæ indicio, largitus est. Quin & duas dedit naues, ac è seruis suis duos qui Louabam, vbi tum portuſ præfectus erat, eosdem deducerent; quibus ille viſis miſeratione tactus intrinſecùs; quidquid illis neceſſariũ erat, vtrò quàm promptiſſimè ſuppeditauit. Sed narrationis filum iam abrumpètes, & hos iam in tuto collocatos deferentes, ad aliòs veniamus, quos in ſcopulo in quo naufragiũ nauis fecit, reliquimus. Duæ enim aut tres turmæ inde ſe proripuerunt, & ad littus, vti iam narrabimus, appulerunt.

Liberalitas cuiusdam Magniſcenti.

Vt igitur illi qui ſcapham ingreſſi fuerant, diſceſſere, aliquot alij videntes quendam colliculum, qui teli iactu à ſcopulo in quo hærebant, diſtabat, in maris accèſſu fluctibus non coòperiri, niſi forte cubiti altitudine; in quo multa tabularũ fragmèta aliaq; naue eiecta collecta adhæſerant; ſpem concèpère fieri poſſe vt & ipſi ibidem conſiſterent, donec nauigiũ quoddam extèporaneum compegiſſent, quod conſcenderent. atque ob id quadraginta fere eò ſe recipere ſunt conati. Huc cùm perueniſſent, tantum vndarũ impetum eo in loco eſſe ſunt experti, vt in maris accèſſu tolerari poſſe diſſiderent. quare ad nauem reuerti cum vellent, quidam præ fluctuum impetu non ſunt auſi. At verò eodem momento diuina benignitas, duas aut tres huc nauis partes, quibus dum adhuc integra erat, tegi conſueuerat, ac pluriũ etiam tabularum cratem, quam in aliò ſcopulo compegèrant, fluctuum ventorumque miniſterio impulit. Sed, quia plurimi in eam initio inſiliſſent, præ pòndere deprimebatur; hæc itaque vacua cùm ad hos perueniſſet, quaſi cælitus oblata arripuerunt, oportuna fatiſ eſſe rati, vt ad ſcopulos quosdam, qui arborum inſtar in aquæ ſuperficie eminebant, & tribus tantum

Secunda eorum qui naufragio erepti ſunt, turma.

Diuina prouidentia erga illòs.

lencis distabant deueherentur, terram istic se deprehensuros sperantes. Hic iterum nouum diuinæ in suos gratiæ argumentum apparuit. Appulit huc etiam, vnà cum nauis fragmentis, sarcina luteo panno conferta, simul & pars telæ lineæ, tum simul cum crate sarcina panni holoserici & altera damasceni vndulati; ex his vela confecere. Hoc modo ad nauigandum comparati, recto cursu scopulos petiuerunt, tam qui hisce cratibus, quàm qui nauis fragminibus insistebant. Huc cum appulissent, spe sua penitus exciderunt; erant enim scopuli albi coralli, præcipites & ensis instar acutissimi, ad quos pedes offendeabant ac crura: in hos se animum despondentes, ac spe euadendi penitus sublata proiecerunt. Hic iterum in summa desperatione noua euadendi spes diuinitus affulsit; hic Deus multas tabulas, fragmenta, ac plurimas ex naue trabes vento impulit, ac præter edulia quædam in vasis bene obstructis duas mappas nauticas, quarum altera à Bonæ spei capite in Lusitaniam, altera ab eodem in Indiam rectam nauigationem edocebat: in quibus plurimum momenti vicerector nauis, qui aderat, reponebat. Augebatur nouis hisce accessionibus spes magis magisque, tum quòd varia edulia, non sine miraculo huc alluerent; vti cistellæ diuersorum condimentorum, velut cidoniatæ & electuarij, ac vasa aliquot vini; quæ omnia quoniam diuinæ munificentia accepta referebant, humili omnes voce immensas Deo gratias egerunt. Cratem itaque satis firmam tribus malis instructam cum confecissent, artemonis seu veli maioris loco linteamen quod secum tulerant, adaptarunt; dolonis vicem ad proram mappa cum panno quodam damasceno viridi supplebant; pro epidromo seu mediocræ velo

*Spem &
metum
inter du-
bii fluctu-
ant.*

velo ad puppim panno quodam holoserico & Damasceno, viridis item coloris, utebantur, com-
meatus erant triginta cistula grandiuscula coto-
niati, condimentorum seu salgamorum (vt vo-
cant) sex pyxides minores, cadus item fari-
nae & alter aquae dulcis, simul & tertius vini.
Hoc itaque apparatu scopulis egredi conantur;
sed gemebat cratis sub pondere, & propemo-
dum mergebatur. Hoc viso, vicerektor confe-
ssim exiliit, eumque reliqui omnes secuti ad sco-
pulos iterum tristes & quid agerent ignari se-
repperunt, seque ac vitam suam Praefecto com-
mendarunt. Hic itaque cum videret in ratem
omnes recipi nullo modo posse (quae sedecim
tantum capax erat virorum) quodque tanta
multitudini victus neentiquam sufficeret, decem
acceptis cidoniati cistellis, condimentorum sex,
vini cado & aquae dulcis altero, sedecim quos se-
cum educere statuerat selectis, cautè subducere
se atque à reliquis separare cogitabat. Quocir-
ca cuidam ex nautis praecipit, vt clam & quasi ex
insidijs rupto per dolum fune cratem solueret,
ac licet ipse, vt ad scopulum rediret, cum cla-
more ac iurgiis imperaret, cratem non propel-
leret, sed dato studio à scopulo longius recede-
ret. Nauta imperata facturus à scopulo cratem
non nihil remouens, dolone ad proram expli-
cato, ad nauigandum accingebatur. Quo viso,
ceteri lamentari ac plangere; quatuor aut quin-
que vitae longioris desiderio per medios fluctus
natando cratem sequebantur, quos qui crate
vehabantur, repellere commiseratione tacti
non poterant, inter quos institor quidam, natan-
di imperitus, misere coram omnibus submer-
sus interiit. Hoc ipso tempore aliud quiddam
non minus lugubre accidit; Vicerektor enim

*Omnes,
bene sub-
margin-
ant.*

*Versutia
vicere-
toris.*

Christianæ fidei articulos & Deiparæ præconia
 decantabant, idque ita clara ac liquida voce, *Celestina*
 ut quidam suauitate delinitus, imum qui deesse *reliqui*
 videbatur sonum, (bassum musicorum vulgus *melodiam*
 nuncupat) accinere tentarit, neque ante duode- *audirent*,
 cimum diem gratum hoc modulamen euannit,
 ac tum quidem cum quo famem ac sitim restin-
 guerent, nihil penitus superesset, aquam ma-
 rinam vini facibus permiscuerunt, atque hoc
 ipso potu biduo vitam traxerunt; solliciti tamen
 ne & hic prius deficeret, quam terram attigissent;
 quam demum die tertio decimo sub solis ortum
 ingenti omnium gaudio conspexere, ante solis
 tamen occasum appellere nequiverunt. Tum ta-
 men, quamuis & nox ingrueret, & quibus in oris
 versarentur ignorarent, præ nimia tamen qua
 cruciabantur siti, ad lictus quoddam, tutum satis,
 appulerunt. Primus omnium viceretor in ter- *Secunda*
 ram exiit, aquam quæsiturus, & ecce non pro- *turba ad*
 cul à littore progressus aquam, scrobe ad cu- *terram*
 biti vnius atque alterius profunditatem effossa, *appellat*
 non sine miraculo inuenit, quod scilicet locus hic
 accedente maris æstu semper inundaretur. Ad
 inuentum fontem concitato gressu reliqui accu-
 rerunt, circa quem, cum iam sitim restinxissent,
 vuidi, exhausti, viribusque fracti obdormiuere.
 Postera luce sub auroram septem illis occurre-
 runt Cafres, quorum singulis rubrum dedere pi-
 leum, pomis aliquot in grati animi signum ab ipsis
 vicissim acceptis, quæ fame prope enectis ho-
 minibus iucundissimi saporis esse videbantur.
 Ac quoniam quam innenerant aqua turbida ac
 cœnosa erat, cum Castro pacti fuerunt, si me-
 liorem ac puriorem ostenderet, linteamen, quæ
 pro velo usi fuerant, se daturos.

*A Cafris
spoliatur.*

Profectus itaque cum Caſro vicerector, vix ſemilencam proceſſerat, quin aquam meliorem inuenit, quam tanta auiditate vicerector bibit, vt Caſer ſtuperet. Tandem cum ſitim ſedaſſet, lagenas aliquot impleri inſſit, quas vna cum hydrijs Caſer ac mulieres quædam ad ſocios, vice rector ob pedum læſionem, lento gradu præcedente deferabant. Sed quid nefario Caſrorum peſtore pullularet, breui patuit. Duo ſiquidem illorum in vice rectorem irruentes, veſtibus illum ſpoliarunt, cuius tamẽ ſortem miſerati Damasceni panni vlnas aliquot, quas ſocijs illius abſtulerant, ad verenda contegenda dederunt, atque ad ipſorum tuguria fucata beneuolentiæ ſpecie inuitarunt; quod cum facere pertinaciter reſuſaret, ad ſocios quos ab ijsdem Caſris rebus omnibus ſpoliatos obuios habuit perrexerit. Cumque iam omnes conueniſſent, mutua conſolatione non nihil recreati, vnum qui ætate & humanitate quoque præcedere ceteros videbatur, ſecuti ſunt, qui domi miſeros excepit ſua, ac faſeolos ſemicoctos (neque enim vt percoquerentur præ famis vehementia operiri poterant) eſurientibus appoſuit. Addidit & pira quædam ſilueſtria, piris noſtratibus hibernis non abſimilia, ſed adeò dura, vt dentibus comminuta deglutire non poſſent, niſi ter quaterue hauſta aqua, quam vice præfectus & alius quidam in hydrijs lapideis ſecum attulerant. Sed quoniam breui hæcce barbari inhumanitas reſtrixit, ſtipẽ oſtiatim tandem petere coacti ſunt: ſed ad viam trahendam quæ colligebant non ſufficiebant, erat enim gens agreſtis ac fera, vt miſellorum calamitate nihil omnino commouerentur. Quamobrem ad mimicos & ridiculos geſtus conuerſi, hæſtrionicis facetijs barbaros oblectabant, vt hac ſaltem ratione inuitis etiam ſtipem extorquerent.

Tanto

Tantopere placuere barbaris, vt plerique plenis manibus faſeolos & herbas, quibus vitam traherent, conferrent. In hiſce ærumnis ſeptem dies continuos vinebant; actum Caſtrum iſtum, cuius domo excipiebantur, diuinus quidam ſpiritus impulit, vt de vice reſtore Loabam, tribus diſtantiem leucis ad nobilem Luſitanum Franciſcum Brociadum, qui priorem turbam quæ ſcapa euaserat, hoſpitio exceperat, mittendo pro redemptione miſerorū cogitaret. Quæ duriffimæ ſeruitutis finiendæ occaſio vice reſtori neutiquam negligenda videbatur, quo ſe ac ſocios hac ærumna educeret. Sed cum ſocios metuentes cerneret, ne cum ſibi benè eſſet ipſorum obliuiſceretur, atque ita ſub tam duro ſeruitutis iugo vitam finire cogerentur, religioſè coram omnibus iureiurando promiſit communem ſe omnium cauſam fideliter, prout rei neceſſitas poſtulabat, acturum; atque ita iureiurando deuinctum à ſe dimiſerunt. Vix duas proceſſerat leucas, quin in Luſitani huius ſeruum incidit, ſciſcitantem num in ora illa marinā naufragos quosdam Luſitanos conſpexiſſet, herum quippe ſuum, etiam Luſitanum, horum videndorum inprimis cupidum. Inopinus hic nuntius vice reſtorem ita recreauit, vt lacrymæ grandiores vbertim oculis proruperint, atque inprimis cum horum de numero ſe eſſe vnum indicauit. Tradidit ſeruus litteras domini ſui primo in quem inciſiſſet naufragorum directas, quibus omnes ad ſe velut ad portum tutiſſimum inuitabat, iubebatque vt ab accolis nauigia peterent, & confidere ſe imperata illos ſua quamprimum faſturos. Erat enim viri illius per vniuerſam illam oram littoralem authoritas maxima, tum dignitatis & muneris intuitu, tum quod 30. annos ibidem eſſet commoratus. Cafres igitur, qui ripam fluminis

*Vnum il-
lorum ad
Franciſcū
Brociadū
mittitur.*

*Littera
humana
Franc.
Brociadū.*

huius accolunt nauigium è trunco cauatum sup-
peditant, & illorum nouem Lusitanum comitatæ
sunt, vt de ceterorum redemptione ageret. Diem
ac dimidium iam nauigando consumpserant, &
tandem ad portum vna distantem leuca à Brocia-
di ædibus appulere. Et quamuis vicerector citius
eodem peruenire desideraret, tamen quod viri-
bus exhaustus esset, & ex pedibus laboraret,
vltius procedere non potuit. in terra itaque
fractus procumbens seruo Lusitani præcepit, ob-
nixè herum vt rogaret, vt de commodiore itine-
ris, conficiendi ratione cogitaret. Seruus impera-
ta facturum coctam orizam ac tres pullos gallina-
ceos naufrago reliquit, quibus interim dum nun-
tius rediret, vesceretur. Sed vt fame extrema cru-
ciabatur, vna refectione quidquid relictum erat
absumpsit. Restauratis itaque paulisper viribus,
viæ se committit. Vix mediam itineris partem
confecerat, cum quatuor à Lusitano missa manci-
pia ipsum portatura prodirent, vno ex nautis co-
mitante; qui cum scapha euaserant, ac biduo antè
eodem appulerant. Rapiebatur in admirationem
vicerector hoc viso, multoque magis cum nauig-
ationis successum à principio illo narrante au-
diuit. Tandem ad nobilis viri huius ædes seruo-
rum succollatione delatum generosus ac verè
Christianus hospes, obuijs vlnis, lacrymans vber-
tim excepit, ac de omnibus quæ ad vires recupe-
randas necessaria videbantur, liberalissimè pro-
spexit, ipse vero vicerector cum se & maris peri-
culis & barbarorum manibus Dei misericordia,
cui ob id immortales gratias ex animo agebat,
ereptum cerneret, præ animi teneritudine ac
gaudio amarissimè flebat sibiq; quòd inter Chri-
stianos tam liberalem tamque humanum hospi-
tem nactus esset, plurimum gratulabatur. Non
tamen

tamen solidum hoc illi gaudium videbatur, quā-
 diu dura barbarorū hominum feruitute socij, fa-
 me, siti, inedia propemodū cōsumpti, premeren-
 tur. Quare cum animum ac vires nonnihil colle-
 gisset, necessitatem ipsorum nobili viro atque ho-
 spiti sigillatim exposuit, qui nulla interposita
 mora seruos Senam, vbi Lusitanorum arx & arma-
 mentarium est, misit, qui aliquot lineæ telæ sarci-
 nas Cafris pro illorum redemptione portarent;
 ac ne propter interpositam moram miserī graui-
 us affigerentur, alios seruos nauem conscende-
 re & edulia ad famelicos deferre imperauit; si-
 mul & munus ad Cafri hospitis vxorem, quo mu-
 lier erga naufragos esset benignior. Et quoniā qui
 Senā missi fuerant, opinione diutius abessent, alia
 iterum captiuis alimenta transmisit, atque re-
 demptionis spem propediem adfuturę afflictis
 adauxit. nec frustrā. Biduo namque elapso, seruis
 cum tela Senā reuersis, sarcinisque duab. ad Cafrū
 apud quem captiui tenebantur, missis, dura om-
 nes feruitute liberatos, vnā cum prioribus domū
 suā honorificē ac liberaliter habuit. Nec multo
 post ipse nauis gubernator & omnes penē qui in
 cymba euaserant, eodē appulere. Quanto vero
 gaudio ē mutuo conspectu post tā horrendū nau-
 fragium, post tanta terra marique exhausta peri-
 cula perfusi fuerint, dici vix potest. Cum verō &
 hos in tuto collocauerimus, restat, vt &
 aliorum casum qui in scopulo hæ-
 sere, referamus.

*Liberat &
 captiuita-
 te secun-
 damur-
 mam.*

(v)

*De tertia qua naufragio erepta est turma, & quos
casus & pericula adierit.*

*Bona
prasagia.*

Postquam iam illi qui scapha, & qui crate euasere, de quibus hactenus locuti sumus, è scopulo, in quo nauis collisa est, discesserant; ceteri qui relictì erant, alter alterum dum sociorum exemplo exhortatur, manum operi etiam admo-uerunt, & è reliquis nauis fragmentis ac tabulatis inconditam quandam ratem compegerunt, terram quæsitura, quam duabus aut tribus confectis leucis se certissimo reperturos sperabant; spè siquidem faciebant scopuli quidam, qui arborum instar eminus conspiciebantur. Primus huic operi officiorum nauticorum quæsitor, cum consanguineis ac necessariis manum admonebat. Quod verò initio è periculo se posse euadere diffiderent, edulia illis relictà, ad solamen potius mortis, quam ad vitæ sustentationem conductura videbantur: cum vero aliqua euadendi spes affulset, fame laborare cæperunt. Huic tamè malo hac ratione occursum est. excitato enim in cœuultæ nauis fragmentis igne gallinas aliquot, quas viuas habebant, assarunt, atque has auidissimè famelici comederunt. Bonum id cunctis & lætum videbatur augurium, dum sibi persuadent, Deum, cum tantis in ærumnis, tam delicatis suos pascat ferculis, non defuturum. Cuius etiam rei illud euidentissimum erat argumentum, quod cymba, quæ sub prima nauis contignatione fuerat, cum collideretur, cum semifracta, & ab unda procul delata esset, scopulo, in quo naufragium contigerat, inopinatò ac præter spem eorum qui ibidem hærebant, denuo adhæserit. Nulli hanc vñ fore credebant plerique, nobilistamè

vir è Lusitano & Inda natus, cui nomen Eduardus Mellus, qui inter ceteros erat, vtilem fore asseruit, efficacissimisq; verbis tum nauarcho tum alijs quibusdam persuasit, vt ad instaurandũ nauigium animum & manus admouerent. Quod cum magna molestia aggressi essent (accedente enim maris æstu alijs pubetenus, alijs pectore aquis immerfi stabant) bidui spatium caput opus absoluerunt. Vt autem influentem per commissuras aquam excluderent, sex circumcirca funibus nauigium arctissimè vinxerunt; & quoniam puppis penitus erat ex illusione conuulsa, capsarum quarundam tabulis & vasorum malè compactorum fundis vtebantur, quarum iuncturas indusiorum frustillis velut stipula constipabant, ac deinde casei cōtusi vnguine loco picis omnia circumsecus illinebant: tanta tamen aquæ copia continuò subintrabat, vt duò in exhaurienda noctu diuque vix sufficerent. Atque hoc tandem modo instructo nauigio, in quo veli loco pannus, rudentum funiculi piscatorii vsui erant, Nauarchus quibusdam innrit, rem tentare & nauigium conscendere se velle, ac præsertim Patribus Dominicanis & Societatis Iesu, qui in scopulo manere, quo ceteros consolarentur, & cum illis morerentur, non abnuebant. At P. Petrus Martinez, à cuius nutu reliqui dependebant, cum sciret omnes confessionem peccatorum iam fecisse, crederetque Deum operâ forsan nonnullorum, ad maiorem suam gloriam & infidelium in India conuersionem vti velle, oblatam conditionem amplecti esse multò cogitauit satius. nauigium igitur conscendit cum tribus alijs eiusdem Soc. Petro Aluarez, Emmanuele Diazio, & Emmanuele Herrera. Alij enim duò nempe Vincentius Sapata, & Ioannes Gonfalez cum nonnullis alijs, qui cratem aliam

Eduardus Mellus cymbam resarcire iubet.

Novam nauis compingendam ratio.

Alia cras qua feliciter appulit.

qom-

compegerant, rogati, quò illos consolarentur; & in animæ periculò adessent, nauigabant. Tantum verò abest, vt Pater Martinez eorum precibus nò annuerit, vt ipse etiam aliis in alia adhuc cratè abeuntibus se socium vltro obtulerit. Sed promptam illius voluntatem Eduardus Mellus, nauigationis huius præfectus (omnium siquidem suffragijs electus erat, qui compingendi illis nauigij auctor fuerat) impediuit. Idquè non sine singulari Dei prouidentia, nam cratem illam; quam ascendere parabat, perijsse credibile est, nihil enim de illa postea fuit inauditum. Soluerunt itaque, sed cum ingenti animi mæore, quod tam multos in scopulis socios relinquerent vndarum fluctuum furori expositos, auxit mæorem triste in decessu spectaculum. Sex siquidem prægrandi mali fragmento insidentes, impetu vndarum euersa trabe, vorticibus marinis absorpti miserè coram omnibus perièrè.

Circà meridiem itaque cum soluissent, tota illa die scopulis qui ad plurimas leucas porriguntur; exire non potuerunt; tribus tamen leucis confectis egressuros se putabant, sed eo quo ceteri modo decepti sunt, coralli albi scopulis arborum loco repertis. Ingruente nocte, quod vbi elabendi via esset ignorarent; ibidem pernoctare decreuerunt; repèrerunt hic plurimos qui è conuulsa nauis tabulis huc delati appulerant. Viso hi nauigio, properarunt vt in ipsam admitterentur, sed quod capax non esset, repulsam passi sunt, vno excepto qui violenter ingressus est. Ceteri tum suo tum aliorum dolore exclusi ad scopulos redire coacti.

Postridiè priusquam vltèrius procederent res lamentabilis ac lugubris accidit. Nauarchus enim ac ceteri nàuis ministri cum cymbæ malè compactæ angustiam ac nauigationis susceptæ longitudinem; tum vectorum multitudinem maturè perpendissent; ipsam tanto oneri imparè esse palam dixere; quocirca cum præfecto exonerandum omnino esse quoque persuasissent, ipsius arbitrio, quoscunque voluisset vel dimittere vel retinere, commiserunt. Atque ita duodecim cum ingenti animi dolore ac lachrymis exire compulsi, ad scopulos; vbi eduliorum adhuc aliquid erat, quo, donec insperatam euadendi occasionem DEVS obtulisset, viuerent, se denuò receperunt.

Hic euénit, quòd de fratribus duobus germanis nonnulli tradidère, quorum natus minor cum maiorem gubernatoris mandato nauigio exclusum cerneret; illius in locum subrogari voluit, illum & laboris esse tolerantiorè, rerum peritiorè, & manuum artificio sibi longè præstare dicens, qui eodè sorores & vniuersam sustentaret familiam, quocirca satius videri, ipse vt fratre sospite moreretur. Non euicit pij fratris oratio; nam vnà cum ceteris exclusus est: at quoniam natandi peritus erat, sex horas natando nauigium est secutus; quod cum manu comprehendere contenderet, ense nudato manus illi præscindere ceteri comminati sunt.

Tanta nihilominus constantia illius fuit & audacia, ensẽ vt apprehenderit, quem quamuis grauitè saucius non prius dimisit quàm reliqui commiseratione moti in nauigium illum

*Triplicis
crasis in-
dura.*

*Navigij
cursus &
cursus.*

illum admiserunt, atque ita suam simul & fratris vitam seruauit. Discedebant simul & quatuor crates, maiores duæ ac totidē minores, quæ eo die & nocte sequente nauigiū sunt secutæ, sed postridie nonnisi vna, qua duo Societ. Patres vt diximus, vehabantur, eminus visa est, reliquas vndarum impetus Sofalam versus impulerat. Qui nauigio vehabantur nautici gnomonis & chartarum geographicarum vestigia secuti, ad Mozambicum cursum direxere; octiduo continuo ventis tam lenibus, marique tam tranquillo vsi sunt, nullam vt molestiam in cursu experti sint, quod singulari Dei beneficio contigisse fatebantur. nam si paulo vehementior ventus fuisset exortus, nauigiū proculdubio in præceps facile pertraxisset; erat enim puppis ita malè compacta vt ne mediocri quidem agitationi resistere potuisset. Victu tam exiguo tota ista nauigatione utebantur, vt circa meridiem nautici panis frustū ac vini benè diluti haustus modicus vix singulis distribueretur, nec liberalius in cœna excipiebantur. Sed de victu ac potu parum laborabant. Litaniæ quotidie clara voce recitabantur, Sanctorum intercessio ac Deiparæ imprimis implorabatur, in cuius honorem pecuniæ ingentem vim oblaturus se spondebant. Cum plerosque ex vectoribus, etiam præcipuos, sitis diuexaret & maris impetus Sofalam versus nauem impelleret, sic vt spes Mozambicū appellendi fatisceret, mutato consilio ad primo apparentem continentem appellere visum fuit. Sed pridie quàm ea in conspectum veniret, ventus quidam vehementior ab oriente nauigio incubuit. Tum verò quod nox ingrueret, & ignari locorum errarent, ibidem pernoctandi consiliū cepere; quare aquæ fundum dimensi (qui nouem cubitorum erat) eiectâ locò rudentis lineâ telâ, & ancho-

anchoræ in vicem mille trecentis regalibus Hispanicis cum ferri frustis aliquot, nauigium firmarunt. Postero die terram eminus conspicati, eodem cursum dirigunt. Verùm cùm inconsultius nauigarent, quòd se extra periculum crederent, parum abfuit quin in ipso, vt aiunt, portu naufragium facerent. Accedente enim maris æstu, turbo vehemēs exortus est, vt omnes in summo periculo versarentur. Hinc tanta egrediendi omnes cupiditas cepit, vt vim ventorum nihil remorati nautæ, expansis velis nauigium vento vndisque agitatum ad littus propellerent: cumque fundum nauigium tangeret, omnes in aquâ se dedere præcipites, nonnulli pubetenus, nonnulli pectore. Vuidi igitur, nauseabundi ac fame siti que præterita exhausti, in littus, omni com-
Naufragium pend in portu faciunt.

Hic in editissimo loco crux erecta circumcirca in genua prouoluti, Deo Optimo Maximo, cuius auspiciis eò appulerant, gratias supplices egerunt. Deinde quòd præ nimia siti fauces præcludi viderentur, Castrum aliquem (à quibus hæc ora, vt diximus, inhabitatur) sibi obuium fieri petunt, qui ad fontem sitibundos perduceret: sed quia naufragorum numerus satis erat copiosus, quos fortè illi eminus conspexerant, metu consternati recedebant: donec ducenti telis, iaculis arcubusque instructi, breuissimo tempore simul collecti essent. Hoc siquidem hominum genus concitatiore cursu per densissimas & impeditissimas siluas fertur, quàm nos in plano campo: atque ita socii qui in cauernis delitescent, de aduentu naufragorum certiores facti, dicto citius armati comparuere. Mox in misellos naufragos tot casibus iam exercitos impetu facto, quidquid secum tulerant diripere, pannum scilicet, quo veli vfi
Appellat.
A Castris dispositi.
 M erant

erant locò, & holoserici panni sarcinas tres, ac reliqua quæ soli vt siccarentur exposuerant: Deinde in illos conuersi, vestibis omnes pene spoliarunt, & nisi noctis ingruentis beneficio elapsi nonnulli fuissent, nihil cuiquam reliquum mansisset.

Nonnulli priusquàm nudarentur, barbaros inuadere ac vim vi repellere cupiebant; nã qui in crate vesti erant, in qua duo Societ. Patres fuerant, cum paulo inferiùs ad Sofalæ orâ appulissent, se iam paulo antè cum his coniunxerant, adeo vt in vniuersum quinquaginta septem numero essent, atque inter illos nonnulli gladijs instructi; tamen quod sclopetum nulla ad manum; & viribus exhausti omnes essent, sanò gubernatoris suasu ac consilio conflictu abstinuerunt; omnes enim à Cafris, si restitissent, interfecti fuissent. Patientiæ igitur armis se pleriq; communicerunt, sanè magno suo bono; aliqui enim qui defendere se conabantur, grauiter vulnerati, coëptis destitère.

*Illorum
manus
fugiant.*

Hoc igitur modo cum barbari naufragos excessissent, nuditatem suam noctis ingruentis beneficio texerunt, & cursu per littora concitato in tutum se recipere locum contenderunt: euitare tamen non potuerunt, quin duos præcipuè nobilitatis viros barbari captiuos abducerent, pretio postmodum in seruos venundaturi. Ceteri cum idem discrimen euassissent, bonam noctis partem in ea littoris parte, quæ Mozambicum respicit, percurrenda consumpsere, idque eò consilio, vt amnem reperirent, in quo Lusitani mercatores forsitan agerent: sed cum defatigati coëptum iter proseguere non possent, in siluam littori vicinam se abdidère.

Quo cum ventum esset, & quieti se componere.

ponere aliqui vellent deficientibus stragulis, arborum se folijs contexerunt, alij effossa vnguibus foueâ, in ea se viuos quodammodo sepe-
 lierunt. Verum in lectulis parum mollibus miseri somnum capere non potuerunt. Sed vix se ad quietem composuerant, quin iterum abrupto somnò in viam se dare coacti sunt. Cùm hoc modo longinsculè progressi essent, umbras petere ad aquam dulcem siti stimulante quærendam, duabus ante meridiem horis, sunt compulsi. Huc iterum derepente Cafres eos adorti iaculis ac spiculis armati, ad suas eos casulas vi coegerunt, apud quos quindecim diebus in arctissima custodia detenti sunt, vt ne aquam quidem recentem impune inquirere liceret.

Iterum in captiuitatem abducuntur.

Nudi penè erant omnes, tertiò enim à Caftris spoliati erant. In sole decumbebant super frigidam, sarmentis aliquibus milij substratis, nihil quo nuditatem tegerent suppetebat, præter vile stragulum & scruta quædam tenuia. Cibus erat milium aqua subactum, nullo sale conditum, idque tam parcè, vt ne famè emorerentur, è fursuribus panem sub cinere, nostro more coquerent: ex quo cui frustum aliquod obtigisset, is gaudio gestiens sælicem se credebatur. De carne & pisce nulla hic mentio; quibus & Cafri nonnisi rarissimè vescuntur.

Quemodo apud barbaros viuunt.

Erat præterea tam intensum de nocte frigus, quamuis sub Zona torrida, vt nisi luculentum de nocte focum excitassent, vim frigoris minimè perferre potuissent. Tantus vero de die solis erat æstus, vt ardere videretur, & plurimis illorum, brachia ac tibiæ pustulis, lepra in morem scaterent.

*Saraceni
redimere
vult sed
de pretio
non con-
ueniunt.*

In his tamen difficultatibus animum spirituali consolatione complebar Deus, & sanitatem omnibus dabat optatissimam. Hoc itaque modo cum vitam agerent, neminemque haberent, quem Mozambicum vel Qualimanem redemptionis procurandæ causa mitterent; Mahometani cuiusdam, qui regioni huic cum Xechi potestate præfectus erat, & ad Lorangam annē octo inde distantē leucis habitabat filius, eò redimendi causa venit. Sed quod Mauri in offerendo & promittendo tenaciores esse soleant, & ipse secundo & tertio cū Cafri egisset, nec pacisci posset, re infecta discessit, & omnem redemptionis curam seposuit. Quamobrem cum se viderent indies debiliores fieri ac viribus fatiscere, quòd cum fame durissima alijsque ærumnis conflictandum esset, duos suorum ad Maurum destinant, orantes ut quidquid Cafri exigèrent, libenter erogaret, sanctè iurantes fore, ut quidquid in illorum redemptionem impendisset, ipsi etiam cum fænore redderetur. Sed nec hoc quidem modo quod postulabāt impetrarunt. Quocirca duobus Religiosis in persuadendo acribus ac vehementibus id negotij datum, fratri scilicet Adriano instituti D. Dominici, & Emmanu-eli Her: eræ Soc. Iesu, qui Deo cœpta secundante negotium tandem ex omnium voto confecerunt. Interim quā de redemptione agitur, nonnulli diurnæ captiuitatis tadio ad Xechum se receperunt: quos nocte quadam sedecim alij secuti sunt. Cum numerum captinorum imminutum viderent Cafres, de ijs qui remanserant, fugæ ceterorum ultionem sumpsere, ac ne forte aliorum exemplo fugæ se darent, arctiori eos custodia detinuerunt. Triginta siquidem angustæ casæ vel carceri includere, quæ vix viginti capere poterat, ut semper erectos stare oportuerit: ac tum pri-
mum

*Oratur ut
quidquid
Cafri exi-
gant, ero-
get.*

*Captiui
arctius
detinentur,
& peius
habentur.*

nū famem quamvis maximā ut minimum incommodum habuēre, tanta enim erant cetera, hanc ut parui facerent. Nam præterquam quod in loco angusto perpetuò stare molestissimū esset; calor ardor tam erat vehemens, ut in fornacem ardentem compacti viderentur. Præclaram hic de pœnis inferni aut purgatorij meditandi locus materiam dabat. Huc accedebat quod & afres malignorum dæmonum instar, circum tugurium cursitantes, mille in captiuos contumelias & iniurias euomerent, ac duos qui ob loci angustiam recipi non poterant, verberibus multis afficerent. Illi interim oculos ad cœlum conuertere, & DEI opem Beatissimæ Virginis suffragio implorare, ac communi se omnes voto obstringere, si tantis miserijs & angustijs eripi contingat, cum primū ad locum ubi Christiana religio coleretur, peruenissent, confessione omnium antea actę vitę delictorum præuia, in gratiarum actionem rosarium Deiparę ter & sexagies se recituros; idque in honorem sexaginta trium, quibus in hoc mundo illa vixisse piè creditur, annorum, memoriam, Votum ac preces exaudisse Deipara videtur; haud enim ita multò post litteras ab Emmanuele Herrera (qui ad Xequum vnā cū F. Adriano missus fuerat) receperunt, quibus propediem illos liberandos significauit. Nec fefellit; eadem quippe nocte Xequi nepos, quæ Cafres postularant afferens, appulit, actum primum liberatū fuere.

Ceterū in illorum digressu facillè videre fuit, quā illorum curam gereret afflictorum protector DEVS. Erat in captiuorum numero chirurgus quidam peritus ut qui maximè ac præsertim venę incidendę, is thecam secum è naufragio tulerat chirurgicis instrumentis instru-

*Theca
Chirurgi
reddita
non sine
miraculo.*

*Quæ dein-
de opus
fuit.*

ctam, atque inter cætera scalpellis quibus in mî-
nuendo sanguine utebatur. Hanc illi Cafres vnâ
cum aliis rebus in littore abstulerant, eius recu-
perandæ omni spe adempta, ex quo vir optimus
non mediocriter dolebat. Nam si quem in mor-
bum incidere contigisset, & per venæ incisio-
nem sanguis corruptus educi non potuisset, eius
vita in maximo esset discrimine versata. Nam li-
cet nemo in redemptione, thecæ huius mentio-
nem fecisset, & iam bonam itineris partem con-
fecissent, per puerum illam barbari, nullo (quod
mirandum) petito pretio, remisere. Et sanè eam
habuisse profuit. Cum enim ad Lorangam perue-
nissent, omnes in morbum grauissimum incide-
runt, absque hac enim fuisset, vt omnes morbo
haud dubiè, qui sanguinis imminutione curari
debebat, periissent.

Media nocte in viam se dedere, & sine inter-
missione iter sunt prosecuti, ad vsque horam se-
cundam pomeridianam diei sequentis, ac tum
primum ad Lorangam flumen peruenere, quod
in mare Sofalæ oram & Mozambicum inter se ex-
onerat; vbi Xequi domus erat, à quo redempti
fuerant, & humanissimè satis excepti; quamuis
nonnisi urgente fame pauxillum orizæ ac milij
apponeret.

Hæc vitæ victusque illorum ratio apud Xe-
quum sex hebdomadis fuit, vt non minus hîc
quam apud Cafres fame pressi fuerint, quod
Xequi fortunæ modicæ, & captiuorum numerus
magnus esset. Accesserant enim ij qui in crate
euaferant, vt dictum est, quamuis paulò inferiùs
ac Sofalæ propiùs appulissent. At quoniam duarû
harum turmarum victarum iam mentio inci-
dit

dit obiter dicep dum , quàm procul cæteri ab his appulerint. Prima itaque turba, cum nauis gubernatore, quæ scapha euasit, triginta leucis à Lonaba appulit; secunda tribus dumtaxat; tertia & quarta, quæ Lorange erant, quinquaginta à Loaba leucis aberant, quò tandem omnes venère, vt suo loco dicemus, si verò omnes, qui naufragio erepti erant, huc conuenissent, nonagesimum facile numerum complessent, qui è ducentis quinquaginta, qui nauim vehebantur, dumtaxat euaserant: at multi qui maris euaserant pericula, in terra mortui sunt, vti iam iam narrabimus, etiam è duabus curmis posterioribus,

Xequus igitur cum esset inops, & tot hominibus alendis necessaria non suppeterent, durissimam famem sunt passi; qua vires tandem ita attritæ fuère, vt multi malorum magnitudine ac diuturnitate victi interierint, cæteri grauissimè ægrotarent. vt in tanta turba vix tres quibus ad mortuos terræ mandandos vires suppeterent, inuenirentur. Et licet tenuissimè ac miserrimè haberentur, Xequi tamen copię omnibus alendis pares non erant: quare ad vicinorū ædes ac familiarium traducta colonia, sed nec hæc excepta lautius.

Inter eos porro qui hoc in loco è tam dura seruitute ad æternæ vitæ libertatem euolarunt, fuère quatuor SOCIETATIS IESV Religiosi, tres nempe Sacerdotes, VINCENTIVS CAPATA, IOANNES GONSALEZ, & PETRVS ALVAREZ, quartus fuit EMMANVEL HERRERA, qui sacris non erat ordinibus initiatus; qui, procul

Multi fa-
me & uia
seria in
tereunt.

Quatuor
Soc. Iesu
moribund.

ab omni humano solatio in summa miseria, in tribulationis cruce, cum Christo, cuius fidei propagandæ causa iter hoc susceperant, vitæ finem habuere. Stratum erat, straminis perpusillum; tegumētum quo ægrorum corpora operiebātur, breue ac vile stragulum; refectio oriza vel miliū, idque exiguum, potus, frigida. Mirum vt non sit, omnes propemodum in morbum grauissimum incidisse, plurimos verò mortuos. Medicamentum nullum eggris adhiberi poterat, vnum omnibus atque idem supererat educendi sanguinis remedium, quem chirurgus subinde eximere verebatur, dum metuit ne viribus fatiscentibus exanimarentur; si verò sanguis non minuebatur, & corruptus purum inficiebat, mortis euitare discrimen non poterant. Hinc factum vt plurimi ex hac turba perierint, & inter ceteros quattuor illi Soc, Iesu Religiosi, vt non nisi duo superes-

Plures itē alii, & omnes in periculo mortis versantur sent, Petrus scilicet Martinez, qui totam naufragij huius seriem perscripsit, & Emmanuel Diazius, qui Sacerdos non erat. Vt verò Deus tunc quos voluerit è calamitatum abyssu educere solet, cū ad summum peruenisse videntur, vt datam melius gratiam agnoscant, dum quibuscum conflictātur malis, eos dum minus cogitant, educit; auxilium ita suum nihil minus expectantibus, imo se destitutos credentibus largitus est. Calendis siquidem Nouembr. die omnium Sanctorum festiuitate venerando (quorum opem magni animi

Tunc illos Dem liberat cum grauissimè affligebantur, pietate postulauerant) nauigij quoddam genus, quod Pangaia lingua vocant, Mozambico Cuamam versus plenis velis tendere conspexere; proram tamen Lorangam, vbi tum morabantur, versus obuertere. Hoc viso ita omnes recreati sunt, vt iam à morte ad vitam rediisse vide-

viderentur, singulari Dei nutu credentes nauem huc missam, quæ è grauiſſimis eos educeret miseriis. Nec vana spes fuit, non enim sine eximia Dei prouidentia nauis huc appulit, quòd Gubernator in mandatis haberet, Lorangæ amnem, in quo olim nauis tempeſtatis vi eò delata, fuerat à Caſtris direpta, vitare. Atque idcirco alium amnem Quifungum nomine, paulò remotiorem, Mozambicum verſus, petebat. Hic cum ab adoleſcente Luſitano, qui Caſtrorum manus effugerat, interea dum apud illos in prima captiuitate foret, didiciſſet, & naufragium & duriffimam ſeruitutem qua ſocij Lorangæ premebantur; nihil imperium moratus illorum à quibus miſſus fuerat, captiuitate omnes educere ſtatuit, quòd alioquin non feciſſet. Nauis itaq; huc cū appuliſſet, omnes à nobili quodam Luſitano, qui eadem nauem vehebatur, redempti ſunt, & gubernator panno quem ſecum aduexerat omnibus veſtes parauit.

In nauem itaque admiſſi, humaniter excepti fuère, & tum in victus ratione, tum ceteris humanitatis officiis bene liberaliterque habiti, vt breui amiſſas vires recuperarint. Loranga egreſſi quinquaginta Sofalam verſus leucas cum nauigaſſent, Louabam peruenère, atque hic naufragij ſocios, tam qui ſcapha, quàm qui prima crate, quæ in ſcopulis naufragio infamibus poſt ſcaphā compacta erat, euaserunt, reppererunt. Franciſcus Brociadus, cuius benignitatem, humanitatemque nulla conticeſcet ætas, benignè admodum ac liberaliter hos quoque excepit, ac de omnibus neceſſariis liberaliſſimè, velut filiis propriis proſpexit. P. Petrus Martinez hic morbi ſui vim ſentire, cuiusque ſtimulos experiri, con-

*Petrus
Martinez
Senam
tendit.*

tinuum scilicet ventris fluxum cum acutissimam
coniunctum feбри, simul & nauseam stomachi,
quibus ita vires extenuatæ erant, vt in præsentis-
simo se vitæ agere crederet periculo. atque eò ma-
gis, quòd Chirurgus, debilitatis habita ratione,
sanguinem febrienti educere non auderet. Quo-
circa comitantibus ijs, qui recens Mozambico cum
mercibus quas Cafris diuenderent, venerant, Sen-
nam, vbi Lusitani arcem habent, aduerso flumi-
ne, proficisci decreuit; non quòd Loabæ huma-
num aliquod subsidium (præfecto omnia libera-
lissimè suppeditante) deesset; sed quòd medico-
rum ac medicamentorum, quorum ope sanitati
restitueretur, hic ingens esset penuria; ac præser-
tim, vt animam pane illo cælesti, pretioso inquam
Iesu Christi Corpore, quod, quoniam iam dudum
non sumpsisset, imprimis esuriebat, vt corpus ci-
bum esuriebat corporalem, reficeret. Tredecim
dierum itinere consumpto, confirmatis nonnihil
viribus, nauseabundo tamen stomacho, peruenit
Senam, atque hic in familiarem quemdam suum,
ordinis Dominicani, fidei hîc inquisitorem inci-
dit; à quo pene inuitus humanissimè in monaste-
rium est perductus & liberaliter habitus. Adeò vt
restaurata nonnihil valetudine, in Christi natali-
tj's confessionibus audiendis vacauerit, & paulò
ante, sellæ ob virium defectum insidens, ter qua-
terve conciones ad populum habuerit. Singularè
hocce loco consolationem spiritus expertum se
scripsit, quòd P. Gonsaluum Silueriam hic com-
mòratum sciret, dum in Monomotapam tenderet,
vbi & martyrium, vt suo diximus loco, subiit.
huius enim innocentissimi viri patrocinio con-
fusus, sperabat fore, vt fidei Christianæ buccina,
istic etiam aliquando cum maximo animarum
fructu, personaret. Sunt enim istorum Castrorum
animi

animi tabulæ rasæ non absimiles, in quibus pietatis Christianæ fundamenta imprimi, quòd nulli idolorum cultui sint addicti, nec sacrilegos vllor ritus cum pertinacia tueantur, facillimè possunt.

Viribus vtrumque recuperatis, cum socijs qui huc etiam venerant, Sena soluens tribus nauigijs, quæ Pangaias vulgus dicit, Mozambicum sub initium anni sequentis, sanus ac sospes peruenit; à Mozambicanis magna cum beneuolentia excepti fuère. Cumque, quam antea confusè audierant, naufragij iacturam ac casus periculaque plenius ac enucleatiùs inaudissent, attoniti planè ac consternati, illos velut à mortuis excitatos suspexerunt. Ipsi quoque voti emissi memores, quò Beatiſsimæ Virginis ædem nudis pedibus ac genibus flexis se viſuros vouerant, cùm primum Christianorum solum attigissent, ad ædem quamdam Archangelo Gabrieli sacram, ipso in littore erectam se contulerunt, atque inde nudipedes in supplicationem prodeuntes ad D. Virginis in Baluarte (ut vocant) hoc est in propugnaculo facellum pergunt, quod cum eminus conspicerentur, in genua humiliter & cum gratiarum actione prouoluti, reptantes ad ipsum vsque facellum contendunt, numerosa populi turba comitante, ac præ nimia commiseratione lacrymas vberrimè effundente. Ipsi verò periculorum quæ euaserant memores, votum quo obstricti erant, cùm mira grati animi significatione soluerunt, ac cum lacrymis & singultibus pectorisque tusionibus immortales Deo Deiparæque Virgini gratias egerunt. Templo deinde egressos, dictu mirum, quanta beneuolentiæ, amoris, ac Christianæ caritatis significatione in domos singuli suas, ciues inuitarint. Religiosi ordinis D. Dominici summis à Petro Martinez socioque precibus contenderunt, ut ad eos hospitij causa diuerterent.

Verum

*Quid P.
Martinez
cum socio
hic inte-
rim ege-
rit.*

*Appellit
Mozam-
bicum na-
vis cui
insigne
bonum Ie-
su.*

Verum quod nondum confirmata vteretur vale-
tudine, ac præsertim quod vereretur ne quinque
mensium spatium, quos, dum commodum Goam na-
uigandi tempus adesset, hic subsistere oportebat
oneri ipsis esset, gratijs actis, vicarij Episcopi loci
hospitio tam diu vsus est, interea dum extra vr-
bem de commodo satis hospitio ipsis prospicitur,
iuxta ædiculam D. Antonio sacram. Confessionibus
audiendis sacrisque concionibus ad popu-
lum habendis hic interim vacabat, socius verò
Emmanuel Diaz Dominicis ac festis diebus, in
publico quodam loco, vna ante & altera post
meridiem hora, Christianæ fidei rudimenta im-
peritos edocebat. Tandem cum Augustus agere-
tur mensis, ac tempus nauigationi in Indiam cō-
modum instaret, ipsique longiore abrupta mora,
quadriremem onerariam, quæ quotannis Goam
Mozambico hoc tempore soluere solet, iam iam
ingressuri essent; quòd iam nono Augusti die elap-
so Lusitanarum nauium spes, quæ ante illum di-
em semper ferè appellere huc consuêrant, subla-
ta videretur: ecce postridie die D. Laurentio sa-
cro, naus quæ à Bono Iesu nomen habebat, felici-
bus huc auspicijs appulit. Duodecim hac Socie-
tatis Patres, quibus Arias Sosa præerat, vehaban-
tur, ita sani atque integris viribus, ac si eodem
ipso die Olyssipone soluissent: & tam prospera
vsi fuere nauigatione, vt post hominum memo-
riam vix vllæ naues simili vsæ dicantur. Cum
enim in Aprili è Lusitania soluissent, longam il-
lam nauigationem quatuor mensium spatium con-
fecerunt.

Cùm itaque exscendissent, eodem quo P. Mar-
tinez excepti fuere hospitio, à quo cùm pericula
& ærumnas, quas passus erat, & Dei opitulante
gratia euaserat, audiuiſſent, singulares Deo pari-
ter

er gratias egerunt. Vndecim diebus cū Mo-
ambici hāssissent, cum P. Martinez. & socio na- P. Marti-
nez Goam
peruenit.
tem conscenderunt, rectāque Goam cursū di-
gentes, post sex & triginta dies eōdem appule-
unt. Is fuit exitus nauigationis P. Martinez, at-
que hęc sunt vt plurimū pericula eorum, qui
ad honorem Dei & animarum salutem procu-
andam longam ac tēdiosam hanc nauigationem
iscipiunt. Quos quāuis sēpe in itinere mori
contingat, non idcirco mercede ac prēmio in
celis parato, si plures Christo animas lucrificif-
cent, frustrantur. Nam teste Augustino, *Quid-* In Psal. 57.
uid vis & non potes, factum Deus computat. Sed iam
in descriptione orā quæ restabat Africanæ per-
gamus, & ad Arabicum vsque sinum eandem
percurramus.

CAPVT XIII.

*Nobiliores vrbes & regna, quæ in ora maritima ab in-
de Mozambico ad vsque sinum Arabicum occurrunt,
describuntur; expeditio item bellica, quam ad-
uersus Mahometanos hic Lusitani anno
1589. suscepēre.*

MOzambicum vbi septentrionem versus
transieris, occurrit insula & vrbs Quiloa, *Vrbs &
quæ regni Quiloæ caput & metropolis. regnum*
Sunt qui Raptam Ptolemæi, quam totius ille Bar- *Quiloæ.*
bariæ caput, & à qua Promontorium Raptum no-
men trahere credit, esse asserant; quāuis hanc
ille in septimo latitudinis Australis gradu statu-
it, illa verò in nōno sita comperiatur. Ceterum
insula hęc fertilissima, & omnigenū fructuum
feracissima est, & quidquid ad vitam necessarium
abun-

*Incolarū
mores.*

abundè suppeditat. Aër hic admodum salubris. Quiloæ rex olim Mozambico dominabatur, cum primi in Indiam Lusitani nauigarent; sed quòd varias ab eo iniurias paterentur, Mozambicum inuaserunt, & arce exstructa, uti & Quiloæ, incolae continuerunt, verum cum commodiora in eadem ora loca reperirent, hanc regum Lusitaniæ insula euerterunt. Incolæ plerique ethnici etiamnum sunt, quamuis & Mahometanorum magna hic sit copia: colore sunt candido, & honestè omnigeno vestiuntur panno & bysso. Torquibus & armillis aureis ad decorem vtuntur feminae; domos exstruunt ligneas, lapideas, similiq; è materia, quales nostrates, sed scita & venusta structura.

*Regnum
Mombazæ*

Vtlerius ad Aquilonem simul & Occidentem tendenti, occurret regnum Mombazæ, quod ab insula haud procul ab ora continenti sita, nomen mutuatur, (simili quippe dicitur nomine.) Erat hic olim vrbs regno cognominis, sed à Lusitanis postmodum, ut suo dicetur loco, diruta est. Rex Saracenus est, Imperatori Monemugensi, de quo iam acturi sumus, subditus.

*Regnum
Melindæ.*

Sequitur deinde regnum Melindæ, cuius metropolis eodem vocata nomine, in ora sita maritima, duobus ac dimidio gradibus latitudinis australis. Ab eo tempore quo hic agere & commeari Lusitani cœpère, amicus Lusitanici nominis semper rex fuit, ac initum foedus numquam violauit. Commodum vrbs hæc habet portum, & incolae benignos & humanos. Candidi sunt, & Mombazanorum vestiuntur ritu. E regione Mombazæ ac Melindæ, tres conspiciuntur insulæ ab ora satis remotæ, quarum prima, quæque magis ad Austrum vergit, Monfia dicitur, altera Zanzibar, tertia verò Pemba: fertilitate certant singulæ, &

*Tres insu-
lae Monfia,
Zanzibar
& Pem-
ba.*

ineolis

incolis abundant, aratri quàm armorum tractan-
dorum peritioribus. Saccari hic magna prouenit
copia, quod ad exterarum diuehitur regiones, sed ad
oram continentem, in interiore regione ex op- *Imperii*
posito Quiloæ, Mombazæ & Melindæ, latè patens *Monemugense*
imperium Monemugense occurrit, quod à parte *gense*
australi Monomotapam & Mozambicum respicit;
ad Occidentem terminatur linea vel flumine il-
lo, quod duos illos lacus, è quibus Nilus (vti dictū)
originem trahit, interlabitur; ad Septemtrionem
conterminum habet imperium Prestozannis, ad
orientem deniq; tria illa regna quæ diximus. Mo-
nemugensis Imperator socius est & amicus regu-
lorum omnium, qui in ora maritima dominantur,
idque ob commercij mutui compendia. In illius
namque ditiones varia vestium & mercium gene-
ra inferuntur, qualia sunt panni serici, lanei, gos-
sipini, aliaque plurima. Regem Monomotapæ ha-
bet infestum, eumque continuo laceffit bello, Gi-
achas, de quibus antè egimus, stipēdiarios habere
dicitur, eorumque opera ad Amazonum, quas Mo-
nomotapæ rex suis alit stipendijs, vim propulsan-
dam vti. sunt hæc in bello non minus strenue ac fe- *Lamini*
roces quàm Giachæ, si modò vera sint, quæ feruntur. *Pata,*

Oram maris legenti post regnum Melindæ oc- *Brana,*
current vrbes, regna, & emporia, Lamus, Patos, *Magado-*
Brana, Magadoxus, quæ vno aut duobus tam trans *xm vrbes*
quàm cis lineam æquinoctialem gradibus sita; *Promon-*
simul & alia ignobiliora ad vsque promontori- *tor. Guar-*
um Guardafuense, quod duodecim ab Aequato- *dua fuen-*
re septemtrionem versus distat gradibus, quod se-
ubi transferis, ad maris rubri fauces recta cursus *Expeditio*
patet, quod hodie Mechanum frētum nuncupant. *bellica*

Singula hæc loca obiter descripsimus, ob expe- *Lusitana-*
ditionem quamdam bellicam, quam anno 1589. rñ aduer-
aduersus Mahometanos Lusitani institue- *sus Tur-*
runt; *cas.*

*Reges ora
Africana
à promon-
torio Bo-
na spei ad
vsque
Melindam
& etiam
vltius
Lusitano-
rum aut
socii aut
subditi
sunt.*

runt; illi enim freto hoc egressi, omnem hanc oram maritimam prædis & latrocinijs piraticis infestabant, & reges ac dynastas Lusitanorum amicos aut vestigales excursionibus varijs diuexabant. Etsi verò præter institutum nostrum sit, bellica tangere & expeditiones castrenses describere, nisi cum proposito conducere videntur; vbi tamen aliquæ occurrunt, quæ à nemine hæctenus scriptis sunt mandatæ, & ad fidem in illis regionibus stabiliendam aut iam faciunt, aut facturæ aliquando videntur, easdem omittere visum non fuit. Quamobrem facturus mihi operæ pretium videbor, si hanc, quam è litteris ad R. P. Generalem Soc. Iesu datis, sum mutuatus, iuris publici fecero; quòd vix vllam ab hominum memoria celebriorem Lusitani instituerint, eoquæ admirabiliorem, quòd quam consecuti sunt victoriam, exiguo sit Christianorum parta sanguine, ingens tamen emolumentum attulerit, magnique fuerit ponderis. Per hanc enim factum est, vt reges omnes barbari, olim subacti, dum Turcæ potentiam veriti aut in fide data vacillabant, aut cornua erigentes Lusitanorum iugum excutere cœperant, in officio permanserint, foedusque inuiolatum conseruarint. Omnes enim propemodum qui in ora maritima Africæ dominantur reguli, à Bonæ spei promontorio, Melindam vsque & vltius etiam, Lusitanæ regi vestigales sunt ac subditi. quod Magno Turcarum Monarchæ iam ab hinc multis annis tantopere displicuit, vt magnam sæpe classem, ac triremes benè instructas per finem Arabicum in Oceanum emiseric, quæ omnem hanc oram infestaret ac depopularetur, ac Lusitanis nauigationem in Indiam orientalem præcluderet. Quis malè habet tam potentem in vicinia hostem habere, qui continuo illos bello lacef-

laceſſat, & ſi proſperos fortè ſucceſſus nanciſca-
 tur, vel quod illis damnum inferat, non parum
 inſoleſcat; àngit adhæc illos non rarò exigua,
 quam in Mahometanis Principibus fœderatis
 comperiunt fides & perfidia. Et ſanè paulò ante *Cur hanc*
 hanc quam deſcripturi ſumus expeditionem, dux *expediti-*
 quidam Luſitanorum, cui nomen Rochus Brittus, *onem ſu-*
 qui oræ Melindicæ cum imperio præerat, perfidè *ſceperint*
 à Rege Lami Alebechiò piratæ Turcicò, qui mæ- *Luſitani*
 ximam oræ huius partem, non ſine magna acco-
 laſum iactura depopulauerat, proditus fuerat.
 Idcirco Indiæ Prorex Emmanuel Soſa Cotigni-
 us vtramquè iniuriam vindicare cum ſtatuiffet,
 quo reges barbaros in officio continerèt; ſciret-
 que à Saracenis oram illam Africæ iterum depræ-
 dari, claſſem parauit, quæ illis reditum præclu-
 deret. Hanc ille expeditionem fratri ſuo Tho-
 mæ committens, viginti naues in vniuerſum illi
 tradidit, ac nongentos Luſitanos claſſarios ſtre-
 nuos & bellaces. Quod verò moris ſit, aliquot
 Societatis Ieſu Patres, dum in bellum proficiſcū-
 tur, ſecum aſſumere, qui & conſitentibus aures
 dent, & ad fortiter aduerſus fidei hoſtes dimi-
 candum exhortentur; in hac etiam expeditione
 eoſdem omittere viſum non fuit. Quocirca duos
 cum impetraſſent, Goa 28. Ianuarij die ſoluerunt,
 quindècim dierum ſpätio felici uſi nauigatione;
 ſed ſecuta eſt deindè fœda tempeſtas, atq; ea tri-
 duana, quæ claſſem ſummo in periculo conſtitu-
 ebat. Quòd verò timor, ac præſertim mortis, ad *claſſis*
 virtutem hominem, atque ad animi *curam* *tempeſta-*
 ſuſcipiendam incitare ſoleat; omnes ſibi proſpi- *te agita-*
 cere, & anteaſtæ vitæ delicta Patribus conſiteri; *tur.*
 alij pauperioribus eleemoſynas elargiri, alij cum
 inimicis in gratiam redire; hi Litaniàs ſanctorum
 priuatim, hi cum alijs legere; omnes deniq; lacry-

mari, ingemiscere, vota precesq; fundere, & manus opis diuinæ implorandæ causa ad cælum sustollere. Tanta porro procellæ fuit vehementia, vt, triremis primariæ conseruandæ ergo, sarcinas in mare conijcere opus fuerit: tertio tandem post die maris secuta est malacia, ac tum demum naues, quas huc illucq; tempestas iactauerat, vnite, suum sunt cursum prosecutæ. Sed vix quindecim confecerant leucas, cum in vadoso quodam freto hærentes, pene naufragium fecerunt; nisi enim Deus adfuisset, æstu in littus omnes eiectæ fuisset: quod enim nubilum & obscurum cælum esset, terram, quæ tamen opinione erat propior, videre non poterant; in quâ haud dubio impegissent, nisi in litore collucentes vidissent ignes, in ora tamen inculta & deserta. Viso igitur in quo versabatur discrimine, cursum repetunt, ac tandem ad urbem

Branam
appellit.

Branam appellunt, cuius incolæ, Saraceni, Lusitanorum tamen subditi vel socij erant. Intellexere hic, quinque Mahometanas triemes instructas & armatas, sinu Arabico egressas, Melindam versus iter direxisse. Nuntius hic duces ac milites ita recreauit, vt læto tubarum bombardarumque sonitu, læticiam insolitam demonstrarent; triumphum ante victoriam illos cantasse diceres. Brana itaq; soluente, ac littus semper radentes Ampazæ tandem anchoras iaciunt; desertus hic erat locus, vrbe olim insignis, quam rebellantem biennio ante Martinus Alphonfus Mellus Lusitanus dux, euerterat. Huc igitur classis appulit, quod duas Turcarum triemes huc concessisse nuntiatum esset, sed priusquam Lusitana appelleret classis, iam discesserant. Ampazæ rex, qui veteris adhuc regis ruinas incolebat, classis huius aduentu percussus, duci pacisci se cum illo velle nuntiat; sed pacem quam cum illis ante inierat, dumtaxat confirma-

tam

*Vrbs Ampazadiru-
ta, 6^{ta} cur.*

nam volebat. In reditu hoc facturum dux spondebat, nisi Turcas illius causa huic venisse, & portu illius receptos constaret. Ampaza discedens clas- *clasis in*
 sis, in fluuij, quē aduersum, vt Lamum perueniret, *vado hæ-*
 ascendere maris æstu cogeatur, faucibus in va- *sit.*
 do hæsit; quamuis nautam indigenam, qui loca vadosa in hoc ostio occurrentia locorum peritus caueret, secum sumpsisset; sed frustra. Ductorisne malitia an inscitia in arenaria hæc impegerint, incertū. Purgare ille se quāmaximè; & purgatio illius admissa, quod eius opera adhuc opus esset. Hoc tandē periculo erepta, Lamū peruenit. *Lamum*
 interim verò dum nautæ aquatū eunt, & aquam *appellat.*
 recentem in naues conuehunt, extemporarium in litore erectum fuit sacellum, in quo Sacrosanctum Missæ sacrificium vterque Patrum celebravit, & plurimorum confessiones excepit. Pio huic operi dum vacant, litteræ ad Præfectum generalem à Matthæo Mendezio Lusitano, qui orę Melindicę præerat, perferuntur, quibus eum de Turcarum appulsu certiorē reddidit, adhæc numerum & nauium triremiumque apparatus indicauit, & quō tandem vela direxissent; classis totius ducem esse Alebechium, qui Rochum Britum cum alijs Lusitanis nefaria captiuitate detinuisset. Orabat insuper, vt summa diligentia hostem con- *De Tur-*
 sequeretur, & inopinum opprimeret: de illius *carum*
 enim aduentu certi ipsum nihil penitus inau- *classe sit*
 disse. *certior.*

Quamuis enim orę illius reguli Saraceni, ingentem quamdam Lusitanorum classem ad illum quærendum, mare peruolitare significassent; sed litteras à Mombazano regulò, qui Turcarum classe ad Imbiorum, qui Mombazam insulam inuadere ac diripere conabantur, impetum propulsandum, vti decreuerat, in-

*Melindā
appellit.*

*Duabus
augetur
nauibus.*

*Mombaza
vrbs
insula.*

*Lusitani
ad arcem
Turcarum
accedunt.*

terceptas ac retentas ad Alebecij manus non
peruenisse. Incredibili nuntius hic Lusitanos om-
nes gaudio perfudit, utque piratam nihil minus
cogitantem opprimerent, postridie Kal. Martias
vela dant, & Melindam perueniunt, à cuius regu-
lo & Lusitanorum præfecto Mendezio benignè
admodum excepti fuere. Nuntiatum hic, Turcas
Melindæ portum summa opum vi conatos ingre-
di, sed aditu vi armatâ prohibitos fuisse. Regem
veterem Lusitanorum socium, archithalassus, ho-
noris causa adiit, ei que exotica quædam munera,
quæ ex India secum vexerat, dono dedit. at cum
periculum in mora esse sciret, metueretque ne si
morâ traheret forsan irritus esset conatus, postridie
quàm aduenit, classem soluit, duabus auctam na-
uibus, quas Mendezius & Penda rex, qui Melindæ,
regno à subditis exactus, tum versabatur, submi-
nistrarunt: suam siquidem nauem rex instru-
ctam & armatam libenter concessit, promisso
ab archithalasso accepto, mox ut Turcas profligasset,
in regno illum restituendum. Lusitani
itaque hoc recreati auxilio quàm citissimè Melinda
discedentes, postridie in Mombazæ cōspectum læ-
ti veniunt, quod manus cum hoste cōserere sum-
mopere desiderarēt. Mombaza insula nonnisi leu-
cam vnam ambitu suo complectitur, sed amœna
est, & aquæ fontibus ac rebus ad victum necessa-
rijs, quæ ex alia insula non minus fecunda, tribus
inde remota leucis, aduehūtur, abundat. Mihi ve-
rissimile sit insulam hanc Pendam esse, cuius regē
à suis fugatum & exactum iam diximus. Momba-
za vrbs in insula sita muro tū cincta erat, uti vrbs
Rhodus. In fluminis, per quod in urbem dabatur
aditus, ripæ arcem exstruxerant Mahometani,
qui conspecta eminais Lusitanorum classe, ad de-
fendendum se accingunt, eamque aditu interdici-
cere

eere contendunt, Bombardas igitur omnes tum vt
metum incutiant, tum vt dānnum inferant, exo-
nerant; sed omnis ille boatus incassum fuit, nec
Lusitanos percelluit, aut à cœptis deterruit. Præ-
missis itaque cymbis, quæ fundum explorarent,
viderentq; nū cōmoda nauibus foret nauigatio,
& viso alueū magnarū nauium capacem esse, sen-
sim naues propulerunt. Dimidiæ hoc horæ spatio
peractum; actum plerique militum peccatorum
confessione facta animam in tuto collocarunt, vt
audaciùs confidentiùsq; conflicerent, iniurias
alter alteri remisit, & omnem vindictæ appetitū,
cædem mutuam, vulneraq; infligenda, ad quæ pri-
us inardescabant, dum ad violentem violatus vl-
tro accedit, ex animo penitus deposuere. Cū iā
in procinctu essent, animos singulis addere Pa-
tres, & vt viriliter & animosè aduersus iuratum
Christiani nominis hostem, diuina ope affulgen-
te, maiorum, qui regionē detexerant & toties de
hoste illo victoriam reportarant, exemplo confi-
gerent, exhortari; ac Deiparæ singulis imaginem
sublatam ostendere, quæ opitulari solet ijs, quī ad-
uersus fidei filij ipsius hostes dimicant, vt iā to-
ties reipsa experti erant. His alijsq; verbis militi-
bus animum addiderunt, & ad fortiter agendum
exstimularunt, vt quasi non iam in hostem ten-
derent, sed victoriam retulissent, fausto tym-
panorum actubarum strepitu plauderent, vt om-
nia circumquaq; plausu reboarent. Augebat certā
victoriæ spem & animos prodigium quoddam in
aëre eodem die conspectum; sub ortum enim so-
lis visus in aëre circulus quidam nigra circumse-
ptus nebula, cuius pars interior sanguinis instar
rubeat, atque hic Mombazam versus respiciebat,
atque eiusdem ruinam euersionemq; designabat.
Lusitanorum itaq; nauibus fauces paulatim sube-

*Ad præ-
lium se
parant.*

*Patres ad
constitū
mīlites
animant.*

*Omen vi-
torie.*

*Classis
sospes an-
gustias
quasdam
maris su-
perat.*

*Arx Tur-
carum ca-
pta.*

*Tres Tur-
carum tri-
remes ca-
pta.*

untibus Turcæ tormenta maiora assiduo ex arce dis-
plodebant; sed inanem hunc strepitum eludens
classis, Dei ope, sospes & integra, Turca frenden-
te angustias maris superauit. Videns Alebechius,
Lusitanos hasce angustias, secus ac putaret, præ-
teruectos, arce se cōtinere cum non auderet, per-
nicem conscendit equum, quem in hanc potissi-
mum rē paratum semper habebat, & citato cursu
Mombazam contendit cum Rege loci copias cō-
iuncturus. Lusitani verò angustijs superatis, rem
conceptam perficere satagunt: quam obrem quidā
ē ducibus in cymbam insiliens, quem mox aliqui
secuti sunt, ripam petit; & exscensione facta
in arcē penetrauit, in qua non nisi tribus repertis
prædiarijs, duo interfecti sunt, tertius uiuus ad
naues perductus. Turcarum tamen hic vexilla re-
perta, quæ ad Archithalassum perlata sunt, quorū
pulcherrimum velut anathema Deiparæ dedica-
runt, atq; eodem eiusdem imaginem, quæ in naui
erat, exornarunt. Lata hæc prosperaq; initia feli-
cioris exitus spem dedere. Quinque triremes Tur-
cas habuisse diximus, quarum quatuor triplici re-
morum ordine agebantur, altera biremis erat,
atq; hæc simul & duæ triremes, in citiore vrbs
parte, reliquæ ac potissima Turcarum pars in vl-
teriore versabantur, & Imbijs, coniunctis cum
Mombazanis viribus, resistebant. Hinc factum ut
triremes, quæ cis urbem erant, paucis ad defen-
sionem relictis, qui tamen in Lusitanos (sed sine
villo detrimento) tormenta displodebant, breui
in Lusitanam potestatem venerint. Turcarum hic
aliquot interfecti, saucij in captiuitatem redacti,
at qui integro erant corpore, natando ripam pe-
tebant: quos Lusitani nonnulli in aquas confe-
stim insilientes, insecuti, horum aliquot in litore
obtruncarunt, sed ad naues reuerti non sine pe-
riculo

riente deinde potuerunt. Præda in hostilibus
 triremibus, ac præsertim prætoria, opima reper-
 ta, atque hæc militibus cessit. Repertus hic Ae- *Mirus di-*
 thiops, qui grauitè saucius morti erat proxi- *usque pro-*
 mus, ac priusquam exspiraret, baptizari enixè *uidentia*
 desiderabat; & ecce voti iam compos. factus, ani- *effectus*
 mam puram mox Deo reddidit. Hoc factò Archi-
 thalassus, omnia quæ in arce erant tormenta bel-
 lica in naues conuehi iussit; misit deinde duas ca-
 ptas triremes vnà cum aliquot è suis nauibus, quæ
 hostiles naues opprimerent, interea dum cum
 Imbiis confingerent. At priusquam ulterius pro-
 uehatur narratio, de hocce populo nonnulla præ-
 mittenda sunt, & quam ob rem Mombazam ob-
 sideret. Gens est in Africa haud procul à Bonæ
 spei promontorio oriunda: procero, ut plurimū *Quales*
 corpore, latis humeris, valentes viribus, & a- *sunt Im-*
 spectu horribiles. Bello semper occupantur, & *bii.*
 rapto & latrociniis victitant; carne vescuntur
 humana, tum hostium tum suorum ciuium; sed *Carne*
 hæc illis sapidior videri solet: atque ideo si quis *vescuntur*
 illorum in morbum incidit, nisi propediem vale- *humana.*
 tudinem recuperet, mactatur, & culinæ destina-
 tur. Si quem hostium viuum habere possunt, per-
 soluto illum pretio non redimunt, sed iugulant,
 membratimque sectos artus, in macello palam in
 cibum venditant. Cranium hominum scyphi vi-
 ce fungitur. In arma offensiuæ tela habent toxico
 infecta, & paxillos ligneos igne duratos. Sicas
 item gestant, sed breuiores ac latiores, quibus
 in mactandis iugulandisque hominibus vtuntur.
 In defensiuæ verò non nisi clypeū ligneū leuiculū,
 corio feræ cuiusdam conuestitum, atque hoc to-
 tum tegunt in bello corpus. Omnis religio-
 nis expertes agunt, nullumque numen colunt; *Impietas*
 veneficijs & incantationibus sunt noti, & etiam
 si quan-

*Regis su-
perbia &
arrogantia*

*Quem in-
ducendo
exercitu
ordinem
obseruet.*

*Morum
fertias.*

*In insulā
Momba-
zam irrū-
pere co-
nantur.*

si quando configendum est, plures numero quam reuera sint, carmine aliquo magico concepto, esse videantur, regē numinis instar adorāt, eumq; terræ vniuersæ, & Lusitanos mari dominari credunt. Tanta porro illius vesania aut vesana arrogancia, vt si quando illo inuito pluat & intensi calores desēuiant, cælo succenseat, & sagittas iratus in aërem eiaculetur, quodd mandatis regijs non obsequatur. Quin tāta illius superbia, vt totius sibi orbis dominatū inani spē polliceatur, omnemq; continentem deuastaturum se ac direpturum comminetur. Octoginta plerumq; bel-latorum millia eum sequuntur, atque hoc pene ritu bellū inire solet, multas animalīū præmittere turmas solet, vt his hostilis incurſio retardetur, aut irrita etiam reddatur, deinde ignem ante se ferre iubet, quo omnes quos debellaturus est & capturus, igne iam coctos, nullo excepto, comedendos significat. Vbicumque iter cum exercitu faciunt, tanta inferunt damna, vt pagos, opida & vrbes obuias, in habitatores etiam & animalia quælibet, rabiem effrænem conuertant, nihil vt illorum feritatem effugiat. Atque ideo, quoties aduenire nuntiantur, omnes, relictis opidis & vrbibus, fuga sibi consulunt; tantæ scilicet passim formidini sunt. Hoc itaque apparatu, his crudelitatis indicijs Imbiorum rex in Mombazam insulam irruperat; iuxta quam reliquæ Turcarum nauēs, quæ Mombazanis suppetias latū venerant, in ancoris stabant, impedituræ ne in insulā barbarus ille exercitus irruptionem faceret. Cum enim sinum maris, insulam ab ora continente discriminantem, transire prohiberetur, inuitus hærebat; ignem quoque, quem ante se præmiserāt, cum vastam quamdām siluā in cineres rede-gisset, vltèrius ne serperet, interiectus amnis exstinxit.

Vado

Vado tamen tentato & reperta per aquas via in insulam, resistentibus nequidquam Saracenis & Mombazanis, transire statuunt. Dum hæc ageretur, Lusitana classis interim appulit, quæ Turcas & Mombazanas acriter oppugnare cœpit; quorum damno læti Imbij Turcis insultantes clamarunt, quæ nobis intulistis mala, vlciscētur Lusitani, à quibus postquam mactati fueritis, in nostrum descendetis stomachum. Turcas potissimum hoc cauillo proscindebant, quod plurimos suorum tormentorum globis interfecissent. Horrenda hic cædes & funesta clades oriebatur: nā qui Lusitanas effugiebant manus, Imbiorum rabiem expēiebantur, à quibus sine vlla redemptionis spe & mactabantur, & deuorabantur. Quocirca plurimi Saracenorum & Mombazanorum, qui Lusitanorum manus effugientes, natando ad alteram ripam fluminis peruenerant, visa Imbiorum barbarie & feritate, iter repetebant, & Lusitanis vltro se tradentes, horum esse mancipia, quàm illorum cibum malebant. Atque ideo paruo suorum damno Lusitanis hæc victoria stetit, nonnisi quatuor interfectis, plurimisque tamen, licet non lethaliter, vulneratis. Turcis vero plures centum ipso in loco sunt interfecti, atque inter illos duo duces, sexaginta vero in captiuitatem redacti: plurimi quoque Christiani qui captiui in triremibus detinebantur, in libertatem vindicati, tria & viginta ænea tormenta maiora, & minora non pauciora hic reperta, quæ magni & infiniti fuere pretij. Singulare Dei auxiliū tum in conflictu nauali, tum in tempore quo initus est, apparuit, ob inexpectatum Christianæ classis aduentum; ut prius victos fuisse Saraceni quàm hostem vidisse se, faterentur. Postridie, qui dies D. Thomæ Aquinati sacer erat, quingenti Lusitani exscensione facta,

*Quam Tur
ca & Mō-
bazani de-
scendunt.*

*Victoria
Lusitano-
rum, &
vnde oro
ta.*

*Mombaza
capitur
& euer-
titur,*

*Pendæ
rex in re-
gnum re-
stituitur.*

*Alebe-
chius cum
plurimis
alii Tur-
cis & Mō-
bazani à
Lusitanis
capiuntur.*

recta Mombazam tendunt, quam desertam penitus & habitatoribus destitutam reppererunt. Tantæ platearum erāt angustia, vix vt binos simul incedentes paterentur: domus è lateribus & calce constructæ, & harum plurimæ excelsæ, forinsecus scitæ & egregiæ apparebant, interius vero obscuræ erant, omni symmetriæ artisque proportionē carentes, vt caliginosos specus soli inuios, non hominum dixisses habitacula. Cum itaque Lusitani nullum comparere ciuium viderent, ne quis forte lateret dolus metuentes, vltius progredi non sunt ausi: sed viso vbem penitus vacuam esse, ignem tectis iniiciunt, muros solo æquant, idolorum fanā subuertunt, atque inter cetera vnum ceteris maius & fornicatum. Euerfa itaque Mombaza, nauibus omnibus in portu hærentibus ignis iniectus, & Pendæ rex deinde regno restitutus. Ac nondum hic victoriæ finis. Deus enim nihil minus cogitantibus, Alebechium archipiratam, ac Turcarum & Mombazanorum plurimos in manus tradidit. Decimo enim sexto Martij die, cum classis ouans littus radendo Goam rediret, plurimi ad littus quam celerrimè fugere conspecti sunt, ac supplices tendentes manus, Lusitanorum implorare opem, & vt in naues reciperètur enixissimè obsecrare, quòd ab Imbijs magna premerentur vehementia. Hos inter erat Alebechius cum alio quodam tiremis Turcicæ duce, simul & triginta alij, ac ducenti etiam Mombazani. Classis in conspectum cum Alebechius venisset, idiomate Hispano (quod callebat) orare Lusitanos cœpit in naues se vt admitterent. Rerum hic ille humanarum causari vicissitudinem & fortuitos bellorum casus; addere insuper, malle se Christianorum (quorum aliquando in Hispania humanitatē expertus erat) seruum esse, quam barbarorum es-

eam. Referebat enim Regem Mombazanum & ceteros optimates vnà & magistratum vr̃bis ab Imbijs deuoratum esse, & innumeram captiuorum multitudinem abductam, eidem lanienæ destinatam, Supplicem Alebechium & ceteros Turcas & Mombazanos in naues admisere Lusitani, & Imbios instantes tormentorum displosione à coëptis desistere coëgerunt. His peractis Patres in littore Dominica ipsa passionis, duabus ante pascha hebdomadis, venerandum Missæ sacrificium Deo in gratiarum actionem pro victoria impetrata, obtulerunt; habitæ quoque eadem de re conciones luculentissimæ, aliæque peracta, quæ tali tempore ad multorum salutem agi solent. Tum & inter duces triremium captarum, quæ in Indiam ducendæ erant, facta partitio. Inde Melindam versus cursum instituunt, cuius regulus Archithalasso de victoria congratulaturus, triremem illius conscendit, in qua cum Alebechium simul & alios Saracenos, atque optimatû Mombazanorum plurimos vinculis grauatōs conspexisset, Nemo vquam impune, inquit, Lusitanos læsit, quotquot enim illos infestare aggressi sunt, tandem temeritatis suæ pœnas dederûnt. Tum Sosa cum Alebechio ludens, Cur inquit, regē Melindæ aspernaris, auctoruo eum vultu respicis? cui ille. Quamuis equû se fingat asinus, semper nihilominus manet asinus. Archithalassus dein Melindam ingreditur, regemque vicissim inuisit, cui à populo lætabundo magnus honor exhibitus. Orea hic Sosâ inter & Mendezium militesque Lusitanos in diuidunda præda non modica contentio, quæ nisi impedimento fuisset Deus, nonnisi sanguinis effusione dirimenda videbatur; suâ hic auctoritatem interposuere Patres, qui prudētia sua simul & ope diuina

*Classis
uans Ma-
lindam
appulit.*

litern

*Lamum
classis per
uenit :
quidque
hic fece-
rit.*

*Item Pa-
tum.*

*Lami rex
capitis
dānat.*

*Sententia
formula.*

litem hanc, aliasque in vrbe res satis dubias & Perplexas diremerunt, Hisce ex voto omnium Compositis xxvi. Martij die septem ante Pascha diebus Melinda soluerunt, cumque Aequatorem transiissent, postridie Lamum appulere. Regem loci Sosa velut læsæ Maiestatis reum in vincula conijci iubet, interim dum causa illius disceptaretur, ipso Paschatis die Patres Lami sacrum ce- lebrarunt, & Sosam aliosque duces ac milites, plerosque confessione præmissa, Sacrosancti Eu- charistiæ Sacramenti participes fecere. Patum de- inde versus vela direxere, quæ splendida & po- pulosa vrbs est, Huc regem Sianis, & Pati & Am- pazæ Dynastas Sosa enocanit, vt cum optimatibus suis & præfectis, iudicio quod de Lami rege in- stituendum erat, vt, ex legum præscripto, poenas sceleris daret, interessent. Sublime itaque publi- cè tabulatum erigitur, ducenti circum circa Lusitani armati astabant; huc Lami rex alii que læsæ maiestatis rei, manibus post terga reuinctis, rapi- untur, Rex cum in aulao strato procubuiisset in genua, rogatur, num. vt Christianns mori ve- lit: quo abnuente, capitis in eum fertur senten- tia, in hunc modum, Quodd tu Panebaxira, olim Lami rex perfidiæ ac prodicionis crimen incurri- sti, & Rochum Brittum, oræ Melindanz præfe- ctum, simul & quadraginta alios Lusitanos, vi- ros, foeminas & pueros, Alebechio Turcæ piratæ prodidisti, ei que inuito foedere, auxiliū tulisti, at- que hoc pacto maiestatis regiaz læsæ reum te cō- stituisti; visum fuit potentissimo regi Philippo, & eius nomine Emmanueli Sosæ Cotignio capi- tiste condemnare, & Lami regnum omniaque tua in regium fiscum redigere; cadauer quoque tuum inhumatum auibus & feris obiiicere, simul & inhibere, ne quis id terræ mandare præsumat;

qui

qui fecus faxit, eiufdem criminis reus, & eaſdem
 pœnas luet. Hoc ſcilicet ſupplicio animaduerte-
 re oportet in eos, qui amicos produnt, eorūque *Alii quod-*
 inimicos fonent, iuuant, & ſuſcipiunt, ne quis in- *que morte*
 poſterum ſimile quid attente t. Hæc ſententiæ ca- *affecti.*
 pitalis formula. Eamdem pœnam luit Cheliciæ
 regis frater, quod cum Saraceno fœdus iniſſet,
 eumque ſequeretur. Corpus membratim ſectum,
 variis in locis ad terrorem aliorum ſuſpenſum
 fuit. Eodem mortis genere & alij duo ex optima-
 tibus Patenſibus ſunt interfecti. His peractis, &
 vrbe pacata, ſacrum Miſſæ ſacrificium oblatum,
 ac tum ceteri de claſſe, qui nondum paſcha cele-
 brarant, ſacrę cômunionis facti ſunt participes, vt
 & Luſitani præſidiarij arcis Patenſis. Alij quoque
 eiufdem vrbs, qui mutuas fouebant inimicitias,
 Patribus annitentibus in gratiam cum aduerſa-
 riis, odio depoſito, redierunt. Porro Sianem &
 Patam inter Mondra vrbs interiacet; Saracenis
 hæc parebat, ſed Luſitanis veſtigalis; verum ab-
 hinc aliquot annis tributum non perſoluerat;
 quin & nouitatem aliquam machinabatur. Hanc *Mondra*
 ob rem Sofa illam ſolò æquauit, & incolas in re- *pirata ex-*
 miges adlegit. Antequam etiam vltorius proue- *cur.*
 heretur, pacem quam Ambazæ rex obtulerat, ra-
 tam habuit, cognito, Saracenis illum ſuppeticas
 non tuliffe.

Melindanis rebus ita cômpoſitis, claſſis dâns
 vela ventis reditum parat: ſed ob aquæ recentis *claſſis*
 penuriam in Socotoram excurrere viſum fuit; *Goam ap-*
 hinc Kal. Maij cùm ſoluiffet, felici nauigatione *pellit.*
 Indiam petiuit, & poſt quindicem dies ſpolijs o-
 nuſta & victoriâ læta Goam appulit, Saraceni du-
 ces & nobiliores quique hic in carcerem trudu-
 tur. Goanos inprimis recreauit Alebechius pira-
 ta, de quo iam multa inaudierant, quod multo
 tempore

tempore omnem illam oram deprædatus, & terram etiam interiorem depopulatus, in Lusitanorum tandem manus incidisset. Sed finem hic faciamus, & Presto Iannis regnum adeamus.

CAPVT XIV.

De Aethiopia quæ ad Aegyptum pertinet, vel de imperio Presto Iannis; de fœdere inter hunc & reges Lusitaniæ inito.

Lib. 4. c.
7. & 9.

*Duplex
Aethio-
pia ac duo
Aethiopũ
genera.*

Odyss. A

Lib. 1.

Duplicem esse tradit Aethiopiam Ptolemæus, vnã quæ ad Aegyptum spectat, alterã quam interiorem nuncupat. Primum ait ad Orientem sinum Arabicum respicere; ad meridiem verò, Aethiopiam interiorem, quæ octo gradibus latitudinis australis est; ad occasum Libyæ interiori esse confinem, & ad septentrionem Aegypti. Haud procul inde hodie Presto Iannis imperium est. Interiori verò ad occidentem & meridiem, terram incognitam dat limitem, at hodie compertum est, Oceano terminari, qui omnem oram maritimã tam cis quàm trans Bonæ Spei promontorium ad vsque Mozambicum alluit. Duplices quoque Aethiopes describit Homerus, quorum hi ad ortum Solis, illi ad occasum pertinent. Hi quantum è Strabone colligere datur, Cõgi sunt incolæ & vicini, qui Oceano Aethiopico ad occidentem terminantur, illi verò Abyssiini sunt, de quibus iam agendum. Huic qui dominatur regioni, à suis magnus Negus, id est rex, vel Acegus, id est Imperator, quòd plurimas ditione complectatur prouincias, vocatur, ab Europæis verò passim Presto Iannes. Cuius nominis variæ à Scriptoribus causæ afferuntur. Qui tamen mea quidem sententia, propiùs ad verum accedisse videntur.

videntur, aiunt, quòd initio nauigationis Indicæ à Lusitanis institutæ creditum sit, potentem hunc Dynastam illum esse, quem M. Paulus Venetus in itinerrario suo Presto Iannem nuncupat, & summum esse & sacerdotem & regem, per vniuersas Orientis vel Indiæ prouincias, ait. Etsi verò imperium illius ad vsque Cathaiam vel Chinam extendat, tamen, quoniam, dum nomen hoc Aethiopi regi inditum fuit, paucissimi Europæi vtriusque regionis distantiam nouerant; omnem regionem hætenus incognitam, communi Indiæ dicebant nomine: atque hinc etiam America, India Occidentalis appellata est. Adhæc, si vera est Oforij opinio, cum ea tempestate plures sacerdotes Aethiopes Romam venirent, & Galliam, Hispaniamque peragrarent; & interrogarentur, nū rex illorum summo sacerdotio fungeretur, & nū Presbyter Ioannes diceretur, & an illorum patria Indiæ terminis contineretur, ita se rem habere afferebant. Putabant enim si ea suspicio penitus in Christianorum animis inledisset, fore vt multo humaniùs à nostris exciperentur; hinc ita hæc inualuit opinio, multorumque menti inseedit, vt nomen etiamnum permaneat. Si verò, vt nonnulli tradunt, rex hic à suis Bel Gian dicatur, id est supremus dominus, facile nominum heri potuit commutatio, vt dum illi Regem suum Bel Gianum nuncupatum dicerent, alij Presto Iannē dicere illos putarint. Porro Rex hic longè lateque dominatur; Regnū illius à Septentrione Aegypti finibus, ab Austro Lunę montibus, vel, vt nonnemo sentit, Monemugensi imperio, ab ortu, mari, quod per fretum Arabici sinus influens ad Suesū pertinet, definitur; in occasum verò latissimè protensum Congi vel Agefymbæ regnum tangit. Olim omnia illi emporia maris Arabici quæ

Lib. 1.
Cap. 58.

*Car in Ea
ropa rex
Abyssinorū
Presto Iā-
nes dica-
tur, vel
Presbyter
Ioannes.*

*Imperio
fines.*

quę Aethiopiam respiciebant, parebant, sed ab hinc paucis annis Turcarum hæc Imperator inuasit, excepto Arcocò vel Arquicò, item Insulâ Mazuâ, quæ quo minus ad urbem aditus pateat, impedit. Sexcentas septuaginta in ambitu patere leucas imperium illius fama est, alij tamen ad mille & amplius extendunt. Multi in ea regione sunt montes, prærupti, & adscensu perdifficili; habitationi tamen peraccommodi. In summo enim culmine miræ sunt planicies & latè patètes, aquæ dulces, pabula & fruges lætissimæ pecori & armentis pascendis, præter alia quibus scatent commoda. Regio campestris fertilis & opima vt plurimum; frumenti etiam ferax, ac præfertim siliginis & leguminis, sed non tritici; equos & mulos habet plurimos; sed equi patritij sunt aliis minores, at qui Arabiæ & Aegyptiæ sunt propaginis, magnitudine cæteris non cedunt; melle & gossipio abundat, vinò caret; sed eius loco est potio è milio expressa, & alia in deliciis haberi solita & corpori salubris, è melle & aqua confecta. Regiæ tamen mensæ vinum infertur, vt tradunt nonnulli, sed vix alibi toto regno illius est vsus. Elephantes, leones, tigrides, vrsos, cernos, aliaque huiusmodi progignit animalia. gens est supra modum ignaua & iners: saccharum tellus fert, sed incolæ colligere minimè norunt. Auri, argenti, ærisque venis scatet, sed incolæ educere aut ignorant, aut præ desidia detrectant; nisi quantum ad mutua commercia necessarium est, idque non signant aut cudunt, sed in lingulas ac laminas ductam tradunt & accipiunt. Terra naturâ fecunda, quod non colatur, quæ ferre posset non profert, adeo vt telluris bonitate non fruuntur. Nulla hic tempestas, quæ agros infestet, nisi quod locustarum agmina sæpenuerò totam destruunt sementem.

*Fertilitas
soli.*

*Gens in-
orset.*

mentem. Vrbes omnes exiguae sunt; domus humi-
les, & parietes e creta compacti. urbem rex non *Rex sem-*
incolit, sed in agro semper sub tentorijs ac taber- *per in ten-*
naculis agit, tanta autem hominum & tabernaculo- *torin agit.*
rum multitudine circumcingitur, vt castra cir-
citer sex in longitudinem ac totidem in latitudinem
leucas pateant. Eo autem ordine locantur, vt
quamuis crebro commutentur, facillimum sit ad
illorum, quos conuenire velis, tentoria sine vllō
errore peruenire. Eadem quippe semper & vico-
rum & tentoriorum est dispositio. In septem pa-
roecias castra distinguuntur, ac singulis sui prae-
sunt Sacerdotes, qui sacra peragunt, cōciones ha-
bent, disciplinis subditos instituunt, in rebelles a-
nimaduertunt, & ad Christianam moderationem *Fidem*
frequenter excitando, singulos officij commo- *Christianā*
nent sui. fidem namque Christianam omnes pro- *profitem-*
fitentur, quam maioribus suis ab Eunuchō Reginae *sur;* & à
Candacis, cuius in Actis Apostolorum mentio *quo illam*
habetur, traditam, & deinde à D. Matthæo ibidem *acceperint*
promulgatam tradunt. Et sanè e veterum historia-
rum monumentis, atque antiquorum Patrum te- *Sed hodie*
stimonio constat, Apostolum hisce in regionibus *Iudaicis*
fidē Christianam propagasse. Sed eadem hodie in- *superstiti-*
finitis hic erroribus est inquinata, tā Iudaicis su- *onibus ha-*
perstitionibus, quam prauis hæreticorum dogma- *bent in-*
tibus. Liberos enim suos non modò baptizant, v- *quinatā.*
rum etiam circumcidunt, sui illa prae religione non
vescuntur, alijsque cibis, quos Mosaica proscribit
lex, ac pluribus in rebus Iudæorum ritus emulan-
tur. Regem suum à Rege sapientissimo Salomone
& regina Saba, e quibus filium narrant Melilecum
homine progenatum, originem trahere lactant, at-
que ab hoc omnes Aethiopiae reges hactenus ge-
nus duxisse Multi quoque Abyssinorum vel Aethio-
pum progeniem referunt ad Iudæos seruos, quos
O Salo-

Salomon rex vnà cum filio, dum ad matrem in Aethiopiam se conferret, misit. Hinc tanta est ad Iudaismum illorum propensio; Rex quoque Dauidis & Salomonis se filium secundum carnem, *Quidnam Christiani habeant.* SS. Petri vero & Pauli secundum gratiam nuncupat. Episcopos habent similes nostris, qui sacramenta illis administrant, ac praesertim confessionis occultae quae hic frequenti in usu, & sacrosanctae Eucharistiae, quauis sub panis simul & vini specie eandem accipiant. Monasteria habent plurima, quae ex instituto D. Antonij viuunt. Episcopos rex solus creat & constituit, Monachi Patriarcham, quem Abunam dicunt; sed hunc deinde ab Alexandrino Patriarcha confirmari necesse est. hinc eisdem, quibus Alexandrini, infecti sunt erroribus. Nemini nisi nudis pedibus ingredi in templum licet, in quo qui riserint, sermocinati fuerint, aut deambularint, profani & scelesti habentur. Quadragesimale ieiunium magna religione obseruant; & monachi non nisi in pane & aqua sunt etiam horum nonnulli qui panem toto illo tempore non degustant, solis herbis victitantes.

At ceteri tam superstitiosi non sunt, quamuis dum ieiunant, ad solis occasum usque nihil gustare soleant. Piscium nullus hic usus, quamuis enim flumina pisculenta sint, piscari tamen aut nesciunt aut nolunt. Sacerdotes Missam celebrant, supplicationes instituunt, similes nostratum, in quibus praefertur & turibula; sed hi more Graeco matrimonium contrahunt; at si vxores decesserint, ad secundas non transeunt nuptias: *Schismatizant ex hereticis* quin etiam antequam rem diuinam peragant, biduo aut triduo ab actu se coniugali temperant. Errores sequuntur Dioscori & Eutychetis similiumque haesiarcharum, ideoque ab vnione

Catho-

Catholicæ; Apostolicæ; Romanæ Ecclesiæ sunt sequestrati, tum ob schisma, quo supremum Ecclesiæ caput, Rom. Pontificem nolunt agnoscere, tum vero ob hæreses. Atque hoc in statu iam multis annis hic religio fuit.

Ceterum Ioannes II. Lusitanix rex cum è regno suo navigationem in Indiam institui summo opere desideraret, vt hac ratione aromatum, odoramentorum; ac gemmarum orientalium mercimonia è Syria & Aegypto in suum regnum transferret, quo & Turcarum Imperatoris & Sultani Agyptij opes accideret, suasque augeret; audiissetque in Oriente Christianum Imperatorem esse; qui longè lateque in India dominaretur, quem PrestoIannem dicerent; magno tum sibi honori tum rei Christianæ incremento putabat fore, quo sua de Indica nauigatione cogitatio etiam feliciter succederet, cum Christiano hoc Principe amicitiam cõtrahere. Atq; ideo misit qui per mare Mediterraneum in Aegyptum penetrarent, vt ita vltèrius per sinum Arabicum Indiam peterent, atque hic de Monarcha illo certiores facti, suas illi litteras offerret, foedusque cum illo Lusitanix regis nomine inirent. Hi difficultatibus ac sermonis Arabici inscitia deteriti, Hierosolymam, cum peruenissent, infecto negotio domum redierunt. Misit deinde alios duos Arabicæ linguæ peritissimos, quorum alter Petrus Couillanius (quem Oforius Ioannem Petreium nominat) alter Alphonsus Pailua dicebatur; quibus ad regulos nonnullos Indix, ac præsertim ad PrestoIannem litteras dedit perferendas. Ij Alexandriam delati, Memphim, quam modo Cairum dicunt, inde mercatorum habitu petiere; atque ex eo loco per sermonis Arabici symbola, cum se Mahometicis

*Ioannis II.
Lusitaniæ
rex legationem ad
Presto-
Iannem
mittit.*

*Petrus
Couillanius &
Alphonsus
Pailua
legati.*

*Ortelius
in the-
sauro
Geo-
graph.
verbis
Mehmeticis*

*Couillani
her.*

*Legationē
regi Abyf-
finorum
Alexan-
dro ape-
vit.*

meticis viatorum turmis facilè mifcuiſſent, ad Arabici littoris urbem Elanam, hodie Torum, tranſitu Hebræi quôdam populi (vt fama eſt) inſignem, ac denique Adenum (id opidum ſub ipſas Arabici maris fauces eſt munitiſſimum) incolumes peruenêre. Hic iter ſuum partiuntur: vt Paina Aethiopiam tenderet, quæ ad Aegyptum ſpectat, vt regē Abyſſinorum, quē Chriſtianum eſſe inaudierat, adiret, ac Regis Luſitaniæ nomine amicitiam cum illo contraheret. Couillanius verò Indiā peteret, tum vt ad Preſto Iannem, quem Luſitaniæ rex designaret, perueniret, tum Indiæ emporia perlustraret; ac demum rebus peractis, Memphim rurfus ambo, certo tempore conſtituto, conuenirent. Couillanius felici nauigatione ad Indos delatus, emporia ſingula in hydrographica membrana ex fide annotauit: vt libro primo me dixiſſe memini, regem tamen, quem rex designarat, inuenire non potuit. At Paina in Abyſſinōs profectus antequam regiam attingeret, incertum quo genere lethi deſunctus eſt. Couillanius itaque cum ad deſinitum tempus Cairum reuertiffet, de ſocij obitu fit certior: quo tam inopinato nuntio percuffus, licet in patriam redire vehementer optaret, tamen quod præclarè meminerat, quanto Ioannes rerum Aethiopicarum ſtudio teneretur, ſuas vel rationes vel deſiderium regiæ voluntati poſthabere conſtituit, nec enim redire in Luſitaniam, niſi prius cum Abyſſino ſocietate inita, audebat. quare eodem iter ſuſcipere decreuit.

Suum itaque iter cum Ioanni regi per litteras, mercatorum Memphi agentium auxilio perſcripſiſſet, in Aethiopiā proficiſcitur. Imperabat tum Abyſſinis Alexander, qui venientem ad ſe Couillanium, quamquam haud plane certus verane aſſer-

afferret , magis tamen propenso ad credendum animo, benignè accipit , non mediocriter lætus à tam longinquo ac tam Christiano Rege societatem & amicitiam suam, per nuntios & per epistolas expeti. Cumque de Ioanne, deque alijs Europæ regibus multa didicisset, remissurus iam cum litteris amore & beneuolentia plenis & muneribus ad Ioannem Couillanium , repente demoritur , atque ita omnis de amicitie spe intercidit cogitatio. Erat hic benignus & perhumanus, quem si vita fuisset diuturnior, ad amicitiam & rē Christianam, magnum boni omnes momentum sperabant allaturum. Successit illi frater longè alijs ingenio moribusque Nahu. is non modo Lusitanie Regem dignatus responso non est, sed ne ipsium quidem nuntium ad suos redire permisit. Ita Couillanius, ob diuturnā absentiam videlicet, pro mortuo est habitus, quoad alijs demum è Lusitania missis eodem legatis, apparuit. Paulò post demoritur & Nahu, cui filius Dauid nomine successit, sed quod adolescens esset & impubes , sub auxilii Helenæ tutela , virili animo & consilio feminae, vixit; hæc interea dum nepos adolesceret, omnia regni negotia quàm prudentissimè administravit. Hæc itaque cum Lusitanorum in India facinora, ac bellicas expeditiones didicisset , atque è Couillanio , hos ipsos regis sui, cuius nomine apud Alexandrum regem legatione functus erat, subditos esse cognouisset; oblatam sibi tam præclaram societatis, cum tam valida fortique natione, ineundæ occasionem, gauisa est. Quare communicato cum suis consilio ad Emmanuelem, qui tunc in Lusitania rerum potiebatur, Matthæum Armenium insigni probitate ac prudentia virum, alium item ex Abyssina nobilitate primarium visum fuit mittere. Et quo arctius iungeret ami-

*Vide tunc
tur in
Aethiopia*

*Matthæum
legatus
Abyssino-
rum ad
regem
Lusitaniae*

*Ab Albu-
quercio
benignè
Goæ acce-
ptum & in
Lusitaniã
missus.*

citiam, fidei pignus ad Emmanuelem mittebat sacrosancti ligni fragmentum eius, in quo humani generis salus, Christus olim, ingemiscente rerum natura, pependit. Matthæus cum socio rectâ Goam petiuit, magnum Indiæ proregem Albuquerqueium allocuturus. Hunc ergo prorex cum cetera benignitate, tum vero propter sacras quas afferebat reliquias, exquisitis cæremonijs, & Sacerdotium omnium occurstu gratulabundus accepit. Abeuntes iam in Lusitaniã, Albuquerqueius accuratè Nauarchis commendauit: at hi violato iure gentium insignem Matthæo eiusque socijs iniuriam intulerunt, dum eum non ut legatum, sed scurram aut vile quoddam mancipium acciperent, idque odio Albuquerqueij, quem cane peius & angue oderant, & temeritatis nimie temere accusabant, quod Armenij verbis fidem facillè credulus adhibuisset. Sed magno illis stetit lasciuia hæc petulantia. Emmanuel enim rex hanc cum didicisset, nauarchos ilico in vincula coniecit, in quos, nisi laxari illos Matthæus impetrasset, dignissimis animaduertisset supplicijs. Magnam legatio hæc regi voluptatem attulit, ut ex honoribus & beneuolentiã iis exhibita facile fuit colligere. Aduenientibus primum, frequenter obuiam itum est à clero & optimatibus, ædesque magnificæ ad diuersandum attributæ, atque omnia necessaria quã largissimè collata. Tri-duo elapso legationis capita exposituri, ad regem ab Igæditano Episcopo, & Comite Villanouano quàm honestissimo comitatu deducuntur. Intro-missis Emmanuel è solio comiter in amplexum occurrit. post salutationem, à legatis extractæ ex arundine aurea litteræ ad regem datæ, vnæ à Davide Rege, alteræ ab Helena eiusdem auia, Arabico

bico & Persico idiomate conscriptæ. Prolata etiam dona à Regibus suis missa. Ea dona fuere primum aurea quinque numismata, Abyssinis inscripta notis, quæ octenos ferme scutatos penderent singula, dein pyxis auro solida, qua crucis adorandæ fragmentum continebatur, de qua iam supra meminimus, Abyssinis regibus Hierosolyma ipsa transmissum. Eâ verò pyxidem Emmanuel nixus genibus & præ gaudio lacrymabundus accepit, immortales Deo gratias agens, quod è tam remotis ab Europa regionibus, ab rege tam inclyto, per legatos compellari se, beatrique insuper tam salutari ac pretioso munere voluisset.

Post hæc per idoneos interpretes, utræque recitatæ litteræ, quarum erat summa. Principio quidem, David rex trium personarum distinctionem vna natura & diuinitate coniunctam debita veneratione prosecutus, Emmanueli salutem & felicitatem precabatur. Deinde gratias de Epistolis ad reges Aethiopiæ maiores suos missis agebat, eiusque potentiam & opes exagebat; vnde sperabat, si virgere bello maritimo Saracenos & ceteros nominis Christianos hostes Emmanuel pergeret, & terrâ Abyssiniæ omnem breui scelesti Mahumetis memoriam intermorituram, & sanctû Christi sepulcrum è Saracenorum manibus extorquendum. Legati Matthæi deinde auctoritatem tuebantur, & crucem quam ipse in amoris argumentum mittebat, è ligno crucis, in qua generis humani assertor exspirauit, perfectam fuisse cõfirmabat. Ad hæc ad societate belli atq; pacis Emmanuelè inuitabat, quâ mutuo cõnubij iure cõfirmare vtrimq; optabat. Nihil enim sibi fore dicebat gratius quâ illam

*Littera
regis Abyssini ad
regem
Lusitaniam*

*Crucis
partem
miserat
eius in
qua Christus
passus
pendit*

amoris conjunctionem & religionis consensio-
nem, matrimonij etiam fœdere sacrosancto inter
vtriusque regis liberos inito, confirmari. Lau-
dabat postremò res præclare ab Indiæ Prætoribus
gestas, quas non sine euidenti supremi numinis
auxilio gestas credebat, hortabaturque vt glo-
riosis adeò cœptis feliciter insisteret. Litteris per-
lectis, Emmanuel legatos pari humanitate in ho-
spitium deduci præcepit, illisque omnia quàm
copiosissimè præberi; ac multa deinde ex legatis
de Abyssinorù ingenio, institutis ac ritibus que-
sita per otium; quæ à pluribus postea fusè ac di-
fertè perscripta sunt. Iam menses aliquot in Lu-
sitania commorati, summa regis beneuolentia,
domum vnà cum litteris & muneribus ad Dau-
idem regem, & Helenam auiam perferendis remis-
si sunt; suum quoq; cum illis legatum misit præ-
cipuè nobilitatis virum, ac regiæ maiestati à cu-
biculis Eduardum Galuanum; qui anno supra ses-
qui millesimum vicesimo vnà cum Matthæo Ar-
menio aliòque Abyssino Olissipone soluerunt. In
Galuanì in itinere demortui locum regia aucto-
ritate suffectus Rodericus Lima, qui itineris soci-
us erat,

Goam hic cum Matthæo cum appulisset, reuer-
ti deniquè est coactus, se vt cū Archithalasso regio
Sequeria, qui per sinum Arabicum errabat, con-
iungeret, hic regis Emmanuelis iussu, Rodericum
Limam & Matthæum Armenium in terram ex-
posuit, ac dein Arquicum peruenere. Interim o-
ræ præfectus, quam Bamagasum vocant, Aethio-
piæ regis nomine, pacem cum Sequeria initurus,
huc venerat; venerat & eandem ob causam Se-
queria. Benignè hic admodum & humanè tum à
præfecto tum à Monachis Antonianis, qui in vici-
nià cōmorabantur, excepti Lusitani: hi Matthæū
& Lu-

*Quomodo
legatus
regis Em-
manuelis
exceptus.*

& Lusitanos videndi gratia egressi, magnam animi voluptatem, ob hoc fœdus præ se ferebant: quod vetus oraculum sibi à maiorib. traditū ferrent, ex occiduis aliquando regionibus, Christianæ religionis homines in ea loca venturos, quib. cū eadē vrirētur fide. Eius vaticinationis promissa tātā classis appulsu, tandē esse confecta ci edebāt, sibiq; gratulabātur. à Lusitanis Sacerdotibus linteatis vicissim cū symphonia & psalmis accepti fuere; & vtrisq; summo gaudio fuit hæc dies, quod Hesperia cū Eoa Ecclesia, tātō locorū intervallo, dextras quasi miscuisse, & vnum in corpus vnionemq; coaluisse, sibi persuaderēt. Atq; vt paucis rē cōplectar, Bama-gazius apprehēsa argē- *Pax inter*
 tea cruce, quā Sacerdos classarius secum tulerat, *Reges Ae-*
 eiq; porrigebat, nixus genibus, hunc in modū cō- *thiopie*
 cepto iureiurando pacē sanxit: Quā, inquit, pacē *& Lusita-*
 Iesus Christus, generis humani redemptor, disci- *nia inita.*
 pulis reliquit suis, eadē inter nos esto, qui eundē Christi cultū profitemur ac fidē. Hanc ego pacē, (quantum in me fuerit) regis mei nomine spondeo, atq; ita iurō per hanc sacrosanctā nostræ salutis effigiē. In eamdē securē sententiam conceptis verbis iurauit Sequeria: dimisso deinde colloquio per triduum vtrimq; donis officiisq; certatū, & ingens omnium lætitia fuit. Posthæc Sequeria Rodericum Limam & Matthæum Bama-gazio cōmendauit, ac tradidit, ad regiā vsq; tutō mittendos. In Roderici comitatu cū alij honesti viri complures fuere, tum verò Franciscus Aluarezius Sacerdos: qui dein reuectus in Lusitaniā, eius profectionis seriē patria lingua edidit; eodēque postea auctore, Paulus Iouius gētis ritus moresque Latīno sermone diligenter est persecutus. Is porro legationis Roderici Limæ fuit effectus, In patriam siquidem dum post menses aliquot

lium cōfessus eum excepit, mirificè recreatum, ad suum regem cū singulari beneuolentiæ signo misso misit. Annis aliquot imperarat Dauid, cū demortuus est, cui filius Claudius successor datus. Fouit hic ad tempus cum Lusitanæ regibus, quam pater cœperat, Societatem, & erga sedem Apostolicam obedientiam. Sed dum in hac se gereret remissius, à rege quodam sibi vicino bello diuexatus est, & regni pene totius iacturam fecit. Adelis enim ac Zeila tyrannus, Solimanni Turcæ stipendiarius, Mahometanæ superstitioni deditus, & infestissimus nominis Christiani hostis, in Abyssiam cum exercitu irrupit, multisque cladibus regem Claudium penitus in intima Aethiopiæ compulsū magna parte finium exiit, religiosissima templa cum sacris monachorum cœnobijs euertit, prædas pecorum hominumque identidem agebat. Hisce cladibus affectus Claudius, Stephani Gammae Indiæ tum Prætoris auxilium per legatum supplex petijt. Aberat non procul ea tempestate Gamma ab Aethiopia; ingenti enim classe instructus, sinum Arabicum peruagabatur, dum expeditio in Suezum tentata, minimè successit. Barnagazio comitante ad classem Lusitanam orator venit, & Gammae regis afflictæ necessitatem, datis prius eiusdem & matris Elisabethæ ad eum litteris, exposuit; utque rebus desperatis & fessis, iuxta societatem iam olim cum rege Lusitanæ initam, opem ferret, est deprecatus. Hæc Abyssini cū miserabiliter exposuissent, indigna, uti par erat, visa Prætori Lusitano res; confestim aduocato consilio, supplicat Christianis contra Mahometanos decreta.

*Hanc excu-
cuiens
Claudius
regni suc-
cessor, re-
gni paritè
amittit.*

Stephanus Reliqua erat consultatio, quem potissimum
Gamma expeditioni præficerent. In magna competitorum
Indie turba, cum id pietatis & officij munus certatim
Prætor, sibi quisque deposceret, Christophorus Gamma,
auxilio prætoris frater, acri ac præferuido ingenio ado-
mittit lescens, ceteris antefertur. Huic & vniuersis co-
Claudio pijs, Lusitani cum armis duplicibus quadringenti,
regi 400 & magnus tormentorum & sclopetorum nume-
Lusitanos, rus datus. Cum hac manu Gamma profectus, Iu-
quibus nio mense, anno sæculi huius quadragesimo pri-
Christo- mo; breui ad rupem peruenit, in quam Regina Eli-
phorum sabeta velut ad asylum confugerat. Locus natura
Gamma in munitus est, vt nec vi armata capi, nec fame ad
scutrem deditionem cogi queat. Est siquidem alta & ita
præfecit, ascensu difficilis rupes, vt non nisi per angusto
Mons qui- anfractu ad eam pateat aditus; ab satis lato fun-
dami mu- do paulatim fastigiatur ad summum: inde ad fun-
nitum. gi maximè speciem circumquaque prominet la-
 brum, mille ferè passuum ambitu. Intra eius pro-
 iecturæ planitiem regia tecta cum capacissimis
 duabus cisternis visuntur. Huc filij natu minores
 regum Aethiopiæ ablegari, arctèque custodiri so-
 lent, ne regni adeundi spe, aduersus natu maio-
 rem insurgant. Ornatissimum hic templum &
 monachorum cœnobiũ; accedit agri, quod
 probè cultum in annua quingentorum hominum
 alimenta sufficiat. hinc subiecta quæque ita lu-
 strantur oculis, vt nullus circà latebris insidijsq;
 sit locus. Ad certum tantum spatium per tortuo-
 sum hunc callem ascensus patet: ab eo spatium ita
 arrecta sunt saxa, vt funibus corbibusque extol-
 lantur, demittantur ve homines. Huc Regis mater
 cum suis confugerat. Eam si apud se haberent, &
 maiorem hominum cōcursum ad signa futurum
 & liberalius alimenta ab agrestibus vnde quaque
 subuectum iri dicebat Gamma. Bimestri enim fe-
 rè iri-

Elizabe-
tha regina
castra
adii.

rè itinere ab eo loco distabat rex, & tamen dubium non erat, quin sæpius interea cum Zeilano certandum foret. Paucis rem vt perstringam, Gamma cum suis, aduenientium Abyssinorum auxilio, multos populos, qui ad Zeilanum metu defecerant, ad Claudij fidem imperiumque renouauit, pluresque de hoste victorias retulit; ac duas in primis, quas non sine miraculo, de Zeilano, instructa acie, obtinuit. Primam quidem quarto Aprilis, anno sæculi huius quadragesimo secundo, ac tum aduersus quindecim peditum millia, ac mille quingentos equites, quos Zeilanus in aciem produxerat, præter ducentos Turcas auxiliares, qui totius exercitus robur ac neruus erant. Gamma nonnisi trecentos quinquaginta secum Lusitanos habebat, (alij enim quinquaginta iam aberant) & paucissimos Abyssinos. certatum ab aurora ad vsque meridiem; Zeilano femur plumbea pila transfigitur. ad cuius casum fuga Mahometanorum ex omni parte fieri cœpta. Instant Lusitani hostem insequentes, sed quod equis carerent, ab insequendo destitère. Magna hic Mahometanorum strages edita, atque inter ceteros triginta Turcæ interfecti, at Lusitanorum non plus duodecim amissi, quadraginta verò vulnerati. Zeilanus interim nouis breui collectis auxilijs, atque in primis accedente Gradamar duce cum tribus peditum millibus, & quingentis equitibus, Lusitanos iterum adoritur; qui aduenientis impetum generosè excipientes, maximam diei partem in confligendo consumpserunt. Gradamar, qui in prima certabat acie, victus occubuit, ac plerique Turcarum, ceteri verò profligati fugatique sunt. Zeilanus cum suis fuga sibi consuluit, cuius tentoria ac supellex regia in Lusitanorum venit manus, quem semileuæ spatio insequentes, magnam

Chr. Gamma duas de Zeilano victorias retulit.

Gradamar dux occubuit.

*Zeilanus
obsidetur.*

*Lusitanos
denovo a-
doritur.*

*Gamma
capitur.*

gnam hostium stragem edidère, quibus nisi equi defuissent, bello eo die finem imposuissent. Quatuordecim hic Lusitanorum desiderati, plures tamen sauciati. Zeilanus cum paulatim recederet, biduo post illum insecuti sunt Lusitani, ac decem diebus illum pressere, donec retro ad præcelsum montem, naturæ loci munitissimum peruenit, in quo illum quodammodo tota æstate obsederunt. interim ab Arabia & arce Zebitana, quæ in sinus Arabici faucibus sita, Turcico præsidio tenebatur, nouæ venere suppetiæ. Missi Turcæ fistulatores nongenti, alijque cum tormentis curulibus duobus, armisque plurimis: hisce instructus Lusitanorum castra ac vallum inopinatò adoritur. Gamma ubi curules admoueri ballistas vallo sensit, munimento diffusus, uti in hostes erumperent, suis edixit. dictis obtemperatum: & in summa rerum omnium iniquitate Lusitani pugnam acriter initio sustinebant: dein perpetua ferri ac plumbi procella ratis plerisque, ceteri, priusquam ab hoste circumuenirentur, fugam in proximos saltus rupeque præripiunt: Gamma cum egregiè aliquamdiu dimicasset, ad extremum grauius saucius, hortatu suorum, intendentibus se iam tenebris, (ab aurora enim ad vesperam usque certatum erat) præter ipsa castra cum paucis effugit. tota nocte per summam vexationem itinere facto, orta demum luce, ne conspici posset, in proximam conuallè, & densas circa siluas, è via deflexit. ibi dum ad abditum fontem, è longa defatigatione colligit vires, & vulnera alligat, ab equitibus insecutis opprimitur, à quibus ad Zeilanum raptatur: qui congestis in cum probris minisque detracta primum veste, virgis acerrimè cædit, tum ad ludibrium & contumeliam totis castris per militum & salonum ora traduci iubet. Postremo cum omnes iniurias

iniurias & cruciatus inuicto, propter Deum, animo pertulisset, & oculis sæpe in cælum sublatis, diuinam opem implorasset, ad se retrahi iusso, suffimet ipse manibus tyrannus, ab impotenti seuaq; iracundia, ceruices præscindit. Sunt, qui eo ipso loco quo truncus prolapsus est, fontem subito erupisse velint, qui potus ægris sanitatem afferret. Sūt & alij qui ex ipso mortis & causæ genere, ipsū in sanctorum Martyrum numerum, pro certo referendum, existiment. Sanè Abyssinus rex, in ea quam ad Indiæ prætorem de his rebus misit Epistola, Christi Martyrē non dubitanter appellat. Caput Gammæ præcisum & simul primariorum Lusitanorum duodecim, ad Turcarum tyrannum à Saracenis dono transmissū. Clades hæc XXVIII. Augusti die anno Redēptoris quadragesimo supra sesquimillesimum secundo contigit, qua ducenti aut circiter Lusitani desiderati. Fugientium Lusitanorum reliquæ, qui centum ac viginti erant numero, cum Reginæ quæ in castris erat, copijs se coniunxere. Sed quod parum sibi hæc fideret, ad proximum confugit montē, ad quem breui Claudius rex, qui hactenus Lusitanis sese coniungere non potuerat, appulit. Hic Gammæ morte, & recenti Lusitanorum clade cognita, non mediocriter ingemuit. At qui supererant Lusitani, instabant, vt quas poterat, colligeret vires, sperare enim, Deo annuente, coniunctis copijs, superiorem se cladem reparaturos, & Gammæ ac suorum mortem insigniter vlturos. Non abnuīt Claudius, & collectis breuissimo temporis spatio octonis Abyssinorum millibus, additis insuper Lusitanorum reliquijs è fuga retractis, Zeilanum inuasit; qui superiori victoria intemperanter elatus, conuiuijs ludisque aliquot deinceps dies demissis cū congiano auxiliariis

*Lusitani
cum Claudio rege
coniunguntur.*

Tur-

Turcis, quasi nil iam periculi superesset, indulſit; & cum vxore liberisq; & cetera multitudine ad Nili fluueta, valetudinis & animi causa cōcesserat; ſibi nihil tale metuentem Claudius cū Luſitanis & Abyſſinis, qui equites habebant quingentos, oppreſſit. Omnes tū pene Luſitani equites erant, qui nullum ſibi eligere poſt Gammę mortem ducē vōluerant; ſed ducis loco Miſericordię ſignū ſibi pręferebant. Erant Zeilano etiam tum tredecim hominum millia, pręter ducentos Turcas auxiliares. Tanta hoſtem Luſitani rabie ac furorē inuaſere, vt breui victoria penes eos ſtare videretur: ipſe tyrannus ab Luſitano, cuius nomen ignoratum haſtenus, cum vnum tyrannum ſimul omnes impeterent, plumbea glāde traiectus occubuit. Magna dein edita Mahometanorum fugientium ſtrages. Caſtra direpta, in quibus pręda optima inuenta: nam pręter collectos huc vndique theſauros, tormenta, cum cetero belli apparatu, quem Turcę ſuppeditarant, in Luſitanorum manus venēre. Mortuo Zeilano caput præciſum, quod ad Claudium Regem perlatum: filius quoque natus maior, vt nonnulli ſentiunt, in hoſtium poteſtatem venit; at vxor eius cum trecentis equitibus, quos circa ſe præſidij cauſa habebat, effugit, & quod omne ſuperauit gaudium, haud exigua Chriſtianorum omnis ætatis & ſexus vtriuſque, quos Zeilanus in captiuitatem traxerat, multitudo, è miſerrima ſeruitute ac vinculis erepta. Hoc conflictu peracto, Claudius omnes quę defece- rant prouincias, denuo in poteſtatem imperiumque redegit, & omnes iterum Principes & opti- mates, qui hoſtiles partes ſecuti erant, petita ſup- pliciter venia, ad officiū & fidem rediēre. Rex diuina in ſe collata beneficia cum intueretur, in- finitas Deo gratias egit, & iſdem locis, anniuersarias

*Rex Clau-
dium in
regnum
reſtitutum.*

ſarias

farias hebdomadæ sacrosanctæ ferias admirabili pietate celebrauit: & quamdiu corpus Domini clausum in sepulcro asseruatū est, atratus & squalidus, veteri gentis more, nihil omnino gustauit, nec pedem è templi finibus extulit. idem à *Dei benedi-* regina matre & proceribus factum. Nec minore *ficiam* cerimonia studioque paschalia dein peracta mysteria: elutis per confessionem sordibus animarum, saluari coelestis agni cibo refectioni, summi atque infimi, ad extremum solemni cum pompa supplicationem obiēre. Neque ita multò post, Lusitanis, qui in bello hoc regis causa cæciderant, iusta funebria, & regalis apparatus exsequiæ, cum insigni regis erga pauperes benignitate, & piacularibus sacrificijs, & summa omnium ordinum frequentia persolutæ. Lusitani superstites, virtutis ergò donis ab rege donati, & liberaliter habiti illi qui apud illum manere voluerunt; adeo ut potior pars, visa regis in se beneuolentia, quod reliquum erat vitæ, vxoribus in Aethiopia acceptis, hic transegerit. Sed quæ deinde subsecuta sint, iam disquiramus.

CAPVT XV.

Pontifex, ad instantiam Ioannis III. Lusitaniae regis Ioannem Nonnium Soc. Iesu, Aethiopiae Patriarcham, & Andream Ouredum, Hierapolitanum, & Melchiorem Carnerium Nicenum Antistites constituit: atque hi cum decem alijs eiusdem Soc. Sacerdotibus in Aethiopiam mittuntur; littera B. P. Ignatij Loiola Societatis eiusdem fundatoris ad regem Claudium conscripta.

CVM expeditionum in Aethiopia à Lusitanis institutarum fama in Lusitaniā venisset, audiuiissetque Ioannes eius nominis tertius rex, Claudium regno, suorum opera restitutum,
P incre-

*Ioannes
III. con-
natur Ae-
thiopiam
sedi Apo-
stolica
ynire.*

incredibili fuit gaudio affectus; quamobrem singulari spem concipiens, fore; nihil ut sibi rex, infinitis Lusitaniæ nominibus deuinctus, denegaret, dignam ipsius virtute ac pietate suscepit actionem, Abyssini regis ac regni ad Catholicam fidem atque auctoritatem Sanctæ Rom. Ecclesiæ tandem aliquando adiungendi. nam etsi ab Dauide legatus ad summum Pontificem, obsequij venerationisq; præstandæ causa, profectus esset; tamē Abyssinæ gentis ac subditorum, in animis hærebant etiamnū Dioscori & Eutychetis penitus infixæ mendacia, & fuitiles Iudæorum superstitiones, quas à maioribus traditas vnà cū lacte nutricis imbibebant; quod nullus hætenus, qui ignorantia velamen tolleret, eò profectus esset. Tum verò, quod maxima locorum inter eos ac sedem Apostolicam esset distantia, ac Schismaticus Patriarcha Alexandrinus in proximo cōmoraretur, cuius illi Schismati adhærebant, & à quo suam hauserant hæresin; ab illo, uti prius, iuris diuini responsa ritusque sacrorum, & publicæ ac priuatæ carimonix petebantur, nullum ut prorsus discrimen religionis præsentis ac præteritæ hic foret, ac superior vnio, ore potius quàm re ipsa, inita videretur. Ipse etiā Claudius, Davidis in regnō successor, aliquem qui de nouo sedi Apostolicæ obedientiam præstaret, pro Christianorum Principum, dum ad regnū euehantur, more, mittere negligebat. Rex ergo Lusitaniæ secum dum agigaret, quænam potissimū vnionis procurandæ ac veræ fidei hic promulgandæ, impediendique, ne in posterum ab adulterino hæreticoq; Patriarcha Alexandrino responsa peterent, ratio esset; vna hæc tandem illi visa, si ab Romano ipso Pontifice legitimus ac recte sentiens Patriarcha ad gregem illum Domini regendum, & ad veræ fidei præscripta pascendum,

mitte-

mitteretur, & cum eo duo Episcopi, velut collegæ, qui eidem in munere Pontificio auxiliarentur, item spectata morum innocentia & doctrina, Theologi, qui concionibus, colloquijs, & frequenti disputatione, deceptis è mentibus letalium & pruarum opinionum & Iudaicarum superstitionum, quas habebant, fibras euellerent. Rebus igitur cù Iulio II I. per litteras, mox cùm illius successore Paulo I V. diu multumq; agitatis, adhibito ad cõsilium imprimis B. Ignatio Loiola, Soc. Iesu auctore, (quòd Ioannes aliquot illius Sacerdotes, quos Pontifex huc mitteret, deposceret) Tandem re maturius discussa, in id munus delecti è Soc. tredecim viri, sanctimonix non minus quàm eruditionis laude præstantes, accessere ex eadem Soc. probi aliquot vitæ quotidianæ adiutores. Neq; vlli, tam arduam in expeditione, tamq; laboriosum iter atq; longinquum, alacritas defuit; gaudebant potius & exultabant omnes aliquam sibi laborum pro Christi nomine tolerandorum, occasionem hic dari, tantum ob honorum Episcopaliū ac Patriarchaliū vocabulis & insignibus cuncti abhorrebant, & prouinciā suscipere impositam detrectabant: ac proinde nominatim appellati de ea re quidā, præcisè negauerunt. Ne verò tergiuersationi vltra esset locus ab summo Pontifice pro imperio, & sub inobediētix refractariæ poena, coactus, ad Aethiopicum Patriarchatū euehitur Ioannes Nōnius Barretus Lusitanus; qui nuper in Africa redimendis iuuandisq; captiuis insignē operā, summa cum prudentiæ & caritatis laudē nauauerat: Melchior Nonnij germanus frater, qui tum Indicā Soc. prouincialis regebat. Pontificis voluntati Nōnius tandē cessit. Huic Episcopali dignitate coadiutores, iisdemq; siquid & grauius accidisset, successores pro potestate insuper adiuncti duo eiusdem Soc. Melchior Camerius itē Lusitanus, & Andreas

*Pontifex
scribit.*

*12. è Soc.
Iesu desti-
gnati, qui
in Aethi-
opiam
proficiscā-
tur.*

*Ioan. Nō-
nius Bar-
retus Pa-
triarcha
Aethiopi-
Melchior
Camerius
Episc. Ni-
cenus, &
Andreas
Oniedus
Hierapo-
litanus.*

Opem ferre non posse videat, pro modulo ta-
men suo iunare, regiſque litteras eadem de
re perſcribere voluit. Re ergo maturè excuſſa, ra-
tiones, quibus Pontifex permotus hoſce in Ae-
thiopiam præſules mitteret, & alias quibuscum
ad Catholicæ & Romanæ Eccleſiæ vnionem am-
plectendam inducere conabatur, litteris commi-
ſit. Ceterum, quòd epiftola, tum ob rationum
quas depromit ſoliditatem, tum ob ſingularem
ſcribentis, quæ hic elucet, prudentiam, lectu di-
gniffima videatur; eam totam vt in plurimis re-
rum Indicarum ſcriptoribus legitur, viſum fuit
deſcribere. In hanc ergo ſententiam ſcripta:

*Maximo & Potentiſſimo Principi Claudio, Superio- Titulus
ris Aethiopia Imperatori, Regi Xoa, Caſata, Fati- Regis
garis, Angota, Barua, Baliganga, Adea, Vangua, Abyſſina-
Boyama, Amara, Bagamidri, Ambea, Baga, Trigri- rum.
mahontis, Sambaini, Bamagazi, & ad vſque Ae-
gyptum terra marique dominant.*

Domine mi in Domino noſtro I E S V Chri-
ſto; Gratia tuæ Celſitudini & ſalus & afflu-
entia donorum ſpiritualium à Domino
noſtro I E S V C H R I S T O. Sereniſſimus
Portugalliæ rex pro ea ſolicitudine ac zelo,
quem illi D E V S creator noſter ac Dominus
dedit gloriæ ſui nominis, & ſalutis animarum,
quæ vnigeniti eius filij pretioſo ſanguine ac vita
redemptæ ſunt; non ſemel oſtendit mihi per lit-
teras, pergratum ſibi fore, ſi è Religioſis noſtræ
minimæ Societatis, quam vocant Ieſu, duodecim
viros designarem, è quibus ille Patriarcham v-
num, duos coadiutores pariter & ſucceſſores eli-
geret. iſſdemque à ſummo Chriſti Domini noſtri
Vicario ſuppliciter peteret auctoritatem & ius,
quo iure ad ſuas quiſque partes ritè obeundas ipſi

*Littera B.
Ignatij
ad regem
Clandinum*

cum Sacerdotibus alijs in tuæ Celsitudinis regna transmitti possent. Ego pro eximijs, inter ceteros Christianos Principes, eiusdem Serenissimi Regis Portugalliæ meritis erga Societatem nostram vniuersam, nostraque vicissim omnium in illum obseruantia & pietate, feci quod iusserat: consultoque secutus numerum, qui Christi Do-

*Ad instā-*mini nostri Apostolorumque eius collegium re-
tiā Ioan.¹ ferret; præter ipsum Patriarcham, Sacerdotes du-
Lusitania odicem, supplementi ac velut seminarij causā, è
regis Xlt. corpore nostro cunctos excerpfi, qui subleuandas
*socios de-*iuuandasque animas, tuæ Celsitudinis imperio
ligit in additione subiectas, sese vitamque suam in om-
*Aethiopi-*nem laborem atque discrimen offerrent. Atque
*pium mit-*hoc libentius parui, quod præcipua quadam ala-
tendoq. critate sentio me, sociosque meos omnes ferri
 ad obsequium & cultum Celsitudinis tuæ. Haud
 immerito; quippe quæ inter tot circumfusas vn-
 dique nationes infidelium & hostium nominis
 Christiani, vestigijs maiorum suorum insistens,
 ad conseruandam ac promouendam Christi Domi-
 ni ac Dei nostri religionem ac gloriam diligenter
 incumbit. Quā ipsam ob causam optandū fuerat,
 uti, ad hæc tam recta Celsitudinis tuæ studia co-
 natuſque, subsidium accederet spiritualium

Legitima Patrum, quibus & legitima potestas ab hoc sanctæ
potestas sedis Apostolicæ fastigio deriuata, & fidei Christi-
& pura ane pura & sincera doctrina suppeteret, quæ nimirū
doctrina duæ sunt Clauēs illæ regni cælorū, quas Christus
sunt clauēs Dominus noster sancto Petro, & omnibus qui de-
*regni cæ-*inceps in eius erāt solio sessuri, promisit prius, de-
lorum. inde ipsa re tradidit, promisit tantummodo, cū ad
 eū dixit (ut legimus apud Matthæum) *Ego dico tibi,*
Mat. 18. *quia tu es Petrus, & super hanc petrā edificabo Eccle-*
sia mea, & tibi dabo clauēs regni cælorū, & quodcumq;
ligaueris super terram, erit ligatū & in cælis: & quod-

cum-

cumq; solueris super terram, erit solutum & in calis
 Tradidit ac promissa cōpleuit, cū post resurrectionem, antequam in cælū ascēderet, sciscitatus ex
 eo ter, referente Ioanne Euangelista, *Simon Ioannis* Ioan. 21.
diligis me plus his? subiūxit in singula respōsa, *pascere*
oues meas: cōmittens illi non partem aliquā ouium
 suarum, sed totum prorsus gregem, vniuersā cum
 plenitudine potestatis, ad alēdos vitali Christia-
 nā Religionis pabulo cunctos vbiq; fideles, eosdē.
 que ad cālestia sēpiterne Beatitudinis pascua per-
 ducendi. Ac ceteris quidem Apostolis auctoritatē
 Christus Dominus noster impertijt delegatā, ac
 veluti extra ordinem; at sancto Petro, eiusque suc-
 cessoribus, ordinariam dedit ac plenam, vti ab hoc
 summo pastore, tanquā à fonte, reliqui animarum
 pastores peterent, eidemq; acceptū ferrent; quid-
 quid omnino iuris ad suum quisq; munus ac regi-
 men, obtinerent. Quod olim adumbrasse per Isai-
 am videtur Dominus, cū de Eliacim loquens Pont.
 Ma x. *Et dabo, inquit, clauem domus David super hu-*
merū eius, & aperiet, & non erit qui claudat: & clau-
det, & non erit qui aperiat. quo videlicet typo figu-
 ratus est Petrus cuiusque successores, quibus datam
 integram potestatem declarant clauēs, consuetū
 vtiq; symbolum & insigne pleni atq; absoluti do-
 minij. Quę cum ita sint, Celsitudo tua gratias de-
 bet Deo, quod ipsa regnante, dignatus fuerit, istis
 nationibus mittere veros animarū pastores, qui à
 summo Pastore ac vicario, quem reliquit in ter-
 ris Iesus Christus omnē potestātē acceperūt. Neq;
 sine causa, patri auoq; tuę Celsitudinis displicebat
 sumi ab vrbe Alexādrīa Patriarchā: quippe sicuti
 diuulsū à corpore membrū, vitā à corpore nō ac-
 cipit; ita Aegyptius Patriarcha vbiq; degat, cū
 schismaticus sit, vitā gratiæ & pastoralē auctorita-
 tē, nec sibi recipit ipse, nec alteri valet impertire.

*Christus
 Petro e-
 iusque suc-
 cessoribus
 plenam
 Ecclesię
 potestātē
 dedit.*

Isaie 22.

*Ecclesia
vna est
nec plures
habere su-
periores
potest.*

Cant. 6.

Osee 1.

Gen. 7. 8.

Exod. 32.

3. Reg. 6.

Ecclesia namque Catholica vna tantum est in or-
be terrarum, neque fieri potest vt alia Rom. Pon-
tifici, alia pareat Alexandrino, Vti sponsus eius
Christus vnus est, sic sponsa illius vnica, de qua Sa-
lomon ait in Canticis ex persona Christi Domini;
Vna est columba mea. & Oseeas Propheta etiam sin-
gularius de hac re locutus, *Congregabũtur filij Isra-
el, & filij Iuda pariter, & ponent sibi caput vnũ,* & in
eamdem sententiam multò deinde post Ioannes
Euangelista, *Fiet inquit, vnum ouile, & vnus pastor,*
Vna erat quemadmodum in Genesi legimus, arca
Noë, extra quam nulla omnino salus, vnum taber-
naculum, quod fabricatus est Moses. Vnum Hero-
solymæ templum à Salomone conditum, quo in
templo sacrificare & adorare oportebat, Vna, cu-
ius iudicio staretur synagoga. Hæc nimirum om-
nia Ecclesiam denotabant, quæ vna est item; extra
quam nihil boni, Etenim qui cū eius corpore con-
iunctus non fuerit, nullũ à Christo capite recipiet
influxũ gratiæ viuificãtis animã, ac præparãtis ad
fælicitatẽ eternã, Huiusce vnitatis declarandæ cau-
sa contra quosdam hæreticos in symbolo canitur,
Credo Vnam sanctam Catholicã & Apostolicam
Ecclesiam; damnatusque à Cõsilijs error est, priua-
tas Ecclesias, seu Alexandrinam, Constantinopo-
litanam aut similes dari, quæ comuni omnium
capiti subiectæ non sint Pontifici Romano, ex quo
perpetua serie ab sancto vsque Petro (qui Christi
Domini iussu, vt à Domino Marcello marty-
re traditum est, Romanam elegit sedem, eamque
suo cruore sanciuit) perducti Romani Pontifices;
vicarij Christi citra controuersiam à tot ac tanta
sanctitate Doctõribus Latinis, Græcis omniumque
nationum habiti, ab sanctis Anachoretis, Episco-
pis & aliis Confessoribus adorati; tot signis atque
miraculis, tot denique Martyrum qui in hac fide
& vni-

*S. Petrus
Christi
iussu sedẽ
Romæ de-
legit, ac
sanguine
fusa sta-
bilivit.*

& vnione sanctæ Rom. Ecclesiæ vitā profudēre, testimonio comprobati sunt, Merito igitur, consentienti Episcoporum omnium voce, qui ad Chalcedonensem cōuenerāt Synodum, Papæ Leoni pariter acclamatum, *Sanctissimus, Apostolicus, vniuersalis*. Et in Constantiensi damnata est hæresis, negantium, super omnes & singulas omnium terrarum Ecclesias, primatū Romani Pontificis eminere. Ad quas tam disertas firmasque Patrum sanctiones, atque decreta, Concilij quoque Florentini, quod sub Eugenio IV. præter alias nationes, à Græcis etiam, Armenis, & Iacobitis tanto studio celebratum est, in hæc verba accessit auctoritas: *Definimus, sanctam Apostolicam sedem, & Pontificem Romanum, in vniuersum orbem tenere primatum, ac successorem esse Petri ac verum Christi vicarium, totiusq; Ecclesiæ caput, & omnium Christianorum Patrem & Doctorem existere: & ipsi in Beato Petro pascendi, regendi, gubernandi vniuersalem Ecclesiam, a Domino Iesu Christo potestatem plenam esse traditam.* Iure igitur Serenissimus Rex Dauid, tuæ Celsitudinis genitor, misso ad obsequium Romano Pontifici deferendū legato, sanctam hanc sedem omnium matrem ac principem agnouit. Cumque alia multa & præclara ipsius pariter & tuæ Celsitudinis acta numerentur; tum duo hæc eiusmodi sunt, vt eorum præstantiam nulla vnquam obscuratura videatur obliuio; ac proinde ab omnibus, qui sub isto viuunt imperio immortales auctori bonorum omnium Deo debentur gratiæ, pro tam singulari in eos beneficio, vestra duorum opera, industria, virtute collato: cum alter omnium primus se in illius potestate, qui Christi vices gerit in terris, perpetuo fore professus sit; alter item primus dictum ab eodem Christi vicario Patriarcham, verum ac legitimum sacrosanctæ

& vnione sanctæ Rom. Ecclesiæ vitâ profudère, testimonio comprobati sunt. Merito igitur, consentienti Episcoporum omnium voce, qui ad Chalcedonensem cōuenerāt Synodum, Papæ Leoni pariter acclamatum, *Sanctissimus, Apostolicus, vniuersalis*. Et in Constantiensi damnata est hæresis, negantium, super omnes & singulas omnium terrarum Ecclesias, primatum Romani Pontificis eminere. Ad quas tam disertas firmasque Patrum sanctiones, atque decreta, Concilij quoque Florentini, quod sub Eugenio IV. præter alias nationes, à Græcis etiam, Armenis, & Iacobitis tanto studio celebratum est, in hæc verba accessit auctoritas: *Definimus, sanctam Apostolicam sedem, & Pontificem Romanum, in vniuersum orbem tenere primatum, ac successorem esse Petri ac verum Christi vicarium, totiusq; Ecclesiæ caput, & omnium Christianorum Patrem & Doctorem existere: & ipsi in Beato Petro pascendi, regendi, gubernandi vniuersalem Ecclesiam, a Domino Iesu Christo potestatem plenam esse traditam.* Iure igitur Serenissimus Rex David, tuæ Celsitudinis genitor, misso ad obsequium Romano Pontifici deferendū legato, sanctam hanc sedem omnium matrem ac principem agnouit. Cumque alia multa & præclara ipsius pariter & tuæ Celsitudinis acta numerentur; tum duo hæc eiusmodi sunt, vt eorum præstantiam nulla vnquam obscuratura videatur obliuio; ac proinde ab omnibus, qui sub isto viuunt imperio immortales auctori bonorum omnium Deo debentur gratiæ, pro tam singulari in eos beneficio, vestra duorum opera, industria, virtute collato: cum alter omnium primus se in illius potestate, qui Christi vices gerit in terris, perpetuo fore professus sit; alter item primus dictum ab eodem Christi vicario Patriarcham, verum ac legitimum sacrosanctæ

- sedis huiusce filium, in sua regna perduxerit. Etenim si in magni cuiusdam beneficij loco habendū est, vt profectō est, insitos esse corpori mystico Ecclesiæ Catholicæ, quod à spiritu sancto viuificatur ac regitur, quā teste Euangelista, idē spiritus docet omnē veritatem, si eximium est munus, lucē sanæ doctrinæ intueri, & Ecclesiæ fundamētis insistere, quā Apostolus Thimotheo scribens domū Dei, columnā & firmamentum veritatis appellat, cui se promisit in æternū affore Christus Dominus; dū ait, *Ecce ego vobiscū sum vsq; ad consummationem sæculi*, vti apud Matthæum legere est; est sand cur sine fine gratulentur istæ nationes Deo Domino & conditori nostro, cuius prouidentia per tuam parentisque tui Celsitudinē, tanto illos bono dignata est. præsertim cū iure sperandū sit, ex hac ipsa conciliatione consensuq; fore, Christo Domino moderante, vt cum spiritualibus temporalia quq; incrementa, non sine dilatactione imperij tui, & hostium abiectione proueniāt. Sacerdotes qui mittūtur istuc, omnes quidē, sed præcipuē Patriarcha, coadiutoresq; & successores eius duo, spectata admodum virtute sunt, & nostra in Societate probati per omnia; ac propter illustrem charitatem, & exquisitam rectamq; doctrinā ad hoc tanti momenti opus adsciti, neque verò illis animus in idipsum aut alacritas deest, haud leuicōcepta fiduciā, labores suos ad Christi gloriā, ruq; Celsitudinis rem, animarū auxiliū, pari cū operæ pretio collocādī. Humanæ quippe salutis amor, illos & Christi Domini aliqua saltem ex parte imitandi exstimulat studium, qui cruciatus ac necē subiit volens ac libens, vti mortales ab æterna calamitate redimeret, aitq; per Euangelistam: *Ego sum pastor bonus; bonus pastor animā suā dat pro ouib. suis*: Hoc exēplo incitati Patriarcha & ceteri parati

rati veniūt, nō verbo duntaxat consilioq; & spiri-
tualibus adiumentis; sed ipsa morte si res ferat,
periclitantibus minus opitulari. Tua Celsitudo
quò interiorē illos ad consuetudinē ac familiari-
tatē admiserit, eò maiorē, vt spero, capiet in Dño
voluptatē. Iā verò quod pertinet ad fidē & pon-
dus eorū, quę ab ipsis vel publicē vel priuatim ex-
ponētur, nō ignorat Celsitudo tua, omniū (quate-
nus rite legati sunt) sed Patriarchę præcipuē di-
ctis, Apostolicę fidei pondus & auctoritatē inesse: *que illis sit adhuc-
da fides.*
ac perinde illis vt Ecclesię credi oportere, cuius
ab ipsis interpretanda sunt verba ac sententię. Et
quoniā Christi fideles cunctos Ecclesię firmiter
assentiri, eiusq; decretis obtemperare, & siquid e-
xistat ambiguū aut obscurū, eamdē cōsultare ne-
cesse est, non dubito, quin tua excellens pietas
publico edicto curatura sit in suis regnis, vt om-
nes omnium ordinū homines, tum Patriarchę i-
psius, tum eorū quos ille sibi substituer, dicta, præ-
cepta, responsa citra vllam dubitationem sequā-
tur. Constat ex Deuteronomio, de controuersijs
omnib. ac nodis ad synagogā Ecclesię prænuntiā *In rebus*
referri solitū: hinc illa quoq; Christi verba: *Super dubiis au-*
cathedrā Moysis sederunt scribę & Pharisei. idiplū *si aliudū*
in prouerbijis docet sapientia Salomonis, cū ait, *Ecclesię*
Ne dimittas præcepta matris tuę (ea est Ecclesię) & *est,*
alibi: *Ne trāsgrediaris terminos quos posuerūt patres* *Deut. 17.*
tui: ij sunt eiisdē Antistites. Deniq; tantū Ecclesię *Mat. 23.*
suę tribui ac deferri Dominus vult, vt per S. E- *Prou 1.*
uangelistā Lucā apertē denuntiet, *qui vos audit, me* *Prou. 23.*
audit, & qui vos spernit me spernit: & per S. Matth. *Mat. 17.*
Si Ecclesiā nō audierit. sit tibi sicut ethnicus & publi- *Gal. 2.*
canus. ex quo apparet, ne aures quidē præbēdas ijs
q. alienū quippiā à sēsu & interpretatione Catho-
licę Ecclesię attulerint. S. quoque Paulo in Epist.
ad Gal. idipsū præmonēte, cū ait, *si aliud angelus de*
calo vobis euāgelizauerit praterquā euāgelizauimus

vobis, anathema sit. Ad summam hoc idem sancti Doctores, Conciliorum canones, fidelium omnium consensus & consuetudo plane demonstrant. Ac vicissim Patriarchæ ac socijs pariter omnibus certum est fixumque, tuam Celsitudinem assiduo cultu submissione, atque etiam quo ad fas piumque ferat, indulgentia prosequi. Nos verò quotquot in hisce terris, è minima nostra societate retinemur, tua Celsitudo ad omne obsequium in Domino paratissimos habeat. Nostris quidem certè precibus, & sacrificijs, vti iam instituimus, Deo supplicare pergamus, vti regiam Celsitudinem tuam, regnumque illud amplissimum in sancto Christi famulatu conseruet; detque illi ita transire per bona temporalia, vt non amittat æterna. Idem ipse Deus ac Dominus noster, omnibus nobis, ad sanctissimam ipsius voluntatem & clarè cernendam & ritè exsequendam, perpetuum lumen ac vires pro sua infinita bonitate suppediet, Romæ. VII. Kal. Martias, M. D. L. V.

*Prouiso-
nes Roma
ad Patri-
archam
& Ep'sc.
Nicenum
misse.*

Hæ litteræ, quas ad Claudium perferret, Ioanni Nonnio Patriarchæ designato, qui tum in Lusitania commorabatur, cum Pontificijs diplomati-
bus, quibus eum Patriarcham creabat, plenariâ-
que potestatem dabat, ex sacro pallio Archiepi-
scopali, de more transmissæ, Melchiori quoque Ca-
merio, in Lusitania item commoranti, litteræ qui-
bus Episcopus Nicenus cõstituebatur, missæ, Cete-
ri decem Patres ex Italia in Lusitaniam, vnà cum
Andrea Oniedo Hierapolitano Antistite designa-
to, ac cum Collegij Neapolitani rectore, nauiga-
runt, Ceter Ignatius hos ex omnibus nationibus
selegerat, erant siquidem inter illos Itali, Belgæ,
Lusitani, & Hispani. Sed rei seriem
iam prosequamur.

(.)

CAP.

CAPVT XVI.

Duo Goa ad Regem Abyssinorum legati missi, qui Patriarchæ aduentum prænuntiarent: nauis quatres Patres in Aethiopiam profecturi vehebantur, naufragium passa; ipsi verò cum pluribus alijs in deserta quadam insula fame moriuntur.

Qui in Patriarchæ Aethiopici socios defecti erant Patres, ac varijs Europæ locis sparsim commorabantur, breui vnum in locum, superiorû iussu, conuenere; qui vero in Lusitania tum erant, eodem etiam sine tergiversatione confluxere. *Regis Ioannis libe-
ralitas.* Interim vero dum commodum nauigandi tempus expectarent, solitum regiæ munificentiae specimen editurus Ioannes Lusitaniæ rex, Patriarchæ & Episcopis, quibus in sacris, Pontificio ritu, peragendis vterentur, vestes, auro argentoque intextas parari, quin & reliquum sacrorum apparatus, instrumenta & vasa summa elegantia & arte frabrefieri iussit. Quo etiam dignior legatio videretur, & illustrior, declarauit è suis familiaribus primarium virum Fernandum Sofam, qui Patriarcham & alios in Abyssiam vsque, honoris causa, velut regius legatus deduceret. Dum Oly- *Franciscus
Berretus* sipone, omnia ad iter necessaria comparantur, Rex Francisco Barreto Indiæ Prætori scripsit, vt legatos *Indiæ pro-
rex.* aliquot ad Abyssinum regem præmitteret, qui Patriarcham, à sede Apostolica missum, & Sacerdotes alios breui adfuturos denunciarent viderentque quo illos esset animo excepturus, & quæ illius in reconciliationem regni totius, cum *Legatos in
Aethiopi-
am misit
regis Lusitaniæ no-
mine.* Ecclesia Catholica, esset propensio. Barretus regijs acceptis litteris, prudentem mox & cordatum virum Iacobum Diazium simul & Gonsaluum Rodericum Soc. Iesu, summæ virtutis & doctrinæ ad A-

byssinum regem destinavit ; cui imprimis in mandatis dedit, vt Lusitanos superstites, qui à Christophori Gamma clade in Aethiopia matrimonio contracto manserant, in rebus ad animæ salutem spectantibus, iuuaret, Sacramenta ijs confessionis & Eucharistiæ administraret, suiq; officij cōmoreret, quòd Cath. Sacerdotis copiā non haberent.

*Litterarū
regiarum
summa.*

Birenibus duabus Goa profecti , vnus mensis nauigatione, ad Arquicum Abyssinæ ditionis emporium, ex opposito Mazuæ Insulæ, quæ in sinu Arabico haud procul ab Aethiopia est, in regia statiuā, terrestri dierum aliquot itinere peruenērunt. Biduo post admissi ad colloquium, post mutuum salutationis officium, Regis Lusitani epistolam recitarunt, in qua erat, Quòd sese Claudius aui ac parentis exemplo, rectæ in Deum fidei & Catholicæ cōmunionis cupidum ostendisset, gratissimum id omnibus Christianis Principibus & sibi imprimis, ob singulārē in illū affectum, accidisse: atq; ob id summum Pontificē verum Ecclesiæ vniuersalis pastore ac ducē, salutis regiæ omniumq; subditorum cupidissimum, Patriarcham duosq; alios Antistites, simul & Sacerdotes nonnullos, virtutis nō minus quā sacre cognitionis laude præstantes selegisse, qui optimis eius studiis toto pectore deseruirent, sanctisq; votis quā maxime satisfacerent. Quamobrē se missurum anno proximo illos cū certo è familia sua viro; & confidere se, debita illos regē veneratione & iuxta sacra dignitatē excepturū, nec aurē modò salutariibus illorū monitis accōmodaturū, sed omni etiā ope auxilioq; illorū conatibus & studiis ad futurū. Litteris perlectis, quæ insuper in mandatis habebant, legati aperuere, multa quoq; à Lusitanis in quibus, qui adstabant, in eam sententiā ac Sacerdotum venturorum præconia dicta sunt.

Præuia hæc legatio, quā adornari voluerat rex,

pru-

prudenter admodum & consultò, vti rei declarauit exitus, fuit instituta. Abyssinus enim veluti oppressus, obducto vultu, sermone confuso, per-
 plexa quædã & incerta respondit; vt quid vellet,
 vix pateret ingenij mobilitate, vel improborũ suã-
 su immutatum haud dubiè cerneret. Modestè post
 hæc interrogatus, quid ita super vnione regni cum
 Ecclesia Romana ad Ioannẽ litteras vltro dedisset;
 reiecta in librariũ aut interpretem culpa, nutans &
 fluctuãs; se quidẽ fraterna in regẽ Lusitanũ volun-
 tate esse ac fore subiunxit; ceterum nihil sibi mi-
 nus in mentẽ venisse, quàm idcirco à maiorũ insti-
 tutis, ac tot sæculorũ spatio corroborata religione
 deficerẽ. Attamẽ P. Rodericius, ope fretus diuinã,
 captatisq; tẽporib⁹, Claudiũ omni ratione ad sani-
 tatẽ reuocare cõtendit; atq; ob id sæpius tũ cũ illo,
 tũ cũ alijs, illo præsente, disputauit; sed mirã in eo
 & religionis primorib⁹, Cõciliorũ, & Ecclesiasticę
 historiæ ac diuini & humani iuris inscitia depre-
 hendit. neque tamen astus aberat callidè vel im-
 primis ipse rex agere, occupationes modò simula-
 re, modò longis & alienis, & nõ inuenientib. exitũ
 sermonib. de industria tẽpus extrahere, nec ad rei
 caput venire velle: in angusto coarctatus, argu-
 menta palàm eludere, pleraq; inficiari, negata as-
 ferere; interdũ etiam infimi Sacerdotis qua sortẽ
 qua cõfidentia acerbè perstringere. At Rodericius
 cùm & malignos aditus, & iniquiorẽ indies corã
 disputandi cõditionẽ animaduertisset; librũ sub se
 ciuis interim operis ab se confectũ, & Chaldaicè
 (hac enim lingua in sacris vtuntur) vt cumque
 redditum, obtulit regi: quo libro cõfutatis Abyf-
 sinæ gentis erroribus, Ecclesiæ Romanæ summum
 inter omnes Ecclesias culmen ac potestatẽ apertè
 monstrabat. Librum hunc auidè rex perlegit, sed
 spiritu contradictionis transuersum abreptus.
 aduersus quem dum petita è varijs cœnobiorum
 regni bibliothecis volumina dies noctesq; per-

*Responsum**Regis**Claudii,**quo se**mutasse**sententiã**ostẽdebat,**Consilium**Rodericius**librum de**Abyssi-**nis erro-**ribus con-**scribit.*

*Aduentus**Abunæ**id est,**summi**Aethio-**pum An-**tistitis.**Roderici-**us Lusita-**nos in of-**ficio con-**firmat.*

lustrat, neq; tamen extricat quidquam; Sacerdotis nostri nomen celebrius eo reddidit: stupebant siquidem omnes, dum tantam Latini Sacerdotis doctrinam, & sacrarum litterarum cognitionem audiunt, nemo ut in vniuersa Aethiopia, qui libro ab illo conscripto responderet, reperiretur. Porro ni cautè suppressus liber fuisset, magnos procul dubiò concursus ad Ecclesiæ Romanæ gremium apparebat futuros. Auxit rumorem & nomen Rodericij, Abunæ, id est, summi Antistitis, aduentus. Cùm enim iam nuper ab Alexandrino Patriarcha ad hanc dignitatē euectus, in Aethiopiā aduenisset, hunc, ut cum Rodericio disputaret, libroque ab illo composito quàm citissimè responderet, rex rogauit. At ille rugosa fronte supercilijs adductis, nullum ait sibi cum hæreticis sermonis commercium esse; neque se illuc altercandi cum peregrinis, sed cleri ordinandi gratia destinatum, quin religionem vltro incussit regi, quòd impia scripta Sacerdotis Latini (ita librum Rodericij nuncupabat) legere esset ausus, idque ne in posterum faceret, minaciter vetuit. Inter huiusmodi frustrationes & moras sextus effluxerat mensis: cumque iam tempus Goam reuersionis instaret; Rodericius, per Sacramenta expiatis & confirmatis in officio Lusitanis, & excitatis ut vitæ melioris exemplo inter nationem peruersam velut faces ardentes collucerent, ab rege veniam abeundi cum Diazio petit: ac simul obsecrant, missis ambagibus promat, quid super aduentu Patriarchæ & Comitum, referri ad Indiæ Prætorē, à quo hanc ob causam missi erant, imperet. Ille, quod ad Patrum aduentum attineret, non abnue-re se, & permissurum se dixit, ut in regiam perueniant; quin & Arquici præsto fore è suis, qui descendentes exciperet, atque ad se cum fide curaq; perdu-

perduceret vbi coràm eos audisset, tum, se quid facto opus esset, deliberaturum. Simul dona quædam Iacobo Diazio dari, & auri decem vncias Rodericio in viaticum erogari iubet; sed hic accepta voluntate, regi que gratijs actis pecunias reijcit. Goam deinde repetentes, circa Zeilanam ^{Legati} orâ subita coorta procella euersa, nauigiû propè ^{Goam re-} demersit: sed, Deiparæ intercessione (vt fas est ^{heritur.} credere) cui votum, si euaderent, pronuntiarant, periculo erepti sunt. Cum enim prius euadendi nulla spes esset, inuocatâ Deiparæ ope, nullo nauarum ministerio, suam in sedem carina redijt; ita fluctus exhausti, qui inuersa nunc ingesti erant. Votiuâ dein casus effigies Goæ in eiusdê Dei matris templo, in rei testimonium, suspensa.

Sed ad Patriarcham eiusque comites redeat narratio: per eosdem enim dies, quibus in Aethiopiam Rodercius erat profectus, illi adhuc in Lusitania hærebant. quorum decem, è Lusitania præmissi, dum grauiora Patriarcham Olyssipone negotia morantur, ac varias, vt fit, in naues impositi, Mozambicum incolumes deuenêre. A Mozambico, dum vastum præcidunt oceanum, abducta ab ceterorum conspectu oneraria vna, per tenebras noctis in syrtim impingit, & colliditur. neque tumidum erat mare, & paruo interuallo breuia ignotam ad insulam, quæ inde propius ab erat, exigui admodum ambitus pertinebant. Eo tutius, dirupto alueo nautæ vectoresque, trecenta circiter capita, in terrâ effusi, verû squalidus & ^{Naufragi-} ab omni humano cultu desertus erat locus & ^{um vini} côm- ^{nanti.} meatu nautico, modicû quid vini, & cibaria, eaq; ferme vitata, supererant: vt, ni properè subueneretur, vltima necessitas ac dira fames instaret. Ex tēplo Nauarchus opis in proximo petendę gratia cû robustis viris triginta, scaphâ quę integra mās-

*Iter ad-
mirabile.*

*Tres Pa-
tres soc.
in insula
deserta
fame e-
moriuntur.*

rat cōscendit, sed ventorum & æstus impetu, quā breuissimo spatio temporis Goā peruenēre: & vastū hoc æquor exigua cymba traiecerunt, leucarū quingentarum, vti postea supputatum est, emensū spatium; quod incredibile cuiquam videatur, nisi ipsoꝝ nautarū testimonio compertū esset. Mox ē naufragij reliquiis raptim cōcinnato nauigio, quinquaginta ferme alij subsecuti, & eamdē viam institere. remansēre in deserto hoc loco ad ducentos, in ijs ē patrum numero tres, Gonsaluus, Paschalius, & Alphonfus Lupius. hi ab antecedentibus liberaliter, tū in scaphā, tū in ratē inuitati, præcipuā conditionē in communi discrimine recusarunt, afflictamque turbam & inopem, suis quoque officijs ac præsentia destitui, quo erāt caritatis ardore, passi non sunt. Maluēre siquidem ijs adesse, & ad laborum famisq; tolerantiam verbo tū suo ipsoꝝ exemplo animando, famē cum illis intermori, quam cum alijs discrimini se subducere. Egregium sanē caritatis exemplum. Eorum periculo & fame cognita Indiæ Prætor Barretus, confestim cū duabus celocibus eundem nauarchum, & nauclerij ordinis præfectum, quem gubernatorem maximum appellant, ad naufragos quærendos ac deportandos abire iussit. sed quamuis vterque summam adhiberet diligentiam, ferius venēre & irritō conatu. Ingens siquidem erat intervallum, æstus etiam aduersus, & insula quod minor esset, ad inuestigandum fuit obscurior. Non antē enim inuenti, quam inedia ad vnum omnes, etiam Patres quos diximus absorpti sunt. Eius rei nuntius Goā allatus moerore ciuitatem compleuit & præsertim socios: omnes tamen sortem illorum deprædicare, ac virtutum caritatisq; præconia celebrare, quod oblato ad salutem exitu, suis tamen ipsi capitibus aliena sola-

folatia prætulissent. Anno insequenti Ioannes Patriarcha, Andreas Ouiedus Episcopus Hierapolitanus, & Ioannes Mesquita, oratore Sosa, qui in Aethiopiam illos deduceret, inter nauigandū extincto, Goam deuehuntur incolumes. ibi cognito Claudium, contra opinionem & farmam, in Lusitania & Europa sparsam, in veterum erroribus & impia secessione, perstare, digna consultatione res visa; num Patriarcham, eiusque Coadiutores ac reliquos comites qui in oneris parte assumpti erant, hac rerum perturbatione, in Aethiopiā proficisci expediret. Adhibiti consultationi præter lectissimos è societate Patres, Ecclesiæ quoque Goanæ viri primarij, quorum omnium ea fuit sententia, nequā expedire, tantæ auctoritatis virum ac Patriarcham, seiunctæ à Catholico cætu genti præbere ad contumeliam & ludibrium os. verum ne prædamnata & abiecta repente per metum vel ignauiam tantæ expectationis apparatusque legatio, & si quid sapari in rege experienda posset, omissum vlla ex parte videretur; Andream Episcopum duobus tribusque cum socijs Abyssiam adire, regique persuadere, se ut cum sede Romana coniungeret, placuit: quibus fundamentis præiactis tum demum Patriarcham expedientius & commodius ad munus exequendum suum profecturum; illos vero, si perturbata forent omnia, & spes vnionis nulla, per litteras Patriarchæ prouinciam dissuasuros.

Quid vero fecerint iam exponamus.

(:.)

CAPVT XVII.

*Andreas Ouiedus Episcopus Hierapolitanus cum alijs
Soc. Patribus in Aethiopiam proficiscitur: Patri-
archa succedit quid hic fecerit &
passus sit.*

*Episcopus
Hierapo-
litanus in
Aethiopiã
tendit.*

*Quod ege-
rit in Aethiopia,
quin etiã
socii.*

DVram hanc & laboriosam prouinciam cum libentissimè Hierapolitanus Antistes suscepisset, Goa anni scæculi superioris LVII. cū aliquot Soc. Patribus in partē oneris assumptis, in Aethiopiam soluit: Mox vt appulerat, aditum ad regem quæsiuit, qui tum bello quodam distentus erat, ideoque commoda eius non tam cito dabatur alloquendi occasio. visum igitur fuit in castra proficisci. Benignè admodum à regetam ipse quàm socij excepti, qui Episcopo in primis insignem beneuolentiam ostendit. At ubi de reconciliatione cum Rom. Ecclesia agi cœptum, non minus se refractarij ac salutaria monita contemnentem quàm prius ostendit. Episcopus ne regem irritaret, dissimulauit initio, atque interim cum socijs, tum Lusitanis inquilinis tum Abyssinis iuuandis incumbit, hos ad Ecclesiæ Romanæ gremiũ reducere conando, illos vero officij Christiani commonendo. Nec irritò conatu: aliquot enim Abyssinos verbis familiarique colloquio à schismate & erroribus conuerterunt; quod ubi ad regē delatū esset, grauitè se conuersionem illam ferre declarauit. Episcopus facti rationē redditurus sui, regem adit, oratq; vt veritatis citius patefaciendæ gratia aliquot se cum doctissimis Monachorum aut alijs, de rebus cōtrouersis disputationes habere permittat. Annuat Claudius, sed inuitus, atq; idcirco re de die in diē distulit tergiuersatus, vt parū in disputationem hanc propendere illum facile cōstaret, sed precibus importuniorib, fatigatus tandem

dem assensum dedit. Episcopus ergo alijque
 Patres sæpius cùm doctõribus illius disceptan-
 tes, superiores semper manebât, Abyssinis ad ra-
 tiones & depróptas auctoritates penitus, magna
 sui cõfusione, obmutescen-
 tibus. Sed non idcirco
 manus dederunt. Episcopus hâc per-
 uicaciam mē-
 tis cū cerneret, totius tamē gentis salutē consultū
 vellet, libros aliquos aduersus Abyssinorū erro-
 res conscribendos diuulgandosque censuit, feli-
 citer hocce negotium succedebat, contumacē ta-
 men regis animū non inflexit; vbi enim yrgeri se
 ac cõnuinci cerneret, quid pectore foueret, tandē
 erupit. Mense enim Decembri anni salutis quin-
 quagesimi octaui supra sesquimillesimum, à ma-
 iorū superstitione discedere, aut Rom. obsequiū
 Pont. se nolle deferre, Episcopo palā declarauit.
 Sed delatā hactenus animaduersionē, (vt apparet)
 diuina tandē iustitia laxauit. Anno enim insequē-
 ti, mense Februario cum ad bellum proficiscere-
 tur, acie victus à perduellibus occubuit. Successit
 Adamas frater, olim desertor fidei Christianæ, vir
 inmanis ac ferus & Apostolicæ sedis hostis acer-
 timus. Hunc Episcopus ad regnū euectum vbi in-
 tellexisset, compellare & cõgratulari voluit. fa-
 cilē se initio ostendere Adamas, sed lupinā ferita-
 tem externa beneuolētiæ specie tegebat, vti de-
 clarauit breui. Cognita enim duos ē regnī proce-
 sibus ab Episcopo ad vnionē Catholicā reductos
 infremuit, & vtrumq; facti rationem corā se red-
 dere præcepit. Priusquā Regem adirent, Sacrum
 cõfessione præmissa, ex Episcopi manibus Eucha-
 ristix Sacramentum percipere. Blandis primum
 verbis illos ad pristinas superstitiones reducere
 rex conatus, cum operā se ludere, & blanditias si-
 mul minas ac terri-
 culamenta irrita videret, horū
 juniori, qui tum vigesimum agebat annum cerui-

*Pontifici
 Rom. obe-
 dire se
 nolle Clau-
 dium ait.*

*In bella
 victus oc-
 cumbit.
 Adamas
 fratri in
 regno suc-
 cedit.*

*Bellum
init aduer-
sus Clau-
dij filium*

*Conflictus
amissus.*

*Humili-
tas Patri-
archæ Io-
annis
Nonni
etque
obitus.*

ces præcidi imperavit ; alterum verò sexage-
narium in exilium egit. Horum omnium causam
unicam cum sciret, Episcopum & socios, carceri
illos mancipavit, dignis in eos animadversurus
suppliciis. Ac ne elaberentur, in castra secum bel-
lumq; victos raptavit, vbi pessimè habitī. Belli
huius hæc erat occasio, Claudio vitâ functo ple-
rique procerum, Turcæ cuiusdam Ducis, qui (vt
iactabant) omni ratione Claudij filium, veluti le-
gitimum regni hæredem ad sceptrum euehere cō-
tendebat, auxilio cornua erigentes, Adamæ bellū
intulere. Adamas nonnisi frater erat Claudij, & al-
ter filius, ideoque inter se de regno (pro more,
dum patrum cognatos minores excludere satagūt)
bello disceptarunt. Ad manus vbi ventum, fractus
succubuit Adamas, omnesque copię fusæ fuga-
tæque. Ipse, licet ægrè, fuga sibi consiluit. Turcæ
castra hostilia diripientes, omniaque peruagati,
tandem in Episcopum ac socios victos incidere.
Quorum calamitate ærumnaque cum non tan-
gerentur, ignem hospitio, omnibus prius hostili-
ter direptis, iniecerunt. Viui quidem easere in-
cendium, sed maxima cum rerum inopia post-
modum & ærumna conflictarunt. Sed in India in-
terim ad tempus peregrinemur, iterum mox in
Aethiopiâ reuersuri. Goæ interea, vita functo Io-
anne Albuquerque, cum ad illius Ecclesiæ guber-
nacula Ioannes Patriarcha, qui hic hæserat, voca-
retur, nunquam vt eam reciperet procurationem
adduci potuit. Suum ipse quin potius apicem,
quoad liceret, ad Societatis normam & in-
stituta submittens, Collegij rectori Goani vl-
trò se, quasi de communi Religiosorum fuisset
numero, subiecit.

Hanc itaque dignitatem cum suscipere abnu-
isset, & perpetuum abstinentiæ, Religionis, & in-
dustriæ

lustræ exemplum omnibus dedisset, Goæ diem
 extremum clausit. In defuncti locum Pontificis
 ussu, uti suo dictū loco, successit Episcopus Hie-
 rapolites Andreas Oniedus: cui dignitas hæc non
 honorem aut emolumentum, sed onus ac labo-
 rem peperit. Deus enim à clade Adamæ, Aethio-
 piam peruiacem, dum erroribus inhærens Eccle-
 siæ parère detrectat, flagellare dum vult, acerri-
 ma in eamdē flagella exeruit, ut enim bella con-
 tentionesq; inter Adamam, ac Claudij filium de re-
 gni successione tacitus præteream, quibus tamen
 potior regni pars direpta ac vastata fuit; (dum e-
 nim Turcarum arma vterque in auxilium euocat,
 permagna Aethiopiæ portio deuastata, Mahome-
 tano cessit imperio;) ipsi Galli (quo nomine ple-
 becula dicitur) ut militarem insolentiam extor-
 sionesq; à se propulsarent, conspiratione inita tu-
 multuati, turmatim in obuia quæq; cæco impetu
 debacchati sunt. cumque nemo furentibus resi-
 steret, regibus rem propriam & sceptri causam
 agentibus, in quæ Turcæ non seuerant, ipsorum
 feritas euerit. Hinc factum ut Lusitani, qui in
 Aethiopia iam domicilium fixerāt, omnem quam
 possidebant facultatem perdiderint, & stipendia,
 quibus vitam traherent, diuersorum Principum
 mereri coacti sint. atque ideo in varias dispersi
 sint prouincias. Lusitanorum penuria ac calami-
 tas, Patriarchæ aliorumque Patrum inopiæ causa
 fuit. Cum enim antè solis Lusitanorum eleemo-
 synis viuerent, atque hæc, ut dixi, discerent, ad
 summam, nemine suppeditante necessaria, reda-
 cti sunt inopiam. Aratrum & boues ad terram co-
 lendam emerunt, ut hordeo hinc collecto vitam
 miserè traherēt. suis ipsi manibus arabant, & terrā
 colebāt. Patriarchæ toga vix erat ad nuditatē te-
 gendā, nedū ad Patriarchalē splendore ostētandū.

Andr.

Oniedus

in Patri-

archatu

illi suc-

cessit.

Flagellat

Deus

Aethio-

piam,

Galli qui

sint.

Patres

arab.

Epistolam quoq; Sebastiano Lusitanæ regi exaraturus, integrum chartæ folium habere præ inopia non potuit, ut in quarta solij parte, veteri etiā educta libro, scribere coactus fuerit. Atque hæc libentissimè pertulêre, quòd meliora sperarent, & ne exiguum Catholicorum gregem, quem hætenus magno sudore tantisque periculis collegerant, pastore destitutum relinquerent.

*Lusitani
aliquot in
Aethiopiã
dum nauigant,
in Turcarum
manus incidunt.*

Dum hæc in Aethiopia agerentur, sedecim Lusitani, Goa in Aethiopiam soluerant, ut Aethiopice Ecclesiæ negotia perdiscerent; sed cum in Turcarum piratarum manus incidissent, plerisque interfectis, reliqui vulnerati, in seruitutem abrepti sunt, inter quos fuit Fulgentius Fereira Soc. Iesu Religiosus; hic in finibus Arabiæ in faucibus sinus Erythræi captus, Mazuam deductus est, & in remigum nauticorum numerum adlectus. Sed quòd animus vinculis non constringatur, sex interea ad Christi fidem adiungit, quorum tres Baptismo suscepto quamprimùm emoriebantur. Tandem Sebastiani regis liberalitate redemptus, in Hispaniam rediit, Indiam denuo si superiorum iussum accederet, repetiturus. His enim aliisque ærumnis generosi Christi pugiles non franguntur, sed ad maiores grauioresq; tolerandas animantur.

Sed ad Patriarcham nostrum reuertamur, Sebastianus ergo rex, illius sociorumq; ærumnas cum fama didicisset, casum viri miseratus, Pio V. Pont. per Oratorem suum Romæ, rei seriem, & illorum labores, ærumnas, ac paruam ob continua inter reges regno inhiantes prælia, vnionis spem significauit: nullum adhæc in vniuersa Iaponia Episcopum esse, qui Neophytos Confirmationis Sacramento insigniret, aut ordines Societatis hominibus nondum initiatis, aut Iaponiis illorum iam capacibus, conferret.

Orare

Orare se proinde, vt decreto suo Patriarcham
ethiopiæ in Iaponem transmitteret, vt cùm
ad Aethiopes non liceret, apud Iaponios Epi-
topi munia exerceret. Annuit piæ regis petiti-
o Pius, & tum oratoris regij, tum R. V. Francisci
orgiæ qui tum vniuersæ Societatis gubernacula
moderabatur, atque eadem Pontifici coràm, quæ
ex litteris, significarat, postulata concessit; Pa-
iarchæque, re maturè deliberata, prima oportu-
tate ex Aethiopia discedendi, & in Iaponem
ob causas prædictas transeundi breui Apostolico
transmisso, quod hic visum ascribere, faculta-
tem libens dedit.

*En. fratri Nostro Andrea Ouiedo Patriarchæ Ae-
thiopia.*

VEn. Frater Salutem, &c. Dilectissimi filij no-
stri Sebastiani Lusitanæ Regis litteris ora-
tu suo in Rom. curia agenti transmissis, ac plu-
morum fide dignorum relatu, didicimus; te à
e Apostolica in Aethiopiam destinatum, vt
indem ad veræ fidei cognitionem, & Ecclesiæ
atholicæ vnionem perduceres; exiguum admo-
um, post tot exactos menses, laboris & indu-
riæ, quod duræ ceruicis sit populus, & antiquis
erroribus mordicus adhæreat; fructum retulisse:
verò in Iaponem, aut Chinensem, quam vocant,
rouinciam, in quibus fides Christiana mirificè
propagatur, transmitteres, spem esse, vt laboris
& sudoris tui, auxiliante Deo, maiores & vberio-
res fructus referas; quod hic messis sit plurima,
& operarij pauci. Hæc itaque cùm audissimus, ac
maturè examinassimus, sortem tuam miserati
sumus, quod post tot exantlatos labores, ac
longinquum iter, parum admodum profeceris,

Q5

& in

& irritus fuerit omnis conatus. Et si verò labor ille tuus Aethiopiae non profuerit, animæ certè tuæ insignem præmiorum segetem parasti; ipsa namq; Dei bonitas, cuius nomine tot tantaq; discrimina & ærumnas subiisti, amplissimam tibi tandem aliquando tantæ pietatis, obedientiæ, caritatisque mercedem persoluet. Nos igitur nullo nostro merito, ad sedem Apostolicam euecti, & ex officio nostro omnium debitores constituti, quando Dei Optimi Maximi honos & gloria, animarumque salus agitur; amica ac fraternæ salutatione præmissa, de zelo & labore quem in animabus Christo lucrificandis impendis, sufficienter informati, in Domino te exhortamur, & in virtute Sanctæ obedientiæ, atque ad peccatorum remissionem mandamus, ut cum tuto & cōmodè iade discedere licuerit, lectis præsentibus, in Iaponem aut Chinam transmissurus, Aethiopiam relinquas, atque ibi iuxta S. Rom. Ecclesiæ, quæ omnium fidelium mater ac magistra, præscriptum, fidem Christi annunties. Omnia hic etiam Sacramenta administrabis, & plurimas Deo animas, illius opæ comitante, lucrificare studebis. Id quo fiat melius, auctoritate Apostolica nobis concessa, plenam tibi omnium Pontificalium functionum ibidem & alijs in locis, ad quæ fortè venturus es, exercendarum potestatem concedimus, modò proprius loco non sit Episcopus. Volumus adhæc, ut vbiuis locorum, omni potestate, iure, privilegijque, quæ tibi Beatæ recordationis Iulius III. & alij prædecessores nostri, pro sola Aethiopia concessere, utaris. Quin & eadem auctoritate Apostolica tecum dispensamus, ut sine vllō conscientiæ grauamine in prædictis regionibus commorari & habitare valeas, nisi fortè maior vniõis Aethiopiæ spes affulgeat. Quod etiā
sacrum

sacrum œcumenicum Concilium, Tridenti à Paulo III, indictum, à Iulio III, continuatum, & sub Pio IV, B. record. finitum, sedis huius auctoritate confirmatum sit, illius tibi exemplar vna cū his litteris transmittendum curauimus. Omni ipsum, spero, accipies reuerentia, & canones & præscripta illius ad fidem spectantia executioni prout poteris, mandare non grauaberis, Ceterum libenter & hilariter, in Dei honorem, animarum saluti incumbas, frater carissime; in quo diuinum tibi auxilium spero non defuturum; gnauiter ac sincere concessa cælitus talenta exerce, eaque ad maiorem illius gloriam impende. Denique vbi se dederit occasio, eorum quæ, Deo iuuante, in fidei augmento feceris, & omnium quæ nos scire interesse putabis, nos quamprimum certiores redde. Ipse Deus omnipotens, & Domini nostri Iesu Christi Pater incolumem te cōseruet, frater dilectissime, sospitem te ille in prædictas regiones perducatur, suamque tibi gratiam indies adaugeat; vt infideles ab idololatriæ caligine liberare, & ad veræ fidei lumen traducere valeas. Romæ, sub annulo Piscatoris Kal. Februarij, anno salutis M. D. L. XVI.

Antonius Floribellus Episcopus Abellinus.

BReue quidem hoc Pontificium Patriarcha accepit, sed ipso non est vsus; quod Pontifex quidem in Iaponem Chinamve eundi facultatem dedisset, nisi maior vnionis Aethiopicæ spes affulgeret. Patriarcha verò semper meliorem rerum statum dum sperat, in Aethiopia hærebat, accedebat adhuc, quod, etiamsi vellet, sine euidentissimo seruitutis, & in Mahometanorum manus incidendi periculo, exire non posset. quocirca in Aethiopia permansit, in qua tandem, multis exagitatæ ærûnis ac persecutionibus, demortuus est.

Fuit

*Patriar-
che vir-
tutes,*

*A diabo-
lo verbe-
ratur.*

*Rector
fuit Col-
legij Gan-
dientis &
Neapoli-
tani.*

Fuit sanè vir, dum viueret, virtutum studio eximius, & perfectionis sitientissimus: passionum mortificationi & austeritati corporali deditus, & præsertim orationi, cuius tanto tenebatur amore, vt cum de die, occupationibus quotidianis impeditus, eidem quantum volebat, vacare non posset, noctu, somni tempus minuendo, diurnum pensum persolueret, ac sæpe maximam noctis partem orando traduceret. Priusquam in Aethiopiam mitteretur, Gandiensis Collegij Rector fuerat: quo loco res illi contigit relatu digna. Quodam tempore, dum orationi vocabat, dæmon omnis boni, & præsertim sancti huius exercitij hostis acerrimus, Deo permittente (vti olim Iobum afflixit) tam grauitè illum verberibus excepit, vt opem sociorum innocare coactus fuerit. ad quem clamorèm exciti nonnulli quam celerissime aduolarunt, quid rerum ageretur ignari: at cubiculi foribus obseratis, nihil subesse inclamans, ad sua singulos dimisit. Haud ita multò post, cum Franciscò Borgia, Gandix duce, & Gandiensis Collegij fundatore, Romam, quò ille Societati ascriberetur, profectus est. Inde à B. Ignatio Neapolitano præficitur Collegio; hoc munere cum fungeretur, Hierapolitanus designatus fuit Episcopus, ac postea in Aethiopiam concessit, in qua tribus ac viginti annis, varijs exercitus laboribus, ærumnis & persecutionibus, quas Christi nomine pertulit, infractus permansit, atque opera planè miranda patrauit, vt è relationibus incolarum, quæ ab hinc paucis annis, opera & industria Sacerdotis Goani, cui nomen Melchior de Silua, qui anno Salutis M. D. XCVIII. in Aethiopiam concessit vt suo referemus loco, collectæ & concinnatæ sunt, colligere licebit. Cum enim à Goano Archiepiscopo in mandatis haberet, quæ

Patri-

Patriarcha Ouiedus ac socij in Abyssia & fecissent & tulissent, inquirere; coram tabellione ac testibus in debita ac legitima forma, informationem fecit, conuocatisque ijs, qui scire ac referre poterant, iurare prius singulos, veritatem se dicturos, coëgit. Legitimæ hæ informationes primò Goam à Sacerdote illi allatæ sunt, qui anno salutis M. D. CIV. Goam in natale solam redijt: atque inde in Lusitaniam transmissæ, vbi anno M. D. CVII. typis mandatæ sunt. Quòd verò eisdem plurima mirabilia contineantur, quorum ad nostrates nondum fama peruenit, hoc illa loco, proprio sanè & commodo, inferere visum fuit. Sequenti igitur capite de Patriarcha Ouiedo, ac deinde de socijs instituetur sermo.

CAPVT XVIII.

Vberior laborum, calamitatum, ac persecutionum, quas in Aethiopia, fidei Catholicae causa, Andreas Ouiedus Patriarcha pertulit, declaratio, deq. mirabilibus quæ tum viuus, cum mortuus patrauit, operibus.

TRadunt quidem in genere Informationes & examen prædictum, Patriarcham & alios Patres, missionis Aethiopiæ socios, sanctam semper & Apostolicam vitam traduxisse; nec apud Catholicos modò, verù etiam schismaticos & hæreticos, regem quin etiam ipsum, sanctitatis opinionem habuisse: semper eos cum in rege ac subditis, tum præsertim in monachis & religiosis indigenis ad fidem Romanam perducendis, gnauiter elaborasse: sæpe cum religioso-

rum

rum doctissimis versatissimisque disputationes instituisse, ac plurimos eorum coniectos Ecclesiæ Catholicæ, Apostolicæ, Romanæ adiunxisse; & hanc ob rem tum Patriarcham tum comites persecutiones, exilium, pauperiem; & varia incommoda, ut suo loco referetur, pertulisse.

Ceterum Patriarcham singillatim, Informationes erga pauperes benignissimum fuisse testantur: cui cum quodam tempore nonnisi vnicus quem erogaret bos, qui sacrorum apparatus dum oppida peragraret defererebat, superesset; hunc visâ plurimorum inopiâ mactatum, inter inopes distribuisse. is porro qui hoc ipsum suo confirmauit testimonio, cum bouem hunc ob Ecclesiæ vsum mactandum, negaret, mox audiuit à Patriarcha, Mactetur fili, & in egenos frustatim erogetur, crastina enim die Deus nobis prouidebit. Nec fefellit euentus. Abyssinus enim nobilis, licet schismaticus, insigni Patriarchæ liberalitate cōperta, & quâ opere bonæ hoc opus haberet, egregio hoc caritatis exemplo permotus, postridie ei septuaginta aut amplius panes, vaccas aliquot, ac cibaria varia misit; quibus & suæ & aliorum necessitati succurrebat.

Puella paupercula & parentibus orbata cum elocanda esset in matrimonium, cum in dotem quod daret nihil omnino suppeteret, mulam, quâ in longinquo itinere vehebatur, vtrò ei dedit: actum asino aut pedes iter conficiebat. Hanc ob liberalitatem ad tantam inopiam redactus est, ut & Alba qua in sacris vteretur, deesset. Quo comperto, Toparcha quidam Abyssinus bonam ei telæ linæ partem dono dedit, plurimas ex hac confecit Albas, reliquias in egenos distribuit.

Quamuis initio Catholici ac schismatici, imo & ex procëribus regni plerique; multum ei auri

ac ve-

ac vestes plurimas darent; vix tamen horum quidpiam in suum seruauit vsum, sed in pauperes mox omnia dispertijt. Toto hoc vitæ tempore obseruauit. sæpe etiam postquam sibi data in miseros erogasset, pedes pagos etiam bidui aut tridui distantes itinere oberrabat, stipem aliquam in illorum necessitatem quæritando. Cumque collecta in humeros ipse suos sustulisset, gaudens ad inopes reuertebatur, quo illorum & mentem & corpus pasceret ac solaretur. Quadam die dum ad emendicandum proficisceretur, in plures Elephantos siluestres incidit, à quibus dum se dilaniandum putat, Dei ope præsentissimo, ereptus est discrimini, vti & alias sæpe, vt breui narrabitur.

Ipsa verò in ægros humanitas nihilo fuit minor, vt quâ hic subnectim⁹ historiâ, faciet manifestius.

Abyssinus hæreticus grauissimo ægrotabat morbo, eoque non modò pestilenti, sed etiam tetro, nemo vt ei adesse dignaretur, & omnes eum etiam noti desererent. Hoc comperto Patriarcha, solita sua caritate nullum periculum veritus, ægri domum adit intrepidus, cibos ei porrigit, cubiculum euerrat, & tanta diligentia ac sollicitudine sordidos & vlcerosos eluit pânos, quanta diligentissimus ac fidissimus famulus. Abyssinus hanc Patriarchæ caritatem demiratus, pânos ei iurauit errores, & fidei Catholicæ nomen dedit.

Cibus communis ei erat, panis quidam è semine amarissimo confici solitus, quo pauperrimi quique in Aethiopia victitant. Cùm verò locustarum pestis omne hoc semen (præ copia enim arborum rami fatiscientes rumpebantur) deuastaret; omnes ad eum agricolæ è vicinia confluxerent, orantes vt suis ad Deum precibus pestem auerteret. Patriarcha populi casum miseratus, cum Catholicis ad templum Deum oraturus cōcessit;

recita-

recitatisque Deiparæ ac Sanctorum quas vocant Litanijs, templo egressi, locustas emortuas & arefactas reperiunt. Hoc magnam ei apud Catholicos & schismaticos sanctitatis opinionem peperit: sed quod iam referemus, quàm maximè.

In pago Fremona cùm commoraretur, Catholici Turcarum & Gallorum (quorum supra mentio facta) qui omnia circumquaque rapinis & incendijs delebant, & obuios quosque trucidabant, incursum metuentes, ad Patriarcham, velut ad pastorem, opis petendæ gratia, confugerunt; vix esse tutum hic subsistere dictitant, & quò potissimum fugiant, se nescire. Bono eos animo Patriarcha iubet esse, in Deum spem coniicerent: ac deinde sacrum Missæ officium Deo pro præsentis gregis necessitate oblaturus, ad templum perrexit, Deum obsecrans, vt quid hic agendum esset, aperire dignaretur. Inter sacrificandum vox ad eum delata, Fremona sospes erit; qua voce significare Dominus voluit, hunc ab inimicorum impetu locum tutum fore. Sacris peractis edicit, nemo vt locum aliò fugiturus deserat, quòd hic alijs tutior esset futurus: nec euentu caruit prædictio. Saraceni enim & Galli, omnibus circumsecus denastatis, cùm si recto processissent itinere, hic transeundem fuisset, deflecentes à via regia, Fremonam quamuis in loco plano constitutam, & licet vix semi abessent lenca, sine vlllo prorsus maleficio præteriêre. At famuli sui precibus gregem hunc Dominus protexit, qui grauissimam alioquin cladem passus esset.

Plurimos Horum aliorumque operum, fama cùm per
Abyssi- vniversam Aethiopiam spargeretur, multi ad il-
mos ad lum indigenæ, vt Catholica imbuerentur fide,
fidem confluxêre, adeò vt plurimi Abyssinorum ac præ-
conuertit. fertim monachorum, illius operâ ad Ecclesiæ Catho-
 tholi-

tholicæ gremium redierunt. Quo cognito eum ad se rex euocatum, grauissimè corripuit; Annon inquit, tibi sufficiat, quòd in mea ditione te, vt Lusitanorum tuorum curam habeas, tolerem, nisi etiam monachos ac subditos meos vniuersos peruersæ tuæ doctrinæ veneno inficias? anne turbarum concitandarum, & legum institutorumque patriorum à tot iam sæculis obseruatorum, immutandorum ergò, in regnum meum venisti? Quamobrem omne tibi cum subditis meis interdico commercium; ac cum tuis te Lusitanis agere duntaxat cupio: sin minus, meritis in te supplicij animaduertam. Patriarcha liberrimè respondens, suo se fungi dixit officio, & etiam cum vitæ periculo fidem se veram annuntiaturum, ait ijs, qui eiusdem desiderio tenerentur. In rabiem libera hæc responsio regem agere videbatur, & va- *Rex eum*
rijs in eum exoneratis calumnijs seductorem, im- *persequi-*
postorem, nugiendum, ac veræ religionis ni- *tur.*
scium penitus, per contumeliam illum nominauit. Denique (vt testis deposuit) adeò rabie exarsit, vt violentas in eum manus iecerit, & vestem præ indignatione lacerarit. Sed astantes optimates regem continuere, non esse regium dicentes, extraneum Sacerdotè tam indignis tractare modis, cessit igitur bene consulentibus. Sed in exilium vnà cum P. Francisco Lopesio Patriarcham *In exiliū*
in confragosos & steriles montes, vt vix à quo- *relegatus.*
quam inhabitentur aut colantur, relegauit; ac sub vitæ periculo ne inde pedem efferrent, inhibuit. Vt verò grauius eos affligeret, calicem quo in sacris utebantur, ijs abstulit, tam salutaris eos Sacramenti solatio etiam priuare dum vult. In hoc exilio Patriarcha & socius non cum fame modò, siti, frigore ac calore, sed & alijs incòmodis & ærumnis confecti sunt. nam quidquid ad

*A nobili
matrona
inuisitur.*

vitam trahendam necessarium videbatur, pene illis deerat, & in assiduo versabantur periculo, ne à latronibus, qui hisce in montibus latitabant, iugularentur. In pastorale se tugurium nocturecipientebant, & saxa cervicalis ac strati erant loco. Misero hoc modo septimestre aut amplius vitam tolerarunt. Interim nobilis quædam matrona regi sanguine iuncta, ad quam sterilis hic locus spectabat, illos inuisit: cui, casam intranti ingens quoddam lumen, solari simile apparuit: quæ incognito illo splendore perculsa, abiit, illis non salutatis; sed tam præclaram de illorum sanctimonia ac virtutibus opinionem concepit, ut regi supplicarit, hoc ut loco illos educeret, & in alium habitationi idoneum mitteret. Postulatis æquissimis rex annuit; sed loci ad quem se reciperent habitatores, pauperculis commeatum ac victui necessaria præbere noluit, ut brutorum instar radicibus & herbis agrëstibus victitarent.

Alius testis qui aderat, dum rex illos in exilium pelleret, eosque semper est comitatus, testatus insuper est omnium, dum rex ad se Patriarcham evocaret, opinionem fuisse, in mortem eius, regem conspirasse, & postquam eum traditorem, impostoremque dixisset, docereque suos voluisset, fore ut ei ceruices præcideret; Patriarcham verò, ubi respondit non destitutum se, etiam iam iam occidendum & leonibus obiectandum, ut ad mortem se paratissimum ostenderet, pallium abiecis-
se, & solo amictum roqueto, manibus & oculis in cælum sublatis, vitam Deo suam obtulisse: regem autem ira feruentem dixisse: Martyr quidem esse iam velis, & manibus meis occumbere, sed a page hinc; ac tam in exilium illum relegasse. Interim verò dum Patriarcha ac socius abessent, regem omnes qui Catholicam fidem amplexi erant, cõ-
prehē-

prehendi iussisse, & acerrimè correptis, mortem intentasse, ni ad pristinum errorem redirent. Horum nonnullos magna animi constantia respondisse, sanguinem se malle ac vitam profundere, quàm errores pristinos suscipere. Regem porro indignantem leonibus illos, etiam se inspectore (adérant enim quatuor aut quinque leones in eam rem parati) obijciendos præcepisse. Dictum, factum. At visum Deo primitiue Ecclesiæ miracula hic renouare. Leones quippe, licet ferocissimi, nullum ijs damnum intulerunt, sed feritate positâ, generosos Christi athletas aggredi non sunt ausi. Quo viso miraculo rex & spectatores omnes non parum perculsi sunt. Afferuit hoc testis, qui se his omnibus interfuisse iurauit. Rex idcirco morte illos afficeret tunc noluit, sed vnâ cum Patriarcha & Francisco Lopesio multauit exilio. Ceterum generosi Christi Confessores, cum lati & gaudentes ad exilij locum proficiscerentur, in medio itinere, deficiente cōmeatu, famem acerrimam passi sunt, vt plurimos vires defecerint. Ad hanc extremitatem redacti, in fluminis latissimi ripa vnâ cum pastore suo consedère, qui gregis exigui necessitatem Deo precibus quàm enixissimè commendauit. Non minor illius apud Deum oratio, quàm Gregorij cognomento Thaumaturgi, id est, mirabiliū patris, qui precibus suis lacum contentionis fraternæ causam fecit arefcere, fuit efficacix. Hic enim Dominus, quò famulorū succurreret inopiæ, Patriarchæ rogatu, magnum hoc flumen subito arefecit, vt in medio illius alueo plurimi apparuerint pisces, quibus nō modò præsentem pepulerunt famē, sed & multos secū asportarunt, multis quos habebāt, impositos, Deo ob tam singulare beneficium gratias agentes. Iterum coiuuit flumen, & illi hilares coeptum sunt iter profecuti, spe certissima concepta, Deum illis

*In exiliū
mittuntur
Catholici.*

*Insigne
miraculū.*

*Flumen
exsiccatur
& iterū
aque co-
iunt.*

in exilio non defuturum. Quod magno illis intolerandis exilij incommodis, adiuumento fuit, donec septimo vel octavo demum post mense reuocarentur. Huic miraculo interfuit is, qui hoc ipsum iuramento suo confirmauit; cum enim minister regius foret, in exilij locum illos deducere in mandatis habebat.

*Alia Patriarcha
persecutio*

Regis ira.

*Patriarcham clā
necari iubet.*

*Patriarcham ite-
rū & Lu-
sitānos in
exilium
mittit.*

Alio item tempore Patriarcham ad se euocatū rex, postquam contumeliosè excepisset, caput ei se præcisurum comminatus est, ni à docendis subditis desisteret. At Patriarcha, qui morte huiusmodi nihil habebat antiquius, decussatis ante pectus brachijs, caput inclinauit, paratissimum se ac promptissimum ad mortem excipiendum ostendens. Rex autem efferascens ensē eduxit, sublataque in ictum dextra, ante quam dimitteret, ensis manu excidit; quo miraculo rex & omnes adstantes (è quorum numero fuit, qui hoc ipsum testimonio confirmauit suo) non parum obstupere. Regina verò quæ aderat, confestim se solio proripit, & Patriarcham amplectitur, regis illum furori ereptura, ac modestissimè maritum corripiens, esse negauit regium, in tam singularem tamque eximium virum sic efferascere. Nihil ille Reginae verbis factus mansuetior, Patriarchæ ut ocyus se inde proriperet, indixit, clāculoque imperauit, ut de medio tolleretur. & sublatus fuisset, ni Abyssini proceres, schismatici licet, fuissent impedimento. Cū enim magni ab illis viri sanctitas fieret, clam ei opem auxiliumque præstabant, dumque grauius in eum rex animaduertebat, tum illi adesse benignius, & munificentia, illius inopiam subleuare feruentius. Quin & alios postea rex, postquam acriter illum corripuisset quod suorum nonnullos veræ fidei afferuisset, vniuerso illi regno interdixit, ac Lusitanos secūm

cum omnes, vxoribus & filiis vt in seruitutem ab-
 riperentur, reliētis, traheret mādauit. Iussis obtē-
 peratum est, & in remotissimam regionem exules
 profecti sunt, in qua varias ærumnas & summam
 inopiam experti sunt. At deinde reuocati, Patri-
 archa & Franciscus Lopezius, regem tum in ca-
 stris agentem, & bello aduersus perduellem quē-
 dam præfectum suscepto occupatum adiēre. In ca-
 stra cūm peruentum est, reliquos hīc Soc Patres
 qui huc & illuc etiam dispersi fuerant, repererūt,
 quorum aspectu & repentino occusu mirificè sunt
 recreati. Agebant inter se de exilij ærumnis, & ec-
 ce hostilis exercitus, factio in regia castra impetu,
 in fugam omnes egit, adeo vt iterum à se inuicem
 disiuncti sint. At Patriarcha vnà cum Francisco
 Lopesio, & alio quodam reliquorum Patrum co-
 mite, loco non cessit; quibuscum tum pro se tum
 socijs huc illucque dispersis Deum orare cœpit.
 Quamuis autem in patulo versarentur loco, sola
 Dei ope armati & communiti; hostis tamen in-
 obuia quæque debacchatus ac furens, numquam
 eos accessit, tametsi vix sexaginta abesset passibus
 singulari Dei protectioni, hocce miraculum vir
 ille qui aderat, & hoc deinde testatus est, ascripsit;
 dum hostiles oculos præstinguit, vt videntes non
 viderent. Finita iam oratione & hostibus ad sua
 receptis, Patriarcha Lopesio ait, Viuunt Deo laus,
 etiamnum Patres nostri, quamuis hostilem in po-
 testatem venerint, sed sospites euadent, pro ijs
 dumtaxat Deum obsecremus; quod ipsū & al-
 teri socio mox dixit. Nec euētu caruit prædictio.
 Reliqui siquidem Patres à Turcis capti & vestibus
 nudati & indignissimè habiti sunt; sed ducis cu-
 iusdam Christiani, qui hostiles partes tuebatur, Turcis ca-
 ope tandē in libertatem sunt restituti; cūm enim
 à Bassa Turcicarum copiarum ductore eosdē pe-
 xati sunt.

*Miracu-
 losè di-
 scri mine
 eripiuntur.*

*Patres à
 Turcis ca-
 ope tandē
 in libertatem
 sunt restituti.*

*Patriarcha mulam
perdidit.*

Et recuperat.

*Raptorem
amicum
expertum
est.*

tiuisset, sine vlllo negotio obtinuit, qui mox liberos abire permisit. Patriarcha verò cum pro Patribus captiuis Denm esset precatus, mulam conscendit, Lusitanos regias partes sequentes aditurus: incidit in Abyssinum militem, sed hostilis exercitus, à quo mula abducta est. Patriarcha damnum hoc parum moratus, iter cœptum profecutus est, singulares Deo ob immissum damnum gratias agens, socium verò itineris hac iactura irritatum, Patriarcha benignè affatus ait, Desine fili, desine, nihil hoc est. In Lusitanorum receptaculum cum venisset, paulò post Patres qui Christiani ducis opera Sarracenorum manus euaserant, eòdem appulere. Quàm incredibili affecti vtrimq; sint gaudio dici vix potest. alter alteri, quas passi erant calamitates, enarrabat, è quarum narratione incredibilem capiebant voluptatem, interim Abyssinus miles, qui Patriarchæ mulam abduxerat, citato aduolat cursu eandem redditurus; atque vt illius constat testimonio, hanc ob causam. mulam enim domum cum aduexisset, mox vxor & vtraq; proles subito exstincta est. cumque Dei punitione ob iniuriam Patriarchæ irrogatam, hoc sibi aduenisse suspicaretur, territus, eandem quàm citissimè reddere studuit; & Patriarchæ pedibus aduolutus supplex commissi veniam petijt, vtq; Deum sibi, ne eandem pœnam subiret, propitium redderet, obsecrauit. Tum Patriarcha insigni caritate æstuans, Ire metuas, inquit, fili mi, & virum solatus ad suos remisit. Miles hic deinde semper singulari Patriarcham honore ac beneuolentia est profecutus, & quoties eum adiret (adibat autem frequentissimè) munusculo semper aliquo donabat. Quoniam huc deuenit narratio, simile quid hic vñ addere. Patriarcham rex captiuum abduci iussit.

ei iufferat, is verò qui ducebat, laboris aliquam ab eo mercedem postulauit: cumque Patriarchæ præter stolam ac superpelliceum nihil ad manum esset, & eadem quòd in sacris peragendis eis vteretur, dare nollet, listor vi abstulit. Patienter tulit iniuriam Patriarcha, ac nullo indignationis signo edito, sed oculis dumtaxat ad cælum subleuatis ait, Ah Domine, ah Domine. Discefferat iam listor, & vix semileucam confecerat, quin quàm celerrimè ad Patriarcham reuersus, stolam ac superpelliceum tacitus reddidit; quid repente virum multarit nescitur hactenus. Redditis enim his exuijs, eadem qua venerat celeritate, abiit, cui quid factum, nemo sciuit; nam à parentibus & amicis quàm diligentissimè inuestigatus, quadraginta iam elapsis annis, postmodum non comparuit.

Alim ei stolam ac superpelliceum abstulit.

Sed, nescitur quam ob rem reddidit.

Tanti porro apud Aethiopas, etiam hæreticos, sanctitas Patriarchiæ habita est, vt veteribus illi anachoretis compararint; vnde regis patruus fidei se quam docebat accepturum cum alijs plurimis dicebat, nisi necem à Rege omnibus intentatam metuerent: magno quoque apud monachos indigenas in honore erat, & præsertim apud vnũ, qui permagni ab Abyssinis fiebat. Cùm enim Mahometani opidum obsedissent, in quo Patriarcha tum versabatur, per Lusitanum ciuibz nuntiari iussit, ne Mahometanos metuerent, viderent modò, ne inde Patriarcha elaberetur; nefas enim esse metuere eos, quibuscum vir tam eximius & sanctus egerat. Et sanè nihil hic locus detrimenti est passus.

Que fuerit hæreticorum de Patriarcha opinio.

Cùm distributis omnibus in egenos, in summa inopia versaretur, monachus, cuius magna apud regem erat auctoritas, nobilem quemdam Abyssinum adiij, dicēs, Sanctus haud dubiè vir est Pater

*Liberali-
tas nobilis
Abyssini.*

hic, illiusque meritis vniuersæ regionis salutem niti crediderim. Opitulare igitur indigenti, & eleemosynam eroga summam rerum penuria laboranti. Nobilis itaque plurimos ei boues ac vaccas, & magnam panni copiam Patriarchæ trāsmisit, itaque tum suæ tum aliorum paupertati prospexit. Nec hic letit Abyssini munificentia; sæpe enim postea maxima ei minera transmisit, nullam ab eo mercedem, aut, vt aiebat, eleemosynam, quàm preces postulans. cuius cū mortem didicisset, manu faciem regens, Patriarcha, inquit, mortuus est, vñ igitur nobis: sine illo enim quid sumus? quasi suis ille precibus vniuersum regnum fulciret ac tueretur.

*Somnium
faustum.*

Alius testatus est, se, etiamnum hæreticum, & triginta dierum itinere à Patriarcha distantem, secundum quietem vidisse, illum cum socio, & ab illis sibi potum in calice propinatum; quod ipse somnium postridie suis narrauit. Sed cū biennio post negotiorum causa venisset ad opidum, vbi tum Patriarcha cum socio, quem in somnis ille viderat, Melchior Fernandez, commorabatur, & vtrique in via occurrisset, agnouit ipsissimos esse, quos inter dormiendum ante biennium viderat: adiit, somnium narrauit, & vt se quæ fidei Catholicæ erant edocerent, orauit. Sanctæ petitioni acquieuerunt Patres, & in Ecclesiæ illum gremium admisere, à quo deinde non deflexit.

*Miraculo-
sa libera-
tio.*

Idem de se ipso narrauit, cū in Turcarum manus incidisset, & fidem abiurare cogeretur, pileum se nocturnum Patriarchæ misisse, & perlatorem illius significasse, illius se preces intercessionemque deposcere, quò Turcarum manus effugere posset, à quibus ad fidei abiurationem pelliceretur; porro cōfidere se certissimè, captiuitate breui

breui soluendum, modò Patriarcha suam apud Deum causam ageret. Vti etiam factum est, sed ratione admirabili: cum enim de nocte fugam mercator hic capefferet, sinum maris largissimū, natandi ignarus, ingressus est, eumque nando traiecit: Dei siquidem auxilio fretus & de Patriarchæ precibus bene confidens, rem cum suscepisset, feliciter ad exitum perduxit; quamobrem suis iam restitutus, Patriarcham adiit ob tā singulare beneficium, quod illius sibi precibus collatum credebat, gratias acturus.

Eximius hic vir è vitæ huius ergastulo ad immortalem transijt, anno M.D.LX XIX. in septembri, mortis causam dedit lithiasis, quæ semper grauissimè eum affligebat, sed quam sine vlla animi perturbatione pertulit. Hinc cum quodam tempore ab amicis visitaretur, quando acerbissimis torminibus angebatur, illique querulos eiulatus, quos dolores illi causabantur, audirent, viri fortem miserati, dicebant alter alteri, satius foret hac vita defunctum esse, quam huiusmodi diuexari cruciatibus. Sed generosus Christi athleta, dum sciret, quantum ad vitæ immortalis acquisitionem, momenti, mortalis huius dolores adferant, Nequaquam, inquit, charissimi; si quod enim hic Deo obsequium præstare queam; diutius miseram & ærumnosam hanc vitam etiam in maioribus cruciatibus trahere paratus sum. A morte maior de illius sanctitate apud homines fuit opinio; adeò vt Abyssini, dum solenne ac grauissimi momenti iuramentum præstandum est, tumultum illius iuraturi adeant, vti Europæi plurimi tacto S. Antonij brachio. Thus etiam sepius ibidem adolent, frumentum & alia offerunt, eiusque precibus, quasi iam certò gloria æterna perfruētis se commendant. Argent hanc

Sepulchri illius terra morbidis medetur. populi fidem plurima, quæ illius intercessione sibi cælitus dari credunt beneficia. Plurimis namq; morbidis pulvis sepulcro illius eductus sanitatem attulit: imprimis matronæ regio prognatæ stemmate; hæc enim cum grauissimè ægrotaret, sepulchralis terræ paululum sibi afferri iussit, quâ aquæ immistam postquam bibisset, sanitati est restituta. Puella etiam, grauitè ex pede laborans, ut omnis chirurgorum post acerbissimos cruciatus, irrita foret industria, ubi puluisculum hunc plagæ applicuisset, nullum amplius dolorem sensit. Quin & alij permulti hinc amissam sanitatem recuperarunt. Puerperæ quoque plurimæ dum præ dolorum vehementia in mortis versarentur discrimine, & Patriarchæ opem exposcerent, aut aquæ immistum sepulchri illius puluerem biberent, facilem sunt partum consecutæ.

Puerperis quoque.

Iuratus quidam testimonio suo asseruit, se, dum in latere grauitè saucius, nulla sua arte (erat enim medicus) curari posse, audiuisse vocem in somnis dicentem: Cur tot malagmata & medicamenta vulneri tuo nequidquam adhibes? S. Patriarchæ sepulcrum adi, & sanitati breui restituëris. Somno excitatus, manè sine mora sepulcrum adiit, & pulnere sancto, singulari fide vulnèri applicito, viribus est restitutus.

Vulnèri item grauissimo.

Idem confirmauit, se, dum à rege euocatus, in Turcarum manus incidisset ab iisq; arcu inclusus & cõpedibus constrictus, postridie palo destinaretur, dũ horribile hoc mortis genus exhorrescit, mortui Patriarchæ precibus se commendasse, quò illius patrociniò tã præsentis eriperetur periculo. Apparētē sibi de nocte Patriarchā clausis fenestris ac ianuis carceris, è terra se sustulisse dicēdo, Baylu Georgi (erat hoc nomē victo) noli metuere: non enim iam morieris, quo dicto mox ex oculis euasisse

euanuisse. Se verò spectro hoc ita recreatū, vt iā se carcere liberatū putaret, postridie verò à Turcis indemnem sine maleficio dimissum. Dixit insuper, se, dum ante lucem templum, in quo Patriarcha quiescit, orandi ergò peteret, & iam propius adesset, magnum internè splendorem conspexisse, visoq; perterritum, quàm citissimè domum rediisse. Alio quoque tempore cum ante auroram templum ingressus esset, cereum ardentem vidisse; & quòd nullus esset in templo, extinguere conatum: sed subitò lumen illud, magno illius stupore euanuisse. Credebat tamen omnia hæc gloriæ, qua Patriarcha cælo receptus fruebatur, euidentissima esse argumenta. Hæc aliæque infinita de eximio hoc Dei famulo referuntur, quibus & sanctitatem illius manifestasse, & in illo glorificari voluisse videtur. Sed nonnulla iam de alijs Patribus referamus.

CAPVT XIX.

De reliquis qui Patriarcham in Aethiopiam secuti sunt Patribus, quid e ibidem & egerint & passi sint ad vsque obitum.

Q Vinque Andream Ouiedum Hierapolita- *Quinque Patriarchæ socii.*
num Episcopum, ac deinde Aethiopix Patriarcham secuti sunt Patres è Soc. Iesu, Antonius Fernandezius, Gonsalvus Cardosus, Gualdanes, Emmanuel Fernandius, & Franciscus Lopezius: de quibus iam nonnulla referenda sunt.

Ceterum Antonius Fernandezius (prout Informationes testantur) tanta in egenos & ægros erat caritate, vt nocte & interdium, iisdem tum quoad corpus tum quoad animum auxiliando, minimè defatigaretur. Prudentia valebat præterea, quam *P. Antonii Fernandii virtutes.*
sancta temperabat simplicitas.

Admi-

Admiranda illius patientia, cui profunda quædam accedebat humilitas, tantam animi pacem ac tranquillitatem afferebat, ut nullus sinister eû casus de statu mētis abriperet aut perturbaret. post Patriarchæ mortem ceteris præfuit, donec visum Deo, ærumnoso illum mundo educere, & cœlesti donare beatitudine; quem vniversi Aethiopes tum viuentem tum mortuum, ut sanctum ac virum verè Apostolicum suspexere.

*P. Gonsal-
ni Cardoso
gesta &
labores.*

Magna quoque de P. Gonsaluo Cardoso apud populum opinio fuit; ac virtutes eius vitæque sanctimoniam—(ut testium depositione comper-
tum est) non Catholici modò, verum & schismatici dilaudarunt. Noctes ac dies in errantibus ad Ecclesiæ caulem reducendis impendebat; laboribusq; varijs, ærumnis, captiuitate, viaculis, rerum necessariorum penuria exercitus, magnam animi alacritatem præ se ferebat, singularem cû omni hominû genere conuersandi gratiam cœlitus acceperat, ac præsertim dissentientes inter se conciliandi, ut vel vnico verbo peruiacium animos euincere, & suam in sententiam posset pertrahere. Paulò ante quàm necaretur, ut iam iam narrabimus, cum Dambeam oppidum quindecim dierum itinere à Fremona, in qua morabatur, remotum, à superiore vnà cum Francisco Lopezio, ad Catholicos loci visitandos, Sacramenta-
que administranda missus esset; spiritu, ut apparet prophético, socio ait: Libenter quidem superio-
ris iussis pareo, & quocumque me ille mittere decreuerit, non inuitus ibo, sed Dambeam non perueniam, neq; huc redibo. Quod euentus etiam monstrauit: Confesto enim dierum aliquot itinere Lopezio dixit, vitæ sibi dies paucos super-
esse: & ecce haud multò post ambo à latronibus comprehensi sunt, qui Cardoso interemto, Lopezio vulnera inflixere.

P. Gu-

P. Gualdanes tanti animi sinceritate & candore fuit, vt illud Christi de Nathanaele pronuntiatum, *Ecce vexe Israelita, in quo dolus non est*; non im-
 meritò huic adaptes: ceterum tanto in Abyssinorum conuersionem feruore & animi contentione ferebatur, vt quamprimù atq; in Aethiopiã venisset, patrio idiómati perdiscēdo gnauiter incubuerit; quinq; vt mēsiū spatio ipsum calluerit, & potissima fidei mysteria, & quæ tum ad Catholicorū documenta, tum ad schismaticorū reduciōnem conducere videbantur, Abyssino sermone reddiderit. Sed vitam sanctam feruentemq; mors haud ingloria secuta est. Ad Mazuam enim insulam in sinu Arabico sitam missus, in Turcarum copias incidit, qui pro immortalī in Christianos odio violentas ilicò in eum ac Lusitanum viæ comitem manus iniecēre, & hastis transfixēre.

*P. Gualdani vir-
tutes.
Ioan. 1.*

*A Turcis
necatur.*

Emmanuel Fernandius tanto in Deum & proximi salutem amore ferebatur, vt in animarum salute procuranda nunquam defatigaretur, & difficiles sæpè ac longas profectiōes Sacramenta Catholicis administraturus, susciperet. Nullum diu noctuq; laborem, qui huc faceret, fugiebat; sed vltro eundem magna animi alacritate, subibat, vt solo vultu aspectuq; afflictis solatium afferret. Prophetiæ donum imprimis ei elargitus est Deus; multa enim ventura prædixit; Qualia sunt quæ hic subnectimus. Hæreticus Monachus magnæ apud regem auctoritatis, eundem induxerat, vt Abyssinos omnes, qui ad Catholicam vniōnem redierāt, neci daret; è quorum numero cum esset, qui hoc ipsum testatus est, metu perculsus, Emmanuelem Fernandium adiit, à quo audiuit, non esse quod timeret, Regem nullum Catholicis damnum irrogaturum, & Monachum ad bi-
 mestre non superfuturum. Euentus vtrorque re-
 spondit

Emmanuel Fernandius.

*Dono prophetiæ à
Deo donatus.*

*Mortem prædicis
suam.*

spondit prædictioni. Cum huic ipsi, qui hoc quod iam refertur asseruit, valediceret ad Patriarchæ habitaculū profecturus, non est, inquit, quod discessus hic meus te cruciet, finis enim vitæ meæ iam instat; & illucendo, vt eidem quo Patriarcha tumulo includar. Nec fefellit euentus. Haud enim multò post quàm aduenit decessit è vita, & ad Patriarchæ latus sepultus est.

Alius item Catholicus testimonio confirmat, se dum ægrum Patrem inuisit, interrogatum ab eo, quando festa futura essent natalitia, cumque respondisset, Dominica proxima, audiuisse ab eo, Atque hæcce dies est, quam audissimè expecto. Quæ cum venisset, Catholicos omnes ad sacra audienda conuocari iussit, quæ vbi & ipse audisset, omnes ad prandium dimissos quamprimum ad templum redire voluit. Rediëre, sed Patrē reperēre mortuū, Paulò antè quam decederet, Franciscum Lopezium adstantem rogauit, vt quē cubiculi digito angulum mōstrabat, crucis signo signaret. Cū se deinde in aliud latus reclinasset, voce magna inclamauit, ô sancta Domina, ô sancta Domina. & conuerso ad Lopezium sermone? *Ante mortem à Deipara visitatur.* vidi, inquit, iam Deiparam Virginem, ad eò formosam ac splendentē, solus vt aspectus illius me mirificè recrearit. Quo dicto animam reddidit, quæ, vt fas est credere, eadem Virgine comitata, in cœlestē euolauit habitaculum.

Omniū Patriarchæ sociorum postremus in *Franciscus Lopezius omnium pauperum obiit.* Aethiopia demoritur Franciscus Lopezius, anno MDXC VII, mense Maio. Post Patriarcham omnium habebatur sanctissimus, vt Lusitani qui ibidem commorabantur, & in Inquisitione testes rogati asseruere. Omnium Patriarchæ laborum afflictionumque particeps ac socius existit: cum illo siquidem in exilium actus; aderat item cum flumen

flumen siccaretur, item dum regia castra sterne-
 rentur. Paupertatis imprimis studiosus erat, cor-
 pus quoque incredibili austeritate poenitentiaq;
 emacerabat, vt vix ossa arida & exsucca tegeret
 pellis. in cibo sumendo adeò parcus & abstine- *Abstinen-*
 rat, vt quo naturæ satisficeret à superioribus *tia eius-*
 compellendus esset; hinc dicere solebat, vitam *dem.*
 hanc nobis nonnisi ad laborandum, poenitenti-
 amque exercendam, concessam. Reliquis defun-
 ctis Patribus superstiti, omne simul onus, quod a-
 lii portarant, incubuit. In pauperes liberalis, in se
 parcus & tenax erat. quidquid namque accipie- *Benigni-*
 bat, in egenos distribuebat, nihil sibi aut certè pa- *tas in*
 rum referuando. sæpe quoque supellectilem do- *pauperes.*
 mesticam, cum aliud ad dandum non suppeteret,
 erogabat. Catholicus quidam pauperiem illam
 viri miseratus, storem in qua cubaret, dono mi-
 sit; quam ille pauperibus mox dedit, super duram
 membra dum mauult sua, quam inopes reclinare.
 Mendico stipem poscenti, aliud ad manum dum
 non habet, frustum tunicæ quam indutus erat,
 præcisum dedit. In mulierem egenam defun-
 ctam cum incidisset, cui nihil quo inuolueretur,
 erat; indusum exuit suum, cui cadauer prout
 poterat inuoluit, quò honestiùs ac decentius se-
 peliretur. Pallium iam detritum, in pauperes
 iam dudum erogauerat. quamobrem dum hiber-
 nis mensibus ad Catholicos & pauperes, quo il-
 lorum & spiritali & temporali necessitati suc-
 curreret, proficiscendum esset; ferina pelle quæ
 imbrem ac frigus arceret, corpus tegebat. Hinc, *Pauper-*
 cum tanta illius in miseros esset liberalitas, nihil *tas.*
 vt asseruare in suū vsū posset, in tanta rerū omniū
 penuria est mortuus, vt quo corpus inuolueretur,
 nullum omnino linteū superesset; & in vniuersa
 eius

eius domo præter laceri detritique corij frustum, in quo dormiebat & defunctus est, reperiretur.

Nec sua modò, verum & seipsum totum egenis impendebat, dum ægrotantibus magno caritatis indicio adest, & ministrat. Hinc dum aliqui graueolenti ac contagioso morbo laborarât, nullus ut adesse dignaretur, ipse trimestri aut amplius spatio illis obsequium haud inuitus impêdit, cibos porrexit, cubiculi sordes euertit, linteamina aliisque vestes magno tùm Catholicorum, tùm hæreticorû stupore eluit. Quo caritatis exemplo horum nonnulli ab hæresi ad veritatem conuersi sunt. Verbis enim exempla mouent efficacius.

Simili morbido dum adesset, è cuius purulêto corpore vermes magna copia erumpebant; Galli, de quibus antea facta mentio, promiscuis omnia cædibus miscentes, subito irruptione facta, aduolarunt. viso discrimine Lopezius, sublatum in humeros ægrum, donec Gallorum furor deferbuisset, in altissimum detulit montem; à præsentissimo eum mortis periculo liberans, quod crudelissimi sicarij nulli hominum parcerent. Hæc quidem caritatis, videamus iam editæ sanctitatis exempla.

Sanctitatis illius indicia.

Testium nonnemo assernit, andiuisse se è patre suo, Lopezij celebrantis vultum, dum ad populum conuersus, *Dominus vobiscum* diceret, solis intar rutilantem sæpius se vidisse; sed dum altari vultum obuerteret, fulgorem abiisse. Affirmauit item alius, è sacrificantis vultu tam rutilantes fulgoris prorupisse radios, ut oculorum acies ad intuentum, conuinceret: ac vitum sibi, capillos eius filamentorum aureorû ritu emicuisse; iam sacris vero peractis ad pristinum illos candorem rediisse, totus siquidem iam canebat. His alijsque argumentis de sanctitate illius magnam indigenæ

genæ opínionem concepêre , vt in repentinis angustiiis & damnis ad illum velut ad asylum confugerent, Diuinam vt opem precibus exposceret. Et sæpe non frustrâ. Sementem vastauit bruchorum pestis, opis petendæ gratia ad illum confugerunt coloni. Catholicis dum aquam, qua agros respargerent, dedisset, flagellum auertit Deus , & lata fuit sementis ac messis. Duobus ante obitum annis in grauissimum incidit morbum, è quò dum Catholici vererentur , ne moreretur (illo namq; mortuo, Patre se & Pastore & Sacerdote, & omni humano auxilio suis in necessitatibus videbant orbandos) quotidie pro illius incolumitate Deum oraturi templum adibant. Exaudiuit anxij gregis preces Pastor Christus, & Lopefium sanitati restituit; qua recuperata, templum sacra celebraturus adiit, atque insignem coram omnibus exhortationem habuit , quæ incredibili illos gaudio ac solatio perfudit. Inter cætera dies peregrinationis suæ iam quidem ait completos, sed visum Deo precibus illorum inducto, duos vitæ annos adiicere; nec respuere se, quò illorum interim posset saluti consulere. Et sanè non nisi biennio superuixit, maioriq; interea quàm priùs feruore ac contentione rem Christianam promouit. Octiduo priusquam vitâ decederet, plurimis Catholicorum septimana elapsa se moriturum prædixit, quos, ne morte sua nimio opere cruciarentur, rogauit: ante annū siquidem, alium Pastorem ad futurum, & diuinum interim auxilium non defuturū. Vt prædicta sic & facta; sequenti namq; hebdomada laborū præmiū percepturus cælos pertiuit, Annō salutis M. D. X C V I I. mense Maio, & anno expirante in Abassia Sacerdos ille Goanus, Melchior Siluius appulit. Atq; hæc quidē hætenus ex Informationib. in Aethiopia institutis, & Goarit;

*Duos vitæ
Deus an-
nos addi-
dit.*

*Melchior
Carnetius
Goa mar-
sit quid i-
bidē ege-
t.*

ab eodem Sacerdote, vti dictum, delatis deprompta sunt.

Zelus e-
stus.

Addere hic visum nonnulla de Melchiore Camerio Episcopo Niceno, qui, Pontificio præscripto, Andreæ Quiedo in Patriarchatu Aethiopico successerat. Detinuerat hunc Goæ Ioannes Nonnius primus Patriarcha; vbi interea dum feliciorem prosperioremque rerum Aethiopicarum statum exspectat, in Goano Collegio, velut priuatus, & in ordinem redactus sine vlla à reliquis religionis operibus exemptione, vixit; in Christianos Thomæos, in Cocino & Coulano commorantes, è consuetudine Societatis, interdum excurrens: cumque Nestorianum Pseudoepiscopum, praua doctrina populorum animos vt inficeret, eò aduenisse comperisset, cum P. Gonsaluo Rodericio eodem perrexit, & certamen cum hæretico captauit, quo illum peruersitatis conuinceret: sed filius tenebrarum, ac lucifuga congressum declinavit, nec in publico comparuit. Populo tamen eius versutias & imposturas detexerunt, vt auctoritate excidens Cocino discesserit, & clanculò montes, in quibus permulti Christiani Thomæi commorabantur, petierit. hic ille dogmatum prauorum zizania spargere, & ignorantibus sincerisque Christianis imponere: quo comperto illico hucaduolant Patres, & errorem aperiuunt: Sed ad horum aduentum confestim se subduxit, nec postea ibidem comparuit. Noctua illa ac tenebrione fugato, Melchior Camerius Cocinum reuersus præsens vitæ discrimen adiit. Necem illi siquidem coniurati parabant, à quibus in caput in publicum cum socio prodientis, directâ sagitta, sed decusso ac perforato dumtaxat pileo, sospes pertransiit. Creditum est à Nestoriani im-

In vita
versatur
periculo.

ni impostoris fautoribus, ægrè ferentibus Apostolum suum tam indignis fugatum modis, hæc structas insidias. His alijsque dum vacat, Breuè Apostolicum ab vrbe transmissum, in eandem omnino sententiam, ac prius ad Andreã Ouiedum destinatum; quo in Iaponem transfiret, ibi demque Episcopi partes ageret; cùm Ouiedus Aethiopia egredi non posset Goa ergo soluens in Chinam abit; ibi ad Amacanũ emporium, ceris de causis hæsit, & Episcopi munere functus, Lu-
Ante-
 sitanos ibidem commorantes verbo & exemplo *quam in*
 in viam salutis reduxit. In Iaponem itaque dum Iaponem
 vela parat à Deo laborum præteritorum & iam *traice-*
 instantium præmia accepturus, in cælum euoca-
 tur. Hic felix trium Aethiopiæ Patriarcharum so-
 ciorumque finis. Dispiciamus iam quid à morte *moritur,*
 illorum in Abyssiæ gentis, salutem conseruationemque præstitum sit.

CAPVT XX.

*Antonius de Montescerrato & Petrus Pæzius Soc. Iesu
 Aethiopiam traicere dum parant, à Turcis comprehenduntur, ac post diuturnam captiuitatem tandem redi-
 muntur.*

L Visitani inquilini & Aethiopes indigenæ cùm Patres Emmanuelem Fernandium & Franciscum Lopezium (qui omnium postremi in Aethiopia decesserunt) iam in senium vergerè & fractos laboribus cernerent; ne, his morientibus, pastore & omni spiritali auxilio penitus destituerètur, quod præter illos nulli sacerdotes Catholici ad manũ esset, alteriusque habendi spes vix vlla affulgeret; anno salutis M.D.LXXXVIII.

Indiæ Prætori, & Prouinciali Soc. Iesu, in quo versarentur periculo, ne breui Pastore, qui Sacramenta administraret, ac salutis commoneret, destituerentur, perscribere.

Obsecrare se proinde quàm maximè, vt, quoniam Patrum superiorum operâ diligentiaque in fide Catholica firmi constantisque permanserant, & in rebus ad animæ salutem spectantibus fidos illos ministros experti erant; aliquos qui in illorum locum succederent in Aethiopiam transmitterent. Hac super re cùm Patribus Goanis Prætor egit, qui rei Christianæ promouendæ percupidi, quamuis dura & difficilis esset prouincia, suam Catholicis Abyssinis & opem & operam addixere: designati in hac messem Antonius de Monteferrato & Petrus Paezius, qui Goa postridie Kal. Februariæ anno humanæ redemptionis vndoenagesimo supra sesquimillesimum soluentes, Diu petiuere, vt inde rectâ in Aethiopiam nauigarent. Cùm Diensem portum iam in conspectu haberent, grauissima exorta de nocte tempestas, nanem impetit; accedebat vehemens imber, ventorum & tonitruum fragores & fulmina, vt in portu se facturos metuerent naufragium. Sed qui ventorum habenas moderatur Deus, tempestatem sedauit; factaque sub auroræ aëris serenitate, vento fauente, eadem die sub vespere Diu appulere. Ne quod in itinere discrimen nescirentur subirent, veste mutata Armeniorum habitum assumpsere, quod Turcis, qui emporia, quibus in Aethiopiam patet aditus, occupant, minus hic suspectus sit. Apud Lusitanum hic diuertunt, qui de naue, quæ Suaquenum (vrbs est in sinu Erythræo Aethiopiam respiciens) peteret, illis prouideret. Prohibat interdum in publicum Petrus Paezius, vt quæ ad iter necessaria videban-

bantur compararet; quòd verò Armeno vestitus
esset schemate, pueri plateatim (quod Armenios
canepius & angue oderint) saxis eum impe-
tebant, vt vix caput subduceret. Triginta cir-
citer diebus Dihæserunt, quòd Turcæ, qui in
Aethiopiam illos ducturos se sponderant,
quòd forte rem subolacerent, in nauim illos
admittere recusarent. Hac spe Patres cum exci-
dissent, Armuziam petere decreuerunt, vt in-
de Bassoram rectà pergerent, atque hincin co-
mitatu, qui circa Septembrem Aleppum petere
quotannis solet, proficiscerentur.

Armuzia cum iam discedere pararent, red-
dit illis litteræ præfecti Mascatenfis (locus est
Arabie felicitis, in quo priusquam Armuziam ap-
pellerent, in ancoris steterant) cui utpote Lusit-
ano, Aethiopicae profectiois consilium detexe-
rant. Nuntiabat hic, Mascati se nauarchum Tur-
cam reperisse, qui menstruo spatium in Aethiopi-
am illos traiceret; & prout cursum suum descri-
bebat, facilis & commoda videbatur profectio.
Nec mora, Mascatum retrò repetunt, ambo hic
morbo conflictati, Deo iuuante breui sanitatem
recuperarunt. vt in Natalitiorum vigilia nauem
conscenderint. Felici navigatione Arabie felicitis
oram per octiduum dum legerent, Kal. Ianuariis
anni sequentis, foedissima tempestas exorta, ma-
lum & clauum excussit, & nonnisi summa con-
tentione nauem laceram, scaphis piscatorijs ve-
cti ad littus traxerunt. Quod verò mali resarciendi
nulla hic esset oportunitas, aliud emporium
in eadem ora octo ad Occidentem leucis, quod
Curiam Muriam dicunt, petere coacti sunt.
At nec hic nauem compingere suam potue-
runt: vt vnicam, quæ hoc in portu sta-
bat nauis, profectioi adaptare coacti sint.

*Tempe-
state ian-
tuatur.*

Quod verò domini nauiſ, hacce nonniſi à ſuis veſtoribus duci vellent, priores nautas, à quibus huc uſque veſti erant, relinquere ſunt coacti. Veriti tamen ne, quod ab illis detecti, periculum incurrerent, nauarchum à quo menſis ſpatio in Aethiopiam vehendi erant, rogarunt, ſuis vt nauicularijs inhiberet, ne nonniſi aliquot à diſceſſu illorum diebus Curia Muria diſcederent, ante illos vt ad Doſarenſe emporium venirent. Nauarchus vetuit quidem, ſed fruſtra. nautæ enim, quòd huic nauigationi aſſueti, compendia noſſent viarum, antè Doſarem appuſſi ſunt quàm Nauarchus cum Patribus.

Indicant interim magiſtratui, quales ſint, & quam ob cauſam in Aethiopiam Patres proficerentur: quare præmiſſis duobus nauigijs Sarcenicis, priuſquam portum ſubirent, iter illorum intercepte, de illorum aduentu etiam priuſ ab Arabibus Maſcati commorantibus certiores facti. Capti itaque anno MDXC. Doſarem perducuntur (vrbs eſt in Arabia feliciſ ora quà Oceano alluitur, paulò trans Curiam Muriam ſita.) Quinque hic diebus carceri incluſi; cumque vix neceſſaria ad vitam trahendam præberentur, ad regem quinque & viginti diernum itinere inde diſtanti, perducuntur. Quas hoc itinere ærumnas perpeſſi ſint dici vix poteſt: camelos ductorum ſuorum ipſi pedes ſequi, & ſæpe per ſpinofa ac carduoſa nudipedes incedere cogebantur. hinc, accedente victus penuria, fracti viribus & fatiſcentes progredi vlteriùs non potuere. Quare camelis vnà cum ſarcinulis impoſiti, decem diebus per deſerta & inuia loca, nullo vbi reficerentur occurrente pago, nedum opido proſecti ſunt. Arabes, à quibus ducebantur diem ſole, & no-

ſtem

Capti ad
regem
perdu-
cuntur.

Item stellis metiebantur; aqua putiscens, quam *Quas in*
 fossulis & lacunis per viā occurrētibus educebāt, *via possē*
 erat potus: meridie camelos adaquaturī, ac locu- *calami-*
 stas vel gryllos, quibus Arabia abundat, captaturi *tates.*
 si bñstebant, quos dein tolltos, velut lectissima
 fercula comedebāt, sed captiuis, fame licet pro-
 pēdum confectis, cibus hic planē desipiebat;
 quare tortula subcineritia, quam subministra-
 bant Arabes ductores, vitam trahebant. Tandem
 Tarinum, populosum ac frequē opidum delati
 cines hic turmatim nouos captiuos visuri egressi,
 varijs eos contumelijs & iniurijs affecerunt, vt &
 faciem illorum conspuere veriti non sint. Aequo
 animo ferebant insignem hanc contumeliam
 Patres, nec os in maledicta aut querimonias, sed
 Dei laudes laxantes, intrinsecus gaudebant, quōd
 digni essent habiti, pro Christi nomine ærumnas
 & aduersa pati; magis de animarum, quas Ty-
 rannico dæmon premebat iugo, cæcitate, quā
 de captiuitate, & iniurijs solliciti. Tarino profe-
 cti, eandem molestiam & calamitatem per viam
 experti sunt, quam prius; donec Einanem, *Einanena*
 Sultanus Ama, Mahometanus tyrannus regiam *ad regem*
 habebat, ac quem ductores regem agnoscebant, *ducuntur.*
 peruentum.

De aduentu illorum rex quamprimum factus
 certior, angustæ eos custodiæ, in arcis in qua com-
 morabatur muro, eos includi, ac postridie
 partem vestium ablatarum illis reddi iu-
 bet, quo decentius coram se comparerent;
 sola quippe interula & calceis lineis hactē-
 nus induti, & frigus nocturnum, & calores
 diurnos, qui hic vehementes & intensi, tole-
 rarunt.

Postridiè itaque quàm aduenissent, in arcem ad regem in fenestra aulæo instrata, sedentem, ac satellitio copioso circumdatum, deducuntur. Sedētis dextram Patres pro more patriæ osculati, seruorum & captiuorum ritu. Terræ insidere iussi, vti hic mos obtinet, qui qualesve essent, interrogantur; vnde venirent, cur in Aethiopiam cederent. Prout expedire in hac necessitate iudicabāt captiui, responderunt, ne se proderent, & mentiti fuisse deprehenderentur: rogarunt postreimò regem, vt libellos quos in solamē suum adduxerāt, reddi iuberet; inter quos erant Breviaria, quibus ad recitandas horas utebantur. Non respondit ad postulata rex, sed ad custodiam reduci imperat; & haud multò, quos petierant libros, reddi, suis itē, vt sedulam illorum rationem haberent, & necessaria affatim subministrarent, iniūxit. Sed perfidi satellites regis imperium eludentes, non nisi frustulum panis indies præbebant, adeoque mucidi & insipidi, vt vix ab extrema fame pressis comedi potuerit. Quadrimestri spatio hisce loci angustiis detenti, summam inopiam & miseriam experti sunt.

Regis moritur filia eiusque funus.

Regis interim filia, vitæ decedit, cuius ad exequias plurimæ vndequaque mulieres Mahometicæ conuolarunt; quæ caput puluere opplentes querulis aërem vocibus ac lamentis fatigabant; quæ importuno & incondito clamore dum regis aures obtunderent, regia pelluntur; sed ad aliam vrbis partem commigrantes octo ipsis diebus suas sunt persecutæ nœnias. Multa dum in pauperes & captiuos erogabant Saraceni, quibus, dum pretiosum se dare credunt ferculum, camelinam misere carnem aqua coctam, sine sale & condimentis vllis.

Paucis post diebus Bassa quidam Imperatoris Turca-

Turcarum, cui regulus hic tributarius est, captiuos Dofare adductos ab ipso petijt: renuit initio rex, sed quòd alter potentia superaret & viribus, minis compulsus, dum sibi regnoque metuit, eisdem tradidit. Videbatur haud alienus ab ijs regis huius animus; vtpote qui, dum à conspectu suo recederent, vocato ad se vno è lictoribus, cibum potumque abundè eis præberi iusserat; quod ipsos nihil videret exposcere. Quindecim dierum iter emensi, tandem Canam peruenerunt; cuius præfectus cum aliquot equitibus vrbe egressus, ad Bassam illos, festo tympanorum sonitu perstreperente, quasi bello capti forent, perduxit. Bassæ honorem exhibuère, sed ille vice versa duriùs *Bassa captiuos abducit.* loqui, exploratores dicere, & mortem minitari. Negarunt exploratum se venisse, nullamque huiusce suspicionis occasionem cuiquam dedisse. Ad iudicem deinde loci perducie eos iussit, vt ab hoc exactiùs examinati, quales essent, patefacerent. Agniti hic ab Indo quodam Christianæ Religionis desertore, qui illos Sacerdotes & religiosos esse asseruit. Quamobrem arctiori custodiæ *In carcere-* inclusi sunt, in qua 30. Christiani, pars Lusitani, *remtrun-* pars Indi, iam à quadriennio captiui detinebâtur, *duntur,* itaq; post diuturnæ captiuitatis molestias, & vari- *quo alii* as æumnas confecti erant, parum vt abesset, quin *Christiani* omnes pertæsi laborum, eiurata fide ad profana *detine-* Turcarum sacra transirent; vti iam nonnulli ca- *bantur.* lamitate, qua premebâtur, exstimulatrice transierant. Patres dum opportunè se ad Christianos *Diuina* hosce recreandos, & ad laborum tolerantiam a- *providen-* nimandos, huc adductos cernerent, post singula- *tia argu-* res diuinæ bonitati gratias actas, eius erga suos *mentum,* prouidentiam ac tutelam agnouerunt, qui occulta & incognita hominibus via salutis nouit præbere remedia. Manum ergo admovent operi, &

Omnes ad peccatorum confessionem peragendam perducere conati sunt, quo laborum miseriarum-
 que tolerantia meritum pareret. Tam efficacia porro illorū apud vniuersos fuere monita, vt omnes criminum exomologesi fecerint; nonnulli quoque illorum, qui, quod fidem iam eiurarant in libertatem asserti erant, ad eandem, abiurata impietate, redierunt; qui deinde clanculo ad Christianorum se vrbes recepere: quorum quatuor tandem Goam impulsī, duorum sacerdotum captiuitatē nunciarunt. Ceterum viso captiuitatē suam diurnam fore, exstructo in carcere oratorio, omnes, antequam ad opus exirent, simul orationi mane quotidie incumbabant; vespere verò labore exacto, Sanctorum recitabant Litanias. Dum verò ab opere vacarent, exhortabantur eos Patres, & diuinis de rebus cōciones habebant; in Sanctorum itē solemnibus, sacra sed, vt vocant, arida, celebrabant, vt qui calice, altari, sacro-
 que vestium apparatu carerent.

Alijs porro captiuis, compede constrictis, ad opus quotidie exeuntibus, inter quos erat & Petrus Paezius; Antonius de Monteserrato, quod senio grauis esset, in carcere manebat, & quidem solutus vinculis. Ne verò interea nihil ageret, Arabicum idioma, Arabum qui simul captiui detinebatur opera perdidicit, vt breui & legendi & scribendi artem calluerit: quæ ad redemptionem non parum momenti attulit, quæ haud multo post hunc in modum contigit. Bassæ vxor, audito Religiosos hosce captiuos, singulari esse modestiæ & vitæ sanctimonia, singulari illorum videndorum ardebat desiderio: hinc seruo imperauit, vt in hortum illos educeret, quò filio paruulo in hortu ludenti velificarentur. Puerο gratificantes bonæ diei partem in hortu consumpsere, oculos interea

Goam de
 illorum
 captiuita-
 te nuntius
 affertur.

cereæ ad fenestras curiosè non conuertentes, neu Bassæ vx-
huc illucve girantes. Bassæ vxor, cùm oculos in- or videre
terim ab eis non deflexisset, singulari hac mode- illos de-
stia morumque sanctitate ita fuit recreata, vt om- siderat.
ni studio in libertatem illorum incumbere de-
creuerit.

Quocirca seruum, à quo in hortum deducti
erant, exstimulat, vt illorum nomine libel-
lum concinnaret, quem se præsentè filiulus patri
Bassæ offerret. libellum ex voto dominæ confe-
ctum, filiulus patri, adstante matre obtulit: arre-
pta occasione marito illa supplicat, Religiosos vt
in libertatem assereret. Ille vxoris ac filioli sup- Liberati-
plicatione permotus, vinculis illos soluit, & onem il-
Hierosolymam prima oportunitate in Turcæ a- lorum ob-
licuius comitatu transmissurum se spondit. cincte
Capitis enim & nouæ captiuitatis discrimen
adijsset, n̄ Turcæ comes accessisset; denique
omnia ad iter necessaria liberalissimè daturum.
Tam felicem rerum successum Patres dum cerne-
rent, iam libertati se restitutos credebant, at, vt
iudicia Dei abyssus multa & incomprehensibi-
lia, in momento omnia immutata sunt. Allatæ
namque sunt interim litteræ Mombaza, quibus
quanti Goæ fierent Patres, quos captiuos Bassa te-
nebat, nuntiatum est, simulque ingentem in illo-
rum redemptionem pecuniæ vim mittendam, si
aliquot eos diebus detineret. Nuntius hic Bassæ a-
nimum mutauit, carcerisque custodi, vt viginti
aureorum millia in redemptionem exigeret, e-
dixit.

Nil præter Christianorum eleemosynas ha- Iterum
bere se in mundo responderunt Patres, nec fas custodie
esse polliceri, quæ dare re ipsa non possent. traduntur.
Dum cautè & vafre eos Bassa putat agere,
quo sine lytro soluerentur, iterum car-
ceri

ceri includit, & duos dumtaxat in diem panes, eosque exiguos, illis dari præcipit. Credebat nempe hac illos via facilius lytrum perfoluturos. Appulit huc interim alius Bassa Hispali in Hispania natus, sed à puero à Turcis captus & auectus; hic cum de captiuis fando nonnihil inaudisset, summo illos studio liberare, & secum in Aethiopiam, quò tendebat, ducere contendebat. Sed cum ad exitum res deduceretur, prioris Bassæ phylacista iterum de perfoluendo lytro cum illis coepit agere, ac perpetuum, ni quinque aureorum perfoluerent millia, illis est carcerem minatus. Extorquerè ergò inhumanitate feritateque aurum conatus, utrique compedes iniecit, collum durissimo vinciuit ferro, cui catenam insertam trunco alligauit, adeo quidem breuem, ut caput sustollere cum non valerent, curuatum semper in terram propenderet. Hisce itaque vinculis grauari, in angustissimam ac teterrimam coarctati sunt custodiam, adeo quidem humilem ut sedentes etiam capite tectum tangerent. Antonio verò Monteserrato, quòd senio granatus, laboribus tolerandis impar esset, collare abstulere ferreum, sed pedes grauioribus vinxere compedibus. Quindecim hoc in carcere detenti sunt dies, magna cum ærumna & angustia. Turcæ itaque cum nullum offerri ab ipsis redemptionis cernerent pretium, ad emporium, quò Indicæ naues interdum appellant, interim illos duxere, sperantes ab aduenis redimēdos. Sed frustra. nullus enim redimere voluit aut pretium obtulit. Cum hac se spe excidisse, & Indicæ naues iam re infecta discessisse Saraceni viderent, triremi illos, quò cum ceteris remigibus remos agitarent imposuere. Vix triduo remigem egerant, cum ecce fulmine triremis tacta malum amisit, sine vlla

In triremi remigare coguntur.

tamen

tamen hominum iniuria. Sinistrum hoc augurium credebatur, adeò quidem vt Bassæ vxor hac Mecham triremi, hanc tamen in profectiorem adornata, vehi noluerit. Patres tamen nostri bimestri & amplius remos agentes, adeò miserè & indignè sunt habiti, vt Monteserratus in grauißimum morbum inciderit; hinc ambo interram expositi, ne fortè laboribus confecti, exspirarent. Interim ex India appulere qui persolutis phylacistæ mille aureis illos redemerunt. Liberati itaque ad finem Augusti anno M. D. XCVI. asserti, mense Decembri Goam appulère.

*Redempti
sunt mille
scutis.*

CAPVT XXI.

P. Abrahamus de Georgijs Maronita in Aethiopiam profecturus, à Turcis in insula Mazua interimitur; post quem non multò. post Sacerdos Goanus in Aethiopiam traicit, & insignem fructum edit.

Oportato cum successu superiorum Patrū carisset profectio, alios binos in Aethiopiæ mittere messem placuit, qui & Lusitanis & Catholicis indigenis auxiliarentur: quod enim hinc in medio Saracenorum, illinc inter Schismaticos & Abyßinos agerent, metuendum erat, ne à veræ fidei tramite deuiarent, si pastore, à quo officij commonefierent, ditius destituerentur. Et sanè metuebat hoc ipsum optimus quisque etiam viuente in Aethiopia P. Francisco Lopezio, qui solus ex omnibus Oniedi Patriarchæ comitibus superstes erat. præterquam enim quòd ætate grauis esset, vt qui septuagesimum iam annum excessisset, adeò laboribus & afflictionibus præteritis

teritis exhaustus erat, vt haud diuturnam sibi vitam futurâ crederet; tum etiam ita fractus ac debilitatus viribus, vt omnium Catholicorum qui sparsim huc illucque, etiam aliquot dierum itinere à se inuicem disuncti, commorabantur, necessitatibus adesse vix valeret. Visum est itaque alium è Societate Iesu operatorem seligere, qui oneri succederet. Coniecti omnium oculi ac propensio in Abrahamum Georgium, aut de Georgijs, Maronitam genere; qui Roma in Indiam missus, Christianos Thomæos, quos in montibus commorari libro secundo diximus, tum gnauiter excolebat. Syriacam enim & Arabicâ linguâ percallebat, idoneus propterea Aethiopicæ missioni Prouincialis sententiâ, iudicatus est, quod duplicis huius idiomatis adminiculo facilius habitum missionemque mentiri posset. Goam ergo confestim euocatur, & socius illi datur Iacobus Gonçaluius Lusitanus, eiusdem Soc. Sacerdos. Anno integro in Domo Professa Goana, clam ciuibus & sociorum plurimis commorabantur: consultò quippe res tegebatur, ne Saraceni qui Goæ habitabant, alijs Aethiopiam oram seruantibus, ne quis Christianus, aut saltem Latinus irrepât, aduentum illorum perscriberent.

Profectionis igitur tempus cum instaret, Prætor, qui in Aethiopiam illos perducendi curam in se susceperat, cum Saraceno quodam præfecto nauali Goæ tum negotianti, pactus est, vt duos Armenios (Patres nostros intelligebat, qui Armenorum vestem assumerent,) in Maznam insulam haud procul ab ora Aethiopica in sinu Arabico sitam, ac tridui tantum itinere ab vrbe, in qua Lopezius tum agebat distantem, perduceret. Sed re postea maturius discussa & examinata, Prætori & supe-

P. Abrahamus de Georgijs in Aethiopiam missus.

superioribus Soc. visum est, solum Abrahamum hoc tempore mittere, vnà cum puero ex Aethiopia oriundo, Goani Collegij cui à S. Paulo nomen, alumno; quòd hanc & tutiorem & commodiorem Aethiopiam intrandi rationem censerent, & ambo linguæ patriæ gnari essent. Iacobus ergo Gonfalius Goæ, aliam occasionem expectans remansit. Nauis præfectus, omnibus ad iter necessarijs iam comparatis, Proregem protectionis certiorē reddidit, vt quos Mazuam deduci vellet, destinaret, Abrahamum prætor priusquam nauem conscenderet, suum in conspectum venire voluit, vtque res occultius ageretur, de nocte illum in regiam admittere. Ibat vna cum puero Abrahama. *Armenica veste indutus.* nemo rei conscius erat præter Prætoris Secretarium, qui ad ianuam illum opperiebatur. Eam indutus erat vestem, quam in itinere deferre debebat; Armenum vestis, barba oblonga & pileus Armenus arguebat. Lacrymis obortis & alto pectore ducens suspiria, Prætor virum amplexatus, Hæ sunt, inquit, artes & technæ, quibus animas Deo parere solet Societas, suos in earum salutem, periculis & morti exponens filios. Multis vltro citroque habitis sermonibus, Prætori qui insignem in illum animum & affectum ostendebat Abrahamus valedicit, inde P. Prouincialem ceterosque Socios qui in Collegio S. Pauli commorabantur magno affectu singillatim amplexatus, lacrymas omnibus quasi supremum ei vale dicerent præfagientibus, excussit. Cùm iam nauem conscendendi tempus aduenisse nuntiatum est, medio nocte in viam se dedit, Anno salutis nonagesimo quinto supra millesimum quingentesimum, mense Ianuario,

Post

*Mazuam
appellit.*

*Ramada
ieiunium
Saraceno-
rum.*

*Aguofci-
tur ex
Christia-
num se
esse con-
fessus est.*

Post varias tempestates & maris pericula, quæ nauigatio hæc habere vt plurimum solet, sospites & incolumes Mazuam, quæ Saracenico tenebatur præsidio, peruenere. A uemine hætenus Abrahamus cognitus fuit, adeò vt ab insulæ præfecto in Aethiopiam intrandi, quasi merces suas diuenditurus, potestas illi facta sit. Feliciter satis negotium illius hætenus successerat, vt vix duarum horarum spatio ab Aethiopia distaret. At supremus ille mundi rector, à cuius arbitrio & nutu omnia vitæ nostræ momenta dependent, & cuius in manibus sortes sunt nostræ, aliter disposuit, & Martyrij illum, antequam loco discederët, donare voluit laureola. Hunc in modum res contigit. Interim dum Abrahamus liberæ profectionis litteras procurat, puer Abyssinus, quem in diuersorio ad sarcinas reliquerat, longiorem Patris moram pertæsus, fame stimulante, edere coepit. Erat tum dies, rigido Saracenorum ieiunio venerabilis; suum enim tum Ramadanum (ita ieiunium nuncupant, quo religiose admodum antenoctem nihil penitus degustant) seruabant. Viso itaque puerum cibum ante præstitutum tempus, quasi secum in ieiunio dispensaret, fumere; quis esset & vndenam, sciscitantur. Qui minis & flagellis coactus, Christianum se & dominum confessus est. Significatum hoc arcis præfecto, à quo proficiscendi iam facultatem Abrahamus obtinuerat; sed ad nuntium hunc eamdem negauit, & carceri inclusit. Postridie illum ad se vocatum in magna Mahometanorum corona interrogat, cuias esset? Armenum se confessus est Aleppo, uti reuera erat, oriundum. Ad hæc, Christianus num esset an Mahometanus? si enim inquit, Mahometanus es, in Aethiopiam vel quocunque lubuerit tibi iamiam facultatem concedam.

Chri-

Christianum se Abrahamus esse non negavit. Tum Præfectus, in Mahometum igitur quamprimum credas necesse est, & verba hæc in illius testimonium pronunties, *Laila, i la, Mahomet treen laca*, Quæ Arabicè sonant, Alius non est Deus, quàm Deus & Mahometus illius Apostolus. Constanti Abrahamus vultu & imperterritito Christianum se liberè professus est, ac millies se malle vitam ac sanguinem profunderè, quàm sacrilegis hisce verbis aliquem Mahometo honorem deferre, suamque fidem deferere. Offendit præfectum *Occiditur* constans viri libertas, manuque ensi admota, ca- *ob fidei* put Abrahami ferit, quem deinde adstantes se- *constan-* cuti innocentem obruncant. Ita res initio nar- *tiam.* rata fuit; sed postea Catholici cuiusdam Abyssini, qui tum Mazux erat, relatione ac testimonio compertum est, vti Sacerdotis Goani, de quo supra mentio facta est, docet informationes, hoc illam pacto contigisse. Turcarum præfectum sciscitatum, num Christianam religionem, an Ma- *Aliter* hometanam superstitionem profiteretur, cum *mors eius* Christianam presteri didicisset; cur in Aethiopi- *narrata.* am traicere vellet, postulasse. Respondisse Abrahamum, se gentis illius ad veram Christi fidem traducendæ causa eodem professionem adornasse. Tum præfectum humanitate eum ac promissis inducere ad Mahometanismo conatum, sarcinas quas abstulerat, ei se redditurum & quocumque luberet abeundi facultatem concessurum, esse pollicitum; si verò hac in insula remanere decreuisset, honoribus eum quàm amplissimis condecoraturum. Sarcinarum se iacturam ni- *Illius cō-* hili facere ait Abrahamus, & Mahometicæ legi se *stantia.* nolle subscribere, quòd ne obolo quidem digna videretur. Saracenus hisce verbis iratus, turri quidam arcis includi iussit; ac elapsis aliquot die-

bus iterum ad se euocat; quodque carceris afflictionibus fractum eum daturum manus crederet, denuo ut Mahometanis accederet, vrgere, quodque induceret facilius, promissis eum flectere & inducere coepit. At cum hisce minime illum flecti cerneret, verba illa superiora pronuntiare iussit, ut aliquem Mahometo cultum deferret; sin minus, capite lueret. sed cum Abrahamus vitam se deponere malle dixisset, publicè decollatus est. Porro quamuis testis, qui hoc testimonio suo confirmauit, morti non interfuerit, ne forte ut Catholicus agnosceretur; tamen audiuisse se à nonnullis qui adfuere, carnificis ensē ad primum quem infligebat ictum, sine vlla Patris lésione, in frustra dissiliisse; Miratos Præfectum & circumstantes omnes; sed nihilo idcirco factos mitiores aut humaniores, alium poposcisse; quo cum duos carnifex infixisset ictus, rursus diffractum esse, tenui in ceruicibus percussione dato vestigio: tandem & tertium allatum, quo caput præfectum mense Aprili, eo quo Goa soluit anno.

*Dum enses
quibus
percussus
est, fran-
guntur.*

*Lumen
visum
circa illi-
us sepul-
chrū 40.
diebus.*

Quadraginta post mortem diebus circa vespeream quotidie lumen quoddam, velut candelarum accensarum, circa tumulum illius apparuisse idem testis affirmavit, ut plurimi Saracenorum & alij hoc conspecturi, vrbe egrederentur. Alij lætum hoc omen, alij sinistrum esse augurabantur. Quid? annon inquebant, sufficit, animam Castris huius (ita per ludibrium & contumeliam Patrem nominabant) igne tartareo aduri; corpusne etiam hisce aduri flammis necesse est? Alij sanctitatis illius hoc esse argumentum dicebant.

Eodem ipso quadraginta dierum spatio tres ingen-

ingentes circa tumulum volitarunt aues quales
 hæcenus ibidem nemo viderat. Quid hæc demon- *Tres aues*
 strarint, ignoratur, at arcis præfectū haud ita mul- *ingentes*
 to post, & omnes qui necis consilium dederant, *circum-*
 quadragesimum intra diem extinctos constat, *secus vo-*
 ut informationes superiores declararunt. Erat *litabant:*
 porro Abrahamus hic virtutum omnium orna-
 mentis insignis, & præsertim affectuum mortifi-
 cationis & orationis. Omne quod vltra occu-
 pationes quotidianas supererat tempus, oratio-
 ni alijsque pietatis dabat operibus. Ipse etiam
 nauarchus, cuius naue vehebatur, quamvis
 Mahometanus, virtutes illius, uti postea te-
 status est, magnopere mirabatur, quas notasse
 in itinere se afferebat, dum eadem, qua ille ute-
 retur mensa, eadem etiam domo & cubiculo,
 donec in carcerem abriperetur. Narrabat hic in-
 ter alia, paulo illum prius quam custodiæ tra-
 deretur, inter dormiendum tam intensa cla-
 masset voce, ut nauarchus è somno excitatus
 strato surgens, quid rerum esset, exposceret. Som-
 niassse se dicebat Abrahamus, ab alijs se in- *Somnium*
 terfici: adeo ut Dominus ad mortem imminen- *illius ante*
 tem illum disposuisset eamque præuenire voluisset *mortem:*
 videatur. Multo quoque tempore ad hanc se
 profectionem præuia poenitentia & mortificati-
 one præparauit, ut omnium sociorum in se ocu-
 los conuerteret.

Hunc in modum præparare animas illorum
 solet DEVS, quos tam inclyta donare decre-
 uit laureola: Laborabant interim in Aethiopia
 Lusitani & Catholici indigenæ summa pasto-
 ris inopia; biennio enim post Abrahamum
 decessit P. Lopezius adeo ut nullus qui Sacra-
 menta administraret, & afflicto consoleretur;

*Lusitano-
rum sta-
tus in Ae-
thiopia.*

Sacerdos superesset. Accedebat ad hæc sollicita Turcarum, arces omnes oræ Aethiopicæ præsidij suis firmantium, etiam post P. Abrahami necē, vigilantia, nullus ut Lusitanus in Abyssia penetrare, sine præsentissimo mortis aut seruitutis periculo, posset. Per exploratores siquidē norunt, quis Aethiopiā adeat, vel inde recedat, Lusitanos impri-
mis excludentes; quod illorū operā & auxilijs factum sit, quo minus in Turcarum potestatem vniuersa Aethiopia redacta sit: Prouinciali itaque Indiæ, quo in discrimine sua versaretur salus, perscribere; præmonuere tamen, pro præsentī rerum statu, fieri omninō non posse, ut aliquis Soc. Sacerdos in Aethiopiam penetret, nisi vel trucidari, vel in seruitutem abripi velit. At Sacerdotem Indum, linguæ patriæ gnarum nautico indutum habitu, sine vllō discrimine transire forsitan posse. Litteras has Prouincialis Patribus primò legendas dedit, quorum plerique, nullum veriti discrimen, ultra se in expeditionem illam, quò misellis animabus omni spiritali auxilio destitutis, succurrerent, obtulere: deinde Proregi & Archiepiscopo Goano Alexio Menesio Ord. Eremitarum S. Augustini; quibus Sociorum omnium eodem proficiscendi desiderium exposuit. Prætor & Archiepiscopus nullum è Societate iam mittendum iudicarunt. Hæc tamen ultroque Sociorum ad discrimina ob Christi causam subeunda oblatio, Archiepiscopo mirificè placuit, hinc cum in Domo Professa Sociorum exhortationem haberet, Zelum illorum in salute animarum procuranda quem ostenderant, horum verborum occasione, *hi sequuntur agnum*
apoc. 14. quocunque ierit, insigni elogio deprædicaui; Quæ-
ro, inquit, qui seruitute & morte contempta
in Ae-

in Aethiopiam tendere velit; & ecce proruptos ac paratos inuenio Societatis I E S V Patres, &c. Quæritur ergo Sacerdos sæcularis, in India natus, qui Lusitanos & neophytos Aethiopas consoletur, simulque aditum rationemque exploret, quo pacto, aliqui sociorum eodem penetrarent,

Inuentus tandem est Melchior Siluius Goanus, vir & integerrimus & doctissimus, Collegij Societatis I E S V Goæ alumnus, qui vltro in hanc prouinciam nomen dedit. Franciscus Gamma, Comes de Vidigueira qui Indiæ tum regio nomine præerat, & totius maris tenebat imperium, tam felice successu gauisus, non modo omnia quæ ad itererant necessaria, illi abundantissimè suppeditauit; verum etiam, quò liberiùs ac securius iter susciperet, magnam pecuniæ vim ei dedit, qua æs alienum penitus dissolueret. rebus itaque suis Goæ compositis, & ære alieno dissoluto, Goâ anno M. D. XCVIII. soluens Diu deuenit, vbi nautico assumpto habitu, Mahometani cuiusdam nauem conscendit: qua tandem Maznam, quæ ex opposito Arquici emporij, quod Aethiopiæ claustrum & ianu æst, appulit. Huc cum omnibus incognitus venisset, alijs se nautis Delecæ adeuntibus comitem iunxit, incidit hic in Abyssinorum, antiquum Patriarchæ Oniedi comitem, qui huc forte venerat, vti quotannis pro more habebat, vt siquæ ex India ad Lusitanos in Aethiopia commorantes, venissent litteræ, ad eosdem deferret. Sacerdotem hunc cum inuenisset, Lusitanos quamprimum certiores reddidit, qui summo studio, è discrimine illum in quò versabatur, quàm occultissimè eripuerunt, & saluum ac sospitem Ti-

Melchior
Siluius
Diu ap-
pellit nau-
tico habi-
tu.

Aethio-
pam in-
trat.

Contra verò singulis quartis & sextis ferijs ieiunabant. Hac legis Moſaicæ & Græcæ conſuetudine commiſtioneque factum, parum vt abſuerit, quin omnes à vera Catholicaque fide penitus degenerauerint. Hos itaque errores Sacerdos imprimis mentibus illorum enellere ſtudit, ac dein, quæ vera fides eſſet, quæque Catholica Romana Eccleſia ſeruanda præſcriberet, edocuit. Præter alia Kalendarium Gregorianum, quod hætenus hic receptum non erat, & conſtitutiones Archiepiſcopatus Goenſis publicè in mores uſumque Eccleſiaſticum induxit, Omnium deinde conſeſſiones excepit, & quas Patriarcha aliique Soc. Patres induxerant conſuetudines, iterum renouauit. Quod verò Catholici ac Luſitani in tria opida à ſe inuicem non parùm diſſita, eſſent diſtributi, alij enim Tigaræ, alij Dambeæ, quæ imperij Abyſſini ſedes, poſtremi Daij commorabantur; opus erat, quo omnes inſtrueret ac viſitaret, in quo rebus ad ſalutem ſpectantibus iuuaret, ex vno opido in aliud, illum proficiſci, ac per interualla luſtrare, quod non ſine magna fiebat moleſtia. Quare cum apud Tigarenſes eſſet diutiùs commoratus, reliquos deinde ſucceſſiuè viſitauit.

*Luſitano-
rum mo-
res corri-
guntur
per illuſtra-*

Illud autem imprimis in mandatis habebat, vt cum Luſitanis ageret, num quis in Abyſſiam penetrandi locis aditus pateret, & num commodior per fances Melindæ, an potiùs per emporium quod Bailur dicitur, regulo Damcali ſubditum. Scripſit itaque viam per Melindam latrociniis infeſtam eſſe, aliam verò per Bailurium facilem futuram, ſi loci regulus muneribus & officiis deuinciretur: quamuis enim Mahometicæ ſuperſtitionis eſſet, Chriſtianis tamen non tam infeſtus erat, quàm Turcæ qui

reliquis portubus infidebant. Atque hic erat Ecclesiæ Aethiopiæ status, anno Redemptoris M. D. XCIX. ut ex informationibus, inde translatis, colligere fuit, Iam verò Africæ valedicentes, Brasiliam adeam us.

CAPVT XXII.

De Brasilia situ, proprietatibus & incolis.

ET si huius regionis descriptio ac tractatio ad Occidentalem potius Indiam, quàm orientalem, de qua hoc in opere agimus, spectare videatur; hoc tamen loco inferere visum est, tum quòd à Lusitanis, dum in Orientem nauigationem instituere eumq; detegere parant, detecta sit; tum quòd eorum imperio pareat, & ad ipsos pertinere videatur, initio siquidem operis de ijs nos acturos locis promissimus, quos Lusitanica detexit solertia, At prius quàm fidei incrementa progressumque apud Brasilios prosequamur, breuem regionis & incolarum descriptionem præmittere visum fuit. Est itaque Brasilia quarti orbis pars, quem hodie nouum indigetant, quod iam recenter Patrum memoria post annum scilicet millesimum quingentesimum detectus sit: vel potius Americam, quòd paulò post Petri Aluari Capralis Lusitani accessum Americus Vesputius Florentinus, Regis Emmanuelis auspicijs, accuratiùs explorarit. Ceterum omnis hæc regio, si terminos hodiernos spectemus, ad septemtriones flumine Marañonio terminatur, cuius fauces duobus ab Aequatore, polum Antarcticum versus, sunt gradibus; ad meridiem flumine, quod ab argen-

*Brasilia
descriptio*

Limites,

argento vulgò Lusitani *Rio da prata* nuncupant, quod in mare trigesimo quinto latitudinis australis gradu, se exonerat. Occidentale latus à prouincia Peruana disterminant iuga montium adeò celsa, vt ipsos animum volatus fatigare dicantur, vno duntaxat, quod adhuc exploratum sit, eoquē difficillimo transitu. Latus in orientem spectans Oceano alluitur, qui æstu delatus ad vsque Hesperios Aethiopas se extendit. Omnis hæc regio hisce finibus distincta trigoni oblongi speciem refert, cuius pars duplex lateralis basim longè superat, quæ in Aequatorem ac Septemtriones obuersa, ab Oriente in Occidentem rectà protenditur. Angulus extremus basi respondens, ignotas ad meridiem regiones, polum *Eius temperies.* Antarcticum versus, attingit. Regio fermè tota in primis amœna est, cæli admodum incunda, salubrisquē temperies: tametsi enim pars eius Zonæ torridæ subiaceat, lenium tamen à mari ventorum flatus commodissimi, ita eandem temperant, ac calorem mitigant, vt habitationi percommoda sit. Vapores siquidem matutinos ac nebulas hæc flabra tempestiuè dissipant, solesque purissimos ac nitidissimos reddunt. Scætet ea tota fermè plaga campis apertis, collibus, montibus, vallibus amoenissimis, quas opacæ inumbrant syluæ, limpidi irrigant fontes, & amnes fecundant latissimi: è quibus vt reliquos taceam, is quem indigenæ Paraguaium, Lusitani & Hispani ab argento *de la plata* nuncupant; qui tantæ capacitatis ac latitudinis, vt Nilus, Ganges, Euphrates, in vnum conflati flumen, teste Acosta, cum eo vix comparandi sint. Leucarum quadraginta ostio in mare fertur, quotannis Nili instar ob aquarum è Peruanis montibus delabentium copiâ per vniuersam latè regionē stagnat: vt accolæ toto illo tēpore (quod tri-

Eius temperies.

lib. 2. c. 6

mestre est) conuasata supellectile in scaphis commorentur; omnes alioquin diluuiò perirent; nã incrementa præsentes longè lateq; vagantem stagnationem scaphis anteuertunt, & se suaque linitibus conseruant.

Alter est, quem nonnulli Amazonium, alij Marañonium, alij item Orellanam dicunt, Peruanis item montibus magna imbrum fluminumque vndique confluentium accretione descendens; per effusissimos Payeti & terræ aureæ atque Amazonum campostandem in Oceanum illabitur. Tampatens illius est alueus, præsertim circa finem, vt plurimas maximasque constituat insulas, & in eius medio nauiganti alueo nonnisi coelum & aqua apparent, terra nulla. Hi sũt duo Brasiliæ & totius Americæ fluuij primates; quamuis vterq; Brasiliã, vt diximus, determinet.

*Regionis
fertilitas.*

Valles habet fecundissimas, & felices præpinguibus glebis & riguo solo semperque vernantes; credita semina multiplici reddit fœnore. saccari præsertim ferax est; quod cœlestis est donũ veteribus ignotũ. Attrico melli olim nobili multis partibus præferendũ, proceris arundinibus condidit natura; è quibus aquaria mola dulcissimus humor expressus, in ahenis ad purum excoquitur; tum formis in panes cogitur ad metæ figuram, itaque in Europam transmittitur. Ex ea merce negotiatores Lusitani in Brasilia commorantes maximum capiunt emolumentum: siquidem nauibus quotannis in Europam euecta certissimo compendio longè lateque dinenditur. Producit adhuc Brasilia plantas & arbores multiplices, quas Europa ignorat, vt sunt quas vulgò Copiabas, Zabucuales, & Auanazes dicunt. è Copiabis inciso per æstatẽ cortice, in modũ balsami liquor suauissimi odoris emanat; cui cum ad alios mortalium vsus, tum ad cu-

*Copiaba
planta*

ad curanda vulnera, & cicatrices tollendas, mirificam esse perhibent vim. Ex plantæ cernuntur affrictu animalium attritæ, quæ à serpentibus venenatis, aut à feris icta ad remediū illud ipso naturę instinctu se conferunt. At Zabucæ quæ dicuntur, admodum excelsæ, magnos ferunt summa *Zabucæ* duritie calyces, ore in terram obuerso, & quidem *lum fru-* admirabili naturæ solertia pyxidatim operto. *ijsæus,* calycibus nuces castaneæ saporis egregij continentur: quæ ubi maturuerint, excusso confestim operculo, paulatim ipsę per se in alimēta incolarū ad vnā e calice defluūt. Verū ex omni genere palma tribuitur ijs, quos vulgus Auanazes appellat. Plātā est humilis, cuius ē rāmis veluti pinea incre- *Anana-* mēta depēdent præmollia: hæc suo tēpore in fru- *zum fru-* sta defecta, gratissimo simul odore ac sapore non *bus.* recenti dūtaxat edulio sunt, verū etiam in longū tempus adseruantur ē saccaro. Non est vero præ- *Arbor* tereundum lignum Brasiliū, à quo vniuersa re- *Brasilia* gio nomen mutuata est, quod magna illius in Eu- *vnde re-* ropam aduehatur copia. Ingentē truncum habet *gio nomen* & elegantem, internē rubricantem, & tingendis *traxit.* vestibis inde petitur. Hæ sunt Brasiliæ plantæ, quas habet singulares, nec Europæ communes. Ad hæc est videre hic anes coloris eximij & iucundi, Psittacorum instar, & similes. Magna animalium omnium tam cicurum, quā siluestrium hic fœcūditas, vt dici vix posset, quā admirabili prouentu equi bones, oues porci, aliaq; tum maiora tū minora animalia, quæ ex Europa à Lusitanis inuecta sunt, fœtificarint; quod vberissimo agro, mitissimoque cœlo ascribendum: Præter animalia nobis cōmunia sunt hic alia, quæ Ceri- *Cerigo-* gones dicūt; quę buxæo colore, vulpeculę magni- *nes ani-* tudine; binę iis ex aluo depēdēt veluti maticæ, in *malia.* ijs catulos circūferūt, & quidē adeo pertinaciter

suo

*Pigritia
animal.*

suo quemque vberia affixos, ut à perpetuo fluctu non auellantur, antequam ad pactum ipsi per se progredi valeant. Valde etiam inusitata & effigie & natura est animal, quod ab ipsa re Lusitani pigritiam appellant, quod tam tardè moueatur, ut quindecim ipsis diebus ad lapidis ictum continuo tractu vix prodeat; neque verò adhortationibus tantum aut minis, sed ne plagis quidem fustibusve bestiam vel tantillum de insita tarditate dimoueas. Propterea ab Hispanis *perullo ligero*, id est, catellus celer, antiphrastice dicitur. Vicitat arborum folijs, & in earum cacuminibus degit plerumque: quarum in ascensu biduum circiter, tantumdem in descensu ponit. Cerigonū fere magnitudinis est, sed rostro foediore ad aspectū, & nocturne simillimo, vnguibus ad digitorū humanorū similitudinē prominētibus. Huic ex occipitio depēdens coma ceruicē velat, nūquā in pedes exurgit, sed lēto vētris adipe verrit humum. Sunt qui se dicant curiosiūs obseruasse, neque vñquam comedere visum; hinc vento, Chamaeleontis instar pasci sibi persuaferunt: quem ut hauriat facilius rostrum vento obuersat: formicis tamen vicitare tradit Acoſta. Interdum de nocte auditur ha, ha, ha, sexies, voce semper demissiore ingeminare, prima ut secundā sit elatior, & hæc tertiā, æquali semper proportionē illam, ad musicorum imitationem sex vocum discrimina la, sol, fa, mi, re ut, modulantium, dimittendo. Nonnullorum hinc est opinio, quemadmodum homines, visā naturali nonnullarum ferarum armaturā, equos armare, & hirundinum imitatione domos construere didicerunt, ita ab hoc animali musicos concentus didicisse. Sed artem illam elegantissimam ac nobilissimam alium habuisse auctorem, quam iners hoc & vecors animal,

*Tigres in
asilia.*

mal, ipse mihi persuaferim. Magna præterea vis hic tigrum, quæ famelicæ horribili velocitate sunt, viribusque tremendis: eadem pastæ, (quod mirere) tanta ignauia, vt à gregarijs etiam canibus confestim in fugam agantur. Adeò cibi potusque satietas non homines tantum, sed etiam feras hebetes reddit. Sunt & alia in Brasilia animalia & plantarum genera, sed quæ retulimus, potiora sunt ac præcipua, nec Europæ communia. sed iam satis superque de rebus regioni proprijs egimus, ad incolarum mores institutaque transeamus.

Antequam Brasilijs Euangelica doctrina excolerentur, omnes tum Orientalium tum occidentis Indiæ incolas barbarie immanitateque superabant. Nullam omnino litterarum habebant notitiam. Trium ex alphabeto elementorum F, L, R, nullus apud eos etiam maris accolæ, vsus erat; minimè absurda quorundam animaduersione factum id esse diuinitus, eò quòd Fide, Lege, Rege carent. Nullam enim agnoscebant Deitatem, falsam nec veram. Nullos omnino colebant Deos, ominibus tantum & augurijs ad infamiam dediti, & ariolis impostoribusque miserandum in modum quaestui sunt. Nonnulla de Noë deque diluuiò à patribus acceperant, quorum cognitionem à primis terræ incolis post diluuium dimanasse, credendum est. Aliud è sacris non nouerant historijs. rectè aut perperam factis nihil post mortem præmij supplicijue superesse arbitrabantur. Animam tamen immortalem credebant, ac corpori superuiuere, sed tales post hanc vitam semper manere homines, quales moriebantur; ac qui diem suum obiere, eos perinde ac decesserint, vel integro corpore, vel mancos vel debiles, vulneribusque confossos ad orcum descendere. Ergo incremata conuolat humi corpora addito

Nullum
adorant
Deum &
omni ca-
rebant
fide.

Anima
crede-
bant im-
mortali-
tatem,

addito reti cubandi causa (in quo illi, non secus ac nos in lectulis, vti breui dicemus, somnū capiunt) nec non eduliis per aliquot dies appositis: quod ita persuasum habent, & somnum interim capere, & cibo vesci manes mortuorum. Hæc illorum fides. sed in legibus institutisq̃ue maiorem etiam barbariem stuporemq̃ue præferēbant. Regem nullum aut dominum agnoscebant, cuius imperio legibusq̃ue parērent, certum non habebant domicilium, sed sparsum habitabant. Cumq̃ue omnes penē eiusdem forent generis, congregati hoc anno in valle hac commorabantur, & sequēti in illa, atque ita vicissim annis singulis habitationis locum mutabant. Hoc in loco & sementē faciebant & casulas ad testudinis aut inuersæ modum carinæ exstruebant, oblongas, sed angustas, vt sub eodem tecto multæ simul familiæ degant. Noctu ad noxia vitanda animalia, & vt aëre libero fruantur, cubāt in retibus à terra ex arbore duplici suspensis. Atque hæc apud eos plerumq; cubandi ratio est. Vino, panē, frumentoq̃ue etiam; priusquam Lusitani regionem frequentarent, caruere, satiuæ radice, quam Mandiocam nominant, & nostratibus rapis non absimilis est; victitantes, modò verò qui Lusitanis cohabitant, & frumentum secum & alia, è quibus panem conficiunt. Fructibus etiam arborum victitabant, qui gustui suaves sunt, plurimæ enim, etiam non cultæ plantatæq̃ue proueniunt; quæ licet siluestres, fructus tamen ferunt iucundissimos; atq; imprimis Caiusia, pira apprimè succosa & innoxia, itaq; mediis caloribus auidē comeduntur, quod & frigidiuscula sint, & sitim restinguāt. Ferina etiam abundant, nam venandi sunt peritissimi. Pisces tum ex amnibus tum è mari plurimos educunt. patandi enim arte ad miraculū vsq; præcellūt, sub aqua

aqua totas interdū horas, vbi quidpiā in imo quærendū est, patentib. oculis vrinantur. Operatissimæ Brasiliis epulæ sunt carnes humanæ, ac præsertim hostiles, quas ingenti cū tripudio huic in modū vorant. captos bello hostes (crebra autē inter eos bella excitantur, idq; non imperij dilatandi, quod nullū habent, sed iniuriarū mutuarum vindicandarū causa,) saginant, vt nostrates capum aut porcū; saginatos corā magna confluentium corona; alligato ad vmbilicū fune, quem vtrimq; plurimi tenent, ne captus longiūs quā velint, digrediat, producūt. Vincitū contumeliis & iniuriis proscindunt, ac deinde quidam astantium ingēti vecte miseri caput comminuit. Mox infiliunt in prostratum mulieres, exta quæ educunt, frustatim quæ discerptum vorant simul verubus tostum; vel lento igne sensim exsiccant & asseruant, etiam pluribus simul mactatis. Ex iucundissimæ his sunt epulæ, neque sicui hoc leti genere perire contigerit, male secum actum existimat, dum parentes & consanguineos mortis suæ vindictam sumpturos putat: quinimo, vt apparet, ad mortem pergit alacer ac securus; editisque contra ipsosmet percussores facinoribus, magnificē in ipso necis articulo gloriatur.

*Carne vēr
scuntur
humana.*

Hi scilicet Brasiliorum mores erant, priusquā ad ciuilem cultum traducerentur; & sunt etiamnum illorum qui in pristina barbarie permansere, qui nudi æquē viri ac foeminæ prorsus incedunt, ac hæ fluxo vniuersum pene corpus tegunt crine. Vterque sexus totum alioquin corpus expilat, sed viri propensam à vertice dumtaxat cæsariem gestant, omnem alium pilum violenter euellunt. Puerperarum loco (quod vix credat quisquam) in aliquot dies velut æger decumbit

*Nudi in
cedunt.*

*Viri sunt
in lecto
puerpera.*

mar-

maritus, hic officij causa ab amicis & propinquis inuisitur. huic sorbitiunculæ dantur ad refouendas vires, huic de gentis more bellaria ac delicata munuscula & liba deferuntur, atque eodem se gerit modo, quo apud nos puerperæ. Vxor verò à puerperio confestim exsurgit, ac domestica impigrè obit ministeria. Quod barbariei illorum euidentis est argumentum. Beneficiorum adhæc acceptorum immemores sunt, vafri atque scelesti, æque iræ ac libidinis impotentes, hinc ad pugnas & certamina temerarij præcipientesque, vltionis & humani sanguinis auidissimi: qui verò mediterranea incolunt loca, ac patrios mores retinent, bel-luis quàm hominibus propiores sunt. At post illatum ab Societate I E S V, Sacerdotibusque sæcularibus Euangelium, & liberalium artium disciplinas, præsertim qui mare accolunt, ad humanitatem ac pietatem traducti, dociliores quàm credet quisquam, sese ostenderunt. Plerique enim in vicos & oppida contributi sunt, quæ haud procul à Lusitanorum vrbibus exædificarunt: hic doctrinam Christianam ac politicos mores edocentur, ad honestatem, agriculturam, aliasque ad vitam humanam tolerandam artes traducuntur.

Christianis additi sunt permulti, sed non
 sine labore ac discrimine docentium,
 vti postea patebit la-
 tius.



CAPVT XXIII.

Quando & qua ratione Lusitani Brasiliam detexerint; religiosi & Sacerdotes eodem fidei promulganda gratia; mittuntur.

Vascus Gamnia cū Emmanuelis Regis auspicijs, anno salutis M.CCCCXCVIII. Vt libro priore retulimus, Indiam orientalem detexisset, & sequenti anno Olyssiponem reuersus; Regi visa; auditaque in peregrinis regionibus retulisset; facēs narrando eidem quodāmodo subiecit, vt hasce regiones non modo sub imperium ditionemque suam redigeret, sed ad Christi fidem barbaras gentes & incognitas traduceret. Partim itaque honoris diuini zelo, partim regni ad incognitas orbis prouincias propagandi desiderio accensus, anno sæculari sesquimillesimo, tredecim nauium classem instrui iubet, & mille quingentos armari Petrus Aluarus Capialis Lusitanus summa cum potestate præficitur. Huius in comitatu esse voluit Henricum è Franciscana familia insigni æquè doctrina ac sanctimonia virum; ac Sacerdotes aliquot sæculares; partim ad Christianorum classē vectōrum animos procurandos; partim ad prædicandum ethnicis Euangelium, si fortè commodā illius promulgandi daretur occasio. Mense igitur Martio eiusdem anni Olyssipona cū soluissent, decimo tertio post die in Canariās insulas appulerunt. Hinc cū ad bonæ spei promontorium rectā tenderent; coorta fædissima tempestate, omnium cum vitæ periculo, & classe disiecta; nauis vna; fractis armanien-

tis, Olyssiponem inuita, irrita nauigatione repetiit. Ceteri postmodum ex errore & trëpidatione collecti, ad vitandam Gainëx malitiam, & superandum Bonæ spei promontorium, longiore ambitu capto, & Africæ littus Eürum versüs declinantes, cum se in altum dedissent, post mensem circiter in telluris conspectum ventis feruntur: quam insulam initio rati, continuata secundum littus nauigatione, continentem sine dubio esse comperiunt, & quidem maximam. Ibi ex longa iactatione classem portus excepit, cui ab egregia situ ac statione Securo nomen impositum, tum quod excipiendis nauibus commodus foret actutus, tum quod post varios casus, tempestatemque in commodum tandem portum delati essent. Exscensione in terrã facta Christiano ritu in ara subductili ab Henrico, ductoris iussu, est sacrificatũ, assistentibus reliquis Sacerdotibus Deoq; ingentes ab omnibus actæ gratiæ, quod cunctis eos periculis subduxisset, & hanc in regionem hætenus ignotam perduxisset. Ad sunt interim incolę arcubus & sagittis instructi, quibus armis tum in bello, tum in venatione vtuntur. Mirari barbari inuitos hætenus populos; eorumq; huc aduentũ; vicissim & Lusitani, dũ Brasílios nudos penitus & deformi fœdatos vultu conspexere. habet enim deliciarũ causã quidã inferiore duntaxat labro, alij superiore, alij genis, quidam etiã facie tota; cãrni insertos prælongos nullius pretij lapillos. tetro sane spectaculo, quãuis venustatis ac decoris parandi gratia ipsos id facere cõpertũ sit. Lusitani tantã deformitatẽ quãuis stuperent, benignos eos ad se nutib. inuitare, editisq; signis beneuolentiæ, omnẽ illis metũ eripere conari. barbari quoq; gestib. illorũ se recreari ostẽdere aduentu; & cũ nihil planẽ perciperet, Deũ tamen orari crasso quodã modo scirent, interea dũ sacra celebraretur, cœlestes

cœremonias admirabili studio ac veneratione
concelebrare. In eo deinde littore Capralis præ-^{Vnde Brā}
altā Crucē lapideā, solenni ritu & precationibus ^{filie nomē}
consecratā, defixit; à qua regio sanctæ Crucis in a-^{regioni in-}
liquot annos dicta: sed à Brasilō rubro ligno, quod ^{ditum.}
indē petitur, superinditū deinde Brasiiliæ cogno-
men, vulgi consensus & pertinax consuetudo re-
tinuit. Deinde Gasparem Lemium Capralis in Lu-
sitaniā extemplō misit, qui Regem de reperta
Brasilia certiozem redderet, addiditq; vnū ē bar-
baris, velut regionis specimē, quod regē ac cete-
ros omnes ingenti læticia atque animi voluptatē
perfudit, qui postea insigne hac ē prouincia, vti
suo videbitur loco, emolumētū percepere. Inter-
im Capralis, qui Orientem petere in mandatis ha-
bebat, ne frustra tempus infumeret, accepta in na-
uem aqua dulci & comœatu, ventis in Orientem
vela permisit. Atqui deinde ē Brasilia in Lusitani-
am rediere, tanta de illius fertilitate, temperieq;
retulere, vt plurimis eō proficiscendi iniecerint
desiderium, adeo vt solennis huc institui cœpe-
rit nauigatio. Cumq; compendiosa hæc videretur
nauigatio ob saccharum, Brasiliū lignum, Psitta-
cos, cercopithecos, aliaq; quorum ferax est re-
gio, tanta eō Lusitanorum confluxit multitudo,
vt in tribus se diuidere ac opidula, quas præfectu-
ras dicebāt, ad cōmercia tutius peragenda, & bar-
barorum insultus propulsandos, construere co-
acti sint. Barbari enim si quem Lusitanorum so-
lum inuenirent, clanculo mactabant, & quasi ho-
stiles carnes deuorabant. Cum prima Lusitanorū
colonia huc missi sunt Franciscani Fratres ali-
quot, Italici maximē generis, vt indigenas ad
Christiana sacra moresq; ciuiles sensim perdu-
cerent: quorum vnus in traiectu fluminis ignoti
submersus, celebre illi à sancto Francisco nomen

dedit. S. Francisci flumen exinde appellatum. Ceteri verò & à barbaris mactati & denorati sunt. namque ante partam patriæ linguę notitiam in intima regionis temerè ad Euangelicam doctrinam disseminandam penetrantes, à barbaris ignaris, quantum sibi bonum illorum allatura esset prædicatio, subito in aduenas coortis miserè, sunt interempti. Postea verò terra hæc innocuo beatorum martyrum irrigata sanguine, vberem ac lætam Christianorum (vti videbitur) mensem produxit, illorum precibus non parum hanc in rem conducentibus. Interim verò dum plurimi in Brasiliam nauigationem quotidie instituerent, plurimi exstrui vici & opida cœpere, quorum quinque fuere præcipua. Prima Itamacaca dicebatur, altera Pemâmbricum, tertia illeos, quarta Portus securus, extrema à Sancto Vincetio nominata est. Brasili] verò Lusitanorum fugiebant commercia, & à prima non desistentes barbarie, humanarumque carnum epulis, si quos hinc inde sparsim nanciscerentur Lusitanos, mactabant. Hi autem vt barbaram retunderent audaciam, terroremque iniicerent, collecta interdum vniuersa suorum multitudinè, quotidianam suorum necem vltuti, bellum his inferebant; hinc plurimos interficiebant, captos in seruitutem redigebant, vt illorum opera & in saccharo parando, & terra colendâ subligendaque vterentur. At quoniam iniuriarum memores sunt, & vltionis avidissimi, interfectorum aut bello captorum consanguinei & affines in Lusitanos sæpè inopinatò ruentes, si quos nancisci poterant, aut in loco mactabant, aut captos in sagina post mactâdos asseruabant. Interdum quoque affines suos captiuitate eripiebant; ipsi quoque serui, si quando commodabatur occasio, effractis ergastulis ad suos con-

confugiebant, herosque de in suos, mille contumeliis & iniuriis laceſſebant. Hæc igitur vt vitarentur incommoda, ac præfecturæ debito gubernarentur regimine, Ioannes III. Luſitaniæ rex anno Redemptionis vndeſquingageſimo ſupra ſequimilleſimū, vnum omniū præfectum ac prætorē Thomā Soſam eò deſtinauit, qui primus omniū prætor ea littora petiit, quoq; Braſiliorū cōuerſio maiori cum fructu impolterū procederet, à Paulo III. Pontifice Maximo, & Ignatio Loyola Soc. Ieſu parente & tum moderatōre Patres aliquot petiit, qui in Braſiliam proficiſcerentur. Miſſi igitur ſex, quorum, quod primi fidem Braſilienſibus promulgarint nomina, hiccine tacitum præterire nefas eſt, Ioannes Azpicueta Nauarrus, Antonius Pireus, Leonardus Nonnius, Didacus Iacobæus, Vincentius Rodericius, Luſitani, Rector iis additus item Luſitanus Emmanuel Nobrega præſtanti virtute ac ſapientia vir. Ineunte menſe Aprili anno poſt Chriſtum natum M. D. XLIX. cum Soſa Olyſſipone ſoluerunt, & poſt duos circiter menſes Braſiliam attigere.

Primi ſocii in Braſiliā miſſi.

Soſa mox deſcenſione facta nouum conſtrucere opidum cœpit, haud procul à portu ad quem appulerat, quod hodie vetus nominatur. Dum enim metuit, ne à Barbaris omnes de nocte Luſitani inopino incurſu mactarentur, quod opidum vetus debile & ad munitiōē ac deſenſionem ineptum videretur, commodiorem quaſiuit locum, in vicino tamen, vrbi nouæ condendæ, cui hodiè Saluatoris, vel ſinus omniū Sanctorum, nomen inditum eſt; quod capaci commodoque imminet portui, qui ſuum, qui à Sanctis omnibus nomen habet, tangit, & tredecim diebus ac dimidio latitudinis australis eſt. Plerique Aduenarum, ad deſtinatum vrbi locum, qui media ab

opido Vetere distabat leuca, supplicationis ritu agmine facto perrexere; in quo Christianæ religionis insignia gratulabundi fixere. Mox plerique incolæ opidi Veteris aliarumque præfecturarum huc commigrarunt, quibus à Prætorè in exstructionem aræ diuiduntur, vti & Patribus Societatis ad templum Deo sibi que domum construendam.

Omnes itaque vrbi parandæ gnauiter incumbere, & necessaria hinc inde summa diligentia conquirere, breui vt incoli potuerit: Patres facta optione, locum domicilio delegere, vbi Mariæ virginis Adiutricis templum hodie cernitur. Id templum ab iisdem conditum est ingenti labore. Siquidem nulla dum in eorum victum aut cultum ab rege decreta pecuniæ, nulla in templi fabricam suppeditabatur. Siquidem populo domibus priuatim excitandis & cingenda raptim vrbe dies noctesque occupato, aquari lignarique ipsimet, lapides & necessaria conuehere, ac proximis è montibus materiam lignaque suis humeris baiulabant. Hinc quippe ligna, illinc lapides, arena, calx, & aqua aliunde magna molestia petebantur. Excalceati ac seminudi, æstu & sole torridi quotidianum obibant opus. Accedebat extrema propemodum egestas in ignoto incultoque solo: nec rarò, plane omnibus defecti alimentis, cibaria ostiatim emendicabant euentu vario; quippe cum alij sibi quoque angustiam esse domi semper dicerent, alij commoti misericordia, ex eo quod suppetebat liberaliter impertirent, sed admodum modicum & rarò, vt summa cum rerum ad vitam necessariarum penuria conflictarentur.

Eiusmodi inopia pressis ad extremum Prætor modicum quid eleemosynæ nomine ad tolerandam ex

dam ex parte vitam assignat, quoad reliquis deinde necessitatibus ab Lusitano rege pro cetera ipsius munificentia ac pietate subuentum est. Inter eas tamen ærumnas miserasque, adiuuandis quantum liceret Lusitanorum animis, exemplo, verbo instabant; dominicis ac festis diebus conciones de rebus diuinis habebant, confessiones incolarum nouæ vrbis excipiebant, Sacramentaque non secus ac pastores animarum administrabant; alium enim Sacerdotem non habebant; donec tandem Sacerdos secularis è Lusitania veniens curionis munere functurus, illorum curam susciperet. Sed videamus iam quid deinde contigerit.

CAPVT XXIV.

Socij Brasiliensium conuersioni incumbunt, à quibus duo sunt interfecti.

EXcusso iam ceruicibus animarum onere Patres, insignem vni Brasiliensium conuersioni operam dedere. Hoc enim consilio huc traiecerant, quod illorum operam maxima necessitas exposceret. Concessis itaque curioni Lusitanorum, ædibus tanto sudore constructis, extra opidū nouā in sedem loco edito commigrarunt, quem montem Caluarium ipsi dixere, circumfusus vndique barbarorum ad ciuilem cultum transeuntium & cum Lusitanis pacificè agentium, tugurijs. Delectus hic potissimum locus, quod maior illostum verbo tum exemplo instruendi esset commoditas.

Quod eo videbatur facilius, quod inter eos commorarentur, sed non sine magno apertoque vitæ discrimine, quod magna barbarorum esset feritas ac perfidia, sed sacra Deo & deuota iam capita

*Duo socii
ad Vin-
centia-
nam colo-
niam mi-
nuntur.*

nihil pro salute hominum recusabant periculi. Nec deerant interim ciuibus Saluatoris, adibant siquidem urbem sapius, conciones de rebus diuinis habituri, afflictos & moribundos consolaturi, Sacramentaque dum necesse foret, administraturi. Alia longe erat causa Vincentianæ coloniae, quos exules fermè, in vltimis finibus ab omni Christiano pastore disiunctos, atque ob id ipsum cælesti verbi Dei & Eucharistiæ carentes cibo, circumfremementibus barbaris, ipsa propemodum efferauerant loca. Ad hos igitur omni studio recreandos refouendosque Nobrega sociorum præfectus, ex ipsa suorum paucitate duos in præsentia, rogatus destinauit, Leonardum Nonnium & Didacum Iacobæum; ipse cum reliquis ad Brasiliis indidem cicurandos & erudiendos incubuit. Erat omnino laboriosa prouincia, & multis difficultatibus implicata. Obstabat inscitia linguæ, obstabant ingenia moresque incolarum. Igitur incommodo linguæ obuiam itum est initio nonnullorum ope ex ijs, qui ante Sosæ aduentum ad villam veterem agebant: ij primum adhibiti interpretes vicem sermonis utcumque supplebant. Dein quo facilius procederet tota res, ac minus ipsi aliunde penderent Patres, ad Brasilicam linguam addiscendam cuncti pariter animum adiciunt, acrique studio ac pia æmulatione perfectum haud ita magno temporis intervallo (quamquam non ita copiosa vt plurimæ, tamen ab omni Europæo sermone planè abhorrens erat) uti essent ad confessiones audiendas & habendas conciones idonei. Prospero Euangelij cursui obstabant prauis incolarum mores; quod super quotidianas cædes ac finitima bella, & inexpiable vlciscendi certamen, dapesque diras, in crapulam quoque ac venerem proiecti, magis in dies

dies obtunderent aciem mentis, & flagitiorum
 cœno quicquid erat indolis bonæ demergerent.
 Accedebat indomitum ac latè patens malum, &
 quo valentius nihil aditum atque ita obsepserit
 Euangelio; veterum Christianorum, indigna ta-
 li nomine ac professione, licentia procacitasque,
 cum anxia cupiditate sordibusque coniuncta; vt
 eorum aduentus in barbarorum vicos, vitæque
 consuetudo cùm grauitè cunctos offenderet,
 tum ingentem nomini Christiano inuidiam infami-
 amque conflaret; hinc barbari à fide suscipi-
 enda deterriti, & alieni in feritate sua prauis-
 que moribus permanebant. Nec leue afferebat in-
 commodum ipsa mobilitas gentis, & crebra, vt
 dicebamus, mutatio loci: vt sub ipsam interdum
 mensem, fessis agricolis, & diuturnum laborem
 tædiumque spe largi prouentus de more solanti-
 bus, adultæ iam segetes repentinè apparere desine-
 rent, & alium in locum commigrarent; vt omnis
 qui sperabatur fructus in momento euanesceret.
 Postremo deploranda erat hic etiam, in tam va-
 stis terrarum spatijs tantula ac tam deserta ma-
 nus. Sed nequaquam idcirco fracti animis vel de-
 bilitati sunt Patres, diuino potissimum nitentes 1-Reg. 14.
 auxilio, haud ignari videlicet, non esse difficili-
 us Deo in paucis quàm in multis saluare quos vo-
 luerit; insuper quam exiguo numero Apostoli
 quantas olim res Deo duce atque adiutore gessis-
 sent, in varias orbis regiones fidem quam doce-
 bant illaturi. Et sane ipsa videbant, eundem
 ipsum Christum talium consiliorum parentem
 auctoremque, recentibus hisce famulis, nouas vi-
 res & animū ad barbarorum salutem procurandā
 suppetitare. Magna ergo diligentia in patriā lin-
 guā discendā incumbentes, breuissimo temporis
 spatio Deo illustratè, ingenium eiusdē nacti sunt

*Nauarri
ad ethni-
cos con-
uersendos
idonei.*

notitiam. Azpilcueta Nauarri præsertim in eo genere enituit laus, qui linguæ huius adminiculo insignem in barbarorum conuersione fructum edebat, vt cognitis iam rebus, quæ à Francisco Xauerio apud Indos Eoos, & visis, quæ ab Azpilcueta hic quotidie fierent vulgo Lusitani affirmarent, peculiare ac proprium munus Nauarrae gentis ac nominis videri, ethnicorum conuersionem. Nec minor aliorum quoque fuit solertia. nam hoc instructi adiumento doctrinæ Christianæ capita, certasq; preces, orationem Dominicam, salutationem Angelicam, & Apostolorum symbolum, imprimis Brasiliicè vertunt; dein & decalogi præcepta, tum eorû & symboli & Sacramentorû expositionem. Hæc ipsi primò memoriæ mandare, dehinc vicos & tuguria barbarorum paulatim obeundo cantillare: hoc pacto simul & vitæ sanctioris exemplo, modestia, benignitate, comitate barbarorum sibi animos conciliarunt, à quibus & benignè audiebantur & mirificè colebantur. Horum itaq; paratâ beneuolentiâ, & linguæ ampliori partâ notitiâ de rebus diuinis ad barbaros dicere incipiunt, ac præcipua fidei mysteria apertius enarrare, mundi videlicet creationem, protoplasti lapsum, aliasq; historias sacras, quas barbari audire & tanta cum voluptate audire vidibantur, vt extra se stupentes raperentur, tum præsertim cum de omnipotentia & infinitate Dei diserebatur. Signis enim exterioribus denotabant, hæc ingenti cum admiratione æquè à viris ac mulieribus accipi. Nostram etiam legēdi conscribendiq; consuetudinem ac peritiam sine fine suspicere & suscipere velle videbantur; cupereque sese in cultu ac religione nostris esse simillimos, ac fidem promulgatam quàm libentissimè amplecti. Verum quominus id re ipsa perficerent, inueterata morum peruer-

peruersitate & feritate dirisque hostium epulis retardabantur. eo acrius instare Patres, vti eos *Historia* humaniorē ad victū ritūq; traducerent. Et quāuis *notabilis.* doctores suos suspicere viderētur, tamē cū ad tollendā feralis cibi ac funesti consuetudinē excitaret graua nō semel adiere discrimina. Inter cetera illud memoratur facinus infigne. Captū ex hostib. quemdā accolæ ad Caluarij mōtis radices atraxerant, ac diu pastum coactūq; pinguescere, in epulas ingenti cum exultatione maſtarant. Ea recognita, Christū suppliciter inuocāt Patres, hortatiq; inter se protinus aduolant, in tugurium irrepunt, prorensū cadauer in ganēā reptatibus interueniūt, palā ac fidenter afferūt manus; quin etiā rationibus facti enormitatē ostentāt, promissiūq; violati eos arguētes & ciuilitatis quā iurarent, & feritatis, quā abiurarāt, turpitudinis illos cōmōnent. Ac virorū quidē quies ac silentiū fuit, iniecto pudore, quod cū Patribus nō nihil iā familiaritatis ē vicinitate, & doctrinæ consuetudine cōtraxerāt. Non eadē fuit seminarū patiētia. vetulæ adstabant aliquot præcipua crudelitate & hostis puniēdi libidine, & cibi huius imprimis auidæ. hæ sibi nec opinatō ereptā ē faucibus prædā indignē ferētes cū clamoribus ac quiritationibus concurrere, iniuriā irrogatā exponere, lymphātes ac velut insanientes, & iuuentutē ad vltionē tā atrocis iniuriæ excire; inde commoti nonnulli auferētibus aliquantulum restitere. At cū Patres minas incursūq; nō formidare cōspicerēt, mox vel ipsa natura repugnāte, quæ peccati horrorē ac pudorē edocet, vel etiā diuinitus terri cœptū omittunt, ita corpus ablatum Patres in horto suo sepeliunt; aliquot cenotaphijs ad fallendū appositis, si fortē barbari noctu ad effodiendum atq; asportandū accederent, vt dum huc illucq; quærerent, ipsi interuenirent, effodientesq; impedirent. Nec

*Patres
harbaros
ab epulis
humanis
pellunt,
sed eos
in'ensos
experimur.*

Nec vana fuit coniectura, facta manu per tenebras in hortum prorupere Brasilijs, pertentatisque sepulcris ac demum inuento corpore (tanta sagacitas fuit) iam extraxerant brachium, cum excubantes in id ipsum Patres accurrunt, eademque orationis animique constantia nefarios conatus infringunt: ac ne sæpius certandum foret, ablata denuo membra intra urbem ipsam accurate defodiunt. Exasperauit ea res vehementius animos gentis, muliebribus præsertim incensæ facibus, æ parum absuit, quin agnine facto, repente urbem inuaderent & euerterent. Patres quidem, Prætoris iussu intra mœniæ remigrare coacti, tantisper dum iræ mitescerent, aliud sibi hospitium condidere, quæ nunc collegij noui ædes conspiciuntur. Quod verò Lusitani, Patres horum omnium tumultuum causam palam apud Prætorem traducerent, non os illos motus temerario illorum zelo adscriberent, periculumque esse iactarent, ne à barbaris de nocte inopinatò mactarentur; Prætor qua erat pietate rerumque vsu iacta in eos crimina & voces vulgi repressit; negauitque aduentum belli extimescendum, quod eorum causa conflatum foret. Deum quippe vel meliori assuturum causæ, victoriamque daturum, vel sedatis tumultibus, è turbido ac tristi serenum repente nitidumque diem haud dubie redditurum. Vera cecinit, mitigati præter spem animi barbarorum, & magno omnium gaudio redintegrata pax est. Lentius inde cautiusque Patres cum Brasilijs agere, non tam quod suo ipsi parcerent capiti, quam ne sermonem aut offensionem popularibus darent: monendo, precando, foeditatem rei, Dei offensionem, post veritatis lucem visam demonstrando illos à nefaria laniena ac popina, auellere conati sunt.

*Barbari
mitigantur.*

Pluri-

Plurimos itaque ab hac funesta mensa auerterunt. ab alijs impetratum, vti ad eos qui capti saginarentur, saltē sibi pateret alloquium. horum ergo, quando seruare corpora non dabatur, animis certē omni studio consulebant: Christiana edoctos interim mysteria, atque ad salutarem peccatorum detestationem adductos, priusquam raperentur ad necem, sacro lustrabant calice, dabantque operam vti ex hostium ludibrijs ac tererrima seruitute ad cælestia regna vitamque sempiternam protinus euolarent. Sed ne hac quidem rationē miseris diu prospicere licuit. Mali dæmonis artificio sibi persuaserant aiebantque barbari, intinctis eo baptismate carnibus multum de pristina saporis gratia deperire. ac proinde mutata voluntate ab illo religionis munere nostros arcebant. Itaque attentā consultatione demum eo decursum à Patribus, vti neci destinatos supremo die ad patibulum vsque prosequerentur, habita prius à reo consensu, atque interea madenti sudario super aliquam corporis partem furtim expresso, adhibita formula Sacramenti, iam iamque morituros dissimulanter abluerent. Id aliquoties tentatum ex animi sententia cessit, sed hoc pacto tandem fieri vetitum. Per idē ferē tempus Lusitanus quidam incolarum cassas oberrans, incertum vnde orto iurgio rixavē perimitur. Accendit ea res maiorem in modum animos Europæorum. Nulla surgentis etiā tum vr̄bis nec periculi immentis habita ratione vindicandum cuncti fremunt cædem, consulendum ipso initio incolumitati aduenarum; neque impunitate ac socordia dutius alendam gentis audaciam. Hæc minitabundi & coram Prætorē & inter se iactare, furore potius & vindictæ desiderio quàm ratione ducti. Si enim ad manus res deducta fuisset, non parua

*Servantur
anima oc-
cidendo-
rum.*

*Diabolus
hoc impe-
dit.*

*Alia eos
servandi
ratio.*

parua

parua vtrimque strages fuisset edita, & sanè ad arma itum foret, ni rem Christianam fouens Deus, & Ecclesiæ tenellæ incolumitati consulens, barbarorum animos ad æquitatem repente flexisset: amicitix ac vicinitatis iura sanguini prætulere: dedituspiaculū iræ noxius, vt in illum pro delicti grauitate Lusitani animaduertērent; & inaudito apud eas nationes genere poenæ, in os bombardæ propalā insertus, aspirato ad spiraculū igne discerpitur. ea res per agros nūtiata magnū Brasilijs terrore incussit, ne quem Lusitanum impeterēt; simul etiā vnus Lusitani casus cæteros in præsētia nō nihil ab incōsulto actemerario discursu cohibuit.

Prædicatio Euangelii progreditur.

Inde Patribus paulo expeditior Euangelij prædicatio coepit esse, magno quæ ac fidenti animo sese multitudinē subinde barbarorum immiscētes, quasi contubernales & conuersales forent, densam ignorantix nebulam, veritatis luce dispellere, opinionum portenta ac monstra fugare, magorum ac veneficorum (quibus derisui, simul & quæstui captæ mendacijs & errore sunt mentes) præstigias atque fallacias aperire ac tollere nitebantur. In ijs præcipua astutia veterator, summam sibi ubiq; auctoritatem pepererat, tamquam pro Aesculapio & morborum omnium depulsore venditabat sese, hinc ad ægrotos omnes ilico adiocabatur. In hunc Nobrega cum data opera incidisset, magum aggressus, rogat, qua tandem vires tantas efficiat? illumne consulat Deum, qui totam hanc rerū vniuersitatē verbō condiderit, & solū facit mirabilia magna solus? an tartarea cacodæmonis cōsuetudine vtatur & opēra, eiusq; ope tot morbos dispellat. Impudentissime arrogantissimeq; respōdit, se quōq; Deum esse, & Deo prognatum; certum etiā hominem coram produxit, à quo grauius laborante morbum ipse pepulif-

Venefici arrogātia.

pulisset. illum præterea regnatorem cæli Deum sibi esse amicissimum, ac sæpe inter nubes, tonitrua ac fulmina ostendere sese: & alia eiusmodi multa superbiæ vanitatisq; plenissima. Nobrega tantam audaciam impietatemque non ferens, advocata concione institit singula hominis dicta firmissimis argumentis, maxima vocis contentione refellere, conuictumque tandem ac fractum ad sententiam simul moresque mutandos adduxit, amicè comiterque pollicitus, se pro illo apud Deum verum fore deprecatores, ut peccata condonet. Ac paulo post cum ipse salutis admonitus se initiandum sponte obtulisset, in catechumenorum adscriptus est numerum, qui paulatim longaque informatione ad fidem suscipiendam præparabantur; quod plerique barbarorum plumbeo sint ingenio & ad quid percipiendum tardo, & etiam præcipua fidei mysteria & ad salutem imprimis necessaria vix cõprehendant. sed post diuturnam institutionem, tandem ad baptismum suscipiendum idonei redditi sunt, idoneique paulatim vitali fonte lustrati sunt, pauci simul & plures. Nihil autem visum grauius, quàm vnicæ illos vxori, repudiatis reliquis; legitimo matrimonio ritè copulare; omnes tamen qui ad baptismum admittebantur, hoc se facturos spondebāt, illius alioquin cõpotes non euassissent. Ex ijs vnus lætitia gestiens, adiit Patres, nutu gestuque significans & affirmans, proxima nocte sese apud superiores fuisse, incredibili gaudio & suauitate perfusum. Credendū Deum nonam hanc plantam cõsolationū suarū imbre rigare voluisse, ut firmiores in fide radices ageret, in eaque quotidie magis ac magis cõfirmaretur. Cetera plebs à patrijs epulis, & ebrietate & salutationib. impudicis, & multiplici cõiugio abstrahi ac diuelli nō poterant. neq; in ijs colēdis vllō pacto respōdebat operę fructus.

*Conuictus
& cõuer-
sum à Ne-
brega.*

*Visto te-
lestis neo-
phyti
Brasiliæ*

Quoq;

Hier. 4.

Quocirca socij nequaquam vltra serere super spinas, sed puram aggredi tellurem è prophetico præcepto constituunt. Infantes primum quamplurimos in tutum recipere, (si cui forte ante vsum rationis obeunda sit dies) & saluari summi Pastoris nota insignire festinant; patres dein matresque familias, precibus, promissis, blandimentis adducunt; vti puerilem ac sobolem paulò adultiorem, sibi in disciplinam dent. Non abnuerunt plerique. gaudebant enim honestà salutarique filios disciplinà imbui. Hosce postmodum ipsos cibo & crepundijs paulatim ad Christianæ fidei mysteria perdiscenda illiciunt. Atque hoc pacto non Christianæ illos duntaxat doctrinæ, sed virtutum etiam exercitio assuefecerunt. Nec poenitendus fuit labor, siquidem & tradita facile accipiebant; & retenta fideliter grandioribus natu; parentibus & amicis, per otium inculcabant: vt horum industria plurimi ad fidei cognitionem transirent, maiorque fieret per neophytos quam per Patres, linguæ beneficio, domesticæque consuetudinis; ad Christum accessio: quin suo ipsi exemplo quod ad verba accedebat; sensim parentes à nefarijs atque impurijs moribus, feritate, lubricitateque, auertebant. Parentes interea (vt est etiam improbis ipsa per se virtus in alijs amabilis) filiorum obsequio; sobrietate, cultu, doctrina lætari, eosque vltro ad proficiendum in virtutum & litterarum studio accendere. Hinc natus incredibilis erga fidem Christianam amor, plurimi vt ad Christum per Baptismi ianuam transire cuperent, pijsque Catechismi carminibus ac beatis vocibus IESV & MARIAE littora campi, luci perstreperent, & orationem Dominicam, salutationem Angelicam & Symbolum Apostolicum aliasque preces suavi voce mo-

ce modularentur. Ipse denique Spiritus sancti ignis adeo per Brasiliam exarsit, vt non ita multis interiectis diebus, septingenti octingentive baptizari vellent, sed non nisi centum admissi primò, ceteris maturiores & magis idonei. Is baptismus quanto maximo licuit apparatu pompaque celebratus est. peracto paschate, qui præcipuè dies, veteri Ecclesiæ instituto, sacris eiusmodi sunt destinati, ceteros catechumenos ad septingentos, dum ampliùs erudirentur, in aliud tempus, quamquam ingemiscientes & impatientes moræ, differri placuit. Sed humani generis hostis felicem rei Christianæ progressum & prospera rerum initia videns, vti neophyti pene omnes in morbum alui oculorumque ac varios casus inciderent, effecit. Hæc magi videlicet ad baptismum inuidiosè transferre, Christianam religionem sugillare; lauatione illa tentari valetudinem, doctrina ac prædicatione pestem ac perniciem populis importari calumniabantur. Sed ipsorum mendacia & improbitatem Dei beneficio reddita mox Brasilijs firmitas, apertè redarguit. ea recepta, institere cum alijs, monitu Patrum, oratoria sacrasque ædes publicè exstruere, quò ad sacra, conciones & catechismum vndique conuenirent. Duæ duobus in locis, magnò Christianæ rei bono, diuinæ gloriæ augmento, & animarum salute excitatæ. Agitatum etiam à Patribus vti sparsos per tuguria indigenas, in pagos & opida cogerent, vt cultui ciuili assuescerent, aliquam reip. formam seruariant, legibus, & magistratibus catus suos temperarent, terram colerent & à ferino cultu ad humaniorè transirent; quod de Theseo Athenarum cōditore narrat Græcia. Nec caruit consiliū euentu, multi enim, vt breui dicetur, ad ciuilem transcuntes cōuersationem, in vnâ remp. coaluerunt.

c. duo
tempora
de cōsec.
d. 4.

Neophy-
ti, bina
adificant
templa.

Interim adolescentes aliquot Lusitani, qui in Brasilia iam dudum habitabant, viso Patrum operâ plurimos barbarorum ad Christum accedere, pio acti tum suæ, tum Brasiliensium salutis procurandæ desiderio, in Societatem IESV ascribi petierunt. Quos inter emiauit Petrus Correa, nobili in Lusitania ortus genere & Lusitanorum Brasiliensium facile Princeps, qui priusquam eò appellarent Patres, plurima barbaris irrogarat mala. Orani enim Brasiliensem naui oberrans, & militum quam ducebat manu in terram descensione facta, barbaros, ferarum instar insectabatur, captosque in Lusitanorum præfecturas venales abducebat, ut in saccaro parando alijsque rebus domesticis operam præstarent. Insigne se Deo hac ratione obsequium præstare credebat, dum barbari Lusitanorum consuetudine ad humanitatem paulatim, ac non rarò etiam ad Christianam fidem conuerterentur, at postquam rei huius iniquitatem à Patribus didicit, quòd innocuos nullaque noxâ captiuitatem promeritos excruciatet; quam irrogarat iniuriam, omni quo poterat beneficio reparare contendebat. Societati itaque IESV ascribi voluit, ut omni studio, spiritali barbarorum commodo consuleret. Respondit voto euentus, reliquo enim quo superuixit tempore, non industriam modo & sudorem, verum etiam vitam ac sanguinem, uti iam iam narrabimus, illorum saluti procurando, impendit. Linguam patriam ita percallebat, ut ipsi Brasilijs eloquentiæ eum doctorem appellare non vererentur.

Quod nò Patribus modò, qui illo doctore facilius Brasiliensem sermonem addiscebant, sed maxime

mè barbaris mirabili adiumento fuit, quod, quā pollebat sermonis elegantia fidei mysteria apertius declararet, eorumque captui differeret accommodatius. Atque hæc hæc hactenus Prætor Sosa gesta sunt; sub cuius discessum, ortum Lusitanos inter & Saluatoris opidi accolæ Brasilijs iurgium; liberum & felicem Sacri Euangelij cursum non parum infregit, ac ab incepto tumultuosè deturbauit.

*Iurgium
inter Lu-
sitanos &
Brasilijs.*

Cū enim ab Ioanne Rege Brasilijs defecissent, edocendi illos nulla suppetebat ratio. Secuta mox quies; perque eam tranquillitatem liberior excursus Euangelio patuit, & ea qua prius in barbarorum conuersionem sudatum est diligentia. Sosa Prætori iam successerat Eduardus Acosta, & peropportunè cum eo insignes aduenerant è Societate IESV viri ac noui in vineam Domini operarij, Ludouicus Grana, Blasius Laurentius, Gregorius Serranus & Ioannes Gósaluius genere Lusitani, Antonius Velascius Castellanus, & qui prouinciam deinde rexit, Iosephus Anchieta Cantaber. Hisce adiutoribus regnum Christi mirificè propagatum, & institutæ aliquot locis Ecclesiæ, atque in pago præsertim cui Paratinínga nomen, atque hic etiam insigni miraculo Deo prædicationi fidem adstruere visum; hoc modo res contigit: Bello inter Paratiníngenses & finitimas gentes exorto, cū illi in aciem exissent, nec opinata multitudine hostilium copiarum exterriti fluctuabant, & quo se verterent ignorabant animum despondentes: Erat in exercitu virilis ac imperterriti animi foemina, maritum, qui etiam militiæ nomen dederat, secuta, paulo antè sacro lustrata baptismo.

*Sex Pa-
tres Soc.
in Brasi-
liam ve-
niunt.*

Hæc percussos metu conspiscata viros magno animo hortatur, vti signo Crucis Christiano more se muniant, ac prælium sine dubitatione committant, victoriam certissimè relatu-ros. Factum vti monuerat, & signo crucis daemones etiam metuendo vniuersis communitis, dempto pauore tantis repente ardor animi atque fiducia cunctis iniecta, vti alacres ac celsi pugnam inierint, magnaue edita strage, hostem in fugam auerterint, intacti omnes, duobus tantum exceptis, qui salutaria piæ mulieris præcepta contempserant; sagittis ambo confixi, alter postmodum occubuit.

*Lusitani
auri fo-
dinas ex-
plorant.*

*Azpilcueta
se obitum.*

Sub hæc ad auri venas inuestigandas Lusitani milites cum fabris in mediterranea Prætoris iussu profecti. Eorum animis Azpilcueta pastor adiunctus superiorum voluntate. Ij per multos errores, varijs vt assolet, conflictati miserijs & ærūnis, denique ad Saluatoris urbem rediere, nullo tantæ operæ pretio; non ditiores, sed fracti & laboribus exhausti. Azpilcueta enim è summis laboribus ac lassitudine morbum contraxit, quo sensim absumptus est, donec corpus tumulo, animam Deo, vt piè credimus, reddidit, laborum ac sudorum ob Christi nomen tolerantium in Brasiliâ, præmium in cælo percepturus. Vitam enim vixerat laudabilem, & multam in vinea hac Brasiliensi molestiam subièrat, vnde magnam Lusitanis pariter ac Brasilijs desiderium sui reliquit; quod enim magna illos comitate facilitateque doceret, mirificè erga illum afficiebantur.

Interea exciti fama rerum, quæ à Patribus gerantur in Brasiliâ, Carigi) & Ibiragiari populi Americæ interioris, dociles mitisque natura, Christianæ Religionis præstantiam adamauerant, Castellanis præsertim hortantibus, qui ad Para-

Paragaium omnem, (qui & argenteus, aut saltem ex eo defluit) sedes habebant. Nec dubitauerunt Carigij amplius ducenti, aliquot Hispanis *Ducenti illorum* admistis, qui interpretis partes agerent, audienti Euangelij ac Baptismi petendi causa (crescente fidei *indies desiderio*) in Vincentiana Præfectura *Paceri volentes longū* periculosum ignotumque per feras & barbaras *iter instigentes* capeßere. Sed pericula negligebant, quod *tuum.* fidei fieri possent compotes. Sed bonæ piæque voluntati breuiori compendio satisfactum. Baptismo enim sanguinis, loco aquæ lustrati sunt, nec ad fidei lumen quod ardentè quærebant, sed gloriæ & immortalis beatitudinis perducti, atque *In via occisi à* iter suum optatissimo fine concludere. à Tupina *Tupina-*quinis enim vel Tupiniquinis diræ immanitatis *quinis.* gente intercepti ac trucidati, labes criminum suorum cruore, loco baptismatis, obpiam qua iter hoc susceperant, intentionem, expiarunt. Tantam generositatem præ se ferentes, ac tanta beatitudinis æternæ concepta fiducia, vt inter ipsam necem percussores in hæc affarentur verba; Vos quidem arbitrati vestro, carnifices, fluxa hæc & olida membra cōcidite. animas certè non prohibebitis, quò minus ad conditorem suum ascendant. Per hunc modū mactati plerique, alijs vincula indita, vt saginati dein, mactati mensæ inferrentur. Vnus è Castellanis dumtaxat elapsus, cū ad Sancti Vincentij coloniam peruenisset, cuncta *Nonnulli* Patribus ex ordine retulit. Missus extemplò ad *in captiui-* Tupinaquinos haud sine aperto vitæ discrimine *tatem* Petrus Correa, linguæ Brasiliæ, vt suprà dixi *abrepti.* mus, bene peritus, qui barbaros flexanima sua oratione demulceret, & ad captiuos nondum *Qui à Pe-*ctatos liberandos adhortaretur. Tam felicem *tro Correa* res successum habuit, tantumque apud efferam & *liberatur.*

*Magnum
fructum
faciunt.*

sanguinariam gentem momentum viri eloquentia, vt Castellanos duos exemptos è custodia in Brasiliam perduxerit incolumes. Ceterum ipse Carigiorum indole magnopere delectatus, vtpote qui multa de iisdem audierat, illā sibi prouinciam à Nobrega deposcit, quò eam aratro fidei subigeret, & Christo lacrifaceret. Nobrega haud abnuuit, sociumq; illi addidit Ioannem Sosam culinæ domesticæ præfectum, virtutibus eximium, sobrietateque, patientia animique demissione excellentem. præfinito spatio temporis, intra quod redirent, festis scilicet natalibus anni M. D. L. I. V. Multa in itinere aniboperpessi, nec sine aperto vitæ discrimine, tandem in Carigiam peruenēre; mox fidem & Euangelium promulgantes magnos animorum motus fecerunt, non plebe tantum, sed primoribus quoque à patria vanitate magis indies ad studium Christianæ veritatis & baptismum suscipiendum accensis.

*Ingratitudinis
exemplū.*

Ab eo munere dum ad Socios euocandos Brasiliam repetunt, ad diem quem Nobrega peregrinationis terminum præfixerat, præclara vtrique tanti sudoris atque operis pro Christi nomine exhausti, præmia diuinitus persoluta, hunc in modum. Veterem quemdam Castellanorum interpretem secum duxerant, quem paulo antè Correa captum à Tupinaquinis, & in epulas de more saginatum ex eorum faucibus eripuerat. Magna huic erat cum Carigijs consuetudo & auctoritas varijs artibus & mira calliditate quæsitā, interea dum cum Correa hic ageret. Ab eius impuro conuictu quòd Correa, tollendæ publicæ offensionis causa, apud Christianissimi candidatos, concubinam euulserat; ira percitus ille & immemor acceptæ salutis (adeò hominem vesana exacerat

cacat libdio) insimulare Corream ac Sofam apud Carigios institit, & in summum odium adducere, quasi cum hoste vicino in eorum perniciem conspirasset; & periculum imminens declarare, si indemnes abire permittant. Carigij, clementi alioquin ingenio nec vafri, credere impij veteratoris dolo, & insimulatione Castellani, prodicionis metu magis Corream & Sofam odisse & suspectos habere, quàm priùs dilexerant. S. Vincentij igitur coloniam dum repetere intendunt ad Socios euocandos, quo còmodius instruerentur Carigij; ethnici aliquot in itinere interceptos adorti sunt nihil minus cogitantes, nec tale quid de barbaris suspicantes. Brasilijs primum duos, qui cum ijs ambulabant, dein Sofam nixum illico genibus & in preces effusum Deoque animam commendantem, sagittis eminus impetentes interimunt; Postremo in Corream ipsum arcus intendunt. is aliquot iam acceptis vulneribus, cum eos placido nihilominus vultu ac sermone lenire conaretur; contra illi pro verbis spicula redderent; flexis item ipse genibus, baculo abiecto, manus oculosque tollit in cælum, peccatisque hostium ingemiscens, inter supremam deprecationem densatis ictibus expirauit, gloriæ immortalis laurea decorandus. Videamus interim quid in Brasiliensium salutem concipiant Europæi.

CAPVT XXV.

*Vnde quadraginta socij, vnà cum Ignatio Azeuedo in
 Brasiliam nauigantes, ob fidem Catholicam à
 Iacobo Soria & alijs Caluinistis Rupel-
 lanis interimuntur.*

*Ignatius
 Azeue-
 dus in
 Brasiliam
 uisitor
 mittitur,*

FRANCISCUS Borgia Gandiæ Dux cum Socie-
 tatis Iesu membrum, in illius caput anno
 seculi superioris sexagesimo quinto electus esset,
 omnesque prouincias, ad quas illa palmites ex-
 tenderant, pro voto visitare commodè non pos-
 set, alios qui easdem suo obirent nomine, delegit.
 Interfuit Ignatius Azeuedus portu Calensi in Lu-
 sitania oriundus, vt virtute sic & genere illustris.
 hunc in Brasiliam, vt socios in eiusdem vinea im-
 pigrè non sine vitæ periculo laborantes, consola-
 retur, destinauit; cui imprimis cœptam Brasili-
 ensium conuersionem commendauit, ceterum
 Azeuedus probè suo functus munere, in Lusita-
 niam redijt, cuius vt ratio Francisco Borgia tam-
 quam Societatis capiti constaret, Romam versus
 proficiscitur. Hic segetem quidem magnam esse
 benè narrat, & ad messem albam, operarios ve-
 rò paucos, qui animos cælesti imbuerent doctri-
 na. Quapropter dum per Lusitaniam Romam
 peteret, multos reperit adolescentes tum è so-
 cietati iam adscriptis, tum etiam sæculares in
 Eborensi academia operam litteris dantes, qui
 summo eum studio rogabant, vt si quando in Bra-
 siliam rediret, socios se assumeret, atque hoc à
 Generali Romæ deposceret, velle enim se & cor-
 poris & animi vires diuinæ gloriæ & Brasiliensi-
 um salutem impendere. In reditum suum omnia
 reiecit

reiecit Ignatius, & iter Romam est profecutus. Generali muneris sui ratione reddita, inopiam operariorū & Brasiliorum necessitatem aperuit; regionem enim esse capacissimam, & per varia Christianos sparsos esse loca nimium quantum inter se dissita, nullum quoque esse qui Brasilienses fidei mysteria edoceret, quàm Socios. Quocirca videri sibi expedire imprimis, ut ibidem in societatem adolescentes adsciscerentur, neque enim tot quotannis ex Europa operarios, quot iam nē requirerentur, mitti posse; domumque Novitiorum in Brasilia, & seminarium quoddam in Collegiis Societatis erigendum, in quo iuuentus tum virtutem tum literas edoceretur.

Placuit Francisco Brasiliæ messis fecunditas & Azeuedi consilium, interim vero dum novitiorum domus & seminarium erigerentur, præsentī necessitati succurrendum censuit. In Brasiliam itaque iussit ut reuerteretur Prouincialis, & ex omnibus Hispaniæ prouincijs comites colligendi qui se sponte offerrent, facultatem concessit. Permissum item Tyrones aliquot, qui ad eam expeditionem se ultro darent, sed delectu habito, in Societatem transcriberet secumque duceret. Non enim abundabat tum Societas operarijs qui in Brasiliam trajcerent, prægnantibus quæ præ manibus haberet abiectis negotijs; tum quod adolescentes eo potissimum mitti expediret; quod facilius & cælo barbaro & linguæ patriæ assuescerent. Azeuedus rebus ex animi sententia Romæ peractis, antequam abiret, Pium V. adire Pontificem voluit, illius pedes supplex exosculari, benedictionem exoscere, simul & indulgentias. Humanè illum Pontifex excepit, plenariamque tum illi tum omnibus Brasiliæ expeditionis

Sociis, solum Dei honorem spectantibus indulgentiam concessit; cereos illi agnos multos dedit, Reliquias plurimas, inter quas caput vnus ex vndecim millibus Virginum; quin & imaginem Deiparæ, ad imitationem illius, quam D. Lucam pinxisse traditur, & Romæ in Basilica B.M. Maioris visitur, depictam, quam plurimi Azeuedus faciebat, & merito.

Nulli enim hactenus mortalium concessum illius effigiem exprimere, quo maior Imaginis Romanæ cultus & reuerentia foret. In Hispaniam itaque traiecit, & collectis vndiquaque expeditionis Sociis, tandem in Lusitaniam venit, in qua plurimi in comites adscribi voluere. Adeò vt ad vnde septuaginta omnium simul numerus ascenderit; erant hos inter aliquot Sacerdotes & plurimi tum Philosophiæ tum etiam Theologiæ operam dantes, permulti etiam in Coadiutores rerum domesticarum assumpti, Erat inter ceteros & pictor eximius, qui quatuor imagines ad imitationem prioris depinxit, quarum vna Collegio Conimbricensi, altera Eborense, tertia domui Professæ S. Rochi Olyssipone cessit, quarta in Brasiliam auecta.

In Valde-
rosal con-
gregantur
omnes
qui in Bra-
siliam itu-
ri erant.

Quod verò classi, qua veherentur, futurus Brasiliæ Prætor præesset Azeuedus, interea dum nauis sua portu & aliorum aptarentur, Socios omnes in Valderosal, quæ domus rustica ad Collegium Olyssiponense spectabat, collegit. Interim verò dum ad iter necessaria comparantur, Angelicam hic omnes traduxere vitam, rerum enim cœlestium meditationi & orationi, librorumque diuinorum lectioni se totos impendebant; non deerant pia pœnitentiæ opera, ieiunia, flagellationes, cilicia, aliaque huiusmodi quibus

quibus se ad iter Brasiliense, cœleste potiùs, quò
per Martyrium (vti iam iam referemus) perue-
nêre, præparabant. Et sanè videbitur ad certamen
illos præparare & vires suggerere Deus; diuinis
consolationibus demulcere, oleoquæ lætitiæ
athletas suos vngere voluisse, quò maiori con-
stantia generositatequæ decertarent; vt maiorem
se animi lætitiâ quietemquæ ymquam sensisse
Azenedus negaret. Testabantur id ipsum quas huc
& illuc mittebat litteræ, pietatem ita spirantes,
vt quicumque eas legeret, nescio quo entheo in-
terius ardore se corripî sentiret. Cum profectio-
nis instaret tempus, nauis illius portu nondum
appulerat, cetera tamen classis & Prætor ipse in
procinctu erant.

Azenedus, si fortè nauis sua moram æquo
longiorem traheret, cum alia classè navigare *Inde O-*
constituit, dolebat tamen, Socios, quos nauis *lyssipont*
illa adueheret, non adesse; orat itaque Deum, *veniant.*
simul omnes vt proficiscantur. Cum illis itaque
quos penes se habebat, Olyssiponem properat
vt cum reliquis quos Prætor duceret, quod pro-
pria nauis tempore non adesset, nauem con-
scendat..

Distribuerat iam suos per nauigia Azenedus
cum nuntius affertur, nauem, quam in Portu Ca-
lensi adaptarat, cum Sociis appulisse. Quo ille *Tres in*
mirificè recreatus fuit; dolebat enim illorum *naues di-*
se Societate destitui. Sarcinas itaque per na- *stribuuntur*
uigia dispartitas in hanc, quæ à Sancto I A C O B O
nomen habebat, transferri imperat, quam ipse
cum quadraginta & quatuor Sociis conscendit,
PETRVM DIAZIVM cum viginti aliis præ-
toriam, & Franciscum Castrum cum reliquis aliâ
quam

quam orphanorum (quod adolescentes & puellas parentibus peste superiori Olyssipone extinctis orbatos, quos in Brasiliam ad gentem propagandam rex abduci iusserat, veheret) dicebant, voluit conscendere. In tres itaque naues socij omnes diuisi, vnde septuaginta in vniuersum erant, præter eos qui eo animo comitabantur, vt in Brasilia in Societatem adlegerentur. Collegiorum itaque ordinem in naui sua seruari voluit Azevedus, quod ipse mediam illam adornarat; quocirca hinc & inde habitacula plurima parauerat, & in alueo illius locum peruium, qui refectorij vicem suppleret, Rem quoque culinariam ipse in se suscepit, vt interim Socij charitatis humilitatisque opera cibum omnibus, qui naui veliebantur, parando exercerent. Signum orationi dabat campana, alijsque pietatis & domesticis exercitijs, vt in Collegijs fieri solebat. Doctrina Christiana quotidie nautis, vectoribusque proponebatur, quod docendi munus primis diebus ipse obiuit; cui omnes nauicularij, etiam nauarchus, pro eo quo eum prosequerentur cultu, hand grauati intererant, & pueruli more interrogati, respondere non recusabant. Sanctorum Litaniæ sub vesperam musico concinebantur modulamine, cui omnes etiam nautæ militesque intererant. Solemnioribus diebus ac Dominicis adornabat in summa puppi altare, quod sacro apparatu, quem naui plurimum deuehebat, instruebat: huic Deiparæ imaginem Roma allatam superimponebat, magnaque solemnitate siccum quod dicunt sacrum hic concinebat. Neque enim fas est, ex Ecclesiæ præscripto in mari consecrationem peragere. Quæ verò elata pronuntiari in sacris voce solent, musico concentu canebantur. Missæ sacrificio peracto, ex utraque casula, exhortationem publicè coram omnibus habebat,

*Pietas omnium
qui classe
vehebantur.*

habebat, & vt plurimum de charitate, qua anima illius internè æstuabat. Hinc tanta nauiculariorū omnium erat modestia, morumq; grauitas, vt Religiosi viderentur. magna siquidem & eximia inter se deuincti erant caritate, nullaq; inter eos æmulatio, discordia, nulla fabula lasciuior. Singuli magno ardore concionibus interesse, rosaria percurrere, aliaque pietatis exercitia peragere. Nec hac solum naui hæcce fouebatur pietas, sed eandem alij duo Patres in aliis omni studio promouere conabantur.

Septimo igitur Iunij Annō M.D.LXX. classis, quæ sex constabat nauibus Olyssipone soluit, cui cum sūmo imperio præerat Ludouicus Vascōzellus, futurus etiā Brasiiliæ Prætor, vir profectò eximius, qui non parum sibi de Religioso hoc sodalitiō gratulabatur. Septimo ergò post die in Maderam appellunt Insulam; hic Azeuedus cum aliquot suorum ad Collegium Soc. Iesu, iam recens institutum diuertit, magno à sociis charitatis signo exceptus. Viginti hic diebus classis substitit, interim socij per vices ad Collegium concedebant. Quod verò nauem D. Iacobo sacram, quam Azeuedus cum plerisque suorum conscenderat, ad Palmam insulam, de numero Fortunatarum, appellere, merces aliquas vt exponeret, ideoque à reliqua seiungi classe, quæ in Madera aliquot adhuc hære diebus debebat, oporteret, vt hac exonerata, cetera interim appelleret classis; Azeuedus cum piratas Rupellanos omnem illam oram oberrare & infestare inandisset, periculi imminentis omnes certiores redditos, ad Confessionē peccatorum & sacram Synaxin peragendam, antequam vela darent, exstimulauit, vt si opus foret, ad mortem paratiores forent. Primum ad se socios singulos euocat, & periculum à piratis imminens

Ludou-
cus Vas-
cōzellus
classis
præfectus
Brasiliæ
Prætor.

minens declarauit, qui quod iuratissimi Catholicoꝝ forent aduersarij, non merces modò, sed vitam etiam ipsam erepturi essent. Quocirca ad mortem se, si opus foret pro fide subeundam pararent; & optionem dedit omnibus, vt si quis mortem oppetere metueret, in Madera permaneret.

E quadraginta & quatuor, qui naui vehabantur, quatuor dumtaxat cesserunt metu, & cum reliqua classe in Madera se manere malle dixerunt. Nec abnuìt Azeuedus. reliqui suum intrepidè ducem secuti, nullum se periculum vereri asserentes proprium etiam obtulerunt sanguinè. & ecce, quatuor illi effeminatioris animi, qui mortem exhorruerant, voto vocationique Religiosæ cesserunt ad seculum redeuntés. Adeo incomprehensibilia sunt Dei iudicia, vt verù dixisse Franciscum Xanerium hinc manifestum sit, nullum ad metum & terrorem seperandum esse medium efficacius, quàm nihil metuere sed animo imperterritito, spè in Deum coniecta, sese discrimini ultro obijcere; quòd dæmon eiusque affectu nocere nequeant, nisi Dei permissu, qui ultra vires nos tentari non sinet. Animũ enim in periculis & casibus dubijs qui despondet, hosti ianuam, qua percussurus & gratiam cælitus datam ablaturus ingreditur, patefacit; vti hisce notitijs factum videmus; qui quòd integrè se aliorum exemplo, in Dei manus nõ resignassent, illius auxilio opeque, parum freti, paratam martyrij lauream, simul & religionem, ad quàm tam ardentè prius aspirarant, amiserunt. Reliqui socij, ac vectores confessionè sunt rite expiati, ac refectione panis cælesti, peruigilio Principum Apostolorum, ministrante Ignatio; qui & agni cereas imagines, sancto-

sanctorumque Reliquias Roma allatas diuisit, & ad fidei constantiam Deique cultum singulos est adhortatus.

Postridie igitur festi Apostolorum nauem con-
scendentes, & reliquis valedicentes, mutu-
um amplexi sunt, tanta vtrimq; lachrymarum co-
pia, quasi supremum fore vale augurarētur. Na-
uis itaque Palmam insulam petens, septem pri-
mis diebus felici vsa est vento: interim frequens
& vnus omnium erat de Martyrio sermo, & præ-
sertim Azeuedi; suum singuli desiderium mani-
festantes, & ad ipsum alter alterum sepe animan-
tes, hisce similibusue verbis: Vtinam hocce in
itinere nobis propinet D E V S, quàm magna
locorum distantia pro Christi fide mortem peti-
mus. Ecquænam nostra foret felicitas! ô diem
fortunatissimum! quàm optabilis hic foret, in
fortunatas insulas, in cœlo non terra sitas, ad-
uentus! Dum his alijsque verborum stimulis ad
mortem se mutuo excitant, duabus à Palma di-
stabant leucis. Hic subito aduersus exortus tur-
bo nauem à portu dispulit, sed tandem ad alium
Insulæ portum, cui à Tertia cohorte nomen, ap-
pulit, commodum Palmæ portum primarium, in
quo merces exponeret, intrandi ventum exspe-
ctatura.

Inciderunt hic fortuito casu in nobilem
& diuitijs spectabilem virum, qui Ignatij conto-
bernalis iam olim in portu Calensi fuerat. Gaudi-
us hic inopinatò Ignatij aduentu, domum (quam
lautam hic habebat) illum suum deducit beni-
gnèque cum Socijs aliquot diebus fouit. Hic
discessurum rogat terrestri vt itinere Pal-
mam, nonnisi triduo itinere distantem ade-
at, equos se socijs omnibus liberalissime sub-

*Ignatius
cum suis
versus
Canarias
nauigat.*

*Palmam
appellat.*

*A nobili
viro be-
nigne ex-
cipitur.*

sub-

subministraturum; sin minus periculum esse ne in piraticos myoparones nauis incidat, & fore vt vix post dies aliquot, ob ventum aduersum, hac anni tempestate diutius hic spirantem, portum inueniat. Quid ageret dubitabat Ignatius; hinc enim optimi viri beneuolentia exigere iure suo videbatur, consilium illius vt sequeretur, illinc verò, socios & nauem deserere graue videbatur. Cùm fluctuantem videret nobilis, ita illū verbis permouit, vt benè consulenti auscultaret initio decreuerit Ignatius, & ea ipsa nocte sarcinas quasdam nauī eduxerit, postridiē cum sociis terrestri itinere Palmam aditurus; sed priusquam in viam se daret, confiteri & sacram recipere omnes Eucharistiam voluit, in eo quod ipse peragebat

*Cum Deo
in sacro
rem ma-
gni mo-
menti cō-
municat.*

sacro. Quid sacrificanti inspirarit Deus, nescitur. sed ecce sacroperactō, animum mutasse visus est. Quocirca sarcinas ad nauim referri imperat, nauigio iter facturus. Singulari hoc Dei reuelatione & instinctu factum quis neget? magni siquidem ponderis negotia, de quibus dubitabat, illi commendare in sacris pro more habebat; quod eum hic præstitisse nemo ambigit, vtpote vt vnde instantis martyrij corona dependebat. Actis ergo viro nobilissimo gratiis, & valedictō, nauem iterum die Iouis mane, conscendit. Magno igitur amfractu insulam biduo circumnauigantes, die Sabbathi sub auroram duabus aut tribus à Palmæ portu se abesse leucis conspexerunt.

*Iterum
nauē cō-
scendit.*

hic speculator nauem maiorem éminus conspiciari, quæ rectā in eos cursum dirigeret; mox & quatuor minores apparuere. Creditum initio prætoris Brasilij classem esse, sed propiūs in conspectum cū veniret, Gallica patuerunt insignia, cognitumque de inesse nobilissimi piratæ omne illud mare infestantis myoparones. Iacobum Soriam dice-

occumbant. Deinde ad Socios suos conuersus, sic fortianimo postremum appellat, hodiè omnes, fratres dilectissimi, ita mihi cor salit, vità mi-grabimus diuinisque in cælo epuliscum Chri-sto, & B. Virgine ceterisque cælitibus fruemur. Præclarius certè nobiscum agetur, cæli quam Brasiliæ portum tenentibus. Orationi itaque intenti, ad mortem feliciter subeundam nos comparemus, quando hunc nobis supremum illuxisset diem ad vitam æternam promerendam credo; ob illius amorem vitam impendamus. Illi mox manibus oculisque in cælum sublatis, Vnanimi inclamare voce, Amen Domine, fiat tua in nobis voluntas, tibi ecce vitam & sanguinem quàm libentissimè dedicamus. Appellit interim cum rostrata Soria, cuius impetum Lusitani excipiunt. tum Ignatius assumptis secum decem aut duodecim suorum milites compellare, & ad fortiter rem gerendam, haud procul à malo consistens, Deiparæ imaginem Roma al-latam brachijs gestans, animare. Ceteros infer-nè precibus vacare iubet, quibus Benedictum Castrium, velut nouitiorum directorem præfecit.

Soria interea Prætoriam Lusitanam oppugna-tam hostiliter inuadit. Ascendentium primus fuit nauarchus cum alijs duobus, quos præfectus nauis Lusitanæ violenter depulsos, in mare præcipientes dedit, qui vulnere & armorum graui-tate mox fundum petièrè. Primum impetum pa-rum felicem excepit alter, item tertius; sed frui-sta. Lusitani enim animose hostem propulsa-bant; donec quatuor alijs nauibus circumdati tandem victi cessèrè; cum hinc & illinc variisq; in locis quadragenæ simul nauem ascenderent. Defendere se gnauiter Lusitani, & Azenedus illos

illos ad fortiter agendum exhortari, Moriamur, inquit, charissimi & ad vnum omnes ob Christi nomen ac fidem, quam hicane peius & angue odere, occumbamus. Quam animantis orationem non ferens hæreticus, qui nauem conscenderat, tam grauem capiti Azeuedi ictum infligit, vt ad vsque cerebrum diffunderet. At non ideo ab animando destitit, aut loco cessit, sed immotus mortem operiens tribus confossus spiculis, hæcingeminans cadit, Testes, inquit, appello mortales & Angelos, me pro fidei, Catholicæ Romanæ professione occumbere, à qua ne latum quidem vnguem resiliendum puto. Quamuis prostratum iam ducem cernerent, ceteri, non idcirco animis fracti conciderunt, sed lachrymabundi accurrentes supremam ab eo benedictionem postularunt. quos ille complexus & respiciens ait, Filioli, mortem ne expauescite, sed gratias Deo agite, quod vestram vos vitam, suum in obsequium, fecerit impendere: cumque adeo fidelem testem, tamque munificum nacti simus remuneratorem, animum ne contrahamus; aut metu fracti ex ipso nos subducamus certamine. Hæc effatus animam reddidit, Deiparæ imaginem brachijs stringens, quam euellere cum hæretici non posset; vnà cum illa, furore & amentia æstuentes, in profundum pelagus præcipitem dedere. Reliqui viso ducis exemplo, qui viam calcarat, & primus mortem appetierat, eidem animosè ac fortiter se obtulere. Atque inter primos Benedictus Castrius; qui infernæ orationi cum ouiculis sibi concreditis incumbebat, audito hostem nauem inuasisse, arrepta Christi de cruce pendens imaginem proram

Benedicti petit, circa quam res omnes agi videbatur; hinc
Castris hæreticis redemptionis nostræ signum ostentans,
 animosè ingeminat, Catholicus sum, Ecclesiam
 Rom. matrem agnosco, & illius mori filius volo.
 quibus piratæ irritati vocibus, tribus illum glan-
 dibus traiecerunt; sed non idcirco concidit aut
 quieuit, igitur ferro pectus & cæsumque confodi-
 unt, & seminecem nauis deturbant. Emmanuel
 Aluarus, qui Lusitanos ad fortiter agendum ex-
 hortabatur, & hæreticorum arguebat vesaniam
 ac furorem, secundum faciem vulnus accipit;
 mox tabulato affigitur, brachia cruraque con-
 fringitur, ossaque colliditur; utq; lentius & diu-
 turnius mortis genus esset, non exstinguitur. Cum
 mortē igitur conflictans, ad Socios conuersus, ait,
 Nolite fratres, cruciatibus meis compati, sed sor-
 ti potius inuideate. Nullo enim meo merito singu-
 larem hanc mihi gratiam præstat Dominus, ut
 pro nomine ipsius hæc perferam. Quintus deci-
 mus itaq; agitur annus quo ingressus in societate, &
 abhinc decennio Brasiliensem profectionem pe-
 tiui, ad quam me diligentissimè parauī, & sanè
 optimam me laborum mercedem hoc tam beato
 fine consecutum arbitror. Indignantes fremē-
 bant adhuc hæretici, & animam agentem in ma-
 ris fluctus præcipitem dabant. Quod verò duo so-
 ciorum interea ante imagines, quas illi adeo de-
 testantur, flexis genibus Deum orarent, in rabi-
 em acti hæretici, gladiorum capulos Blasij Riberæ
 cranio illidunt; quo ex vulnere consternatus, e-
 iecto cerebro, exspirauit: Petro vero Fonseca
 vel Fontaureo miles os pugione confodit, maxil-
 lamque soluens interimit. Iacobus Andrada qui
 Ignatio in munere Prouincialis succenturiatus
 erat, confessionem interea nonnullorum socio-
 rum excipiebat; quem deprehensum piratæ,
 cogni-

cognito hinc, sacerdotio illum initiatum esse, maiorem in illum sœuitiam ostenderunt, atq; eo magis quòd socios hisce ad mortem verbis animaret, parate animas, fratres, vestra enim imminet redemptio. Pugionibus igitur confossum in pelagus spirantem adhuc præcipitant. Hæc dum strages fieret, duo ex morbo tædioque nauigationis languentes, lectulo quàm ægerimè se propriunt, tunicâ leniter superinduta, ac nudis pedibus ad lanienæ properant locum, ne tam eximia *Gregorii* corona frustrarentur: quocirca vnâ cum alijs *Scribanæ* eandem ob causam necem passi sunt, quamuis *Alua-* fallere ac latere potuissent, itaq; discrimen eua- *ri Men-* dere; sed palmam martyrij & gloriæ coronam *dez* maluerunt, quàm diutius in hoc vitæ agere erga- *Simonis* stulo; *Gregorius Scribanus & Alvarus Mendez Acoſta*, dicebantur, *Simon Acoſta* quòd corporis dignitate generis quandam nobilitatem præ se ferret, cùm nonnisi decimum octauum ageret annum, Archipirata à militibus oblatus, interrogatusq; à Soria, Iesuitane esset? quamuis inficiando effugere & dilabi potuisset, mori tamen pro religione maiorem maluit quàm desertor videri. Socium se itaque & collegam aliorum cùm diceret, indignatus pirata in oculis ingulari & in mare proijci præcepit. Nauem itaque superatam hæretici deprædari, ac diripere singula, arcas & sarcinas effringere, quibus Azeuedus reliquias sanctorum, agnos cereos, rosaria & apparatus sacrum inluserat; hæc ergo proferre & indignis modis profanare, imo nec sanctorum parcere Reliquiis, quas insigni cùm contumelia confringebant, pedibus per ludibrium proterebant, & horrendo *Hæretico-* sacrilegoque ore in Deum simul & Diuos blas- *rum sa-* phemias execrandas exonerabant. Atque in pri- *crilegia in-* mis aduersus caput vnus è sodalitia glorioſæ res *sacra-*

viraginis Vrsulæ, quod Azeuedo Pontifex Romæ dederat in neophytorum Brasiliensium solatium. Erat hic & pars sacrosanctæ crucis, in qua redemptor Christus sanguinem pro humana salutē effudit; flammis hanc iniiciens vni sociorum etiam tum superstiti per contumeliā dicebant, Vide Papistice canis, vt ardeat. Eandem impietatem aduersus imaginem Crucifixi, quam Roma Ignatius allatam diligenter asseruabat, quod scitē & eleganter efformata esset, exercuere, quam olim Iudæi aduersus Redemptorem Christum in ferali passionis tragoedia: Ipsam namque in sublimē extollentes, per ludibrium profam illam Ecclesiasticam canere cœpere, *O Christe sancte*, &c. mensæ deinde impositam sicarum ictibus traiecere, infinitis illam, & Christum proinde eadem figuratum, iniurijs & contumelijs prosciderunt. Vestes etiam sacras profanis contrectantes manibus, diripuerunt; quas vnus ē turba per ludibrium indutus, sacras Missæ cærimonias est deridendo æmulatus, qui hostiæ loco agnum cereum sublimem ostentauit, quem deinde tabulato iniectum, ceteri rabie quadam satanica, pugione confoderunt.

*Soria im-
pœnitentia.*

Hæc aliaque sacrilegi rebus sacris irrogarunt ludibria, à quibus tametsi D E V S meritas poenas non deposceret, facta tamen illorum probasse iudicandus non est. Sæpe namque impiorum differt supplicium, vt interim resipiscant; testabitur hoc vnus qui vicesimo tertio post anno ad mentem redijt. At Soria omnium caput & sacrilegi gregis corypheus oblatam cælitus gratiam respuens, in impietate obduruit. Aliquot enim post annis, in comitatu Euenfi, impœnitens diuinamque opem implorare negligens,
astan-

astantibus tamen consanguineis, ipsum maxime efflagitantibus, in rabiem actus, magno omnium terrore scelestam animam efflauit. Testatur hoc Lusitanarum rerum compilator Gallus Caluiniani PseudoEuangelij minister apud Rupellanos.

Constat etiam, horum de numero quemdam, non sine singulari Dei prouidentia, multos post annos, Dolæ in comitatu Burgundiæ ad Catholicam fidem rediisse, idque intercessione gloriosorum Martyrum, vti olim in primigenia Ecclesia Stephani protomartyris Paulum Christo peperit deprecatio, dum vestes lapidantium custodiendo, in necem illius consensit. Porro hoc pacto rem euenisse docent annuæ memorię, Dola ad vniuersam Societatem, Anno Redemptionis millesimo, ducentesimo, nonagesimo quarto, quo res contigit, transmissæ. Hic cum hætenus Caluinistarum partes mordicus fouisset, & Deiparæ Basilicam ingressus esset, supplicationem in illius honorem institutam illufurus, subito horrore perculsus, totus cepit contremiscere. Cumque hoc in impietatis supplicium sibi euenisse sciret, mox vt sibi est redditus, Deiparæ, quam prius neglexerat, opem implorare, peccatum publicè confiteri ac detestari, veniamque commissorum postulare. Non repulit precantem Deipara misericordię mater, sed petitionis apud filium competentem reddidit. Debita enim veneratione Deiparæ impensâ, sanitatem non corporis solum, verum etiam animæ mox est consecutus: eiurata siquidem, omni qua poterat pietate, scelestæ vitæ impietate, ad ROMANAM & Apostolicam rediit ECCLESIAM. Verum iam ad lineam,

Vide
Historiam
Lusit.
gallicæ
edit.
Lib. 20,

Conuerſe
vni
piratæ

Nauī ergo Lusitana Gallorum tormentis adeo diuerberata, vt periculum esset, ne præ aquæ sensim intrantis copia submergeretur; quotquot supererant è socijs, pugnis & colaphis contusos sentinam exhaurire compulerunt. Sed non diuturnus hic labor fuit. Soria siquidem cognito aliquos Iesuitarum adhuc superesse, ad vnum omnes contrucidari iubet, alta inclamans voce, Pereant, pereant scelesti, qui falsam doctrinam disseminaturi, Brasiliam petebant. & propius cum rostrata accedens, militibus nauim dispoliantibus occlamauit, Canes hosce Iesuiticos in mare deturbate. Milites ducis iussis obsecuti socios reliquos comprehensos, binos aut ternos colligatos, tunicaque exutos, & pugionibus hinc inde transfixos, in mare præcipites dederunt; nonnullis quoque manus aut brachia præcidentes, ne qua effugij natando spes reliqua foret. Sic triginta Socij vel nouitij, iuuenes omnes, nullo suo demerito, siue vllō conflictu, à Calvinistis interfecti, qui innatum aduersus Societatem vniuersam, odium ac iuratas inimicitias ita testati sunt.

Triginta
Socii oc-
cisi.

Pepercerant tamen haud multo antè duobus Diui Francisci Monachis, & quidem concionatoribus, & binis Sacerdotibus Ecclesiasticis in quorum nauem inciderant; sed Socijs minime pepercere, licet Tyronibus adhuc plerisque & adolescentibus. Quocirca cum consanguineus illius, qui inter primos nauem Lusitanam intrarat, Lusitanis quibusdam vitam condonasset, & Sorix hoc, quo ratam illam condonationem haberet, nuntiaffet; petebat mox crudelis sicarius, num omnes ad vnum Iesuitæ neci dati essent; auditoque neci datos, reliquis vitam

vitam conseruari permittit. Nullus ut aliorum *Caluini-*
fit interfectus, præter illos qui nauarchum Gal-*starum*
 lum cum socijs, nauem hostilem conscendere *feritas.*
 parantibus obtruncarant: quibus ille ante ocu-
 los viscera educi & in mare deiici imperauit. Ex
 omnibus porro Ignatij Socijs, qui Iacobæam na-
 uem conscenderant, Ioannes Sanchius solus sic
 periculum euasit. Dum vectores à Socijs piratæ
 separant, & manus cuiusque, vestes habitumque
 contemplantur, hunc ut pannosum callositq; ma-
 nibus intuiti, Tunc, inquirunt, coquus es Iesuita-
 rum? Affirmauit ille nihil perterritus, nec men-
 tiebatur; tamen quod sibi coquendo vsui fore
 putarent, lanienæ eripitur, delatusque cum illis in
 Galliam, mox in fugam Lusitaniam versus se de-
 dit; Deo nimirum ita iubente, ut maiore fide
 tamquam oculatus testis rem gestam referret; sed *Vnde ac-*
 reliqui Lusitani, quibus vitam Calvinistæ conces-*cepta rei*
 serant, in Maderam ad reliquos 30. Socios ante illū *gestæ co-*
 appellentes, rem gestam nuntiarunt; quam mox *gnitio.*
 Petrus Diazius P. Leonij Henrico Lusitanix Pro-
 uinciali decima octaua Augusti die, eodem anno,
 vno post martyrium mense perscripsit. Verum
 ne integro quadraginta Sociorum numero vnus
 deesset (mysticus enim hic videtur numerus, ut *Numerus*
 Magnus ait Basilus) in Ioannis Sanchij coqui *quadrage-*
 locum suffectus alter, eiusdem pene nominis, *simus*
 Sanctus Ioannes vulgò appellatus, classis Lusita-
 nicæ præfecti cognatus. Hic visa Sociorum ac *mysticus.*
 Tyronum virtute & pietate, ut erat in virtutem *Homil.*
 propensior, eidem ab Ignatio adscribi summo-
 pene petebat; & quamuis votorum nondum fa-
 ctus esset compos, socios tamen in omnibus pijs
 exercitationibus imitatus, ab Ignatij aut Tyronū
 latere numquam discedebat, cum orando tum

meditando assidue Hic dum Sociorum ab alijs fieret separatio, quo iugularentur, iugulandum numero vltro accessit nihil tergiuersatus, vt, cum in terra Socijs ascribi non potuisset, in caelo per martyrium horum collega fieret. Quem si Socijs annumeremus, vt annumerari verè meretur, quadraginta pro fide Catholica anno Septuagesimo supra sesquimillesimum, decima quinta Iulij die, accubuisse comperiemus; quorum omnium nomina, quod in libro vitæ descripta sint, obliuioni tradere nefas est. Primus Ignatius Azenedus Prouinciæ Brasiliensis præfectus. II, Benedictus Castrius Lusitanus. III. Iacobus Andrada Lusitanus. IV. Emmanuel Aluarus Lusitanus. V, Blasius Ribera Lusitanus Bracarensis. VI, Petrus Fonseca Lusitanus. VII. Gregorius Scribanus Lusitanus. VIII. Aluarus Mendesi Lusitanus. IX. Simon Acosta Lusitanus. X, Franciscus Aluarus Couillius Lusitanus. XI. Dominicus Fernandius Lusitanus. XII. Alphonsus Vaëna Toletanus. XIII. Gondifalvus Henriquez Lusitanus Diaconus. XIII. Ioannes Ferdinandus Olyssiponenfis. XV. Ioannes Fernandius Bracarenfis. XVI. Ioannes de Mayorga Aragonius. XVII. Alexius Delgadus Lusitanus. XVIII. Ludouicus Correa Lusitanus. XIX. Emmanuel Rodericius Lusitanus Alcorchetanus. XX. Simon Lopezius Lusitanus. XXI. Petrus Munnosius Hispanus. XXII. Franciscus Magalanius Lusitanus. XXIII. Nicolaus Dinyus Brigantinus. XXIV. Gaspar Aluarus Lusitanus. XXV. Antonius Fernandius Lusitanus Montis Maioris. XXVI. Emmannel Pachecus Lusitanus. XXVII. Petrus Fontaureus Lusitanus. XXVIII. Andreas Gonsaluius Lusitanus Viennensis.

Ribadē.
in vta
P. Borg.
li. 3. c. 10.
quadra-
ginta
Martyrū
nomina.

nus. XXX. Iacobus Perez Lusitanus Mifeus.
XXXI. Ioannes Baëza Hispanus. XXXII.
Marcus Caldera Lusitanus. XXXIII. Antonius
Correa Lusitanus Portuensis. XXXIV. Ferdi-
nandus Sanchez Castellanus. XXXV. Franciscus
Perez Godoy Castellanus Torrichius. XXXVI.
Ioannes à S. Martino Castellanus ab Illasas.
XXXVII. Ioānes Zaureus Toletanus. XXXVIII.
Ioannes Suarez Castellanus. XXXIX. Stepha-
nus Zuzairius Cantaber : qui simplicitate mo-
rum & candore singulari cum esset, Placentia
Hispaniæ, vbi commorabatur, digressus, Io-
sepho Acoftæ Sacerdoti nostro, Læto, inquit,
proficiscor animo in Brasiliam, certus de Mar-
tyrio. interrogatusque, vnde tam constanter id
assereret, à DEO qui ipsa veritas est, reuela-
tum sibi respondit. Quadagesimus porro sit a-
dolescens ille S. Ioannes vulgò nuncupatus,
qui tametsi Societati ascriptus non esset, ascri-
bi summopere desiderabat. Hæc sunt quæ de
XL. Martyrum haud procul à Palma iugulato-
rum certamine comperta habui. iam ad illos
quos in Madera reliquimus reuertatur ora-
tio, plurimum namque illorum
eamdem palmam nacti
sunt.



CAP.

CAPVT XXVI.

Duodecim rursus Socij in itinere Brasiliensi à Ioanne Capdeuilio alijsque hæreticus pro fide Catholica necantur.

*Nauigatio
Petri
Diaz.*

IGNATIVS Azeuedus collectis iam in vnum vnde septuaginta Socijs, vt superiori dictum est capite, intres illos naues distribuerat, secum quadraginta, reliquis in Madera vnà cum classe relictis, assumens: hi vno post stragem superiorem mense Brasiliam petiuere. Sed quòd fœda vehementiorq; procella naues huc illucque disiecerit, hinc varios ad portus delatae sunt. Quæ Petrum Diazium cum suis vehebat, varijs iactata tempestatibus Cubam insulam appulit, portumque D. Iacobo sacrum subiit. Sed adeo lacera quassataque, vt vectores eandem deferere cœacti sint; cùm alia tamen non suppeteret, Abanæ portum magis ad Orientem vergentem, pedes adire decreuerunt. Triduo ergo itinere nudis pedibus & tempore pluuiosissimo, non sine magno labore & ærumna confecto, quòd & cœnosa esset via, & regio sterilis atque incommoda, ad alium peruenere portum, stabat hic cymba pluuiæ & vento peruia; quam omnibus cæli expositi iniurijs conscenderunt, vnde non commeatus modò, sed ipsæ etiam vestes indutæ putrescebant. Septuaginta quatuor leucarum iter hac scapha confectum, tandemque Abanam peruentum; hinc petita naue ad Terceras insulas delati, Mense Augusto anno M. D. LXXI. hic Ludouicū Vasconzellum simul & Franciscum Castrium cum quinque alijs Socijs, qui præcurrerant, repperunt. Vasconzellus viso suorum numerum nimium quantum imminutum esse (in sola quippe præto-

*Terceras
subit.*

ria,

ria, difficili quindecim mensium nauigatione sexaginta exstincti erant, multi etiam in Antilijs Insulis fracti substiterant, plurimi quoque diuturnæ nauigationis tædio Lusitaniam repetierant, vt numeratis nauicularijs & vectoribus, etiam pueri puellæque Brasiliam dein matrimonio inito noua propagine repleturi, ac quinque & viginti quæ his præerant matronæ comprehendebantur, vix satis essent ad vnam onerariam replendam. Ceteras itaque naues exarmatas & rimosas relinquens, viam instruere, & illa reliquum iter perficere coactus est. Erant hos inter quatuordecim Socij. Reliquis tempestate iactatis quid acciderit, hætenus incognitum est. Duo dumtaxat inter hos erant Sacerdotio insigniti, Petrus Diazius, & Franciscus Castrius. Postridie igitur Nonas Septembris anno M.D.LXXI. *Hinc cum* vnâ cum Prætorè, Tercerâ soluerunt. Octiduum *13. Sociis* fere ventis ex voto spirantibus, longius protiectis, *& Vasco-* apparent vela Myoparonum quinque. Ex his vna *zello sol-* Anglorum erat, reliquias quatuor ducebat Ioannes Capdeuillius Bearnius, quem Lusitani Cado- *uit.* uillium vulgò dicebant, hæreticâ perfidia & animo in pios & piratica, Iacobò Soria nihilo inferior. præerat hic eidem rostratæ, cum Soria D. Iacobò sacram nauem inuaderet. Erat hæc (vt à Rupellanis quibusdam deinde cognoui) nauis trecentorum vasorum, vt nautica phrasi vtamur, capax, cui Principis nomen impositum; cuius adminiculo Soria haud multo antè, in freti Herculei angustijs. Venetam quâmdam nauem, quam magnam onerariam appellabant, mille ducentorum vasorum, Orientalibus mercibus onustam, & ali- *Incidunt* am extra fretum, paulo minorem, vix Corinthia- *in Capde-* cis & vino onustam Cretico, diripuerat. Hæc *uiliâ ha-* deinde Iacobò Capdeuillio cessit, qui dignum se *reticam* faci-

facinus editurus, iussa exequendo quibus omnes, qui Missæ sacrificium assererent, neci dare iuebatur, vnā de fortunatis Insulis Gómeram nuncupatam depopulatur, atque inde digressus in Vaconzelli nauem incidit qui vt erat nauigandi peritus, cognito id quod erat periclitari omnes, & hostes hæreticos imminere, milites collectos ad pugnam hortatur, pro Catholica fide, ineundam, cuius quibuscum configendum erat, hostes erant iuratissimi. Arma dein cuique distribuit, culcitra locis oportunis prætendi iubet, saxorum vim coaceruat, & pulueris tormentarij cados foras educit. Vnicuique deinde suam stationem assignat. Socij quoque blandis verbis suadere, si feliciter cum hoste pugnare vellent, cum Deo prius in gratiam ritè confessi redirent, in præsentissimo quippe singulos versari periculo.

Primus Ludonicus paruit, mox Nauarchus, ceteriq; ordine milites, quibus ætas erat. Nox enim & tenebræ quod conflictū impedirent, tempus cōsistentibus non defuit. Postridie eius diei, vix dū illuxerat, accedere hæretici & impari congressu: sola quippe Capdeuilij nauis Lusitanicā erat munitior; rostra enim forinfecus ad proram prominebant, & altitudine superabat. binis tormentorum explosionibus vela pro more contrahi iuebant hæretici; sed frustra. Quocirca tertio in nauem Lusitanam irruunt, quinque prostratis, septemdecim in ribia vulneratis, qui manu vna rudente comprehenso, altera pugnabant, in pedes consistere cum non possent. Magna hic piratarum edita strages, quamuis de loco feliciori pugnantium. Ipso enim conflictus initio viginti ipsorum occubuerē, sauciati vndecim. Trina dein bombardarum explosione rostratam

Capde-

*Conflictus
naualis
inter Lu-
sitanos &
hæreticos.*

Capdeuiliij adeo exarmarunt Lusitani, vt prima
 malus deiectus, altera latera carinæ perforata a-
 quam acceperè, decem postrema milites interfe-
 cti. Tum vere de salute quodammodo desperan-
 tes Galli, sumpto præ mortis formidine animò,
 tanta violentia Lusitanam nauem inuasere, vt se-
 xaginta simul milites via facta intrarint, quinque
 Lusitanis in prora conflegentibus cæsis, quinque
 duntaxat tum reliquis. Ipse Vasconzellus for-
 tissimi ducis functus officio, qua hortando, qua *Vasconzelli*
 animosissimè pugnando, binis plumbeis gladiis *obitus.*
 fuit ictus, vna in ventre, in femore altera. Sed
 non propterea locum deseruit, sed manu vna
 clypeum, altera ensẽ vibrans, vulneribus con-
 fectus tandem concidit, & in mare spoliatus &
 incognitus deiectus est. Cuius ocafũ ceteri se
 mox dedidere, & hostis plurimus in nauem vi-
 olenter irrupit, obuim quemque obtrun-
 cans.

Excipiebat tum infernè Franciscus Castrinus
 Nauarchi faucij & animam agentis confessio-
 nem; quem hinc Sacerdotem esse cognoscentes,
 rabie quadam diabolicã in ipsum irruunt, & *Franciscus*
 multis ferri ictibus confodiunt. Eandem in Pe- *castrinus*
 trum Diazium feritatem exercuere, qui hacte- *ingulatur.*
 nus confessionibus eorum qui sub tecto na-
 uis remanserant, excipiendis aures dederat:
 sed hostium irruptione audita, ad Castrij lo- *item Pe-*
 cum aduolarat vna cum Gaspare Goëzio ad- *trus Diaz*
 modum adolescente, quem à latere suo disce- *& Gaspar*
 dere nolebat. Sed egressos hæretici immani- *Goëz.*
 ter iugulant, dispoliatosque simul tres in ma-
 re deturbant. Vndecim qui restiterant Sôcij,
 dum hostis aduentum frustra opperiuntur, &
 impetum nonnihil deferbuisse vident, inter
 se hortati ad fortiter pro CHRISTI no-
 mino

mine & orthodoxa fide occumbendum, sponte cella egressi, vnum omnes in locum se collegere, vt trium priorum Socios ac collegas & ad eandem mortem subeundam paratissimos sese ostenderent. Contumelijs igitur eo die affecti innumeris, pugnisque, vt ceteras iniurias præteream, summo cum silentio, nisi dum fidei negotium ageretur, contusi sunt. Circa vesperam manus post terga vincti, cubiculo Vasconçelli, addita etiam militum custodia, includuntur. Hic Michaëlem Aragonium, quod, accepto secundum brachium vulnere, dum vincula nectuntur arctius, ingemisset; nequidquam miserati hæretici, contumelijs insuper illudum vnà cum Francisco Paulo, qui latus clauderat, in altum deturbant. Ambo haud diu superstites vitam temporalem cum sempiterna, submersi, commutarunt. Nouem reliqui noctem & partem diei sequentis in vinculis agunt, sine vllò cibo potuve. Accedebant per intervalla hæretici ad carceris ianuam, modò vinculis eximendos spondentes, modò mortem comminantes: alij nescio qua barbarie nudatos ad terrorem vibrabant enses, necemque intentabant dicentes, Scelesti Papistæ, omnes mox neci dabimini. Illi ne verbum quidem hiscere ad hæc, sed futura præfagientes, se mutuò ad suppliciorum paratorum pro Christi nomine tolerantiam adhortari. Illucescebat iam dies, & carcere omnes ad mortem rapiendi & antennis suspendendi, eximuntur: post auaritia ductus Capdenilius quod magnam auri vim portare templis & domibus in Brasilia ædificandis putaret, cunctandū ratus, & expiscaturus, sententiam differt. Vbi Sociorum paupertate, & spe concepta delusus est, duos in nau asservari iubet, Petrum Diazium, non illum Sacerdotem, (quem iam ocubuisse diximus) sed alium

lium cognominem, & Iacobum Carnalium. Septem reliquos suam in nauem duci imperauit. Hic iterum immani & plusquam barbara crudelitate innoxios pulsare, & vndique circumcinctos iniurijs & contumelijs diuexare, canes adhæc, latrones, seductores impostoresque appellare. Per vos solos stat, ne totus fruatur pace orbis, & eandem vbique religionem profiteatur; scelestâ doctrina vestra non Germania modò & Gallia, sed Brasilia etiam & totus qua patet orbis, infectus est. Socij verò, sicut oues ad lanienâ ducti ne verbum quidem contrâ hiscere. Illi deinde iniuriarum ac contumeliarum plaustra in Summum Pontificem, blasphema in Sanctos Sacramentaq; omnia & imprimis Eucharisticum, verba euomere. Hic linguam soluere Socij, impietatemque execrandâ non ferentes, blasphemis respondere. Non ferebant hanc libertatem & blasphemiarum depulsionem hæretici, sed pugnos & colaphos capitibus illorum irritati impingebant, ac præsertim ijs qui vertice essent raso & ordinibus sacris initiati; hos enim, velut in incude ferum, contundebant. Erat inter nouitios Petrus Fernandius faber lignarius, quem statim, vt nauem conscenderant, tunica exuerant; hic thorace solo indutus, veritus ne veste fallente pro seculari haberetur, & optatam martyrij coronam amitteret, alijs semper se comitem addebat, & oculis & capite in terram deiecto modestiam quâdam religiosam præferebat; vt sola exteriori significatione aliorum se socium proderet. Hanc simplicitatem perosi hæretici, duabus sublimem manibus capite apprehenso subrigere, colaphos infringere, & oculos vi aperire, ac palpebras distendere & paxillis quibusdam mento subiectis caput attollere, & his illum contumelijs in-

*Colaphis
caduntur
& affliguntur.*

*Modestia
& patientia
Petri
Fernandii
nouitii.*

cessere, Sustolle caput vilissime canis, frontem exporrigere.

*Illum Ze-
lus & to-
lerantia.* Sed has ille tanta modestia & animi gaudio pertulit, ut nuptijs eum quis interesse dixisset; ut non parum etiam hæretici mirarentur; quanti opprobria cruciatufque faceret, verbis ipsoque vultu facile ostendens. oculos enim in cælum sustollens, coram hæreticis etiam Deo gratias singulares agebat dicens: Quonam mihi merito hoc tribuis Domine; aliquid ut pro nomine tuo patiar. Destitit tandem insultantes hæretici, & ad sua rediëre. interim Socij sibi relictî, animos alter alteri addere, & ad mortem pro Christi nomine subeundam excitare. Eluxit hic potissimum feruor & Zelus Petri Fernandij, de quo iam sermo factus; quamvis enim omnium postremò Societati adscriptus esset, tantum tamen intolerandis iniurijs, cruciatibus, & morte zelum exhibuit, ut & ceteros inflammaret; insignem tum vultu ipso, tum verbis lætitiâ præferens, ut & sibi & alijs animos adderet, nullum hoc in mundo dari posse bonum Christiano homine dignius asserens.

*Hæretici
tum in
disputant.* Hæc dum inter se loquerentur, repente magna militum manus adfuit, qui de nonnullis fidei controversijs disceptaturi venerant. Ut genus videatur, unum attigisse sat fuerit. Pretes igitur & orationes, quas Sanctis offerimus, quibusque illorum suffragia ex antiqua Ecclesiæ consuetudine deposcimus; oppugnatum venerant. Unus qui ceteris videbatur & doctior & acrior, hunc in modum argumentari cœpit: Annon videtis, inquit, Papistæ, à nobis vos captos detineri, & nostra in potestate versari? cur igitur Deiparæ & Sanctorum opem exposcitis, ut nostris

vos eripiant manibus? Imo verò, responde-^{Apt. 1. rē²}
bant Socij, si diutius nos viuere expediret,^{ſponſio.}
ipſa haud dubiè Deipara, & cælites vitam no-
bis & libertatem darent. At quoniam ſatius eſt;
pro fidei iam deſenſione vitam impendere, id-
circo non eripiunt. His alijsque reſponſis ſci-
tè depromptis, illi magis magisque offende-
bantur; cumque præ rabie non ferrent, fa-
ciem Sociorum fœdiſſimis ruſtibus conſputa-
runt, & varias iniurias ignominioſè intu-
lerunt.

Vnus inprimis ob liberum A L P H O N S I
F E R N A N D I I reſponſum, ob hoc inquit, ^{Alphonſe}
verbum dumtaxat, moueriſſceleſte. Cui ille; ^{Fernandii}
Non ipſe modo, ſed & Socij omnes, cùm D E O ^{conſtantia}
viſum fuerit mori parati ſumus. Quod non
ſuo tantum, ſed omnium eſt nomine elocu-
tus; erat enim (alijs duobus iam interemtis)
reliquorum caput designatus. Atqui exſpecta-
te, inquit, putidi canes; ipſe vobis ceruices
præcidam & in mare (meam fidem teſtor) præ-
cipites dabo. Sic ad cænam uſque calumnian-
tibus hæreticis; interim libertatem naſti Socij,
iterum ſe inuicem ad conſtantiam & toleran-
tiam, C H R I S T I cruciatuum noſtri cauſa
in cruce tóleratorum recordatione excitare;
D E O denique pro tam præclara ſibi oblata
benè moriendi occaſione, gratias agere. Inte-
rea expleto ventre, piratæ crudelitatem quo-
que ſuam explere voluerunt; hinc captiuos
adeunt & circumcingunt, nec mora, ſingulos
oſtoni vel noneni apprehendunt, veſtibus-
que exutos magna vi quam poſſunt longiſſimè
in mare, nullâ commiſeratione, ſeu veriùs con-
ſcientiâ intrinſecùs tacti, deturbant.

*Petrus**Fernan-**dus &**Ioannes**Aluarus**submer-**guntur.**Iac.Fer-**nandius**exadit.*

Petrus Fernandius & Ioannes Aluarus natan-
 di minimè periti ilicò merguntur; quinque natan-
 di peritiores, in vnum mox locum collecti, ali-
 quamdiu sese sustentarunt, inuicem adhortantes
 ad mortem pro Christi nomine animosè subeun-
 dam. Sed tribus horum vires tandem & brachia
 defecerunt, qui exhausti & fatiscentes, cum sibi
 animū deficere sentirent, supremū Socijs valedi-
 xerunt, cōmissorum veniā prius postulatā. Quòd
 verò piratæ nonnulli circa vesperā Iacobum Fer-
 mandiu & Sebastianū Lopeziū cibo dato refecis-
 sent; hinc Fernandius factus robustior, classem &
 æstū maris, (qui, quòd venti ob ingruentē pluuiam
 detumuisent, placidior erat) secutus tandem in
 nauigium admissus fuit (singulari Dei providen-
 tia, vt omnium præteritorum oculatus testis & re-
 lator foret.) Ceteri interim cum fluctibus lucta-
 bantur, qui tametsi natando defatigati, Deo se
 assiduè commendabant, vtque aduersus dæmo-
 nis insultus, qui in supremo vitæ articulo insi-
 diari vt plurimum solet, communirentur, Sym-
 bolum Apostolicum simul, & alias oratio-
 nes, quas memoria tenebant, & inprimis Psal-
 mum quinquagesimum, Præeunte Alphonso
 Fernandez, pariter recitabant.

Ille ad mediam vsque noctem natando verba
Alphonfus illa Psalmi eiusdem, *Tibi soli peccaui* sæpius cum
Fernandi- iterasset, fatiscentibus viribus aquarum vi obrus-
us, An- tus non amplius comparuit, spectata probita-
dreas Pa- te & pietate vir; qui in refutandis hæretico-
iz & Fer- rum argumentis non animi modò robur, sed do-
nandus ctrinam quoque suam paulò antè patefece-
Aluarus rat. Valebat enim ingenio, eratque Philoso-
merguntur, phica scientia clarus; quam vt doceret, in
 Brasiliam illum Azeuedus duxerat. Deinde
 Alphonsus Andreas Paizius sanctissimum. I E-

SV nomen supremum cuius amore occumbebat, proferens fundum petijt. Omnium postremus mergitur Fernandus Aluarus. Sebastianus Lopezius solum se superesse dum videt, in densissimis noctis tenebris, cæloque pluvioso euadere vix sperabat; elatum tamen eminus è nauigio, quod media inde distabat leuca, lumen intuens, sumpto animo eodem adnatat. Sed dum classianos rogat, sui vt miserti in naues admitterent, contumeliosis verbis exceptus fuit, & in malam abire rem iussus, ni sclopeti glande traijci velit.

Accessit ergo ad scapham, quam secum trahe- *Sebastianus*
bant, ad quam applicans, ab hæretico humanio- *nus Lopez*
re ac mitiore ceteris, admissus fuit. Hic vel viri *naue re-*
casum miseratus, vel conscientie forsitan sti- *ceptus*
mulis ob desertam fidem exagitatus, in na- *heretica*
uigio acceptum, penula furtim in angulo texit, *euadit.*
ac fonit, naui deinde alteri clanculo imposuit,
spargens de captiuorum Lusitanorum esse numero. atque hoc pacto ipse & Iacobus Fernandus, Deo iunante, hæreticorum manus euasere; vt rei totius nuntij forent, quam ex illorum relatione hic inseruimus. Retulerunt insuper, hæreticos, naue occupata & iugulatis propugnatoribus, in Reliquias & imagines Sanctorum, quarum hic vt & in naue Azeuedi, ingens erat copia, rabiem ac furorem conuertisse; Catholicorumque manibus extortas per tabulatum traxisse, pedibus conculcasse, & per ludibrium ac contumeliam, additis horrendis in Sanctos, quorum erant reliquie, blasphemijs, ad quarum commemorationem Catholica aures exhorrescant, quas idcirco silentio præteribimus, in ignem deiecisse.

Quin etiam viginti post diebus inuentas duas in eadem naue imagines Deiparæ vnam, Archangeli GABRIELIS alteram, sacrilegis manibus diffregisse, Archangeli caput per contemptum per nauem circumtulisse. Denique tot tantaque in Sancta sacraque, sacrilegia excuisse, quot vel impia mens concipere vel Satanas nequitiae auctor suggerere potuit. Vnde sanè mirum non est, DEVM, qui iam olim tot tamque graues filio vnigenito, cum in cruce nostri causa penderet iniurias irrogari permisit; tot iam Sanctis suis, non in imaginibus modò, sed & ossibus, sine vllò sacrilegis inflicto supplicio fieri permittere. Docere nos vult non esse de iniurijs irrogatis præproperam ultionem sumendam, sed eam, ad futurum tempus, aut commodiorem, etiam oblata occasione differendam.

*Cu Deus
sacrilegos
non puni-
ret.*

Deut. 32. At quoniam iam olim per Prophetam ait,
Rom. 12. *Mihi vindicta, & ego retribuam;* dubitandum non est, quin supremo iudicij die, æquissimum se iniquitatum, ac præsertim in se & Sanctos factorum iniuriarum iudicem ac vindicem ostensurus sit; quòd enim hi illius sint membra, iniurias etiam velut sibi factas existimat. Et sanè vbi peccantem clementia & benignitate oblata vti nolle videt, in hac etiam vita sæpenumerò, in huiusmodi sacrilegia grauissimè animaduertit: vt in nonnullos horum piratarum ac præsertim archipiratam animaduertisse constat.

*Capdenilii
mors vi-
olenta,*

Certissimo quippe compertum habeo testimonio, hunc in Salies Bearnæ opido, vnde oriundus erat, securi mactatum esse ab eo, quem

quem verbis offenderat. Atque hic plerumque huiusmodi sacrilegorum finis. Quin & Rupellanorum quorundam depositione constat, vnum de numero nautarum, qui vulgò CRASSVS PETRVS de Brouage cognominabatur, & aliquot superiorum Religiosorum in mare deturbarat; in mare item prolapsus non amplius comparuisse. Sed exorsus narrationis filum prosequamur.

Pirata ergo rebus hisce peractis cum viginti & tribus diebus deinde mare pererrassent (navi interim Algarbiensi expilata) tandem ad Orainum sinum, qui in ora Galliæ, appulerunt, atque hic prædam partam inter se diuiserunt; simul & Socios superstites & captiuos Lusitanos, quibus vitam condonarant, in terram exposuere, qui deinde in patriam se contulerunt. Ex horum itaque simul & aliorum testimonio tota rei series, vt hic retulimus, accepta est, nosque è litteris P. Francisci Henriquez Domini Professæ Olyssiponensi Præpositi Romam IX. Decembris anno Christi Domini millesimo ducentesimo septuagesimo primo, missis, mutati sumus.

Iacobo Carnalio simul ac Fernando Aluaro in tunc relictis, quid interea factum sit, nihil prorsus abhinc accepimus, vt cum alijs, eandem ob causam, ingilatos & miserandum in modum trucidatos fuisse, præsumendum sit. Hos itaque ceteris si annumeremus, duodecimum complebunt numerum; atque hi tum decima tertia Septembris, tum etiam postridiè pro fidei Catholicæ & Apostolicæ confessione sunt interfecti.

*Duode-
cim soci-
orum in-
terfecto-
rum no-
mina.*

Quorum hæc sunt nomina. I. Petrus Diazius. II. Franciscus Castrius Sacerdotes. III. Gaspar Goëzius, IV. Michaël Aragonius Taracenenfis. V. Franciscus Paulus. VI. Ioannes Aluarus. VII. Petrus Fernandez. VIII. Alphonfus Fernandez. IX. Andreas Paizius. X. Alius Petrus Diaz. XI. Iacobus Carnalius. XII. Fernandus Aluarus, Lusitani omnes vno excepto. quos si quadraginta prioribus adnumeremus, duo & quinquaginta in vniversum erunt Martires.

Hic lætus profectionis Ignatij Azebedi Sociorumque Brasiliam adeuntium exitus, quod enim operarij requirerentur, hi fidem Christianam disseminaturi eodem petebant. at quamuis Brasiliæ fines non attigerint, sed in beatorum potius regionem vitamque sempiternam, euolarint, suo Brasiliensibus suffragio & apud DEVM intercessione magis profuisse credendum est, quàm suo forsan labore industriaque, profuissent; maximus enim à morte illorum secutus est fructus, vt sequentibus referemus capitibus.



CAP.

CAPVT XXVII.

Aliquot Societatis in Brasilia fundantur collegia & domus; quantus in Brasiliensium conuersione fructus editus.

HOC spectabat Ignatius Azeuedus imprimis, dum tantum Sociorum numerum in Brasiliam profectionem colligit, ut nouitiorum domus & quoddam studiosorum seminarium in Brasilia excitaretur. Amplissimæ enim messi deerant operarij, nec tot suppeditare Lusitania poterat, quot opus erant. E sola namque Lusitania & Indiæ Orientali & Brasiliæ operarij peti non poterant; accedebat & nouorum in Lusitania collegiorum excitatio, quibus deesse socios non oportebat. Quo circa in Brasilia in Societate conscribendi adolēcentes videbantur, qui primò virtutum exercitio & mortificandis sensibus assuescerent, ac deinde litteris & facultatibus requisitis excolerentur.

Idem & Ignatij successoribus videbatur; hinc quod ipse conceperat, ad exitum perducere, Regum Lusitaniæ adiuti munificentia, nitebantur. Pro eo enim, quo hætenus fidei propagationem in vniuerso imperio promouere conati sunt, studio, operam dederunt, ut in Brasilia aliquot Societatis Collegia excitarentur; nullum enim ad barbarorum conuersionem medium videri efficacius aut conuenientius; Hinc Sebastianus rex tria quæ in Prouincia Brasiliæ modò sunt collegia, suis met opibus dotauit ac fundauit, Bayense scilicet, quod in vrbe Saluatoris; quæ quod in sinu omnium Sanctorum nuncupato sita, Baya modò nuncupatur. Alterum fluminis Ianuarij; tertium Pemambucense. Plurimi idcirco hisce in

Ignatii
Azeuedi
propositum.

Regum
Lusitania
liberalitas.

Rex Seba-
stianus
tria in
Brasilia
fundat
collegia.

Colle-

Collegiis educari adolefcentes voluere Societati adscripti, qui deinde Brasiliensium conuersioni gnauiter incumberent. In Bayensi namque septuaginta aut amplius, vt plurimum commorantur tum Patres, Scholastici, tum Fratres, & tyrones. In fluminis Ianuarij, quadraginta, aut quinquaginta; in Pemambucensi verò viginti quinque vel triginta.

*Residentiarum
Brasiliensium
causa.*

Aliquot etiam priuatim Lusitani, Patres apud se cominorari, dum volunt, varias hinc inde domus, quas Residentias dicimus, fundarunt: nec detrectarunt Patres, vt sic commodior & Lusitanos iuuandi, & conuertendi barbaros, qui apud illos habitabant, foret occasio; vt hos ad Christianismū perducant; illos officij Christiani commonefaciant.

*Domicilia Patrum
inter Brasilienses.*

Residentia primariæ hæ sunt; Portus Securi, Vincentiana, Paratiningana, S. Spiritus. Institui hinc aliquando Missiones in regionem interiorē, ad incolæ fidei aggregendos, solent. Sunt & aliæ domus, quæ à Collegiis, Residentiisque dependent, in Brasiliensium Christianorum pagis ac cætib; in quibus Sacerdos cum socio, maxima anni p arte commoratur, vt Neophytos verbi diuini, & Sacramentorum pabulo reficiat. Ad Collegia tamen Residentiasque, à quibus dependent, interdum hi concedere solent, tum vt spiritualibus animum exercitiis excolant, tum verò vt labori se non nihil subducentes, vires amissas recuperent, vegetique ad intermissum opus redeant. Interim in illorum locum alius sufficitur, vt ordinatim ac vicissim procedere videantur. At quoniam à prima Brasiliæ conuersione, quæ anno superioris seculi vndequinquagesimo cæpta est, primis Sociis eò tum appellentibus, nulli alij Religiosi in Brasiliam triginta post annis commigrarunt;

runt; & Socij vineam hanc Domini indefesso labore hætenus excoluere, per vniuersas illius regiones sparsi; omnis Brasiliensium conuersio vni *Francisca* propemodum Societati videtur adscribenda: in *ni ex Be-* Parayla tamen Prouincia abhinc annis aliquot *neditini* Franciscanorum, alibi quoque Benedictinorum *in Brasi-* Monachorum exstrui cœpere cœnobia. Grauiissi- *lia.* mi porro in barbaris illis Christo lucrandis labores subeundi sunt, idque plurimis de causis. Inprimis ob sermonis Brasilijs varietatem, vt sexaginta & amplius illius iam notata sint idiomata. Tametsi enim omnes maris accolæ, vna eademque iam olim yterentur lingua, in intima tamen regione, tanta reperitur sermonis discrepantia, omnes il- *Cur laba-* lorum dialecti nondum vt notæ sint. Quod autem *res Socio-* mediterranei nonnulli, fugatis maris accolis prio- *rum hic* ribus, oram illam maritimam incolere cœperint; *magni* vt postea referemus, hinc & in regione maritima *sint.* eadem linguæ differentia haberi cœpta. Altera causa est ipsa Prouinciæ vastitas, & loci vniûs ab altero distantia: hinc magnæ, dum profectionem aliquò instituunt, subeundæ sunt difficultates, quòd domus & diuersoria nulla occurrant intermedia.

Brasilijs enim incertis vagantur sedibus, hinc centum ac sæpe ducentarum leucarum iter inter montana, aspera, desertaque loca conficiendum, nullo inuento tugurio: vt interim pericula à Tigribus, serpentibus, barbarisque ipsis hominum cædi inhiantibus, imminentia taceam. Tertia, quòd è remotissimis locis adducendi quodammodo sint illi; quos fidei volunt adiungere; quodque etiam grauius, verbis inducendi, vt Lusitanorum opida adeant, quòd inuentur facilius, faciunt quippe Lusitanos, dum metuunt, ne ab eisdem in mancipia deuendantur,

*Brasiliæ
Lusitanos cur
metuant.*

Vt verò quæ formidinis huius causa sit intelligatur; sciendum, primis viginti annis, quibus in Brasiliam ingressi sunt Lusitani, tantam barbarorum multitudinem fuisse, ac præsertim in ora maritima, vix vt deleri posse vñquam videretur. Quod verò comes se & benignos ostenderent Lusitani, illorum consuetudinem ambire barbari, & iuxta opida illorum tuguria figere; quo loco fidem ab illis Christianam edocebantur. Adeo vt plerique ad fidem traducti, templâ vero Deo in pagis suis exstruerent, & Lusitanorum familiari commercio ad humaniorem cultum sensim transirent. Sed quòd Lusitanorum coloniæ crescerent indies, saccharoque parando molæ variæ hinc inde erigerentur, terraque excoleretur, ad quæ operis permultis indigerent; Brasilios inuadere & ergastulis mancipare cœperunt, vt & ferreis compedibus grauarent ac velut mancipia sibi inuicem distraherent; à parentibus filios, filias à matribus, à sororibus alijsque consanguineis fratres diuellentes, in varias regionis plagas abriperent. Hinc factum, vt barbari, naturâ subtristi, nouo dolore & melancholia accedente sensim emorerentur; alij in intima regionis, centum ac ducentis à Lusitanis, leucis fugerent. Tum deferi omnis ora cæpit maritima, non sine ingenti Lusitanorum detrimento. Nam omni mox destituti sunt auxilio; nulli qui molas sacchari agitarent, nulli qui terram elaborarent, nulli qui in inimicis propulsandis opem ferrent, reperiabantur, vt iusto Dei iudicio longè secus quam putarent acciderit. Fieri quippe sæpenuerò videmus, vt qui vetitis ditescere volunt modis, non emolumentum, sed detrimentum ferant. Accedebat, quòd omnis illa barbarorum turba, quorum plerique Baptismo initiati erant, & proinde Chri-

*Fugiant
illos.*

*Quid hinc
secutum
incom-
modi.*

Christiani, ad priorem barbariem, eiurata fide, transiret; nullos enim qui officij commonerent, apud se Sacerdotes habebant. Fugerant enim procul à Lusitanorum opidis, in quibus Patres Societatis, quorum opera Christo nomina dede- rant, commorabantur. Quocirca Patres sæpe ad eos profecti sunt, ut ad priores sedes, fidemque priusnam redirent. Non erat iter nisi per montana ac deserta, idque pedibus conficiendum, quod sex mensibus, aut anno interdum vix fieri poterat, idque in summa rerum inopia ac miseria. Hinc factum, ut plerique fugitiuorum ad pristinas sedes & causam Christi paulatim redierint, nec sine foenore: alios enim eadem opera lucrifecerunt. quos sæpius etiam è remotissimis regionibus ad sua opida conducere, quo commodius in fide instruerentur, atque in eadem persenerent. Tanta quippe Patrum est apud barbaros auctoritas, tantoque in honore ac veneratione sunt, ut nudis illorum verbis fidem habeant: adeo ut cum à Lusitanorum se iniuria illos vindicatu- ros promississent, ut pastorem oues secuti sint. Sed tanta interdum Lusitanorum fuit pertinacia, ut in via illos interceptos violenter abriperint, nullisque Sacerdotum verbis coerceri, retinerique potuerint, quod minus inter se captos distribuerent, & aliis deuenderent, procul inde abducentibus. Quin & Patrum interdum vestem & habitum exteriorem mentiti, & rasa barba, & vertice, quo miseros melius circumuenirent, Patrumque nomen assumentes ad illos profecti sunt, atque hac arte versutiaque plurimos secum ad oram usque maris, ubi opida sunt Lusitana, abduxere. Cumque iam in potestate haberent, vincula misellis iniecere, & ad ergasteria, villasque violenta manu abriperere. Quod

*Quid Bra-
siliorum
conuersio-
nem im-
pediat.*

*Lusitano-
rum non-
nullorum
nequitia.*

*Impedi-
menta
conuerfi-
onis Bra-
siliorum.*

Quòd verò Socij aduersus iustitiam hanc debac-
chentur, & Brasiliorum causam agant, huiusmo-
di nefas impedire conati; Lusitanorum odium
vt plurimum incurrunt. Ac tamen Regum Lusi-
tanix, atque Hispanorum; ad quos iam Lusita-
num imperium deuolutum est, auctoritate veti-
tum sit, nequis præter Societatis Patres, Brasili-
enses quò ad fidem illos perducant, indaget &
conquirat; nulla tamen ratione insatiabilis non-
nullorum refrænari potuit; auaritia insolentiaq;
cùm & illi, quibus, regij edicti obseruationem
inducere, ex officio incumbit, quòd eodem ia-
cturam aliquam pati videantur, ipsum violent &
pessumdent. Hoc igitur maximum Brasiliensium
conuerfionis est impedimentum; vti innatus bar-
barorum stupor: tam plumbei quippe sunt, vt vix
vlla nostra tempestate detecta sit natio, quæ mi-
norem mentis ingenijque capacitatem præferat
& minus ciuilis sit. Sed quòd, teste Horatio:

*Lib. I.
Epist. I.*

*Nemo adeo ferus est, qui non mansuescere possit,
Si modo doctori patientem commodet aurem.*

*Cur Brd-
filij erga*

Hinc Patres nulli labori pepercerunt, quò il-
los ad virtutem traducerent; Diuina ergo colla-
borante gratia; adeò mites & cicures redditi
sunt, magnam vt sui spem dederint. In plerisque
enim pagis suis non templa modò exstruxere, sed
& Sodalitates Ven. Sacramenti aliasq; instituere,
in quibus solennes ac pias supplicationes aliaque
pietatis exercitia, peragunt. Liberi illorum sacri-
ficantibus ministrant, & Musico concentu
instrumentisque sacra exornant; doctrinam
etiam Christianam & litteras scitè satis per-
cipiunt. Quòd verò Brasiliij Socios tum in rebus
ad salutem, tum in ad vitam humanam spectan-
tibus,

tibus, vt Patres officiosissimos suspiciant, (illi quippe non fidem modò Christi annuntiant, officij Christiani partes tradunt, Sacramentaque & verbum Dei administrant, denique in omni necessitate spiritus, etiam ad vique extremum vitæ articulum auxiliantur; verum etiam ad ciuilem cultum perducût, terram colere, seminare, metere, aliasque artes edocent, vt honesto labore vitam tolerant, ægrotisquẽ quibus possunt remedijs succurrunt) hinc summo illos honore & amore prosequantur, vt illis monentibus quiduis non faciant. Brasiliæ item Prætores si à barbaris quid fieri velint, Patres vt Patronos & incessores adhibent; quod permultis demonstrare possem exemplis. Sed illis omiſſis de fructu in genere nonnulla dicemus, qui in horum conuersione emicuit. quem priusquam aggrediamur, de tribus hominum generibus quorum in Brasilia salutem vancandum, nonnulla permittenda sunt.

Primi sunt Lusitani, quorû salutem gnâuiter vacant, verbû Dei è superiore loco docendo, Pœnitentiæ & Eucharistię Sacramenta administrando, in aduersitatibus consolando, morientibus succurrendo, doctrinæ Christianæ & bonarû litterarû rudimenta filijs illorû prælegendo, deniq; omnia præstando, quæ ad proximam salutem quouis modo fiunt. secuta hinc, Dei gratiâ, magna morû in melius mutatio prauorû sublatio, plurimorû ab improbæ & nefariæ vitæ cõsuetudine ad Christianam, veramq; deuotiorum pœnitentiâ cõuersio. Permultæ dissensiones & inueterata odia extincta; cædes plurimæ sublata, malè partorû, à multis facta restitutio, aliæque piæ è contra consuetudines inductæ, quas hic referre superuacaneum putamus, quod omni loco, in quo Societatis homines commorantur, sint communia.

Alte

*Angolani
& Guene-
enses in
Brasilia.*

*Illorum
conuersio.*

Alterum genus sunt Nigri Aethiopesque ex Angola aut Guinea à Lusitanis in Brasiliam aduecti; quos vel ad saccarum excoquendum, (magno suo emolumento) vel ad terram excolendam pretio coëmunt. Permagna horum in Brasilia copia est, quorum potissima pars adedò vecors & stupida, vix ut micam salis habere videatur. At quoniam huc & illuc per villas & ergasteria dominorum dispersi sunt, & ad opida, Patrumque domicilia excurrere nequeunt, perpetuè in ignorantiae infidelitatisque tenebris errarent; ni ipsa ergasteria Patres ultro adirent. Hinc decreti nonnulli, qui villas & saccari molendina pagatim obeunt, miserisque viam salutis ostendant, Baptismi, Poenitentiae, Eucharistiae, & Matrimonij Sacramenta, Parochorum ritu, administrent; præter ipsos enim aliud non est, qui hoc officio fungatur. Quis hinc secutus sit fructus, dici vix potest. Absque hoc enim esset, paucissimi Nigri ad Christum hic accederent. Tertium verò genus ipsi sunt Brasiliæ indigenae, quod verò, præter illorum qui Lusitanorum opida accolunt conuersionem, maximus in Missionibus, intimam regionem institui solitis, ut ad oram maritimam commigrent mediterranei, fructus consistat; difficiles & molestas sæpe hac de causa Patres profectiones instituunt. Ex quo enim omnes maris accolæ, qui vicatim & pagatim haud procul à Lusitanorum opidis commorantur, iam Christo nomina dederunt; ut in officio duntaxat continendi sint; quo alij ad fidem perducantur, vel lapsi ad agnitionem redeant, ad illos in densissimas sylvas, altissimos montes, & valles profundissimas commeandum est. Quibus in itineribus permagnæ subeundæ difficultates. Per desertam enim regionem eundum, in qua hominum nullus occurrit; nisi hinc inde barbari, qui

quo Lusitani, vel inimicorum cædibus inhiant, cæ-
 fosque deuorent. Occurrunt & sæpè tigres, pan-
 theræ, aliæque feræ, à quibus periculum immi-
 net. Vt taceam interim famem, cum qua luctan-
 dum est, vt sæpe aliud in cibum non suppetat,
 quam frondes & herbarum radices; mures quo-
 que, lacertæ & serpentes, similiaque animalia sæ-
 pe in cibum cesserint. At sitis, quam patiuntur et-
 iam multo vehementior; Interior siquidem re-
 gio Brasilæ arida est, vt ad multos sæpe dies nul-
 læ occurrant aquæ; hinc lagenæ aqua repleta per
 viam ferendæ; quæ vbi defecerit, & aliam hauri-
 re non licuerit, herbarum radicibus, arborumq;
 frondibus succidis sitis restinguenda est, aliæque
 adhibendæ artes, quas dira edocet necessitas. & *Restingu-
 enda sitis
 ratio.*
 hæc quidem libentissimè perferunt recordatione
 vehementis illius sitis, quam in Crucis arbore
 Christus ob animarum nostrarum salutem, quam
 ardentissimè desiderabat, perfudit; quam labori-
 bus hisce & ærumnis ob eandem omnino causam
 restinguere conantur. Non desunt autem labo-
 rantibus diuinæ consolationes, & omnibus peri-
 culis eripit Dominus eos, qui suo nomine vltro
 iisdem se obiciunt, seipsum esse demonstrans, qui
 iam olim discipulis promisit, *si mortiferum quid*
biberint, non eis nocebit. Vt accidere his vt plurimū
 solet, qui hæc itinera suscipiunt; vt suo videbitur
 loco. Hæc sunt quæ de Brasiliensium conuersione
 in genere dicenda occurrunt. Iam singula percut-
 ramus Collegia & Residentias; in quo Mis-
 siones locis, vnde Missi profecti sunt,
 assignabimus:

*Serpentes
 in cibum
 sunt pere-
 grinantib.*

*Restingu-
 enda sitis
 ratio.*

Mar. 16.

gittis instructa ad locum destinatū properat; hostem à littore depulsura. Et sanè animantibus Patribus tam strenuè rem gessere, vt Angli sapiùs exscensione tentata, semper à Brasiliis repulsi, tandem re infecta recesserint. Ex hoc Collegio anno superioris sæculi LXXXI. duo Socij ad Raris ^{Montis Raris.} Montis centum aut amplius à Baia, interiorem regionem versus distantis leucis, incolas profecti sunt. Mons porro hic à meridie in septemtrionem viginti leucas patet. Hæc porro profectiois fuit occasio. Miserant montis accolæ, qui numero plurimi, Baiam nonnullos suorum, qui quo arderent erga fidem Christianam desiderio coram exponerent; sed quod hostilis exercitus itinera obsideret, in viam se dare non posse; orare se proinde vt ab inimicis transitum impetrarent. Patres piis illorum postulatis auditis, duos illos Socios ad hostilia castra destinarunt. Via porro adedò difficilis & aspera est, vix vt finē inuenire quis valeat. Vasta siquidem & horrenda solitudo transeunda, amnes & fluuij latissimi tranandi, per loca cōfragosa & præcipitia, aduerso pectore obnitendum. Quod verò summa commeatus accedat penuria, intolerabili haberi iter solet, serpentibus quippe aliisq; animantibus noxiis victiter necesse est, ^{Dico, soc.} qui iter suscepit, vt suprà dixisse memini. Hinc Sacerdotis nostri socius, inualetudinē contraxit, vt ^{enjam.} in barbarorū quorundā vico commorari fuerit co- ^{profess.} actus, qui lingua prorsus ab aliis discrepant, vt signis vltro citroq; agi oportuerit. Tanta tamē Deo iuuante barbarorū erga ægrū exstitit beneuolētia, vt dux adolescētes quosdam emiseric, qui aues, aliasq; feras syluestres in alimentū recreationemq; ægri captarēt: nec spes ducē fefellit; breui. n. sanitati redditus, ad Rarim mōtē p̄uenit, in quo Patrem reperit, qui Rariensibus iter iam impetrarat; ^{Perluat.} ^{vt} ^{aduent.}

*Quales
sunt Mam-
meluci.*

*Rarienses
à bono
proposito
resiliunt.*

*Sed idem
deinde
resump-
tere.*

vt omnes se ad iter iam accingerent Patrem secuti-
turi, & iuxta urbem Bayensem sedes constitutu-
ræ. Sed ecce dum in procinctu sunt, humani ge-
neris omnisque boni aduersarius Satan, sanctam
illam demigrationem impediuit. idque opera
Mammelucorum, qui hybridæ Lusitano & Brasi-
lia genitæ; hi inter Rarienses sparsi, quod fallacijs
& imposturis miscellos hæcenus fascinaſſent, vi-
derentque si urbem populus accoleret, omni se
auctoritate priuandos, (nequitia namque & astu
inſignes ſunt) popello perſuadent, Patri ne cre-
derent, qui ad urbem Luſitanam illos abductos
in ſeruitutem abreptum venerat. Rarienses ergo
nimirum creduli ac deceptu faciles, calamitatem
quam Mammeluci depingebant, metuentes, à bo-
na voluntate reſilierunt, & omnem de fide Chri-
ſti amplectenda cogitationem ſepoſuere. Ducen-
ti dumtaxat in voluntate ſincera perſiſtere, &
à Patre in Brasiſienſium vicos, non procul ab vrbe
deducti ſunt, ad quos Menſe Iulio, magno cæ-
terorum gaudio peruenire. Ceteri verò qui in
monte permanſerant, non propterea omne de
fide ſuſcipienda conſilium abiectere. Non enim
multò poſt murtium ad P. Prouincialem lega-
runt, rogantem aliquos vt ſuorum ad Rarim
montem deſtinaret, qui fidem incolæ edoceret
& Baptiſmò luſtraret. Quorum petitionibus ob-
ſecutus, tres ad illos Socios emiſit, anno ſæculi e-
lapſi nonageſimo, quorū duo Sacerdotio inſigniti
erant. His in mandatis datum, vt monticolis per-
ſuaderent, vt ad Luſitanorum opida, quò facili-
us imbuerentur, accederent propiùs. Nullum
alioquin in barbaris fructum, niſi exiguum for-
ſitan, fieri compertum eſt: facilè enim à virtutis
ſemita declinantes ad priſtinam feritatem dila-
buntur; niſi paſtores ad manum habeant, à qui-
bus

bus sacro pabulo assidue reficiantur. Cum verò procul à Lusitanorum vrbibus commorantur, verbi Dei & Sacramentorum panem frangendi rarior datur occasio. Quamobrem in hanc commigrationem persuadendam toto pectore incumbitur. Appulerant iam Rarim magno cum labore Patres, ac omni ratione persuadere loci primoribus conabantur, vt sedes mutarent, si Christiana vellent sacra suscipere. Centum quinquaginta piè mōnentibus auscultantes ad Brasiliensium vicos haud procul à Baia commigrarunt: hic fidei rudimēta edocti, magno tum suo tum aliorū Christianorum gaudio Baptismum suscepēre.

Visa tandem fermenti monticularum desiderio, quamvis aliò commigrare nollent, visum est Socijs ad eosdem potiùs commigrare, & suis in sedibus illos edocere. Anno enim M. D. X C I V. Brasiliæ Prætor postulante quatuor Socij eò contenderunt; assumptis secum centum Brasilijs, qui ciuili apud Lusitanos cultui iam affueuerant, tum vt itinere solatio essent, tum vt suo Rarienses, fidem suscipere volentes, exemplo edocerent, quæ vitæ foret seruanda ratio. Quos vt eminus Rarienses, præter patriæ morem veste rectos viderunt, dum Lusitanos credunt, à quibus in seruitutem abripi verebantur, igne tugurijs iniecto huc illucque fugiendo dispersi sunt: alij ad munitiona montis loca sese proripere, alij in profundas se valles abdere; alij vicinas adire siluas. Patres repentinam hanc fugam percipientes, pan-

Suo in monte decentur.

Fugunt dum seruitutem non timet.

*Ad fidem
conuer-
tuntur.*

exstructa, in qua sacra peragerentur; tum instrui cepti illi qui ad Baptismū adspirabant, quibus rite edoctis istandē collatus. Ostensa dein Sacramentorum Pœnitentiæ & Eucharistiæ percipiendorum ratio, ut breuī quadringēti illorū facti sint participes. Parochorū hic fungī vice Socios opuserat; deerat enim alius, si qua inter barbaros fouerentur odia, sopire conabātur. Rarienses enim dociles sunt & ingenio ductili, singularique Socios honore prosequuntur. Magnus ergo hic fructus editus, sed non sine ingenti labore: per montes enim & valles discurrendum fuit, ut errantes ouiculas congregarēt. Quod enim vię salebrose sint & difficiles, præter cetera desertæ & incultæ regionis incōmoda, magnas subire molestias Socios oportuit. Sed incredibili gaudio omnis ille labos temperabatur, ut vix vllum in functionibus suis sentirent gustum, nisi amaritudinis condimēto cōdita forēt. Ne verò forsitan prauo Lusitanorū vicinorū exemplo Neophyti Rarienses offenderētur, (multi namq; apud eos sedē iā fixerant) mutare domiciliū à Prætore coacti sūt, & alias sedes querere, ne sua forsā cupiditate, lubricitate, ac vitæ dissolutioris exemplo, scandalum forent. Hæc sunt quæ hætenus de Monticolis comperta sunt. Ceteras iam eiusdem Collegij Missiones prosequamur.

*Supersti-
tio inter
Brasiliōs à
Satana
sparsa.*

Patre igitur familias bonū verbi diuini semē in gentilitatis agro indies semināte, suū superseminare Zizanīū inimicus homo nō est oblitus. Anno enim octogesimo tertio nouam in Brasilia sparsit hæresim, quæ nō ad gētiles modò, sed & Neophytos Baptismo tinctos serpit; eo perniciores, quo veræ fidei videbatur congruentior. Satan quippe omnis impietatis & nequitie auctor, simplici popello persuadere conabatur, inter gentile supersticio-

stitionem & Christianorum religionē exiguā aut
 nullum esse discrimen: vt, dum sincerā deſœca-
 ramque fidem edocerentur, ſibi aliam aut nouam
 non eſſe doctrinam perſuaderent, aut ſi qua for-
 ſan differentia intercederet, ſuam noſtræ religio-
 ni fidem eſſe præferendam. A Mamelucis aut Hy-
 bridis hanc ſectam inuentam mihi ſit veriſimiles
 cū enim inter Chriſtianos multa fidei noſtræ
 myſteria didiciſſent, aliā excogitarunt ſuperſti-
 tionē quæ cum fide noſtra aliquatenus videretur
 coincidere, quā deinde multis cerebello ſuo pro-
 cuſis delicijs ritibusq; interpolarunt, vt illorū do-
 gmata inductæq; ſuperſtitioſæ cōſuetudines red-
 dent manifeſtius. Ex vniuerſo corpore vnum eli-
 gebant, qui omnibus velut vniuerſalis paſtor præ-
 eſſet. quē ritu noſtro Papā appellabant. Habebāt
 in ſuper alios præſules, quos dicebant Epiſcopos;
 Sacerdotes quoque, quos illi Pſeudoepiſcopi ſuo
 conſecrabant ritu. Auricularis conſeſſio apud il-
 los in vſu erat, quā Sacerdotibus ſuis peragebant
 qui & abſolutionem dabant & ſacrū celebrare ri-
 tu noſtro videbantur. Geſtabant è cingulo globu-
 los filo inſertos, roſariorum noſtrorum inſtar,
 quos orando decurrebant. Populum ad orationē
 vel concionem conuocaturi. Ingentes cucurbitas
 excauatas pulſabant, vt nos campanas. Habebant
 etiam ad iuuentutis efformationem, collegia, in
 quibus quotquot volebant gratis edocebātur, vt
 in Collegijs noſtris mos obtinet. Libros ex arborū
 parabant cortibus, quos tenuibus lignis conue-
 ſtiebant, quib. multi ſuperſtitioſi & incogniti cha-
 racteres, dæmonū, vt dicūt, arte traditi, deſcripti
 cōtinebātur. Ad perfectionis pertingēdi apicē cal-
 lere ſe modū iactabāt, ad quā ſe tū perueniſſe cre-
 debant, cū lymphatici ac velut furibūdi ad terrā
 pro laberētur, epoto ſcil. ſucco Petinæ (herba eſt
 In qua
 perfectio-
 nem ſum-
 mam ſi-
 tam cro-
 derent.

quæ eadem fortasse quæ Petrum, apud Brasílios, omnesque Americos notissimum:) cuius tantam esse vim tradunt ac vehementiam, vt illius succo imbibito, membris omnibus tremiscentes, ad terram magno impetu prociderent, vultumque indecora quædam linguæ protensione in diuersa torquerent; voluebant se in terra velut epileptici, membra huc & illuc agitantes: Audiebatur interim foris incondita quædam vox velut loquentis internè, sine vlllo tamen labiorum motu aut oris apertione. Denique tam horrendos exoticosque edebant gestus, vt à solo spiritu tartareo, à quo internè possidebantur, illos elici manifestè cõstaret. Hoc in statu cum aliquamdiu iacuissent, ad mentem redibant, atque aliquantum defatigati, totum abluebantur corpus; atque hoc se modo sanctificatos credebant, & ad summum perfectæ dementiæ fastigium peruenisse; inter quos qui gestus ediderat tetriores foedioresque, alijs sanctior habebatur. Iactabant vulgò, maiores suos ante aliquot annorum defunctos centurias, naue rursus in Brasiliam appulsiuros, & nepotes à Lusitanorum seruitute erepturos: Lusitanos ad vnum omnes ab ijsdem mox vt appulissent iugulandos; si quis autem fuga subductus euaderet, in piscem eum, suum, aliudque huiusmodi pecus conuertendum. Demum neminem illorum qui hæcce crederet, cœlo excludendum; incredulos verò ab auibus rapacibus, aliisque feris dilaniandos.

Quas credant fabulas.

Lymphatica hæc superstitio, in mediterranea enata Brasilia (vbi scelestus ipse commorabatur Pontifex) per legatos, quos huc & illuc ad Brasílios interiores, etiam ad illos qui mare iuxta Lusitanos accolebant, miserant, per vniuersam mox regionem spargi cœpit; multi namque de-
mentati

mentari cateruatim ad Pſeudo Pontificem, relictis domibus & ſuppelleſtile conſuebant; ſuos quoque interdum iugulabant liberos, aut viuos terræ infodiebant, ne vel fugientibus impedimento, vel in cauſa forent, ne in itinere forſitan interciperentur. Antequam verò ſe inde proriperent, damnum ſi quod poterant, aut iniuriā Luſitanis irrogabant. Villas ſiquidem illorum, molas ſaccareas & ergaſtula incendebant, agros conſitos, arbuſta, hortosque deſtruebant, & nefariè, quos clanculo nanciſci quouis modo poterant, maſtabant. Hanc Braſilienſum inſolentiam compreſſuri Patres, pagos illorum adeunt, ſed non ſine præſentiſſimo vitæ periculo; hic omni ratione illuſionem hanc diabolicam mentibus illorum exuere, & illos qui nondum fugam capeſſuerāt; in officio continere. Et reſpondit conatibus euentus. Magnis ſiquidem quæ decepti moliebantur mala, hac ratione obuiam itum eſt, adeo vt plerique Luſitanorum, cognito quod per Patres accipere beneficio, lacrymabundi gratias egerint, hi vitam ſibi conſeruata, illi ſartas tectas villas, alij damna inſtantia illorum ſtudio auerſa commemorantes; alij item, quorum res nondum in tuto verſabantur, Sociis ſupplicarunt, damna vt auerterent, barbaros delinirent, & nefarium illorum molimen impedirent. Nec deſuerunt etiam Patres; multos ſiquidem peruerſa opinione ad ſaniorē mentem traduxere.

Hæc itaque peſtis cū vicum, qui curæ Socio- rum concreditus erat inuaſſet, idque abſente Paſtore (in abſentia quippe Paſtoris oues inuadere curæ con- tartareus lupus ſolet) ille re cognita, ſuos adit, lapſos erigit, nutantes confirmat. Sed hinc in- fide, poſt lapſum, fuere conſtantiores, venenum-

que propinatum, remedium præsentissimum; ut qui nutarant, maiorem ceteris posthac in omnibus pietatem feruoremque ostenderint. Cuius rei præclarum tum testimonium dedere, cum superiorum permissu meritas de impostore à quo seducti fuerant, poenas sumpsere. Reuersum quippe à montibus, ad quos, alios seducturus, concesserat, cum à propria domo parum distaret, decepti sed resipientes, inuasere, pugnisque & fustibus exceptum interfecissent, ni impedimento fuisset Pater. Sed prætori stiterunt, ut sua in illum auctoritate animaduerneret. Annuit postulatis Prætor, impostoremque morti adiudicatum in illorum manus tradidit. Cui illi primò scelestam, qua seducti fuerant, præcidemus linguam, dein ex arbore suspensum interfecere: tale de illo sumpsere supplicium, qui tanto prius apud omnes in honore fuerat. Hæc ut plurimum insolentium castigatio, eò ut deiciantur profundius, quo se extollere conati sunt sublimius.

*Castigatio
vnius
seductori-
um.*

*Miracula
quæ apud
Brasiliens
contige-
re circa
baptisma*

*Circa Eu-
charistia.*

Verum hæc hæctenus, iam nonnulla quæ Deo ad fidei suæ stabilimentum patrare placuit, referamus miracula. Brasiliensis quædam mortis proxima baptismum postulat: auditæ preces, & decumbenti Baptismus collatus, quòd iam iam moritura videretur: quo recepto sanitati mox est restituta. Efficaciam & vim baptismi ostendere voluisse DEVS videtur. Sed iam aliud de Ven. Eucharistia referamus. Brasilius in brachio telo vulneratus in præsentissimo vitæ versabatur periculo: telum quippe venam ita penetrarat, ut sæpe præ doloris vehementia, & sanguinis effluentis copia exanimis caderet; sanguinem enim nulla medicorum ars sistere poterat.

rat. Itaque cum omnis humana deficeret industria, ad Confessionem peragendam, & Eucharistiam percipiendam (Christianus enim erat) illum adstantes excitarunt. Et ecce, vt Sacrosancti viatici compos factus est, stetit sanguis, & sanitatem pristinam breui recuperauit. Multi quoque epota aqua benedicta à grauissimis sunt morbis liberati. Quo factum vt Christiana fides non modò ad plures dimanaret, sed alij quoque in eadem magis magisq; corroborarentur. Adducam & alia etiam his maiora, vbi de locis in quibus contigerunt, sermo inciderit. Antequam verò procedam vltèrius de Missione alia è Bayensi Collegio ad intima regionis anno LXXXVII. instituta nonnulla præmittam; quamuis optato res caruerit successu.

Cùm enim Socij decem pagorum incolis, qui ad Christiana sacra aspirabant, iam persuassissent, vt ad urbem quo docerentur commodius, sed è figerent, viso quod inde sibi imminabat damno, Satan nonnullos illorum excitauit, qui nefarium inter Socios rumorem spargerent, non ad salutem sed seruitutem se abripi, ac falso religionis prætextu in Lusitanorum manus deuenturos. Creditum initio, adeò vt nemo Patrem sequi voluerit, vnico excepto sene cum filia duobusque ex illa nepotibus; quorum hic masculus gibbo grauatus erat, atque ideo gestandus, illa verò puella, cæca, quam duci opus erat. Verum vt dixisse Redemptorem in Evangelio, pateat, nolentibus intrare ad nuptias inuitatis, cæcos ac debiles in illorum locum substitutos.

Luc. 14.

Hæc

Hæc sunt quæ de Collegio Bayensi compertæ sunt: at quoniam duæ ab illa dependent Residentiæ, Illeensis scilicet & Portus Securi, de iisdem hocce capite agere visum est.

*In Præ-
fectura
Illeensi
Residen-
tia est
Soc. Iesu.*

*Quem in-
ter Brasi-
lios edunt
fructum*

Illeos ergo Lusitanorum præfectura, triginta ad Meridiem distat leucis, in ora maris sita; è piorum eleemosynis Socijs hic domus fundata, qua ut plurimum sex septemve commorantur: præter solita exercitia ludum hic aperuere, in quo & legere & scribere docetur iuuentus, cuius tanta pietas & feruor, ut si quod in Deum aut sanctos contumeliosum blasphemumve verbum audiat, mox coram iurante in genua procumbens, ut à prava hac consuetudine desistat, roget. Et non sine emolumento, ubi enim se maiores à pueris ad pietatem à pravis moribus traductos animari vident, sæpe à iurando desistunt. Incumbunt adhuc gnauiter Brasiliensium vicinorum conuersioni instructionique: adeo ut non mediocris numerus ad fidem iam accesserit. Atque inter ceteros vnus qui mordicus infidelitatem tuebatur, quem magum esse omnes opinabantur: tanta huius erat apud barbaros incantationibus parta auctoritas, ut ad eum velut ad oraculum, plurimi confluerent; itaque impedimento erat, quo minus permulti fidei manus darent. Sæpius eum ad veritatem pertrahere conati erant Patres, sed salutaria consilia risu ludibrioque excipiebat. At morbus intellectum dedit. Decumbentem enim aliquis Sociorum inuisens, quæ ad salutem spectabant paulatim proponebat. Agnouit mox verum Deum, & quem ad mundi redemptionem miserat Iesum Christum filium vnigenitum, antè quidem grauatè hæc audiebat, sed benignas tum dans aures, ac diuinæ vocationi diutius resistere

non

non valens, ad Patrem conuersus, Christianum esse velle, ait, & Baptismo ablui. Ne verò me nu- *Conuersio*
gari existimes aut verba tua eluderè, à Deo sa- *& sanitas*
nitatem mihi redditam scias velim. hoc dicto le- *magi Bra-*
ctulo sanus & integer se pròripuit, templumque *filii*
petens vnà cum vxore baptizatus est; nec sua
vnus salute contentus, quam prius eluserat fi-
dem, inter suos, apud quos auctoritate tantà valè-
bat, disseminare cœpit, tanto zelo & studio, vt
nōn Brasilijs modò, sed & Lusitani, hac repentina
visa commutatione, obstupescerent. Hoc qui-
dem anno M. D. LXXXV. contigit, at quod iam *Item al-*
referemus duobus aut tribus pòst annis, sed nōn *terius*
minùs est admirabile. Eodem in pagò vetula quæ- *mulieris*
dam adeò à fide Christiana abhorrebat, vt quic- *Brasilia.*
quid ad salutem suggereretur negligeret & ex-
ploderet, & (quod longè deterius) alios quoque
à fide suscipienda deterreret. Interim maritus
tòt ei verbera infligit, vt à morte parum distare vi-
deretur; exanimis enim humi decumbebat. sed
aquà conspersa sibi reddita, vnum è Patribus ad
se euocat, à quo Baptismum postulat. Inopinatæ
mutationis causam ille dum petit, ait, ductam se
ad loca quædam obscuriora, in quibus, qui baptis-
mum nōn recepere, horrendo torquentur igne:
inter quos vidi & filiam flammis circumdatam;
quòd opinionioni nefariæ, quam & ego tueor, mor-
dicus adhæreret, atque ita hinc decesserit. Meum
illa dorsum anhelitu suo flammivomo adussit.
nec mentitat: vstulationis enim signa in tergo illi-
us reperta sunt. Biennio aut triennio etiam pòst
alius item è barbaròrum coryphæis, immissa cæ-
litus calamitate, ad mentem redijt: adeo enim
peruicax & morosus erat, nullis vt ad Domini
iugum verbis pertrahi potuerit. Sed sagitta vnà
cum filio vulneratus se gessit modestius. Inulse-
runt

Hæc sunt quæ de Collegio Bayensi comperta sunt: at quoniam duæ ab illa dependent Residentia, Illeensis scilicet & Portus Securi, de iisdem hocce capite agere visum est.

*In Præ-
fectura
Illeensi
Residen-
tia est
Soc. Iesu.*

*Quem in-
ter Brasi-
lios edunt
fructum*

Illeos ergo Lusitanorum præfectura, triginta ad Meridiem distat lencis, in ora maris sita; è piorum eleemosynis Socijs hic domus fundata, qua ut plurimum sex septemve commorantur: præter solita exercitia ludum hic aperuere, in quo & legere & scribere docetur iuuentus, cuius tanta pietas & feruor, ut siquod in Deum aut sanctos contumeliosum blasphemumve verbum audiat, mox coram iurante in genua procumbens, ut à prava hac consuetudine desistat, roget. Et non sine emolumento, ubi enim se maiores à pueris ad pietatem à pravis moribus traductos animari vident, sæpe à iurando desistunt. Incumbunt adhuc gnaviter Brasiliensium vicinorum conuersioni instructionique: adeo ut non mediocris numerus ad fidem iam accesserit. Atque inter ceteros vnus qui mordicus infidelitatem tuebatur, quem magum esse omnes opinabantur: tanta huius erat apud barbaros incantationibus parta auctoritas, ut ad eum velut ad oraculum, plurimi confluerent; itaque impedimento erat, quo minus permulti fidei manus darent. Sæpius eum ad veritatem pertrahere conati erant Patres, sed salutaria consilia risu Indibrioque excipiebat. At morbus intellectum dedit. Decumbentem enim aliquis Sociorum innisens, quæ ad salutem spectabant paulatim proponebat. Agnouit mox verum Deum, & quem ad mundi redemptionem miserat Iesum Christum filium vnigenitum, antequidem grauatè hæc audiebat, sed benignas tundens aures, ac diuinæ vocationi diutius resistere

non

non valens, ad Patrem conuersus, Christianum
 esse velle, ait, & Baptismo ablui. Ne verò me nu- *Conuersio*
 gari existimes aut verba tua eludere, à Deo sa- *& sanitas*
 nitatem mihi redditam scias velim. hoc dicto le- *magi Bra-*
 ctulo sanus & integer se pròripuit, templumque *filii*
 petens vnà cum vxore baptizatus est; nec sua
 vnus salute contentus, quam prius eluserat fi-
 dem, inter suos, apud quos auctoritate tanta vale-
 bat, disseminare cœpit, tanto zelo & studio, vt
 non Brasilijs modò, sed & Lusitani, hac repentina
 visa commutatione, obstupescerent. Hoc qui-
 dem anno M. D. LXXXV. contigit, at quod iam *Item al-*
 referemus duobus aut tribus pòst annis, sed non *terius*
 minùs est admirabile. Eodem in pagò vetula quæ- *mulieris*
 dam adeò à fide Christiana abhorrebat, vt quic- *Brasilia.*
 quid ad salutem suggereretur negligeret & ex-
 ploderet, & (quod longè deterius) alios quoque
 à fide suscipienda deterreret. Interim maritus
 tot ei verbera infligit, vt à morte parum distare vi-
 deretur; exanimis enim humi decumbebat. sed
 aquà conspersa sibi reddita, vnum è Patribus ad
 se euocat, à quo Baptismum postulat. Inopinatæ
 mutationis causam ille dum petit, ait, ductam se
 ad loca quædam obscuriora, in quibus, qui baptis-
 mum non recepere, horrendo torquentur igne:
 inter quos vidi & filiam flammis circumdatam;
 quòd opinioni nefariæ, quam & ego tueor, mor-
 dicus adhæreret, atque ita hinc decesserit. Meum
 illa dorsum anhelitu suo flammivomo adussit.
 nec mentita: vstulationis enim signa in tergo illi-
 us reperta sunt. Biennio aut triennio etiam pòst
 alius item è barbarorum coryphæis, immissa cæ-
 litus calamitate, ad mentem redijt: adeo enim
 peruiçax & morosus erat, nullis vt ad Domini
 iugum verbis pertrahi potuerit. Sed sagitta vnà
 cum filio vulneratus se gessit modestius. Inuise-
 runt

tant illum Patres lecto defixum, à quibus ille Baptismum petiit. Præuia igitur sufficienti institutione eiusdem compos redditus est. Cum verò vulnus in crudesceret, mortiq; fieret proximus, seruos, quemdā è Patribus leuocare præcepit. Sed nullus seruorū voluntati illius morē gessit, quod in errore suo esset obdurati. Quorū ille visa pertinacia crucem arripit, quam velut Christianus, licet neophystus, singulari honore prosequeretur; hanc magna animi pietate, lachrymabundus amplectens, animam Deo reddidit. Sed de conuersionibus satis hæctenus.

*Aimuri
& Gaimu
ri.*

*Illorum
crudeli-
tas.*

Vt verò post dicenda pateant manifestius, scire oportet, haud procul ab Illeensi præfectura Aimuros aut Gaimuros commorari, quibus nullos in vniuersa Brasilia immaniores esse tradunt. Proprios enim manducare membratim dicuntur liberos, (quod Saturnum fecisse canunt Poetæ) & aperto prægnantium vtero foetus educere, ac coram deuorare. Homines, vt nos feras, venando captant, quos deinde mastatos deuorant. sæpe quoque inopinatò in Lusitanorum irruunt ergasteria ac villas, & quascunque abducere operas possunt, ad suas lanienas, abripiunt, saginataque aliquamdiu obtruncant, & esui parant. Quisque vt placuerit agit; nullis coercentur legibus; superiorem non agnoscunt, cuius præceptis obsequantur. is tamen omnium habetur generosissimus & impigerrimus, plures qui inimicorum mastarit ac deuorarit. idcirco non ideo tamen vllum in alios ius auctoritatemque habet; nec infantes animaduerrere potest. Adusigilant imprimis, ne quis suorum vllum cum hoste habeat commercium, & si quem cum hoste vel locutum compererint, iugulant ac deuorant.

Turma-

Turmatim aut conglobatim non egrediuntur, licet etiam in hostes profisciscantur; sed ex insidijs proditioneue omnia sua agunt, post arbuta, dumos collesque in via latitantes, & inopiantem sagittis viatorem confodiunt; Arte quippe sagittandi valent: siquod ab hoste immineat periculum, intima siluarum fugape-
runt, tanta quidem pernecitate vt ceruos dicas. Bello proinde impeti nequeunt, certo enim non subsistunt loco. Si quam hominum turbam eminus conspiciant, fuga sibi consulunt: aperto enim configere non audent campo vel velitari.

Haud procul à flumine cui à Sancto FRANCISCO nomen, ad vsque promontorium frigidum sedes habent, quod centum ferme leucarum est interuallum; non tamen in ora maritima. Hinc enim à Tupinambaldis & Tupinaquinis, de quibus post loquemur, iam olim pulsi sunt. Frequentes etiam hic Lusitanorum sunt coloni, quæ impedimento sunt quo minus ad hanc oram barbari pertingant. Sed interiora regionis occupantes, in proxima Lusitanorum opida & Brasiliensium pagos inde irruptionem faciunt, variaque inferunt detrimenta. Adeo vt plerique Lusitanorum qui sua hic ergasteria habebant, eadem sint deferere coacti, quamuis triginta aut amplius aureorum annue valerent millibus. quotidiana enim barbarorum erat incurso, pericula quotidiana.

Metuentes siquidem ne tandem etiam à barbaris deuorarentur, qui iam seruos omnes & operas

*Opidum
S. Aimari
desertum,
& arces
destructæ.*

operas domesticas deuorant; S. Aimari opidum deferere compulsi sunt, simul & quinas molas saccharo parando constructas, è quibus non exiguum trahebant compendium. Ipsa quoque præfectura Illeësis, in solo cõstructa fertilissimo, penitus propemodum euersa fuit; quin & alij agri feracissimi frugibusq; ferendis maximè accõmodi, deserti, quòd qui eosdem colerent, præ Aimurorum metu, nullus superesset. At Portus Securi opidum impetum ac violètiã illorum in primis expertum est; ita enim deltruxerunt, viceni vt vix hodie incolæ numerentur qui quòd quotidiano barbarorum infestentur incurfu, vix se sustentare queunt: vt sæpe herbis radicibusq; viuere, præ comæatus inopia, & agrorum solitudine, cogantur. Bayenses quoq; non parum molestiæ ab iisdem perpassi sunt, donec tandem abhinc paucis annis, inita cum ijs pace, quotidianam vexationem redemerunt, vt suo loco Deo dante, in historiæ huius supplemento dicemus: post annum enim sæcularem millesimum sexcentesium id contigit.

*Illeenses
Aimurios
profligant,
ex quo
S. Gregori
habuere
reliquias*

Sed ad Illeenses reuertatur narratio. Litteris anni M. D. LXXXI. traditum est, illos, ex quo S. Georgij reliquias Româ ante sexenium à R. P. Generali Soc. I E S V accepere, Aimurijs hanc coloniam semper infestantibus, in conflictibus præualuisse: nulli vt Lusitani in posterum desiderarentur, & Brasilijsocij quàm paucissimi, quòd meritis suffragijsque Gloriosi athletæ Georgij ascriptum est, cuius hic festâ dies magnâ omnium celebritate ac lætitiâ peragitur, quàm plurimâ sæpe Catechumenorum quæ ad baptismum admittitur, turba, condecorat ac lætiores reddit. Anno siquidem M. D. LXXXI. quingenti Christo accessere. Sed satis superque de Illeensi præfecturâ locuti; ad Portum Securi transeamus.

Hoc

Hoc loco nomen inditum, quod primus portus foret, ad quem post varias maris iactationes & errores Aluarius Capralis, regionis huius explorator, appulit; ideoque Portum Securi ^{Vnde nomen Portum Securi.} supra dictum est, nuncupauit: cui deinde Lusitani urbem inædificatam, eodem dixerunt nomine. Quinquaginta ad Austrum à Baya, & viginti ab Illeo distat leucis, in ora maritima sita. Hic item Sociorum domus est, in qua sex ad summum commorantur. ^{Leprosus aqua benedicta sanatus est.} Pueri hic scribere ac legere docentur, & gnauiter, (vt & alij in locis) in Lusitanorum ac Brasiliensium salutem incumbitur. vndecim circūcirca barbarorum hic sunt pagi, quos Socij, Dei verbum disseminaturi, oberrant, vt miseros ad Dei cognitionem perducant: qui sæpe miraculis & prodigijs ad eandem cælitus vocantur, vt quā iam referam historia reddet manifestius. Brasilius auctoritate inter omnes suos maximè præstans, lepra cum scateret, nulla ratione sanitati restitui poterat. At qui illum inuisebat Sacerdos, recuperandæ valetudinis spem iniécit, modo in Deum fidem conijceret; qui non lepram modò pelleret, & salutem corporis, sed & animæ dare poterat. Aperuit quoque, Ecclesiæ illum suæ, non animarum solummodò sanandarum, sed & corporum interdum, potestatem reliquisse; declarataque prius aquæ benedictæ vi & energia, eadem leprosum abluuit. Et ecce, mox vt ablutus, Naamanis Syri Iordanis vnda immersi instar, omnis lepræ Deo auxiliante, abiit contagio. Sed non minor hinc ad animam illius fructus dimanauit: hic siquidem cum vniuersa familia & omnibus pagi incolis ad Christum transijt: quin & exemplo huius alij duo proximi pagi, atque ita paulatim ceteri Christiana Sacra susceperunt. Sed non e- uidenti Sociorum doctorumque periculo & ma-

us occasione historiam, quæ anno M. D. XCV. in Bayensi portu contigit, subnectam. Rupellani *Historia* piratæ Bayam deprædaturi cum soluissent, pri- *novis de* usquam in Brasiliam tenderent, arcem quandam *piratu* Lusitanorum in Africæ ora ad promontorium *Rupella-* Candidum; quod 21 gradibus est latitudinis se- *na.* ptemtrionalis, sitam inuasert. Quod enim ne- *g-* negligentius excubarent vigiles, sine vlllo obstaculo *sub-* subiere, iugulatoque cum aliquot militibus præ- *fecto,* mœnia ad terram deiecere. Quod verò hæ- *retica* retica labe conspersi essent, templum quoque *labe* euertere, altaria demoliri, imagines confringere, *de-* & quidquid in eo sacrum & religiosum erat, de- *struere* struere cœpère, seruata dumtaxat ad ludibrium *D. Antonij* D. Antonij Paduani (quamvis patriâ Olyssipo- *nensis*) statua. Huic in naues acceptæ gladium *accingunt,* ac contumeliarum in eandem plau- *stra* strâ exonerant, Antonium Lusitanum per con- *temtum* temtum nuncupant, & rogant, suam vt nauem ad *portum* portum Bayensem perducatur, vtque secum confi- *ctum* ctum ineat, inuitant. Sed breui vltix Dei manus *ad-* adfuit, fæda siquidem tempestas vniuersam clas- *sem* sem huc illucve distraxit, perque nauicularios *dirissima* dirissima peste grassante, tantam calamitatem *subij-* subij, vt binæ dumtaxat naues oram Bayensem *attigerint.* attigerint. Quarum vectores, aquandi gratia ex- *scensione* scensione facta, capti à Lusitanis, in vincula con- *iecti* iecti sunt: ceteri qui in nauibus permanserant, *quod* quod exhausti essent morbis, vita integra, se suas- *que* que naues Lusitanis dedidère. Quarû altera, quod *ex-* exhausti sentinæ vectores non sufficerent *(omnibus* (omnibus contagio extinctis) fundum præ aque *subin-* subintrantis pondere petijt: altera verò, qua D. *Antonij* Antonij imago vehiebatur, vt ridendo postula- *rant* rant piratæ, Bayam perducta est.

Veriti verò, sua ne pateret nequitia, imaginem

diffidia diffensionesque in fide eandem breui de- *Cur here-*
serere coacti sunt: omnes enim heretici erant, aut *tici nouas*
in hæresin animo propendebant. Fieri enim non *detegendo*
potest, vt quæ à Christi Ecclesia semoti sunt, inco- *regiones*
gnitas detegendo regiones prosperos lætosque *prospero*
successus habeant. Aliam enim ob causam (vt ini- *non gau-*
tio operis huius notare memini) non videtur *deant*
Deus incognitas nobis regiones detegere voluif- *successu*
se, quàm vt splendido fidei lumine illustrarentur.
Falsitatem ergo prius eodem inferri prohibet,
quàm detecta, edocta, & propagata sit veritas.

In hoc igitur fluminis Ianuarij opido (hoc enim
ipsum donabimus nomine impofterum) collegi-
um Societati I E S V fundauit Sebastianus rex, vt *Collegium*
& cetera, quæ in Brasilia sunt. Quinquaginta hic *Sociorum*
vt plurimum Socij agunt, si annumeres qui in *in opida*
Residentijs hinc dependentibus commorantur. *fluminis*
Theologia moralis, & Latina lingua hic de supe- *Ianuarii*
riore loco docentur, paruuli verò litteras & le-
gere & formare. Præter ea quæ Lusitanis impen-
duntur obsequia, duo magni Brasiliensium pagi,
haud procul ab opido, in quibus duo & amplius
hominum millia commorantur, Sociorum curæ
concrediti sunt; omnes siquidem illorum indu-
stria ad fidem transierunt, & sacro fonte abluti
sunt. Si quando verò Brasilijs interioris regionis
ad Christianam commigrare religionem volunt, *Mancipia*
pagos hos adeunt, in quibus edoceantur & Bap- *Nigra cō-*
tizentur. Duo Socij in singulis pagis agunt, vt & de *uertuntur*
alijs suprà diximus locis. Sunt & alij qui ergaste- *or conso-*
ria & sacchari molas obeunt, vt mancipia, quæ in *lansur.*
infidelitatis adhuc tenebris versantur, ad fidem
conuertantur, aut conuersis Poenitentia, Eucha-
ristia ac Matrimonij Sacramenta administrentur;
Socij quippe parochorum hic vices agunt, &
singulari Pontificis indulto barbaros, ad Eccle-

sic præscriptum legitimo iungunt matrimonio. Inprimis verò misellos in calamitate sua consolantur: sæpe quippe heros nanciscuntur: qui plus æquo ad rem attenti, noctu diuque, asinorum iumentorumque instar in ergasterijs detinent; alij quoque indignis habentur modis, grauissimaque patiuntur incommoda. nullum ut maius habeant gaudium, quàm si quis Sociorum ad eos commigret, in laboribus soletur, & apud immites Dominos causam illorum agat, & laborem minui postulet. Quorū preces sæpe pondus habent. hinc miselli singulari Socios honore & amore prosequuntur. Hæc sunt, quæ in genere de hoc Collegio dicenda videbantur, iã ad singularia descēdamus.

*Historia
notabilis.*

*Zoeni,
Margage-
ata, Tu-
pinambal-
di, Tupi
nequini
Brasilia
populi.*

Anno salutis M. D. LXXXI, cum præfectus urbis cum vniuerso propemodum præsidio aduersus barbaros quosdam mediterraneos, à quibus grauissima patiebantur incommoda, profectus, urbem vacuam deseruisset; tres hæreticorum Gallorum naues armatæ & insigni classiariorum numero instructæ, eodem appulerunt. Qui cum Ianuarij fluminis ostium subirent, Zoënis amicis sociisque, tormentorum explosione signum dederunt. Quos eosdem esse credo cum Tupinambaldi, mortalibus Margageatarum & Tupinaquinorum (qui cum Lusitanis Societate iuncti sunt) hostibus. Galli, Socij etiam non prouidentibus, aduerso flumine ad urbem nauigarunt. Terruit hæc inopinata classis ciues omnes; quod nullum in vrbe reliquum præsidium foret. Accessit adhuc sparsus quidam illis diebus incerto auctore rumor, ducem vnà cum Socijs, qui ad bellum profecti erant, hostili ferro cecidisse. Ciues cum sibi ad hosti resistendum deesse viderent vires, nec suppetere qui vigilias obirent, feminas armatas in muro collocarunt, quæ

quæ prædonibus terrori forent. Præfecti vxor agmen ducebant, hasta armabat manus; quam mox reliquæ secutæ moenia complerunt. Ipse quoque vrbis Episcopus, qui in præfecti absentia, loci regimen habebat, adeo strenuum se præbuit, vt non minus ducis quàm pastoris partes ageret. Nec Sociorum etiã hic cessauit industria; pars enim domi orationi vacare, pars Præsuli in rebus necessarijs subministrandis adesse; terram, lapides, aliæque suis ipsi humeris ad locum debitum deferre; quin & omnem domus supellectilem, quæ ad vrbis defensionem vsui foret, vt lectos, ceruicalia, puluinaria, aliæque impendere, verbo & exemplo alijs animos subdere, ne, Deo confisi, locum desererent. Appellunt interim piratæ, qui tormenti explosione velum contrahere iussi, paruere; & pacis signo ostenso duos suorum ad vrbem miserunt. Sed intra vrbem minimè admissi. Quo viso, re infecta sublatis ancoris, abierunt. Diuinæ hoc fuit prouidentiae argumentum. Si enim sumptis animis accessissent propius, vrbemque oppugnassent, ad primū haud dubiè impetum cessisset. Sed mentem eripuit Deus; post quorum discessum singulares Deo gratiæ persolutæ. Quod verò Sociorum adhortationibus locum non deseruissent, vitam ijs & fortunas debere se, publicè confessi sunt. Sed vrbe egressi, videamus quid in agris tum quò ad pacem ac bonum publicum, tum verò incolarum salutem contigerit.

Anno M. D. LXXXV. Brasilijs Mediterranei ob mutuas hinc inde irrogatas iniurias à Lusitanis occulta diffensione diffidebāt, vt grauissimū hinc exoriturum omnes bellum crederent. Ciues vrbis quod imminebat damno, non mediocriter cōturbati sunt. Vt igitur res componerentur, Rectorem collegij adiere primores vrbis, vt vnum è

cus ac sedes domicilij mutanda Brasilijs quodam *Pietas*
tempore cum esset, quò ad commodiorem locum *Brasilien-*
commigrarent, Pater qui eisdem præerat, primò *sum neo-*
vt tuguria sua exstruerent præcepit, templum *phytorii.*
Deo postea per otium ædificaturi. Absit, inquie-
bant omnes, prius vt nobis quàm Deo donum pa-
remus: cum bona P. Rectoris venia, Deo prius,
dein nobis ædes construemus. Piæ illorum vo-
luntati refragari Pater Rector cum non auderet,
gnauiter manum operi admouentes, templum
Deo spatio quàm breuissimo erexere. Sed audis
erat inter ceteras operas quidam ætate grandior
& maturus, & auctoritate reliquis præstans; fi-
lium hic trimulum operi insudare pro tenella æ-
tate volebat, & manibus aliquot terræ glebas ad
templi fabricam deferre; Eia agedû fili mi, inquit,
hanc terræ portinniculam parieti inde; tibi enim
locus hic paratur. cum Dei gratia, in hæc natus sis
tempora, quibus prima maiorum nostrorum bar-
barics consenuit & exoleuit. Sed ecce rem aliam
penitus prodigiosam.

Lusitani ancilla Christiana triduanis partûs
doloribus iâ exagitata, ab omnibus deserta erat, ab *Partus in-*
ipso etiâ Domino, qui omnē vitæ spem abiecerat. *tercessio-*
In maximis ergo doloribus constitutæ apparuit *ne Deipa-*
Deipara misericordiæ mater, quæ magna morum *ra prod-*
grauitate ac modestia, præmissa salutatione, partû *giosus.*
vt ederet edixit. Nec vana fuere verba, fortum e-
nim sine dolore cum esset enixa, euauit Deipara.
Alia interim prætereo, quæ, quamuis non sine mi-
raculo cōtingant, hic quotidiana sunt, & paria his
quæ superius suo narrauimus loco, qualia sunt per
baptismū, aquam benedictā, aliāsq; res sacras red-
dita sanitas: quæ tamē ad fidei incrementū maxi-
mo sunt adiumento. Sed hæc quo ad hoc collegi-
um locaque vicina, dicta sufficiant: iam ad Resi-

dentias quæ hinc dependent, transeat narratio.

Præfectu Prima est Vincētiana, vbi Lusitanorū præfectu-
ra S. Vin- ra, in exiguo maris sinu, 24 gradibus latitudinis
centij. australis, in ora maritima sita; quadraginta ab o-
 pido fluminis Ianuarij leucis remota, austrū ver-
 sus. Sex septemve Socij hic cominorantur, qui se-
 dulo & impigrè Lusitanorum simul & Brasiliensium
 saluti inuigilant; hi in varios dispersi sunt pa-
 gos circumsecus opidum; ad quos quotidie noui
 hinc inde incolæ Sociorum operâ confluunt. sæpe
 quippe interiorē adeunt regionem, ac præsertim
 Carigios, qui in ora maritima, octoginta circiter
 leucis à Vincentiano ad Austrum distant opido,
 & ad ducentas propemodum leucas in eadem se
 ora extendunt, nam ad vsque fluuium Argenteum
 pertingunt. Gens est omnium Brasiliensium poli-
 tissima, cultissimaque, ut præter aliorum consue-
 tudinem ferarum exnuis cooperiantur. Si quan-
 do ad eos commercij gratia Lusitani profisciscun-
 tur, sine vllō metu nauigia subeunt, ac vicissim
 Lusitani per eorum pagos securi discurrent, qua-
 si in propriis agerent domibus. Forma sunt insi-
 gni, & nonnulli candore cū Europæis certant. In
 pagis erectas cruces singulari honore prosequun-
 tur: quod ab Episcopo & Religiosis nonnullis, ab
 hinc aliquot annis illac transcurrentibus, sibi osten-
 sum aiunt, à quo & plurimi baptizati sunt, cuius
 rei etiam nūm apud nonnullos recens est memo-
 ria. Hos esse crediderim, qui Petrum Corream &
 Ioannem Sosam necarunt, ut suo diximus loco.
 Hanc cum Lusitani provinciam detexissent, quā-
 primum commercia cum iis inire cœpère, etiam
 opidi Vincentiani ciues, & iam Societatem cum
 iisdem contraxerant. Fuere tamen nonnulli Lu-
 sitani, qui venditis mercibus septuaginta circiter
 Carigios vi vel arte abduxerunt; in nauem namq;
 dedu-

*Carigii
dociles.*

*Lusitani
Carigios
astu secum
trahunt.*

deductos sublatis velis, nihil minus cogitantes
 auexerunt. atque inter eos vnum, qui ex optima-
 ribus erat, Caiobigum nomine, Farancahæ, aucto-
 ritate item apud suos pollentis, fratrem. Ad opi-
 dum Vincentianum cum venissent, nonnulli mi-
 litum, angi intimè cœpère (rarum in milite)
 quod præter ius & fas hosce captiuos abduxif-
 sent, quibuscum fœdus ac pacem inierant, & à
 quibus nullam passi prius erant iniuriam, præfe-
 ctum vrbis adiére, hic rem exactè discuti coram
 iudicibus iussit; condemnatique sunt nauarchus,
 ac cæteri eosdem captiuos ad sua reducere, & su-
 is interim alere expensis. Ceterum quòd reliquo-
 rum odium vererentur, quòs grauitè offende-
 rant, aliquot secum Socios, qui causam suam a-
 pud Carigios agerent, & consanguineos abdu-
 ctorum pacarent, à Superiore Collegij petierunt.
 Annuit Rector, deditque duos causæ patronos,
 Augustinum de Matos scilicet, & P. Custodem
 Pirezium, qui anno M. C. XCVI. quarto Decem-
 bris, opido Vincentiano soluentes tandem ad
 Portum Caiorios, quem Lusitani Patos nuncu-
 pant, id est, Anserum (quod non procul inde la-
 cus sit, qui ab Anseribus, quorum magna hic co-
 pia, nomen inuenit) appulerunt. Quòd verò
 hunc circum lacum sedes Carigij habeant, Lusita-
 ni vulgò eos Patos, id est, anseres etiam nomi-
 nant. Exscensione facta, Patres ingentem in primis
 crucem fixère, dein duos Carigiorum reducto-
 rum vnà cùm Brasilio, qui in pagis opidi Vincen-
 tiani commorabatur, ad Farancaham Caiobigi
 fratrem miserunt, qui sui & Lusitanorum aduen-
 tus causam declararent. Cuius habito responso,
 in littore è ramis & virgultis ædiculam ad sacra
 peragenda erexerunt.

*Eosdem
educere.
compel-
luntur.*

*Portus
Patensis.*

*Farancaha
vnus è
principa-
libus Cai-
rigijs.*

Trepidabant interim Lusitani, ignari quo tan-
 dem

*Patres
benignè
excipit.*

*Fletus
gaudij
index.*

*Pax in-
ter Lusi-
tanos &
Carigios
inita.*

dem modo suam Carigij gra uiter læsi legationem
admitterent. Sed omni metu breui soluti sunt: le-
gati namque ad Farancaham destinati, cum ali-
quot alijs Carigijs in comitatum additis, qui Pa-
tribus & Lusitanis aduentum gratularentur, re-
diere, & Farancaham quàm celerrimè ad eos ex-
cursurum. Nec fefellit: post aliquot siquidem
dies ingenti stipatus multitudine appulit. Cæru-
leam gestabat togam, quam rubra in pectore ex-
ornabat crux, qualem S. Iacobiequites pro more
gestare solent: decorè à latere pendebat ensis.
Huic obuiam cum honore processere Patres, &
ad ædiculam venientem deduxere: à quo vicissim
illi benignè humaniterq; recepti. In quorum me-
dio cum consedisset, vbertim lacrymari cœpit,
& arcte vtrumque stringere: nam singularis hoc
apud illos beneuolentiæ & affectus signū est. Quo-
tiescumque enim aliquem amicorum aut afini-
um peregrè venientem excipiunt, in lachrymas
prorumpunt; vel quod præteritas viæ difficulta-
tes commiserentur, vel quòd gaudij hoc & ex-
ultationis apud eos sit argumentum. Præ gaudio
enim hominem plorare sæpe contigit. Lacry-
mandi finem cum fecisset, quas à Lusitanis ipse
ac sui nullo suo immerito passi essent iniurias re-
ferre; sed harum omnium in Patrum gratiam ob-
liuisci se velle, ac nouam cum Lusitanis Societa-
tem inire; quin etiam cum vniuersa familia ac
suis Christiana sacra suscipere, Lusitani, qui ha-
ctenus præ timore trepidantes nauis se continue-
rant; vbi nullum subesse vident periculum, in
terram exscenderunt, Carobigum Farancahæ
fratrem & reliquos Carigios secum ducentes.
Amborum cum consensu mox inita pax; quam ut
Farancaha confirmaret, nepotem, quem vnice
complectabatur, Patribus ad opidum Vincentia-
num

num deducendum, ac fide bonisq̃ue moribus in-
 struendum dedit. quod autem diutius hic eos
 commorari vetitum esset, propediem vt redirent
 enixissimè postulauit, vt se & vniuersam famili-
 am ac consanguineos omnes fidem edoctos sacro
 Baptismate ablueret. Christiana enim sacra il-
 los recipere velle aiebant, ad quorum reditum
 parata Deo templa fore spondit. Vale dicto ad
 sua mox redijt. Nuntiatum interim quatuor aut
 quinque eiusdem gētis primores, magno stipatos
 comitatu in procinctu esse, & ad Socios propera-
 re. Hinc ad aliquot dies abitum suum distule-
 runt. Venerant hi Patrum videndorum causa, ro-
 gaturi vt in viam salutis errantes deducerent Pa- 4 *Vel*
 tres cum longiorem trahere moram, & sanctam *quinque*
 illorum petitionem reicere non possent, binas *primores*
 aut ternas ad illos habuere conciones, in quibus *Carigii*
 aliquam pro temporis angustia Dei cognitionem *ad Patres*
 animis illorum instillarunt. Quod quo gaudio ac *veniant.*
 mentis consolatione alij audirent, gestus exteri-
 or & corporis forma satis indicabat, ita vt om-
 nes ad pietatem emoueret. Horum primus audi-
 to Farancaham suum illis nepotem, in amoris
 arrham ac telerioris redditus testimonium & ob-
 fidem dedisse, primogenitum quoque filium tra- *Horum*
 didit, quem Christiana fide imbuerent, & prope- *primus*
 diem cum illo reuenterentur, ac tum vniuersos *filium pri-*
 baptizarent. Cum iam discēssus tempus aduenis- *mogeni-*
 set, tantum abitu illorum moerorem ostendebāt, *tum Pa-*
 ac sitoto vitæ tempore simul habitassent. Haud *tribus*
 multo post tres ad Carigios commercij causa dat, vt
 profecti sunt Lusitani. Quos dum è Sociorum ab illis
 esse putant numero, magno eos plausu & gratula- *instrue-*
 tione exceperūt, at vbi se frustratos esse & mer- *retur.*
 catores nō pastores intellexere, non parum do-
 luere; ac præsertim vnus à primoribus, qui Pa-
 trum

*quo in fi-
dem ar-
deant
zelo.*

trum desiderabat aduentum, deque eorum fide
expostulabat. grauius enim ægrotabat. quibus, si
sine Baptismo discedere contingeret, perditio-
nem atque animæ iacturam, ascribere se dixit.
Orauit ob sacra Lusitanos, Baptismum ut confer-
rent. Sed nemo id ausus fuit. Illorum tamen
industria conualuit, sed recrudescente dein in-
ualitudine, sine Baptismo diem clausit. bo-
nam voluntatem ratam habuisse crediderim Do-
minum ac pro Baptismo aquæ, quem summo-
pere desiderabat, ignem Spiritus sancti elar-
gitum. Quod subnectam euidenter demonstrat,
quo salutis ardeant desiderio. Horum vnus cum
ad opidum Vincentianum profectus, & templum
Sociorum Apostolo Paulo dedicatum ingressus,
nonnullos sacro fonte ablui vidisset, intellexis-
setq; rudi quadā ratione, Baptismi Sacramentum
conferri, ad suos reuersus, quæ vidisset, enarra-
uit. Hinc plurimi ad eum baptizandi confluxere;
sed cum nonnisi aqua vertices illorum, sine so-
lennium verborū prolatione (ignorabat enim)
conspargeret, nullius ablutio hæc erat meriti. So-
cij viso Carigiorum in fidem Christianam deside-
rio ac zelo, Sebastianum Gomezium ad eosdem
destinarunt: de cuius aduentū, certiores redditi
indigenæ ad mediā ei leucam obuiam processere,
magnoq; gaudio & plausu illū excepere. Plu-
rimos illorum Christo lucrifecit; atq; inter cete-
ros puellā trimulam, quæ Baptismo recepto exul-
tans cantillare capit, suamq; sortem deprædicare,
quod in Dei filiā esset adoptata. Tanto porro Ca-
rigij fidei ardent zelo, ut Patrum aduentum non
præstolantes, ipsi vltro ad S. Vincentij coloniam,
Baptismi desiderio, confluant. Intēgra etiam ve-
nit familia sacro latice abluenda, & cum illa tres
ē primoribus pagi, quos breui ad suos reuerti
opor-

*Sociorum
vnus plu-
rimos
Carigios
Bapti-
zat.*

oportebat: venit & alius magnæ auctoritatis, qui Baptismo recepto ad suos etiam reuerti volebat. Is habere se fratrem dicebat, qui maxima inter suos auctoritate polleret, ab hoc se missum ut Socios ad ipsum perduceret, quod ipse & omnes subditi Christiana sacra suscipere, & ad Christianorum opida commigrare, maximopere desiderarent: sed priusquam sedem mutaret, missurum seruos qui terram excolerent & sementem facerent, ne illo veniente ad vitam necessaria deessent.

Multi quoque è primatibus Carigiorum ad Vincentianam à suis missi venere, Patres rogaturi ut suos ad opida Christiana deducerent; sine illis enim venire se non audere, ne forte à Lusitanis in seruitutem abriperentur, atque ideo pagos Piratinenses penitus desertos esse. Si enim, inquiunt, cum amicis & Socijs Lusitani ita se gerant, id est cum ijs qui moribus illorum assueuerant, & simul commorabantur; quid nobis fiet, qui non nisi recenter pacem ac foedus cum ijsdem iniimus? est sanè iusta metuendi causa: tanta namque Lusitanorum in barbaris captandis hic insolentia & audacia, quo illorum opera in ergasterijs vtantur, nullo ut regionum edictorum metu, vel Dei honore coerceri posse videantur; magna huic proinde iniuria irrogatur, quod plurimos qui Christi fidem amplecterentur, & ad opida accederent, deterreant; dum enim irrogatam socijs iniuriam sibi proponunt, ne sibi eadem fiat verentur. Nonnullorum igitur insolens cupiditas animarum multarum salutem impedit. Sed iusto Dei iudicio longè secus accidit: Vincentiana enim colonia & omnes quæ in Indigenas inhumaniores sunt, indies decrescunt; aliæ verò quæ ijsdem bene volunt & humanas se exhibet quotidie magis magisque efflorescunt. Sed iam ad alia transeamus opida.

CAPVT XXX.

Ex fructu in Piratiningensi colonia, & omnium Sanctorum, & S. Spiritus, & Brasiliensium pagis inde dependentibus, edito.

*Beata
Brasili
mors.*

Piratiningensis colonia decem duodecimve à Vincentiano opido distat leucis, non quidem in ora maritima, sed in interiori regione. Residētiam hic habent Socij, in qua sex septemve commorantur; qui salutē Brasiliensium circumsecus habitantium, qui octo sunt millia in vniuersum, potissimum inuigilant. Multa quidem quæ ad exemplum aliorum sunt, dicenda forent, sed breuitatis causa vnum duntaxat referemus. Brasilius in pago quodam laudabiliter vixerat; hic cum ad vitæ extremum peruenisset, duæ vicinæ Brasiliæ, quæ Christianæ erant, & ægrotanti adfuerant, testatæ sunt, vidisse se animam mortui à multis adolescentibus candidatis ad cælum deferri. quo viso petiēre, se quoque vt hinc ad beatas sedes educerent. quarum vni, quæ sanctam vitam agebat responderunt, propediem illā in cælum subleuandam; alteram verò quæ parum probam vitam instituebat, nisi vitam corrigeret, secum non venturam. Ita probos remuneratur Deus, beatissima illos morte beans; alios verò minus cautos, vitam vt emendent, commonefacit.

*Item P.
Emmann.
lis Chaues.*

Anno M. D. XC. Piratiningæ discessit P. Emmanuel Chaues Societ. Iesu, senio & laboribus exhaustus. octogesimum hic agebat annum, sed caritate erat infracta & indefatigabili: nam ætate quamuis grauis, omni quo poterat studio ac labore animas Christo lucrifacere contendebat, vt pedes, & sæpe nudipes Brasiliensium pagos obiret: Et sanè oportuno hinc ablatus est tempore, ne forte

ne fortè instantem patriæ ruinam coràm intueretur. Barbari quippe interiores magno impetu opidum aggressi omnia circumquaque destruxerunt; villas euerterunt, pecorum greges abduxerunt. Quod verò magna hostium esset multitudo, varijsq; belli machinis urbem oppugnarent; se resistere posse diffisi sunt Lusitani. Interim Socij qui vrbe continebantur, precibus & orationi vacabant, ciues adhortantes, locum ne desererent; sed opem exspectarent, quam nihil minus exspectantibus Deus interim parabat. Præfectus enim opidi, quod ab omnibus Sanctis nomen habet, & paruo à Piratininga distat interuallo, periculi imminantis per literas factus certior, omnes quos poterat Lusitanos collectos armari iubet, & rectà ad obsessos contendit; assumpto secum vno è Socijs, qui in vrbe Sanctòrum cum aliquot suorum commorabatur. Irruperant iam in suburbia Pagani, vbi Deiparæ imaginem luteam sacrilegis confregerunt manibus. Sed mox vt Lusitanicum aduenit auxilium; & neophyti Brasilijs socias copias iunxerunt, hostis magno suo damno; multis suorum desideratis, in fugam se dedit. Interim verò dum certamen iniretur, Socij, dum confessionibus excipiendis vacant, & alios ad fortiter certandum exstimulant, ac proinde sæpe in prima acie inter media barbarorum tela versaretur; multiq; circumquaq; occumberent; illæsi persistere quod singulari Dei protectioni ascribendū, cum præsertim in apertissimo vitæ versarentur discrimine. Hostium fuga bello confectò, in manus deuēnit sacrilegus, qui Deiparæ violarat imaginem: qui caudæ alligatus equinæ; vicitim rapatus tandem animam efflauit.

Piratininga evertitur.

Sacrilegiū patitur

*Miramoni-
nini quinā*

Haud procul à Piratininga gens est interiorem regionem versus, quam Miramonios vocant, qui

Ce

inorum

morum barbarie & linguæ discrimine à ceteris diffident Brasilijs. Turmatim quippe hinc inde oberrant, eo pene modo quo arioli in Europas quos Bohemos aut Aegyptios dicimus, qui venturas hominum sortes prædicere se posse iactant. Lusitanis Piratiningensibus plurima hi inferre solebant damna, dum derepente in eorum villas ac suburbana irruunt, & obuia quæq; destruunt. Quod verò nemo illorum calleret linguam, hinc ad eos fidei propagandæ causa itum non est, donec anno M. D. LXXXVII. quidam Sociorum ad eos profectus, signis potius quàm verbis eodem instruere conatus est. Quid vellet, nemo intelligebat, sed linguæ illius penitus ignari erant.

Multi eorum conuerſi sunt.

Cùm verò breui linguâ illorum percepisset, ita illos erudiuit, vt plurima, barbarie exuta ad humaniorem cultum & fidem Christianam transierint; qui exstructo Deo templo, sua circumsecus pararunt tuguria; iam verò nullum prorsus Lusitanis inferunt damnum, sed in illorum ergasterijs sedulò laborant, iisque quæ possunt solertia succurrunt, quotidieque magis magisque ad mores cultiores transeunt.

Residentia Sanctorum.

Tertia Sociorum Residentia quæ à Collegio fluminis Ianuarij dependet; est in opido Sanctorum omnium, quod paruo ab alijs duobus distat interuallo. aded vt Patres, qui hic commorantur alijs, qui in Vincentiana aut Piratiningensi colonia habitant, cum opus fuerit, & illi vicissim his suppetias ferant. Quinque aut sex hic habitant, qui eadem omnino obeunt munia quæ aliarum duarum Patres. quod verò nihil hic compererim, quin &

alijs

alijs etiam domibus commune sit, silentio inuoluam.

Quarta verò in opido est sancti Spiritus, quod in vicesimo latitudinis australis situm est gradu, in ora maritima, vt Aequatori sit propius, quàm opidum fluminis Ianuarij, à quo septuaginta, dissidet leucis. Septem aut octo hic vt plurimum agunt Socij, interdum plures. Sex Brasiliensium pagis circumquaque sitis hi præsunt, in quibus decem Christianorum numerantur millia; quorum pietas eximia est, ac sæpè insignibus à Deo compensatur miraculis; quorum hic nonnulla paucis perstringam. Brasiliensi matri filius erat membrorum omnium ac pedum præsertim vsu destitutus, ad templum delatum mater aqua benedicta abluit; ablutus pedum vsu recuperat, & sine vilo hominum adminiculo domum contendit. Alij etiam duo cum in mortis versarentur articulo, eodem sunt remedio valetudini restituti. Puella quinquennis Maria nomine, ægra coram Deiparæ postrata imagine hunc in modum orauit, Mater misericordiæ, cuius nomen indigna gero, obsecranti sanitatem redde. Ostendit sanitas reddita simplicis puellæ preces Deo eiusque matri gratas fuisse. In templo Sociorum pars est reliquiarum S. Mauritij, Thebæorum legionis ducis; has Brasilijs magno honore prosequuntur, earumque opem sæpe suis in necessitatibus experiuntur, nunquam enim illæ in supplicatione ad pluuiam obtinendam deferuntur (deferuntur autem sæpius) quin copiosa cælo descendat pluuiæ. Nec communimodo Martyr necessitati subuenit, sed & priuatæ, vt ex eo quod sequitur apparebit.

Item
S. Spiritus.

Reliquia
S. Mauri
ritii in
temple
Sociorum.

Erat in Brasiliensium pagis quidam ex optimatibus; hic æger ad templum se deferri postulat, illius nomini dedicatum: cuius cum reliquias magna animi pietate exosculatus esset, sanus & restituta valetudine domum rediit.

Anno M.D.vndenonagesimo, cum in agno populi concursu ac frequentia festum Martyris ageretur, puer qui in sublimem quemdam locum celebritatem spectaturus ascenderat, derepentè in lapidum acutum corruit, omnes enim colliso putabant corpore, sospes & integer apparuit. Idquæ non sine singulari Sancti Martyris auxilio, decidens enim illius opem auxiliumque innocarat. Sed in accepti beneficii signum, lineam quamdam rubicundam, cinguli instar, corpori circumquaque inhaerentem, Deo sic permittente retinuit.

P. Prouincialis huc cum visitatum venisset, magnâ illi populi multitudo obuiam processit, magnoque illum gaudio & plausu domum Societatis perduxit: quin & alij qui nondum Baptismum receperant obuiam prodire orantes, aliquot vtrorum mitteret, qui viam salutis errantibus ostenderent, suosque ad Christum aggregarent; erant hi è loci primoribus, & Christianam religionem recipere desiderabât. Erat inter hos, cui nomen Tuinpalucus, qui ingenij subtilitate, & indicij cæremonia Lusitanis non cedebat. Hic à Prouinciali permotus, magnam suorum copiam conducit, vt à Patribus Instituerentur; adeo vt trecenti hoc anno baptizati fuerint.

Tuinpalucus
multorum
dominus.

Vt verò Christianorum neophytorum zelus, & quanti receptæ fidei cognitionem, ac desiderium parentes ac notos infideles ad Christum perducendi, vt eadem secum forte gaudeant, faciant, appareat, referâ hic ipsorum profectiones aliquot, quas magno vitæ periculo suscepere, interiorè religionem

gionem versus, quo ad Christianorum illos perducerent opida.

Huc cum Prouincialis, vt dixi, appulisset, nonnulli è primoribus pagi, qui à tribus Magis nomen habet, qui haud procul inde dissidet, rogant neophyti, permitteret, se ad interiora terrarum proficisci, suos vt affines & consanguineos vocatos, ad Christi fidem adducerent. Haud abnu- it Prouincialis, sed vni Sociorum Dominico Garcia, Superiori, negotiũ dedit, vt quæ agenda foret, exactè iis præscriberet. Cum igitur omnia ad iter necessaria comparassent, partem itineris cum iisdem confecit, & nauem pariter conscendit (aduerso enim flumine nauigandum erat,) Patri itaque decessum paranti, confessionem peccatorũ facere, & sacram ab eodem Synaxin percipere volebant. Quorum piæ ille voluntati morem gessit, simul exhortatus, vt tam sanctam profectionẽ animosè susciperent. Septem nauigiis, quas Canoas patria lingua vocant, vecti iter cœptum sequuntur; vix dierum duorum processerant itinere, cum in Tapias, gentem barbaram & sanguinariam, inciderunt, quibuscum confligere oportuit. Hoc in certamine Christianorum vnus ad mortem saucius, animam efflauit, in hæc verba, Iesu miserere mei. Ceteri Tapiarum insultum nihil veriti, præternauigarunt, & tandem mense elapso ad destinatum peruenere locum. Ad primum pagum cum peruentum, magno gaudio beneuolentiæque ab amicis, consanguineis, locique primoribus excepti sunt.

Hic audiunt, sex illorum paulò antè trium Magorum pagum adiisse, vt fide imbuerentur, inter quos erat Iaguabara, magnæ apud omnes auctoritatis, qui reuersus, tanto verborum pondere apud suos vsus est, plurimis vt mentem iniecerit,

sedes mutandi, Patrum opida adeundi, vt fidem Christianam edocerentur. Adeo vt omnes pagi incolas secum duxerit. Sed cū in Apiapetangas, iuratos hostes, incidissent, vltius progredi prohibiti sunt; adeo vt ferro via paranda fuerit. Apiapetangis verò præualentibus, plurimi illorū & interfecti & in seruitutē abrepti, ipse etiā Iaguarabara grauiter saucius cū reliquis ad suos reuersus est, meliorem itineris oportunitatem expectans.

Suos ad
Ecclesi-
am aggre-
gare cu-
piens
vulne-
ratur.

Hæc narrabantur ijs qui iam recenter à Trium Magorum pago venerant: quorum vnus, cui nomen Emmanuel Mascarenias Apiapetangas adiutorum se spondet, pacemque cum ijs initurum, ne impedimento forent in posterum ijs, qui secum per illorum regionem iter haberent, Multi eum comitabantur, ac præsertim illi qui iam nuper immè à Trium Magorum pago secum venerant. Vix leucam confecerant, cū in Apiapetangas incidunt, quos longa oratione ad pacem ineundam sunt adhortati. At quod superiori victoria insoluerent, & suorum numerum ingenti seruorum fugitiuorum (occisis iam nuper Dominis) copia auctum cernerent; bellum se paci præferre dixerunt: & violentas mox in Mascareniam comitesque manus iniecerunt. Hi diuinis potiùs quàm humanis confisi viribus (hostis enim numero & viribus superabat) vim propulsabant: adeo vt acriter certatum sit. Hic Mascarenias telo in pectore secundum cor transfixus, breui animam reddidit, Socios adhortatus, vt in fide Christiana perstarent, summaque, contentione anniterentur, consanguineos & notos & quocumque Christianam religionem amplecti vellent, ad Patres adducere: Equidem, inquit, hanc ob causam mortem libens oppeto, ac neminem, imo ne liberos quidem morte mea velim ingemiscere,

Emma-
nuel Mas-
carenias
Brasilus
pietate mo-
ritur.

quos

quos apud Patres deposui; ideoq; latus hinc de-
cedo, sciens illos ab ijs non deferendos. Petita
ergo delictorum venia, & inuocato SS. Iesu no-
mine animam reddidit; quem Socij in secreto
quodam loco terræ mandarunt, ne fortè ab hosti-
bus repertus, in cibū cederet. Ceteri ad Iaguaba-
ræ pagum reuersi sunt; qui haud multò post in
morbum grauissimum cum incidisset, ex hac
ærumnosa ad sempiternam vitam transiit: nam
priusquam exspiraret, ab Antonio Diazio, qui
cum alijs à pago Trium Magorum eo venerat,
baptizatus est; docuerant namque cum Patres,
quo se modo in hoc negotio gereret. Iaguabara
itaque Christianus hinc decessit, vti desiderarat.
Antonius interim Diaz cum Socijs ad alium pa-
gum profectus plurimis persuasit, vt secum ad
Trium Magorum pagum proficiscerentur; atque
inter ceteros vni è præcipuis, cui nomen Pira-
gasu, qui cum vniuersa familia secutus est, cete-
ros qui ad iter interim se comparabant, præuer-
tens. Itineri se accingentes tandem non sine mo-
lestia, ducenti numero, ad Iaguabaræ pagum per-
uenere; pueros enim senes, & ægros secum traxe-
rant; sed, non sine singulari numinis auxilio, ne-
mo penitus in via extinctus est.

Hinc cum iter ad Trium Magorum pagū repe-
terent, denuo in Apiapetāgas incederūt, iter im-
pedire conantes; sed Christiani vnà cū iis quos se-
cum trahebant tāto impetu illos aggressi sunt, vt
permultis occisis superiores euaserint. Multa quo-
que cepere mancipia, ac plurimos Iaguabaræ co-
mites qui ab Apiapetangis in seruitutem abrepti
erāt, in libertatem vindicarūt. Christiani quinq;
dūtaxat desiderati, & è Socijs quatuor. Maximū,
quod hac victoria cōsecutū est bonū, fuit iter tutū
ac perniū, vt sine vllō maleficio & ipsi & qui postea

*Ad Trium
Magorum
pagum
venit.*

eodem accessere, transierint. Bimestre spatium huic itineri impenderunt, & tandem ad Trium Magorum pagum peruenerunt. Piraguasu, de quo paulo antè locuti sumus, quatuor filijs iam natu grandibus comitatus, pro more gentis, orationem habens, qua de aduëtu hoc suo se gauisum ostendebat, pagum subit. Oratione finita cum filijs tēplū adit, ac deinde Patres visitat; quos amplexatus hac ratione compellauit: Iam tandem votorum compos factus sum, cum haud procul a vobis, Patres, & Ecclesia me conspicio. Diutius aduentum meum differre nolui, sed omnium primus esse. Frater Inabaquasu cum suis propediem, me secutus, etiam aderit. Interim ipse terræ semenem concredam, ne ipsi cum suis necessaria ad vitam villo modo desint.

*Vidua
Iaguaba-
ra cum
vniuerso
familia
eodem
venit.
Illius
oratio.*

Haud multò pòst appulit & Iaguabarę vidua, illius inquam qui in primo occubuit conflictu. Honestissima erat matrona, iam ætate grandior, & omnes secum proles & generos, vniuersamq; domum trahebat. Appulit hæc multis comitata, pendente de collo rosario, & eo quo diximus modo perorans; & in hac verba: Nemo miretur vestrum, si mulier cum sim, perorare coner: mortui siquidem coniugis in locum me succedere par est, & ad Ecclesiam vnā cum meis accedere, quod tanto desideravi tempore, in qua ille & viuere & mori summopere exoptabat; sed iter nostrū prædones remorati sunt. Modò huc sine ipso veni, vt templi simul & Patrum necessitatibus prospiciam, quibus nihil omnino, quo ad vixero, defuturum est. Hæc cum perorasset, & domum concessisset, omnes loci incolæ ploratum venere: hic enim peregre venientes excipiendi mos est, vt suo diximus loco. finita nania, mulieres varia ad eam misere munuscula; nec defuere officio suo

Pat res:

Patres : quos ille postridie cum vniuersa familia salutatum abiit. Qui non mediocriter gauisi sunt, *In mor-*
vifo ad gregem Domini indies accessionē ingentē *bum in-*
fieri. Quarto ex quo aduenit die in morbum incidit, *cedit.*
quod vero Baptismo nōdū tincta esset, quo ad usq;
fidei mysteria edoceretur, ipsa diem obitus instare
præfagiens, Baptismū auidissimè desiderabat.
Domini num Baptisma suscipere velit, rogabant Pa-
tres, quòd præ corporis imbecillitate templū vix
adire posse videretur. Nequāquam, inquit, tantū
enim iter suscepi vt in templo coram Deo Baptis-
mum susciperem. In templo ergo Baptizari ve-
lim. Omni loco adesse Deum respondit Pater: fa-
teor inquit illa, sed illius in domo non hominum,
Baptismo ablui volo. Præ petitioni mos geritur, *Baptiza-*
& ægra ad templū deferitur, vbi magna animi pie-
tate & gaudio tum suo, tū Patrū aliorumq; Chri-
stianorum, illorum quoq; qui illam secuti erant,
sacro fonte tingitur. Baptizata imo ingemuit pe-
ctore dicens: Iam segura & læta moriar, nec mor-
tem perhorresco : quod enim tāt opere ambiui iā
consecuta sum, & Dei filia constituta. Duobus de-
inde superuixit mensibus; cumq; morborum vim
ingrauescere sentiret, sacro petijt inungi oleo.
Illius vt fidem tentaret Pater, necesse id esse ne-
gavit, cum haud multò antè Baptismo esset mun-
data : sed satisfacere illius desiderio non potuit,
donec extremā illi vnctionē conferret, præmissa
peccatorū confessione & Eucharistiæ accepto via-
tico. Deniq; vniuersā familiā breui est oratione
exhortata, vt in fide Christiana persisterent, neu
morte illius contristarentur, quòd rectā ad æter-
na cæli gaudia emigraret. Vix elapsa erat post Ex-
tremam vnctionem hora, cum inuocato sanctissi-
mo Iesu nomine, animam efflauit. *Moritur.*

CAPVT XXXI.

*De Collegio Pernambucensi, & Missionibus ad Paraibam
& Petigaras institutis.*

Pernambucus, aut vt pronuntiant nonnulli, Feurambucus vrbs est Lusitanorum in Brasilia, in ora maris sita in octauo latitudinis australis gradu, adeo vt cæteris vrhibus, quas iam descripsimus, Aequatori sit vicinior. Hic item Collegium Sociorum est à Rege Sebastiano vti & alia, fundatum. Viginti aut viginti quinque hic Socij commorantur. Moralis hic Theologia vel Casus conscientiarum docentur, Latina item lingua, & pueri legere & scribere litteras.

Ceteræ functiones eadem sunt omnino, ex ordinis præscripto, quæ & in alijs locis, sed mercatorum hic dubia soluere quotidianum est, quod mercimonijs vrbs & negotiationibus scateat, qui verò Deum & animæ salutem magis spectant, quàm mundi huius diuitias malis artibus partas, in omnibus rebus Patres consultores adhibent. Obuiam hoc modo itū est monopolijs plurimum contractibus vsurarijs, abijsque qui in mercatura obuij sunt defectibus. Sed hæc, simul & alia Lusitanis impensa obsequia tacitus prætermitto, quodd quæ in infidelium conuersione contingere, referre potissimum decreuerim.

Quod verò hic plurimæ saccaro parando constructæ sint molæ, in quibus tam Brasilijs quàm Africani Aethiopes defudant, statuit anno M.D. LXXXV. P. Visitator, vt sæpius misera hæc mancipia à Patribus visitarentur: quod non sine singulari animarum fructu tum hic tum alibi contigit.

A Collegio hoc dependet pagus quidam Brasiliensis, qui in vrbis territorio situs est, nongentorum aut amplius incolarum & quidem Christianorum, capax: quò quotidie alij Christo aggregandi confluunt, quos Socij ad interiora regionis interdum excurrentes, eòdem pelliciunt; hinc sæpe Baptismi solemnes instituntur, ac præsertim ipso Archangeli Michaëlis festo, cui pagus dedicatus est, quibus interdum centum, aut centum quadraginta, ducentique aliquando Baptismi Sacramento mundantur.

Institutæ ab hoc collegio missiones sunt ad animarum salutem procurandam, ac præsertim Paraibas & Petigaros. Paraiba regio est, octodecim aut amplius à Pernambuco ad Aequatorem in ora maritima, lencis diffusa. Huc Galli à flumine Ganabara vel Iannario pulsi se collegerunt: initaque cum incolis amicitia, sua stabilierunt commercia, maximè in ligno Brasilio, quod hic abundat. Hinc nonnullorum opinio est, Gallos Brasiliæ nomen vniversæ regioni imposuisse, oram hanc primos detexisse, cumque barbaris qui flumen S. Francisçi accolunt, in Portu regio commercia instituisse.

Quod verò Galli omnes, qui huc appellerent Rupellani essent & hæretici, & Lusitanis grauia inferrent mala, visum est Lusitanis non abs re fore, si Gallos, vti antè flumine Ianuario, loco pelleret. Hinc bellum Paraibanis illorum foederatis intulerunt. Anno itaque M.D.LXXXV. expeditionem aduersus Gallos iniere, sumptis secum duobus Societatis Sacerdotibus qui & militum confessiones exciperent, & pugnantis animos adderent, Christi è cruce prudentis imaginem pro more præferentes.

*Lusitani
Gallos
hereticos
bello vin-
cunt.*

Non parum itaque profuero, tum in rebus ad salutem spectantibus, tum in militibus in officio & disciplina continendo. Hinc crescere eorum auctoritas, & verba habere apud omnes pondus; cessare passim iurandi consuetudo, dissensio & odia mutua sensim intermori, ut bene morata resp. non militaria castra videretur; quotidie item ad Deum preces fundi. Atque hisce tandem obsequijs delinito Deo, victoriam de inimicis luculentissimam consecuti sunt. Biennio post idem omnino negotium egerunt, ac semel per pagos Gentilium transeundo Socij, nonnullos incolarum Christianæ fidei adiunxere. At quod diutius ibidem commorari non liceret, crucis insignia in tribus pagis erexere, eodem propediem redituri, ac tum per otium incolas fidei mysteria erudituri, templaque erecturi.

Porro belli Paraibanis illati is exitus fuit. Post varia inita certamina, victoria tandem penes Lusitanos stetit, ducemque Paraibanorum cum triginta alijs Pernambuco adductum, morti adiudicarunt. Prius tamen quam mortis sententia executioni mandaretur, Lusitanorum præfectum rogarunt Socij, damnatos ut sibi convenire liceret, si forte animas aliquorum Deo lucrifacere possent, corporibus morti adiudicatis. Nec defuit conatui euentus. omnes enim fidei suscipiendæ desiderio æstuantes, baptizati sunt, pro temporis breuitate mysterijs Christianis imbuti. Omnes ergo in fide mortui sunt Christiana, Deo immensas ob singularem, & quidem hoc tempore collatam gratiam, gratias agentes.

*31. Parai-
bani ba-
ptizati
antequam*

At quod reliquæ Paraibanorum in loco munitionissimo & captu difficillimo denuo se communiissent, magnam rursus præfectus Lusitanorum, duce Martino Leitano, copiam aduersus eosdem emisit

emissit, assumptis aliquot Societatis Patribus. ho- neci da-
rum vnus, visa Paraibanorum peruicacia, quod rentur.
illorum linguam calleret, solus, vallum hostile
transiliens, hostem adiit, audax profecto facinus
& periculi plenum. Sed diuino fretus auxilio,
audacter ingreditur, apertisque brachijs ad pa-
cem illos est exhortatus, Pax, pax; amici simus.
quibus alijsque verbis ad lenitatem compositis
permoti barbari, arma exuerunt, reiectisque ar-
cubus & sagittis, complicatis brachijs, se & vni-
uersam regionem Lusitanis dediderunt, in qua Lusitanis
plurimæ mox saccari molæ exstructæ. atque ita se dedunt.
pulsis hæreticis, liberum penes Lusitanos Brasilijs
ligni mansit commercium, quod profecto singu-
lare afferre compendium solet. His ita constitu-
tis pagatim Paraibani disperguntur, quibus Socij
annuntiare Euangelium cœpere: & tanto cum
fructu, vt annò M. D. XCI. mille ac centum
illorum Christo per Baptismum pepererint, qui
quam imbibent pietatē & doctrinam multis
quidem testimonijs patefecerunt, quæ hic referre
queam, sed vnum quod sequitur erit instar omni-
um. Lusitanus acceptam ab inimico iniuriam vl-
tutus, eundem per Christianum neophytum in-
terficere cōnabatur: cui cum nefarium consili-
um detegeret à neophyto repulsam passus est,
quod à Patre nefas hoc esse inaudisset, illiusque
se monitorum obliuisci nequaquam posse dice-
ret. Ipse quoque Lusitanorum hac in ora præse-
ctus, viso qui à Socijs hic fiebat fructu, Collegium
vt hoc loco erigeretur, ad barbarorum liberos e-
rudiendos, summopere desiderabat: quod dum
Regi Hispaniæ iā per litteras significaturus esset,
alius in locum illius Præfectus successit. Qui quæ
regno Socij obsequia, hosce illi populos subiici-
endo, impenderant, oblitus, non modò digna
non

1100. ba-
ptizati ex
illis.

non est mercede remuneratus, sed ipsos etiam loco pepulit, aliosque in illorum locum Religiosos constituit, quod Paraibanos Socij aduersus iniurias, quas ab ipso alijsque patiebantur, tuerentur. Hinc factum, ut longo tempore instructore & pastore destituti vixerint, quod qui in Sociorum locum successerant, linguæ patriæ imperiti essent itaque nonnullorum arrogantia & auaritia diuinus sæpe cultus impeditur. Hæc sunt quæ hætenus de Paraibanis comperi.

Ad Petiguaros, Paraibanis conterminos, & sedecim distinctos pagis, & quindecim sedecimve in vniuersum complectuntur hominum millia, Pernambucenses Socij sæpe etiam excurrerunt; & quidem sub ipsa rerum initia, dum cum Lusitanis bello decertarent. at quod alij Religiosi vineam illam iam excolant, eò se iam cōferre nolunt. Viso tamen, miseram illam gentem in infidelitatis caligine errare, quod nemo eamdem sit qui discutiat, & triennio iam pastore caruerit, à quo doctrinæ panis pauperculis frangatur, & Baptismus, cuius maximo omnes tenebantur desiderio, conferatur, qui enim ijsdem succenturiati erant, idioma patrium non callebant. non obstantibus rationibus præpositis, ad eosdem excurrere Socij non sunt veriti, & prima excursione sexaginta moribundos Baptismo lustrarunt. Ceteros, quod diutius hic subsistere ad fidem confirmandam non possent, baptizare non placuit. Hinc colligere est, quot toto illo triennio animæ, dum pastore caruere, perierint.

Quod verò pacem illos inter & Lusitanos Socij conciliaissent, & ad templa extruenda animassent, spondentes propediem se ad illos edocendos excursuros; cum illis exposulabant, quod rariùs iam excurrerent, fidem datam obijcientes.

Venistis quidem, addebant, dum bello à Lusitanis diffidebamus, sine vllò mortis metu: iam verò cū pace fruimur, & templa, vobis suasoribus, ereximus, deseruisse nos atque obliuisci videmini. Alius quoque è primoribus loci hoc illos pacto est allocutus: Induxistis, inquit me, vt deserto patrio solo, huc instruendus commigrarem. Morem ipse gessi & nemo vestrum memor fuit mei. Omnes nihil dubitans reliqui possessiones & agros, quo huc templum erecturus concederem: meis ipse id manibus erexi, nullo præeunte; dum exspecto Patres, qui mihi & filijs viam doctrinamq; salutarem ostēdant. Bono ergo ostenso æquū est, ad eiusdē nos fruitionē à vobis etiā deduci. Hæc quidem ille. Eadē quoq; & alij tam è plebe quàm optimatibus obijciebant. Ceterum quo illos exciperēt modo, dum aliquò se conferrent, dignum est referre. Præcedebant illos loci adolescētes, qui turmatim, velut ex insidijs, è siluarum latibulis prorunpebant, fistulis & tympanis scitè modulantes. Proclibant deinde obuiam viri coniugati, procul admodum à pago: propius locum æccedentibus occurrebant seniores & primores, magno beneuolentiæ signo illorum aduentum gratulantes Pagū cū iam subiissent; egrediebantur domo mulieres, solitoq; illos more & plausu salutabant; æra campana dein festo strepitu sonabant, & omnis mox populus ad templum confluebat. Tametsi enim nondum Baptizati essent, templa, campanas, & apparatus altarium imaginesque habebant. Tantum scilicet fidei suscipiendæ erat desiderium, vt etiam priusquam illā initiati essent, eiusdem tamen signa haberent & in ritibus à veris Christianis non differrent; imò & eosdem superare viderentur.

Cum

Cum enim ad campanas remque sacram commendam pecunia carerent, suam Lusitanis in ergasterijs operam locabant, à quibus acceptum è sudore pretium rebus sacris impendebant. Sociorum testimonio constat, nullam hac ex omnibus Brasilijs gentem, salutis fixæ esse avidiorem, & magis in pietatem propendere. Sed ad lineam. Patres cum aliquem in pagum venissent, rectè templum petere, quò omnis mox populus confluebat; cumque nonnihil temporis precibus impendissent, brevi oratione, illorum in templo construendo studium commendare, desideriumque fidei amplectendæ maximoperè dilaudare; quin & huc eiusdem se promulgandæ causa dumtaxat venisse addere. Egressus templo populus, domum, donarium allaturus suum, properabat, ac nemo inops erat, quin aliquod saltem munusculum, Patri daret.

Horum pagorum vnus, in quo tria hominum millia commorabantur, ad quendam è primoribus Petiguarensis, cui à ligno arido nomen, spectabat: hic cum incredibilei fidei nostræ arderet desiderio, facultatem primus omnium petijt templum extruendi, qua impetrata, ceterorum mox pagorum Domini ac rectores exemplum secuti sunt. templa itaque omnibus in locis repperunt Patres, dum visitando pagos obirent. At Dominus à ligno arido, qui primus templum exxerat, boni quod sperabat, compos reddi non potuit. paulò enim antè quàm Patres appellerent decessit, & quidem Baptismo nondum tinctus, quòd qui illum tingeret, ad manum esset nemo. filij porro eius audito Socios brevi appulsuros, in via illos vnà cum patruo opperiebantur: qui post fratris obitum pagi illius dominium obtinuit, semperque Patres à primo pago, in quo illos excipiebat,

piebat, ad vsque tertium, omni beneuolentiæ officijque signo exhibito deducebat: gaudebat siquidem illos suos inter commorari, vt ipse cum suis legem Christi edoceretur. Sed quod hoc, vt diximus, fieri non posset, spem ijs dabant, vel per se vel per alios breui illos votorum futuros compotes. Pucros interim, parentum permisso, & ægros de quorum vita spes nulla erat, Baptismo tingebant, adeo vt illorum plurimi recepto Baptismo breui in cælum euolarint, & Patres excitato sui apud Petignaros desiderio Pernambucum redierint.

Petrus Rodericius Sociorum Prouincialis eodem cum aliquot Socijs contendere voluit, quos barbari incredibili applausu exceperunt. atque inprimis vnus ex optimatibus, Metarouba cognomento, obuiam processit. hic à Socijs rogatus, cur tantum itineris illorum causa subiisset, scitè respondit; cum, inquit, vos tantum mei meorumque causa laborem impenderetis, æquissimum videtur tantumdem & amplius nos vestri causa subire. Rogauit hic Prouincialem vt aliquot Sociorum hic relinqueret, qui filios erudiret ac deinde baptismate tingeret. equidem, inquit, aliud non exopto, quam in pace vitam ducere, inque Ecclesiæ causa mori, ideoq; patrio solo egressus sum. Non in alium vsum iacula & tela, spicula uergeram, quam in feris consecrandis. Huc veni omnibus cedens possessionibus, vt Patribus huc me euocantibus morem gererem. Et ad vnū ex ijs conuerso sermone, Memini, inquit, ac probè recordor, in patrio mihi solo te locutum, verbaque tua auribus excepta, ab eo tum tempore cordi infixi, vt eorum assiduè recordarer; in lingua asseruauī, vt de ijsdem loquerer; manibus ac digitis, denique membris omnibus ac

*Barbari
cum P.
Prouinci-
ali collo-
quium.*

sensibus inscripti, vt executioni mandarem. Iam
 velim Patrem illum fidem suam liberare, & pro-
 missa implere quæ à tanto mihi est tempore polli-
 citus, daturum se scilicet qui me ac filios Christi-
 ana mysteria edoceret. Idem à Patre Prouinciali
 ceteri optimates postularunt. Quod illis tamen
 concedere consultum minimè videbatur, ne ce-
 terorum religiosorum offensionem incurrerent.
 In hac tamen excursionem quatuor & sexaginta
 sacro Baptismate lustrarunt, sed pueros omnes
 aut ægros. Ceteros enim baptizare visum non
 fuit, quòd inter eos commorari non possent, vt in
 suscepta fide confirmarentur. Recreabat tamen
 barbaros simplices Sacramenti huius solemnitas,
 aded vt singuli pueros ad Patres baptizandos ad-
 duceret. Hæc sunt, quæ de fructu in Brasiliensium
 conuersione ab eo primum tempore quo fidei lu-
 mine illustrari cœpere, ad vsquè annum Mille-
 simum vnde sexcentissimum, comperta sunt. Alia
 quin sint & quidem singularia, non dubito, sed
 plura ad manus nostras non peruenere. Si quæ am-
 plius nancisci possimus ad maiorem Dei gloriam,
 & illorū solatium qui tanta apud barbaros hosce
 morum mutatione, ex quo legis gratiæ aquis irri-
 gari cœpere, exultant, in publicum proferre non
 grauabimur. In quo completum vaticinium Pro-
 phetæ comperimur dicentis; *Habitabit lupus cum*
agno, & pardus cum hœda accubabit; vitulus, & leo &
ovis simul morabuntur, & puer paruulus minabit eos:
quia vt subnectit post paulo, terra repleta est scien-
tia Domini; præfagiens homines antè feros & bar-
 baros, ac luporum, pardorum, & leonum instar
 immites, agni instar mansuetos, dulces ac mites
 futuros: idque per legem Euangelicam, illis an-
 nuntiandam; vt cum ceteris Doctoribus Diuus
 exponit Hieronymus, & ipsa nos hoc in populo
 docet

*Baptisma
 sexaginta
 quatuor
 recepere.*

Isai. 11.

docet experientia: qui ante legis promulgationem adeò barbarus & immanis erat, vt humanas vorare carnes in summis poneret delicijs. Qui vero ad Christiana sacra transierunt, adeo dociles & humani facti sunt, vt paruulus quodammodo eos, quò vellet deduceret. Hæc scilicet Euangelij Christi virtus est, qui assiduò rogandus, vt pium hoc opus, cuius ipse & auctor ac director primarius est, promouere & indies augere dignetur.



LIBER

SECUNDVS,

RERVM NOTABILIVM, QVÆ
TAM IN INDIA ORIENTALI, QVAM
ALIIS PROVINCIIS, QVAS LVSTITA-
ni detexere, in fundatione, & progressu
fidei Christianæ conti-
gerunt.

Ac præsertim eorum, quæ Societatis IESV Religiosi eo nomine ibidem & egerunt & passi sunt.

PROOEMIUM.



ON immeritò tres præstantissimi Philosophi veterum, Phytagoras, Plato, Aristoteles, credidere, dextram mundi partem esse Orientem, sinistram vero Occidentem. Quàmuis enim, si rei veritatem spectemus nulla cæli dextra vel sinistra sit facies, vllumve situs discrimen; cum rotunda figura sit, vniformis, & vbique sui similis. tamen quemadmodum in perfectis

Plut. de placitis
cap. 2.
Arist. lib. 2. de cælo
ca. 2.

*Quæ cæli
dextra
quæ fini-
stra sit
pars.*

*Libri ma-
teria &
argumen-
tum.*

animalibus, ac præsertim homine, dextra ea pars dicitur, vnde mouere se animal incipit; quæ vt plurimum est ad quam hepar vergit, tum ob eiusdem calorem, tum ob muscutorum soliditatem & robur, quod hæc in parte, (teste Aristotele & Galeno) maius est quam in altera: ita orientem cæli Philosophi dextrum dixere latus; tum quod primum mobile, quod orbes inferiores ceteros secum trahit, ab Oriente moueri incipiat, & in Occidente desinat; tum vero quod cælestes influxus in regionibus orientalibus maiori vi & vigore ad nobiliora producenda quam in Occidentis polleant, vti quotidiana compertum est experientia, & hoc in libro apparebit manifestius. In quo de regno Armuziensi, Mogor, & Chinensi, quæ omnia in Oriente sunt, & ob opulentiam sunt notissima, tractabimus. Primum quidem tomo de alijs Orientis regionibus locuti sumus, sed quia illæ generali Indiæ Orientalis nomine comprehendebantur. At regnum Armuziense partim Perside, partim Arabia felice continetur. China trans Indiam est. Regnum verò Mogor quamuis in ipsa India contineatur, duobus fluminibus Indo & Gange inclusum; tamen, quod iam ab hominum memoria rex illud inuaserit: (non enim agnatum est, aut auita successione deuolutum: à Tartaris enim & Magno Tamberlano origine trahit, suo vt loco dicetur) nihil pene de imperio illius hactenus dictum est, neue ex professo, vti Deo volente, hocce in libro dicturi sumus. Sed ab Armuziensi regno, quod Europæ proximum, ducatur exordium.



CAPVT I.

De vrbe & regno Armuzia: quomodo ipsum Lusitani inuaserint.

ORMUZIA, vel vt antiquo dicitur nomine Armuzia, omnium totius Orientis emporiorum celeberrima ac notissima est. In exigua sita est Insula, quam hi Gerum, illi Armuziam dicunt. Hanc Ogyrim veterum esse credere nonnulli, nec sine ratione. In sinus Persici freto sita, ab ora Arabiæ Felicis decem, à Persica tribus tantum leucis dissidens, in circuitu quatuor non totas leucas complectitur. Ipsa Armuzia ciuitas in vigesimo septimo altitudinis septentrionalis sita gradu, nomen trahit ab Armuza antiqua Carmaniæ ciuitate, vt nonnullorum opinio est, cuius hodie nomen oblitteratum cum memoria antiqui splendoris euauit. Atque hæc, quæ nonnisi alterius colonia erat, nomen nonnihil immutatum retinuit. Mundi quippe labilis res cum tempore semper mutantur & noua nomina & formas assumunt. Hæc hodie regni, quod etiam Armuzia nuncupatur, sedes & caput; ac non modò maximæ Arabiæ felicis parti, sed & maximis finus Persici insulis dominatur; adhæc complectitur hanc Persidis partem, quam Tabus, Tissindus & Drutus flumina irrigant. Insulæ solum ad eò aridum ac sterile est, vt nihil omnino ad vsum vitæ proferat, imo ne auium quidem aut animalium nullus in vniuersa insula fons aut flumen aquæ dulcis: tres tantum hic putei procul à ciuitate; quibus aqua hauritur potui commoda. hac fimo & cisternis vtuntur incolæ. Multi quoque è

Gerum Insula.

Armuzia vrbs.

Armuzia regnum.

Ariditas soli.

*Calor ex-
stremus.*

continente & insulis proximis aquam & reliqua victui idonea petunt. Auiditatem hanc & sterilitatem soli causatur intensus calor & iâ tēpore astiuo: tantus porro est, vt nisi artibus varijs incolæ calorē mitigarent, viuere non possent: quarum vnā hic dūtaxat referā. Sub noctes æstiuas tantus grafsatur æstus, vt nisi arte aliqua calorem eluderent, intolerabilis foret in domorum tectis, quæ plana sunt, vasa quædam lintrium instar excauata habent; tantæ capacitatis; vt duo commodè in iisdem decumbant, tantæque longitudinis, vt velut in lectulis iaceant extensi. Decubituri ergo vas recenti complent aqua, cui collo tenus se immergunt, atque ita nocte tota sub dio frigido manent, quietem capturi. Vehementem hunc ardorem soli ariditati ascribunt; præterquam enim quod arenosum sit, mons vrbi imminet, è cuius vno latere magna sulphuris vis, ex altero sal in lapides concretus eruuntur. Ferunt septem ipsis diebus insulam arsisse; cuius incendij etiamnum hodie supersunt vestigia: terra quippe montium velut vstulata rubricat. Ipsum vero conuallium solum spongiæ in morem porosum est, cinerem aut calcem viam diceres: superfusam enim aquam mox imbibit. Accedunt his continui ac vehementes terræ motus. Ceterum Armuziana ciuitas adeo frequens est, itaque rebus ad vitam necessarijs instructa, nihil vt desit non modò eorum quæ humana necessitati deseruiunt, sed & eorum quæ voluptatibus ac delicijs. Nullæ enim cupediæ sunt, in Perside, Arabia & India, alijsque regionibus, è quibus Armuziam nauibus datur appellere, quin huc inferantur. Et sanè ciues Sibaritarum luxum & voluptates imitantur, Vrbs est adeo splendida & eximia, vt ciues eam si orbis annulus foret, palam futuram dicant.

Et

*Armuzia
frequens.*

Et profecto pulchra & magnifica est: vicos habet latos & rectos, domos superbas, & cœna- *Cur fre-*
culis sublata, & symmetria præclara distinctas. *quentia*
Et videtur nihil elegantius haberi posse. Hinc *tanta*
tanta illius frequentia, & incolarum, in tantis
tamen loci incommodis, varietas. Sunt qui hanc
auri, quod olim eruebatur fodinis ascribant,
quam ob auri copiam Ormuziam dictam putant:
verisimilius crediderim, nomen hoc ab anti-
qua Armuza, ut dictum est, deriuatum. Quod
verò ab externis mercatoribus frequentetur,
portus commoditati & nauium vndiquaque con-
fluentium copiarum ascribendum est, tum quod
fidam illis præbeat stationem, tum quod ge-
mino insignita sit portu: alter ad Orientem,
ad Occidentem alter, qui ambo promontorio
quodam in mare procurrente longius à se inui-
cem separantur, & sinum paruum efficere vide-
antur.

Quod verò in sinus Persici faucibus sita
sit, Indicæ, Persicæ, Arabicæ & Aethiopicæ,
aliarumque naues facile eodem appellant; ut O-
rientalium ipsa mercium sit receptaculum &
quodammodo sedes. Huc enim Indi gemmas,
adamantes, Rubinos, Smaragdos aliasque gem-
mas, piper quoque cynamomum, caryophyl-
lon, aliarumque aromata & condimenta, simpli-
ciaque medicamenta, quæ Oriens suppeditat,
deferunt: quocirca Europæi merces varias
empturi huc confluunt, exceptis illis qui à
Lusitanis, ex quo Indiam non sine magnotum-
vitæ, tum etiam fortunarum periculo, frequen-
tare cœperunt, easdem coemunt. Adeo ut i-
psam Armuziam non Persæ modò, Arabes,

Aethiopes, Armeni, Tartari, Turcæ, Mauri alijq; Mahometani incolant; sed & Itali permulti, Galli, Germani, Angli, Poloni & alij Europæi, qui per Mediterraneum mare, vt dicturi iamiam sumus eodem penetrant, Lusitani verò hic arcem habēt, vrbi imperitantem, Regemq; ipsum vestigalem. Hispani pauci admodum hic sunt; vetant enim Lusitani, ne per Oceānum huc nauigationem instituant, Turcæ verò per mare Mediterraneū terrā inter ipsum & sinum Persicum interiectā illos eodem peruenire prohibent: sunt tamen nonnulli, alterius gentis & nomen & habitum mentientes. Quod vero celebris sit Armuziana nauigatio, ipsam paucis, maioris lucis gratia, describā. Mercatores Veneti, Galli, Angli & alij, mari Mediterraneo emenso Tripolim Syriæ appellant, atq; inde triduano terrā itinere Aleppum petunt; quò confluūt omnes, qui iter hoc, bis in anno, in Aprilī & Septembri suscepturi sunt. Omnis hæc mercatorum turma, quæ sæpe quinque sexve constat millibus quàm vulgò Carauanam aut Caffilam dicunt, Turcam ductorē habet, & Ganizaros conductores. nam præter mercatores & milites præfidiarios, multi annonarij & Camelorum, droucedariorum & equorum curatores sequuntur, tum vt com meatum tum vt homines deferant. camelus vt plurimum duos in clitellis vtrinq; dependentibus gestat. Causa cur tantum secum com meatus assumant, hæc est, quòd per Syriæ deserta transeundum sit, in quibus diuersorium nullum; domus nulla: idcirco de victu sibi prospiciunt, ne forte in medio itinere fame sitiq; emoriantur. Explicata semper acie procedunt, & singulis diebus sub vesperam quiescunt de nocte excubantes. Arabes enim, qui non nisi rapto & latrocinijs viuunt, mercatores, nisi diligenter ad-

*Iter Ar-
muzia-
num ce-
lebre
quomodo
instituatur.*

ter abuigilarent despoliarent. Quadraginta diebus deserta hæc egrediuntur, atque ibi puteos esse norunt, ad Camelos aliaque animalia adaquanda, & aquam recentem secum sumendam per intervalla dierum resistunt. Atque ita procedentes primo Bagdadam, aut Bagadadam perueniunt, quam nonnulli veterem illam Babylonem Syriæ, tanti apud hagiographos & veteres historicos nominis credunt. Bagadadâ Bassoram Arabiæ felicis opidum, in Tigris & Euphratis ripa situm, proficiscuntur. Hic Ganizari subsistunt, aut Aleppum redeunt. Mercatores verò per sinum Persicum inde Armuziam nauigio petunt. Rebus Armuziæ compositis ad præscriptum diem Bassoram redeunt, vthic cum Carauana ac comitatu præfixo & certo etiam hinc tempore decedente iter suum Aleppum versum instituant. Atque hinc vnusquisque ad propria redit. Atque hoc pacto Europæi omnes de mercibus Orientalibus sibi olim prospiciebant; sed ex quo Lusitani Indiam petiuere ex parte iter hoc intercudit. nonnulli tamen, quod Lusitanorum iter sit & longius ac difficilius, hinc sua repetunt. Vnde patet Armuziam omnium orbis emporium esse & celeberrimum & frequentissimum. Quodd verò vrbes frequentes & populosas, luxus etiam & morum dissolutio subire solet, Armuzia ab hac sanè peste exempta non est. Nam, vt nonnihil de ciuium moribus loquamur, luxu ac delicijs, diffuit. Musicen sectantur, vestibisque splendidis ciues vtuntur: historiarum lectione delectantur; viros doctrina præstantes magni æstimant, horum doctrinam æquis auribus admittunt, summumque decus ducunt, in horum disciplina versari. Facie liberali sunt plerique. Mulieres faciem velatæ

incedunt, ne à viris lasciuis conspiciantur. Ob-
trectatione maximè laborant. Respublica insi-
gnibus fulget legibus. Omnia quæ veniunt pon-
dere vaneunt. summum apud illos flagitium est,
fallacibus vti ponderibus. eum enim qui per li-
bram atque lancem fallit, omnem generis huma-
ni Societatem euertere censent, & vt ciuilis iu-
ris hostem teterrimum execrantur. Monarchi-
cum hic viget imperium, Règes Armuziæ vt plu-
rimum commorantur, regiam hic habent non
habitationi modò commodam, sed aduersus ini-
micorum impetum etiam communitam. Proles
regiæ paternum imperium adeunt: at qui re-
gnum occupat, fratribus & reliquis stirpis regiæ
oculos exuit, ne forte regno inhiens, (cæci enim
regno excluduntur) atque arctè custoditos
vna cum vxoribus ac liberis lautè habent. Magna
olim Regum Armuziensium fuit potentia; nam
è portorijs ingentes sibi opes pepererant, atque
ita imperium longè lateque propagarunt, vt insu-
lis & vrbibus non paucis imperarint, quas iam
præ inertia ac socordia amiserunt. Omnia nam-
que pacis bellicque negotia ducibus suis comit-
tentes, otio diffuentes, domi luxui & volupta-
tibus indulgebāt. Ministri verò cum reges nonni-
si delicias & otium sectari viderent, magnis opi-
bus & potentia paulatim comparata, regiam au-
thoritatem vsurpantes, regi nudum sine re nomen
reliquerunt. Omnibus hi negotijs quin & ærario
præerant; denique suo cuncta nutu dirigentes,
compendio proprio studebant. Hinc illorum im-
minuta potentia, vt deficientibus sensim viribus
quibus hostem more solito propulsarent Regi-
bus Persarum ac deinde Lusitanis vectigales fa-
cti sint, vt iamiam referemus.

Lusita-

Lusitani dum Indiam navigatione sua frequentare inciperent, Armuziæ regnabat Zeifandis-
 nus hoc nomine secundus, admodum puer; erat-
 que in tutela paterni mancipij Ataris, vel Cogea-
 taris, eximia sagacitate viri, at pupillo ac regi
 iniurij : cuius omnia consilia eò spectare vide-
 bantur, vt, quo ad viueret, penes pupillum dia-
 dema ac regium nomen; penes vnum se arbitrium
 ac potestas rerum omnium esset. iamque per eam
 tutelam cunctis inuisus ad intolerandam super-
 biam opesque peruenerat. Hoc tam impotenti
 dominatu Alphonsus Albuquerque, Magnus co-
 gnomento, Emmanueli regi vel imprimis Armu-
 zia inhiante, vt sinu Persico Turcas aliosque Ma-
 hometanos, per hunc in Indiam cum mercibus
 nauigantes, quo in Lusitaniam omne id commer-
 cium transferret, & Christiani nominis hostibus
 hac saltem via opes accideret, excluderet; omni
 ratione urbem subiicere, aut saltem arce extru-
 cta vectigalem reddere decreuit. Quamobrem
 relictis sibi sex onerarijs, & quadringentis ac
 septuaginta præfidiarijs Lusitanis, vt vniuerso
 mari, quod Arabiam Felicem ab vsque
 Socotora insula ad sinum Persicum al-
 luit, imperaret; dum infame futurum pu-
 tat, si piratæ instar oram illam infestam
 redderet, aliud longè animo concepit,
 & Armuziæ regnum Lusitanæ regi subiicere stu-
 duit. Hinc vigesima Augusti die anno à Christo
 nato M.D.VII, ad ostia Persici sinus iter cepit,
 ac prosperè circūuectus Siagrū promotoriū quod
 Rosalgatū hodie vocant, ad Calaiatum nobilem,
 & primam hac in ora Armuzianæ ditionis urbem
 applicat naues, commeatus parandi gratia. Ciues
 ad colloquium euocati, repentino metu perculsi

Zeifandis-
 nus I I.
 Armuzia
 rex puer.

Alphonso
 Albu-
 quercii
 consiliū.

(iam

(iam enim inclytum erat apud eas nationes Lusitanum nomen) ne quid acerbius paterentur, cōscriptis pacis & amicitiae conditionibus, quas Alphonsus offerebat, abeuntem largo comiteatu & omni officij genere persecuti sunt. Tum Curiatū nauigauit aliud Armuzianæ ditionis opidum. Lōgè dissimiles animorum habitus hic offendit; ciues enim armis hostem propulsare, quam oblatam pacem admittere maluerunt. sed pessimo successu. Nam ad eam ferociam reprimendam Albuquerque, ne quidquam prohibentibus oppidanis, ad litus cum robore copiarum exscendit, ac valida impressione facta, prouto vallo euulsisque cancellis, urbem à præfidiariis fugientibus, desertam ingressus est. ad terrorem vrbe direpta & incensa, nauibus quæ in ancoris stabant, ignem quoque iniecit. Eodem item modo Mascatam & Orfazanum Armuziæ regibus parentes, quamuis & vallo fortissimo, & præfidiariis plurimis instructas, expugnauit. Ex eo loco ad caput belli Armuziam est ventum, tum Albuquerque Zeifadino puero tutoribusque palam nuntiari iubet, Emmanueli Regi Lusitaniæ, contra nominis Christiani hostes, ac Mahometanos in primis (quales rex cum tutoribus erat) funestum ac perpetuum hæreditario penè inre bellum susceptum; id non nisi alterius partis deditioe posse finire. Si in fidem eius ac potestatem venire animum inducant, & vectigal annuum pendere, multorum Africæ, Asiæque Regum exemplo; se inde cum bona pace abiturum; sin iugum recusent, pro certo habeant, secum ad interneccionem vsque certandum. Rex felici rerum Albuquerquei successu territus ac deteriora veritus, in pacem blandis verbis, & callida tergiuersatione propendere se finxit: tutorum tamen consilio rem extraxit, & Albuquerque re-

Zeifadino regi Lusitaniæ vectigalē reddere curatur.

sponde-

ſperare diſtulit, dum expectatæ in ſingulas ho-
 ras nouæ Sociorum cohortes è Perſide adeffent.
 Iſ in urbem admiſſis omiſſis ambagibus, Albu-
 quercio reſpondit, Armuzianos reges non pende-
 re aduenis veſtigal; ſed ab iis exigere conſueſſe.
 Si paricum ceteris negotiatoribus iure Luſitani
 eſſe velint, fore illis agendi contrahendique in eo
 portu poteſtatem ac copiam. Sin vim & iniuriam
 moliantur: ſenſuros quantum armati Arabes
 Perſæque ſeminudis Caſtribus & inconditis Ae-
 thiopibus antecellant. Plus viginti hominum
 millia ſub ſignis habebat Eunuchus; quorum par-
 tem per onerarias diſperſerat, quas littore toto
 prætenderat; cum actuariis ipſe altum petiit: vt
 ſi fortè claſſem littori proximam Albuquerqueius
 aggrederetur, ipſe à tergo adnauigans, Luſitanos
 velut retibus includeret. Albuquerqueius tamen,
 Deo protegente, diro conſictu inito, in quo plu-
 rimi barbarorum, Luſitanorum decem tantum-
 modo deſiderati, naues omnes hoſtiles naſtus,
 ignem pleriſque iniecit aut merſit. Viſa rex clade,
 & inſulam ſine nauibus defendi non poſſe com-
 pertum cum haberet, oratores pacis veniæque pe-
 tendæ conſeſtim ad Albuquerqueium miſit. Quos
 ille qua erat clementia audiuit, ignem qui ceteras
 naues corripuerat exſtingui iuſſit; poſtero die de
 conditionibus agi cæptum. Pax ita conuenit: vt
 Zeiſadinus, & omnes in poſterum Armuziæ reges
 in Luſitaniæ regum clientelam ac diſtione quam
 optimo iure concederent, eiſdemque Serafinum
 (is nummus 40. pendens ſolidos, aureus eſt) mil-
 lia quindecim tributi nomine penderet in ſingu-
 los annos. Præterea locum Albuquerqueio ad arcem
 ædificandam, ipſius Albuquerqueii arbitrato aſſi-
 gnaret, ædificationemq; adiuuaret præſenti pec-
 cunia omnibusq; neceſſariis. Exſtruebatur interim

*Zeifadini
reſponſum*

arx quam Albuquerqueius perfici maximopere suscipiebat, quòd ab hac expeditionis summa dependeret, Lusitana verò pubes atque nobilitas indignari ac fremere, se tot iam dies in seruili opere detineri, cum interim Turcicæ naues toto ferrentur oceano, quarum opibus ditari nullo negotio possint. Inualuit ea paulatim seditio, donec tres cum suis nauarchi, in salutato duce nec eius permissu Indiam repeterent. Dolebat sane dux tam præclaram expeditionem, ac pene confectam, inuito sibi eripi; sed temporì seruire coactus ceteros secutus est; tantilla enim manu vniuersum frenare se regnum minimè posse videbat. Sed aliquod post annis Indiæ vniuersæ Prorex constitutus, re hanc, Goa & Malaca, vti priori dictum est tam debellatis, ad exitum perduxit. Hunc igitur in modum res contigit.

*Altera in
Armuzi-
am ex-
peditio.*

Anno salutis humanæ M. D. XV. Albuquerqueius viginti ac duas parari onerarias iubet; & actuarías permultas; hac nauium classe Adenum se petere Goæ spargit (vrbs est in faucibus sinus Arabici) ne quid de illius consilio Armuziani subol-facerent. Mascatam cum appulisset, iter relegit, & rectà Armuziam contendit: cuius inopinus aduentus regem & incolas non parum perculit; quòd ingens rerum perturbatio Armuziæ foret. Cogearar enim eunuchus iam decesserat, Nordinus vero vrbis præfectus Zeifadinum veneno sustulerat, eiusque liberos regno exuerat, in quorum locum suffecerat Zeifadini fratrem nomine Torum, vel Terunxam, vt à nonnullis appellatur. Hunc multis antè officijs, actum recenti beneficio sibi deuinctum cū haberet, regnum ac regem ex arbitrio dirigebat; quo insuper magis haberet in potestate, fidis priuatim sibi ministris ac satellitibus

debus cinxerat: Ex ijs tres Germani fratres, quod
 Nordinum arcto affinitatis gradu contingerent,
 præcipuum dignitatis ac gratiæ locum obtine-
 bant. Sed ante omnes longè eminebat Hamedes,
 triginta quinque annorum, vir & manu promptus,
 & libidine dominandi, & solertia in rebus agen-
 dis Cogeatari eunucho persimilis. Is conciliando
 sibi omnium animos, & grauissima quæque in se
 vnum trahendo, munia, paulatim eò potentiæ vi-
 riumque venerat, regnum vt omne suo arbitratu
 ageret versaretque, vix vt respirare iniussu Ha-
 medis rex posse videretur. Quin & Nordinus, à
 quo euectus erat, iacere ac præ illo sordere vide-
 batur. Torus hanc cum captiuitatem ferret gra-
 uius, mouere tamen lacertos & eadem se eripere
 aduersatus Hamedi, non audebat, ne forte &
 oculis priuaretur & vita. Fœdus quidem cum Lu-
 sitaniæ regibus initum inuiolatum seruabatur,
 Lusitanisque ducibus illac iter habentibus pate-
 bat hospitium, & Emmanueli annuum stipendi-
 um ex Albuquerqueij formula pendebatur. Verum-
 tamen ea erat conditio rerum, vt Hamedes nullo
 frænatus præsidio, vbi vellet, ab Lusitano regem
 regnumque posset abducere, & Emmanuel preca-
 riam quodammodo eius insulæ ditionem habe-
 re videretur: receperat enim iam Torus coactus
 Hamedis imperio, pileum sibi ab Ismaele Sophi *Alba-*
 transmissum; simul & preces & articulos Hali *quercunt*
 (quem vt suum Prophetam Persæ suspiciunt) quo *iterum*
 Regis Persæ clientem se profitebatur. Hisce re- *Armuzi.*
 bus probè compertis Albuquerqueius, Torum teterri- *am in-*
 mo seruitio domesticorum eximere, & in fide ac *uadit.*
 patrocinio Emmanuelis omninoq stabilire decre-
 uit.

*Arce
perficit.*

*Regie
stirpis vi-
ros Goam
mittit.*

Armuziam vt est ventum, nauigijs confectam circumdat Insulam, ne quid aliud de subsidij ve-
commeatus eò subuehi posset. Dein regi nuntiat
venisse se vt nouas amicitiae leges inter Armuziam
& Lusitaniae reges iniret. Nuntium confestim
Torus ad Albuquerqueium destinat ingenti hac
classe consternatus, quid velit postulantem. Sum-
ma postulatoꝝ Albuquerqueij hac erat, praeter sti-
pendium Lusitaniae regibus bona fide soluendum,
vt arx ac diuersorium Lusitanis ad urbem dare-
tur, negotiandi causa. Neque Torus abnuebat: fa-
dusque sollemni iuramento inter eos vtrimque
percutsum. Interim vero dum arx eodem, quo ante
septennium coeperat, loco aedificatur, Hamedes,
dum auctoritate se exeundum veretur, dominan-
tibus vrbi Lusitanis, omnem lapidem mouet, coe-
ptum vt opus impediretur. His compertis, simul
& miserrimo regis iugo, Hamedem incensum
cupiditate, moliẽtem insuper insidias, Albuquer-
cius immissis per occasionem percussoribus an-
teuertit e medio tollere. Hamede interempto ce-
tera expedita fuere; & in arcem absoluendam
cum Albuquerqueius diligenter incubuit, tum ipse
quoque Torus materiam & alia necessaria largẽ
subministrauit: Dein tormenta omnia, quae ad re-
bellandum animos facere possent, Armuzianis
adempta. Viri ferme triginta e stirpe regia, qui ob
regni æmulationem, à tyrannis candenti ferro
occæcati, in vrbe regio sumptu alebantur, ne quis
eorum causa tumultus existeret, Goam amanda-
ti, dato quaestoribus & praefectis negotio, vt cun-
cta eis ad victum cultumque, Emmanuelis im-
pensa praerentur. Torus ergo cum suis Albu-
quercio fidelitatem, Lusitanorum regum nomi-
ne, iurauit: Albuquerqueius porro rebus Armuzia-
nis ex animi sententia confectis Goam reuertit.

Sed

Sed vix urbem subiit, quin animam Deo reddiderit. Hoc itaque modo Lusitani locū adeo nobilem ac munitum occuparunt; & hactenus, magno Lusitanorum Regum compendio, tenuerunt. Iam ad fidei ibidem progressum descendat narratio.

CAPVT II.

Gaspar Barzeus Soc. Iesu Armuziam mittitur, eius parentes, studia, itinera operaq; describuntur, antequam eodem pergeret.

VT, cur Gaspar Barzeus Armuziā missus, simul & fructus quem ibidē edidit, perspectus sit, de statu ac dispositione vrbis nonnulla præmittenda sunt, priusquam eodem Gaspar appelleret. Cum verò Armuzia adeo frequens sit & ab omni-genis excolatur gentibus, dubitandum non est, quin & omnigena ibidem religio seruaretur. Sunt hic enim Christiani, Latini, Græci, Georgiani, Abyssini & alij; Iudæi quoque & Saraceni, ijque duplices, tum Turcicæ, tum Persicæ ceremoniæ sectatores; Gentiles item & infideles, qui ab India eodem commigrant atq; horum omnium hic religio viget foueturque vlllo sine obstaculo. Mohometani, vt Mosquitas taceam innumeros, celeberrimum hic totius Asiæ & Africæ conuentum & Coramum habebant, ad quod omnes Mahometis sectatores sexta semper feria confluebant; hunc quippe diem vt Christiani dominicum, sacrum habent: suam quoq; hic Iudæi Sinagogam habebant, in qua Sabbathum posttridie celebrabant. In Pagodis suis Gentiles diebus Lunæ conuentum agebant. Quales porro Lusitani, alijque Christiani in vrbe tam varia omniumque parente ac tutrice religionum essent, hinc

colligi potest. Vt enim cum coruo cornicari v^t prouerbio fertur, assuescimus; ita ex peruersæ naturæ instinctum, facile delabimur ad prauas consuetudines ac flagitia eorum, quibuscum agimus & conuersamur; atq; eo magis, si nullius corrigentis reprimentisque accedat auctoritas. Hoc Lusitanos Armuziæ inuaserat malum; diu siquidem Sacerdote qui sacrum celebraret, Sacramentave administraret caruerant. Quamuis porro aliquos nanciscerentur; tanta tamen eorum scientia doctrinaq; non erat, vt alijs viam potuissent veritatis ac salutis ostendere; aut si forte potuissent, ceterorum dissolutionis participes, temporali potius lucro quàm animarum saluti vacarent. Quocirca vrticæ & Zizania ita agrum Dominicum opplerant, vt quod inspirationibus sanctis semen diuina spargebat clementia, penitus exstingueretur. Hinc velut à fonte quodam vberissimo promanabant incantationes; sacrilegia, incestus, cedès, adulteria; aliaque quæ inuaserant flagitia, vt Gentilibus ac Saracenis, quàm Christianis propiores viderentur. Quin & plerique initis cum feminis Mahometanis, Iudaicis, Persicis, Gentilibusq; connubijs, turpe aut molestum non ducebant; liberos prauæ à matribus superstitioni paulatim assuescieri; adeò vt Lusitanorum filij, nefaria aut Gentilium; aut Iudæorum vel etiam Mahometanorum sectarentur matribus doctricibus, patribus conuiuentibus; dogmata. Industriam ac solertiam credebant; si quis vsuras illicitas, monopolia, aliaq; iniquitatis species ad proximum depeculandum industrias exercebant. Is ergo Lusitanorum Armuziam incolentium status erat, cum B. Franciscus Xauerus annò M. D. XLII. Indiam peteret: quibus ille probe compertis, è Molucis insulis cum rediisset, agrum illum expurgare magnopere cupiebat, sed quod in Iaponiam cogitaret, quam il-

le prouinciam pluris faciebat, huius cogitationem deposuit: alium tamen velut alterum se, & zelo animarum alijsque virtutibus dotibusque supernaturalibus eximium, summum in locum eodem destinauit, Gasparem scilicet Barzeum, Belgam natione; cuius quod frequens incidat hic mentio, natales, ortum, & quid, antequam Armuziam pergeret, egerit, quam breuissimè referemus; ut hinc fiat manifestius à Deo illum ad magna, quæ referenda sunt, opera paulatim præparatum: Natus hic in opido Gonza in Zelandia, Francisco & Agnete parentibus, non alia nobilitate insignibus, quàm ea ipsa, quã illis filius à Deo summo opere illustratus, comparauit; qui in illustres sæculi superioris viros nõ immeritò videatur referri posse: à primis pueritiæ rudimentis in patria positus ad studia grauiora Philosophiæ & Theologiæ Louanium se contulit. Inde per varios casus cùm in Lusitaniam deuenisset, in Societatem adscitus, ac diu multumque omnigenum virtutū exercitio probatus in expeditionē Indicam anno M. D. XLVIIII: vnà cum alijs septem deligitur. Cum horum tribus, quibus præerat nauem Ludonici Mendozæ conscendit, todidem cum Antonio Gomezio in aliam nauem impositi. Ac primum omnium Gaspar à nauarcho eblanditus est, uti quotidie publicè tum ad plebem erudiendam Catechismū exerceri, tū ad propitiādū cēleste numē, Catholico ritu litanias adhiberi permetteret. Mox ad vitia tollēda, corrigendosque hominū mores paulatim se succinxit: reī in primis arduā atque difficilē. præter naualē quippe turbā colluuiēque seruile epibatarū circiter quadringēti numerabantur; aLEX, rixis, calumnijs, iuramentis, murmurationibus alijsque lasciuiæ atque impudiciæ generibus ita assueti vix ut sanari posse viderentur: Non idcirco tamen Gaspar animum abiecit, sed

*Gasparis
Barzei
elogium.*

*Patria &
educatio.*

Studia.

*Indiam
pesit.*

spe omni in Deum coniecta, ac Xauerij memor, idem dum iter institueret, exemplo potius quam lingua, docere coepit. Caritatem quippe inprimis simul & patientiam hoc in itinere demonstraui. Primum Socij eius è maritima iactatione, & nausea in morbum solitum nauigantibus incidere. Iis dum accuratè ministrat, & propalam coqui munere fungitur, ita despicabilis initiò visus, vt paranti ad focum cibos ac satagenti, procaces circum pueri ac linæ, præter ceteras contumelias, appositam ollam aut furto subducerent, aut per lasciuiam euerterent, dum alijs interim caritatis officijs distinctetur: quidam etiam ab innocente, nullo Sacerdotalis dignitatis aut religiosæ vestis habito respectu, vix colaphos pugnosque sacrilegos abstinèrent. Perspectâ dein patientiâ & grauitate viri, simul & agnitâ nequitia, contemptus in admirationem, reuerentiam & verecundiam vertit. Ceteri quoque vectores illius humilitatem, mansuetudinem, caritatemq; deprædicantes, & diligentes ipsum in vilibus officijs, vel per se vel suos aduare, & cibos vnâ cū ipso in ægorū solatiū parare. simul vt Socijs melius cepit esse, operam, ad verbum Dei prædicandum, prohibenda flagitia, iuramenta, calumnias, blasphemiasque verba proscribenda, curandos ægrotos, aliaq; caritatis humilitatisq; operâ exercenda, acrius cōuertit: cuius illi exemplo ijsdē operibus incubuerunt. Ex quo mirum dictu, quanta quàm breui omnium vitæ mutatio consecuta sit. bene moratam institutamque Religiosorum familiam, non promiscuam seruorum, nautarum, militum, institorum turbam, contineri naui diceres.

*Præfatus
Humana
ali ad*

Primus fermè præfectus Ludouicus Mendosa Gasparis consuetudine & admiratione, doctrinaque sese collegit, qui præter confessionē peccatorum

torum

torum factam, pijs priuatim exercitationibus ab *pietatem*
 eodem excultus, magno animæ emolumento vi- *conuertit.*
 tam penitus mutauit, seque & actionibus & ver-
 bis longè alium ostendit: vltro deinde cum alijs
 oportuna de Deo deque rebus cælestibus habuit
 colloquia & eadem studio intermiscuit; suos
 primum familiares, tum cæteros officio contine-
 re studuit, nullus vt luxus & impenſa superflua
 in suis appareret; quasque aliquando pecunias
 superfluis impenderat, easdem in egenos & im-
 becilles quotidie expendebat. Omnes quoque qui
 nauī vehebantur in officio contineri voluit;
 quod sine vlllo labore perfecit. suo enim exemplo
 omnes ad virtutum studium, & præsertim in ege-
 nos liberalitatem permoti: inter quos suis non-
 nulli expensis inopes quos nauis continebat su-
 ſtentabant. Vnus etiam haud infimæ sortis nego-
 tiator priuatis publicisque Gasparis cohortatio-
 nibus incitatus, Christianæ caritatis pulchritudi-
 ne ac specie captus, contempta rerum huma-
 narum inconstantia & vanitate, sese ad Gaspa-
 ris ductum ac vitæ rationes applicuit, & in ege-
 nos beneficentissimum se exhibuit; quin & maio-
 ris perfectionis exemplo facultatibus omnibus
 se exuens, Apostolicam perfectionem est æmula-
 tus; hic deinde Goæ in Sociorum fuit numerum
 cooptatus. Inter huiusmodi occupationes, Bonæ
 spei promontorio non sine eidentissimis peri-
 culis feliciter tandem superato, ad Mozambi-
 cum nauis, tantis incommodis tantaque morbo-
 rum lue, nemine, (quod perrarum est) prorsus
 amisso appellitur; quod post Deum, vnus Gaspa-
 ris precibus sanctisque occupationibus omnes
 attribuerunt. Ibi optatissima quindecim dierum
 capta quies, terrestribus etiam diuersorijis è ma-
 ritima iactatione reſecti plerique. Gaspari tantum

*Item
mercato-
rem dicit
tem.*

ac Socijs de aliorum magis quàm de sua incolu-
mitate sollicitis integratus labor, qui ægris per
nosocomia dispersis seculo, grauiusque auxiliati
sunt. Lauti illis inquilinorū hōspitia minimè de-
erant, sed vltro ab omnibus offerebantur, ac mul-
ti, vt ijs ad valetudinem tuendam vterentur in-
stabant; sed quòd pro Christi nomīne pati illis
iucundum foret, & B. Xauerium omnes æmula-
ri studerent, aliud diuersorium quàm nosocomi-
um adire noluerunt: quò deportatis etiā ægro-
tis è nauibus, eadem qua prius caritate succurre-
runt, ac refouendis eorum corporibus animisque
(cū ad centum & viginti decumberent) pari
cura ac diligentia totos sese impenderunt. Per id
ipsum tempus alia eiusdem classis naui fratres
Dominicani duo Mozambicum delati. horum
quoque, in eodem valetudinario, magna cum om-
nium approbatione caritas ac virtus enituit. Go-
am deinde pridie Non. Septembres eodem anno
peruentum. Ibi Gaspar nouo impetu capto, in
omnes partes Christianæ adiuuandæ rei animum
ac vires intendit. Varijs quotidie locis ad mul-
titudinem seruos, captiuos, in ipso pratorio ad
selectam nobilitatem proceresq; verba faciebat:
quanto cum fructu motuque, è noua emendatione
morū, è voluntarijs diuitū ac delicatiorum panis, è
plurima peccatorum confessione, è frequēti resti-
tutione pecuniarū, apparuit: Nullus quippe è cō-
uisione nisi cum proposito aut vitæ emendandæ aut
in virtutis itinere progrediendi dōmum concede-
bat. Mira erat repentina illa morum in melius
mutatio, quam dextera Excelsi quotidie illo ope-
rabatur instrumento. Disputationes etiā de re-
ligione cū Brachmanis loci habebat interdum.
ex ijs primarius quidam, cui nomen Locu, saepe
conuictus, & veritati dans vltro manus, cum
vxore

Goam ap-
pellit.

Quem ibi-
dē concio-
nando
fructum
ediderit.

vxore & sororis filio Baptismum expetijt.

Is Baptismus octo ipsos dies tinnitu festo, *Brachmanas*
 symphonia, choreis, ingenti omnium ordinum *nam ad*
 studio, ac plausu celebratus: vix vrbis vario pe- *fidem*
 ristromate ac virenti palma elegantem in mo- *conueris*
 dum ornatæ, per quas Baptizandis, transeundum
 erat: neophyti magna Christianorum procerum
 nobiliumq; frequentia in equis ad templum pri-
 marium ducti; ibi ex aqua Baptisnatis ab Episco-
 po ac prætore honoris causa ritè suscepti. Marito
 Lucæ Salæ, vxori Elisabethæ nomen impositum,
 adolescens Antonius appellatus. In hanc deinde
 familiam, ad ceteros Brachmanas ad Christum
 imitandos, Prætor ipse, quod ita Lusitanum Re-
 gem velle non ignoraret, alia quoque propa-
 lam ornamenta & beneficia contulit. Hæc tum
 Goz Gaspar omni ope curabat, cum Xauerius, è
 Molucis reuersus, promotorij Commorini Chri-
 stianos visitaret: visa hic Gasparis industria, &
 gratia cælitus accepta, Armuziam illū misit, ad *Armuziam*
 dita saluari commonitione, quā tomo primo de- *missionem*
 scripsimus. In ipsa primū nauigatione pristinam *tur*
 cunctos adiunadi consuetudinē retinuit, eaq; re
 ipsa comotos è vectoribus aliquot, simul & La-
 scaros quosdam (milites sunt sub stipendijs Lusit-
 anorum merentes, dum è suis non suppetunt qui
 vel cohortes compleant, vel nauibus quas du-
 cunt præsidio sint) Christianos fecit. Mascatum
 Arabiæ felicis opidum delatus, tum Europæos tū
 Indos exsules vel decoctores, qui tamquam ad
 aylum ad ea supplicij metu loca profugerant,
 plurimos hic reperit, est vrbs huiusmodi quiqui-
 liarum receptaculum: hos ille ad prænitiā &
 ad fidē Christianā quā nonnulli negarant, redu-
 cere contendit: bis in opaco, vt quadam in epi-
 stola ipse testatur, & vmbroso concionem
 Ec. 4 habuit

*Emmanu-
el Lima
Armuzi-
anas
præfectus.*

habuit loco, sub arboribus inquam, itaque plurimos permouit, vt post decennem duodennemve inter Saracenos habitationem, confessionem vitæ antea actæ fecerint. Nonnullos horum secum duxit, illorumque necessitatibus succurrit, alios vero ad iter salutis capeffendum disposuit. Fructus verò quem pro temporis angustia hic collegerat, adeo illi placebat, vt sæpe gratias Deo ageret, quod huc ipsum ad animarum nonnullarum salutem procurandam destinasset. A Mascato prouectus Armuziam, in ipso portu, officij causa obuios habuit Proepiscopum & Sacerdotes ab ijs cum honesto comitatu ad Emmanuelem Limam arcis Lusitanæ præfectum deducitur; qui benignè illum humaniterque excepit: Atque apud se diuertere voluit, quamdiu Armuziæ ageret: Obstabat Proepiscopus, suum esse Sacerdotem domo excipere; adeo vt inter se de hospitalitate certarent. Ille verò gratijs vtrique humiliter actis, Nosocomium suum esse ait diuersorium, ad quod etiam insigni vtrique dato exemplo modestiæ, haud grauatus diuerfit.



CAP.

CAPVT III.

*Gaspar omnibus Armuziæ gentibus auxiliaturus se
impendit, ac præsertim Lusitanis. quid hic illi
contigerit,*

ARmuziæ statum cum probè Gaspar iam
perspectum haberet, miserum quidem ac
deplorandum, quòd omnium hic flagitio- *Gasparis*
rum mera inundaret colluuiæ; consternatus *Barzæi*
quodammodo & exanimatus; assidue eam la cry- *peniten-*
mis deplorabat, vt ex litteris illius, è quibus, quæ *tia.*
dicturi imposterum sumus deprompta potissi-
mum sunt, constat. Noctes ergo integras orationi
impendebat, lacrymis, ieiunio duriori, cilicijs ac
flagellis corpus castigabat, quo dissolutæ ciuitatis
lasciuix apud Deum satisfaceret, ac numen propi-
tium illi redderet. Deinde è Xauerij præce-
ptis, consuetudineque, Satanæ bellum humilita-
tis operibus indixit, ægris in nosocomio sedulo
obsequendo, carceres obeundo, & pueros, man-
cipia, aliosque egenos fidei Christianæ mysteria
edocendo, quos campanulâ vnum in locum co-
gebat. Quem hic fructum fecerit, incredibile vi-
deatur. pueri quippe, mancipia & plebecula tan-
to studio, orationem Dominicam & reliquas, si-
mul & fidei articulos, Decalogum aliâque fidei
mysteria edidicere, vt cantionum lasciuarum
quibus assueuerant loco, eadem nullo non loco ac
tempore decantarent. Præmia quoque propo-
nebat ijs qui blasphemos iurantesque coargue-
rent; quin & horum rationem exposcebat co- *Catechis-*
ram, impigros præmijs afficiebat, segniores mo- *mum de-*
destè carpebat. Plures initio ad Catechismi do- *cet,*
ctrinam, velut ad scenicum aut histrionicum spe-

ſtaculum confluere. Erat ſiquidem nouum hoc & inſolitum Armuzianis; ac potior pars curioſitate potiùs ducta quàm diſcendi ſtudio eòdem properabat. Sed ſæpe nihil minus cogitantes capiebantur: quamuis enim nonniſi puerilem ætatem & imperitum vulgus doceret, ad vitiorum ſeditatem virtutumque ſplendorem nonnūquam ſermonem conuertebat; idque tanto ſtudio ac zelo, plerique vt vitæ antea actæ turpitudinem pertaſſi, concepto vitæ melioris propoſito, peccata confeſſione expiare, vitamque ſanctiorem vellent traducere. Hinc tanta morum facta mutatio, vt ſublatiſ laſciuiſ & profaniſ cantionibus, caſtiſſimo verſu, ac ſalutaribuſ monitiſ dies ac nocteſ omnia perſonarent. Eadem illa rudimenta legeſque ſerui mox heriſ, filij parentibuſ, fideleſ pueri æqualibuſ Mahometaniſ aliſſque priuatiſ edebant. Vt dæmon dum minus cogitaret, antiquo cedere coaſtus fuerit domicilio. Sacroſancta I E S V S & M A R I A E nomina nullo non loco, non à Chriſtianiſ tantum, ſed & ab ætanicis & Saraceniſ decantabantur. Neophyti quoque aliſ longe erant priuſ: erant ſiquidem viri & muliereſ numero plureſ quàm puerorum aut mancipiorum. Templà quotidie, etiam vehementiſſimo æſtu, complebantur. Ipſi quoque alicuiuſ notæ viri honori ducebant, ſi à Galpare interrogarentur, num quid è præcedente lectione catechiſtica memoriæ mandaſſent, felicem iſ rerum ſucceſſum videns, pænaſ voluntariāſ ac preceſ non propterea intermittere, vt diuinā gratiam tum ſibi tum auditoribuſ conciliaret; ſingula de iſ vitia oppugnare, quæ Armuziæ dominaabantur, atque ita omnibuſ nationibuſ quæ hic commorabantur ſuccurrere. Quocirca ita dicendi materiam

riam ac dies distribuit, vt Dominicis festisque diebus, Lusitanis; Lunæ, Gentilibus; Veneris, Saracenis; Sabbatis denique Iudæis salutarem doctrinam proponeret; quos harum quæque secta obseruabat dies. Reliquum tempus Lusitanis impendebat, hos docendo, illorum confessiones audiendo; doctrinam vero Christianam, viso quem inde colligebat fructu, quotidie edocebat.

Lusitanos cum alloqueretur diebus festis ac Dominicis, vitia quibus obnoxij potissimum erant, oppugnabat: imprimis carpebat illorum cum feminis gentilibus, Iudaicis, Mahometanisve connubia, etiam superstitioni suæ mordicus adherere volentibus; quapropter non connubium hoc, sed merum concubinatum videri, prolemque inde natam illegitimam esse, quæ in maternos (proh nefas) ritus superstitionemque Lusitanis conniuentibus transibat. Plerique etiam vna contenti non viuebant vxore, sed Saracenorum ac gentilium ritu plures sibi palam ac libere copulabant. Abusum hunc & luxuriam magni animi verborumque contentione reprehendere Gaspar, diuinam indignationem comminari, nisi suam homines impudentiam tollerent. Quibus ille rebustandem effecit, vt plurimi ad mentem reuersi, ab illis diuenterent vxoribus, quas ex legum humanarum diuinarumque præscripto habere non licebat. Ipsi quoque qui auctoritate aliqua pollebant, tum in sacris tum in republ. comminabatur Deum, Regem Lusitanix ac Præsules superiores, rationem indulgentiæ nefariæ petituros, ob hunc magno Christianorum, Iudæorum, Turcarum, Gentiliumque scandalo, tanto tempore luxum toleratum.

Zelum

*Lusitanorum
connubia re-
formata.*

*Terramoto-
sus terri-
bilis Ar-
muzia.*

Zelum Gasparis & minas confirmare voluisse videtur diuina indignatio. Iis ipsis namque diebus tam horrendus terræ motus Armuziam concussit, ut omnibus terrorem incusserit. At tamen si similis aliàs contigisset, hic tamen quòd eo tempore accideret, quo Gaspar diuinæ indignationis furores intentabat, ni vitam in melius emédarent, tantæ fuit efficaciz, ut plurimi ab hoc se flagitio conuersi ad mentem redierint. Lusitanus quoque qui piè monenti Gaspari auscultare nolens, in flagitiorum coeno peruiacaciter hærebat, suo ipsius damno, sed aliorum bono, vindicem Dei manum sensit. Erat hic Lusitanarum turmarum pedestrium præfectus, cuius proinde flagitium eò videbatur grauius, quò sublimiori sublimitate fulgeret.

*Castigatio
peccatoris
obdurati.*

Tres hic Mahometanas sibi nefaria concubitu mulieres tenebat, quas quocumque se conferret secum velut legitimas trahebat vxores. Minæ omnes, reprehensiones, castigationesve non minus proderant, quàm si apud inferos damnatæ animæ facta fuissent; apud quos tot vix tamque horrendas audire est blasphemias, quot scelestus hic quotidie sacrilego ore euomebat. Nul- lum Gaspar peruiacaciorem hoc habebat hostem, nullum qui sancta illius instituta euerteret magis: neque Gasparem modò à se peruiacaciter, sed & alios ab illius commercio auocabat, impediebatque quo minus sancta illius consilia monitaque admitterent. Sed non diuturna hæc fuit pertinacia. Foras enim cum nonnullis suorum dum concessisset, subito coram omnibus exanimis concidit; & aer qui nitidus ac purus erat subito tam spissis densisque velari coepit nebulis, ut solus illarum aspectus terrorem intuentibus incuteret. Nec hic stetit terror: tantus quippe ven-

ventorum turbo, tempestas, pulueris per aëra
 condensatio, ac tonitruorum terror infremuit, ut *Blasphemia à Deo*
 semihoræ spatio alter alterum videre non posset, *panitum.*
 omnes sibi ut non parum metuerent. Sed hac im-
 pij calumniatoris morte placatus Deus, ceteris
 nonnisi suorum metum incussit iudiciorum. Hinc
 plerique, huic lasciuiâ similes, rebus animæ pro-
 spicere cœperunt, atque hos inter etiam Sarace-
 ni ac Gentiles, qui tamen hisce vix percelluntur;
 Lusitani verò aut pellices amandabant, aut legi-
 timo cum ijs matrimonio copulabantur; quibus
 verò dedecori videbatur ancillulis sese coniun-
 gere, honesto illis matrimonio elocare satage-
 bant, ut coniugij legibus continerentur. Multi *Quæ mori*
 quoque etiam grauissima poenitentia delicta ex- *secuta*
 piabant, præteritasque lasciuias, corporis mem- *binc mu-*
 brorumque castigatione pensabant, Erant quin- *tatio.*
 etiam aliqui, qui diebus feriatis ad tem-
 plorum ianuas, cum maxima eodem conflueret
 hominum frequentia, flagellis in seipsos publi-
 cè sauebant; alij viciatim interdiu noctuque ob-
 ambulantes commissorum à Deo proximisque
 postulabant veniam. Quoties Gaspar ad popu-
 lum de rebus Sacris sermonem haberet, non la-
 crymas hinc inde nonnulli sparsim eiciebant;
 sed vnus omnium erat gemitus ac lamentum.
 Cōfitentium totius vitæ delicta, aut saltem ab hinc
 aliquot annis commissa, tantus erat quotidie nu-
 merus, vacare ut omnibus non posset; ideoque
 de nocte iisdem operam dabat, ut vix ad duas
 tresve horas quietem caperet. Nec tum quidem *p. Gaspa-*
 omnibus potuit satisfacere; ut multi (etiam *rus labor*
 magni nominis viri) ægros se finxerint, ut il- *in confes-*
 lum ita ad confessionem audiendam quodam- *tionibus*
 modo cogerent. Sed contra duo gratiam à Deo *excipien-*
 Gaspa- *di.*

Gasparis adminiculo oblatam repudiare contende-
 bant; quorum alter illius consortium declina-
 bat, alter vero eundem perterrere conabatur ne
 sceleratæ vitæ suæ vlcus tangeret. Vtrumquæ enim
 dæmon carnalibus catenis deninxerat; & postre-
 mum imprimis, cum tamen officij ratione (erat
 enim Sacerdotio initiatus) castitatem colere
 debuisset feruentius. Verebatur quàm maximè
 ne Gaspar sceleratæ vitæ illius redderetur certior;
 ne verò, si forte quidquàm inaudiret, crederet,
 aut, comperto scelere, vt saltem reprehendere
 non auderet, familiaritatem cum illo arctiorem
 iniuit. Concionibus enim illius frequens intere-
 rat, in nosocomio illum laborantem inuisebat, &
 magnam cum illo necessitudinem contraxerat;
 multa illi mittebat munuscula, cupedias, & con-
 dimenta varia, quæ Gaspar ne delibans quidem,
 inter ægros distribuebat. Sæpe illum mensæ suæ
 adhibebat, & venientem lautissimè excipiebat;
 cauebat verò ne dæmones cum generatione sua
 pessima, id est concubinæ cum sobole; tum per
 domum comparerent. Mensam habebat lau-
 tam, fercula exquisitissima, vasa argentea plurima,
 peristromata elegantia, & apparatus scitissimū;
 abundabat enim (miserum!) omnibus, vnica
 tantum virtute destitutus. Fingeant ambo ad
 tempus; ille modestiam ac pietatem, Gaspar igno-
 rantiam suam quasi de vita illius nihil etiam dum
 cōpertum haberet, expectans num fortè vitæ ex-
 emplo; salutaribusque monitis (hoc tamen vl-
 cus non tangendo) è scelerum sordibus colluue-
 que illum educeret. Sed surdo canebat fabu-
 lam & mortuo; donec tandem pro concione
 publicè de Sacerdotum cælibatu continentiaque
 disertè grauitèrque locutus sit. Tameñ verò

Gaspar

*Conuersio
 Sacerdo-
 tis disso-
 luti.*

Verbis

*Gasparis
 offendentis*

Gaspar modeste hic se gesserit, ac Sacerdotalem dignitatem omni ratione sartam tectam voluerit; neu contumeliose traduxerit; Sacerdos tamen hic simul & collegæ tum dignitate tum vitæ improbitate, adeo se læsos existimarunt; vt à concione templo egredientem solum (non enim prius exire solebat, quàm auditores omnes domum cōcessissent) adierint, atque is præsertim qui læsum se potissimum existimabat, quod ceteris esset deterior & impurior, tam procacibus, insolentibus, aculeatisque illum aggressus est verbis, vt militem atrocem arrogantemque non Sacerdotem dixisses. Vix manus à Gaspare violentas continebat; verbis non contentus. Hic verò visa viribile, in genua coram illo Socijsque prouolutus; veniam petit; nullius tamen delicti reus. Heroicum illud patientiæ submissionisq; opus iram illorum ita sopiuit, nullum vt scandalum (quod verendum sanè erat) hinc sit secutum; & forsan causa exstitit; vt absolutam de primario coryphæo dein victoriam retulerit; qui mirabili quadam ratione vitam; vt iam iam narraturi sumus; in melius commutauit. Cùm enim postridie eodem simulationis rectus velamine; Gasparis concioni interesset, peruicacem nihil minus cogitantis, diuinæ gratiæ radij animum ita penetrarunt, vt toto concionis spatio lacrymarum habenas continere nequirit: descendente è cathedra mox adiit, pedibus illius se prosternit, vultuque in terram deiecto simulationis mentitæque hypocriseos veniam petit simul & iniuriæ quam irrogare volebat, quin & pessimi exempli, quod hætenus dederat ciuib; meliorem vitam spondens imposterum, quod & præstitit.

*Veterani
militis
conuersio.*

Ab illo quippe diē pœnitentiæ virtutique sedulò incubuit, à qua deinde bono omnium exemplo non deflexit. Hæc quidem Sacerdos, alter verò, quem Gasparem declinasse diximus, miles erat veteranus, armis simul & vitijs assuetus. Numquam hic concionem Gasparis adibat, quin semper ad vitæ emendationem verborum efficacia internè concitaretur. at quod igne in quo medius versabatur educi nollet, & adustione deletaretur, singula concionantis verba aculei & tortores erant, quibus scelesti illius conscientia assiduè exagitabatur. hinc ita metuere Gasparem coepit, vt se mortem oppetere malle, diceret, quàm hunc adire, nedum peccatorum confessionem facere. Is cum aduerteret, se si Armuziæ permaneret, necessariò semel in eundem incursum, statuit primo quoque tempore Indiam repetere. Iamque data nauigij facultate pedem ea cogitatione in nauim imposuerat, cum repente acuta eum febris inuasit, cum tanta mentis ex humore melancholico perturbatione, vt omnino deliraret, & iam sibi caelestes iras ac diuinas iustitiæ minas experiri videretur. Si quem strepitum audiret, metu concuti, & trepidare: si fortasse tormentum aliquod disploderetur, iam se in frustra decerptum arbitrari; amicos qui ad eum visendum veniebant, pro sicarijs ac percussoribus habere. At quod ægrientem sanare animam non corpus castigare Deus decreuisset, tantū illi lucis dabat per interualla ac iudicij, quantum fatiserat, vt medici quem tantopere exhoruerat, posset meminisse. Amicos vt Gasparem accirent rogat, quo veniente respirare quodammodo coepit, quasi omnis iam mali abiisset suspicio, supplicique virum intuens oculo, illius fuit in amplexus, confitenti vt aures præbeat rogat.

gat. quo factò, animæ pax, & corpori dein red-
 dita sanitas. Sanitati igitur restitutus seriò pœ-
 nitentiæ incubuit, & amores suos peccandi cau-
 sam, & domo & corde ablegat. Hęc duo iudicia
 sint eorum, quæ hoc in genere plurima Gaspar
 Armuziæ pertulit. Atq; hætenus hæc de impu-
 dicis moribus. Deinde auaritiæ pestẽ Armuziæ
 regnantem oppugnare cœpit; hinc in fœnera-
 titios contractus, monopolia, aliaq; iniustitiæ
 species inuehi cœpit: nam vix alia negotiatorũ
 Armuziæ erat viuẽdi ratio, quàm è pecuniâ ad
 cambium instituta, quam illi cambiis, recam-
 biisque aliisque dolosis contractibus, mutua-
 tionibus ac mutationibus adaugebant, se vt
 artes illas nõ intelligere ipse Gaspar in epistola
 quadam testatus sit. Decem aureos mutuos da-
 bat aliquis, ex eo mutuo toties tortus ac retor-
 tus per fas & nefas fructus ad possessorem redi-
 bat, vt anno integro seipsum ac suos sustineret,
 viua semper ac integra capitali decem aureo-
 rum summa. Vt huic tantò tamq; publico Lu-
 sitanorum fœnori Gaspar occurreret, ad cete-
 ras conciones, quas de hac re instituebat, aliam
 more lectiõis cathedram cathedræ opponens
 quoque sabbatho de auaritiæ partibus ac pec-
 catis adiecit: quam ille materiam tot S. Scri-
 pturæ & S. S. Patrum testimoniis, tanto ratio-
 num & exemplorũ pondere, tanto animi stu-
 dio ac feruore, verborum contentione; tamq;
 assiduè & continuò est profecutus, vt diuina
 adminiculante gratia agrum Domini hisce zi-
 zaniis purgarit, vt hæc vna res fuerit, in qua
 potissimum Lusitanorum Armuziæ commo-
 rantium fructus constiterit. Non enim vt stra-
 to surrexerāt, locum publicum adibant, quem

*Iniustitia
 species Ar-
 muzia re-
 gnantes.*

*Sed subla-
 ta.*

qui præsentissimum sunt aduersus venena remedium, frequens hoc in loco commercium esset;) atque ibi Gentiles, Saraceni, Iudæi, quas tota nocte fraudes somniarât, artificiosè promiscuè contrahendo texentes, de vsuris, mutuis, duplicique triplicive fœnore hic inter se conueniebant. At postquam Gasparis exhortatione contractuum horum & lucrorum iniustitiam simul & restitutionis obligationem didicissent, prima euigilantium cura erat, templum adire, quod tam profestis quàm feriatis diebus plenum erat; hic sacro cùm interfuissent in Bazar concedebant, non fœnerando lucrû adauctâtes, vti prius, sed vt inter se de iure mutui, de legibus permutationum, aliisq; contractibus, quid ex legis diuinæ præscripto licitum foret & illicitum, ex Gasparis potissimum præceptis ac traditione disceptarent; academiam Theologorû dixisses, non negotiantium forum. Neque labiis dumtaxat ac vultu se philosophia continuit, ad rem atque ad facta peruenit. Tum enim Lusitani fœnus respuere, & ex malè parto restitutiones vel in duplum iustis dominis, aut vbi ii non apparerent, in pios vsus fecerunt; & super hæc eleemosynæ erogatæ complures, atq; ex iis tantum auri argentiq; redactum, quod magno puellarû orphanarum numero collocando, nosocomii publici, cui à Misericordia nomen, laxandis angustiis, & multorum inopiæ leuandæ sat esset. Gentiles omnes, Iudæi ac Saraceni insignem hanc Lusitanorum munificentiam sibi insolitam nō parum obstupuerunt. Opulenti præterea mercatores tantum salutis suæ zelum ostenderunt, vt lachrymantes & in genua prostrati Gasparem adierint, illum suas vt rationes excuteret, rogarint,

*Restitutio-
nes mira-
biles.*

garint, vtq; læsis offensiq; , prout iudicaret, satisfaceret; hinc facultates ingentes, pecunias, merces, mancipia, domos, nauigia, aliaq; eiusmodi in illius manus consignabant, vtq; de iis liberrimè disponderet, postulabāt, vt quidquid iniquè partum esset, tolleret, inque pios vsus conuerteret: paratos se quoq; asserentes, si pecunia satisfieri non possit, corpore etiam suo luituros, & tam enormi in cutem sæuituros pœnitentia, qua præteritas delitias compensarent. Hoc pio sanctoq; desiderio æstuentes permulti vitæ antea actæ pœnitentes peccatorum confessionem fecerunt, & Christiano vitæ ritu instituerunt. Quin & præter iniusti lucri restitutionem, magnam pecuniæ vim inopum inopiæ subleuandæ aliisque piis operibus erogarunt.

Addam his insignem à Gaspare inter Christianos iam inolitum abusum sublatum. Erant enim qui ferrum & sulphur vetitasque merces alias Turcis ac Mahometanis inferrent, quod Pontificias diras, cōtra id facinus in bulla Cœnæ Domini (hoc enim die quotannis promulgari solet) fundi cum horrendo carmine solitas vel præterue contemnerent, vel penitus ignorarent, docti quanto id piaculo fieret, à quæstu sacrilego destitère non pauci, & pro ea potestate, quam à sede Apostolica habebat Gaspar, in gratiam cum Ecclesia restituti.

Ab hisce victoriis de lasciuia & avaritia relativis Christi miles teterrimam aliam generis humani pestem aggreditur, & ad lites dirimendas, tollendasque inimicitias adiecit animum, quas venenatus inferorum coluber profeminarat, & dissensionibus mutuis fouebat, etiam inter naturales eiusdē nationis excitatis. Quo-

*Alios abusu
sus P. Ga-
spar sustu-
lit.*

*Inimicitias
sopit.*

*Reconcilia-
tio duorum
qui necem
alter alteri
parabant.*

circa cum aliquoties arcem hanc oppugnasset, monitis & auctoritate permultos Lusitanorū induxit, vt datis inter se dextris, & venia offensionum petita, in gratiam redirent. Quod exemplis subiectis manifestius reddemus. Duo in mutuam conspirarant necem; sed audita Gasparis concione, in amicitia signum ad ipsas templi valuas optimo sanè exemplo in mutuos ruerunt amplexus. Sed quod iam subnectam multo est nobilius. Erat in Lusitana arce vexillifer sanguine quidem nobilis, sed qui ignoraret, in quo vera sita esset nobilitas, quam ipse totam in vindictæ appetitu collocabat, nihil vt tolerare, sed in omnibus tolerari vellet, is cæteris ita molestus erat, vix vt totâ reperiri vel arce vel vrbe posset, cui non iniurias deberet; quas cum satisfaciendo tollere nollet, sese, nihil ipsi animo vel viribus cedentes, vindictâ res suas repetebant. Itaq; horrebant eum cuncti, multi etiam persequebantur. Cum eo multum sudauerat Gaspar, sed in cassum. quieta ciuitas erat, quando aberat; eo reuerso, armabatur vniuersa. Repentinam hanc vrbis mutationem ad huius aduentum vel abitum cum videret Gaspar: Quis mihi, inquit, dabit, tangat hunc iusta Dei manus vehementi aliqua ægritudine vt mansuefiat, atq; animus curetur! Mira res, effectum non caruit oratio: nam eodem temporis momento, absentem illum maligna febris inuadit, & breui insolito æstu in eas redegit angustias, nihil vt aliud clamans vrgeret, quàm Gasparem ad se vocari, ne sine confessionis Sacramento moreretur. Accurrit Pater, mutatum reperit animum; neque enim iam insolens erat, aut vindictam spirans, sed agni instar mansuetus. Sæpe igitur Deus immisiss

corpori

*Miles contentiosus
pacatur.*

corpori morbis animæ morbos tollit, vt militi huic aduenit. Peccatorum enim confessione peracta & spiritus & corporis simul sanitatem est consecutus; ostendere nempe volebat Deus, hunc ei cur morbum immisisset. Prehensum manu Gaspar ad inimicos perducit, vt veniam ab iis postulet, ac præsertim iis quos offenderat, quorum aliqui iam in necem illius conspirarant, & de facto sclopetis occidissent, ni viso Gaspare manum continuissent, & illo suasore in gratiam cum hoste rediissent.

Sed alteri carius sua stetit peruicacia: non minus erat hic arrogans, insolens ac vindictam spirans; blasphemias insuper horrendas in Deum, sanctosque assidue eructabat. Vindicem hic quoque Dei manum sensit, & nihil minus cogitanti morbus cœlitus immissus, vt hac ratione ad mentem rediret. Oportuno tempore captato, virum adit Gaspar, morbum illi à Deo ad vitæ emendationem immissum ostendit, vt per salutare poenitentiae Sacramentum cum Deo simul & proximo in gratiam rediret. Sed frustra: miser marmore durior, his omnibus non flectitur, sed rabie atque furore actus Gasparem hinc facessere inclinat, quem neq; videre se posse, & audire nolle, nedum imperata illius facere, dixit. Et quod omnium grauius, se nisi vltum cœlum nolle ingredi, neque veniam à Deo commissorum obtinere, si ea sit iniuriarum condonatione comparanda. Non tulit vltra pater impudentiam, sed velut publicus diuinæ iustitiæ minister sic est vaticinatus. Ita sit omnino vt dixisti, atqui certo scito, te ante triduum sæpius cui confitearis inclamaturum, neque tamen iusto Dei iudicio habiturum. His dictis, discessit. Postridie ante meridiem ita

*Militis per-
uicacia ad-
uersario
nolentis
ignosce-
re.*

morbis inruduit, vt à morte parum abesset: quocirca cum se iam in extremis videret constitutum, & iudicio Dei iam sistendum perterritus, anhelans, ac velut ab altero pressus, Gasparem inclamauit; sed cum neque is vel alius quispiam Sacerdos esset ad manum ante exspirauit, non confessus quàm adesse potuerit. Omnes qui aderant non parum perculsi, iustæ Dei vindictæ hoc ascripsere.

Sed ecce rem priori similem, sed exitu ab similem. Lusitanus erat in paucis potens & auctoritate singulari pollens, tum ob sanguinis nobilitatem, tum verò ob munus cui præerat, sed apud Deum plebeius & sordidus erat; vita namque eius offendebat omnes & sceleribus erat inquinatissima: opprimebat siquidem omnes ac dira tyranide grauabat; quem proinde oderant ad vnum omnes, & liberrime de publica illius impotentia obloquebantur. Sæpius illum admonuerat Gaspar priuatim, vtq; sapret rogarat, sed incassum, ille monita eludere, & quæcunq; Gaspar generatim pro concione vicia carperet, sua ipsius carpi criminabatur; hinc tantam monitus indignationem concepit, vt se publicum seruiq; Dei iuratum hostem profiteretur. Sed nō potuerunt hi odii torrētes Gasparis in eum caritatem extinguere, sicut econtra illius in hunc officia, amoris vel scintillam excitare. Et tamen permagni referebat reipub. hunc ad mentem reuerti: quod perspectum habens Gaspar, aliud iter insistere placuit; feruentes ad Deum illius causa & assiduas fundebat orationes, vt lumine gratiæ illum illustratum ad se traheret: quin & acerrimas illius causa suscipere pœnitentias, flagellationes, ieiunia, cilicia frequentiora solito, noctes in-

*Conuerten-
di obliu-
ta n ratio.*

etes insomnes in oratione peruigili traducere,
 sanctissimum quoq; Missæ sacrificium pro co-
 dem sæpius offerre. Nouem ipsis diebus hac ra-
 tione Deum placare studuit; quibus expletis *Insignis v-*
 Lusitanus in lectulo quiescens sub secundam à *sio.*
 nocte media horam coram se Gasparem vidit,
 insolito splendore micantem in vultu præser-
 tim ac manibus; quin & odorem adeo iucun-
 dum sensit, similem vt nunquam se sensisse ne-
 garet. Aderat quoque species alia ad Gasparis
 latus, paulo angustior (angelum tutelarem fu-
 isse fit verisimile) qui sic eum est affatus: Quid
 agis peccator? quid moliris? quorsum Gaspa-
 rem tantopere horres, ac dubitas illi animæ sa-
 lutem committere? nonne vides quo eum de-
 core Deus ornauerit? Euigilauerat iam nobi-
 lis, ac bene sibi præsens erat, vti postea suo ipse
 firmavit testimonio. Itaque visis auditisq; per-
 motus in illius ruere voluit amplexus; at subi-
 to disparuit, cuius disparitione nobilis non pa-
 rum indoluit. Manfit tamen qui iam locutus
 erat, atq; ita sermonem proseguens eum con-
 solatur; Ne mireris Gasparem ita à te sese pro-
 ripere, cum tanto tu ipsum iam fugeris tem-
 pore: sed hac ipsa hora se ad sacrificandum in
 nosocomio inhrmis parat; ibi eum prima es
 luce reperturus. Quo dicto hinc etiam angelus
 se proripuit. Reliquam ergo noctem in conti-
 nuis fletibus ac gemitibus, imo pectore ac do-
 lore de peccatis concepto proficiscentibus con-
 sumpsit. Vix dies illuxerat, quin virum è famu-
 lis ad Gasparem euocandum miserit: nondum
 sacra perfecerat, & famulus nosocomium in-
 gressus heri mandata exposuit, qui repentino
 hinc gaudio perfusus è vestigio Lusitanum ad-
 iit: quem vt hic vidit, vocem extulit, abiecit se

ad pedes, tanto animi dolore ac pœnitentia, maior vt tunc illius fuerit cōtritio quàm confessio. Sed dein generalem totius vitæ confessionem instituere cum vellet, aliquot se dies remotis arbitris colligens, cum hominum nullo, quàm cum Gaspare agebat; interim peccatorum recordatione piisque pascebatur meditationibus, quas Gaspar ad verum excitandū dolorem, pœnitentiamque concipiendam illi suggerebat: ita porro hîc profecit, vt iam modestia, suauitas, patientia, zelus diuinæ gloriæ, cæteræq; virtutes eum ignotum, quia sibi dissimilem, redderent; sed in caritate potissimum in pauperes misericordiaque excelluit, quibus paucis diebus supra quinque aureorum millia distribuit.

CAPVT IV.

Alia pietatis opera à Gaspare Armuzia patrata recensentur, punitur militum nonnullorum insolentia, qui ab illo ad peccatorum confessionem priusquam Monachianum proficiscerentur, admoniti, pia viri consilia neglexerant.

ENarratis Gasparis victoriis, quas de vitiis Armuzianorum retulerat, iam nonnulla alia pietatis illius opera recenserebimus, quæ ad priora commode referri non potuere. Primus in scenam prodeat Lusitanus, qui in concionibus Gasparis frequens erat, sed peccatorum prauæq; consuetudinis laqueis irretitus tenebatur. Quamuis autem hisce expedire pedicis maximopere vellet, Gaspari tamen animi viris detegere nolebat, donec in Indiam reuocaretur, veritus ne detectis illi peccatis, quoties obuiam fieret, nimium erubesceret, panicum hunc metum iniicere plerisq; dæmon sollet, vt suis illos laqueis diutius constrictos tandem ad

Timor confitendi à vano pudore profectus.

dem ad inferos detrudat. Confessarii enim sinistra de confitentibus animiq; latebras penitus detegentibus opinionem concipere non solent, sed ob victoriam de seipsis relatam plaris facere. Satanæ insidias atque hominis metum Gaspar cum diuinitus perspectum haberet, ultro adiit, & vanum illum timorem excussit: ac tantum verbis & oratione profecit, vt quod animo latebat virus, euomere decreuerit. Dum verò plures confessioni dies impendisset (maius hîc enim requirebatur tempus) eo ipso die mane quo absolundus erat, interim dum pœnitentia iniuncta ac contritionis pararia ex parte Deo satisfacit; ecce tibi tetrîs animalibus fœdisque monstris cubiculum repente completur, ab iis circumuentus ac varie petitus obriguit primo, ac præ horrore trepidauit; & conscius offensionum, incertus gratiæ, ne viuus in tartarum cû ipsis, vt aiunt, vestimentis illico raperetur, extimuit. Quid ageret ignorabat: at vbi se paululum ex pauore collegit, detractam è pariete sacram imaginem arcte cõplexus, magno clamore diuinum implorat auxilium. Ad eas voces (mirum dictu) cõfestim atra illa ac feralis turba discessit, tanto cum tumultu strepituque, vti domus tota concuti & conuelli funditus videretur. Tantam hic deinde interne pacem quietemq; animi sensit, vt etiam viuus cœlesti frui beatitudine videretur, ac maximo omnium exemplo, quos prius sceleribus offenderat, haud paulò meliorem inde vitæ rationem instituerit.

Atque horum animi, illorum etiam corpora sanata diuinitus. Primarii viri Lusitani filius febri grauissima laborabat, eidem erat oculus diuturna labe putridus, & sæuo tumore diru-

*Tetra da-
monum
viffo.*

*Curatio
miraculo-
sa pueri fe-
brientis ac
lippiensis.*

ptus, duplici malo multis adhibitis effectu nullo remediis, cū in humana ope nihil esset spei, mœrens pater Gasparem demisse obtestatur & obsecrat, vt pro salute carissimi filii, tam periculose ægrotantis, litare in Deiparæ honorem dignetur. Fecit ille, neque diutius dilatum è cœlo beneficium est, eo ipso quo salutarem hostiam obtulit die, non solum æquatis humoribus vniuersa febris abiit; sed etiam delapsis ex oculo squammis maioribus, plane restitutum est lumen. Tum parens, accito repente Gaspari, liberatum vtroque simul morbo iuuenem vix præ lætitia sui compos, ostendit, agitq; gratias immortales, quod sibi pariter ac nato spiritum lucemq; reddiderit. At Gaspar modesto vultu, constantique sermone, Deiparæ Virgini, cuius votium fuerat sacrum, ac Deo, tantam virtutem, & adeo insigne miraculum tribuit. Parens deinde ac filius in Lusitaniam reuersi id ipsum Patri Francisco Goueano enarrarunt, à quo id deinde aliis communicatum. Idem pro amico pene iam animam agente rogatus fecit; qui sacro vixdum absoluto, cum iam iam animam redditurus omnibus videretur, penitus conualuit.

*Et alterius
amici Ga-
sparis.*

Mulier à dæmone propemodum obfessa, spectrisque horrificis agitata in vltimum venerat vitæ discrimen. Euocatus à marito de humana ope diffiso Gaspar, vt afflicta & exsanguis manus imponeret; per occupationem ipse tum quidem adire non potuit; ceterum, quo homini satisfacere schedulam inscripto diui Ioannis Euangelio pro se misit, quo Ecclesiastico præscripto sacrum claudi solet, quam pesti amoliendæ mulier è collo suspenderet, sperare enim se, si fideret modo, à spectris illam breui liberan-

*Mulier spe-
trorum diabo-
licis libera-
tur per S.
Euangelij
verba.*

liberandam. Id ubi factum, confestim leuata
 morbo terroribusq; soluta surrexit. Hæc aliaq;
 dum nomen illius Armuziæ diuulgarent, om- *Magnum*
 nesque eum vt virum cælo delapsum suspice- *sibi nomen*
 rent, multi ab eius latere non discedebant, sed *Armuzia*
 conciones illius ac doctrinam Christianā nullo *parat.*
 non loco frequentes audiebant, & inprimis
 adolescentes nonnulli virtutum studio, & x- *Socios coll-*
 mulatione commoti, illius societatem ambire, *git.*
 indiuiduos se comites in Euangelio apud bar-
 baros promulgando futuros spondere, sangui-
 nem quoq; si necesse fuerit profusuros. Horum
 vnus in foro ludens cum sociis, cum ex voto
 ludus nō succederet, Deum contumeliose, ma-
 ximo omnium scandalo, cum compellaret; in-
 teruenit casu Gaspar, eumq; peccati coarguit.
 Audit adolescens arguentem, pedibusque illius *Blasphe-*
 aduolutus in socium adoptari se petit; mundo *mum con-*
 namq; valedicere, eiusque vitæ rationem sequi *uertit.*
 iam decreuerat. Nec leuicula fuit mutatio, vt
 fuerat prior insolentia, ab illo namq; tempore
 honestam vitam duxit. Alius audita concione
 de cruce, coram omnibus, illius ad pedes se ab-
 iecit, orans vt ad infideles se abducat, ad mor-
 tem crucemque querendam ac sanguinem pro
 Christi nomine effundendum; aut saltem in
 Perfidem cruce onustum ablegaret, Persas vt
 ad fidem suscipiendam crucemq; sanctam ado-
 randam perduceret; vt si credere nollent, sed in
 ipsum sæuire, Christi exemplo in cruce emori
 posset. Cuius in pietate perseuerantia feruo-
 rem stabilem nec inanem fuisse ostendit; sed
 tertius sese supra ceteros videtur extulisse. Ad-
 fuit is forte Gasparis de mundi contemptu con-
 cioni: cuius verba tantum potuerunt, vt mox
 à concione palam se nitidis vestimentis exue-
 rit,

*Fervor ad-
lescentis ex-
inflamm.*

rit, quas cum paupere commutavit, ipse quoque distributis fortunis suis in egenos mendicato victitavit. Noctes porro totas ad publicæ crucis basim transigebat, dies ægrorum obsequiis totos consecrabat. Ea viuendi ratione consecutus est, vt cerebro eum vulgo carere iactarent. Sed, vt Epistola Gaspar sua testatus est, sapuit vere & interne illuminatus perfectionis Christianæ brauium ingressus est; quem deinde Gaspar in suum admisit sodalitium, vt & priores, de quibus locuti sumus. Duodecim hoc pacto socios adlegit, adolescentes zelo & animi fervore insignes, qui tametsi in societatem adscripti non forent, tironum tamen ritu, institutoque vivebant: aliquot enim diei horas rerum cœlestium meditationi impendebant, conscientiam quotidie sedulo excutiebant, prauos animi motus gnauiter edomabāt, pauperibusque in nosocomio decumbentibus operam impigre dabant; singulis septimanis Confessionis, Eucharistiæque Sacramenta frequentabant. His aliisque pietatis exercitiis non sese modo sed & reliquos Armuzianos accendebāt: hinc quotidianæ institutæ supplicationes, modo puerorum fidei Christianæ rudimēta vaticantiū, modo virorū templa obeuntium litaniasque Sanctorū recitātium. Hinc per decurias opidum vel agros nonnulli in seipsos flagellis sæuientes obire: alii studio per Saracenorum vicos transire, tum vt eos ad emulationem excitarēt, tum vt ludibrio ab iisdem proscinderentur. Sed honoris causa eosdem, Christianorum pone sequentium ritu, stipabant, cum hi contumelias exspectarent. His dum Armuzia pietatis flammis indies magis magisque æstualet, Indiæ Prorex Garcias de Sa Armuziam

*Armuzia
ad pietatem
incenditur.*

ziam in Hibernia ducētos præfidiarios amandarat in expeditionem quam præ manibus habebat. Hi cum Armuzianam mutationem ignorarent, pristinam lasciuiam libertatemque militarem sequebantur, suo vt exemplo, omnia, quæ Gaspar pietatis instituerat exercitia euerterint, vt stygiis emissa à satana cauernis cohors hæc videretur, qua fatiscens suum Armuziæ imperium dominatumq; fulciret. Adiunxerunt se isti, vt facile fit cum aliis, qui eadem in insula hibernabant: ecce tibi mox contumeliæ rixæ, prouocationes denuo irrupere, ludus item & cum eo iurandi, peierandiq; consuetudo; libido quoque ac vsuræ, & cæteræ pestes semi extinctæ & euanidæ, iterum emerferunt ac sustulerunt cornua. Interim supplicantium cœtus in sacris ædibus rarefcere, conciones sterilefcere, Sacramentorum vsus, aliaque pietatis opera fœtere, ac quodammodo vilipendi. Gaspar ingemiscens diaboli surgere imperium, Dei verò concidere, interim nouo zelo ardere, aciem denuo reparare, pro concione suos ad cœptum virtutis exercitium animare, periculum ostendere, ne satan adductis septem spiritibus nequioribus se denno inualefcant, & sint nouissima peiora prioribus: alios arguere & increpare (vti Galatas Apostolus) quod dæmoni peruertenti auscultarent, eiusq; affeculis obsequerentur, Christo vero tergum obuertent: at cum videret satanæ membrorum nequitiam vna die concidere quod plurimis ipse ædificarat, pœnitentia & oratione diuinum implorauit auxilium, atque id ipsum socii vt sequerentur, maximopere efflagitauit. Arcis præfectum adiit, vt hosce pacis & quietis publicæ perturbatores arce & opido pelleret: sed

*Repente in
peius ruit.*

*Peccata in-
ualefcunt.*

Galat. 3.

maio-

Psal. 82.

maioris mali seditionisque metus, istud quoque consilium deturbauit. Ad extremum, consilium hoc à necessitate mutuatur. Consulto ad populum de vero in proximum amore verba facit, in quo situs hic, pluribus ostendit, in animæ scilicet proximi salute procuranda hunc potissimum consistere, imo licitum, imo sanctum esse, nonnunquam optare, & à Deo petere, ut afflictiones calamitatesque proximo immitat, siquidem ad maius animæ bonum ita necessarium esse videretur, quod & S. Scripturæ exemplis & S. S. Patrum auctoritatibus mirifice cum confirmasset, magno animi ardore & impetu ad Deum ipsum conuersus sæpius illud Propheticum iterabat: *Imple facies eorum ignominia, ut querant nomen tuum; lacrymisque perfusus diuinam iustitiam, sed magis misericordiam, identidem implorabat; vti eas animas, quæ tanta pertinacia se cæterosque perditum ibant, omnemque in medendo suauitatem respuebant, pharmacis curare acrioribus, secare, truncare, ea potissimum in parte, qua maximus cuique doloris erat sensus, dignaretur, siue ad honorem ac famam, aut fortunas, imo & ad corpus ipsum attineret; infamando, deprauando, amputando, mutilando, mactando, si ita illorum saluti expediret. Mira erat in ipsa cõcione & eadem prope, quæ in Oratore, animorum commotio; sed nihil eos ita consternabat, quam cum in peroratione summo animi sensu rogantem eum audierunt, uti ex vero in proximum amore, zeloque ter orationem Dominicam & Angelicam salutationem in eum finem recitarent, ut has meritis aut qui opus haberet, pœnas & alias temporales afflictiones ad animi salutem impetrarent. Nec vana fuerunt*

runt concionatoris vota vel concionis preces;
 breni in oculis totius insulæ Deus hæc piorum
 vota suo calculo comprobauit. Munitum & o-
 portunum castellum erat in Perfidis cōtinente
 Monaianum Armuzianæ ditionis eam ædem
 Saraceni præfidiarii hosti subito nēque vel
 suspicante tradiderant. Eo vehementius tum
 regis tum popularium animos inopinata res
 perculit. Missus extemplo recuperandi causa
 Mahometanus præfectus cum quinq; millibus
 Persicæ iuuentutis, additi ex foedere Lusitani
 circiter quadringenti, quo in numero erant
 ducenti illi Armuzianæ pietatis euerfores, iam
 recēter ex India qui aduenerant. Præerat Lu-
 sitanis Pantaleon de Sa, frater affinisve Prore-
 gis Garcie Sa: qui Gasparem valedicturus, be-
 nedictionemque accepturus adiit. Huic vereri
 admodum se dixit, ne graues neglecti numinis
 & salutis animarum pœnas Lusitani darent; q̃
 priusquam in expeditionem proficiscerentur,
 commoniti, confiteri delicta noluisſent. Quod
 tamē summopere necessarium videbatur, cum
 certò cōsiliendum foret & mortis pericula
 adeunda, ad quam se Christianum quemlibet,
 mortalis delicti reum, sacramento Pœnitentiæ
 Deo sese reconciliando parare oportet. At vix
 viginti id ipsum Gaspar persuaſerat, apud cete-
 ros inania fuere monita. Præſensionem etiam re-
 spondit euentus. In statua vt peruentum est,
 arcem obsidione cinxerunt & sæpius tormētis
 quassarūt, sed ita infeliciter, vt ab arce citius se
 subducerent, quàm venissent. Nonnulli tamen
 occubuerē, 100. vulnerati, ceteri pudore & ig-
 nominia pleni redierūt, sed diuina hic punitio
 non stetit. Mors enim diuinæ iustitiæ ministra
 in castra subiit, ac lethargico inducta morbo,

*Monaia-
num arx
regis Ar-
muzia
capta.*

*Lusitani
eodem pro-
ficiscuntur.*

*Lethargus
morbus.*

*Armuziam
redeunt.*

*Soli Gaspa-
ri confiteri
volunt.*

vix vt vllum sensum mali haberent. Repente multi pestifera lue correpti, ex iis ad 50. perierunt. Iacebant ab omni destituti solatio & auxilio viui, mortui sepultura; quisque sui ipsius gerebat curam, ac socii velut pecora sparsim per castra mortui iacebant. Consternata fœdo spectaculo reliqua cohors & ex conscientia delictorum, sempiterni exitii metu perterrita, conuulsis repente signis ægre Armuziam repetunt, Gasparem vnum omnes requirunt, vti se à peccatis absoluat, ac resipiscentes exaudiat, obtestantur. Stabat in portu Gaspar illis appellentibus, eosque cum sociis aliisque piis præstolatus ad nosocomium desert. Hi ægris interim medicamenta tota vrbe conquirere, & stipem in eorum solamen exposcere: Gaspar vero animis mederi inprimis, acciti extemplo sacerdotes quotquot vrbe tota erant, sed vulgo negarunt milites, vlli omnino sese nisi Gaspari arcana sui pectoris velle committere. Quocirca ita distringebatur, vti vno eodemque tempore huic peccata expromenti aures, illi animam agenti voces & hortamenta præberet. Itaque explicare cœpit, parem esse in hac extrema necessitate sacerdotum omnium potestatem, debere quemque operam dare, ne cum sua graui culpa confessionis instituendæ occasionem in eo discrimine amitteret. Sed incassum. Apparuit igitur, hoc fuisse vel diuini furoris telum, vel nouam dæmonis fraudem, vel vtrumque vt indigni fortasse venia, nonnulli absque spe veniæ morerentur. Quod sane Gasparem non mediocriter torfit. In iis quidam cum ferrum repente in sese strinxisset, phrenesi agitato, clamore & concursu retentus, extorto gladio, in Gasparis fauces inuasit manibus: ac minimū abfuit,

abfuit, quin ſpiritu intercluſo præfocaret inſonitem: per vim auulſus, paulò poſt exſpirauit. Inſtinctu mali dæmonis in eam rabiem actus creditur, tantam à Dei famulo, ſibi quotidie prædam eripi nò ferentis. Sed non ideo Gaſparis refrixit feruor, ſed eo quo cœperat, præximī ſalutē ſtudio promouit, vt mēſe integro diu nocturne nò quieſceret, his aures, linguam illis, manus deniq; & operā omnibus accōmodans.

Dum hoc pacto ſaluti animarum gnauiter incumbit, tanto interim cœlitus ſolatio fruebatur, omnis vt ei labor ſuauiſ videretur. Placuit Deo Pœnitentiæ Sacramētalis effīcaciā miraculis interdum confirmāre. Sæpe namque inter conſtitendum ægri cum animi ſanitate, morbis depulſis, etiam corporum obtinebant. Hinc magno in honore apud Armuzianos eſſe cœpit Pœnitentiæ Sacramētum; pietas quoq; maior effloreſcere, angebat ſolū Monaiani iactura & infelix belli ſuccellus. Gaſpar ergo cum ſuperiorem cladē vni militum peruiaciæ ſcīret aſcribendam, nec armis at precibus rem gerendam: Deum propitiū orando reddere ſtudit, & ſupplicationes ad B. Virginiſ adiculā duo ſerē millia paſſuū ab orbe indixit. Inſignī pietate cōceptā excalceati nò ſemel iēre cleruſ ſimul & populuſ, & flagellis in ſeipſos ſæuientes, cœleſtem opem ac pacem conſono clamore poſcentes. Haud in irritum fuſa obſecratio. Monaianum, vi & armis ad eam diem fruſtra oppugnatum, conditionibus demum ac ſubita voluntatum inclinatione receptum eſt. Ea res præter ſpem nunciata ingenti Gaſpari apud omnes gratiā & gloriā peperit. Eximiæ enim viri ſanctimoniæ felix hic tribuebatur euentuſ, ſimul & illiuſ exhortationi ac precibus.

*Confellio
Sacramen-
taliſ mira-
culo con-
firmatur;*

*Monaia-
num reſ-
peratum;*

CAPVT V.

Quid ad hæreticos, schismaticosque ad Ecclesiæ gremium reducendos, quid ad Saracenos, Iudaosque conuertendos Armuzia Gaspar egerit.

Schismatici & hæretici multi ad Ecclesiam reducti.

Conuersio adolescentis Germani, qui ad Turcas confugerat.

Scribit Gaspari, ut se Ecclesiæ conciliet.

Totum se Lusitanis tametsi Gaspar impenderet, Catholicosque inprimis omni studio iuuaret: schismaticis tamen & hæreticis ad Ecclesiæ ouile reducendis minimè defuit: quorum non modica pars Armuziam commercii gratia confluerat. Gasparis proinde sanctimonia ac doctrina commoti, vt ab illo veram fidem edocerentur, vltro ad eum ventitabant, Abyssini, Armeni, Georgiani, Moscouitæ, Poloni, Hungari, Germani, & alii, qui compendii temporalis gratia aut pertinacia ad Turcas, Mahometanosque commigrarant. Ex iis vnus, Ioannes nomine, in ipso conatu Gasparis ad-eundi, præclarum martyrii decus tulit. Germanus erat genere, Colonia Agrippinæ patre natus admodum locuplete: sed variis agitatus casibus tandem ad Turcas peruenerat, annumque iam decimum in opido Turcarum Catifa (in sinus Persici ora, ex opposito Barahenis insulæ, gemmarum piscatu nobilis, centum & decem intra sinum ab Armuzia distat leucis) pro Mahometano sese gerebat, tormentarii pulueris artifex, atque ob id ipsum genti percarus. Is audito Gasparis nomine, rebusque iis, quæ Armuziæ gerebantur, ab impio ministerio ad famulatum Christi, si Gaspar adiuuaret, quamprimum redire cōstituit. Id quo fine arbitris fieret, in atramenti librarii difficultate, sulphureum diluit puluerem: ex eo diluto litteras ad Gasparem vna eademque sententia, Latino, Belgico & Franco sermone cōscribit, (nescie-

ſciebat quippe ſingulas Gaſparem percallere:) vehementer optare ſe modò apud Luſitanos tutò liceat commorari, & in idipſum à Gaſpare fidem accipiat, Armuziam venire, & Chriſto Domino per Sacramentum pœnitentiæ ſatisfacere, Eccleſiæ reſtitutus delicta deponere, ſolique Deo repudiato Mahometaniſmo obſequi. Eo nuncio lætus Gaſpar extemplo reſcribit, fidenter accedat, ſibi ac Luſitanis aduentum ipſius gratiſſimum fore. Hæc epiſtola, incertum eius fraude qui perferendam acceperat, an alio quo caſu ab Catifano præfecto intercepta, Ioannis conſilium prodidit. Confeſtim à Turcis accitus de religione interrogatur, Mahometanusne ſit, an Chriſtianus? Ille verò intrepidè ſeſe Chriſtianum fateri, atque ad omnia tormenta necemque pro Chriſti nomine promptum oſtendere: vnum dolere ſe, quòd tot annorum ſpatio Turcarum ſpeciè tenus ſit religionem ementitus. Inde furentibus Mahometanis, foedè laniatus atque diſſectus ad vltimum uſque ſpiritus in veræ fidei confeſſione permanſit. Hoc ergo modo pro fide Chriſtiana mortem oppetiit: Caput mortuo abſciſſum & prælongo infixū haſtili, Turcæ in arcis mœnibus poſuerunt. Sed vindex Dei manus haud multo poſt de indigna hac martyris nece, ſimul & ſanctarum reliquiarum ludibrio vltionem ſumſit. Appulit enim Luſitana claſſis Armuziam, cui Antonius Noronia præerat, millia circiter duo hominum ea claſſe vehebantur: Venerat hæc ut Turcarum excuſſiones reprimeret; & ſi quæ poſſet, in ſinu Perſico Arabiæ imminentiâ; Mahometanorum præſidia euerteret. De Catifano inuadendo prima fuit cogitatio, de Ioannis tamen nece etiamdum nihil penitus intellexe-

*Reſponſio
ad literas à
Turcis in-
tercepta.*

Nec datur.

*Clasſis Lu-
ſitana.*

rat. Verùm priusquam vela daret, totius turbæ animorum sordes Gaspar eluit solus, quòd sacerdotes cæteri per eos dies in morbum incidissent. In quo non mediocrem molestiam subiit, sed solabatur eum, quam hinc hauriebat voluptas. Rebus igitur animæ in tuto collocatis, & placato Deo ardentior ad iter se Lusitanus parat, manus cum hoste cõserturus. Barahenn cum applicuisset, Arabicum littus haud procul à Catifa subiit, ac repentina descensione opidum cepit atque diripuit. Inter direptionem Gasparis epistola Ioanni directa apud Præfectum reperta. Eo argumento, simul captiuorũ relatu de Ioannis nece cognitum est, refixum extemplo caput, Armuziamq; accuratè transmissum Gaspar cum Psalmodia & laudatione perhonorificè condidit. Atque hæc cum adolescente Germano, simul cum his, qui vel Christi censebantur nomine, vel quoquomodo ad ius & ditionem Ecclesiæ pertinebant, Dei seruus egit; iam disquirendum restat, quo eos studio ad fidem conuertere conatus sit, qui nunquam eandem receperat, ac præsertim Iudæos & Mahometanos. Quamuis autem illos in cœcitate mordicus p̄sistere sciret, vix vt vllus post multum sudoris Ecclesia accedat, omni tamen animi contentione iisdem succurrendum censuit. Officiis illos præuiis sibi deuinxit, qui reciproca etiã beneuolentia, in Synagogas illum suas, diebus sabbathinis deducebant; quibus ille ad oculum è sacris voluminibus ostendere, Messiam venisse, huncque Iesum esse Mariæ filium, mundi redemptorem, in hoc omnia Messia signa characteresq; , quos vates prædixerant, reperiri. Eò tandem rem deduxit, vt disceptationi priuatæ committendam censuerint. Haud abnuic

*Catifam
diripit.*

*Ioan. Mau.
corpus Ar-
muziam
refert.*

*Quid circa
Iudaorum
conuersio-
nem Gaspar
egerit Ar-
muzia.*

abnuitt Gaspar ; descendit in certamen cum duobus Rabbiniis, qui opinione doctrinæ cæteris præstabant, nomen huic Salomon, Castella oriundo, illi Ioseph ; vterque in Talmudicis commentis eruditus. Duo potissimum controuertebant ; num, aduentus Messiaë tempus iuxta Danielis, Iacobi, aliorumq; vatum prædictiones iam aduenisset. Evidentissimis hunc argumentis iam præteruisse, cum Gaspar demonstrasset, ad alterum disceptationis caput deuentum est ; num quis præter Christum fuerit, cui Messiaë nomen meritò tribui queat. Vltimum penitus fuisse negabat Gaspar ; idq; tanta argumentorum ostendebat efficacia, vt Rabbini, nullum cum pateret effugium, debilem clypeum, suam sanctarum litterarum inscitiam, in defensionem opposuerint, quasi scripturarū peritiæ doctrinæque, non veritati adscribenda foret veritas. Sed hoc responso effugium quærebant, suamq; tegere conabantur nequitiam. Aderant huic controuersiaë Christiani simul & Saraceni, qui peruicaciã gentis peruersitatemque agnouerunt. Causam deinde rogati cur in agnitã nõ transirent veritatẽ, aliqua scripturæ loca protulere ; quæ cum Gaspar ad finem vsq; capitis accuratè & nullo negotio exposuisset, defatigati tandẽ & erubescens, legem quidẽ Christi veram ac dignã censuerunt ; sed idcirco à Iudæis non admitti, q̃ opes iniquè per vsurã partas restitui ab illam amplectentibus necesse sit : in sua manere peruicacia, cœcitateq; dum malunt opes iniquas possidendo, quã eternarū desiderio, tenebris erroris emergendo ad veritatis lucẽ cõmigrare. Atq; hæc (ait Rab. Ioseph.) vnica est causa, cur plurimi nostrum doctrinæ etiam nequitia probè perspecta, in secta impia

*Duos Rab-
binos Iu-
daorum
conuincit,*

*Saraceni
Gasparem
magnifica-
bant.*

perseuerent. Videamus qualem se erga Saracenos gesserit, quibuscum feria sexta maximè versabatur. Hunc enim diem in honore habēt, atque eodem cœtus suos celebrant. Cæterum non paruus hic Arabum, Turcarum, Æthiopum, Persarum, aliorumq; Mahometanorum erat numerus. Apud eos magnam illi pepererat existimationem, perspectaret voluntaria viri paupertas, tantus corporis neglectus in tanta doctrina tantisque animi bonis, tanta externi cultus habitusque tenuitas. Cum enim per Lusitanos magnas illum doctrina & auctoritate opes comparare posse cernerent; vili tamē habitu contentus summaq; in inopia in valetudinario commorabatur. Gratiam verò conciliarat comitas & mansuetudo; & super hæc fœneratoribus Europæis per illum incussa religio, & exhaustis incolis pecuniæ restitutæ, Saracenis siquidem ex parte hæc restitutio cedebat. Augebat venerationem constans apud omnes de eximia illius sanctitate editisq; miraculis rumor; vt eum Mahometani Cacizium, id est, magnum Christianorum sacerdotem, atque adeo ipsum Ioannem Baptistam Zachariæ filium vulgò appellarēt. Fortè quòd Ioannis zelum æmularetur, vel quòd huius animā (Pythagorica metempsychosi) in Gasparem transiisse falso crederent. Ergo ab iis Gaspari inter cætera nouum etiam & inusitatum hæctenus honoris genus illud habitum est, media nocte, videlicet ob calores in Maximum Mahometis templum (Coranum aut Alcoranum, id est, rem sacram Arabes de ipso Mahometicæ legis nomine, quòd nullum eodem illis in locis haberent sanctius, appellant) quòd Christianis hominibus, aliisque, præterquam Mahometanis pe-

*Ioannem
Baptistam
nunciant.*

*In Cora-
num suum
perducunt.*

nis pe-

nis pedem intulisse capitale est; sed etiam in ipsius templi fastigium perducere, maximis Caciziis honoris causa comitantibus, magnaq; luminum accensa vi, manum ipsius ac vestem subinde præ reuerentia osculantes. neque abnuit ire Gaspar, quo gentis ritus ac superstitiones, refutaturus dein, certius propiusq; cognosceret. Hos verò in primis sibi beneuolos reddere studuit, vt eo facilius deinde animos ad Christi fidem pelliceret. Vt verò quod intendebat, consequeretur cum præcipuis legis impia patronis, doctoribusque sibi disputandum censuit, vt ita publice illorum impietatem, superstitionemq; detegeret. Hoc in primis satagere Gaspar, illi omni contentione subterfugere; modo legis præscripto vetitū asserere aliquod illius caput in dubium reuocare; modo suam obicere imperitiam, & armis se quàm verbis potiores ostendere. Verum ne forsan silentio suam culpasse legem aut nostram comprobasse viderentur, ac causæ æquitati parum confisi manus ultro dedisse, tandem ad disceptationem ventum. Athletam denique producunt, ætate prouectum, natione Persam, cum sobrietatis apud eos, tum verò doctrinæ forma præstantem: quippe non Mahometica dumtaxat volumina, sed Aristotelem etiam, eiusq; commentatores Arabes lectitarat, eratq; in physicis & astrologia apprime versatus, ac medicam insuper callebat artem. Is in medium adductus, Gaspari ante omnia sponsionem obtulit, in montem natiui falis, squalidum ac desertum & omnis alimenti penitus inopem secederent ambo, nihil commeatus inferrent, dispositis custodibus, ne quid inferretur, cauerent, vter diutius in eo monte in ediam tolerasset, eius

*Cum Sara-
cenis dispu-
tat Gaspar.*

*Persa euo-
catur, ubi
cum Ga-
spare dis-
putet.*

Illius astus.

fides in Deum ac religio rectior ac sanctior haberetur. Ad ea Gaspar, tentato, quod aiunt, Deo, nihil opus esse respondit, neu legis Dei veritatem corporis robore famis sitisq; tolerantia metiendam; at ratione agendum, quam ad boni maliq; discrimen Deus dedit mortalibus, vti & rationem, qua sensa mentis exprimeret: verbis agerent prius: concertatione verborum si decerni lis, atque ad liquidum controuersia perducere non posset, tum demum sensione certarent, atque ad aspera quamuis experimenta descenderent. Hisce auditis Philosophus rubore statim, mox pallore suffundi, nolle se videri victum, nolle rursus infirmas ac frivolas theses in discrimen adducere; ad extremum vincente pudorem metu in aliud tempus delata res est. Porro hæc nequaquam in occulto gerebantur. Inter cæteros aderant ipsius Philosophi vxor & filia, non vulgari indole & ingenio fœminæ, & insuper generis nobilitate insignes: mater enim è familia Zaidæ, qui Hoceni fuit nepos, atque à Mahomete per Haly descendebat, originem ducebat. Hæ perspecta pugilis Christiani constantia, Mahometani formidine; profecto nihil sincerum ac solidum patriis subesse carimoniis argute coniectant. Dein afflatæ diuinitus, quando paterfamilias in amentia perstaret, priuatim ipsæmet saluti suæ prospiciunt, baptismum ab Gaspare aliorum interuentu petunt. Ille gaudio exultans fœminas illustres apud fidelem amicum ac probum Lusitanum, Catechismi causa, quem vxor & filia illas edocerent, in hospitio locat, quo edoctas dein Baptismo admoneret; ianuis quæ in publicum ferebant diligenter occlusis, ne violenter à Saracenis inde abriperentur. Ea res ob illarum

Persa disputacionem differt.

Vxor & filia conuertuntur.

• clari-

claritatem atrox admodum incolis visa, magnosque in vrbe animorum motus exciuit, sed partim Gasparis reuerentia, partim Lusitanorum, tormentisque ad urbem prominentibus deterriti, diuersorio vim adferre non audebant. Tum Persa desiderio ac dolore agitatus ad Gasparem adit, iniuriâ dolenter expostulat, *Reperis Persa.* cōingem marito, parenti filiam reddi protinus æquum esse, Deos hominesq; testatur. Gaspar cōtra nihil factum iniuria dicere, fœminas vltro (& sapienter quidem) sibi consuluisse; vt Christo initiarentur, suppliciter exorasse; recta illarum studia deferri, sanctissima postulata repudiari nefas fuisse. Sub hæc multis vltro citroq; habitis verbis, nouâ conditionem Philosopho Gaspar obtulit; relictâ paulò ante disputationē ex condito repeterent, testes adessent, si victor euaderet Persa, fœminas domū abduceret cū bona pace: sin victus, vnâ cum illis ipse quoq; Christum indueret. Eam conditionē ad- *Disputatio instituitur.* modum grauatè Persa visus accipere, sed amor & necessitudo erga vxorem & filiam vrgebat. Dicitur disputationi dies, ea ibi adfuit, in idem conclaue cōueniunt. Sponsionis iudices ac spectatores certaminis vtrimque adhibiti magnæ auctoritatis viri, Proepiscopus ipse, varii Lusitani, inter quos Garcias Pēna regius interpres, (futurus & dialogi) hisce in rebus probè versatus, Latinæq; simul & Persicæ linguæ peritiss. Additus & scriba publicus, qui certaminis seriē examussim describeret. Initur tandē certamē. Porro spectaculi eo maior fructus fuit, q̃ certantiū vterq; dialecticis artibus erat imbutus; vt nō eminus inter imperitos tanquā velites in irritū aut in diuersum tela ferirētur; sed vt inter statarios & exercitatos, collato pede gladii

*De quibus
si rebus
discepta-
tum.*

*I. De Tri-
nitatē.*

*II. De In-
carnatione
filij Dei.*

*III. De cœ-
lo Maho-
metano-
rum.*

mucronesq; concurrerent. De natura Dei quæ-
situm imprimis, quem solitarium & generatio-
nis expertem è Cerdonis & aliorum heresi Ma-
hometes affirmat. Hanc naturā omnis fæcun-
ditatis parentem vel maximè fæcundam vali-
dis argumentis Gaspar ostendit: effecitque ra-
tiocinando, vt Persa Deum trinum vnicumq;
ex fidei orthodoxæ decreto concederet. Dein-
ceps de Christo Dei filio secutum problema,
quem ex Dei quodam halitu & è virgine matre
conceptum, genitumq; Mahometani eximium
illi quidem Prophetam agnoscunt; verum ta-
men Deum eundem, & pro generis humani sa-
lute mortuum, prorsus negant. At Gaspar, ve-
rum Deum pariter hominemq;, duplici in vnā
hypostasim coëunte natura nō solum è spiritu
sancto conceptum, & natum è virgine, sed etiā
Dei Patris iram in perfidum ac rebelle genus
humanum suo capite excepisse, dira q; supplicia
& ipsam in cruce mortem sponte subiisse, ra-
tionibus, exemplis, oraculis docuit. Iam quæ
Mahometani de cœlesti beatitudine fabulan-
tur, quàm in fœda sensuum voluptate ac titil-
latione constituunt; quæq; de immensis nescio
quibus Angelorum corporibus ac ministeriis
turpiter adstruunt, perleui momento, argu-
mentorum & pondere & perspicuitate, cuncta
Gaspar euertit, suæ vt legis ineptiam, stupo-
remq; agnoscerent Saraceni. Denique variè ar-
gumentando, premendoque paulatim aduer-
sarium adduxit, sanctissimam Trinitatem vt
cōfiteretur, ac Mahometanam superstitionem
nec sine stultitia suscipi, nec sine pertinacia de-
fendi posse: Christianam verò religionem di-
gnam esse, quàm prudentissimus quisque ma-
ximè foueret, fateretur. Vbi ad hunc locum
ventum

uentum est, nouo perfusus gaudio Gaspar ad Persam: Bene habet, inquit, non longè abes à regno Dei. Dein cum instare pergeret, & eandem clarius confessionem exprimeret: Persa confusus ac perturbatus, dæmone reprehensante resiliens, tam longè sese ab Alcorano deuiasse ingemuit, ac sibi talia excidisse responsa: at quod scriba scriptis omnia consignasset, negare non poterat. Postremò, ne manus omnino dedisse videretur ad veterem cantilenam confugit, domesticis negotiis impeditum ne fidem falleret, subito se in arenam descendisse: certis insuper libris ad commentandum sibi opus esse, quo pacatior instructiorq; in pugnam rediret, vt proferretur dies, & ampliaretur iudicium, postulauit. Comperendinatum est quidem & dies dictus, sed effugii hunc prætextum dum videret cordatus quisque, Gaspari victoriam adscribebat. Inde furtim ex vrbe ad vicinum dynastam cōsultandi gratia Philosophus concessit, ab eo acriter obiurgatus, quod cum veteratore ac venefico, (ita enim Gasparem appellabat) egisset: camelis in Persidis interiora transmissus est, neque postea rediit. Insignis ad Caciziorum dedecus & ignominiam, illa fuga & exilium fuit: vulgò fractum & abiectū Persam latebras quæsisse narrabant. Vxor interim eius ac filia, Christianis institutionibus eruditæ, magno apparatu pompæque ad templum Christi adeunt, stipantibus nobilioribus Lusitanis: ibi summo omnium gentium, ordinumq; concursu, mira bonorum lætitia sacro fonte abluuntur. Arcis præfectus simul & Lusitanæ matronæ testes susceptoresq; astiterunt, Matronæ Maria, Virgini Catharina inditum nomen; ambæ pretiosis argentoque intertexto vesti-

*Veritatem
fidei Chri-
stiane Persa
fatetur.*

*Sed pœnit-
et.*

*Dilatione
impetrata
se subdu-
cit.*

*Vxor & fi-
lia bap-
tizantur.*

vesti-

vestibus, variis hinc inde stipantibus sclopeta-
riis, hastariisque, ne quis per viam tumultus
excitaretur, explodentibusque sclopeta, præli-
diarii arcis simili tormentorum maiorum ex-
plosione respondebant. Mater vnà cum filia
honestissimis deinde Lusitanis in matrimo-
nium collocatæ, septingentis in dote aureis
Lusitanorum liberalitate assignatis. At quas-
nam hæc mulierum conuersio turbas Armu-
ziæ excitarit, iam dispiciamus.

CAPVT VI.

*Multi ad fidem Christi Saraceni reducuntur, Rex
Armuziæ cum in eandem propenderet, ab aliis
impeditur Alcoranum Mahometæ-
num occluditur.*

INhonestæ Persæ Philosophi cessio, & præcla-
ra hæc fœminarum conuersio Mahometanos
in diuersa distraxit. Alios è tam secundo Chri-
stianæ rei progressu, metus incessit, ne magia &
præcantationibus ad peregrina & noua cog-
erentur sacra; ac proinde Antistitum admoni-
tu, non vocem modò Gasparis ac vultus hor-
rebant; sed etiam ad consuetum Catechismi
signum oppositis illico manibus obturabant
aures; quod ita persuasum haberent, in ipso
quoque illius tintinnabulo ac sono vim inesse
malêficam: alii contra exemplo harum inci-
tati, repudiata Mahometis superstitione, rectâ
fidem amplectebantur, vt pene quotidie non-
nulli baptismo lustrarentur, quos prodigia ad
id cœlestia inuitabant. Hunc B. Mariæ Virginis
ad fidem filii suscipiendam animantis conspe-
ctus; illum etiam Christi ad illam sequendam
excitantis: hos angelorum gratæ colloctiones
aut voces cœlo missæ, ad vnum Ecclesiæ Ca-
tholicæ ouile intrandum compellebant. Erant
qui

*Gaspar à
flerisq; Sa-
racenis vt
magus ha-
bitus.*

qui illos splendenti amictos veste vidisse se asfererent, à quibus ad Christianam religionem inuitabantur. At qualiacumq; demum hæc fuerint (nec enim multū interest) plurimum profectò ad Catholicæ fidei amplexum persuadendum momenti habuere, cum apud plebem, tū verò apud primā nobilitatem. Tum inprimis apud Mecas i Xarifæ neptem, qui regem se Arabiæ nuncupabat, & è Mahometis stirpe iactabat. Erat hæc Persæ cuiusdam illustris, Xataniæ supremi Persarum Imperatoris (quem alio nomine Sophuū dicimus) legati ad regē Armuzianum vxor. Huius conuersio magno Lusitanos compleuit gaudio, sed plurima permixta molestia, vt dicturi sumus. Inprimis verò hosce simul & Gasparem de regis Armuziani cōuersione spes recreauit: parum enim distabat, quin Christo nomen daret, vti patebit. Rerum hic à Gaspare gestarum fama permotus, ad se illum accersuit, de magni momenti rebus cum illo agere se velle finxit. Intranti magnus honos habitus, & regi à Gaspare vicissim: Ad colloquium cæteris arbitris consulto remotis, vnus interpretes adhibitus Garcias Penna Lusitanus. Suam in Christi fidē mox propensionem aperire, quis regni primates sedandi (metuebat enim ne hanc ob causam regnum turbarent) modus foret instanter petere. Laudare regium Gaspar consilium, inq; bono illum verbis pauculis, sed efficacibus, proposito confirmare; vanum hunc metum discutere; asserere adhuc, Deo potius confidendum, quàm hominum timendam nequitiam; nullam regni pacandi rationem potiore esse, quàm optimates, quorum motus metuebat, inprimis, rationibus conuictos, suam in sententiam pertrahere.

Videri

Multi Saraceni conuersuntur.

Inprimis nobilis quædam mulier.

Armuzia rex fieri Christianus vult.

Videri proinde sibi, nihil haberi posse melius, quàm publico certamine coram rege atq; optimatibus, cum Caciziis Persicis & Arabicis se disceptando contendere. Sperabat enim secta Mahometica semel acriter confutata conuulsaque, illiusque ineptiis, impietateque ad oculum demonstrata, fore vt sarcini iudicii nullus eandem amplecteretur. Diutius hæc latere cum nō possent (& expediebat sane hæc ditulgari) & proceres in fidem Christi regem propendere inaudissent, lætitiā omnes non optimates modo, sed & plebei gestire, plurimi quoq; illorum exemplum sequi, & reuera iam nomina, quæ sibi baptizandis imponi vellent, simul & susceptores delegerant. Fuere tamen nonnulli, qui sanctæ huic cogitationi obstarēt, ac præsertim regiæ, à qua ceteros dependere non ignorarent: Blanditiis primum ac precibus tentant regem: aspernantur mox defectionem popularium & arma & iras Sophi magni Persarum regis denunciant: tunc Mahometo irrogata iniuria ultionem sumtutum comminati. Peruicit inanes hæc comminationes regia constantia; Cacizios ergo excitant, regem adeant, Mahometo infamiam iniustam proponant, Christianis sacris si vti decreuerit, accedat; si regem refractarium viderent, popularium, subditorumq; turbas seditionemque denuncient. Regem igitur peterent, magnaq; voce legis Mahometanæ dedecus, opprobriūq; occlamarent, ac meritò subditos in regem arma, religione urgente, posse conuertere, assererent. Non successit ex voto negotium, Cacizios enim rex ausos in regiæ vestibulo de auita religione tenenda vociferari confestim abigi lapidibus iussit, & perpetuo multauit exilio. At illi patriam

patriam religioni præferentes, dissimili Martyrum Christianorum, non exilium modò, sed & ignem & ensen pro Christi fide subeuntium exemplo, vt in patrio manerēt solo, à clamando destiterunt. Hactenus constantiam & fortitudinem rex præstitit miram. Sed quem neq; minæ, neque sacrificulorum commouerat reuerentia, iussæ matris lacrymæ & aniles fletus euicerunt. Illa intestina bella, patriæ excidium, occasum regni, subditorum motus, aliq; quæ muliebri metuebat formidine, tam scitè depingere, eius vt animum flexerit, ac voluntatem mutare coegerit. Regis exemplum cæteri extemplo secuti. Perculit repentina hæc regis mutatio Gasparem; sed spe nondum exciderat, regemq; qua poterat arte ad pristinam reducere mentem satagebat. Ad Indiæ ergo Prætorem Georgium Capralem literas misit, vt Regi ad Christi religionem accedendi animum adderet: fecit Prætor rogata, auxilium Lusitanorū ad regni pacem dilatationemq; sponndit. Ipse interim Gaspar rem Deo sedulo committere, ieiunare, suum in corpus flagellis, ciliciis, aliisq; pœnitentiis sequire frequentius, orationi instare feruentius, sociis quoq; suis idipsum aliisq; piis hominibus cōmendare: illius ergo publicè supplicationes instituere, in quibus multi sacco tecti seipfos viciatim flagellabant, & Saracenorum vicos obeundo Litanias Sanctorum, aliasque orationes ad diuinam opem aduersus illorum molimina implorandam publicè decantabant. Nec irrita fuere hæc omnia. Aliquot enim interiectis diebus, vocato rursus ad se Gaspari rex plus etiā quàm antea honoris tribuit, ingredienti ad scalas occurrit, ac dextram insuper apprehensam nixus genibus exosculari

*A matre
delinitæ,
ac cedit.*

*Regem Ga-
spar ad
mentem
reuocare
conatur.*

*Christiano-
rum suppli-
cationes in-
stituit.*

contendit. Dein tarditatis mutationisq; purgandæ causa docuit, quanto in periculo res versaretur. Si pergant de baptismo agere, domesticos tumultus ac seditiones, externa imminere bella, cedendum temporis, neque experiendam tanto discrimine vim. Vbi primum atrox procella conciderit, & optata affulserit lux, se neque suis permissis, neque patris optimi caritati ac studio defuturum. Interea quæ alioquin ad rei Christianæ dignitatē & incrementum attineant, quantum præsentis difficultates ac tempora patiantur, ab se cuncta nihilominus exspectet. Ad ea dicta Gaspar, magna nimirum spe delusus ingemuit; hortatusq; regem est, uti Deo, cui nihil arduum, fideret, ei-que totam rem ex animo commendaret. Regi mæstus valedixit, omni se spe excidisse cum cernit, nouum tamen è cælo auxilium petit: voluntarias pœnas, ieiunia, obsecrationes per se perq; suos instaurat: Lusitanos eodem inuitat, ut quod dæmonum fraude destructum erat, repararetur. Supplicationes igitur denuo de more per urbem habendas curat. Conciuentes cantica, orationes & litanias Sanctorum, longo agmine incedebant pueri, validior ætas, quinquageni vel sexageni pariter in sua terga flagris acerrimè fruebant. Omnibus locis implorabatur diuina clementia, Gaspare suafore & præeunte.

*Cacizii
carnem
incidunt.*

Aduersus ea Cacizii vicissim inflati poenitentia regis & popularium, concita plebe, supplicationes item obire, in ediam sibi vſitatam extendere, nouaculis cutem incidere, quàm maximas manus in Coranum & reliqua fana cogere, Mahometis execrabile nomen ex omni parte dissonis clamoribus inuocare. Tum

Gaspar

Gaspar facinus indignum ratus in vrbe, quæ Lusitano præsidio teneretur, Christo Mahometem impium cōparari; cum veritate mendacium, fabula & ludibrium cum recta fide, sanctisq; mysteriis propemodum ex equo contendere: rem quæ primo aspectu temeraria videbatur, aggressus est, at effectus illum Deo affiatum fecisse ostendit. Ingentem namq; comparat crucem, cui ferendæ vix duo sufficiebāt; hanc in colle, in quo Mahometis fanum erat, collocauit. Dein quinas alias secum ferens crucēs, nulla vi, nullo armorum strepitu, præuiadumtaxat psallentium puerorum imbelli turba, ad Coranum tendit intrepidus; res mira! Crucis virtute ac fulgore perstricti atq; attoniti Mahometani repente diffugiunt. Gaspar in Corano palam victricia mortis ac satanæ defigit signa. Regem dein adiit, vt fabris adhibitis, templi ianuæ cæmento & calce obstruerentur, ne quis Saracenis aditus pateret in posterum, rogaturus. Non abnuitt rex, super hæc grati edicto impias Mahometis inuocationes insula tota prohibuit. Nullum porro hoc grauius Saracenis inferri dedecus posse videbatur. erat enim templum hoc, vt dictum est in præcipuis Persidis & Arabiæ fanis, religione & cultu imprimis spectabile, vt magnus ad ipsum vndiquaq; concursus fieret. Fremere proinde violatum crucibus (vt credebant) locum, indignari verò ob occlusum introitum. Hinc bellum aduersus regem moliri Satrapæ, dum sibi persuadent ob insignem hanc contumeliam Saracenos in perniciem vectigalium Armuzia discessuros. Hæc illi per suos Regi denunciare, quo percellerent. Cum parum terrendo proficerēt, Satrapas ac Principes Persarum in vicinia pos-

*Audax
Gasparis
facinus.*

*Mahometanorum
fano crucem infert
& ipsum obstrui iussit.*

Ipsam aperire Saraceni conantur.

fitos, simul & Sophum exstimulât, vt per præfidiorum Armuziæ confinium præfectos insignem hanc à Francis (hoc enim nomine hic, vt & in plerisq; Orientis regionibus nō Lusitanos modò, sed & omnes Europeos Ecclesiæ Latinæ nuncupant; nullam siquidem Europæ gentem præter Francos, ob præclara olim tum Ierosolymæ, tū in aliis Orientis plagis edita facinora nouère) Mahometo irrogatam vindicent iniuriam. Redierat iam in Persidem legatus, cuius vxor illo inuito baptismo Armuziæ lustrata erat, vt diximus: Regi Sopho vxorem sibi raptā denunciat, addit & baptismum, aliaq; ex arte comminiscitur, quibus regis animam exacuat. Indignatus Sophus Lusitanū Henricum Macedum à Prorege Indiæ ad fœdus Lusitanos inter ac Persas ineundum in Persidem destinatū comprehendit: Regibus ad hæc Laræ & Carmaniæ sibi vectigalibus (quorum regna Armuziam tangunt) per litteras nunciat, Lusitanis Armuzianis bellum vt inferant, arcem solo æquent, vxorem in legato suā reddiderint. Henrici Macedi literis hac de re factus certior arcis Armuzianæ præfectus, coacto concilio quid agendum foret, deliberandum proposuit. Reddendam minime vxorē omnium fuit sententia, idq; vno Gasparis, qui intererat responso. Rogatus enim sentētiam in hūc modum, iuxta

Matth. 7.
Qui religio-
nem pericu-
lo exponunt
ad reipub.
conseruan-
dam, vtra-
que saepe ex-
cidunt.

Domini vocem respondit: Nolite dare sanctum canibus, nec mittatis margaritas vestras ante porcos, ne forte conculcent eas pedibus, & conuersi disrum- pant vos.

Sæpe enim fieri videmus, vt, dum diuinus cultus ac religio negligitur, sanctaque profanis reipubl. conseruandæ causa traduntur, vtraq; discrimen adeat & amittatur. In eam manibus ac pe-

ac pedibus à Lusitanis itum est sententiam, & sic sancitū, vt ad vnum omnes, mortem se dicerent, si necesse foret, malle oppetere, quàm matronam hanc Neophytam reddere Saracenis. Rediit tandē Macedus vinculis exemptus (Deo rem aliter disponente) pacem firmatam, iuratamq; secum ferens; de vxore non de Corano Saracenis reddendo, ne verbum; quinimo non parum lætari Sophus (vt Macedus retulit) ob insignē hanc Mahometanis Armuzianis illatā contumeliam; potior enim pars Turcæ partes tenet, quibus cum Persarum regibus assiduum ob regnum ac religionem bellum est. Dum nec hac via res succederet, aliam multo breuiorem & magis compendariam ineunt. Europæos aliquot, professione dumtaxat ac nomine Christianos, & pecuniæ inhiantes, perq; eos nouum arcis Lusitanæ præfectum grandi adoriuntur pecunia, vti Coranum denique patefieri permittat. Præfectus videlicet quietis otiiq; causa, inclinato ad assentiendum animo, nihil tamen inconsulto Gaspare ausus aggredi, patrem ad conuiuium inuitare in arcē, in eo conuiuium de templo Saracenis reddendo agere, rationes aliquot politicas depromere, quibus illi hoc persuadere conabatur; idē addebat & alios sentire; nihil tamen inuito illo agere velle. Orare se proinde cœptis ne obfisteret. Vix apertē rem præfectus proposuerat, ecce subito, nondum loquente Gaspare, deliquio penē exanimatus concidit, nullum vt effari verbum posset; mortui instar pallebat omni motu sensuq; carens. Sibi redditus & menti, facti pœnitens, suo resipuit malo, & cœptam de fani restitutione cogitationem abiicit, diuinam hanc punitionem fuisse adstantes omnes iudicabāt.

Christiani nonnulli auro corrupti Saracenis suum reddi faciunt.

Miserere peccatores, qui in hoc conuincuntur.

Auxit eam opinionem aliquorum, qui Saracenorum causam egerant, funestus paucis diebus interitus; nonnulli tot adierunt vitæ fortunarumq; discrimina, vt ad pœnam non ad solatium reseruati viderentur. Ipse præfectus Gasparis à Deo facinus comprobari ac ratum haberi cum cerneret, si modò videretur, de fano euertendo cogitare cœpit, ad quod suam ipse operam spondebat. Gaspar grãtis actis nihil præter ea, quæ Emmanuel de Lima præfectus alter reliquerat, censuit innouandum: Auxit ea res Lusitanorum, Neophytorumq; animos ac feruorem. Saraceni hac accepta contumelia mitiores facti deponere cornua, ac taciti secum vatis sui concoquere iniurias, exutaq; insolentia plures ad Christianam fidem transire.

Cæterum Gasparis rerumq; gestarum fama ad exteros quoque vicinosq; dimanabat, vt & per Felicem Arabiam percrebuerit. Populus est inter Rosalgatam & Mocandonum Promontoria, quos Thyamanes vel Anianes nominant Arabes. Ammonitas quidam opinantur, quorum Scriptura meminit; in ipsum vsque Loth Abrahæ cognatum, Ammonis Ammonitarum patris parentem, vt ipsa docet Genesis, originem referunt. In quatuor distincti sunt opida. Horum maiores fama est mortalium primos à Mahomete in fraudem inductos: gentilitatis pristinae apud eos etiam est monumentum, fanum scilicet Iouis: Naturâ candidi sunt & sinceri, sed robusti corpore. Si rumore excitati, qui de Gasparis admiranda virtute ac doctrina longè lateq; manauerat, communi consensu patrem ad se per literas ac nuncios inuitarunt, magno se studio teneri veritatis & sapientiæ; ad litientes aures accederet, non sine fructu

verba

*Ammonita
Arabia po-
pulus.
Genes. 19.*

*A Gaspare
doceri vo-
lunt.*

verba facturum. Ea res Gaspari mistum dolore gaudium attulit. Sollicitam de officii ratione, deq; æterna salute in media apparere barbarie gentem magnopere lætabatur. Obstru-
ctum sibi ad eos aditū valde mœrebat. Optatum quippe Gaspari dudum fuerat, ad mortem ac supplicia pro Christi nomine subeunda, sese in medios Paganos ac Turcas immittere, & Mahometanæ sectæ mendacia refutare palam. Sed eo feruore comperto, Xauerus, publicæ magis rei, quàm Gasparis gloriæ consulens, in ipso discessu, illum ex insula Armuzia ad triennium, suo vel certè Goani rectoris iniussu pedem efferre vetuerat. Itaq; Gaspar, quanquam eundi ac periclitandi percupidus, tamen sacrificio obsequium antiquius duxit: legatos ad *Legatos il-*
hibita præparatione baptismo lustrauit: quo *lorum ba-*
minus in eam regionem ipse in præsentia ten- *pizat.*
deret, causatas occupationes, per epistolam vniuersæ nationi suavit, idoneos interim ad se discipulos mitterent, atq; in amore ac proposito veri cognoscendi perstarent, illos ita à se instruendos, vt quæ salutis forent, omnibus suis ostenderent. Hæc sese initia dabant expeditionis nouæ, quæ necessariò dilata, multis, vt fit, difficultatibus interpositis deinde consenuit. Sed hæc de Gasparis erga Saracenos gestis sufficiant. Gentilium quomodo conuersionem procurarit, iam disquiramus.

CAPVT VII.

Iogue, quem Pagani vt numen colebant, ad fidem à Gaspare traducitur, item & alij. Gaspar Goam reuersus diem obit.

OMnibus Lunæ diebus Gasparem in Gentilium Pagodis cōcionatum suprà diximus. Quod porro crederet, ipsis superstitionis cory-
Hh 3 phæis

Quam vi-
tam duce-
rent logues
Armuzia-
M.

phæis ac ducibus; quos cæteri suspiciebant, ad Christum traductis, cæteros facili negotio manus daturōs ipsos, qui Armuziæ erāt, logues incertamē puocat. Brachmanarū hi genus sunt, vt alibi dicere memini, sed ceteris religiosiores, horrido inprimis & aspero victu, cultuq; Armuziani aliis hoc in ritu nō cedebant, sed continentię paupertatisq; volūtarię laude etiam superabant. Credebant siquidē harum virtutū adminiculo animā ad diuinę essentię ab omni contagio exemptę, purissimęq; cōtemplationem aptiorē reddi. Erant namq; cōmentationum studiosissisinti, mortemq; inprimis ac diuinās perfectiones assidua meditationē voluebant. Harum. n. aliquā habebant notitiā, simul & S. S. Trinitatis, Patri, Christianorū ritu, potentia; sapientiam Filio, ac bonitatē Spiritui S. ascribebant. Vt à Christianis hęc illos hausisse crederet Gaspar. Sed errorib. ac superstitionib⁹ sanctā hanc cognitionē polluebant. Pagodes. n. Indorū more, adorabāt, absurdasq; opiniones ac futes mordicus tuebantur. Magno tamen apud plebem in honore erāt, q̃ externā sanctimoniam præ se ferrēt, quam vulgus austeritate exteriori metitur. Suburbanos habebāt specus atq; haud procul inde Pagodeum aut delubrū, huc de nocte sese recipiebāt, statisq; horis dato signo ad certas cōmentationes excitabantur, & Sacerdotes nostrates ad officiū Matutinū (adeo ex omni parte Christianas cærimonias dæmon æmulari nō desinit) sub aurorā idolis immolabāt. Interdiu ad emendicandā stipē, (erāt. n. inopes) nōnulli ad imbuēdas variis errorib. hominū mentes, pdibāt. Plerunq; de morte, de diuinis pfctionib⁹, aliisq; de reb⁹, prout quisq; cōment⁹ erat, sermo erat, aspersi cinerib. panno obfiti

Dæmon si-
pius est.

obfiti ac cilicio duriori membra cooperti. Sanctos dicerēs eremicolas, ſepe illos adire Gaſpar, tū illorū gratiæ captādæ cauſa, tū vt principiis fundamentiſq; , quibus omnis illorū impietas innititur perſpectis, eadē deinde melius cōuel-
leret. Gratus illis itē erat, cui intima & arcana religionis ſuæ adyta detegebant; quorſum ille inquireret ignari. Interdū horū vellicabat aurem, & Chriſto lucrifacere ſatagebat; irritum omne illorū aſſerens ſtudiū, ac ſine vllō proriſ cōmodo tanta corpus afflictione macerari; nec vitā hac æternā, verō ignorato Deo, poſſe promereri. Multi hiſce verbis capi, illiusq; conſilia ꝑbare; ſed à ſuperioris ſe nutū dependere. Præerat namq; vnus omnib⁹, nihilq; illo inconſulto facere ceteri audebant. Aberat tum ille, nam ſocios in Arabiæ montibus habitātes inuiſum abierat. Inſigni hic erat duritia & aſteritate vitæ, hiſce aliisq; id genus artibus in tantā ſui admirationē adduxerat cunctos, vti qua pedes aqua lauiffet, hāc religionis cauſa Armuziæ rex ipſe potaret. Hunc ex Arabia reuerſum ꝑcipuo conatu aggreſſus paucis dieb⁹ arcē ſibi familiaritate deuinxit, ac crebra cū eodē inſtituit de omni virtute, ac præſertim de cōtinentia & de caſtitate (quā Iogue ceteris præponebat) colloquia: quibus illū quō volebat, adduxit; hāc, ceteraſq; virtutes ſolidas eſſe poſſe negans, ſi veri Dei, ac mundi redemptoris Ieſu Chriſti cognitioni cultuiq; minimē nitantur. Hiſ aliisq; ſermonibus Chriſtianorū myſteriorū illi Gaſpar cognoscendorū, ac deinde Deus amplectendorum iniecit deſideriū, mora tamen trahebat, & inter conſiliū mutādæ vitæ perplexus hærebat. Ita nutanti ac pendulo ſuaſit Gaſpar, nō eſſe in re pia manifeſtaq; diutius differendū. Triginta ad deliberandum dies Iogue poſtulat; cōcedit

Iogues Gaſparem diligebant.

Superior horum ſanctus habetur.

cruce, velut victoriæ de satana relatæ tropæo, Deiparæ Virgini dedicauit. Insignis hæc conuerfio multos Gentiles Christo lucrificet, atq; ad multum inde tempus in omnium re ac sermone versata tum Armuziæ, tum in locis vicinis.

Paulus deinde suis ipse oculis conspecturus magnificum illum apparatus, quem in somnis viderat, suoq; in ortu, fontis illius vitalis, Ecclesiæ inquam Catholicæ, pulchritudinem visurus, Romam cogitauit. Goam propterea profectus in Lusitaniam vna cum Emmanuele Lima Armuziano traiecit præfecto, atque ab illo Ioanni I I I. Lusitanix regi oblatus iucundum aliquamdiu spectaculum regi ac populis præbuit. Romam deinde adire paranti interuenit mors, quâ ille patienter excipiens, è numero vocatorum simul & electorum ad vitam æternam sese declarauit. Hisce aliisq; gestis rebus triennium pene Gaspar Armuziæ impedit; quo nondû expirante Goam à Francisco Xauerio etiocatur, in Iaponem aut Chinam traiecturus. Recrearunt hæ litteræ Gasparem, quod ob Christi nomen iniurias, inopiam, persecutiones, mortem denique ipsam, pati ambiret; omniumq; Armuziæ toleratorum oblitus ad noua subeunda se parat. Clanculo igitur insula discedere cõtendit: sciebat enim à Christianis, de abitu certioribus factis, iter suum impediendum; sed omnibus insciis portum adit, vbi conscensa cymba Antonii Noroniæ classeni petit in alto in ancoris stantem, qua Goam tandem appulit, paulò antequam Xauerius è Iaponia reuerteretur. Goam reuersus non Dominicis modò festisq; diebus ad populum verba habuit, sed & singulis septimanis

Paulus Romam cogitat.

Moritur in Lusitania.

*Goæ concio-
nator ma-
gno fructu.*

*Goani il-
lum sibi à
Franc. Xa-
uerio pe-
tunt.*

*Quid Goæ
egerit &
fecerit.*

septies, aut aliquando decies ac duodecies; tanto hominum concursu, sæpe ut in loco patulo campestriq; dicendū foret: templo quippe contineri auditores non poterant. non minor animorum hic motus & affectus, quam ante apud Armuzianos, & prius etiam apud Goanos excitabatur: eadem illius hic auctoritas & feruor qui prius. Lachrymarum effusio simul & morum commutatio, vitæ emendatio, quam & Deus gratiam communicasset, satis ostendebant. Hinc instare apud Franc. Xauerium è Iaponia reducem resp. ut Goæ maneret. Piæ petitioni morem gessit Franciscus, sciebat enim fructum, qui in capitalibus sit ciuitatibus, ad cetera illius membra facile deriuari, quod ad illas vndiquaque ut & ad vrbes regias fiat concursus. Vetuit igitur Franciscus, ne Goæ, uti antè Armuzia, pedem iniussu suo efferret: Collegii proinde Goani rectorem simul & omnium omnino sociorum, qui tota India vagabantur, præpositum prouincialem renunciavit. Nihil minus cogitarat Gaspar, nihil quoque illi accidit grauius: tum quòd latere & obscurus iacere cuperet, tum quòd per vniuersum Orientem Euangelium & sanguinem, si necesse foret, in illius defensionem, spargere desideraret. Seipsum tamen vicit, ut quam de se tulit victoria, non minoris apud Deum fuerit meriti, forsitan maioris, quàm si vniuersum Orientem ad Christi fidem conuertisset, & martyrii corona decoratus esset. Abiit interim in Chinam Xauerius, Gaspar verò maiori quàm prius contentione, tum suæ, ac sociorum sibi creditorum, tum etiam Goanorum omnium salutis cœpit incumbere; & sancta quædam piaq; instituta inducere, quæ etiamnum hodie in vsu sunt.

sunt. Instituit imprimis vt singulis septimanis feria sexta de Passione Dominica ad populum verba in Sociorum templo haberentur, & in concionis epologo, cum omnes ob peccata sua, quæ Christo mortem attulere, ingemiscunt, Crucifixus è summo altari monstraretur, atq; interim dum extinctis luminibus Psalmus L. decantatur, multi in corpus flagellis saeuirent. Hoc sub vesperam fieri, magnumq; animorum motum & peccatorum pœnitentiam, vt astantium testantur lacrymæ, causari solet. Hæc aliaq; cum Gaspar Goæ instituisse, inq; vinea Domini Sabaoth indefessum operarium ageret, Dei gloriam quæreret, animarumq; salutem studeret, & iam fractus laboribus & exhaustus esset; cum de superiori loco, magna animi, corporisque ad populum verba haberet; subitum deliquium passus, in cathedra concidit: sibi redditus ad collegium piorum manibus defertur. Acuta dein illum inuasit febris, qua assidue exagitatus, tandem XVIII. Octobris die animam ipso D. Lucæ (quem in opere Euangelico, simul & virtutum exercitio, mortem crucis assidue in corpore suo ferendo est impigre amulatus) Deo reddidit; æternam à Deo laborum ob illius nomen toleratorum mercedem in cœlo; coronamque gloriæ immarcescibilem accepturus. Hæc sunt, quæ de Gaspare Barzæo cōperta sunt, cuius tam grata etiamnum apud Armuzianos Goanosq; exstat memoria, vt nō sine admiratione gestorum virtutumq; præconio, de ipso loquantur. Armuziæ eius in locum successit P. Gundisaluus Rodericius eiusdem Soc. Sacerdos, vt cœptum à Gaspare opus perficeret: at, q; infirma esset valetudine, hinc euocato successit P. Ant. Eredeq. Missi huc tandem

*Sancta
consue-
tudo.*

*Gasparia
obitus.*

*Illius Ar-
muziæ
cessore*

Arias

Arias

1792

*Armuzia
Regina vna
cum fratre
paruulo ba-
ptizatur.*

Arias Brandonius & Alexius Diazus, piorum eleemosynistæ templum Deo, simul & sociis domum, ad quam diuerterent, ædificarunt. Sed hæc tandem Religiosis Dominicanis, vel vt alii tradunt, Augustinianis cessere; quibus hæc vinea doctrina, laboribusque excolenda cefsit. Quorum industria laboreq; factum, vt multi ad Deum accesserint, quamuis nihil hætenus certi compertum sit; nisi Reginam Armuzianā illorū opera fidei nomē anno M. D. LXXXVI. dedisse, sed Goæ baptismo vna cum fratre paruulo tinctam. Adolescentem porro hunc Mathias Albuquerqueius, Armuzianus expræfectus, in Lusitaniam ad Philippum II. Hispaniarum Regem perduxit. Regina deinde nobili viro Antonio Azenedo Cotignio, Lusitano nupsit, cum qua cū ille medio anno summa in pace vixisset, Armuziam opum vxoriarum causa profectus est: interim illa mariti absentiam grauitè ferens ac mœrens, eodem quo ille decessit die, suum clausit; mortem illius indoluerè Goanæ, quòd ipsa Regum Reginarumq; Armuziæ prima foret, quæ Christo nomen dedisset. Sed in Indiam iam commigremus.

C A P V T V I I I .

*De Magni Mogor imperio, potentia, opibus,
aliisq;.*

*Magnus
Mogor à
Tamerla-
no origi-
nem ducit.*

AMplam illam ac potentem regionē, quam Romani olim Indiæ interioris, vel intra Gangem dicebant nomine, hodieq; Indostanus nuncupatur; vel partem illius potiore, possidet hodie potens Monarcha, quem vulgari nomine Magnum Mogor appellant, quod primæ regionis à maioribus in India occupatæ incolæ Mogores dicantur. A Magno Tamerlano, vel Tamberlano, Tartarorum Rege, flagel-
lum

lum Dei dicto originem ducit, qui cum Baia-
zete eius nominis I. Turcarum Imper. bellum
gerens, eundem vnus diei certamine victum,
captumq; in regnum abduxit, vbi caueæ ferreæ
inclusum tenebat, & velut cani, si quando ci-
bum caperet, reliquias mensæ obiectabat. Si
verò equum conscendere vellet, eo velut sub-
sellio utebatur; quocunque se conferebat, ca-
tenæ aureæ, aut vt plurimi sentiunt, ferreæ al-
ligatum secum trahebat. Ab hoc per lineam
masculinam natus est is, de quo loquemur, sex-
tus Tamberlani nepos, vel vt alii loquuntur,
octauus ab illo rex. Natus est in puincia Cha-
quatenfi, quæ ad austrum Indostano confinis
est, ab occidente Persas tangit, ab oriente Tar-
taros: quamuis incolæ Turcis similiores sint,
quàm Tartaris aut Persis. Potissima enim pars
Turcico vtitur idiomate, at non tam eleganti
ac polito, quàm genuini Turcæ. Optimates ve-
rò & qui in regia versantur, lingua vtuntur
Persica, sed pronounciationē accentumq; alium
habent, simul & nonnulla vocabula. Rex hic
fratrem habebat, regulum Cabuli, qui locus
vltra Cambaiam ad septemtrionem est, Persi-
dem inter & Indiam: Veteres Arachesium di-
xere, vt nonnullorum opinio est. Atque hæc
sola regio hætenus à Tamberlani successori-
bus, reliquæ quam abauus compararat ditioni
eiectis, occupata fuit: aliquot tamen deinde re-
cuperarunt prouincias, quin & nouas imperio
addiderunt, quas etiamnum hodie possident.

Cæterum nepotes successoresq; Tamberlani,
abauis degenerantes robore, à Parthis, quos ho-
die Patanos vocant, ita exagitati sunt, vt om-
nibus aui prouinciis deturbati fuerint, vnico
excepto regno Cabulensi. Nepotes successoresq;

*Chaquata
prouincia
eiusq; fi-
nes.*

*Nepotes
Tamber-
lani, eo-
rumq; ge-
sta.*

poste-

*Baburxa
gesta.*

posteriores viso tam angustos esse imperii limites, monentes lacertos & hosti obuersantes, assiduus præliis fatigatos Parthos non modò loco pepulerunt, sed & omnem regionem, quæ hodie Magni Mogor regnum dicitur, occuparunt. Baburxa regis, de quo loquemur, auus hanc Indostani, fugatis hinc Parthis, & ad vsq; insulas Bengalanas abactis, inuasit. Defuncto Baburxa, bello Parthi aduersus filiũ eius Emmaupaxdam restaurato magno hunc cum dedecore in ipsos Cabuli fines compulerunt. Videns verò vires sibi deesse, quibus hosti resisteret, Persarum regis implorauit auxilium. Spondit opem Persa, modò Mahometanani legem, commentatore & interprete Haly expositam, more Persarum amplecteretur. Non abnuenti Emmaupaxdæ aliquot bellatium milia Persa destinauit; quorum ope paternam ditionem, exactis è Mogor Parthis, recuperauit. Huic successit is, de quo iam cõmemoramus, Echebar, vel, vt alii, Achebar; seipsum tamen in diplomatis regis Mahumetum Zelabdinũ Echebarem dicebat, vt suo videbitur loco.

*Echebar
Emman-
paxdæ filius
alias ditio-
ni addit
provincias.*

Is ceptum à maiorib⁹ aduersus Parthos bellum profecutus, illis fugatis, Bengalæ regnum, quod illi inuaserant, occupauit, & ad aliquot illius insulas compulit. Addidit deinde & imperio regnum Cambaïæ, dehinc & alias Indostani prouincias; neu prius à dilatando cessauit regno, quàm deficeret vita. Vt iam laud procul à regis Narasingani, Calecutani, aliorumq; mari imminentium ditione limites imperii collocarit; & ad Goanæ vsque insulæ venerit terminos. Plurimos in regia fouet regulos vel armis debellatos, vel vltro illi subditos, ne fortè regnum vi armata inuaderet. Interdum vigin-
ti, qui

*Viginti re-
ges alit.*

ti, qui diadema gestandi ius habebant, & regi Calcutano potentia singuli nō cedebant, numerati illius clientes. Alii verò suis se regnis cōtinent, ne verò suo ipsi corpore corā famulentur, vt clientes illi domestici, amplius aliis vectigal annuè persolunt. Horū nonnulli Pagani sunt, nonnulli Mahometani, at illos Echebar, quamuis & ipse Mahometanus, vt exterius quidē ostendit, sibi fideiores expertus est. Limes imperii haud facile statui possit; quoad *Imperii il-* enim vixit, imperium indies dilatauit: 27. O- *lins limi-* ctobris die, anno sæculi huius 605. demortuus *tes.* est. Anno verò sæculi superioris 82. omne illius imperium ad Occidentē flumine Indo & Perside Septemtrionali terminabatur: ad Orientē iisdē termini, qui Bengalæ, quā ipse occupauit: ad septemtriones Tartaria limes erat; ad meridiem alluebatur Oceano, qui & orā Cambaïæ alluit: at nihil oræ occupabat maritimæ, præterquā in Bengalæ. Reges. n. Malabares, Lusitani & Narfingannus & alii nonnulli omnia emporia, quin & aliquā Indostani portionē in cōtinente suis præfidiis tenēt. Omnis illi⁹ tū ditio 600. in lōgitudinē, & 400. in latitudinē patere credebatur leucas: at regnū Caximir & alia nonnulla postea occupauit. Vniuersa ditio fertilis est, & ad victū cuncta necessaria profert; nam Indum inter & Gangem, qui multis anfractibus ac ductibus, vniuersam regionē, velut hortum irrigant, nouem alia minora intercurrunt flumina, quæ in hæc duo maiora se exonerant, Taphi *Flumina* scilicet, Heruada, Chambel, Tamona, quæ in *Indostani.* Gangem defluunt; Catamel, Cebcha, Ray, Chenao, Rebeth, in Indum delabuntur, quem Schind incolæ indigetant. Hinc vber omne solum, & magnæ Magni Mogor diuitiæ. Omnia namque

*Diuitia
Magni
Mogor.*

*Potentia
bellica.*

*Elephanto-
rum copia.*

namque regna & prouinciæ, quas occupat, adeo in ius illius ditionemque transeunt, ut, quamuis reges ipsos ac dominos, iisdem suo nomine præficiat, tertiam tamen reddituum vectigaliumque partem sibi reseruet. Reliquum ipsi in se, remque familiarem, milites, equos, elephantos, quos habere semper paratos oportet ad subitos bellorum incursus, impendunt. Magnæ quoque regnis illius diuitiæ accedunt ob frequentia gemmarum, aromatum, cinettarum, pannorum gossipinorum, telæ aureæ, lanæ, aulæorum, holoserici, byssinique lini, metallorumque commercia. Equorum hic ingens copia, quos Perfide & Tartaria euocant. Maior quoque illius in bello potentia. Habet enim multos regulos ac præfectos, quorum quilibet suis expensis duodecim quatuordecimve alit equorum millia. Hos è prouinciæ sibi concreditæ vectigalibus, ut diximus, alere compelluntur. Alii his inferiores septem octo ve millia; singuli quoque horum multos elephantos alunt ad bellum edoctos. Quina elephantorum millia solus rex in aciem producere potest. Quibus si toto regno habitos elephantos annumeres, ad quinquaginta millia accedent, quos, dum opus fuerit, in bellum producit, uti iam iam referemus. In bello, quod aduersus fratrem Chabuli principem gessit, qui magna bellatorum copia in regnum Echebaris irruperat, præter innumeros pedites equitesque, quos velut præfidiarios in debilioribus regni locis disposuerat, quinquaginta equitum, & quina elephantorum millia, adhæc peditum copias innumeras, in aciem produxit. Ad bellum processurus ex omnibus regni gentibus, è Mogolibus, Coronanis, Torquimachis, Bolocchis,

Guzzara-

Guzzaratis, Indoſtaniſque, aliisſque tam Mahometanis, quàm Ethnicis copias conſcribit. Tormenta bellica plurima ad bellum trahit, quæ in prima conſtituit acie, elephantes in poſtrema; quos hoc armant modo, frontem lamina conueſtit ferrea, vel pellis indurata, quæ ictibus reſiſtat. Proboscidi alligâtur enſes, den-
Elephantorum armatura.
 tibus prominētiſſimis pugiones, quatuor turrita propugnacula lignea tergo geſtant, & in his totidem milites, arcu vel ſclopeto inſtructos, qui belluam regit, lorica vel ſquammato munitus eſt thorace. Nunquam elephas in prima locatur acie, tum ne hoſtium conſpectum
Cur in prima acie elephantes non collocentur.
 magnitudine ſua impediat, tum ne ſaucius militum ordines curſitâdo turbet, & obuia quæque proſternat, ſed in extrema ſtatione hæret, vt, ſi forſan eatenus penetrarit hoſtis, vndiquaq; emiſſæ belluæ illius impetum excipiant ac retundant. Nam nullis etiam armis inſtructæ, ingentem ſua proboscide ſtragem edere ſolent; arreptos namque hoſtes in altum vibrant, humique deiectos pedibus proculcant: vel certè arietū inſtar, ferrata in obuios fronte ruunt.

Vetus Regum Mogor ſedes in Indoſtano eſſe
Regia Mogor.
 ſolet in vrbe Deli; at Echebar primus Agram regiam tranſtulit, ſed quod duos hic filiorum amiſerit, aliam conſtruxit, & quidē elegantiſſimam, quam Pateful, vel Fateſur nuncupauit. Verum ex quo Lahor regnum occupauit, ipſius metropolis regno cognominis, in regum ſedem delecta. Hic anno 1582. quo primum Societatis Patres eodem penetrarunt, quadrageſimum agebat annum; robuſto erat corpore,
Illius veſtes.
 ſtatura mediocri. Veſtes auro gerebat intertextas, tiara caput tegebat, ſuperior tunica ge-

nua non excedebat; caligæ ad talos vsque dimittebantur, cum vdonibus more nostrati. Calceorum forma peregrina ab ipso inuenta. Frontem variæ ornabant gemmæ. Europæa delectabat eum vestis, quin & serico nigro more Lusitano parata, sed priuatim utebatur. Læteri accinctus semper erat ensis, vel ad manum iacebat. Quotidie corporis mutabat custodes, simul & rerum domesticarum præfectos; sed post octiduum ii ipsi denuo per interualla ad officium redibant. Sagacissimus erat, valebat iudicio, prudentia & ingenio, sed & humanitate summa. Generosus erat, vt qui maxime & animi fortitudine præclarus. Facetus, amabilis & comis, regiæ tamen grauitatis decus nõ excedebat. In bonum propendebat, externorum amans, & præsertim Christianorum, quorum aliquos semper secum habere desiderabat. Erga omnes artes afficiebatur, & non modo bellicam callebat & politicam, sed & mechanicas permultas. Oblectabatur inprimis confi-
Exercitia. ciendis sclopetis, conflandisq; tormentis, imo in ipsa regia officinam habet huic operi destinatam. Valebat rerum multarum peritia, de variis norat sectis institutisque differere, quorum cognitione inprimis delectabatur. Legendi scribendiq; quod mirere, artem nesciebat; doctorum tamen virorum afficiebatur familiaritate, qui coram eo varias de omni re quæstiones disceptabât, ac diuersas commemorabant historias, sed hoc docto exercitio literarû se sperat defectum supplere posse. Natura erat melancholicus, & epileptico subiectus morbo, vt ad animi recreationem varias voluptates, ludos, mentisque relaxationes quæreret: hinc elephantorum, camelorum, bubalorum, quin
Iudi. & gat-

& gallorum, arietumq; commissionibus se oblectabat. Gladiatorum arte capiebatur nō minus; quin & interdum ad mortem vsq; eos depugnare, Romanorū more, volebat. Elephantēs quoque & camelos ad numerum saltantes, gesticulātesq; magna animi voluptate spectabat: verum quod admiratione dignum, dum his vacaret spectaculis, grauiissimi momēti interdū negotia expedire solebat. Venationi studebat ferarum, quibus regio illa abundat; quibus captandis nō canes, sed pantheras adhibebat. Ibi enim carum more venationi adaptantur. Aucupio nō capiebatur, quamuis aues haberet prædæ captandæ peritissimas, & aucupes optimos, summa dexteritate artis, vt sagittis, licet implumibus nec ferratis in cœlū emissis, aues præteruolantes certo ferire & in terrā deicere possint: Ad capiendos ceruos siluestres aliorū ceruorū utebatur industria; gestant hi in cornibus laqueos, quibus alii dum arietant, & cornu feriunt, sese induunt, & à venatorib⁹ instantib⁹ captantur. Alio etiā exercitio venandi utebatur, dum bellum gerebat; obsideri siluan ingentē à tribus quatuorve hominū millibus iubeat; alios deinde in siluā interiorē immittebat, qui feras ad vsq; siluæ limites compellerent, itaq; ab obsidentibus caperentur: quorū manus si forte fera elabatur, pœnam luebant.

Hæc erant illius oblectamenta. In seriis quomodo se gereret, iam disquiramus. Bis de die rebus omnium audiendis in publicum prodire consistorium solebat. Duas hanc in rem regia areas habet capaces & amplas, in quarum singulis solum auro gemmisque conuestitum. In primam omnes ad vnum, etiam viliores admittebantur, quibus ipse audiendis vacabat:

Venatio.

*Quomodo
causis au-
diendis
vacet.*

*Iustitiam
quomodo
exerceat.*

Secundam nemo nisi duces, præfecti, satrapæ, & regum externorum legati de rebus maximi ponderis acturi, subeunt. Octo semper viros, iuris dicundi peritissimos apud se habebat, iudicioq; præstantes, qui per intervalla singulis septimanæ diebus iudicio præerant. Hi regem allocuturos introducebant, hi causas examinabant, simulq; ritum cum rege agendi, præsertim si externi forent, intrandi, salutandiq; præscribebant.

In hoc siquidem religiosi admodum sunt, atque inter alia regiones pedes exosculantur, si quando illum salutandi causa adeunt. Ius administranti adstabant secretarii, actoresq; publici, qui quidquid diceret, definiretq; sedulò accurateq; scriptis mandabant; quod non ab hoc modò, sed & à Rege Persarum aliisque Orientis Regibus fieri solet. Respub. magistratus habent, qui iustitiam exercent, lites controverfiasq; dirimant. Sunt & alii, à quorum sententia appellare liceat, sed omnes viva voce, non scripto, sententiam dicunt. Rex porro hic unicuique suum ius quàm poterat, diligentissimè administrabat.

*Maleficos
quomodo
puniret.*

In suppliciis inferendis, etiam morte, satis moderatus erat. In ea vrbe, in qua residebat, nullus facinorosus, ipso inscio ad supplicium rapiebatur; atq; hic humanitatem & clementiam ostendebat. Nonnullos tamen coniurationis aduersus se initæ reos elephantis obici voluit. Furibus & piratis, nisi quem interfece- rint, sola præcidebatur manus; nonnunquam & maleficos, Turcarum ritu, præacutis sudibus configi iubebat; adulteros, homicidas, latrones in crucem agi, strangulari, vel iugulari, prout rei gravitas exigebat. Qui leuiora delicta commi-

commiserant vapulantes dimittebantur. Denique clementiæ, humanitatisque etiam erga inimicos laude clarebat. Hinc cuidam ex optimatibus, prodicionis & coniurationis reo, secunda etiam vice cum relapsus esset, crimen remisit, opera consiliisque eo quo prius modo vtens; sed vbi tertio in eiusdem criminis suspicionem venit, in crucem eum quamprimum agebat. Rarissimè indignabatur; at vbi ira erumpebat, dici non potest, quantum efferueret, sed quamprimum ad mentis serenitatem redibat. Antequam quid magni momenti ageret, suorum consilium explorabat; quid autem acturus esset, secum ipse statuebat. Quid fieri expediret, interdum consiliariis declarabat, vt eorum super ea re cōsiliū haberet; quod cum vt vtile probarent, illi consentiendo respondebant: Pax sit Regi nostro. Si verò cuiquam aliqua hic occurreret difficultas, eamque dissoluendam proponeret, benignè auscultabat, rationibusque prolatis respondebat, sui consilii ratione reddita: si verò rationes in contrarium meliores prægnantioresque forent, sæpe sententiam mutabat, sermone Persico omnes pene optimates vtuntur, doctiores tamen & sacrificuli Arabico. Hæc sunt, quæ de Magno Mogor eiusque imperio comperta habui, iam quo modo fides eodem introducta sit, videamus.

*Clementia
illius &
iustitia.*

C A P V T I X.

*Cur Magnus Mogor Goa aliquot Societatis Patres,
euocarit? quid in Rege ad fidem conuer-
tendo ab illis præstitum sit.*

CVM Anno M. D. LXXVIII. Antonius Capralis Lusitanus cum aliquot aliis ab Indiæ Prorege ad Mogor legatus missus esset; Magnus Mogor quamdiu ibidem Lusitani a-

*Mogor Sa-
cerdotem
Christia-
num euo-
cat.*

gerent, mores viuendiq; institutum sedulo ob-
seruabat, secum tacitus perpendēs, quales tan-
dem reliqui Christiani forēt. Tantopere porro
illorum agendi placuit ratio, vt quæ instituta,
quæ lex foret Christiana, per otium peteret.
Præcipua illi fidei capita, quoad potuit, legatus
aperiebat, quam à Patribus Societatis in India
passim promulgari asserebat. Inaudierat iam
ante rex, duos eiusdem Soc. viros ante bien-
nium Bengalani fidei rudimenta proposuisse;
essetq; in India eiusdem Societatis permultos,
qui legem Christianam promulgarent, & per
varias orbis prouincias omnes ad Christi fidē
perducere conarentur. Petrus quoq; Tauerius
Lusitanus, magna auctoritate vir, qui diutius
in Mogor cōmoratus fuerat, longē accuratius
postea præcipua fidei nostræ mysteria illi, vltro
omnia curiose indaganti, explicauit. Quocir-
ca audito in Bengala Christianum sacerdotem
cōmorari, qui virtutum laude præstaret, hunc
ad se euocauit, à quo accuratius rebus fidei im-
bueretur. Hic (cuius nomen reperire non po-
tui) cum initio Martii anno M. D. LXXVIII.
Patefulam ad regiam appulisset, magna Rex il-
lum excepit beneuolentia. Haud multò post
euocationis illi rex causam aperuit, scilicet ex
illo scire se velle, meliorne Christiana an Ma-
hometana lex foret. Præcipua fidei sacerdos illi
aperiebat capita, simulq; Mahometicæ legis in-
eptias absurditatesq; ad oculum demonstrabat.
Rex erga fidem nostram propendere non pa-
rum videbatur, simul & Mahometicam repu-
diare. Hinc euocatis ad se quadam nocte Ma-
hometanis Caciziis aut Mullis, apertè denun-
ciat, sacerdotis Christiani se velle consiliis ac-
quiescere, Deum scilicet orare, mentem vt illu-
straret,

straret, quò & veritatem ac rectam salutis semitam posset agnoscere. Intererat hisce sermonibus Sultanus Mechanus, omnium Caciziorum caput & primas; hic audita regis deliberatione, palam ait: Majestas vestra bonam legem obseruat, aliam vt exquirere, aut de hac dubitare necesse nō sit. Illico se è solio rex proripuit, dicens: *Adiunet nos Deus*, idq; secundo. Vt sibi legem suorum non satisfacere, & aliam cognoscere velle satis ostenderet. Rogabat dein sacerdotem, Lusitanicam se vt linguam doceret; hanc enim se scire inprimis velle, quò legem Christianam facilius intelligeret. Sedulò in hoc incubuit sacerdos, primum quod edocuit verbum, fuit sanctissimum nomen I E S V S, quod tantopere nomen Regi placuit, vt ad singulos id passus in regia repeteret.

De lege sua dubitat.

Disputabat Sacerdos quodam vespere cum Mullis; cuius certaminis verba Rex è conclauis suo audiebat (hoc enim in aula exteriori contingebat) hic dum Sacerdos inter disceptandum legem Mahometanam ineptiis, mendaciisque scatere dixisset; adeo Mullas offendit, vt, nisi egressus Rex illorum impetum retulisset, violentis eum manibus discerpissent, quos vt placaret, esse dicebat solenne disputantibus, suam opinionem vt veram ostendere, aduersariorum fallitatis coarguere. Dicebat hic inter cætera: Goæ socios plurimos esse, & doctrina & virtute insignes, qui varia Indiæ loca fide Christiana imbuerant, quibuscum si dubia sua communicaret, ac difficultates, fore vt abunde sibi satisfaceret, & omnes rei Christianæ nodi facile dissoluerentur; sibi enim illos rerum sacrarum scientia antecellere.

*Littera Re-
gis Mogor
ad Patres
Societ.*

Hiscē verbis horum videndorum, audiendorumq; concepit desiderium; hinc legatum in Indiam vna cum literis ad Socios Goanos, destinavit. Hæc porro litterarum erat series. Formanus Zelabdinus Mahometus Echebar. Venerandi Patres ordinis D. Pauli. Meum ut in vos affectum, amoremque testatum faciam, Ebadolam legatum meum, simul & Dominicū Brizum illius interpretem ad vos misi; quibus cum ut duos vestrum, qui litterarum sacrarum cognitione excellant mittatis, simul & præcipuos legis Evangelicæ libros secum deferant, inprimis rogo. Huius enim discendæ percupidus sum, eiusque perfectionis amplectendæ. Quapropter iterum obtestor, ut vna cum hisce legatis, quamprimum ut appulerint, aliqui vestrum veniant. Quicumque verò venerint, magno à me honore excipientur, & illorum colloquio conspectuque inprimis recreabor. Si verò ubi me legem ad vnguem (ut inprimis desidero) edocuerint, Goam repetere voluerint, per me licebit, quos magno cum honore officiisq; singularibus ad propria destinabo. Igitur venire ne grauentur, in meam quippe eos protectionem suscipio. Hæc Regiarum litterarum series.

*Patres ali-
quos de-
poscit.*

Legatus & interpres Goam cum perueni-
runt, hæc Patribus Societatis in Collegio D.
Pauli commorantibus pertulere; quæ socios
omnes incredibili affecerunt lætitiæ, dum sibi
persuadet unusquisque, misericordiæ diuinæ
thesauros ac bonitatis hoc pacto Regi patefa-
ciendos; & hanc sibi summis votis provinciam
qua erat caritate, deposcit. At Prouincialis, ubi
negotium Deo diuturnis multisque commen-
dasset, P. Rudolpho Aquauia, Ducis Atriensis
filio,

filio, Cardinalis fratri, & R. P. Claudii Aquavivæ Societatis totius Præpositi hodie Generalis nepoti; simul & Antonio Monferrato, qui deinde in Æthiopiam missus, in Turcarum manus incidit, ut libro tertio dicere memini; ac Francisco Fernandio hanc provinciam demandavit. Goa itaq; cum legato eiusq; interprete cum soluissent, viginti post diebus Suratum Cambaiæ emporium, trans Damanum opidum, quod in Magni Mogor ditione erat, pervenerunt. Tandem post plurimas itineris difficultates ac discrimina ad Regiam in Pateful XVIII. Februarii die, anno M. D. LXXX. devectum, tres & quadraginta dies itineri cum impendissent. Tanto illorum videndorum desiderio rex tenebatur, ut sæpe ipsos numeraret (ut postea relatum est) dies, quos ad iter superesse crederet, & nullo non momento à suis peteret, num adessent. Appulso igitur, ad regiam arcessit, à quibus multa per otium est sciscitatus ad mediam usque noctem. Antequam verò è regio conclavi se subducerent, magnam auri, argentique vim illis dari imperat: illi modeste donum excusare, nec partem illius admittere, quod religiosa paupertas aurum repudiet; & de ad victum necessariis (quorum causa Rex hæc offerebat) sperare Deum prospecturum; satis esse sibi modò amicum Regem experiantur. Recreabat Regem religiosa hæc munera repudiatio, quam deinde etiam sæpius apud Optimates ac Principes, velut insolitum quid & novum, deprædicavit.

Post triduum aut quadriduum adiere illum rursus Patres, quos ille eo, quo prius modo excepit. Quod verò legis diuinæ volumen (quo ille nomine Scripturam sacram intelligebat)

*Tres eodem
mittuntur.*

*A Rege ex-
cipiuntur.*

*Sacra illi
offerunt Bi-
blia, quæ il-
le magna
reuerentia
recepit.*

*Imagines
item Sal-
uatoris ac
Deipara.*

*Discipuli
de vera le-
ge.*

videre desideraret, Regia illi Biblia, aliquot distincta tomis, scite compacta & deaurata, dono dederunt. Magna ille recipere reuerentia, & singula inspicere, & supplex exosculari, ac deinde in caput sustollere, quod magni honoris ac reuerentiæ apud eos signum est: fiebat hoc in optimatum, præfectorumque conspectu, quorum potissima pars Mahometica dogmata sequebatur. Petebat dein, quonam tomorum sacra continerentur Euangelia; quæ demonstrata inspexit attentius, iterumque exosculatus est, atque vt prius capiti imposuit: ac deinde in conclaue referri iussit, atque eleganti arcæ inclusit. Obtulerunt adhuc effigies vnam Saluatoris Christi, ac Deiparæ alteram, non inscitè efformatas. Hæc ad imitationem illius, quæ Romæ in D. Mariæ Maioris æde conspicitur efficta erat. Saluatoris imaginem Rex in manus sumptam, magna animi pietate & affectu exosculatus, deinde filiis adstantibus, simul & magnatibus osculandam dedit, ac mox suo reposuit loco.

Vocauit iterum ad se Patres, simul & Cacizios suos, vt coram se disceptarent, itaque ipse ad veræ legis veræque Scripturæ cognitionem veniret, veræque fidei adhiberet. Hic Patres multis rationibus Sacræ Scripturæ auctoritatem firmitatemque, quæ Veteri Nouoque Testamento continetur, tueri, simul & Alcorani imposturas mendaciaque detegere. In primo hoc conflictu ita fracti sunt Mullæ, vt quid responderent, penitus non haberent, sed omnino obmutescerent. Non displicere videbatur regi hoc certamen, vt postea Patribus dixerit, legem illorum bonam sibi videri, sed optare se S. S. Trinitatis mysterium pluribus declarari ne

ri, nec capere se, quomodo filium Deus Pater genuerit, qui humanam carnem induerit? Hoc enim maxima legis Christianæ difficultas videbatur. *Difficultas legis.* Quæstionis solutionem dabant Patres, quam placere sibi non abnuebat, aliquem tamen in animo dubitationis manere scrupulum. Monebat deinde, sibi ut prospicerent, si quando coram Saracenis disceptarent; tam sanctæ enim eos doctrinæ, qualem docerent Patres, parum capaces esse.

Duxerant secum Patres Legis Mahometicæ volumen, Lusitanico redditum idiomate, ut eo facilius illius ineptias mendaciæque convincerent. Nec abs re: Nam interpretis ope ad oculum eadem detexerunt. Tribus à prima disceptatione diebus, aliam de cælo beatitudinæque instituerunt, quàm suis Mahometus post hanc vitam promittit; hic lasciuam, & impudicam illam beatitudinem, rationibus adeo eudentibus eluserunt, ut Mullæ rubore suffusi obmutescerent. Rex, visa suorum clade, causam defensionemque suscepit, sed quas Patres afferebant absurditates negare non potuit.

Feria quinta iterum in certamen cum Mullis descenderunt; hic Mahometis excusserant superbiam, arrogantiam, scelera, impietatemque, quam Christi humilitati, puritati, que opponebant; simul & veritatem doctrinæ, miraculorum multitudinem, quibus eadem confirmata fuit, sanctitatem quoque præconum, eandem mundo annunciantium, cum fabulis, mendaciis, commentisque Mahometis, quæ nonnisi ferro & armis inducta sunt, comparabant.

Hoc è certamine Mullarū tanta fuit confusio, ut de-

vt deinceps cum Patribus agere ausi non sint. Rex interim solitis eisdem officiis beneuolentiæq; prosequi.

Haud multò post expiscaturi Patres, quidnam è præcedentibus disceptationibus emolumentum in rege secutum esset, & num Christianam religionem vellet admittere; Regem adierunt, quasi illum officii causa salutaturi, quòd ab aliquot eum diebus non vidissent, solita eos excepit beneuolentia. Variis vtrò citroque in genere habitis sermonibus, loquendi de rebus suis copiam petebant Patres. Qua impetrata, Rudolphus Aquaiuia, qui aliis cū auctoritate præpositus erat, hac illum est oratione aggressus: Maiestas vestra, inclyte Rex, Prouinciali nostro literas scripsit, quibus aliquot sibi è nostris, qui legem diuinam edocerent, mitti postulabat. Ille piæ petitioni obsecutus,

*Patres cum
rege agunt.*

nos tres ad V. M. destinauit: & sanè non sine singulari gaudio nostro, cum Dei nos auxilio tam feliciter ad tam potentem legisque nostræ cupidissimū Principem videamus conductos. Accessit ad cumulum gaudii Maiestatis vestræ sermo, quo legis veræ cognitionis se percupidam declarauit, & eandem etiam amplecti velle. His aliisque inducti, ad finem, quem huc profecti spectabamus, perueniendi rationes interim excogitauimus. Re itaque maturè discussa, & Deo precibus aliisque pietatis exercitiis cōmendata; haud abs re nobis, ob mentis & corporis Maiestatis vestræ bonum, vitæ conseruationem, imperii augmentum, conscientiæ pacem, animi salutem, aliasq; ob causas visum est; tempus aliquod præfiniri, quo legis queat diuinæ expositionem audire, eam, comperto illam veram inprimis esse, ac nulla

alia

alia saluari hominem, sequi, facultatemq; concedere eiusdem liberè in omnibus regnis, ac prouinciis suis diuulgandæ. In Dei manu hæc consistere respondit rex; hunc quæ postularant Patres, facere quàm citissimè posse, se verò nihil magis in votis habere. Ostendere videbatur, ob non exigui momenti & æquissimas rationes, impediri se modò, quo minus Christo nomen daret. Adiut illum etiam alias Rudolphus, felix illi Pascha precaturus, quòd Dominicæ resurrectionis vigilia esset: Regem hoc nò parum recreauit, magnoque Patrem affectum gaudio ad plenâ noctem apud se detinuit. Inquirebat insuper multa super mysterio resurrectionis; formulam quoque Deum precandi Christianis vsitatam sibi monstrari volebat: quibus cum Rudolphus satisfecisset, & simul aliis quæstionibus, ad propria summa cum humanitate dimissus est.

Item alias.

C A P V T X.

*Magna conuersionis regie spes habetur; sed quòd
repentinus in regno motus insurgeret,
à cæpto destitit.*

REx ergo cum sciret ædes, in quibus Patres diuertebant, incommodas admodum esse, & ob turbas quotidianas, hominumq; assiduè illic transeuntium tumultum molestas, alias iisdem aptiores in regia ipsa assignauit, quò illos apud se haberet, sæpiusque per otium inuiseret, aut ad se euocaret. Parare hic ædiculam Patres ad sacra peragenda; sæpius illos rex adire, ac filium secundogenitū illis tradere, quem linguam Lusitanam, simul & scribere ac legere Europæo ritu, fidei etiam Christianæ mysteria edocerent. Porro Anno M. D. LXXXII. quo Patres ibidem erant, tres habebat filios, ac filias

*Patres in
regia hospi-
tantur.*

*Secundo ge-
nitū filium
illius in dis-
ciplinam
tradit.*

lias

*Rex Patres
visitat.*

lias binas. Primogenitus, qui deinde in regno
succesit, decimumoctauum aut circiter tum
annum agebat, ac Scieco dicebatur; cui hono-
ris causa, (vt in quibusdā Europæ regionibus,
nobilium, magnatumq; nominibus agnomen
Domini) adiungunt vocabulum Gio. Horum
lingua Gio animā denotat, & appellāt Scieci-
gio, quasi dicas anima vel persona Scieci filius
secundogenitus dicebatur Pahari, qui id tem-
poris tredecim annorum erat, atq; hunc Patri-
bus traditum diximus, vt Idioma Lusitanicū
edoceretur & fidei Christianæ rudimenta, erga
quam se mirifice affici ostendebat: spemq; inli-
gnis profectus tum facilis indoles tum ingenii
uiuacitas pollicebatur. Postremus Dan dice-
batur, quasi dicas Daniel. Sed & vt ad lineam
redeamus: Rex filium quodā tempore exami-
naturus, quid disceret, reperit apud eum para-
digma scriptionis à Patrib⁹ datum; quod cū
ille Patris iussu legere ccepisset his verbis: *In no-
mine Dei*, pater subiecit, vt adderet, & *Iesu Chri-
sti veri Propheta & filij Dei*, q; illo præsentē etiam
addidit. Iuit deinde ad Patrum oratorium, in
quo quotidie, præsentib⁹ Lusitanis, qui in aula
versantur, sacra celebrabāt. Nonnulli enim hic
sedes sinxerant, alii cōmerciū gratia interdum
huc proficiscuntur, solus ingressus sine arbitris
rex, tiam capite detraxit, & primum genibus
nixus more nostro orauit, tum suo, nempe Sa-
raceno-Persico, horum enim Legem exterius
profitebatur; postremò etiam gentilitio: dein-
de aulæ strato insedit & puluinaribus, vt pa-
triæ fert mos, cui Patres assedēre, quibus ille
mox ait, non dubitare se, quin Christiana reli-
gio omniū foret optima, vitæq; Christi & mi-
racula plusquam humana; at comprehendere
se

se nō posse, quomodo filium habeat Deus. Aliās
 pōst varia colloquia ait: Multa de lege vēstra
 intellexi, Patres, quæ plus arridēt, quā quid-
 quid hactenus de Mahometica Gentilive reli-
 gione didici. Verū Mahometana omniū mihi
 videtur deterrima. Pōst octiduum ad oratoriū
 tribus comitatus filiis & proceribus reuersus,
 omniaq; attentē perspiciebat corā omnibus di-
 laudauit, mandauitq; tam filiis, quā optima-
 tibus, calceos vt deponerent, vt Mahometani
 solent cū sua fana subeunt: ipse item suos exuit.
 Imagines Christi, Deiparæ, aliorumq; Sancto-
 rum singulari prosequēbatur reuerentia, quas
 à pictoribus suis exprimi, depingiq; voluit. Au-
 rifabro etiā mandauit, vt ex auro thecam reli-
 quiis imponendis cōficeret, ea forma, quā Pa-
 trum enea erat, incisiss hinc inde Christi Deipa-
 ræq; imaginibus. Affirmauit deinde sibi legem
 illorum non displicere, at S. S. Trinitatis, simul
 & Incarnationis Dominicæ mysteria compre-
 hendere nō posse: si vtrumq; sibi apertē osten-
 derint, Christo nomen se daturum, imo & si
 opus fuerit regno cessurum. Tametsi verō ipse
 semper anxius fluctuaret, subditi tamē vt erga
 Christianā legem afficerentur, magnopere stu-
 debat; quam palam ipse deprædicare ac pro-
 mulgare non verebatur, vt qui in votis habe-
 ret, omnes vt Christiana sacra susciperent.
 Quotidie quoque cum sacrificulis suis imperi-
 tis rerum, Mahometumque & Alcorani præ-
 cepta tueri non valentibus, disputabat Penta-
 teuchum quidem, Psalterium, & Euangelia
 omnes admittunt, sed neq; habent, neq; legere
 fas est; horum enim lectionem scelestus impo-
 stor Mahometus inhiuit; vt suo illos gladio
 Patres iugularent: Si enim, inquiunt, Alcoran⁹
 vester nō minus scriptura est, quā Pentateuch⁹,
 Psal-

*Christianā
 legem om-
 nibus præ-
 fert.*

*Imagines
 honorat.*

Pſalterium & Euangelia, vt creditis, nulla inter illum & hosce libros eſſe diſcrimen debet, aut differentia; ſi qua verò reperiatur, alterutram falſam eſſe certiſſimum eſt. Atqui contumelioſum & impium eſt, vt ipſi non grauati fatebimini, Pentateuchum, Pſalterium & Euangelia falſitatis inſimulare; veſter ergo Alcoranus, qui à libris ſupradictis adeo diſſidet, mendax ſit & falſus oportet. Hæc aliaque cum Rex probè intelligeret; Mahometana ei lex prorſus deſpiebat, & ſacerdotes Mullas penitus negligebat, & palâ hoc & in luce omnium dicere non verebatur: Chriſtianam verò religionem ubiq; fouebat ac deprædicabat. Cumq; ſciret nonnullos in ſeruitutem abreptos, in regno ſuo Chriſtianam religionem, vt ſe in libertatem vindicarent eiuraſſe, (pollicentur ſiquidem Mahometani Chriſtianis captiuis libertatem, modo fidem ſuam eiurēt) & hos facti pœnitentia tactos ad mentem redire, vtq; liberius eandem fidem profiterentur, ad Chriſtianas bona cum regis venia reuerti velle regiones, vt inter Chriſtianos agerēt, facile hoc eis conceſſit. Vni verò qui hîc manere malebat, permiſit, non modò vt Chriſtianorum viueret ritu, & habitu ſe veſtiret, ſed & in dômum velut domeſticum famulum admiſit. Obiit ſub id tempus Luſitanus, qui aulam ſectatus erat; hunc rex à Patribus ritu Chriſtiano ſepulturæ mandari permiſit, prælata videlicet cruce, & accenſis facibus, quas cæteri Luſitani per mediuni ciuitatis, bono omnium exemplo, portabant; caritatem enim hanc Chriſtianorum eximiam erga deſunctos Ethnici admirabantur, vt & Mahometani nōnulli pro deſuncti anima precarentur, & in cadauere humando operâ ſuam offer-

offerrent. Arguebant hæc propensum regis in fidem nostram animum, plurimis tamen de causis ab eadem alienus erat. Nolebat inprimis S. S. Trinitatis & Incarnationis Dominicæ credere articulos, nisi perspicuè eosdem intelligeret. Tunc semper in fide anxius nutabat, cui manus daret nescius. Ethnici enim, inquebat, suam esse veram iactant, iactant & Mahometani, & Christiani. Quibusnam credemus? In hoc Princeps hic, alique plurimi athei delinquant, sub fidei obedientiam intellectum captiuare nolentes; dum nihil verum putant, quàm quod ingenio possunt comprehendere, & ad illud res omnem humanum caput excedentes metiri volunt.

Diuertebat ad hæc illum rerum variarum perturbatio occupationesque quotidie insurgentes; quibus ita immersus erat, sui ut non esset; nullum proinde suppetebat vacuum à negotiis tempus, quo fidei articulos edoceri per otium posset, prout necesse videbatur. Adducebant hic variorum Japoniæ Regum Patres exemplum; quibus cum de die tempus non suppeteret, quo in fide instruerentur, bonas noctis horas doctrinæ Christianæ impendebat. Idem facturus videbatur; sed verba dabat. Solenne illi erat etiam, dum questionem priori à Patribus satisficeret, de alia, nondum plena solutione audita, inquirere; ut moræ impatiens & nouitatis curiosæ amantior videretur. Quod enim incredibili discendi desiderio teneretur, simul omnia scire cupiebat, famelicorum instar, qui quo famem expleant, omnia simul edulia deuorare vellēt. Sed impendebat illum inprimis, ut non nemo sentiebat, vxorum multitudo, quas Mahometana illi lex permittebat: centum

*Cur fidem
Christianā
rex non sus-
ciperet.
I. Regis im-
pedimen-
tum.
Impiorum
peccatum.*

*Negotiorū
frequentia
II. Impedi-
mentum.*

*III. Vxo-
rum copia.*

IV. Miraculi videntur desiderium.

enim gynæcio mulierculas inclusas tenebat. è quibus amorem animumq; illius diuertere, & ad legitimum cum vna coniugium pertrahere difficillimum videbatur. Denique miraculum maximopere desiderabat; hinc secundo, aut tertio à Patribus petebat, num miraculo suæ cōfirmare fidei veritatem vellent. Proponebat ergo, vt cum Euangelis suis ignem luculentū ingrederetur, simul & Mullæ suo cū Alcorano; atq; eos veram habere fidē se crediturum, qui inuiolati & integri igne egrederentur Patres, arrogantia & præsumptionis hoc signum esse, respondere, nisi diuino fiat instinctu; & aliud, quàm Deum tentare. Cessit tandem rationi, & curiositatem hanc animo seposuit.

Quem tamen erga Patres & fidem nostram declarabat affectus, multis illius penitus cognoscendæ desiderium iniecit; inprimis vni è sacrificulis nomine Abdulfasil. Regi hic à sacris erat & percarus; desiderabatq; fidei Christianæ mysteriis imbui. anne fidei id fieret studio, an verò placendi regis, & coram eo loquendi desiderio, nesciebant Patres. Rex tamen illius voluntate comperta, carius illum complecti, & maioribus officiis delinire, Patresq; monere, vt cum illo velut persona regia, de omnibus, quæ communicatum vellent, liberrimè agerent. Et sanè plurima Patribus officia præstitit, vt suo dicemus loco. Idem quoq; desiderium in regio medico apparuit; atque hi duo Patribus nullo non loco & tempore auxilio fuere. Verum Patres, viso Regem nihil certi statuere, alios interim Christo lucrari contendunt; idcirco à rege baptizandi quoslibet, qui Christo dare vellent nomina, facultatē petunt, quā haud illibenter concessit; perque Abdulfasilem denunciavit, permit-

permittere se, vt quoscunq; possent, Christianis
 sacris initiarēt; in quo si quod à quoquam ob-
 staculum fieret, ad se referrent, pro delicti se *Dat Bapti-*
 modo animaduersurum; nosocomium vt edi- *fini rex fa-*
 ficarēt, permisit, ex eleemosynis Lusitanorum. *cultatem.*
 Experientia siquidē constat, permultos Genti-
 lium & Saracenorum visa Christianorum ca-
 ritate, ad Christianam religionem esse propen-
 siores. Hæc aliaq; quibus Dei gloria augebatur,
 & inprimis regis in Patres & rem Christianam
 Christianosq; beneuolētia, multis desiderium
 iniiciebant, vt ad Christum se conferrēt. Adeo *Multi do-*
 vt docēdis catechumenis Patres penitus occu- *centur res*
 parentur. Interim dū optima spes messis afful- *fidei.*
 geret, salutis hominum aduersarius diabolus,
 totum turbare negotiū cœpit. Parthos igitur
 vel Patanos, quos in Bengalanas insulas reda-
 ctos diximus, exciuit, vt aduersus regem (quem *Parthi ad-*
 à maiorum lege & Mahometis dogmate, quo *uersus Re-*
 Christianam susciperet, desistere inaudierāt; *gem se com-*
 vt suas hoc modo turbas regerēt, vti postea re- *mouent.*
 tulerūt) arma sumerēt. In Bengalano igitur re-
 gno excitato tumultu regium Præfectū inter-
 fecerunt, & cum rege Chabul, Magni Mogor
 frat̃e sua consilia cōmunicabant. Hic eodem *Frater regis*
 simul tempore, ingenti collecto exercitu in fra- *in ditionem*
 ternam ditionē irruerat, atq; ad centum leu- *illius ir-*
 cas iam progressus erat. Perculit regem inopi- *rumpit.*
 nus hic motus, atq; hinc occasionē Mullæ, quo-
 rum omnis apud regem auctoritas sordebat,
 Christianam religionem fugillandi, suamq; de-
 prædicandi sumere; Regi siquidē à Mahometo
 abhorrēti sinistros hosce euentus adscribebāt.
 Hisce aliisq; Mullarū susurris paulatim pia illi⁹ *Regis in fi-*
 in Patres beneuolentia refrixit; hinc illorū de- *dem propē-*
 clinare cōsortiū colloquiumq; quin & ipsū de *sso refrixit.*

Bengalæ amissione solandi causa adeuntes, ne audire quidem, nec ad se, vti solebat, euocare sustinuit. Interim fratri, quinquaginta equorum ac quinque elephantorum millibus, ac innumera peditum turba stipatus occurrit. Hac militum manu Chabulensis perterritus paulatim retrocessit; quem Rex insecutus trans Indum compulit. Dein Bengalios tumultus à Patanis excitatos facili negotio cōposuit. Rebus pacatis reducem Patres per Abdulfasilem allocuti petierunt, num in fidei nostræ mysteriis erudiri vellet vltcrius: quòd enim illius potissimum causa venissent, omne quod regiæ salutiprocurandæ tempus non impendebatur, perditum credebant. Hac de re factus certior rex, illos haud multò post ad se euocauit; sed nonnisi curiosis, parumq; vtilibus quæstionibus tempus trahebat. Petebant Patres, vt, si forte præcedentibus disputationibus Christi ac Mahometis doctrinæ discrimen nondum satis percepisset, aliam rursus indiceret, vt, visa meliori commodioriq; fide, eandem amplecteretur. Parum hæc placebant regi, dum pristinos Mullarum suorum motus veretur; instantibus tamen in hoc ipsum Patribus, sabbathum sequens disputationi indixit. Hora præfnita hi regiam adeunt; Rex verò, cui certamen hoc displicebat, varias afferre causas, ob quas interesse disputationi se posse denegaret, vt ita eandem penitus impediret. Fidem violatam non parum dolebat; sed eandem vt repararet, in diem Lunæ sequentem certamen reiecit. Huic ipse cum vniuersis Optimatib⁹ ac Satrapis interfuit; confluxerant huc etiam plurimi Mullæ, doctrinæ opinione celebres; quos Mahometum tueri conatos, in tantas Patres angustias conie-

*Disputatio
Patres inter
et Mullas.*

conie-

coniecere, ut cum plurimarum rerum Alcorano traditarum rationes dare non possent, neu coeptam defensionem prosequi, rex ipse, illorum absurditatibus commentisque perspectis, aliquid interdum iocans de suo interfereret, suos ut sacrificulos tueretur, eorumque pudorem velaret. Sed tanto argumentorum pondere & efficacia illum Patres retulerunt, plurimi ut adstantium Mahometis imposturas, illiusque legis commenta probe perspicerent.

C A P V T X I.

Patres, dum sine ullo prorsus fructu tempus teri vident, Goam repetendi à Rege facultatem petunt;

P. Aquauia solus hic ad triennium subsistit.

MUtatum Regis animum, è superiori con-
certatione facile notarunt Patres, quòd Mahometanam legem, eiusque mystas acriter tueretur; visum itaque Goam repetendi ab illo veniam petere. Oportunè admodum id à Rudolpho factum. Hisce enim verbis quodam die Regem aggressus est. Mihi dubium non est, inclyte rex, quin fidei mysteriorum expositionis addiscendæ Maiestas vestra percupida sit; & ad eandem suscipiendā penitus inclinata sit; sed, quòd subditorum tumultus metuat, hanc voluntatem detegere non audere. Visum itaque nobis, cum labores nostri in regia vestra inutiles sint & frustra, maiori alibi foenore eosdem impendere. Quid testā hac oratione vellet rex, quamprimum intellexit; respondit itaque, pergratum sibi esse, diutius illos in aula hærere; sed hisce illos verbis, velut honesto velamine, voluntarium abitum prætexere. Nequaquam, ait Rudolphus; sed Maiestas vestra nostrum reipsa hic commorandi, subditisque vestris ob-

Facultatem redeunt di Goam Patres petunt.

Rex irascitur audita illorum abeundi voluntate.

sequendi desiderium, voluntatemq; promptissimam perspiceret, modò in legis diuinæ expositione audienda assiduus foret. Conticuit hic rex, sed vltèrius nihil locutus in regium conclauē, quasi discessum illorum indignè ferens, se proripuit.

*Cur apud se
illos retine-
re vellet.*

Cur liberè abeundi veniam negaret Rex, scire volebant Patres, cùm fident tamen non susciperet: Abdulfasili igitur petita rei causa, retulit, Regem, potentiam, splendoremq; ostentare cupientem, simul & variorum cognoscendorum percupidum, omnigenam in regia gentem habere velle, & illos imprimis; quod illorum agendi ratio doctrinaq; plus alia arrideret. Addidit insuper, illum sacra Bibliorum volumina, quæ Goa detulerant, pridie magna reuerentia in caput sustulisse, quem tamen honorem Alcorano, elegantius splendidiusq; compacto, sibiq; ea die delato non exhibuerat: Recreauit Patres nonnihil hic nuntius, ideoq; omni qua poterant ratione ad fidem Christianā illū denuo pertrahere conati sunt. Viso igitur indignationem ob discessum conceptam paulatim deferbuisse petebāt, num gratum foret, si regiam prolem iterum Lusitanicum sermonē edocerēt. Nihil sibi accidere posse cum responderet gratius, Ant. Monserratus hoc onus ac laborem suscepit; atq; ita in illius gratiam redierunt. Frequentius propterea adibat Patres, de filiorū profectu sciscitaturus, nouumq; in eos indies affectū monstrabat. Cum tamē aliquod de diuinā lege verbū interfererent, non eo quo prius gustu voluptateq; audiebat. Inhærebant siquidem altius animo, Mullarum sinistri de Christianorum lege sparsi, rebellantibus Patanis in Bengala, rumores, illumq; nutare & flu-
ctuare

*Patres Lu-
sitanicam
Linguam
Regis filios
edocent.*

stare ancipitem cogeant. Accedebat adhuc scelestâ ac flagitiosa vita, quâ Mahometanâ legis libertas causabatur, ut quamvis legem Christianam cæteris anteferebat, hæc ipsa constrictus velut compedibus teneretur. Saraceni quoque, viso illum in Christianos propendere aduersus illud arma sumere & cristas tollere decreuerant. Illius item mater, & matertera simul & Optimates nonnulli, qui semper illi aderant, Patres & legem, quam docebant nullo non loco apud illum calumniari; ipsa legis propriæ defensione ac religione ad hanc calumniam exstimulante. Flagrare adhuc innato & Vatiniano in religionem Christianam odio, adeo ut eandem velut omni-um deterrimam, teterrimamque traducerent: Impellentibus in primis ac faces subiicientibus vxorculis regis; quæ se, præter unâ, omnes repudiandas norant, si Christiana rex sacra suscipere; idcirco omni qua poterat arte, lenocinio pellaciaque illum ab iisdem distrahere conabatur. Quotidianæ denique deambulationes, ludique ac recreationes, nouaque indies emergentia negotia penitus illum à rerum animæ cogitatione diuertebant. Hoc in statu dum res versaretur, Goam literæ à P. Prouinciale transmissæ illos redire compellebant; quod illorum opera alio in loco, ad maiorem Dei gloriam uti velles, cum non-esse tempus in Mogor tererent. Hisce cum literis Regem adiit Rudolphus, superiorisque se iussu Goam reuocari aperuit. Rex audito serio rem agi, quo Rudolphum affectu prosequeretur, & quam grauiter illius discessum ferret, hac oratione patefecit: Singulari te amore prosequor Pater, ac non parum tua me recreat præsentia. Te enim docente permulta didici, quæ pluris facio, quam hætenus ab vilo doctore ppinata.

Quid Regem à lege Christiana auerteret.

A Prouinciale Patres Goam reuocantur.

Si abire penitus decreueris, inuitum non detinebo; sed gratum mihi non feceris, & si hoc me in statu deserueris, in caput tuum noxa deuoluetur. Tum Rudolphus modestè, alios Patres & scientia & virtute illustriores non defuturos respondit, qui sibi succederent, si modò necesse foret. Indignatus rex: Desine, inquit, Pater hascerationes depromere; nunquam enim me annuente hinc discedas. Intererant hisce sermonibus permulti procerum, regem exstimulantes, ne Rudolphum quoquomodo abire sineret. Regis itaque ob discessum suum visa indignatione, simul & optimatum instantia, vt maneret exposcentium, ne forsàn regem offenderet, sperans, Deum ad maiorem nominis sui gloriam rem directurum, communicato cum Deo sociisq; negotio, ad aliquod tempus in Mogor subsistere decreuit, litteras interim Prouincialis exspectaturus. Socii verò, vt Prouincialis iussis obsequerentur, Indiam repetuere. Tanti rex, hoc Rudolphi factum, quo in sui gratiam hic mansit, fecit, vt ab illo tempore maiori illum sit affectu profecutus, eademque cum illo familiaritate egerit, qua ante turbas excitatas, etià sedulò fidei expositioni audiendæ se velle vacare asseruerit; eandem spendebant & Proceres & Optimates perinulti. Mallæ verò, viso Rudolphum regis aucupatum beneuolentiam, veriti ne illum & proceres omnes Christo lucrifaceret, clanculò illi necem machinabantur. Quorum molimine consilioq; cognito Rex, Rudolpho ait, Mullæ hi scelesti sunt & perfidi, quocirca comites tibi stipatoresque è meis dabo, qui latus tuum incedentis stipent. Respondit Pater: Non latere Regem, Indiæ Prætorem, dum ad regiam primò veni-

rent,

Mullæ Rudolpho necem parant.

rent, obliſdes pro Patribus petiſſe; ſed vllos
 mitti, Patres vetuiſſe. Noſtra ſiquidem gloria
 eſt, pro veritate, quam docemus, occumbere: *Cuſtodiam*
 quocirca vereor, ne ſi Maietas veſtra mihi cor- *ac ſtipato-*
 poris cuſtodes dederit, quam in Deo ſpem ha- *res dare*
 beo confidentiamque, pereat ac imminuatur. *Rudolpho*
 Bene quidem, inquit rex, at quòd in meam te *vult, ſed*
 tutelam protectionemq; ſuſceperim, mearum *non ad-*
 partium eſſe credo, tuæ ſaluti, incolumitatiq;
 proſpicere. Non multò poſt tempore Rudol-
 phi conſtantiam, & ad mortem oppetendam,
 ſanguinemq; pro fide ſua profundendum ani-
 mum promptiſſimum apud Optimates ſuos
 deprædicabat; non eum eſſe Mullarum in do-
 ctrinæ traditæ deſenſione zelum.

Interim Rudolphus eò Regem inducere co-
 nabatur, vt firmiter ſecum ſtatueret, Chriſtia-
 na ſacra ſuſcipere: quòd enim illum nutantem
 fluctuantemque ſubditi cernerent, eadem am-
 plecti nò audebant, ſed fruſtra. Quamuis enim
 totus in hoc incumberet, perſuadere nequa-
 quam potuit. Videbat enim ſe, hac ſuſcepta fi-
 de, vxorum grege priuandum, & reliquis qui- *Vita Ru-*
 bus aſſueuerat vitiis nuntium remittendum; *dolphi au-*
 quod Chriſti religio penitus hæc abhorreat. *ſteritas.*
 Ceterum toto illo quo in Mogor commoratus
 eſt tempore, ac præſertim anno vltimo, quo ſo-
 lus fuit, vitam Rudolphus inſtituebat, qualeni
 veteres eremi incolæ. fruſtum panis ſine vllò
 prorſus obſonio cibus erat, & frigida potus,
 terra lectulus; alia inſuper pœnitentiæ genera
 exercebat; potiſſimam dies noctiſque partem
 precibus impendebat, vt luce rex cœlica illu-
 ſtratus cœcitatem poſſet ſuam intueri. In lin-
 gua etiam Perſarum, quo commodius regem
 fide imbueret, addiſcenda erat aſſiduus. Et

*Incidit in
morbum.*

*Illum Deus
solatur.*

quamuis omni vitæ tempore orationi assue-
uisset, eo tamē quo inter barbaros vixit, quàm
maximè. Integros sæpe dies eidem dedicabat;
domo enim nō egrediebatur, nisi dum rex ad-
eundus erat: & eo quo se vesperi ad orandum
composuerat loco, manē persæpe reperiēba-
tur. Tantas igitur molestias, labores, incommo-
dāq; sustinuit, vt in grauem inciderit mor-
bum, è quo moriturus videbatur. Diuina ta-
men solamina, quibus indies reficiebatur, om-
nem quam tolerabat difficultatem leniebant,
minuebantq; vt cum Apostolo dicere non im-
meritò posset: *Cum infirmor, tunc fortior sum.* Et
sanè postea nō rarò testatus est, eo potissimum
tempore, ex voto sibi vitam fluxisse, & maiori
tū animi pace tranquillitateque se perfrui-
tum, quam toto vitæ præteritæ curriculo: vt
ad martyrii gloriam, quam haud multò post
obtenuit, sensim illum disposuisse videatur
Deus. E Mogor enim, non velut è media bar-
barie, sed virtutum omnium ludo domū red-
ibat. Hinc non ob virtutes modò, sed & alia
dona cælitus accepta apud Saracenos, & Gen-
tiles magno in honore fuit. Nullæ tamen mor-
tali eum prosequēbantur odio, quòd eos omni
in disceptatione, quæ in multam sæpe noctem
extrahebatur, deuictos obmutescere cogeret.
Tantam porro hic doctrinam simul & mode-
stiam Rudolphus ostendere, vt Gentiles ipsi
demirati Angeli illum nomine decorarēt. Sed
perfidī Nullæ sæpius illi insidias struebant, &
necem parabant; at quòd regem metuerent,
conceptum animo scelus exequi non sāt ausi.
Illius enim virtutes ac præsertim humilitas ita
regem oblectabat, vt nō minori eum reueren-
tia, quàm amore prosequeretur. Quanquam
nefa-

nefaria vitæ consuetudine, prauisq; illicitis impediretur, & inprimis arrogante superbia (diuinos enim honores ambiebat, & Propheta haberi ab omnibus desiderabat) quominus pia Rudolphi monita sequeretur. Ergo cum operam & oleum se perdere Rudolph⁹ videt, Prouinciali indicat, frustra infecundo sementem Euangelicam cōmitti solo, cum nulla fructus affulgeat spes. Respondit Prouincialis, à Rege vt abeundi facultatē peteret, obtentaq; quam primum in viam se daret. Negauit hanc initio rex, sed apud se, illius morum suauitate captus, retinere virum conabatur: tandem precibus victus concessit. Sed eo pacto, vt communicato cum Prouinciali negotio, impetrataq; illius facultatē in Mogor se rediturū sponderet. Non abnuuit Rudolphus. Abeuntem igitur rex multis est nouis beneuolentiæ signis officiisq; prosecutus, magnam auri argentiq; vim offerens. Sed nihil admittit Rudolphus, Religiosa causatus vota, vt qui mundum & diuitias iam pridem penitus deseruisset. Vnum tamen à Rege postulauit, vt Moscum Christianum cum vxore simul & liberis, qui à longo iam tempore in captiuitatem redacti, assiduo Saracenorum commercio Mahometicis ex parte institutis assueuerant, Goam bona illius cum venia abducere secum liceret. Concedere hocce munus regia mater noluit, quod vtiles reipublicæ foret: Rex tamen suum in Rudolphum affectum testaturus, petitis annuit. Secum igitur Goam abduxit, & Christiano hic deinceps ritu vixere.

*Petita Rege
discedendi
veniam &
impetrat.*

*Quid è Mo-
gor retulerit.*

re. Hi sunt nempe thesauri, quos è potentis & Magni Mogor aula Rudolphus auexit.

Magnus Mogor iterum Socios euocat, qui non maiori edito fructu, quam alij, re infecta propediem Goam redeunt.

Iterum Deus regem salutis sua commonet.

SEPTENNIO aut amplius è Mogor discesserat Rudolphus, cum nouos iterum stimulos Regi subiicit Deus; quibus illum è profundo peruicaciæ somno sanctis inspirationibus immisis excitabat, vt scilicet tetra infidelitatis caligine relicta ad clarum fidei lumen transiret, eiusque deinde promulgandæ per vniuersum imperium facultatem concederet. Deiparæ hoc intercessione factum sit verisimile, quam singulari rex honore hæctenus coluerat. Hinc anno M. D. X C. audito Christianos annuam assumptionis illius memoriam agere, suo illam ritu celebrare decreuit. In hanc rem thronum sublimem erexit, in quo effigiem Sacratissimæ Virginis, à Patre Rudolpho acceptam, collocatam ab omnibus voluit Satrapis ac proceribus magna animi pietate exosculari. Dicebant Optimates filium regis primogenitum sancto huic operi initium dare debere; ceteros tum ultro secuturos. Imperata quàm promptissimè facientem reliqui secuti sunt, quorum pietatem rex egregiè compensauit. Qui enim in Deiparæ se obsequio promtos demonstrarunt, Equites aurati facti sunt. Eodem ipso tempore omnia fana (quæ Arabica voce Alcorana dicuntur; neque enim sola Mahometana lex hoc dicitur nomine, sed & turrita quædam culmina, è quibus sacrificuli & myltæ Pseudopropheta inuocant, & plebem ad orationem conuocant,) vrbis regis solo æquauit. Mosquea quoque, quæ impii seductoris delubra sunt, in equilia & elephantilia, regio iussu cōuersa sunt.

Deipara imaginem colit.

Alcorana & Mosquea destruit.

Quod

Quod verò vxorcularum grex impedimento prius fuisset, cur generosè fidei nomen non dedisset; omnibus repudiatis (quas regni sui primoribus collocauit) vnam sibi copulauit. Præconis etiam voce edixit, nequis in posterum Mahometanus, ante quintum decimum ætatis annum, masculos circumcidat, vt quâ amplecti velint legem, maturo consilio, eligere possent.

Vxores repudiat.

Appellit interim in regiam Hypodiasconus Græcus, Leo Grimonius, qui in patriam rediturus, Goam petebat. Illius aduentu recreatus rex, ad se euocauit, quod rerum quæ apud alias gentes agebantur noscendarum percupidus esset; atque idcirco cum è peregrina quis regione appulisset, quid vidisset audissetq; percontabatur. Valebat Græcus hic ingenio, multarum peritus rerum. Placuit proinde regi. Hunc ergo ad Indiæ Prætorem legare decreuit, aliquot ab illo denuo Societatis Patres periturus. Literas ergo simul & munera Prætori destinauit; alias item Patribus Societatis & præsertim P. Prouinciali, quas suo subiuciam loco, additis etiam muneribus. Quina item aureorum millia Græco dare voluit, vt in egenos Goanos distribuerentur: sed cum satius esse responderet Græcus, vt Mogoribus illa cederent; audiuit, nolle regem, quod omnes satanæ forent mancipia. Ostendit tum Hypodiasconus longi itineris interuallum, & è nummorum pondere periculum. Bene monenti rex gemmas aliaq; pretiosa cimelia minoris ponderis danda curauit; quo minori negotio Goam ad egenorum subleuandam inopiam deferret: quorum pretium duo aureorum millia excedebat. Commodè Goanis diuturna fame pressis cecidit hæc elemosyna;

Leo Grimonius Græcus subdiasconus.

Mittitur Legatus à Magno Mogor ad India Prætorem.

fyne; extremæ enim necessitati multorum hac ratione subuētum est. Vt verò tutum Patrum, quos petebat, iter foret, literas ad Præfectum Cambaianum aliosque regni sui Proreges, hoc argumento misit.

Potentissimi Mahumetis, magni Regis & Domini Follerij diploma.

Omnibus Ducibus, Viceregibus, Gubernatoribus, Quæstoribus, aliisque regni nostri Præfectis, Salutem.

MAGNIS D. Leonē Grimonium officiis sum prosecutus; summoperè cupiens idem ut ab omnibus imperii Præfectis præstetur. Illius enim auxilio alios Soc. Patres Goa me impetraturum confido: quorum me ope doctrinaque à mortuis excitandum eo modo existimo, quo illorum magister Iesus Christus, è cælo in terram delapsus, inortuos plurimos ad vitam reuocauit. Idcirco horum doctissimos integerrimosque euocaui, ut hisce doctoribus lumen fidei Christianæ perspiciam, hisce ductoribus semitam regiam, qua rectâ ad Deum illi perueniunt decurram. Quapropter omnes regni mei Præfectos beneuolos se erga D. Leonem Grimonium & Patres euocandos ostendant, & ubique locorum transierint, honorificè habitos omni officiorum genere prosequantur; custodiam iis militarem à qua opidatim deducantur, assignent; de rebus tam sibi quàm equis necessariis aliisque abunde prouideant: equidem sumptus præstabo. Videant insuper, ut sospites & incolumes ad me perueniant, ac ne quod in corpore reculisque quas secum laturos sunt, detrimentum accipiant. Volo adhæc ut Dux Canchena in manus Ducis Raizzæ saluos sistat, atque hic

hic & alii duces eo semper modo deducant; donec ad regiam perueniant. Præfectus Cambaietta Giabiblica omnia illis ad iter tam in eundo quàm redeundo necessaria suppeditet. Vectigalium præfecti ac publicani nullum ab iis portorium, quocumq; loco cū sarcinulis transferint, exigant, sed immunes ab omni tributo esse sinant. Nemo autem, huic edicto contraueniendo vllum Patribus nocumentum afferat, aut molestiam exhibeat, ac quæcunque secum tulerint, sine vlllo maleficio sunt. Si quam ab aliquo Præfectorum sibi iniuriam quomocumq; irrogatam dixerint; næ ille capite luet. Exactè igitur, quidquid hocce edicto continetur, seruari cupio; ne quam scilicet in corporibus & sarcinis iacturam patiantur, per vniuersum imperium ab omni tributo, exactiōeque immunes transeant, & fida militum custodia ad vsq; regiam comitante incolumes iter conficiant. A Cambaietta ergo Amadabam, hinc Paianum, inde Gelum, postea Guiparem, deinde Bicanellam deducantur. Bitanella Bitasferem, inde Mullum, ac tandem Lahor ad regiam nostram perueniant. Hoc siquidem itinere illos deduci volo; quos spero propediem in regia adfuturos, vbi à me meisq; omni quo par est honore recipiendi sunt.

Leo Grimonius Goam cum peruenisset litteras primò Prætori dedit, deinde Patribus suas; quæ in hunc sensum perscriptæ fuere:

In Nomine Domini.

Potentissimus & inuictissimus Echebar iis, qui in gratiam Dei admissi sunt, deq; donis Spiritus S. gustarunt, Spiritui Messiaæ obediētib; hominesq; ad Deum deducētib; Sal.

Litteræ Magni Mogor ad Patres Geanos.

Vos

Vos, ego, Patres, rerum intelligentes, quorum verba ab vnoquoque & audiuntur & admittuntur, quod à viris à mundo penitus sequestratis, quiq; honores & dignitates mundi iam omnino procul castis, proficiscantur; alloquor Vos, inquam, per veras, qui semitas inceditis alloquor, & significo, omnium me mundi religionum, tum variorum Gentilium, tum etià Mahometanorum vnica Christianorum excepta, quæ sola Dei lex est, ideoque à pluribus & colitur & amplectitur notitiam habuisse. Quoniam verò Patres Societatis singulari affectu prosequor, eorum moribus & conuersatione imprimis delector, hinc illorum opera hanc edoceri cupio. Appulit huc iam nuper D. Leo Grimonius, vir sanè egregius & disertus; huc à me de variis interrogatus rebus scitè ad singula respòdit, magno & meo & mystarum meorum gaudio. Retulit is permultos in India Patres esse singulari tum iudicio, tum doctrina insignes. Quæ cum ita se habeant, poterunt Reuerentiæ vestræ, quamprimum vt meas acceperint, sine vllò metu ad regiam nostram commigrare; vt è vestra cum sacrificulis meis, quos Cacizios dicunt, disputatione, vestræ & illorū doctrinæ, iuxta amborum meritum, inò vestram præcellētiam ac de illis victoriam, comparisonem institutam, itaque illi à vobis veritatem discant. Si verò in hac vrbe regia commorari ac sedes figere voluerint, domicilium illis parabo, in quo maiori cum honore, privilegioq; futuri sunt, quàm vlli hactenus, qui huc venere Patres. Vbi verò discedere voluerint, liberam illis abeundi facultatem concedam, & pari cū honore ad suos transmittam. Vestrum igitur est in hoc mihi satisfacere libentius, quàm
hisce

hifce meis literis fcriptis nouilunio Menfis Iunij, poftulo.

Prouincialis, qui Goæ tum forte erat, lectis hifce literis, & fimul è legato bona regis difpofitione, prout videbatur, ad Chriftiana facra fufcipiendâ paratiffimi intellecta, poftulatis annuere decreuit. Quocirca Eduardum Leitonum, Chriftophorum Vegam, fimul & alium, qui facris non erat ordinibus initiatus, eodemi deftinauit. Anno igitur M. D. XCI. Goa pro-
Mittuntur Patres in Mogor.
 fefti, tandem Lahorem ad regiam peruenire. Magno illos excepit honore, & fingulari eft beneuolentia profecutus. Ludum paulò poft aperiri volebat, in quo nobilis iuuentus vnus item è filiis fuis & nepotibus, legendi fcribendique Lufitanicè artem addifceret. Ad aliquod tempus Patres in regia fubfiterunt, inani conuerfionis illius fpe illecti; fed cum priorum exemplo operam fe & tempus perdere, regemq; nihil certi ftatuere cernerent, Goam redire ftatu-
Iterum Goam rediunt.
 erunt. Vetuerat tamen Prouincialis Eduardum inde iniuffu fuo recedere. Rediit illius bona cum venia Chriftophorus de Vega; de quo tamen Goam reuerfo Prouincialis denuo in Mogor remittendo cogitauit. Adeo namq; regi placuerat, vt priufquam inde difcederet, iureiurando promittere cogeret, fe, nifi Prouincialis obftaret, propediem eodem reuerfurum. Sed quòd exigua regiæ conuerfionis fpes affulgeret, & Patres nullum ibi fructum ederent, & alio in loco eorum opera neceffaria foret;

omnes Goam, re infecta, reuocati, redierunt.

CAPVT XIII.

*Tertiò Patres Societatis iam petente Magno Mogor,
mittitur cum duobus sociis Hieronymus
Xauerius: quid in via illis
acciderit.*

Isaia 37.

*Magnus
Mogor ter-
tio Goam
legatum
misit.*

*Hierony-
mus Xae-
rius cum
aliis duo-
bus Mogor
adit.*

QVamuis hinc Echebar rex singularem erga Christianorum sacra, illorumq; præcones, à veritate cognita, vt credendum est, iam conuictus, affectum declararet; illinc tamen praua illius vita nefariaq; agendi consuetudo ita virum illaqueabant, voluntatem vt sanctæ legi subiicere haud posset. Vt non inscitè Propheticum illud de ipso dici potuisset: *Venerunt filij vsque ad partum, & virtus non est pariendi.* Aliquot tamen post annos à posteriorum Patrum decessu, nouum Goam legatum destinauit, quo iam tertiò Patres in vineam suam euocabat, à quibus legem diuinam edoceretur. Prætori igitur Indiæ tam acribus verbis, & ardens desiderium testantibus scripsit, vt Prouincialem ad se quàm citissimè euocaret, piisque regis postulatis vt annueret, rogaret. At Prouincialis, cum iam secundò Patres frustra iter hoc molestum suscepisse, & re infecta rediisse cerneret, auscultare initio noluit. Veruntamen cognito, P. Generalem velle, vt in tam potentis Regis aula aliquis sociorum, tum ad Christianos inquilinos iuuandos, tum alias ob causas, ageret, re cum consultoribus domesticis, magniq; iudicii Patribus communicata, tandem assensum dedit.

Hieronymo igitur Xauerio Nauarro, magni Xauerii nepoti hæc prouincia concredita. Præerat hic tum Goæ Domui Professæ; cui ille, si qua est, dignitati haud grauatus cessit, vt hanc prouinciam adiret, quam à longo sibi (vt ait)

tempo-

tempore committendam præuiderat. Sensus ille tum nouum animi robur cælitus sibi, ad omnes labores necessarios tolerandos, subministrari; vt hoc onus velut à Deo impositum, quàm libentissimè in humeros susceperit. Socios habuit Emmanuelem Pinnerium Lusitanum, & Benedictum à Goes fratrem Coadiutorem: Ducem habebant Armenum, qui Rudolphum Aquaiuiam eiusq; socios primò deduxerat.

Rebus igitur ad iter necessariis comparatis Goa triremi Damanum versus soluunt; inde Cambaiam vel Guzzaratum perueniunt, hic aliquod fructus, quem colligere è missione sua sperabant, specimen habuere. Tantam illis quippe spiritus consolationem Deus communicauit, vt labores & molestias etiam nondum toleratas remunerari, & stipendium ante militiam soluere voluisse videatur. Circa festa natalitia Cambaiam opidum alio nomine Cambaietta nuncupatam, regni illius caput anno M. D. X C. I V. appulerunt, quæ quòd instarent, hic celebrare decreuerunt; centum hic quippe Lusitanorum familiæ commorabantur. In aula itaque domus, ad quam diuertebant, altare concinnarunt ad sacra celebranda; tamque scitè pararunt, vt ipsimet Gentiles spectandi gratia admirabundi confluerent. Gaudebant hac Patrum mora Lusitani; omnes siquidem peccatorum exomologesi facta magno animorum fructu cœlesti Eucharistiæ pane resecti sunt; atque vnus præsertim, qui iam à multis annis hic sacrificulum Gentilium agebat, multis à dæmone peccatis implicitus: sed cum tanto peccatorum dolore in viâ reductus est, à Deo tactus intrinsecus, vt

*Cambaiam
venit.*

*Sultanus
Morad se-
cundogeni-
tus Magni
Mogor Cā-
baïam ve-
nit.*

*Salutatur
à Patribus.*

*In castra
eos vocat.*

repente se cum coninge, quam deseruerat, ad vitā deinceps inter Christianos agendā compararit. Hæc aliāq; tantum illis spiritualis gaudiū cumulum attulerunt, vt P. Emmanuel Pinnerus literis suis testatus sit, nunquam se tanto perfusum spiritus solamine, quanto his ipsīs diebus, quibus inter medios barbaros cōmoratus est. Lusitanis quotidie sacra celebrabant, & in area de rebus diuinis verba habebant. Quod verò omnes simul Lusitani ædícula hac subitanea comprehendi non possent, per interualla hi ad sacra prima, illi ad secunda confluebant; magnusque indies concursus fiebat. Tribus hic hebdomadis hæserunt Patres tum Lusitanorum causa, tum quod Sultanus Morad, Magni Mogor secundogenitus iis ipsīs diebus cum ingenti exercitu, quem patris nomine aduersus Melicum regem Decani ducebat, appulisset. Is itaque audito Patres postridie, id est, vigilia natiuitatis Cambaiam aduenisse; rogat vt in arce se inuisant. Se enim illorum videndorum desiderio teneri. Non procul à Patrum diuersorio distabat arx. Patres Sultanum cum paruo comitatu (cæteris extra urbem relictis) in arce diuertere, salutatum adiēre. Suscepit hos ille beneuolentia non minori, quàm Pater solebat. Sed quia nox ingruerat, dimissis post aliquot vltro citroq; sermones Patribus, acceptis prius ab vrbe ducētis aureorum millibus, tum in signata pecunia, tum auri lamellis, recessit Surate versus. Emporium est eiusdem regni trans Damanum opidum.

Vix leucam confecerat, quin Patres ad se denuo hora post noctem mediam tertia euocauit, quod sanè permolestum fuit; eo quippe die Circumcisionis Dominicæ memoriā Societa-

cietati Iesu imprimis solennem agere decreuerant. Sacris ab vno peractis itineri se accinxerunt, in castra peruētum eo ipso tempore, quo omnes præfecti militares felicem illi de more diem precatum veniebant. Stabat in tentorio sublimi, vt ab omnibus conspiceretur. Cum aduenissent Patres, eundem illi honorem detulere, caput profunde inclinando. Inter ceteros dein duces stabant, qui statuarum instar, defixos in eum oculos tenebāt. Hoc facto subierunt tentorium, quod erat in plano pavimento, muri instar aut propugnaculi, locum communientis: huius in medio tentorium defixum erat, cum lectulo, vndiquaque peruium. Hic maiori quàm prius beneuolentia ac plausu illos excepit; multaq; & varia est percontatus. Petebat imprimis num in Lusitania nix esset, glacies, feræ, vrsi, lepores, aues ad aucupium edoctæ, falcones, accipitres, aliaq; huiusmodi. Cum esse affirmarent, conuersus ad suos ait: Ergone hæc etiam sunt in Lusitania? quo audito, cuncti palmas manuum admouerūt terræ, & deinde capiti; quod honoris à Principe delati quod eos alloqueretur, apud hos argumentum est. His aliisq; futilibus quæstionibus propositis, Patres ad locum progressi, vbi elephantum consensurus esset, discedendi ab eo copiam petunt valedicentes. Allati hic mille quingenti manudi (nummi genus est hic frequens; hæcq; summa sexcentis libris Gallicis aut circiter æquiualebat.) Tum ad Patres conuersus, non ignorare se ait, illos nec pecuniam, neque aliud quidlibet accipere: at quia pauperes essent, & ad reliquum iter conficiendum multa requirerentur, hæc quæ dabat, accipi eleemosynæ nomine se velle. His dictis in ele-

*Pecuniam
illis & e-
quos sup-
peditas.*

phantum inſiliit, mox in alium maiorẽ mon-
tis inſtar. Quòd verò metueret, ne Patres pe-
cuniam datam non reciperent, ſuis mandauit,
vt Armeno Comiti eam traderent. Donum
reuerſi inuenerunt illos mille quingentos ma-
nudos, ſimul & tres rhedas, ſex boues ad ſar-
cinas deferendas, ac tres equos, quos per viam
conſcenderent. Ea certè pecunia ad iter confi-
ciendum inprimis fuit neceſſaria. Armenus e-
nim publicas litteras non habebat, quibus il-
los per Cambaiam deduceret, ſed per Schin-
dum.

Absque hoc enim fuiſſet, vltèrius progredi
non potuiſſent. Quatuor aut quinque dum-
taxat equorum millia Sultanus ſecum tum
habebat; ſed viginti millia, ſimul & elephan-
tos quadringentos, ſeptingẽtos camelos, qua-
draginta vel quinquaginta dromedarios, qua-
tuor bouum millia, quindecim tormenta belli-
ca maiora, quatuor mediocria, & aliquot mi-
nora præmiſſiſſe dicebatur. Ingenti bellum hoc
animo ſuſcipiebat, dum vniuerſum regnum
Decani ſe ſubiugaturum ſperabat. Sed quod
rerum imperitus eſſet, & iuuenulorum con-
ſiliis, neglectis ſeniorum, acquieſceret; parum
fauſtum res habuit ſucceſſum: vnde augura-
bantur Patres, infelicem belli exitum futurum
vti reuera fuit; vt ſuo referetur loco. Natura
humanus erat & munificus, ſed praua adole-
ſcentulorum conſortia illum iam deprauarãt.
Mahometanis Mosqueis addiãtus non erat,
hinc vix illa vnquam ingreſſus eſt; venationi,
laſciuiis amoribus, deambulationibusque ſu-
pra modum deditus. Iter ſuum interim pro-
ſequuntur Patres, ſed non per Schindum, vt
voluerat Rex, & ipſi quoque inprimis deſide-
rabant;

rabant ; quòd loci præfectus ieiunium solenne nõdum finiisset. Nam interea dum ieiunio vacant , aliis vacare rebus omnino nefas est. Quorum nonnulli ad viginti, triginta interdum dies extendunt, cæteri septimanæ vnus aut duarum ieiunio contenti sunt. Quinque omnino menses huic Patres itineri impenderunt, cum tamen Goa ad vsque Lahor , vbi Magni Mogor regia est , nonnisi bimestre sit iter.

Ducentarum triginta leucarum iter terrâ *Iter Patriæ* per Mogoris ditionem confecerunt , sed non *molestum.* sine ingenti molestia. A Cambaia enim ad vsque Lahor deserta arenaria sunt, arida & inuia, sed viginti leucis cis Lahor fertile & fecundum solum. Rari per viam occurrunt fontes aut amnes; sed exsucca arena : quæ sæpe per aëra vento agitata viatorum oculos replet, ac nonnunquam obruit. Hinc qui hoc iter instituunt, tum hanc ob causam, tum prædonum metu, in comitatu plurimorum, quem vulgò Casilam, vel Carauanam nuncupant, proficisci solent.

Vnus hic ex vniuersa turba ductor seligitur, vt supra, cum de comitatu Armuziano *Carauana* agerem, dicere memini; duo aut tria inter *quomodo* *iter insti-* *tuat?* dum millia conueniunt. In hoc verò Patrum comitatu, quadringenti cameli, centum currus, totidem equi numerabantur; vt taceam ingentem pauperum multitudinem, quæ pedibus iter conficiebat. Profectionis vbi tempus aduenerit, tertio tympana pulsat ductor. Ad primum pulsum, tentoria, in quibus de nocte quieuere complicantur. Ad secundum cameli instruuntur & currus. Ad tertium comitatus progredi solet.

Per noctē cum proficiscuntur, ne forsan quis de via deflectat, assiduō tympana pulsantur; cū sub sistendum, signo quoque dato indicari solet. Atque hoc non modò, cum noctu quiescendum, verum etiam puteis per viam occurrentibus; qui ad quadraginta aut amplius vlnarum profunditatē aliquando extenduntur; ē quibus boum currulium operā aquam hauriunt. Vnus ē Patribus suis in litteris testatur, magna se aquarum penuria hoc itinere laborasse; quæcunque enim occurreret, falsugine marinæ nō cedebat. Vix hoc mihi, inquit, quispiam persuasisset, nisi re ipsa expertus essem, cū tanto à mari locus hic distet interuallo. Vehementem etiam æstum per viam pertulere; deerant etiam ad vitam necessaria: quod deserta & inculta sit regio. Medio tandem Martii Amadabam venēre: tria hic obseruatu digna viderunt. Erat in publica via Iogue, ad quem magnus vndiquaque concursus hominum fiebat. Ob vitæ namque austeritatem sanctimonix sibi apud omnes nomen compararat. Est enim hæc austeritas Ioguis solennis & assidua, ad aliquod saltē tempus, vt alio loco diximus. Hic porro adeo superbus & insolens erat; vt à Sultano Morad, de quo supra vocatus, venire detrectans magna superbia ac fastu dixerit: Veniat ipse ad me Princeps; hoc quippe mea meretur sanctimonia. Arroganti irritatus responso Princeps flagellatū exilio multauit, dignissimo arrogantix supplicio. Alterum fuit monumentum splendidissimū sesquileuca ab vrbe distans. Erat hoc Cacizii Reguli cuiusdam Guzzaraten sis magistri sepulchrum. Regulus hic doctori hoc suo monumētum exstruxerat, ipseque cum tribus aliis in alio sacello humati erant.

*Amadaba
ciuitas.*

Lib. 1. c. 4.

*Superbia
Iogue cu-
iusdam.*

*Monumen-
tum insigne
apud Bar-
baros.*

erant. Vniuersa moles elegantissimo & politissimo de marmore exstructa; pavementum etiam marmoreum. Tribus constat areis, in quarum vna quadringentæ quadraginta columnæ marmoreæ numerabantur, singulæ altæ pedes tricenos, cum suis epistyliis & basibus opere Corinthio, verè regio. Ex vno latere stagnum erat, quod foro Vlyssiponensi, vulgò *Rozzio* dicto, magnitudine non cedit; idq; totum mirifico artificio elaboratum, multis fenestris interstinctum, è quibus in stagnum despectus erat. Opus inter Barbaros minime Barbarum. Viderunt hic item permultos Mahometanos & Mahometanas, Mechani ad Mahometis sepulcrum religionis ergo properantes. Perlepidam ab iisdem rem didicere. Vetuit impostor hic Mahometh, ne qua mulier innupta iter Mecham suscipiat; omnes tamen tam iuenculæ quàm vetulæ huc peregrinationem quotannis instituunt. Verum, ne in legem impingant, matrimonia ineunt, ne excludantur, sed domum reduces, inita, si placuerit, dissolunt.

XIX. Martii Amadaba profecti, XXIV. eiusdem sub vesperâ Patanam venerunt. Quod *Patana* verò pridie Paschatis esset, triduo ibidem ad *urbs.* festa Paschalia peragenda substiterunt. Multi Christianorum, qui Carauanam secuti erant, peccatorum confessionem instituerunt. Multum negotii habuere cum quibusdam Armenis, qui Gregorianum Kalendarium non admittebant: tamen, tum timori (quia per Lusitanorum ditionem illis transeundum erat) tū veritati cedentes cum Patrib⁹ Pascha celebrarunt; præter pertinacem quendam senem doctorem: hic quinis aberrare septimanis Patres

dicebat, & suum ipse Pascha Dominica ante Ascensionem celebrauit. Iter prosecuti in varias incidere vrbes & opida, sed vastata ac diruta pleraq; ac præsertim Mosquea, quæ nullo restaurabantur loco. Tandem V. Maii, anno M. D. X C. V. Lahor peruentum, cum III. Decembris, anno superiore Goa soluissent.

C A P V T X I V.

Quo Magnus Mogor affectu Patres exceperit, quam erga fidem Christianam propensionem ostenderit, conuersionis suæ spem dando.

*Quomodo
Rex Patres
exceperit.*

DE Patrum aduentu rex factus certior, vnum è Præfectis mox ad illos destinauit, qui letum illis itineris gratularetur successum, regemq; illorum aduentu maximopere gaudium significaret. Haud magna interposita mora, salutatum illum iêre Patres, quos amicè & honorificè excepit. Singulos magno amoris, beneuolentiæque signo amplexus est; idem fecit & filius primogenitus, qui tum trigessimum & primum agebat annum. Signis & verbis illorum se aduentu lætari ostendebat, de commodo illis quoq; prospexit diuersorio, in quo ipse olim diuerterat, flumini proximo, vtpote quod nonnisi quindecim distat pedum intervallo. Quietus hic locus erat à populari tumultu penitus remotus; vt nemini accessus pateret, nisi quibus illum Patres permittunt. Nam regiæ custodiæ impediabant, ne quis illac iter haberet, quòd fenestræ palatii regii in vicum foris despiciant. Vespere eodem quo appulerant die à rege euocati sunt, quibus ipsas Saluatoris & Beatissimæ Virginis imagines à Patre Ru-

tre Rudolpho acceptas monſtrauit; quas tanta ille reuerentia brachiis ſtringebat, quanta vix vllus Chriſtianus. Conſpectis imaginibus, in genua prouoluti Patres, vt par erat, honorem exhibuere. Quos imitatus Regis nepos è filio primogenito, genu flexo manus quoque iunxit. Quo ſpectaculo recreatus auus, filio, puelli patri: Ecce, inquit, filiolum tuum. Oſtendit deinde libros à Patribus etiam dono datos; quorum hic catalogus: Biblia regia quatuor linguarum, Concordantiæ, Summa Theologica Diui Thomæ quatuor diſtincta Tomis, alius eiſdem contra Gentes, & Iudæos & Saracenos tractatus. Soto, D. Antoninus, Hiftoria Pontificia, Chronica Minorum, Sylueſter, Nauarrus, Caietanus, & hi quidem duplices. Habebat adhuc Ordinationes Luſitaniæ, Alphoñſi Albuquerqueii Commentarios, Conſtitutiones Societatis I E S V, Exercitia Spiritualia Beati Ignatii de Loiola, eiſdem Societatis auctoris, Præcepta Grammatices Emmanuelis Aluari, alioſque plurimos. Quotquot vſui eſſe poſſent, vltro ipſe Patribus dedit; qui eos ipſos, quos iam recensuimus, ſumpſere. Cæterum tam Rex, quàm Princeps bene, beneuoleque illos habuere; quin & obſeruatum, Regem nulli ſuorum, quantumuis viris primariis, tantum honoris detuliſſe, quantum Patribus. Hos enim ſibi aſſidere voluit quàm proximè, quin & in eodem federe puluino, in quo ipſe cum Principe conſidere ſolet. Quadam die cum in porticu deambulans, in area palatii, in qua Præfecti, Magiſtratus & Optimates regni, Regem allocuturi conuenire ſolent; Patres, qui Regem allocutum venerant, inter cæteros ſtantes conſpiceret; quamprimum illos ad ſe

*Dedit eis
libros.*

euoca-

euocauit, magnâq; humanitate excepit, suum vltro caput inclinando, & commodo illos loco constituendo, quem honorem ne regibus quidem & principibus sibi adstantibus defert, imò ne iis quidem, qui ipsum adeunt regnum illi suum subiicientes. Huius ergo venit quidam XXVIII. Augusti die, anno superioris sæculi XC V. sed non tanta illum beneuolentia excepit, quanta Patres. Hic enim cum conclaue, in quo Magnus Mogor confidebat, ingrederetur, vt primum in illius conspectum venit, inclinato capite procedens, manibus & vultu terram feriebat; deinde paulatim accedendo eandem sæpius reuerentiam exhibebat; donec propius accederet. Tum toto corpore excutiebatur, num quod telum clanculo gereret. Regis tum pedem tangebat, qui sine vlllo prorsus motu aut alio beneuolentiæ signo, manu collum illius strinxit. Et sane magni hoc erat, cum aliis ne tantum quidem exhibeat.

*Munus regi
datum.*

Nouus deinde cliens exurgēs inter reliquos dynastas ac belli duces locum accepit, quem & deinceps retinuit. Obtulit hic, vt obiter tangam, donum ducentis aureorum millibus æstimatum. Donum fuit, bini gladioli, cum vaginis, ex auro puro, gemmis permixtis, quas aurum decorabat. Duæ item phialæ aureæ mediocres, alia item grandior, solido item ex auro. Equus, cuius phaleræ ac bullæ aureæ gemmis insignitæ. Dedit insuper equos alios centum quinquaginta, equas decē, camelos quinquaginta, holoserico viridi & carbasino instratos, tapetes item quatuor, quorum singuli binis aureorum valebant millibus. Et magnum fuit beneuolentiæ signum, donaria hæc à Mogore acceptari. Huic muneri succcessit aliud, à Sulta-

Sultano Morad filio, qui tum Guzzarati erat, transmissum, q̄ non minoris esse pretii, quàm superitis dicebatur. Quinquaginta namq; misit elephantos, centum quinquaginta aureorū millibus æstimatos, vehiculum item aureum, & alterum argenteum, aliaq; nonnulla ex matricibus margaritis confecta, & præterea quidquid pretiosum nascisci potuerat. Missum quoque munus fuit à Prorege Bengalano, quod octingentis aureorum constabat millibus. Inter cætera misit tercentum elephantes. Atque hæc propemodum quotidiana erant: vt, quæ singulis septimanis illi darentur (vt suis in literis P. Pinnerus testatur) millionem auri excederent; ac præsertim in solennitate quadā, quam Nerosa dicūt. Tum quippe varia illi vndique donaria mittuntur. Et sanè à duce quodam militari accepit, tum munus quingentis ducatorum millibus æstimatum. Colligere hinc licet quantas Rex hic diuitias coaceruarit.

Aliud à filio missum.

Aliud à Viceroge Bengalano.

Sed hisce relictis, videamus, quo in rem Christianam fuerit animo; quam singulari affectu prosequeretur, vt magnā Patribus conuersionis suæ spem iniecerit. Cum enim imaginēs aliquot Christi ac Deiparæ Virginis, ex optimis, quæ ex Europa deferri solent, nactus esset; decenter admodum & reuerenter eas habebat. Magna voluptate eas rarissimis & intimis ostendere solebat, brachiis easdem ad vsq; fatigationem sustinendo: sunt enim grandiusculæ. Quadam die ad festum venit, quod celebrabant Patres, & cum Litanias recitarent, Christiani regis instar, flexis poplitib⁹ iunctisq; manibus supplex aderat. Non parum temporis spectandis considerandisq; imaginibus templi impendit, deq; illarum mysteriis sciscitabatur.

Quin

*Rex cum fi-
lio erga Dei
param af-
fecti.*

Quin & ad Assumptionis Deiparæ solennita-
tem celebrandam, suas illis imagines commo-
dato dedit, cum vix verbulo easdem petissent,
vltro quoq; misit pretiosissimos pannos tum
aureos, tum sericos, quibus facellum exorna-
tum fuit. Refert superiora Hieronymus Xau-
erius in epistola ad R. P. Generalem XX. Augu-
sti, anno M. D. XC. V. missa, additq; Regem
singulari erga Beatissimam Virginem esse affe-
ctu. Idem de Principe esto iudicium, inquit,
qui duci illorum grauitur succēssit, quod nul-
lam Deiparæ sibi imaginem Goa attulisset: alii
quoq; eodem proficiscenti quædam sibi coëm-
turo, id præsertim iniunxit, vt insignem quan-
dam Deiparæ cōpararet. Quod verò vnâ cum
Patribus Pictor Lusitanus in Mogor traieci-
set, primò voluit sibi ab eo Deiparæ effigiem è
maiori quam secum Patres tulerant, imagine
depingi. Viderat eo quò cum Patre in Patrum
oratorium venerat die, puerulum I E S V M, &
Crucifixi imaginem, similes sibi mox ex ebore
à suis statuariis parari voluit: Magno quoque
Princeps hic Patres amore psequēbatur: hinc
quidquid à Rege peterēt, illo patrocinate im-
petrabant. Primo quo cum allocuti sunt die,
necessaria se promittit ad templum erigendum
daturum, egitque cum patre vt aream in illius
fabricam cōcederet. Idem & postea confirma-
uit, quin & se daturum operam, vt certos pater
viros constitueret, qui rem executioni manda-
rent. Rex facultatem insuper dabat, vt quot-
quot Christo nomina dare vellent, Baptismo
expiarent; quin & Mahometum, adnectit P.
Xauerius: prorsus exterminauit, nullum vt La-
hore Saracenorum sit fanum. Si quæ olim fue-
re, illo iubente, in equilia, horreaque publica
redacta

*Rex Patri-
bus facul-
tatem dat
omnes, qui
vellent, ba-
ptizandi.*

redacta sunt. Alcorana quoque solo æquata. Diebus quoque Veneris, (qui dies Saracenis feriatum ac solenne) quadraginta vel amplius in conspectum suum adduci iubet porcos, ut irritati, exstimulatique inter se depugnent, eorumque dein dentes auro iubet illigari. Quod Mahometanorum odio, probroque fieri certum est; hoc quippe animal detestantur & abhorrent.

*Mahometanismum
in regno
profluga-
uit.*

His aliisque fit, ut Mahometicæ legis hic iaceat auctoritas, quæ prius maxima erat. Quali verò ipse religione sit, difficulter statui possit: nam etsi Mahometo non adhæreat (opera hoc quippe indicant) & Ethnicorum superstitioni favere videatur. Adeo ut horum maior apud illum quàm illorum sit auctoritas. Ethnicus tamen penitus non est. Verum enim colit & agnoscit Deum; cœli terræque conditorem, ac Solem etiam adorat. Sunt qui (addit idem) sibi persuadeant, novam illum procudere sectam velle, illiusque esse caput; ac plures iam sectatores habere, plerosque aut assentatores, aut auro illectos. Deus haberi vult vel Propheta, miraculaque se facere iactat, pedum ablutione ægros curando. Mulierculæ iam vota illi faciunt, ut vel proles sanitati restituantur, vel eius beneficio aliam suscipiant. Si fortè votorum compotes fiant, votiva illi offerunt donaria velut nummi; eaque ille, quamvis perexigua, libentissimè admittit. Hæc sunt, quæ Pater Xaverius de hoc Rege scribit: Vide quòd non infana hominem abripiat ambitio, cum supremi Monarchæ, qui deponit potentes de sede, & extollit humiles, metu non coercentur. Sunt qui, inquit idem, Vertearum illum sectatorem dicant,

*Vt sanctum
haberi
vult.*

de

tionis de violato ieiunio veniam petierit. Cæ-
 terum quamvis Rex ac filius maior natu con-
 struendæ Ecclesiæ copiam dedissent, Patres ta-
 men, certis de causis, horum se promissorum
 immemores fingeant. Donec quinto Augusti,
 quo S. Mariæ ad niues festum agitur, rursus ut
 templum pararet, & omnes ultro Christo no-
 mina dare volentes, baptismo lustrarent, ve-
 niam dedit. Quam cum Patres scripto con-
 gnari confirmarique vellent, scripto opus esse
 negavit, præsertim in loco, in quo ipse ageret;
 viam enim se scripturam esse. Tamen haud
 multo post literas amplissimas ac luculentissi-
 mas, in eandem rem parari iussit. Ad hæc P. Xa-
 tierius cum bonæ Cambaianorum ad semen
 Euangelicum recipiendū dispositionis recor-
 datus, à Rege litteras petiisset, quibus Patribus
 legis Christianæ docendæ, subditis verò eius-
 dem recipiendæ copiam faceret; illius volun-
 tati ilico Rex acquiescens, Regio diplomate
 facultatem hanc stabilivit. Quod, aut saltem
 transumptum illius, Goam ad Prouincialem
 destinavit, qui aliquot eodem Patres, ut Pri-
 mo Tomo dictum emitit. Porro ipsi suarum li-
 terarum facultate, in vrbe Lahor, publicè ac
 liberè fidem Christianam promulgare cœpe-
 runt; idque tanto cum fructu, ut in Septembri
 eodem anno aliquot baptismo tinxerint, alios
 ad ipsum pararint; qui etsi ex primariis non
 sint, animæ tamen sunt pretioso agni imma-
 culati redemptæ sanguine. Hinc magnificare
 eas Patres, quod primitiæ essent neophytæ vi-
 neæ Christi, dum, qui dedit initium, in-
 crementum etiam amplissimum
 daturum indies spe-
 rant.

*Rex facultatem con-
 cedit templi
 construendi.*

*Dat facultatem fidei
 in Camba-
 ia docen-
 da.*

Magnus Mogor dum peruicax Deo non auscultat, castigatur: quid in illius imperio Patres ad fidei Christiana augmentum & fecerint & passi sint.

*Regis in fide
mutatio.*

*Vt Deum
adorari
vult.*

*Nouam in-
ducere vult
sectam.*

HINC quidem in Christianam religionem propendere videbatur rex, vti ex iis, quæ iam cõmemorata sunt, colligere est, vt & eam ceteris legibus præferret, spem, quæ daret, eiusdem etiam amplectendæ; illinc tamen tanta illius erat ambitio, quæ & Prophetæ ac diuinitatis nomen affectabat, vt eius humiliandi, collumq; iugo legis Christi subdendi nulla spes afflueret. Mahometanum quidem dogma illi sordebat, Solem tamē adorabat; adeo vt quater de die preces ad eum supplex funderet, mane dum strato surgeret, meridie, sub noctis crepusculum & cõticiuium. Actum centum quadraginta, aut amplius illius elogia præconiaq; depromebat, quæ globulis gemmeis, Rosariorum nostrorum instar cõnexis annumerabat. Interdum quidem Christi Deiparæq; imaginibus honorem exhibebat, de collo quoque reliquiarum theca è catenula aurea dependebat, simul & agnus cereus, ac B. Virginis icuncula; verum quotidie mane in regiæ fenestra comparens, è qua ab omnibus conspici poterat, ab vniuersis astantibus, in genua prouolutis, ritu quodam sacro, qualem idolis suis deferre gentes solent, adorari amabat; vt taceam interim votiuas preces, quas supra illi placere diximus. Hinc tanta subditorum de regia religione dubitatio atque opinionum varietas, vt cui secta adhæresceret, statuere non possent. Vnde credebant nonnulli, nouam illum inducere velle, ideoque omnigenum legum peritos ad regiam conuo-

conuo-

conuocasse, vt è singulis aliquid mutuatus no-
uam ipse procuderet. Videns quippe se, Christi
instituta sequendo, vitiis quibus iam paulatim
assueuerat, nuntium remittere debere: huius-
modi doctrinarum permissionem facere velle
videbatur, vel omnes vt bonas admittere, vt
si quam forsan inueniret, quæ assiduos con-
scientiæ stimulos, sine vlla vitæ mutatione dis-
pelleret, hanc amplecteretur. Sed, quòd vera
quies atque animi tranquillitas, sine vera fide
haberi nequeat, frustra laborabat. Hanc vt dia-
boli illusionem ac fraudem illi auferret Deus,
qui non vult mortem peccatoris, sed magis vt
conuertatur & viuat, aliquot ei flagella casti-
gationesque immisit, quibus illum è perui-
ciæ veterno excitare conatus est. Prima fuit,
clades Sultani Morad, quem in Guzzarattim
cū numerofo exercitu aduersus Melioum De-
cani regem (ad quem olim Chaul ciuitas, quæ
iam Lulitanico tenetur præsidio, quinquagin-
ta aut amplius à Goa occidentem versus dissi-
dens leucis spectabat) profectum diximus. Fi-
lius igitur regis bello occubuit, simul & pluri-
mi duces bello clari. Is ad eum delatus nuntius
eo die, quo solennitatem celebrabat, quam no-
uum dicebant diem, Sole Arietem ingredien-
te; vt hinc colligere liceat, ob impium Solis
cultum hanc illi cladem immissam. Sed non
propterea suo sapuit incōmodo; at idem pro-
secuturus bellum, alterum filiorum, sui illi da-
to gladio, ac quadringentis aureorum milli-
bus in viaticum assignatis, eodē emisit: ipse in-
terim superstitioni suæ mordicus adhærebat.
Immisit igitur alterum flagellum Deus, ipso
Paschatis festo, anno M. D. XC. VII. eodem
penè tempore, quo simile Chinenfis rex per-

*Prima regis
castigatio
fuit Sulta-
ni Morad
clades &
mors.*

viso illum negotiis iam vacare, de conuersione per otium agere, atq; hinc accepta cælitus beneficia, illinc flagella immissa, quò illum ad agnitionem sui Deus pelliceret, in mentem reuocare decreuit. Sperabat siquidem hoc pacto illum inducere paulatim, vt maturè & non leuiter, vti hætenus iis, quæ salutis erant, ausculta- ret, & in animum iam admitteret; itaque solidum fidei Christianæ suscipiendæ propositum assumeret. Xauerius interim in grauem incidit morbum, quo bimestri fuit diuexatus, quo virum affectu rex prosequeretur, faciliè tum patuit. Neq; enim de rebus necessariis dumtaxat prospexit abunde, ac medicum illi suum sæpe destinauit, sed ipse decumbentem etiam inuisit, quod singularis fuit beneuolentiæ argumentum: neminem siquidem inuisere solet. Sed conualecente Patre, rex ipse ad finem æstatis ex morbo cœpit decumbere. Xauerium interdum ad se æger euocauit, ac suum decumbenti conclaue intrare voluit, quod & maximis regni Satrapis permittere nequaquam solet. Labente igitur tempore, commodam nancisci Xauerius Regi de iis, quæ proposuerat loquendi occasionem non potuit, nisi postquam Lahor iam rediisset. Tanta porro in Caximirum penuria ac fames tum erat, vt matres deficiente cōmeatu, quò se & prolem alerent venales liberos exponerent. Funesto hoc mortis spectaculo Xauerius, plurimos coëmit qui salutari aqua abluti puram mox animam creatori reddebant. Saracenus visa illius innoxiam ætatulam compassione, suum illi gratis dedit filiolum; sed matri illum restitutum data in alimentum pecuniæ summa. Quod verò eidem conferre Baptismi Sacramētum non

Hieron. Xauerij morbus & regis.

James Caximirana.

fuiſſet auſus, veritus ne ſuperſtes in barbaro hoc ſolo Chriſtianam non duceret vitam; ecce mater ſummo m̃ane fores pulſat, Xauerium aduocat, moribundum filiolum vt baptizet poſtulans, Paruit, comitantibusque Luſitanis nonnullis ac patre annuente baptizauit. Sed mortuum pater etiã voluit circumcidere; ſed ſacrilegum hoc facinus impediens Xauerius poſtridie Chriſtiano ritu terræ mandauit. Idipſum & puero trimulo contigit, qui ad Patres à matre Mahometana delatus ſtatim à Baptiſmo exſpirans in cœlum euolauit. Sed ad pro- poſitum redeat oratio. Rex æſtate iam elapſa Lahorem vnà cum Patre Xauerio reuertit, im- petrata cum ſocio præeundi venia, ne aulicis tumultibus impedimentisque inuoluerentur. Quod rex haud illibenter conceſſit. Varias iti- nere hoc moleſtias ſubierunt, tum famis, tum frigoris, tum etiam viæ perdifficilis; tranſeun- dum quippe fuit per ſemitas adeo aſperas atq; anguſtas, vt ſolum equitem admitterent: vt lentè incedendum fuerit, ſæpeque iter inter- rumpendum, elephantis ſarcinis onuſto mon- tes conſcendere non valente; qui pedibus fa- tiſcens, ne oneri ſuccumberet proboscidi, vel- ut ſcipioni innitebatur.

*Hinc multi
infantes
Baptiſmo
tincti ſal-
uati ſunt.*

*Elephas
proboscidi
innititur ut
ſcipioni.*

Post multos anfractus & labores tandem
XII I. Nouembris Lahorem peruentum eſt,
vnde XIII. Maii diſceſſerant anno ſuperiore.
Sereniore hic vultu ac maiori beneuolētia Pa-
ter cū ſocio tum à ciuibz exceptus fuit, quàm
ante. Lapidibus ſiquidem impetere ſolebant,
aliaque inhumanitatis oſtendere argumenta.
Paucos poſt dies rex cum principe ſecutus eſt,
plerisque equorum, elephantorum, famulo-
rumque in via amiſſis. Nec minus vitæ diſcri-

*Leana ra-
bies amissis
catulis.*

men adiit Princeps. Venaturus leones is abierat, elephanto femina nullis dentibus armata vectus, quæ leunculos necdum adultos proboscide obtriuerat. Accedit interim leana, rabie & furiis efferuescens, in Principem irruit, sanguineo dente petit. Telum is accedenti insigit; sed mortale non erat vulnus. Hac plaga accepta furens ferientem petit, dentibus, vnguibuscque dilaniatura; sed fistulæ sulphureæ, quam ad manum habebat, glande non inani conatu traiecit: ne hoc quidem vulnere tametsi letali, audaciores spiritus ferociamque eruit; verum maiori impetu in elephantum insiliit, tam vicino hosti, ut spuma, quam rabies exciebat, Principem insceret. Hic periculo factus audacior, arreptum scloppum tanto impetu belluæ impexit, ut attonita & consternata in terram rueret. Iacentem miles gladio confodit, quo vulnere emortua est: prius tamen seipsam ultra percussorem discerpfit. Hoc è periculo eduxisse Principem videtur Deus, ut, cum rebus Christianis sit addictissimus, eo forsan instrumento vtatur ad multorum salutem, Ecclesiæque augmentum, vbi paternum regnum adierit.

*Præsepe
Bethlemi-
ticum.*

Natalitiis Christi festis, Benedictus à Goes Xauerii socius, præsepe & incunabula Saluatoris Bethlemitici in templo recens exstructo, tam eleganti, piaque curiositate concinnauit, ut non Christiani modo, sed & Saraceni, & Ethnici passim ad spectandum confluerent. Tantus porro spectantium fuit concursus, ut ad octauam Epiphaniæ incunabula in altari manere opus fuerit. Exhibita nocte natali à quibusdam adolescentibus pastoralis ecloga, Persica lingua, natiuitatem Dominicam representans, sententiis aliquot Indostanis permixtis.

mixtis. Placuit hæc incolis simul & Saracenis, vt plerique longe aliam de Christianis, eorumque lege opinionem, quam prius conceperint. Nonnulli præ animi sensu in genua prouoluti Christum in imagine adorabant, quasi verè in præsepi reclinatum. Sed Ethnicis hoc drama placuit magis quàm Turcis; hinc illorum nonnulli votis se Dei matri obligare, & singuli pro facultate donarium aliquod offerre.

Inter cæteros attulit munusculum mulier *Mulier stegentilis; quæ doni causam rogata respondit; Petii à Bili Mariæ, hoc est, à Domina Maria (ita enim Beatissimam Virginem nominant) filiolum; voti compos facta, in accepti beneficii memoriam hoc illi munusculum defero. Neque sola plebs & infima multitudo erga fidei nostræ mysteria afficiebatur, sed & proceres, & Optimates. Quos inter vnus, nescio quid postulaturus, duos obtulit careos, quatuor pedum, ea spissitudine, vix vt duabus manibus stringi possent. Ex his vnum clausis in modum orantis & meditantis oculis, Patri Xauerio obtulit, vt in cultum & honorem Saluatoris Iesu Christi (ita dixit) arderet. Eodem ritu dedit & alium, vt in honorem Dominæ Mariæ accenderetur, Deinde in eleemosynam triginta aureos erogauit, quos in Christianos indigentiores, Patres dispertiti sunt. Ipse etiam Princeps, regni heres, insignem erga fidem nostram affectum demonstrat, præsertim cum data occasione eandem tueatur, ac pro viribus defendat, suumq; in Christum ac Deiparam amorem publice profiteri non sit veritus, illorum namq; imagines in conclau tenebat, quarum aspectu in primis delectabatur. Si quam Lusitani, aliive Christiani, qui in regia*

Mulier stegentilis; quæ doni causam rogata respondit; Petii à Bili Mariæ, hoc est, à Domina Maria (ita enim Beatissimam Virginem nominant) filiolum; voti compos facta, in accepti beneficii memoriam hoc illi munusculum defero.

Princeps erga fidem affectus.

agebant, imaginem ex India Lusitaniave nancisci similem poterant, eandem illi quamprimum deferrebant, cum scirent pergratum hoc illi officium fore. Sed vnica eum à fide nostra suscipienda impediēbat libido, carnalisq; voluptas; hinc quadam tempestate Patribus ait: Si plures Euangelium vxores admitteret, à plurimis reciperetur, cætera namque illius instituta ac dogmata sancta sunt, & cum ratione coincidunt. Et sanè mirum nemini debet, si in temperanda libidine, tantum difficultatis sentiat, cum trigesimo sexto ætatis anno nondum completo, viginti iam vxores sibi copularit. Sed iam satis de Principe, ad Regem redeamus.

Interim literas à Patre Prouinciali rex accepit, quas Xauerio ille miserat regi offerendas. Atque vt nefas est in oriente, vacuis in regis cōspectum prodire manibus, Prouincialis nomine duas illi imagines scitè elaboratas obtulit è Iapone transmissas. Vna Christum Dominum; B. Ignatium Loiolam exprimebat altera; quæ illi pergratæ fuere, & inprimis B. Ignatii; quod noua esset, & inuisa hactenus. Cuius ea esset effigies, percontatus est. B. Ignatii esse respondit Xauerius, hincq; sumpta occasione, vitam illius paucis enarrauit. Placuit regi narratio, eamq; Persico transferri voluit idiomate, quo ad subditos etiam fructus dimanaret. Interuenit sermonibus hisce princeps, visaque imagine, postulauit eam tantisper sibi concedi, dum similem à pictore fingi sibi curasset. Alio die cum regem Xauerius salutandi causa adiisset, tradidit illi litteras à P. Prouinciale acceptas, vt coram proceribus illas publicè euolueret. Fecit, primò Lusitanicè, deinde in Persicam linguam transferendo. Inter legendum,

lætari

*Litera P.
Prouincia-
lis ad Re-
gem.*

letari se externis quibusdam signis rex ostendebat, quòd Prouincialis ob collata in socios beneficia & beneuolentiam infinitis se nominibus regiae Maiestati deuinctum, ideoque omnibus suis, vt pro regia incolumitate Dominum Iesum precarentur, edixisse, scriberet. Ad quam sanctissimi nominis prolationem cum caput detegeret Xauerius, summaq; reuerentia inclinaret; rex exhibitæ à Patre S S. nomini Iesu reuerentiæ rationem redditurus, apprehensa illius dextra, circumstantibus aperuit; apud Christianos scilicet nomen hoc religiosum esse, atque ideo Patrem inter legendum caput aperuisse, tum ad legentem conuersus, itane se res haberet, petiit; ita esse dixit Xauerius. Lecta Prouincialis epistola, legit & P. Monferrati, qui cum Rudolpho primus in Mogor profectus erat, & post sexennem captiuitatem, vt supra suo loco retulimus, iam Goam reuerterat. Captiuitatis causam scire Rex voluit, cur tam inhumanos se erga illum Turcæ exhibuerint. Vnicam horum causam ait Xauerius innatum Saracenis in Christianos ac præsertim in Socios, odium; quos quomodocunque possunt, pessimè excipiunt, quòd sectæ impiæ pro viribus aduersentur: cum e contra diligere eos oporteret, quòd salutis eorū desiderio in præsentissima se vitæ pericula coniiciant. Neque multum temporis intercessisse, cum P. Abrahamus Georgius, eiusdem Societatis, Æthiopiam aditurus, ob huius Christianæ confessionem & Mahometanæ repudium, cæsus esset. Offendit plurimos hoc sermone Saracenos adstantes; hinc ex eo numero, quidam Patrum intimus, monuit, vt cautè & prudenter de Mahometana lege ageret. Nullus quippe, inquit,

hic

*Item P.
Monferrati, cur à
Turcis hic
captus sit.*

*Saracenorum
in Christianos
odium.*

hic adest Maurus, quin tuum sitiat sanguinem, cum legem hanc criminaris; atque ego ipse, qui tibi sincerus & integer amicus sum, quoties te Mahometo aduersantem, illiusq; dogina calumniantem audio, sic indignor, vix vt manum contineam, quin ferro te petam, Adco mihi displicet hic sermo.

Cæterum Rex quamuis de re Christiana loquentes libentissime audiret, stolidæ Solis adorationi ita deditus erat, vt illius ad manum semper imaginem haberet, quam quotidie sub Solis ortum adorabat. Deinde tanta illius in fide suscipienda erat fluctuatio, vt quo vergeret, nesciret. Narrabat quodam tempore Patri Xauerio, à viginti se annis triginta pueros, priusquam vllas efformare voces possent, loco euidam inclusisse, & adhibita custodia impedisse, ne nutrices, quæ lactabant, patriam illos linguam edocerent. Itaque experiri se voluisse, quodnam idioma iam grandiores natu loquerentur, atque illius gentis leges sequi, cuius lingua loquerentur, decreuisse. Sed irritum hoc tentamen fuisse; nullum enim distincte & intelligibiliter proferre verbum potuisse; ideoq; se legem mutare ac religionem nolle.

*Aduersitas
Patribus
imminet.*

Ea licet Regis in Patres esset beneuolentia & amor, non deerant tamen aduersitatum procellæ & turbines insurgentes. Referam è plurimis vnâ, quæ hoc habuit exordium. Armenus erat in Lahor Christianus, sed moribus Saracenus aut Gentilis potius. Hic mortuæ vxoris neptem incestuoso sibi matrimonio volebat iungere. Assensum præbere nolebant Patres; Regis igitur hoc auctoritate imperioque obtinere voluit, aut saltem illorum simulationem. Euocantur igitur à Rege: cumque subitæ

euoca-

cuocationis causam suspicarentur, non ferro
 & armis, sed patientia & precibus (armis sane
 validissimis) armati ad regiam properant, Deo
 re per orationem, prout breuitas temporis pa-
 tiebatur, commendata, vitam ponere potius
 parati, quàm incestui assentire. Iuere Xauerus
 & Pinnerus, Benedicto à Goetz domi relicto,
 qui tametsi aulam exosam habeat, hac tamen
 nocte illorum esse socius voluit, quo supplicii
 & coronæ martyrii ob assertam veritatem, si
 opus foret, subeundi esset confors. Repulsam
 passus, interea dum Patres in regia versaren-
 tur, Christianos & Catechumenos puerulos,
 quos poterat, conuocauit, eosque ad mortem
 pro fidei Christianæ confessione generose op-
 petendam animauit. In terga deinde flagellis
 sauitum, & oratio instituta, vt Patribus vires
 subministraret Deus, quò cunctos inimico-
 rum impetus retunderent, & Regi incestum
 Armeni promouenti, animose resisterent. Sed
 secus quàm putarat, rei fuit exitus. Quamuis
 enim omnem Rex moueret lapidem, vt ma-
 trimonio huic Patres assentirent; viso ad mor-
 tem hoc nomine subeundam illos esse paratis-
 simos, vltèrius instandum minime censuit; of-
 fendit illum tamen liberior Xauerii responsio.
 Petierat Rex, ecquod scelus foret duas sorores,
 aut alterutrius filiam in coniugem acci-
 pere, & suam sectam sequi? (Armenus enim
 videns se Christianum hoc impetrare nō pos-
 se, regium dogma admiserat) respondit Hie-
 ronymus Xauerus: Relicto, hoc esse, cœli tra-
 mite, infernalem insistere; & Armenum, &
 quotquot impiam hanc sectam sequerentur,
 indubie inferis deuotos. Displicuit Regi vi-
 ri libertas, qua legem à Rege adinuentam,
 coram

*Rex consen-
 sum in in-
 cestum ex-
 torquere à
 Patribus
 vult.*

*Liberum
 Xauerij re-
 sponsum.*

coram omnibus proceribus, condemnare videbatur. Dissimulauit tamen indignationem, & vultus compositione cōceptum animo rancorem tēxit. Non minorem verò intrepida hæc libertas in animis omniū circumstantium admirationē excitauit; dum Christianos promptos & paratos vident ad sanguinem pro legis suæ defensione fundendum, longe aliâ quàm quæ Mauris est constantia, qui ne minimum incōmodum pro Alcorani sui tuitione & obseruatione sustinent. Re tota ad principem delata, Armeno ob fidem eiuratam succensuit, ostenso non obscuris signis desiderio castigandi hominis, in paternam indignationem vereretur.

Multi baptizati in Lahor.

Sed in locum Armeni huius, qui fidem abiurauit, annò M. D. X C. V I I I. multi infideles in Lahor eidem nomina dederunt, & Baptismo tincti sunt, sed nonnisi ii, quibus vitæ longioris nulla spes esset: Aliis enim baptismus initio nō conferebatur, ne forte à fide, si diutius viuere contigisset, deficerent. Est quippe gens inconstans, & in horas nutans. Horum tamen duo, morti proximi, baptismo suscepto, vnà cum animæ vita, salutem sanitatemq; corporis nacti sunt. Saraceni quoque nonnulli suos Lahorem duxere filios vt saluari baptismi aqua tingerentur, cuius compotes facti quamprimum emorientes, cœlum petebant. Quidam è primoribus cum eadem ipsa hora, qua Christus mundi Saluator è Virgine natus est, vxor illi filiolum peperisset, templo illum coram præsepi Dominico intulit quem mox ablui voluit, ipse quoque cum vxore in Catechumenorum numerum adlectus, Christianæ fidei mysteria doceri voluit, vt iisdem satis ambo instructi bapti-

baptismo tingerentur. Non eadem fuit alterius matris sors, sed melior prolis. Mulier hæc Mahometana cum ipsa Paschatis vigilia prolem enixa esset viginti post dies eundem à Patribus baptizari petiit. Sed cum vicinæ eam & propinqui iniuriis proscinderent, quòd prolem Christianam haberent; indignata sibi que ipsa succensens, sed frustra, filio necem parat, venenum lacti immiscens. Pridie enim Ascensionis Dominicæ, anno M. D. XC. VIII. decimo octauo à suscepto baptismo, & quadragesimo à natiuitate die, cum die & media, grauissima tormina conuulsionesq; stomachi tolerasset, quòd fletu, lacrymisque ac totius corpusculi insolita agitatione declarabat; Christi fidem non loquendo, sed moriendo confitens, animam reddidit. Puer hic, teste P. Pinnero vultum adeo splendidum elegantemq; habuit, vt qua in cælo fruebatur gloria, insolitus fulgor declararet.

*Martyriū
puelli in-
nocentis.*

Eodem penè tempore Echebar Rex Lahorem reuersus, præmissis in bellum aduersus Melicum regem Decani, qui Sultanum Morad, regis secundogenitum profligasset, filio altero, ipsemet magna militum manu stipatus expeditionem aggredi voluit. Lahore igitur Agram contendit, quæ vrbs regni cognominis, quod paulo ante vi subiugarat, caput est. Hæc cætum vel circiter à Lahore distat leucis meridiē versus, quòd cursum dirigebat. Regnum quippe Decani magis ad meridiem vergit. Tanto porro apparatu, comitatuque profectus est, vt ad tentoria illius deferenda octingenti elephantes, & septem camelorū millia non sufficerent: quod nulli mirum videri debet; illius namque secretarins septingentos camelos & septuaginta ele-

*Rex Moger
ad bellum
proficiscitur.*

*Xaverius
illum sequi-
tur.*

*Alios Pa-
tres Lahore
rem euocat.*

*Xaverij
cum Rege
colloquium*

ta elephantos, suis rebus onerauerat. Xaverius comperto Regem in expeditionem propendere, se, si videretur, comitem obtulit; idque multas ob causas, ac praesertim ut conceptam de Christiana religione opinionem, & in socio obsequium affectumve non intermitteret. Placuit Regi haec Patris oblatio, eumque est amice amplexatus. Dari illi ergo pecuniam, equos, camelos, simul & elephantos insterni, cunctaque quae postulare, parari iussit. Vnum sibi & socio camelum sufficere dicebat Xaverius, sed quaternos accipere coactus debuit. Haec Regis expeditio vicinos Reges perterrituit; nec immerito. Valebat enim viribus, & magna hominum multitudine limitibus illorum imminebat. Agram ubi peruenit, ad annum substitit. Interea Xaverii non quieuit industria. Copia quippe illi à Rege facta alios Lahorem socios euocandi, ut ibidem sedem figerent, ac Patri Pinnero, qui illic ad neophytos in fide & pietate continendos remanserat, conciliarentur. Non porro abs re videbitur P. Xaverij cum rege colloquium XVI. Iulij anno M. D. IXC. institutum paucis complecti. Oportune ergo regem adiens, soli magni momenti rem se communicare velle, si modo Regiae Maiestatì videretur, significat. Rex à frequentiori turba semotus Xaverium, quid velit, percontatur. Tum ille, literas à Provinciale nostro accepimus, inclyte Rex, hocce argumento: Quinquennium iam in regia egistis, quo patrium idioma addisceretis, ipsum percallere vos iam nemini dubium est. Regem igitur rogabit, cum Euangelicae praedicationis audiendae causa vos exciuerit, quid de vobis statuere velit, ut quid mihi de vobis agendum sit, eadem opera intelligam. Hisce literis perlectis,

perlectis, Xauerus de suo hæc adidit. Et sane
 nō parum angit nos, tanto in regia vestra tem-
 pore sine vllō prorsus fructu versari. Omni er-
 go animi contentione poscimus, vt beneuolās
 nobis aurēs, vti; dum huic primò appulimus,
 Maiestas Regia sponderat, accommodet, vt
 quæ salutis sunt, ediscere queat: Hoc quippe ad
 veritatis cognitionem, quam ediscere se velle
 testatur, inprimis necessariū est. Tū rex: Fateor
 veritatis vos cognoscendæ desiderio à me euo-
 catos, vt quod rationi conformius & conueni-
 entius; deinde amplectar: Sed modo Decan
 proficiscor, & haud procul Goa sedem figam;
 tum omnibus me negotiis expediam, vosq; per
 otium benignus audiam: Deinde hæc subiun-
 xit: Huius ergo vos euocauī, sed sine interprete
 vobiscū agere decreui, & aurem præbere mo-
 nentibus. Parumne vobis in me videmini pro-
 fecisse, cum eo, quo Saraceni in regno præuale-
 bant tempore; omnis Christum, verum esse
 Deū confitens mox neci daretur; & modo
 vos libere, sine vllō metu, ipsum & confiteri ac
 prædicare possitis? Ita se rem habere non ne-
 gabat Xauerus, eoque nomine singulares gra-
 tias agebat; iterum obsecrans, vt Christianæ
 fidei expositionem, tum suæ salutis, (quā in-
 primis exoptabāt) tum subditorum ergo, tum
 inprimis vt aliquem laborum fructum cape-
 rent, benignus audirēt. Facturum se spon-
 dit, atq; ita Patres à se dimisit. Sed iterum La-
 horem redeāmus. Pinherus interim dum Xa-
 uerus Agræ cum Rege abesset XXXVIII. Ca-
 techumēnos baptismo lustrarat, atq; inter eos
 tres vrbis incolās gentili prius superstitioni de-
 ditos. Amici & consanguinei piæ horum vo-
 luntati obstare conabantur, sed illi inuincibili

XXXVIII.

Gentiles
Lahore
baptizati.

constantia obstacula omnia perrumpebāt. Affines namque occulta consilia & conuenticula inire, dum metuunt, ne si alii publice Christianam legem amplecterētur; in legis hoc suæ dedecus infamiamq; redundaret. Sed ea neophytorum fuit constantia, vt satanā, eiusq; asseclās omnes superarint; vt ipso Pentecostes die vna cum aliis anno M. D. X C. I X. magno omnium plausu & lætitia baptismo admoti sint. Strata erat & obtecta, qua huic sacro agmini incedendum erat, ramis, frondibus & viriditate herbarum via, plantatis vtrimq; arboribus, hac vt ratione viridans densam opacamq; siluam referret. E Patrum domo egressi composito ordine, supplicantium ritu palmas manibus gestabant, Christianis vtrimq; latera claudentibus. Præibant omnigena musica instrumenta, tympana, tubæ, buccinæ, tibiæ, factoque gyro quodā & ambitu per stratum & consitum floribus vicum ad templum progressi sunt. Quibus cum P. Pinnerus iniecto humeris pluuiali ac superpelliceo, vt vocāt, occurrisset, benignè eos excepit. Ad hanc pompam apparatusq; solennem huic ciuitati nouum & insolitū, tanta Ethnicorum multitudo confluit, vt quam in partem se ille cōuerteret nesciret, tantusq; erat strepitus & murmur acclamantis populi, vt facris perfungi nō posset. Tandem præmissis ante valuas consuetis ritibus in templum inducti & magna alacritate, ac candidati huius agminis gaudio baptismo tincti. Varia & obseruanda in hac sacratiori actione contigerunt; sed ne longius abeam, adolescentulæ sextum decimum necdum ætatis supergressæ annum vnicum afferam exemplum. Hæc igitur cū reliqua multitudo ad sacros hosce & solennes ritus aduolans,

Catechumenorum processio.

Baptismus puella notatu dignus.

Ians, aliorum videns capita aqua tingi, iisdem se permiscens, palam eodem petiit sacramento expiari. Sed cū de Catechumenorum numero non esset, respondit Pinnerus, alio tempore vbi amplius profecisset, & instructa esset, quod petebat nō difficulter impetraturam. Ad hæc illa desiderio efferuescens: Et quid mihi deest? Catechismum, & ad fidem spectantia iam audiui. Quapropter Christianis adiungi volo, neque templo, nisi baptizata recedam. Illius perspecta constantia, perseverantiaq; Pinnerus, vbinam fidem edocta esset, percontatur. Tum, inquit, cum alii docerētur. Periculum fecit catechista, & satis sufficienterq; illam instructā comperit. Illius itaq; precibus cedens baptismum contulit, Gratia illi nomine imposito. Hæc demum reuersa, clamoribus, contumeliis, omniq; iniuriarum genere, hanc ob rem, à parentibus obruta, omnia æquo animo pertulit: eoq; furor & rabies progressa, vt domo eiectā necessario alimento priuarent, templi aditu interdicerent, fustigationem insuper ac verbera cōminarentur, si quid horum ad Patres referret. Maurus ergo, maligno agitatus dæmone, quo eam à Christianis sacris omnino auerteret, illius nuptias ambiuit; dum sperat eam à suis derelictam, mox desperatione actam assensum daturam. Sed Christiana adolescentula sacrilego matrimonio obstitit, dicens se baptismo tinctam, & sanctiori lege ab illius coniugio prohiberi. Hęc cum ad Pinneri aures peruenissent, curauit illam ad se vocari, vt ad constantiam, si forte nutaret, adhortaretur. Illa breuiter & libere professa, etiamsi mors appetenda foret, se cōstantem in fide Christiana permansuram, nec promissæ in baptismo sponfionis obliturā.

*Ob fidem
variè affli-
gitur.*

Certus itaq; de illius constantia Pater ad ædes cuiusdam Christiani coniugati destinauit. Interim Maurus, qui nuptias ambibat, magnos clamores & turbas cōcitauit, eoq; furentis deuenit insolentia, vt qui Indostanorum ingenia naturamq; ignorasset, non parum timore percussus fuisset. Parentes ergo cum animaduertent nihil prodesse denunciationes & minas, quas obiecto regis imperio & infamis Mahometi indignatione, spargebant; vrbis Præfectum adierunt, Pinnerum criminantes; quod insciis & inuitis parentibus filiam baptizasset. Misit hic ad Patrem, qui rei veritatem & caput inquireret, & puellā ad se euocaret, eandem de re tota examinaturus. Præfecti voluntate comperta, Maurus, qui nuptias ambibat, multis stipatus, domum Christiani circumcingit, credēs se iam manibus tenere, quam petebat vxorem. At Pinnerus detectis insidiis, fido validoq; comitatu alia via, magno Mauri cum dolore puellam destinauit. Verum cum postmodum intelligeret, varia esse quæ obtenderentur argumenta, Iudicum fidem obtestantibus aduersariis, quod factum Alcorano regiisq; legibus aduersari dicerent, adductis etiā in suam sententiam; omni mora præcisa, ad confessum Iudicum accessit; ac disponente Deo tum appulit, cum præfectus multa à puella quæreret. Cui illa viriliter & animo plusquam muliebri, Christiana sum, neu hunc maritum agnosco; apprehensoque Pinneri pallio: Istum, inquit, vt Patrem habeo. Rogata, cur Mahometi legem repudiasset; quod falsam & plenam erroris, ait intelligerem, solumq; Iesum Christum verum esse Deum scirem. Vidisses ad hæc responsa stridentes dentibus Saracenos, & præ pudore erubescen-

bescentes, quin & præbile candescentes, stupentes & attonitos, conspecta adolescentula infirmæ adhuc ætatis tam constante, tamq̃ in fide Euangelica perseverante, quasi cum lacte nutricis religionem imbibisset: cum tamen vix quadraginta diebus Catechismum frequenter. Victrix tandem satana eiusq̃ affeculis superatis, magna Dei tum gloria tum aduersariorum confusione euasit. Præfectus namq̃ illius visa constantia, quam amplexa erat, legis sequendæ copiam fecit: Eam igitur ad templum reuersâ Pinnerus Christiano matrimonio iunxit, neq̃ obstitere importuni Mauri clamores, eam sibi in vxorem deposcentis. Is rei fuit exitus, atq̃ is rei Christianæ in Magni Mogor regno ad finem anni M. D. X C. I X. status. Hanc deinde missionem Patres nostri assiduò frequentarunt, plurimique in Lahor, vbi socii vt plurimū resident, Christo aggregati. Sed quod rei caput erat, conuersio regis Echebar minime successit, qui ad finem Octobris, Anno M. D. C. V. in eadem fidei fluctuatione anceps (nisi forte resipuerit) diem clausit. Patres supremo illius morbo comperto illum quidem seriò admonere voluissent, eamque ob causam regiam adierāt: at quod letalem esse morbum, & morti adeo vicinum illum non crederent, in aliud tempus opportunius monita distulerūt. Sed (proh dolor!) viuum deinceps non videre. Nam biduo aut post venenum, quo obiisse creditur, præcordia ita occupauit, nullum vt magni momenti negotium tractare potuerit. Ita Deus deserere solet eos in morte, qui viui ipsi deseruere, & sanctos, quos immisit afflatus neglexere. Sed hæc hætenus de regno Cataiæ detecto iam nonnulla depromamus.

Victrix euasit.

*Hieronymus Xauerius cum in Magni Mogor regia
versatur, in regni Cataiani notitiam venit;
quid de eodem intellexerit.*

*Xetaia vel
Cataia re-
gnum.*

*Xambalu
vel Cam-
balu Ca-
taia corpus,
eius circui-
tus.*

*M. Paulus
Venetus lib.
i. Itiner. c. 7.
Ortelius in
Tartaria.*

Priusquam Echebar rex Lahore Agram pe-
teret; ecce tibi, Hieronymo Xauerio cum
Principe in regia colloquente, sexagenarius su-
bito apparet institor, religione Mahometanus.
Principe salutato, interrogatus, vndenam ve-
niret, iam recens se è regno Xetaia venire af-
firmavit; quod Xauerius idem esse omnino
credit, quod Cataiense; quorum meminere M.
Paulus Venetus in Itinerario, & Aito Armenus
in historia, ac nuperi scriptores, qui in Tartaria
idipsum aut nō procul inde constituunt. Prin-
ceps ulterius percontatus, quodnā id regnum
foret, quantoq; ibi esset tempore commoratus
petiit. Tredecim, inquit alter, annis, in regni
Metropoli, quam Xambalum appellabat; quæ
eadem omnino cum Cambalu: quam auctores
superiores quatuor & viginti aut triginta &
duo (aliorum supputatione) milliaria in cir-
cuitu patere dicunt. Hanc Regum sedem esse,
quorum maxima potentia, mille namq; quin-
gentas regnum hoc vrbes habet, ac nonnullas
frequentiores. Vidisse Regem sæpius se asser-
bat, at hunc nisi scripto compellari, vel dum
quid petitur vel aliud significatur, non respon-
dere verò, nisi Eunuchorum semper astantium
interuentu. Petebat Princeps, qui regnum hoc
ingressus esset? titulo, inquit, legati à rege Cay-
gareno destinati; se tamen in primo regni li-
mite à præfecto loci detentum, donec regem
inspectis prius literarum sigillis, de aduentu il-
lius certiore reddidisset. Tunc namque nun-
tium citatis equis ad regem missum; qui infra
mensē

menſem reuerſus regiam adeundi facultatem attulit. Mutatis.n.ad ſingula loca equis, more Europæo, quàm celerrimè ad locum, etià diſſitum perueniunt. Vt quotidie centum Italica milliaria vel vigintiquinque trigintave leucas noſtrates conficiant. Toto ſibi itinere nullam irrogatam dicebat iniuriam, quod omnes locorum iudices ſuum cuique ius exacte adminiſtrent; & in prædones grauiter ſeuereſq; animaduertant. Rogatus quæ incolarū eſſet forma, pulchriores ſe nullos vnquam vidiffe aſſeuerauit, Rumisq; etiam, id eſt, Europæis (hoc namq; nomine Orientales, Turcas, Europæos, Conſtantinopolitanos, & Græcos, à Romæis, orbem olim vniuerſum & maxime Europā, ſuo frènantibꝰ imperio, deducta deriuatione nuncupant) pulchritudine præſtare. Promiſſam viri, inquit, plerique alunt barbam, viri æquè ac mulieres candido colore ſunt. Plerosq; aiebat eſſe Iſauitas, vel Ieſauitas, id eſt, Chriſtianos: hoc enim nomine à Ieſu origine deducta, hic dicuntur, quaſi Ieſuitas dixeris; vt in primigenia Eccleſia, à Chriſto Chriſtiani nominabantur. Rogatus, omnes num Ieſauitæ forent? Nequaquam, inquit: Sunt etiam plurimi Muſſauitæ, id eſt, Iudæi; quòd Moyſes illorum lingua Muſſau dicatur. Sunt quoq; Mahometani nonnulli. Rex autem, petebat Princeps, ane Mahometanus? Nondum, inquit Mercator, ſed breui ſperatur futurus. Quod autē colloquium interromperetur, Princeps Xauerio gratificaturus, mercatori diem conſtituit, quo ad regiā rediret; velle enim ſe & aliā de regno hoc inquirere. Sed moræ pertæſus Xauerius cognoſcendiq; ardens deſiderio, ante præſtitutū tempus vltro mercatorem adiit, quam incolæ reli-

Incola plerique Chriſtiani ſunt.

*Templa
habent &
imagines.*

*Sacerdo-
rum casti-
tas.*

Vestis.

gionem profiterentur accuratius inquisiturus. Plerosque mercator iterum dixit esse Iesauitas, seque cum eorum plurimis familiariter egisse. Hostempla habere, & nonnulla magnitudine immensa, in quibus fictæ pictæq; imagines, atque inter cæteras crucifixi Saluatoris, conspicerentur, & has magno in honore haberi. Singulis templis sacerdotem præesse, quem sui colerent & muneribus variis condecorarent. Petebat Xauerius, num quis hic Episcopus foret? quid Pater vellet, non intellexit mercator. At cum planius rem exposuisset; inter sacerdotes quendam esse aiebat, auctoritate qui cæteris præset. Illorum quoque referebat continentiam illibatamque castitatem, & ludos literarios, in quibus iuuentus excolebatur, quæ deinde ad sacros ordines eleuaretur. Hi omnes regio aluntur ærario; illius etiam opibus noua struuntur templa & ruinâ minitantiæ restaurantur. Patres insuper, id est, sacerdotes, tunicis induuntur nigris, & pileum gestant, qualem Xauerius, sed paulo maiorem. Si quem per viâ salutauerint, caput non aperiunt, sed manus ante pectus iungunt, digitis sibi mutuo implexis. Pallia nonnunquam gestant, sed feriatis, festisq; diebus puniceo colore vestiuntur. Cæteri qui sacerdotio insigniti non sunt, nigris vt plurimum vestiuntur, sed festis diebus puniceis. Regem addebat sapius templum adire, qd Christianus foret, esse quoque vtriusque sexus plurimos, qui ab aliis & strepitu populari semoti solitariam rigidamq; perpetuo in cælibatu vitam ducerent. Esse & alios, qui domus suæ perpetuam castitatem colerent, ac nullo se matrimonio iungerent. Incolas vt plurimum locupletes & opulentos esse; regnum argenti-

fodinis

fodinis abundare, è quibus maximos Regem eduxisse thesauros, & in munitissimis regni vrbibus asservare. Quadringentos hunc semper paratos habere elephantos, ad bellum exercitatos, qui è Malaca deferebantur. Multos etiam institores Peguanos cōmerciū gratia in Cataiam traicere, & medio iter omne anno confici. Hæc è literis Xaverii ad Prouincialem anno M. D. XC. VIII. Iulii XXVI. Lahore datis deprompta sunt. Sed dein Agram cum rege reuersus, ab aliis, qui in Cataya se fuisse dicerent, eadem quæ mercator retulerat, inquirens, vera esse comperit; vt literis suis sequenti anno Kalendis Augusti ad eundem Prouincialem datis testatur. Sunt qui iter in Cataiam per Bengalam & Garagati regnum, in quo Magni Mogor imperium terminatur, patere dicant. Sed mercatores, qui viarum norūt compendia, Lahore Caximiram petunt, ac deinde per Rebati regnum (cuius Rex Magni Mogor socius & amicus) restā Caigarenum tendunt; atque hinc facilis & brevis ad primum Cataiæ emporium, quod à Christianis mercator incolit aiebat, via patet.

Via in Cataiam.

Iisdem in literis suum cum rege hac super re colloquium Xaverius commemorat. Superior noster, Inclyte rex, certior factus est, plurimos in Cataiæ regno Christianam religionem profiteri. De quibus abhinc trecentis aut amplius annis nihil dum certi in Europa compertum habuimus; cum quòd à reliquis Christianis magno sint locorum interuallo disiuncti; cum verò quòd omnis regio, qua transeundum est, bello hætenus assiduò flagrarit. Tres quatuorve nostrorum eodē missos vellet, qui rei Christianæ hic statum explorarent, incolasque pro

viribus in viam salutis reuocarēt. Nostri quippe instituti est, contemtis periculis, per orbem ad animas Deo lucrificandas, discurrere. Tum rex patria lingua, *Rahat met Xoda*, id est, Dei super te benedictio descendat: & elata nonnihil voce, Societatis institutum & scopū dilaudauit. Xauerius deinde progressus vltcrius, Prouincialem, ait, comperto non esse iter in Cataiam compendiosius, quam per Regiæ Maiestatis imperium, flagitare quam poterat maxime, ne, si alios Lahorem socios destinaret, eò mittendos, regi graue foret, in protectionem illos suam ac tutelam admittere. Veniant, inquit rex, meum insuper legatum addam, quī cum tuto se dare itineri queant. Et sane, adnectit Xauerius, percōmode: quidquid enim à Cambaia ad vsque Lahorem interiacet, Magni Mogor ditioni paret, inde in Badaxam tenditur, cuius rex Mogori vectigalis, tres Lahore olim habebat filios, qui vna cum aliis dynastarum & optimatum filiis Lusitanicā à Patribus primis linguam edocebantur. Patrum ergo hi fuisse discipuli, atq; is qui modo Badaxæ regnum tenet, horum frater est. Adeo vt huius ope, & Magni Mogoris accedentibus literis, facilis in Cataiam, vt diximus, pateat via. Hæc sunt quæ anno M. D. XC. IX. P. Hieronymus Xauerius ex aula Magni Mogor scribebat; at illius dein socius Benedictus à Goez eodem, ad iter regionemq; detegendam missus: sed quod nondum eò peruenerit, nihil dum compertum est. Sunt porro qui Cataiam Chinense regnum existiment. Sed hac de re vberius in Chinenſi, quam iam exordimur, historia loquendum.

*M. Mogor
opem polli-
cetur iis,
qui in Ca-
taiam mit-
terentur.*

CAPVT XVII.

De regno Chinarum, de latissimis illius terminis; de nomine, item fertilitate atque opulentia.

QUæ de China commemoranda sunt, adeo quidem ampla lateq; patentia sunt, vt admirationem apud nonnullos potius quàm fidem habitura videantur. Tantorum tamen, tamq; grauium auctorum ea sunt confirmata testimoniis, nullus vt sanæ mentis maturique iudicii, mea quidē sententiā, veram dubitandi occasionem habere posse videatur; cum tot oculati testes, & quidem religiosi, eadem auctoritate sua & calculo confirment. Primus ni fallor, qui nostra ætate Chinenſium res tradidit, fuit religiosus Ordinis D. Augustini, qui quæ scripto mandauit, è fratrum suorum, qui regionem ipsi adierant, vt suo post referemus loco, monumentis mutuatus est. Tantopere porro scriptum placuit, vt ex Hispanica lingua in peregrinas, Chinenſis historiæ nomine, translatum sit linguas. Est & aliud scriptum de Chinenſium admirandis, quod ab Alexandro Valignano Neapolitano, qui ob singularem, qua pollebat, virtutem, prudentiam, regendiq; peritiam, vigintiquinque & amplius annis, Indiæ prouinciā aut rexit, aut visitauit, compositū & in Europam transmissum nonnulli volunt. Quod verò, officii causa, sæpe ex India in Iaponem, aut vice versa, traiceret, & plerumque in transitu Chinā adiret, hinc quæ ad regionis situm & mores pertinebāt, accurate inquisiuit, ac scripto committēs, in Europam destinauit. Permulti deniq; Patres Soc. qui post annum seculi superioris 82. Chinam subierunt, & ad interiora regni profecti sunt, in suis postea literis multa de moribus, institutis, legibus, reipubl. forma,

*Qui de Chi
na scripse-
runt.*

forma, ac regni potentia perscribere: ac præsertim P. Iacobus Pantoia, in literis Paquino, quæ regum sedes, anno M. D.C.II. mense Martio transmissis; in quibus, velut ex proposito, ac testis oculatus cuncta Chinenſium instituta enarrauit. Nam sexcentas & amplius leucas, in regni interiora profectus, regiam sæpius singulari priuilegio, ac rarissime, præsertim ethnicis, dari solito, ingressus est. Ex his aliisque ætatis nostræ scriptoribus ea quæ dicenda occurrunt, deprompsimus. Vt verò certo quodam ordine scribendi procedat ratio, ad quatuor eandem capita reuocabimus: primum regionis situm, limites, fertilitatem & opulentiam complectetur: alterum prouincias, vrbes, & opida, incolarum multitudinem, industriam, mores, institutaq; continebit: tertio regis potentia, diuitiæq; reip. forma, quam seruari vult, ac quæ inde commoda, incommodaque proueniunt, recensentur. Vltimo Chinenſium declarabitur religio, videbimusque num Christianam olim religionem edocti sint. Ad primum igitur procedamus.

*China li-
mites.*

Chinenſis regio (vt hodie vulgo dicitur) vltima terrarum Asiæ, & plus aliis orientem respiciens; ac proinde & Africæ & Europæ. Ab Oriente alluitur vero Oceano Orientali: nam Indicus, quem Prisci Eoum dixere, proprie Orientalis non est, cum qui Chinam alluit, Indico magis ad Orientem spectet, & ille, huius respectu, Occidentem potius respiciat. Ad Meridiem limes est promontorium, quod Lusitani terram altam nuncupant; in decimo octauo latitudinis septentrionalis hoc situm est gradu, ex opposito Ainanis insulæ, gemmarum piscatu nobilis, quæ regi Chinenſi paret. Ab hoc promonto-

montorio maris ora Septentrionem simul & Occidentem versus, extenditur ad aliud vsque promontorium, quod celeberrimum est, & quod nullum magis ad Orientem vergit. Vulgo Liampus dicitur, sed Nimpus à proximo opido, (unde nomen duci apparet) dicendum esset. Inde ora maritima magis ad Occidentem vergens, cum peninsula ex aduerso Chinæ sita, finum efficit Adriatico similem. Nam ut hic Italiam ab Istria, Sclauonia ab Albania distinguit; ita ille Chinam à regione Coraiana, in qua Iapones olim, in Chinam traicere per hanc dum parat, bellum gerere solebant. Peninsula hæc prouinciæ Nanquinenfi opposita est, atq; inde æstuarium, quod vtramque ripam intercurrit, Sinus Nanquinenfis appellatur. Sed maritimam oram septentrionem versus decurrendo, tandem ad Tartarorum (quos Chineses Taquis dicunt) fines peruenies: his namq; à parte septentrionali, partim etiã Occidentali contermini sunt. Omnes ætatis nostræ Cosmographi Chinam ab austro in Boream metientes inter decimum octauum aut nonum latitudinis australis gradum & quinquagesimum secundum aut tertium, regniq; caput Paquinum in quinquagesimo constituunt. At P. Iacobus Pantoia, cum ibidem versaretur, exacto astrolabio dimensione facta, non nisi in quadragesimo altitudinis gradu positum testatur; cum hinc ad vsq; vltimos terræ limites, vix tridui sit iter, quod ad tres non extendetur gradus. Adeo ut illius supputandi ratione totius Chinæ septentrionem versus dimensio, quadraginta duos aut paulo amplius gradus complectatur; itaq; decem ad dimensionem vulgo creditam gradus desunt. Ea vero parte, qua Sinæ Tartaros attingunt, ingentem

Promontorium Liampus.

Corai regnum.

Sinus Nanquinenfis.

illum.

*Sei populi
barbari.*

illum murum (de quo postea loquemur vberius) ædificarunt, quò & vtramque regionem separet, & hostiles incursus impediat. Murus hic Chinarum limes, ad septentrionem, & partim ad Occidentem: cætera parte vicini sunt genti trans Gangem commoranti (quam Geos nuncupant) barbarie & feritate notæ. Humana quippè vescuntur carne, sanguinemque humanum potant. Totum corpus candenti inurunt ferro, & notis quodammodo compungunt, quò venustiores appareant, varias auium, animaliumq; figuras cute præferentes. Vnde nonnemini videntur ii ipsi, quos M. Paulus Venetus in Cangigu statuit prouincia, eisdem quippe sunt moribus. In asperis hi celsisque commorantur montibus, indeque vicinos depopulaturi fines, nonnunquam egrediuntur; & equestri interdum certamine cum Chinenfibus, ac frequentius cum Lais (gens est magis ad austrum vergens; Chinenfibus etiam magis ad Meridiem, contermina, & montibus arduis, asperisque ab iisdem distincta) decertant. Omnis quæ cis montes regio, ferax ac fecunda est, tum assiduo incolarum labore subacta, tum natura fertili. Irrigatur siquidem flumine Asianorum omnium facile maximo, quod Cambaiani Sistor, Siani Mecon, id est, Aquarum ductorem nuncupant. De hoc simul & Lais primo egimus Tomo. Denique ad Meridiem China Cochinchinam respicit, quæ ad mare vsque extenditur, è regione Insulæ inanis, à qua exordium duximus.

Hi sunt igitur Chinæ limites, quæ incolarum etiam iudicio, pene quadrata est: Longitudine siquidem (à Meridie ad Septentrionem sci-

nem scilicet) sexcentas , maris oram legendò , leucàs complectitur ; at si recta procedatur linea , nonnisi quadringentas quinquaginta : quadringentas latitudine , ab Oriente ad Occidentem dimetiendo. Hoc & Chineses ipsi norunt ; nam à montibus , qui ad Occidentem regni limites sunt , ad vsque Eoum mare quatuor & sexaginta Ichanes , id est , diaria computant ; quodlibet vero diarium nonnisi sex leucas ac quartam alterius partem (quales sunt nostrates , quæ quatuor Italica miliaria complectuntur) continet. Sicut enim nos iter per miliaria , leucas , diariaque metimur , ita Chineses per *Lj* , *Pús* , & *Ichanes* distinguunt. *Lj* interualli continet quantum æqua planitie , die puro ac sereno vox humana percurrit : decem *Lj* *Pu* vnum constituunt ; quod duobus Italorum miliaribus cum medio respondet ; si vnicuique Lio bina stadia , aut ducentos quinquaginta dederis pedes : decem *Pús* Ichanem statuunt , qui Chinesibus vnus iter est diei : Itaque singuli Ichanes sex cum dimidia leucas conficient ; Sexaginta verò quatuor , quadringentas , atque hæc Chinæ latitudo , quæ , vti diximus , longitudini prope par est.

Lj , *Pu* , *Ichan men-
sura viarũ
in China.*

Sunt qui credant huius regionis non meminisse Ptolemæum , cum Sinensium regnum describit ; ipse verò mihi persuaferim , (meliora dum exspecto) aliam visis loci terminis , quos constituit , non esse. Trans Indiam enim extra Gangem Sinenses ad Septentrionem statuit ; Seres illis vicinos ait , & regionem Priscis Sericam nuncupatam ; quæ eadem , meo quidem iudicio cum Tartaria.

*Lucena de
vita P. Xa-
uerij lib. 10.
c. 7.*

Vt taceam interim nominis vtriusque
China

Lib. 7.

Geogr. c. 3.

In Paralip.

Chinæ & Sinæ affinitatem, quæ prope eadem. Et sane doctissimi quique æui nostri Scriptores, non alio hanc, de qua agimus, regionem, quàm Sinarum, Ptolemæi exemplo, nomine appellant. Tametsi verò Sinas ab Oriente ac Meridie incognitam regionem respicere tradat; non idcirco de aliâ loqui regione credendus est: nam licet hac vna forsân in descriptione errarit (quod vniuersum illud mare, quo China ab Oriente alluitur, nondum detectum foret) in aliis tamen terminis scopum tetigisse comperitur; nisi quod Æquatori eam viciniorem ponat, quàm reuera sit. Sed hunc & aliis in locis errorem commisit. Cum tamen eas ipsas regiones esse, de quibus loquitur, certissimum sit. Credit autem Hieronymus Oforius Isaiam capite vndequinquagesimo harum regionum meminisse, dum ait: *Ecce isti de longe venient, & ecce illi ab aquilone & mari, & isti de terra Cenim*, vt quidem Hebræus textus præfert; quamuis Hieronymus *Australi* transtulerit, ac de monte Sinai, quem sæpius Scriptura *terram Cineorum* nominat, interpretetur. At septuaginta Interpretes Oforii opinionem etiam fulciunt: loco *Cenim* namque *Sinear* aut *Samaar* videntur legisse, ac de Perside intellexere; atque ita regionem, Orienti viciniorem, ac forsân Chinam, quæ omnium maxime Orientalis, designare voluerunt. Est & alia in nomine difficultas, Chinane an Sina dicendum sit. Ptolemæus enim & alii Scriptores, regionis huius incolas Sinenses nō Chineneses nuncupant; ac verisimile videatur, nomen hoc à regni Metropoli, quæ, teste Stephano, libro de urbibus, olim Sinæ (quamuis Thinx Ptolemæo ac Straboni) nominata, deriuatum. Equidem

Stepha-

Stephano suffragor, & à Sinæ nomine, Orientalium ritu, regioni vniuersæ nomen inditum autumo. Stephano ergo Ptolomæus & Strabo corrigendi. Ratione vero non caret, à plerisque hodie regnum Chinam, incolas autem Chinenfes appellari. Nam quamuis Lusitanos, nomen hoc, vt & alia corrupisse nonnulli velint; equidem illos culpa libero. Certum quippe est, illos Orientalium, quibus Chinam longe ante quam Lusitani eodem proficiscerentur, nota erat, loquendi hic pronuntiandique consuetudinem secutos. Porro omnis Oriens, etiâ ante Lusitanorum commercia, Chinenfes Chios dicebat: hinc & permultæ in Archipelago Orientali insulæ, Batechina nomine dicuntur, quasi dicas, terra Chinenfium. quin & incolæ Ceilani olim, ob Sinarum cum indigenis, quos Galas dicunt, permissionem, vt tomo primo diximus, Chingalæ nuncupantur. Persæ quoque Cinnamomum *Dachini* nominant, id est, Chinenfe lignum, & Græci cinnamomon; ex *amomum*, quod aromatici ligni genus, & *Cina* condito vocabulo, forte an quod cinnamomum è China expectari crederent. Et sane, modo vera sunt, tradit Garcias ab Horto in suo de simplicibus aromaticis libro; Chinenfium olim *Lib. I. c. 15.* naues Armuziam appulisse, & inter cæteras merces cinnamomum Ceilano aduectum vendidisse, quod lignum Chinenfe dicebant, (vnde forsan Persæ, dum ab illis emerent, *Darcheus* id appellarunt,) ac deinde Alexandriam translatum, vt carius diuenderent, Græcos emptores Cinnamomum id, quasi lignum odoriferum Chinæ dixeris, appellasse. Hæc quidem Garcias. Quæ vera ne sint, non constat; constat

tamen, ab omnibus Orientalibus *Chij* illos aut Chinenſes nuncupari, at ipſi ſe Toanginos vel Tanginos, regionem vero Toamam vel Tamam, omiſſa o vocali, dicunt. Sunt qui nomen Chinæ inditum illis volunt à certo quem inter ſalutandum obſeruant ritu. Sibi inuicem enim per viam occurrentes, manus ita iungunt, vt ſiniſtram in pugnum contractum dextra tegan-; quas deinde iunctas pectori applicantes, caputq; ac reliquum corpus inclinantes, ſæpius vocem, *Chij, Chij* ingeminant, qua quos ſalutant, pectore incluſos habere ſe declarant. Quæ eorum conſuetudinem cum viderent externi, Chios (vt nonnullorum opinio eſt) eoſdem appellarunt. Alij ab vrbe Chincheo, quæ mora maritima in viceſimo quinto altitudinis ſeptentrionalis ſita eſt gradu, hoc nomen regioni inditum putant. Huius namq; vrbis incolæ imprimis conſtat in Occidentem ac meridiem nauigationem inſtituere ſolitos, multasq; inſulas & prouincias Chinenſium imperio adieciſſe, vt totius Oceani Indici potiorumq; Indiæ Emporiorum breui dominium occuparint; atq; ideo Orientales, qui præter Chincheanos, nullos huius gentis nouerant, illorum nomen, etiam alijs impoſuiſſe, Chioſq; vel vt nos dicere ſolemus, Chinenſes, regnumq; Chinam appellaiſſe: quemadmodum & Tabienci, ab vrbe regia paquino, quæ & alio nomine Taibinum dicitur, à nonnullis nominantur. Mihi vero, Chinæ nomen ab antiquo Sinarum, nonnihil immutato, vt & in alijs plerisque videre licet, deduſtum, videtur probabilius.

*China ſe-
rax, & curi*

Ceterum regio, quod potiffima illius paſſ
tempe

temperata subiecta fit zonæ, non aëris modo tempore & clementia gaudet; sed simul inclytæ fertilitates gleba frugum omnis generis fundit copiam bisero triferoq; orizæ aliisque frumenti prouentu. Accedit ad eximiam soli fecunditatem summa cultorum industria: & infinita est multitudo; quippe subolefcente indies prole, & in alienas regiones migrationibus interdictis. neq; in tanta mortalium copia cessare cuiquam licet. Itaq; rustici homines nullam agri partem incuria qualere patiuntur. Saltus & colles pinu, castaneis, vitibusq; hordeo, frumento, milio ceterisque segetibus, oriza imprimis, (quod ex ea panis, ut nobis è frumento, paretur; quamuis tenuiores è milio conficiant) nitent. quamquam è vitibus more nostro non exprimunt merum, vnas, velut passas, quodam condimenti genere in hiemem aduersare mos est. Orizam ad hæc aqua, nullo adhibito condimento macerant & coquunt; calidam semper bibunt, seu aquam aut aliud quoduis potionis genus quod orizâ coctum.

Ceterum ex herba quadam expressus liquor admodum salutaris, nomine Chia, calidus hauritur; quem ditiores sæpius, etiam extra sitim gustant, & alijs se honoris causa ad euntibus si alicuius auctoritatis sunt, eundem velut exquisitum quid propinant. Oleum oliuarum ignorant, sed aliud ex herba Ingiolina nobis vel Sisama vocitata, vnguen exprimunt, quod oleo putant sapidius, oleum vero oliuarum olfacere illis graue nedum gustare. Illorum vnguini nostrates facile assuescunt, quamuis nostrum sapidius initio

videatur, vt Pantoia, qui periculum fecit, testatur. Pascua sunt etiam gregibus alendis vberissima, & in hortis egregie cultis, cum alia nostri orbis poma, tum etiam noua conspicias. Sed pro regionum diuersitate, diuersi quoque sunt fructus. Cantonensis siquidem prouincia, ceteris calidior, fructum profert, quem septentrionalis regio, quod frigidior, ignorat. Aurea namque hinc mala reperias, quæ Europæis non cedant; saporis quippe sunt iucundissimi ac dulcissimi, ipse quoque editur cortex: melopéones quoque sapidissimos, magnitudine nostros superantes. Pruna hic sunt, quæ Lechias indigenæ vocitant, quæ præterquâ quod saporem habent exquisitum, etiam magna copia sumpta, nullum stomachi nauseam tormenq; comedenti afferunt. Siluæ toto non desunt regno, hinc varie quotidie omni loco parantur naues: & certe adeo lignum hic vile, vt nauem dimidio minoris quam alibi quis paret. Garcias ab horto Lusitanus medicus excellentissimus, qui Goæ triginta amplius annis commoratus, plurimorum Indiæ prætorum medicum egit, suo de simplicibus aromaticis & medicis, in Oriente haberi solitis libro; omne Rhabarbarum, quod in Indiam, Persidem, Europam deuehitur, ait è China asportari. Hinc quippe Arabes & Persæ ipsum petunt, & per Tartariâ ac Persidem Amuziam deferunt, quod inde Aleppum, Tripolim, Alexandriam Ægypti, ac deinde Venetias aut Mafsiliam, & ad alia Europæ loca deportatur. Ipsum & Pantoja suis asserit litteris. Simplex illud, quod à medicis radix Chinensis dicitur, varijsq; morbis depellendis perutile, in sola reperitur China, vti & alia

*Lechias
pruna.*

*China
Rhabarbarum
optimum
gignit.*

alia Medica simplicia ; de quorum vi, virtuteq;
 Gotanographi multa tradidēre. Saccarum hīc
 abundat, & quidem Hispanicis magna compa-
 retur quantitas. abundat & mel. apibus enim
 delectantur. hinc vile ipsum vti & cera. Caro
 hīc non deest, nec enim defunt boues, oues, a-
 rietes, capri aliaq; pecora. porcina delectantur
 imprimis, hic plurimi, hinc porcorum greges.
 Gallinæ, anseres, aliaq; attilia, & imprimis ana-
 tes, Cœlo hic fœtu proueniunt, horum enim
 facilem excludendorum, ac minimo pascendo-
 rum artem callent, vt suo dicemus loco. Ferina
 hīc passim venalis, tūm siluis educta, vt cerui,
 lepores, cuniculi, (quos accipitro venantur)
 tum quam volucres suppeditant, atque hæc et-
 iam quam minimo diuenditur. Appulerunt
 in vrbem quandam maiorem Patres, in qua
 bos, ouis, & aues eodem singula emebantur
 pretio ; septem scilicet octone in libram dena-
 rijs perfolutis (pondere quippe singula vene-
 unt.) Nanquini quoque, tametsi in orbe regia,
 volucrum libra, tribus solummodo denarijs
 (nostra supputandi ratione) venibat. Libra
 porro nostrate maior est ; vicens namque &
 binis vncijs, nostra nonnisi sedecim constat.
 Paquini, vbi regum sedes est, quamuis cariora
 sint omnia, libra quæ nostrati non cedit, tribus
 venit assibus. Pisces quam minimo compa-
 rantur, non modo in locis mari, fluminibus-
 que proximis, sed in interiori etiam regione;
 Lacubus enim regio abundat, qui pisculenti
 toto anni tempore ; è fluuijs etiam petuntur,
 eo quo post dicemus modo. Nam Quini piscis,
 qui denas appendebat libras, regali argenteo
 venibat, & truttarum maximarum libra sex

denarijs. Poma fructusq; arborum vili etiam pretio diuendi solent; ducenta pruna Armenia vno diuendita asse ac denarijs octo. Nuces hic frequentes, exq; omnigenæ, castanæ, auellanæ, pinei nuclei, & ficus: sed hæ nostratibus dissimiles sunt, sapore tamen non cedunt at superant. Equi inde petisoluti nostratibus minores sunt, sed robore & incessu præcellunt. Quamuis autem omnia hæc in China reperiantur, non omnia tamen prouinciæ habent singulæ. sed quod vni deest, ex aliâ petitur. Mutuo enim inter se gaudent commercio, & vltro citroq; frequentissime fluminum adminiculo toto regno facile commeant. Chineses enim Dei naturæq; donis non contenti, alios fodere riuos, è flumine maiori lacunis, ad facilius commercium deriuatis.

*Chinensium
indistria.*

Hinc suo societatis patres, Anno M. DC. 2^o, vrbe Macao, quæ in Cantonensi sita prouincia Paquinum vsque, sexcentarum leucarum itinere semper per flumina nauibus ferendis accommoda, & in se inuicem defluentia nauigando peruenere; semel dumtaxat in terram exscensione facta ad ingentem fluminis cuiusdam anfractum euitandum.

Deniq; regnum vniuersum nonnisi vnicus, quodammodo videtur hortus, fluminibus, lacubus, stagnis, fontibus vbiq; irrigatus: horum etiam hic non parua copia, nec limpidorum modo & aquam potui suauissimam supeditantium, sed & medicorum, qui per metalliferas terræ venas manando, dispellendi morbos vim continent. Auri, argenti, aliorumq; metallorum venis China etiam non caret; aurum tamen non tanti quanti nos faciunt. non enim in commercia mutua illius vsum habent,

bent,

bent, sed argenti non signati, & æris, eo quo
 post dicemus modo. Gemmas è Sinu Aina-
 nensi plurimas colligunt; ac vasa, quæ vulgo
 Porcellana vocitantur, (quibus non Chinen-
 ses modo, sed & Philippinarum, Malacæ, no-
 uæq; Hispaniæ incolæ vtuntur indeque in Eu-
 ropam deuehuntur) plurima hic parantur; vt
 infinita quotannis naues eisdem alio deuehen-
 dis onerentur. In montibus, in quibus sola
 ligna proueniunt, saltus ac nemora densissima,
 non aprorum modo, damarum, leporum, cu-
 niculorum, aliarumq; ferarum receptacula,
 sed & leonum, rhinocerotum, vrsorum, tigris-
 um, similibumq;. Et imprimis martarum, aut
 murium exoticorum, quorum pellibus vestes
 faciunt, quas & permagni exteris diuendunt.
 Et in China, aut non procul inde animal,
 quod mosci materiam suppeditat; quod odo-
 ramenti genus veteribus tam Græcis quam
 Latinis incognitum fuit, nares tamen quam
 iucundissime afflat: & sane Chinesè moscum
 ceteris præfertur. animal est vulpis magnitu-
 dine, filuas incolere solitum; hoc assiduis vir-
 garum, fustiumq; verberibus enecant, vt to-
 to sanguis diffundatur corpore. Cadauer pu-
 tridum & iam aridum frustratim, non detra-
 cta pelle discindunt, sacculosq; inde parant,
 quos Lusitani Papos nuncupant. Pantoia vero
 è ventriculo animalis cuiusdam feri, quod sele
 paulc gradius, educi moscū credit; nec in Chi-
 na ipsum, sed in regione proxima reperiri. Cibe-
 tã haud dubie intelligit: vel si idem omnino a-
 nimal cū eo q̃ descripsimus; credendū nobili-
 us ac p̃tiosius moscū ventriculo alioq; educi;
 vtq; maior illius sit copia, verberibus ipsū, quo
 ad cetera mēbra diffuset odor, enecari. Chinē-

*Chinenses
 argentum
 pluris quā
 aurum faci-
 unt.*

*Vnde mo-
 scum para-
 unt.*

*Sericum
Chinense.*

ses tamen Lusitanis ipsum, quamuis alio eductum loco diuendunt. Linei ac gossipini panni viles hic item sunt. Plebeij tela nigra gossipina vt plurimum vestiuntur. Lanarum hic quoq; ingens copia, sed inprimis serici. Bombyces enim infinitos alunt, è quibus sericum scite satis parant; Europæi tamen palmam ferunt. Hinc omnigenos pannos sericos, tenuiores simul & spissiores texunt; sed color quo tinguntur, quamuis initio niteat, breui euanescit. Ditiores sericas plerumque vestes gestant, etiam in publicum prodeuntes, vel amicos inuisuri, vel ex muneris instituto, in publico loco spectandi. Tametsi vero plurimi serico induantur, non tot tamen, teste Pantoja, quot nonnulli tradunt. Alterius omnino regio non indiget, non modo in ijs, quæ ad vitam tolerandam necessaria sunt, verum & ijs, quæ ad luxum deliciasque comparata sunt. Quocirca nullum, meo quidem iudicio, regnum est, quod tantas aliunde diuitias comparet; nam omnia domi nata alijs diuendunt, & præter piper, ac lignum odoriferum, è quo domorum tigna parant, quæ ex India deferuntur, nihil aliunde cõmunt. Sed facile his careant, vt & externorum commercio, sed inexplebili pecuniæ flagrant desiderio. hinc libenter cum Lusitanis & Hispanis negotiantur. hi namque è Philippinis, nouaq; Hispania argentum, illi piper ac ligna odorata ex India deferunt.

CAPVT

CAPVT XVIII.

Prouincia, orbefq; Chinarum, Incolarum frequentia, industria, mores, instituta describuntur.

IN tredecim Prouincias, ac duas regum sedes, Paquinenfem & Nanquinenfem, quę separatę prouincię pręfecturęque sunt, incolę Chinam diuidunt. regias autem sedes nuncupant, quod rex hodie Paquini, olim Nanquini regiam habuerit. Singulę prouincię metropolim habent, & à qua suum prouincia plerumq; nomen trahit, vt Cantona, Nanquinum, & alię; interdum aliud prouincię ac metropolis nomen est. In metropoli Prorex cum concilio, regiſq; pręfectis plerumque commoratur; in Cantonenſi tamen prouincia, in vrbe Xanquino, sedem habet. Scriptores nonnulli vrbium ac opidorum muro cinctorum, quę in singulis prouincijs sunt, recensent nomina. Sed quod certus statui numerus nequeat, & fastidium lectori afferre nolim, earum recensione abſtinebo. Harum tamen permagnum eſſe numerũ, ea quę iam dicturi ſumus, facile demonſtrabunt. Muratas vrbes in quaterna quinaue diſtinguunt genera. Prioris generis *Fu* dicuntur, atque hę cęteris, tum ob iuriſdictionem ac priuilegia, quibus à rege donatę ſunt, tum vero ob incolarum numerum ac dignitatem nobilitate pręſtant. Huiusmodi in ſingulis prouincijs octo, decem, duodecimue numerantur, atque harum vna ceterarum caput. Tales in vniuerſum centum ac quinquaginta in toto ſunt regno. Secundi, *Cheu* nominantur; ſuum hę quoque ius ditionemque habentes, ſed non adeo amplam ac priores: harum non minor,

*Quinque
vrbium
muratarũ
in China
genera.*

forſan maior eſt numerus. In tertium genus conijciunt illas, quæ nulla iuriſdictione gaudent, etſi magnitudine non cedant alijs; has *Hieu* nuncupant. mille centum ac viginti harum eſt numerus. Eſt & aliud duplex genus, quæ proprie militares ſunt. priores *huy* vocant, in quibus præter duces, militeſq; præſidiarios, cum vxoribus, prolibus, famulis, ac mancipijs, ſimul & mercatores, & mechanicos, quorum opera in re militari opus, nemo commoratur. Huiuſmodi ſunt in vniuerſum quingentæ, minus ſeptem. Alteræ *Iluy* nuncupantur, & hæ ab vrbibus limitaneis, vel interiorib. dependent, ac militari præſidio ad regni tutelam tenentur, ſuntque ſuarum, Cheuarum, & Ilieuarum quodammodo arces. hæ ad bis milleſimum, ſexcenteſimum fere numerum pertingunt. at quod à tribus illis generibus diſtincte non ſint, hinc vrbium regni facile ſubduci numerus non poteſt. Ceterum dum *Sinæ* aliquem è locis muro cinctis nominant, addere ad finem nominis, pro vrbis qualitate augmentum vocabuli *Fu*, *Chen*, *Huy*, vel *Iluy* ſolent, vt *Cantonſu*, id eſt, *Cantonenſis* vrbis, atque ita de ceteris. *Opidulorum*, *pagorum*que, muro non cinctorum, infinitus prope eſt numerus: ſed parui ſunt; at permulti adeo magni, vt cum vrbibus nonnullis comparari queant. Singuli ad urbem aliquam referuntur, in qua regi vectigal pendant, rerum ſuarum ius proſequantur, legesq; ad vniuerſam prouinciã ſpectantes, inſtitutaq; accipiant. Vt autem vrbium, pagorumq; *Chinenſium* multitudo pateat, epiſtolę *P. Pantojæ* articulum hic inferam; ait namq; , neminem, niſi forte corã viderit, crediturum duarum

Opidulorum,
Pagorum
quæ in Chi-
na nuncu-
antur.

rum triumue horarum spatio urbem flumini imminentem, præterlabēdo vix enauigari posse; ac mox alias quam minimo interuallo, vt vna in alterius conspectu sit, occurrere. & toto illo sexcentarum leucarum itinere, quod à Macao Paquinum vsq; instituit, vtramq; fluminum ripam, vrbibus prætextam fuisse.

Hinc quanta incolarum sit frequentia, facile videri potest. Sed & aliunde eadem cognoscitur. Catalogum habent, in quo omnium regi tributum pendentium nomina descripta sunt: nam præter vectigal, agris prouinciæ indictum, singulis quoq; annuum tributum capitibus impositum; vt quamuis præter corpus nihil habeant, annuū tamen pendere vectigal coguntur. Hinc in vrbibus singulis, opidis ac pagis iudex est eorum, qui tributum pendere tenentur. Ab hoc tamen immunes sunt omnes regij ministri ac præfecti, tā iudices, ac rerum publ. rectores, quam qui regio præsumt ærario. Deinde duces omnes ac milites cum vniuersa familia, quorum permagnus est numerus. Tradunt quippe nonnulli ad sex milliones, ac septingenta millia illos ascendere. Deniq; non omnes in catalogum referuntur, sed ex singulis familijs aliquot, exempli causa, è denis tres aut quatuor. Vt hocce commentario vix tertia incolarum pars contineatur. His tamē libris hominum septuaginta milliones, ducenta septuaginta millia & amplius comprehensa scribit Alexander Valignan. de quo sup. iā locuti sumus.

Cæterum multis in rebus incolarum per- *Chinensium*
spici potest industria, inprimis quod loca na- *industria in*
tura infecunda ac sterilia, reddant fertilissi- *paranda*
ma, & ad vitam humanam necessariorum *aquis,*
fera-

feracia. Ad quod aquarum è fontibus, lacubus, stagnis, paludibus, fluminibus emanantium abundantia mirifice iuuat, quas priusquam in mare se exonerent, per varios riuos ac Calyprintheos anfractus, industria paratos deriuant; partim vt irrigetur solum, partim ad commerciorum vsum: Vix vt alicuius nominis fit vrbs, ad quam flumine non minus quam terra pateat aditus. Lacus quoque, paludes, aliasque stagnantes aquas stare non sinunt, sed liberum ijs vitalemque cursum parant, vt & telluri profint, & ne saluti hominum atque animalium, tetram exhalando mephitim noxiæ sint. Et sane regio est quam saluberrima: nam si annalium monumentis fides adhibenda, abhinc bis mille annis, nulla per regnum grassata lues est aut pestilentia. Vtrimque fluminum ripæ vrbibus, pagis, villis ac prædijs pulcherrimis, quæ ad Loytias (quo nomine doctiores nominantur) aut alios optimates spectant, quodammodo conuestiuntur. Horum namque plerique domos rurales habent, ad quas sub æstiuos se calores, tum vt in otio lectioni quietiores se dedant, tum vt delicijs rusticis se oblectent, recipiunt: Aquæ igitur Chinenfibus & voluptati sunt & emolumento. quæ si terram inundent, non impune habent; tanto namque cymbarum, nauigiorum, nauium, triremiumque numero eas quodammodo castigant ac compescunt, vt terræ instar habitari videatur. Sunt qui alias, præter scapham, aut nauim, (cui sua imponunt) facultates non possident; vt Biantis illud dicere non immerito queant, *Omnia mea mecum porto.* vt enim hoc olim Philosophus de animæ, quæ

quæ habebat, bonis, heroice dixit; ita hodie Chinenſium plurimi; dum quidquid poſſident, vno contineatur nauigio. Tamen laute ſatis rem agunt; quia & liberi, ad quos nauigium hoc cum reliquis hereditate deuoluitur, toto vitæ tempore honeſte hinc victum conſequuntur. neque enim habitationi duntaxat totius familiæ, ſed & alijs, dum ex vno loco in alium trajcere volunt, nauis deſeruit, quum & officinæ vicem ſupplet, in his enim faber ferrarius, lignarius, carpentarius, alijque huiusmodi, velut in urbibus ac terra, opificium exercent. Præter officinam ſunt & alia receptacula. hic enim & gallinas, anates, anſeres aliaſque aues, quin & porcorum greges ſaginant. Quod vero omnem admirationem ſuperat; hortos quoque ac viridaria, velut pendula, ad terræ inuidiam circa proram parant. Tabulas maiores ac trabes è prora emittunt, his cados terra oppletos imponunt, hic mala punica, & aurea, & poma communia conſerunt; flores quoque odoris ſuauiſſimi, herbaſque culinaras ac medicas, vt parandis ijs, quæ ad victum ac veſtitum neceſſaria ſunt, naue egredi non ſit neceſſe. quæ enim ipſi non habent, ab alijs nauicularijs emunt. vt non pauci hic reperiantur, qui adeo raro aquas deſeruere, atque alij qui eaſdem ingreſſi ſunt. Horum nauigiorum nonnulla tranſuehendis viatoribus deſtinata ſunt, alia commeatui ad vrbes vel mercibus deferendis. Sunt & alia quæ anchoris ſolidata locum vix vnquam mutant, ita hæc depoſita & collocata, vt urbem mari innatare diceres. Nam ad lineam quodammodo vtrinque diſpoſitis nauibus, in medio apertus locus velut platea relin-

*Nauigijs
priuata.*

relinquitur; dum flumen amplum, varia, veluti angiportus, interualla interstitiaque per plateam maiorem hinc inde transcurreunt. In singulis plateolis omnes eiusdem artis opifices non secus atque in opidis simul stabulant. In nauium medio locus patet capacior, ad quem mercatores, alijque qui emendi vendidique gratia huc confluunt, conueniunt. Atque hæc vera ac genuina expositio est ænigmatis, quod hac de re Lusitanus commentus est, dum inter cætera Chinæ prodiga vidisse se, aiebat vrbes mari innatantes, quæ ad nouilunium ex vno in alium locum commigrabant.

De nauigijs haud dubie id exponendum, quæ urbem quandam in mari repræsentant: quæ singulis mensibus ad nundinas, tum hoc, tum illo loco merces suas diuenditura, conueniunt: in aqua enim non minus quam in terra nundinæ esse queunt. Vt vero nauigiorum numerum facilius Lector & intelligat & credat, addam hic quæ Pantoja in suis tradit litteris: Memini eodem ipso die mane, cum Nanquimum intraremus, quingentas alias nauem nostram iucundo sane spectaculo præcessisse, vt eodem quo nos tempore appellerent; harum pleræque varijs onustæ erant mercibus, vrbi necessarijs. Addit deinde, hoc illas modo toto die & ire & redire solitas. Hæc quidem de priuatis nonnullorum nauigijs.

Regia naues.

Sunt & aliæ naues, regis paratæ sumptibus, eæque triplices. Primæ in vsum cedunt Mandarinorum; sunt hi magistratus, regique

que confiliarij ac præfecti, tum ad ex muneris præscripto, huc illucque proficiscendum, tum ad animi recreationisq; causa enauigandum. Hæ adeo amplæ atque insignes, vt spectanti voluptatem adferant. Cancellos ac fenestras pulcherrimas habent, panno serico velut cortina tectas. Circumquaque foris ambulatra sunt, interne vero atria egregie depicta, & auro argentoque fulgentia; vnguine tamen ductili, quod Charanum vocant, ac speculi instar relucet, inducta; vti & tabulæ foris. Tubis ac tympanis instructæ sunt, quæ dum Mandarinum urbem præternauigant, pulsantur; hoc illos signo adesse indicatur, vt naues obuiæ locum hisce cedant, ac viam reiectis obstaculis aperiant. Longitudine nostris triremibus sunt pares, sed latitudine superant. altitudo quæ aquam non subit, maior; maiusque proinde pondus admittunt.

*Naues
Mandari-
norum ea-
rumq; pidi-
tudo.*

Alterum regiarum nauium genus est, quo tributa illi quotannis è nonnullis prouincijs deferuntur; sunt enim quædam, è quibus orizæ aliarumque rerum tributum, à quâ Paquinum deuehi nequit, quod pecunia compensant, cæteræ vero in eadem omnino specie, quæ vndiquaque missa colligitur, ac præfertim orizæ, de qua nemo non sibi prouidet, ipsum pendunt.

Ideoque vrbes singulæ tot habent nauigia, quot ad tributum deferendum, videntur necessaria. Vbi discedendi tempus iam aduenerit, vnicuique nauium classi Mandarinus regius præest. In solo Nan-
qui-

eo ipso tempore Paquinum pergebant, infinitas pene naues, necessaria deuehentes, obuias habuere, rates adhuc ingentes ducentorum pedum trabibus compactas. his inædificata erant habitacula tum Mandarinis inferiori, cui rerum harum cura concredita erat, tum nauicularijs, qui omnem secum familiam, officinam, & facultates, uti porcos, gallinas, anseres trahunt; quod anno sæpe integro iter conficere nequeant. Hincluce clarius est, non esse hyperbolica commenta, quæ de infinita nauium Chinenſium multitudine traduntur; cum in solum regis regionumq; ministrorum vsum tanta sit comparata copia. Bellicas interim naues in ora maritima portubusque semper ad piratas propulsandos paratas, & mercatorum pertranſeo, quæ per mare huc illucque ſuas diſtracturæ merces diſcurrunt: nam de ſolis per flumina nauigantibus loqui animus fuit.

Quoniam de Chinenſium in aqua industria *Piſcandi per coruos ratio.* iam agere cœpimus; omittere viſum non fuit, ſcitam illam per coruos aquaticos piſcandi rationem; quos illi piſcatui, ut noſtrates aucupio accipitres, aſſuefaciunt. Hiſce igitur quod collum oblongum, roſtrum aduncum habeant, dum piſcatum abeunt, fauces ita coarctant, ut reſpirare quidem, piſces vero deglutire nequeant. Illi in aquas dimiſſi, piſciculis guttur replent, tum demum ad piſcatores, in cymbis aqua ex parte repletis, illorum reditum expectantes, aduolant, atque prædam faucibus concludam, in aquam euomunt.

Si quem maiorem piſcem offendant, ita ro-

stro illum exagitant ac pungunt, vt apprehensum tandem extra aquam sustollant. Tum piscator, ad prædam propulsatâ cymbâ, reticulum virgæ alligatum subijcit, quo dimissam à coruo prædam excipit. Hac arte pisces sæpe libram cum dimidia appendentes captant. Tres horas hoc pacto constrictis, piscator tandem vinculum faucium laxat, & in aquas dimittit, vt sibi prædam captent. Inani quippe sunt stomacho. nam præterquam quod tribus illis horis magnam molestiam subierint, pridie diarium illis cibum (milij pauxillum) quo maiori auiditate piscibus insidientur, subtrahit. Illi repleto piscibus stomacho ad cymbam redeunt, vbi caueæ ad triduum includuntur, ne fatigentur; ac tum rursus ad piscandum redeunt.

Huius piscationis emblemam.

Sed messis hæc piscatioq; nonnisi tribus annis durat mensibus, Februario, Martio, Aprili. hisce quippe pisces marini aduerso flumine oblectantes mare deferunt, vt oua excludant. Non iucunda modo, sed & utilis hæc est piscatio, non piscatoribus modo, qui pisces facili comparatos diuendunt, sed & regi; qui è singulis coruis tributum accipit, commoda non minus est, hoc enim pacto pisces habent ij, qui à mari ac fluminibus absunt longius; quia viui in aqua ex vno loco in alium deferuntur, qui deinde lacubus viuarijsq; domesticis, (quæ frequentia in China) impositi succrescunt, ac deinde in cibum cedunt. Omni ergo anni tempore recentes, in locis etiam à mari longo interuallo distantibus, pisces habentur. Et sane in Chinesium epulis cum carne plerumque apponitur piscis.

At qua anates, anseres, gallinas, aliasque aues alunt industria, non minus admiranda est. Neque enim more nostro oua femellis supponunt, sed fimo bubalino vel anantino, qui calet quam maxime, eadem imponunt; vel hiemali tempore, caueæ impositis tenuem fermentorum alteriusque materiæ ignē facile concipere natæ, igniculum subiiciunt: dein comperito exclusionis tempore, oua singillatim collidunt, pullosque omnigenos exclusos tam industrie ac scite fouent, vix vt vllus emoriatur. Dein caueæ maiori includunt, in qua maiores aues pullos sub alis fouent ac contegunt: hic escam apponunt. vbi suo sibi marte victum quæritare norunt, emittuntur, vt vna cum maioribus per agros ac prata pascantur.

*Quomodo
aues alant
Chinenses.*

Nulla hic glaciens gallina auditur, incubans nulla. Sed toto anni tempore oua ponunt. hinc maxima illorum, vti & auium hic copia. Anates quam minimo alunt; nam vt primum sibi escam conquirere norunt, in agros oriza confitos emittuntur, è quibus zizania sine vlllo prorsus seminis damno tollunt. vt quorum sunt agri, etiam munusculum, velut beneficio accepto, aliquid pullarijs offerre soleant. Sunt enim plerumque pauperculi, nec alias non raro facultates norunt, quam nauiculam, in qua caueas arundineas habent, quæ prorsus cooperculo & longitudine & latitudine respondeant. vt sæpe quatuor anatum millia his complectantur: noctu his includunt, mane dum ad pastum emittendi tempus aduenerit; ponticulum arundineum substernunt. hunc tanta velocitate pertranseunt,

*Quomodo
anates alant.*

vt velut moræ impatientes, volando alter alterum præuerrere conetur. toto die huc & illuc per agros iuxta fluminis ripam euagantur. Sub vesperam tympani pulsu in cymbam reuocantur; ad cuius sonitum ita affluere, vt propria semper adeant cubilia, quamuis sæpe variarum cymbarum greges simul pascant. Tum pons iterum sternitur, quo caueam subeant, ad quam gregatim ac celerrime properant. Quod vero hæc anatum altura & facilis sit, & paruo constet, hinc viles sunt anates; quodque magna sit copia, omnes pene, etiam plebecula, eisdem vescuntur.

*Imprimen-
di ars apud
Chinenses
prius quam
apud nos in
usu.*

Quod vero ad artes mechanicas spectat, in Chinesibus sane Aristotelis confirmari videtur opinio; dum Orientales ait ingenio potius & industria, quam animi robore & fortitudine excellere. In primis inclyta illa librorum, excudendorum ars ante apud hos, quam Europæos in usu fuisse comperitur, vt testantur abhinc aliquot annorum centurijs edita volumina: ante ducentos vero annos illam ignorauit Eurôpa, teste Sabellico; qui illius inuentionem nobili viro, Ioanni Gutembergio, Germano ascribit. Illorum tamen excudendi ratio à nostra, in qua sparsi hinc inde characteres in verba colliguntur, distincta est. Alphabettum enim & characteres non habent; at scribentes figuras aliquas, vt in Hieroglyphicis suis Ægyptij, quibus rem ipsam, non verba designabant, exarant. Adeo vt hæc scribendi ratio toto intelligatur regno, quamuis varijs prouinciæ pene singulæ linguis ac dialectis distinguantur: eo omnino modo, quo notis arithmeticis signatos numeros intelligimus, quam-

quamuis in Gallia, Germania, Italiaque distincta sit, illorum pronunciandorum ratio. Cum igitur litteris careant, illorum typographica à nostro nimium quantum discrepat: figuras namque exprimendas ligno vel lapidi insculpunt, quas deinde chartæ imprimunt, eo prorsus modo, quo nos imagines ligno vel æræ laminæ incisas. Tradit Pantoja pro singulis, quæ imprimenda sunt folijs, figuras tabulæ lignæ incidere, & quidem vtrimque; & eadem operâ vtrumque tabulæ latus, sed in diuersa charta, figuras exprimere, deinde chartam verti, vt & à parte postica imprimantur, at figuras hic nigredine tinctas esse, chartam vero puram. Sed imprimunt & figuras albas in charta nigra, idque hoc ritu. Figuras lapidi profunde satis insculpunt, chartam deinde madefactam huic superimponunt, quam deinde molliter dulciterque imprimunt, vt lapidis vacuitatem intret, itaque reliquâ superficie sit dimissior: deinde quoddam atramenti genus hunc in vsum paratum, leui manu superinducunt, vt litteræ permaneant albæ (quod profundiores) ac cætera nigricent.

Hæc ergo imprimendi ratio est: è qua colligere est, quanto nostra superet interuallo, quantoque accuratior & subtilior. Id ipsum & de tormentorum bellicorum inuentione dicendum. quamuis enim abhinc multis annis illorum hic vsus fuerit, (si nonnullorum scriptis credendum. suat enim qui tradant primum illorum apud Europæos inuentorem, hinc artem petiisse) ingens tamen inter Chinesia & nostratia tormenta discrimen est. Illa enim breuia sunt, tamque latum ori-

*Chinensis
Typographica ars à
nostra distat.*

Tormentorum bellicorum inuentio Chinesibus ascribenda. Histor. regni Chines. p. 1. l. 3. cap. 15.

ficium habent fundo basique respondeat. Nonnulli tamen præstantia se ac scite parata vidisse testantur. Quali acumque demum sint, hinc illorum perspicui ingenium & industria potest.

Neque enim verisimile fit, hanc illos à nobis inuentionem esse mutuatos, cum vix vllum cum externis, ac potissimum Europæis, habeant commercium; & nonnisi ab anno M. CCC. LIV. vel ut sentiunt nonnulli, M. CCC. LXXX. illorum apud nos vsus cœperit. Si illorum credendum annalibus, iam abhinc aliquot annorum millibus in China in vsu fuisse comperiuntur. Horum namque inuentionem regi Viteio, qui illorum calculo, longo ante Christum, regnavit tempore, ascribunt; & hanc illum artem à spiritu quodam terræ cauernis egresso didicisse. Porro alium fuisse dubitandum non est, quam spiritum illum tartareum, iuratum naturæ nostræ inimicum, qui in perniciem mortalium funestum hoc in orbem instrumentum inuexit. Regem quoque hunc magicis imbutum fuisse artibus tradunt; & sane non improbabile id videatur, si modo vera sunt, quæ de illo narrantur. Sed de his satis; in Chinesium industria recensenda iam pergamus. Picturæ utcumque periti sunt, sed umbras ac lumina inducere nequeunt; statuas tamen elegantes sculpunt, simul & æri norunt incidere, Imagines æreas item fundere, quin & encausto pingere.

Chinensium industria ab artibus mechanicis.

Denique in pluribus artibus mechanicis excellunt; quibus natura, ad hæc percipiendas, singularem contulisse ingenij solertiam subti-

subtilitatemque videtur, vt quam breuissimo tempore easdem percipiant, & admirabili dexteritate habitum illarum mox acquirant. Nemo in vniuerso est regno, quo is demum cumque defectu corporis deformis sit, quin artem aliquam aut opificium calleat. Cæci ipsi, claudi ac debiles artem ediscere tenentur, qua victum sibi comparent, hinc quam paucissimos hic reperias mendicos. Pueri namque à primis annis operi assuescunt, & varias artes ediscunt, vt si vna victum parare nequeant, aliâ saltem succedat.

Hunc fit, vt operosissima quælibet vili pretio coëmantur: par vtriusque sexus in ijs operibus dexteritas, par sollicitudo, & domesticæ rei augendæ studium nihil tam vile terra, vel mare suggerit, quod illis inutile sit. Quæ reliquæ nationes, vt friuola futiliaque abijciunt, à Chinenfibus sedulo colliguntur, vt animalium ossa, piscium spinæ, fructuum nuclei ac putamina, ex ijs sphærulas, annulos, icunculas & alia ludicra affabre faciunt.

Sed ipsarum vrbiū præcipue pulchritudo mira, in quibus & ædium artificium & elegans proportio conspicitur. Nauigabilibus impositæ fluuijs pleræque admodum profunda & lata fossa, mœnibusque cinguntur quadrati ab imo lapidis, lateritiæ ad summum structuræ. Lateres autem in eam duritiem ac firmitatem breui tempore coalescunt, vt ferramentis postmodum labefactari vix possint. additæ ad prospectū pergulæ ac mœnianæ & occultæ deambulationes, qua præfecti oblectationis causa pererrent, ac libero agrorū fluminisq;

*Vrbium
Chinenfium
pulchritudo.*

vicini conspectu fruantur. Ad obliquos autem ictus modico interuallo turres & propugnacula prominent, artificiosis contexta fastigijs, fenestris & podijs elegantibus adornata. Pomœrium intra extraque urbem libero ad circuitum spatio senis in ordinem equitibus patet. Ex ijs mœnibus cum quædam ante bis mille annos constet annalibus, aut traditione constructa; nullam tamen in eis rimam aut sinum, aut labem aspicias, sed iam recens constructa diceres. In singulis quippe urbibus curatores regij facta tecta exigunt, & mœnibus alijsque locis publicis curandis inuigilant.

*Platearum
dispositio.*

Urbis vero totius ea ferme dimensio est. Latissimæ viæ duæ se interfecantes, tanta latitudine, quindecim vt equitibus liberum sit iter, rectissimo tractu vt ad lineam ductæ videantur, & perpetuo, vt cum vrbe desinant, & præcipuas quatuor portas aperiant, ab hisce vijs rectis aliæ dein aliæque transuersæ priuata & publica ædificia vicosque distinguunt, & ab utroque latere viarum excurrunt porticus, quæ comitantem plebem & fabrorum atque institorum apothecas actabernas à tempestatum iniuria vindicent.

Quæ ita per orbem diuisæ, vt qui vnius artificij sunt, vna in regione ab alijs seiuncti habitent, vt qui primam tabernam viderit, de cæteris mox diiudicare queat. Iam vero, è lapide trifores vt plurimum & quidem summo artificio perfecti cum inscriptionibus, formices, & velut arcus triumphales passim visuntur, quæ monumenta, magistratu abeuntes, regij perfecti relinquant.

Templa etiam cum turribus culminibusque
spectan-

spectantur pulcherrima & maxima; at non tantus eorum decor & magnificentia, quantus Europæorum. Magistratibus autem ipsis, celeberrimo loco stant ampla & operosa prætoria, regio parata sumptu, cultissimis hortis, capacibus piscinis fontibusq; pellucidis, & varijs aquarum derivationibus ad omnem animi remissionem, vsumq; domesticum instructa. Nec desunt auaria ac ferarum septa, & operis topiarij confiles siluæ luciq; densissimi, & distincta floribus prata: vt singulæ prætorum præfectorumq; domus oppidi propemodum instar obtineant. Mercatorum ædes in vnicam tantum contignationem assurgunt, elegantes tamen sunt & commodæ. nam vel pictura decoratæ vel opere albario candoris eximij è Charano parati. Gummi genus est, arboribus, quas vel China vel Iapon profert, magna copia destillans, nostro vernici non absimile; hoc quidquid inunxeris, speculi instar renidet. Colorem quemcumq; admittit; nec temporis vetustate fulgor perit, nisi secundarium sit. Non in dealbandis modo parietibus (vti apud nos calx) vsui est (tamen si eo tincti parietes chartæ politæ instar reluceant) sed & pingendis, dum varijs immiscetur coloribus. Auium enim, arborum, florum, similibusq; picturis atria pingi gaudent. Naues item, ac præsertim Mandarinorum magistratuumq; intra extraq; Charano inunguntur. Sed ad lineam redeamus. A primo domorum ingressu panditur atrium, armarijs binis hinc inde dispositis, in quibus inanum decorum statuæ collocantur. fenestræ non in vias, sed in hortos prospiciunt; hic enim sunt viuaria piscium; materia in ædi-

*Prætoria
magistra-
tuum.*

*Charan
quid sit.*

ficatione vtuntur mire leuigata, & certo lenocinij genere in auri colorem ac splendorem adducta, idq; aquæ cuiusdā vermiculatæ adminiculo; forte è Charano, de quo iā egimus paratę. Pari læuore tegulū est, tā intus quam foris, calce spissatum atq; commissum ad pluuias arcendas; durantq; sæculis tecta talia, nisi igne consumantur, extremi imbrices è marmorato per-eleganter elaborati sunt ad aquā emittendam. Ad singulas vero ianuas viridi opacitate arbores ad lineam directæ confurgunt, quarū gratissimo aspectu, quasi pabulo quodā, oculorum acies, quamlibet fatigata, reficitur. Ad ventum excludendū fenestras habent; ad frigidiorē per æstiuos calores aurā inducendā hoc vtuntur commento. Subterraneum in ædibus specū, vt nos cellas vinarias, effodiunt in quē fenestrarū aliorumq; spiraculorū ope frigidā aurā admittunt: quam conclusam, intensiorem aut remissiorē, prout lubuerit, vel per omnes & diū partes admirabili machinatione dispensant. Hunc in singulis ædibus specū reperiēs. Tanta quippe omniū similitudo vt qui vnas conspexerit, de ceteris facile diiudicare, paruo discrimine queat: idē de vrbib⁹ singulis iudiciū esto. Nisi q; nonnullę quæ fluminibus alluuntur, ad subuectionis euectionisq; commoditatē, canales nauīū capaces introrsum admittāt, marginatis vtrinq; semitis ad terrestre iter adstruētis; quales multis locis in Europa cernimus. Lapidei & lignei quoq; pontes egregie facti, nō ad oppida solū, sed etiā in agris plurimi, tantæ nonnulli amplitudinis & magnificetiæ, vt à Romanis illis rerum dominis exstructi videantur. quæ flumina ppter altitudinē impetumq; pi-

las

*Pontes plu-
rimi in
China.*

las arcusq; reijciunt; ea cōsertis ac cōtabulatis nauibus velut ponte iunguntur: sin ex imbri vehemētius intumuerint, solutis interim ordinibus, viatorē, gratuitæ cymbæ, regis impensa, transmittunt. Vias publicas Chinenſes cōmo-
Via publi-
 das parare solent cōmeantibus. strata pleræq; *ca.*
 curatorēq; habent regiū. voraginibus & hiati-
 bus terrę, & stagnātibus aquis, locisq; palustrib⁹, quęq; alia ad iter impedimēto sunt, publice
 occurritur. quin etiā asperrimis locis ad mōtiū
 latera excisis cautibus vię pateſcūt, magna mo-
 litione sumptuq;. Cōmeantibus a. nō iumenta
 modo, sed etiā varij generis cisia, lecticę, pilēta
 deferuiunt, accedunt i hedę ac vehicula, partim
 eqs iuncta, partim etiā, vbi cāporū æquora pa-
 tiuntur velis euntia. (modo vera sint quę ple-
 riq; tradunt.) nec vero minus perite ac ſcien-
 ter aurigę, q̄ nautę gubernacula moderātur, & va-
 ria velorū inflexione prolato vel reducto, ꝑ
 opus est, pede ventos excipiunt; gubernaculoq;
 quo lubuerit, eadē propellunt. Hoc incredibile
 cuiquā videatur, nisi incolarum ipſorum testi-
 monio compertū eſſet, & vasa porcellana horū
 etiam imaginē præferrent vt taceam interim
 grauissimorum ætatis nostræ Scriptorum te-
 stimonia. Porro inter cetera monumenta æ-
 dificia; Principem facile locū occupat insignis
 ille murus, qua Tartaris Sinę contermini sunt,
Murus ad-
 ad illorum incurſus repellendos, exstructus. *uersus Tar-*
 Mirum sane & heroicum opus ac continuum, *taros ex-*
 vt veterum pyramidum & colossorum moles, *structus.*
 quas velut mundi miracula celebrauit anti-
 quitas, sordere ac vileſcere videantur. Ad tre-
 centas pene is leucas, vt plerique comme-
 morant, extenditur, & duos qui in extremo
 sunt

sunt limite, montes combinat. Adeo porro spissus, altus & latus, ut montes, quorum vicē supplet, ubi deficiunt, æmuletur. Septem ut nonnulli asserunt, vlnarum crassities est interne ac superne; aliquibus in locis turres habet, in quibus Chinenſes perpetuo ad muri tutelam, primumq; Tartarorum impetum, interim dum copiosiores ad bellum conscribuntur copiarum, propulsandum, excubant. Crebræ hic & minutæ videntur arces, quas equites præſidiarij occupant, ad hostem retundendum. Sed iam satis superq; de Chinenſium locuti sumus industria, iam de illorum forma, habita, moribus institutisq; agendum.

Pueri tenelli elegantes sunt, nec Europæis candore cedunt, ut in Cantone idem sit incolarum color qui Hispanorum; quoq; magis ad Septentrionem vel Meridiem vergunt, magis aut minus æneo colore vel candido sunt; adeo ut Paquinenſes Italis aut Gallis perſimiles ſint. Tameſi autem puerili ætate candidi, elegantes ac pulchri appareant ad virilem ubi peruenierint, Europæis difformiores ſunt. Omnes namq; vultu lato & plano nigris oculis & ijs admodum exiguis vultui conformibus, ſimis naribus, rara barba; ex utraq; namq; menti parte rari hinc inde pili exſtant. Sunt qui oculos grandiores & barbam denſam, ac vultum elegantem ſatis habent; ſed hi rariſſime, ideoq; alienigenis proſignati dicuntur. Olim quippe, cum externi libere in Chinam commearent, non pauci hic ſedes fixere. Miraculo eſt ſi quis cæſios habet oculos, eoſq; illi ut myſticos habent, ac varia de ijsdem comminiſcuntur, dum hos gemmas & theſauros abſconditos detegere poſ-

re posse putant. Philautia ita laborant, ut sibi dissimiles ut fædos despiciant, & si quem difformem effingere velint, promissa illum barba, oculis & naso grandiori ac succinctis vestibus depingant. Omnes enim, etiam milites, *Vestis Chionensis.* talarum utuntur. viri æque ac feminae longis sunt crinibus; illi accurate comptos, & in verticem collectos illaqueant, ac reticulo ex equinis elegantertexto setis inferunt; illius in medio prolixior dependet capilli pars, quæ mulieres non dedeceret. Reticulum hoc pileo tegunt ex eadem confecto materia qua vestis. Sed varia horum forma. regius pileus à ceteris penitus differt; Mandarinorum quoque singuli iuxta dignitatem alium & alium gestant. Calcei eiusdem coloris ac materiae qua vestis, quos decore constringunt ac nodant. Plebei ac pauperes lino seu gossipio nigro tegunt corpora. Vestimenta per hiemem gossipio rudi nec parato suffulciunt. Primarij ac diuites sericeis floccis, qui & frigus propulsant, & ob copiam viles sunt. Sagis ad veterem Galliae consuetudinem utuntur, media sui parte crispis ac rugosis, ceterum fusa & explicata lacinia; accedit talaris tunica laxis manicis. hæ antrosum patent, sed solum ab læua parte confibulant. Qui è regia stirpe sunt, vel superiore aliquo magistratu funguntur, ut præfecti locorum, circa baltheum maxime, ceteri limbo tenus, hanc aciem pingunt, auro argentoque illustrantes. Caligas induunt assabre factas, & elegantes cothurnos, & calceos bombicino obstragulo perpolitos. Vestimenta primarij per hiemem pretiosis murum Scythicorum pellibus, quas martas vel sabellinas vocamus, quarum hic ingens copia,

pia, calore admodum suavi, & ventis impene-
trabili densitate suffulciunt. Hæc illos vestis
tantopere oblectat, nullum vt in orbe vesti-
mentum suo putent decentius aut elegantius.
Et est reuera graue ac seuerum, & præsertim
Mandarinorum, vt suo videbimus loco. Cur
autem etiam viri promissam cæsariem alant,
hæc esse dicitur ratio, quod credant ea se tam-
quam ansa in cælum aliquando sublatum iri;
sacrificuli contra, abradunt & barbam & ca-
pillum, quod sine tali adiumento sidera se con-
scensuros confidunt. Suis enim operibus viam
potius quam capillis parari. Laneos pannos nō
conficit China, quamuis lana non desit. Cuius
rei nullam apud auctores rationem comperi:
industria quippe non deest, cum è serico aliaq;
eosdem parare norint materia. Illos quos Lu-
sitani inferunt, simul & camelinos, telamque
tenuem, quæ in India texitur, cardò coëmunt.
Specula & omne vitreum magni quoque sunt.
Mulierum Chinenfium & Hispanarum idem
pene est habitus. illæ circa curam capitis mul-
tæ sunt, crines diu pexos concinnatosque in
summo circumligant vitta gemmis auroque
distincta: reliqui corporis ornatus minime
lasciuus. Plebeie nonnullis in locis succincta
veste, virorum instar vtuntur, nullum vt dis-
crimen sit, nisi in vertice & pedibus. Præcipu-
am decoris ac formæ laudem in tota China in
pedum breuitate & exilitate ponunt; atque
ob id ipsum tenellos ab infantia fascijs perquã
arcte constringunt: quam puellæ molestiam
æquo animo ferunt, quod quæ pede exiliore,
pluris alijs fiat. hanc qui consuetudinem in-
duxere, mulieres claudas quodammodo ac
pedi-

*Cur longã
gestent Cæ-
sariem.*

*Mulierum
Chinenfium
habitus.*

*Cur pede
sint exilio-
re.*

pedibus debiles reddere voluere; ne hinc inde per vicinarum ædes (vt nonnullis in locis mos obtinet, ac sæpe non sine pudoris detrimento) vagarentur, sed rei domesticæ curam gererent. Et sane rarissime in publicum prodeunt, nisi forsàn plebeïæ & secundariæ. Nobiles matronas semper domi reperies; si quando foras prodeunt amicos inuisuræ, gestantur in sella, prætentis ex omni parte velis, sed, occultæ speculationis causa, reticulatis ex e-bore auroque fenestellis ad latera oppositis; succollant serui magna vndique stipante familia. In fenestris ac ianuis non comparent, sed monialium instar domi manent, nullus vt externus easdem conspiciat. Si quem maritus ad conuiuium vocat, vxores non interfunt, imo ne visuntur quidem, nisi forte conuiuiæ sanguine sit coniunctissimus. Deprehensum adulterium æque viri ac fœminæ, capite luitur; fœneratores vtpote reip. noxij, cum alijs pœnis, tum pecunia mulctantur in fœnore deprehensa. debilibus tantum aut cæcis, ex infima plebe, ad sustentandam inopiam, aliquid vsuræ nomine exegisse, impune est. Suarum quisq; mercium institor descriptum indicem, pharmacopolæ etiam singulorum simplicium, quæ appellant, specimen ipsum coguntur præ tabernæ foribus habere propositum. & sæpe ab ædilibus inspiciuntur, neq; componendi miscendiue nisi præsens necessitas vrgeat, neque composita diutius asseruandi cuiquã omnino ius est. Vocales & gesticulatorias auēs enutriūt impensa cura, venduntq; præter naturales colores, vario etiam vestitu ornatuq; distinctas. Annum è lunaribus periodis ita conficiunt,

*Quomodo
Chinenses
annum di-
stinguant
& quando
incipiant.*

vt tertio quoq; anno ad duodecim vnā ad-
dant, vt solari lunaris cursus respondeat, vt
nos singulis quadriēnijs annum bissextum in-
ducimus. Principiū à Martij mensis nouilu-
nio auspiciantur. Eum diem publica hilaritate
ac plausu concelebrant, munera sibi & sportu-
las inuicem mittunt, apparatissimis dein epu-
lis, noctu præsertim, exquisitissime interpo-
nuntur ludi. Comœdias ac Tragœdias, aliasq;
Scenas exhibent sumptuosas, vel fabulis in
præsens à Poeta confictis vel actionibus è ve-
tere historia repetitis, petoristæ, aretalogi, præ-
stigiatores, mimi, tibicines, cantores ac citha-
rædi non defunt. Parietes forniceſq; viridi
fronde, micantibus roſis, & pretioso peritro-
mate vestiuntur, fragrant odoramentis ac flo-
ribus viæ; accensis funalibus ac laternis arbo-
res, pergulæ, fenestræ collucēt. Musico con-
centu atq; harmonia omnia circumquaq; per-
strepunt. Hæc anni auspiciū celebrandi ratio
est, diem porro natalem priuata gratulatione
& gaudio, conuiuiorumq; apparatu domi-
quisq; celebrat.

*Salutandi
modus.*

In salutando & adeundo religiosi admo-
dum sunt, ac vnusquisq; pene diuerso saluta-
tur ritu primores hoc pacto salutant, alteram
manuum salutati inserunt manicæ, (sunt enim
laxiores) deinde arcuatim vtramq; iunctam
extendunt, identidem sese ad terram vsq; sum-
mittunt, certantq; verborum officijs inter se.
In visitando is qui adiit locum honestiorem
(qui hisce sinister, illis dexter est) adeunti tri-
buit. atrium ingressus adiens sedem patrifam-
ilias, atq; ille vicissim aliam adeunti, opor-
tuno dignoq; loco statuit. Paterfamilias ad-
euntis

euntis sedem in medio collocat atrio, (nā quo
 à parietibus omnibus remotior eo & dignior)
 aliam sibi ex opposito ponit, vt facie ad faciem
 colloqui queant. Vbi paucis inter se locuti, co-
 ctæ mox è Chia aquæ potus infertur. quem po-
 tum omittere nefas est: is secundo aut tertio *Quis ritus*
 inferendus antequam colloquium solvatur, *visitandi?*
 additis fructibus ac condimentis nonnullis.
 Cochleari porro sumitur. Si longiores adiens
 moras trahat ferculum mox aliud adfertur, in
 quo exacta & temporis & adeuntis habetur ra-
 tio. Pauxillum hinc degustatur, nisi forte pran-
 dij cœnzue tempus instaret, tunc enim largius
 comeditur. Antequam adeant, si familiares
 dumtaxat sint, non vero affines aut consan-
 guinei, famulum cum schedula, quam Païtram
 (id est, visitationis schedulam) nuncupant,
 præmittunt. Suum huic aduentum inscribunt,
 eiusq; alterum certiore reddunt. Hic quoq;
 tam adeuntis quàm aditi habetur ratio, ac pro
 vtriusq; dignitate, Païtra maiori minorique
 submissione exaratur. Vbi aduentus certior
 factus est paterfamilias, adeuntem, qui paulo
 post adest, excepturus pròdit, Si vero rarius al-
 ter alterum viderit, quotidianam adituri non
 induunt vestem, sed aliam in hunc paratam
 vsum, & formæ alterius. Hac si adiens non
 vero quotidiana indutus sit, excipere illum
 prius alter non auderet, aut vllum ostendere
 beneuolentiæ signum, quam similem ha-
 bitum sumpserit: adeuntem igitur dese-
 rit, ac visitatoriam quam celerrime induit:
 hac sumpta certare verborum officijs incipi-
 unt. In exeundo idem ordo seruatur; præce-
 dit namq; visitans quem pro illius dignitate,

Qq

alter

alter longo vel paruo spatio, vel ad ianuam vsque, etiam extra fores, comitatur. Si foras prodierit, exspectat, donec visitans equum vel gestatoriam sellam conscenderit: tum vterq; sublatis brachijs & manibus manicæ infertis valedicit. Vt visitans domum venit, famulum mittit; ac similiter alter ad visitantem, qui dominorum vice gratias agant; hic ob exhibitum sibi visitationis obsequium, ille ob beneuolentiam qua exceptus. Munus missuri, schedulæ quod mittunt inscribunt, idq; verbis quam honestissimis: siue autem alter id admittat, siue remittat, siue partem detineat; schedulam aliam rubris lineis inductam simul & litteras, quibus de munere gratias agit, remittit. Quod si admittat, latori dat honorarium, alteriq; æquiualeus, aut maius mittere donarium tenetur.

*Conuiu-
vum qua
vati.*

Hæc de salutandi visitandiq; ritu. Conuiuiorum autem ratio talis est. Inuitatis singulis, si splendida sint, duæ parantur mensæ, huic carnem simul & pisces, illi fructus & condimenta inferunt. Si vero communia, propria singulis mensa aut summum binis apponitur. Exquisitissima hic inferunt fercula, & lautissima, quæ paulatim, quo calida sint apponunt. Paitra quinque aut sex ante diebus inuitantur, ac dies præfinitur. Si inuitatus adesse nolit aut nequeat, alia schedula se purgat. Sin minus, adfuturus censetur. Præfinito diè mane inuitans famulū rursus ad inuitatos destinat, vt inuitationis memores venire non grauentur; deinde sub conuiuij tempus alium, inuitatum qui roget num venire allubeat. Nisi trina hæc inuitatio præcederet, inuitatus non compareret. Ad
conui-

conuiuium vbi ventum, de loco honestiori ingens certamen, hisce locum occupare volentibus, illis excusantibus; adeo vt non parum temporis sæpe elabatur, priusquam conuiuæ locum occuparint, locum vnoquoque inferiori sibi deligente aut saltem simulante. Vix quidquam hic degustant, vt colloquendi potius quam conuiuandi causa instituta conuiuia videantur. Parum quippe cibi sumunt, atq; exiguis vasculis porcellanis, crebro haustu, sitim sedant. hoc modo, simul & colloquendo, quatuor aut quinque interdum horas conuiuio intersunt, vt esurientes domum concedant. Postridie conuiuæ Patram ad inuitantē mittunt, qua de exhibito conuiuio gratias agunt. His alijsq; officijs ac rebus potissimum vitæ tempus Sinæ impendunt, in amicis visitandis munusculis mittendis, & conuiujs parandis; ac maxime sub anni auspiciū hisce incumbunt; nam tum ad quindecim dies his vacant. Dein in die natali, tum si quod iter instituturi sunt, tum etiam post sospitem reditum; deniq; nullo non anni tempore. In cibo sumendo miram honestatem ac religionem seruant. digitis cibos attrectare rusticitatis putant, ideoque mantilibus, vti nostrates, non indigent. Concisa minutim fercula mensæ inferuntur, quæ conuiuæ bracteatis panillis, veleburneis, hebenaceis, argenteis, aureisve fusciniulis, scitissime in os inferunt. quæ comedendi ratio, & honestissima, ac meo iudicio, commodissima; modo non nihil quis assueuerit. Mensæ mappa non insternuntur, sed varijs, siue striū maxime rerum, florū, auium figuris pinguntur ac certis linearū ductib⁹, capreolatim ex argēto vel auro

*Comedendi
ratio.*

*Chinenses
semper ca-
lidam po-
tant.*

discurrentibus : Serica frontalia ad humum
vsq; depēdent vtrinq; , lacinijs simbrisiq; pre-
tiosis exornata. Calidam semper potant, &
fructus raro degustant. Hinc sana illorum cor-
pora , & à morbis inimuniā. Legumina tamen
& herbas crudas , vti nos lactucas , comedunt
quā sapissime. imo maxima pars aliud cibi
genus non degustat ; quod paruo parentur , &
paucissimi (præter Mandarinos) carnem aut
piscēs , quamuis honestissime vestiuntur. Ori-
za aqua macerata aut milium cibus pene quo-
tidianus , atq; hoc sese inferciunt , vti Europæi
pane. frumentum quidem tellus progignit , sed
panem ex eo morē nostrō non conficiunt , sed
liba dūtaxat & tortulas azymas , aqua fer-
uenti coctas , crustis carentes ; edentulis sene-
cionibus commodas. Ter de die vt plurimum
cibum sumunt , mane deinde secunda post me-

*Quando &
quomodo
uxores du-
cant.*

ridiem hora , postremo sub noctem. Sed tum
vix quidquā sumunt. Decimo quinto , deci-
mo octauo , aut vicesimo ætatis anno conu-
bium cum vnica vxore legitimū ineunt. Ad
nuptias dotem non viro fœmina , sed vir fœ-
minæ defert ; de qua illa pro libito disponere
potest , quam parentibus illa vt plurimum do-
nat : adeo vt qui filiabus abundet habeatur di-
tior ac felicior , secus apud Europæos. Nuptia-
rum die sponsa ad sponsi domum , publice to-
gis ac vestibus suis ac supellectile prælata , tran-
sit. Præter legitimam hanc vxorem , pellices
quot lubuerit , quis alit. Has pretio sibi redi-
munt , ac pro libito diuendunt. Sed cum earum
cognatis & consanguineis , aut cognomine mu-
liere , quamuis venditæ affinis non sit , Matri-
monium inire nefas. Si vxor legitima liberos ha-
beat,

beat, paternam illi hæreditatem adeunt; fin minus, & è pellicatu nata fit proles, hæc velut legitima succedit. ac probro non est, pellicis esse filiū; familiare hoc Chinesibus pene omnibus vitiū: atq; per hoc maxime stat, quominus legis Christianæ iugum admittant; ac præsertim Mandarinī ac primores, qui plusquā ceteri veneri & lasciuiæ indulgent. Nisi enim singularis Dei gratia cooperetur, vix cuiquā persuaseris, has vt peccandi illecebras domo proscribant. Paucis igitur vt perstringam, Chineses si quis vllus, voluptatibus ac libidini omnigenæ, etiam masculæ, dediti sunt; vt hoc ipso teterrimo flagitio apud alios sine vllō pudore gloriētur. Propterea vitæ tēpus omni producere arte student, quo suis diutius voluptatibus perfruantur, de spiritualibus & sempiternæ vitæ bonis nequidquam solliciti. Hinc multi, etiam *Vitam pro-* viri auctoritate illustres, dum vitam se profer- *longare stu-* re industria sperant, medicamenta plurima su- *dent arte.* munt, quæ eandem potius minuunt ac labefactant. Multos de sanitate tuenda conscriptos habent libros, & plurimi opibus & dignitate fulgentes artem hanc edocent. Sunt proinde qui ætatem mentiuntur, & annos addunt, quos reuera non vixere, quo arti auctoritatem parent. Tanta porro nonnullorum est cœcitas ac dementia, vt ijs velut cœlo delapsis fidem adhibeant, quo aliquod vitæ producendæ medicamen obtineant. In hoc enim maximam felicitatis suæ partem statuunt. Apud plerosq; etiam magni nominis viros auctoritatem obtinuit chymica, vel, vt nos dicimus, lapis philosophicus; quo viliora se posse metalla credunt in aurum argentumq; commutare. Multi super

hoc scripti hic exstant libri, pleriq; ætatem, & tenues quas habent facultates eidem, spe frustrati impendunt ac consumunt: sed non idcirco inueniendi perijt spes. at hoc se pacto solantur, nondum sc. in fatis esse, hanc vt artem detegant & horam, quam semper expectant, diuturnis hunc in finē ieiunijs sese emacerantes, necdum eluxisse. Tanta sc. illorum vesania ac mentis cæcitas. Quisq; quam voluerit exercere artem ac functionem potest, nec paternam tenetur amplecti, vt astruere nonnulli voluerunt: sed quibus lubet, litteris incumbere aut artem aliquam addiscere quam optarint, licet. Famulorum ancillarumq; stipendium exiguum est, quod abundant: vt præter victum vnicus annuum stipendium sit aureus; vestes quoq; dominus non subministrat. Pauperes, quorum hic ingens copia, liberos quam vilissimo sæpe diuendunt pretio; vt adolescens duodecim vel quindecim annorum, nullo defectu deformis, tribus aut ad summum quatuor libris minoribus veneat: & in rerum inopia etiam minoris. Mancipia alere hîc familiare est, quamquam honeste satis habeantur, & matrimonio à dominis collocentur.

Veteres historia.

Rerum nouarum noscendarum percupidi sunt, quas sibi mutuo perscribunt, ac sæpe prælo committunt, vt quam breuissimo spatio per vniuersas prouincias spargantur. Iam olim, vti & modo, in rerum gestarum historia texenda diligentes fuere, adeo vt abhinc quatuor annorum millibus aut amplius illorum calculo gesta scripto circumferantur: sed hoc mihi non fit verisimile: ita namq; à diluuiio, (cuius apud illos etiã memoria est) plures statuere annos o-

porte-

porteret, quā vulgo tribuuntur. nam à diluui-
 o ad sæculum hoc M. DC. sex annorū & amplius
 enumerant millia; nostri tamen scriptores, (&
 sane longe probabilius) nonnisi tria annorum
 millia, & nongentos quadraginta quinque efflu-
 xisse censent; & iuxta LXX. Interpretum suppu-
 putandi rationem, quæ etiā amplior, 4351. Re-
 ges nonnullos ita commendant annales, vt si
 vera sint quæ circumferuntur, horum aliquos,
 ob virtutum facinora, in lege naturæ saluatos
 esse verisimile sit, idolorum enim cultores non
 fuisse constat, sed vnum adorasse Deum. Horū
 nonnulli in regnum filios noluerunt succedere,
 quod imperio illos ineptos putarent, alium,
 quem virtute & prudentia præstare crederent,
 regno præficientes. In emendo vendendoq;
 auro non vtuntur, quamuis non desit; sed ar-
 genti pondere pretia rerum metiuntur, quod
 non cudunt, sed in lamellas concidunt prout
 opus fuerit. atq; in idipsum forfices, & labilem
 trutinam circumferunt. Ipsius argenti quoq;
 valorem notant, vnum quippe altero carius
 est; ne locus adulterio pateat & fraudi, fraudā-
 di namq; artem percallent. Ærea quoq; mone-
 ta vtuntur, cuius etiam discrimina norunt, vi-
 lemque materiā à subtiliori distinguunt. In om-
 ni siquidem re fraudi ac deceptioni locus. Sed
 iam de rege, eiusq; regnandi modo loquamur.

CAPVT XIX.

*De regis Chinenſis opibus, politica diſciplina, quam v-
 niuerſo ſeruari iubet regno, quæq; hinc commo-
 da, quæq; incommoda proſiciſci ſoleant.*

REX Chinæ, ſi plerorūq; credam⁹ testimoni-
 is, reges omnes diuitiis ac potentia ſuperat,
 vt Alexander Valign. qui tributorū, quæ ſingule

*Reges Chi-
 na illuſtres
 virtutibus,*

*Rex China
 reges omnes
 diuitiis ſu-
 perat.*

vrbes pendunt, rationes inspexit, potentio-
illum ac ditio-rem credat, quam simul omnes
Europæ reges & principes, ac forsitan & Africæ.

In huius rei confirmationem, duo tantum
tributorum genera, ceteris omiſſis, recenſet.
Primo in ſingula capita tres perſoluuntur ma-
za, quarum ſingulæ denos ſoldos Gallicos va-
lent, adeo ut ſinguli tributum pendere obliga-
ti triginta quotannis ſoldos perſoluant. hi por-
ro iuxta incolarum, quem ſupra recenſuimus
numerum ad ſeptuaginta & amplius milliones
pertingunt. ex hoc igitur tributo triginta quin-
que, hac ſupputatione, auri milliones cogit.
Sunt qui nonniſi duas perſolui in ſingula capi-
ta mazaſ velint, itaq; nonniſi ad viginti tres
milliones, ſexcenta ſexaginta tria aut circiter
aureorum millia, ſumma pertinget.

Alterum quod ex omnibus terræ fructibus,
aut hominum operibus colligitur veſtigal e-
iuſdem Valignani teſtimonio, viginti ac ſex
milliones conficiet: adeo ut duplex hoc veſti-
gal, quinquaginta aut ſexaginta milliones ſup-
peditet. Taceo interim portoria, exactiones, &
gabellas quas merces euectæ ſubuectæq; pen-
dunt. ſerunt vnicam Cantonenſem prouinciã,
in qua Luſitani agunt commercia, quotannis
tria picorum argenti millia, id eſt, ſeptenos mil-
liones ac quadringenta aureorum millia, pen-
dere. E quo, quid aliæ pendant prouinciæ, col-
ligere eſt. Prætereo quoq; quas illi auri, & ar-
genti & alterius metalli, quas in China eſſe di-
xiſimus, ſodinæ diuitias ſuppeditant quas gem-
marum, margaritarum, ambræ griſcæ, piſca-
tus, moſcū, porcellana (quæ ſola tredecim auri
millionum veſtigal conficiunt) aliæq; Chinen-
ſes

ses merces pariunt, quod exacta rei totius nondum habeatur veritas. Sed incolarum frequentiam, simul & mercium prouentuumque Chinenſium copiam; ad hæc in vniuerſo hoc regno neminem præter ipſum regem eſſe, qui tributum aut vectigal exigat, (cum nulli hic Duces, Comites, Marchiones, Barones, aliique Principes cum imperio præſint) ſpectantibus incredibile hoc minime videbitur. Verum omnibus ſimul computatis, illi vero mihi ſcripſiſſe videntur, qui ad monetæ noſtræ ſupputationem, aureorum annua millies ferme ac ducenties centena millia regem capere perhibent: quantum vix moriens Imp. Veſpaſianus, & quidem pecuniæ diligentiffimus, in ærario Romano reliquit. Cæterum Pantoja de regio cenſu hæc habet. Regij redditus quotannis infiniti ſunt, quos niſi è rationibus annuis, in quas ſingula quam exactiſſime relata ſunt, compertos haberem, incredibile videretur. non quod ita ſe rem habere dubitem. quo enim quis ampliorem rerum Chinenſium cognitionem habuerit, eo minus de rei veritate dubitabit; at qui rem coram non viderit, difficulter admodum credet. Rationibus igitur facile ſubductis, quotannis annorum comparatione facta, ad centum quinquaginta auri milliones, tum in parata pecunia, tum alijs pecuniæ æquivalentibus, (ſed pecunia potiorem partem obtinet) regius cenſus aſcendit. Et ſane quiſcunque regni magnitudinem attenderit perſpexeritq; ſingulos incolas, agros, arbores, aliaq; minutiora, regi vectigal perſoluere, ac neminē ipſum, præter regē exigere poſſe, nullum hic exceſſum inueniet. Haſtenus Pantoja.

Regii redditus.

*Paquini
magnitudo.*

Prouinciarum singularum metropoles ararium habent, in quod omnes illarum redditus ac prouentus inferuntur, sed regium ararium ac primariū Paquini est; de qua vrbe iam nonnulla dicenda sunt, quod regum sit sedes. Eandem hanc aliqui censent, quam M. Paulus Venetus *Quinsai*, quasi cœli urbem dixeris, nuncupat; quamq; triginta ac duas in quadrum patere putat leucas, octonas singulis lateribus ascribens: atq; hanc Paquini esse magnitudinem vulgo dictitant, hodie tamen multo ampliorem esse, quam dum Paulus eam adiret, quod postmodum regia huc translata sit. Hanc sententiā ex ipso prouincię nomine, Quincij stabilire conantur.

Sæpe namque Chineses vniuersæ prouinciæ nomen illius metropoli, vt supra dicere memini induunt. Hęc quidem quorundā opinio equidem hanc esse urbem posse nego; quod eodem Paulo teste, regū hæc tum sedes esset. Chinesium tamen testimonio cōstat, Paquinum non prius regiam translata, quam Tartari Chinam occupassent, eo ipso tempore cum M. Paulus ibi versaretur. ideoque Nanquinum esse, vero fit similis, quam Paquinum. Quidquid sit, certissimum est Paquinum esse, hodie Nanquino, aut par, aut etiam maius; cuius ambitum eques vno vix die, non comprehensis etiam suburbij decurrat.

Denique tanta de illius magnitudine ac splendore vnanimi Chinesium sententia, ideoque vera traduntur, vt, ne forsan fidem non inueniant, scripto committere non auserim. Amplissimam hic & augustissimam rex habet regiam, triplici eoque altissimo cir-

circumdatam murorum ambitu. Quinde-
cim adhæc (vt referunt nonnulli) pro nu-
mero prouinciarum hic distincta sunt diuerfo-
ria, velut noua palatia. In horum singulis, præ-
ter habitaculum splendidissimum, viridaria,
hortos, viuaria, lucos, aliasq; oculorum illece-
bras reperies, vnicuiusque prouinciæ deli-
cias quam fieri potest, maxime repræsentan-
tes : vt exiguo Regiæ circuitu, totius quo-
dammodo regni compendiosam imaginem
intueatur.

Vnde octoginta hic atria reperiri aiunt, ele-
gantissima symmetria, & ex arte constructa;
quib. suus non desit etiam ornatus. at quatuor
cæteris antecellere. Primum parietes habet ac
pauimentum æreis lamellis eleganti ferarum,
arborumque pictura insculptis conuestitum. *Quatuor atria in re-
gia splendi-
dissima.*
Alterum purissimo elaboratissimoque argen-
to constratum. Tertium, cæteris quidem for-
ma exteriori perfimile, sed circumsecus ac in
laquearibus, auri encaustici crustis exorna-
tum. Quartum, cæteris præcellit, musuo e-
laboratum opere, & ex materia pretiosissi-
ma; gemmas varias in parietibus ac pau-
imento, & velut vnam duntaxat vbiq; gem-
mam conspicias. Regium hic solium pretij infi-
niti. Gemmis adeo collucet, vt sub noctem ac-
censarum facum lumen æmulentur. In hisce
atrijs externorum regum Legatos, pro legan-
tium qualitate ac discrimine excipere solet:
adeo vt si legatio à rege inferiori minusque po-
tenti adornata sit, in primum legatus atrium
introducatur; si à potentiori in secundum, at-
que ita de cæteris.

Hæc grauiſſimorum ætatis nostræ scripto-
rum

*Maffei
lib. 5. hift.
Ind.
Ioan. Gon-
zal. l. 5. c. 2.
p. 1.*

*Regia de-
scriptio.*

rum testimonio comperta sunt. Pantoja ta-
men, qui regiam sæpius adiit, & non minimam
illius partem inspexit, ac plurima ab ipsis re-
gijs ministris audiuit. fabulas hæc & commen-
ta credit, ac de atrijs nihil se vnquam audiui-
se. Rex insuper externorum Regum legatos ad
alloquium admittere non consuevit, nec illis
se spectandum, ne vel suis quidem, nisi raro
admodum dare. Regium putant, regem à suis
non conspici, vt integra illi stet auctoritas, &
suum splendorem ostendet. Et sane non nisi pri-
moribus Mandarinorum se præbet videndum.
Regiam esse tradit maximã, & scitissime con-
structam, cui nullum in China par ædificium
reperiatur, cum plurimis tamen Europæ pa-
latijs monumentisque ne comparanda qui-
dem. Terno circumcingitur in quadrum mu-
ro, primus tanto patet circuitu, vt maiorem
cingere urbem possit. Inter extimum ac secun-
dum sparsa sunt Eunuchorum vilissima regia
officia obeuntium, vt ianitorum, equisonum,
lixarumque habitacula. Inter secundum ac
tertium plurimæ domus interiectæ, elatiores
& tanta longitudine, quantam equus vix de-
currat. Inferne non habitantur, lateritio quip-
pe muro, qui domorum longitudini ac latitu-
dini respondeat, inædificatæ sunt. Elegantes
hic è marmore portas videas, per quas ex vno
loco in alium transitus patet. In octo vlnas
murus hic assurgit, cui pergulæ cum porticibus
ambulacrisque additæ. Porticibus ligneæ, fene-
stris cancellisque scite depictis distinctæ. Teg-
ulum elegantia non cedit cæteris, tegulæ nostra-
tibus meliores, tamque eleganter compositæ,
vt nonnisi vnica videatur croceo inductæ ver-
nice,

nice, is enim regius color. Muros hos flumen interfecat, & ad ipsam vsque regiam fluit, vt quidquid ad illius vsum necessarium est, hoc deuehatur: ex vno loco in alium pontibus plurimis transitus est. Commorantur hic primores Eunuchorum regi ministrantium: multos vna excipit domus, sed sua singulis sunt habitacula, vt in collegijs, studiosis. Non desunt hic horti, siluæ, aliaque ad animi recreationem spectantia, quorum aspectu sæpe rex ipse perfruitur. Locus enim amplus est. Pantoja vt huc transiret, ad Eunuchos edocendos, vt postea referemus, octona se ait transisse palatia, ac credere se, non minora; forsan plura, ab altero esse latere. Sequitur deinde tertius, quo regia circumcingitur, murus. Rex hic cum vxoribus, liberisque commoratur. nullum hic fas ingredi, nisi regios ministros. Etsi vero, ait Pantoja, dignum visu ac splendidum monumentum esse nemo non asserat, certi tamen nihil scribere possum. ascendi tamen sæpe turrin, dum Eunuchorum Mathematicis disciplinis incumbentium ædes frequentarem, è qua regiæ recta, horti ac pomceria conspici poterant, nullum me ampliorem, capacioremq; aulam vnquam memini conspexisse. Hæc Pantoja.

Vnica regi legitima est vxor, atque hæc regina dicitur: Pellices habet tamen plurimas, quarum filij, deficientibus legitimis, in regnum succedunt, quod persæpe accidit. Nam anno seculari elapso, regius primogenitus, quamlibet pellice natus, regni erat successor ab omnibus declaratus. Si qua in regiam pellicem delecta est, perpetuæ mancipatur custodiæ, monialesque nostrates liberiori fruuntur, quam carnalia

Quinam in regno succedant.

*Regia pro-
les regno
exclusa,
quomodo
habeatur.*

naliam hæc mancipia. In gynæceium hoc ubi primum admittitur, omnis egrediendi viuo rege parentumque ac consanguineorum videndorum spes penitus recisa est. In delectu solius pulchritudinis ac morum elegantiae, nulla nobilitatis ac generis, habetur ratio. Mira circa regiam prolem, regno exclusam, hic inhumanitas, mox namque ut natu maior regni heres declaratus est, cæteros ad loca designata auferri rex imperat; hic ad tertiam usque generationem regio habentur ritu, at parentum simul & fratris regis videndorum spes ablata: ut hac sequestratione magno matrum filiorumque eiulatu, ac lamentis regia perstrepat. Abunde ijs rex omnia suppeditat, sed omni imperio, auctoritateque (ne quos forte motus excitent) carent; omnes tamen magistratus magno eos honore prosequuntur. Quotquot ab hisce nascuntur, regij sanguinis dicuntur, quamvis plurimi deinde cum inopia conflitentur. Maior enim natu in vniuersâ patris bona succedit, cæteris legitimâ, & quidem exiguâ satis assignatâ. Cæteri vero affines, ac regiarum sororum, filiarum, cognatarumque mariti, quamvis necessaria ad victum, quam copiosissime suppetant, nulla idcirco prærogatiua auctoritateue gaudent, & Mandarinis dignitate inferiores sunt, ut aliorum instar litterarum scientiâ ad dignitatem aliquam emergere contendunt, illa enim more prolis regiae, exclusi penitus non sunt. Nulla in China generis nobilitas, quam de regia esse prognatû stirpe, & ne huius quidem magna habetur ratio, ut regum filij cum Mandarinorum aliorumque inferiorû filijs ab. passim sine defectu connubia ineant.

Omnes

Omnes tum regis tum reginæ, aliorumque aulicorum ministri spadones sunt, indignum tali monarcha ministerium, vilissimis hi prognati parentibus. Nam parentes, quæ præ inopia liberos alere nequeunt, illos à primis annis ministerio regio emasculando parant; at sæpe præ vehementia cruciatus emoriuntur: nam & virgam vna cum testibus, inaudita feritate præscindunt.

Hi, quod pessima præcesserit educatio, effeminati plerumque sunt & inertes: atque ubi ad dignitatem euecti fuerint, arrogantes & insolentes, vt qui maxime. Hæc illorum, in mortuorum locum subrogandorum ratio est. Delectus illius die per vniuersam prouinciam indicto, quotquot filios tales habent, Paquinum consulunt, vt non raro viginti hic spadonum numerentur millia. Tum Mandarinus, iudicio & auctoritate præstans, (cuius est de omnibus ad regem spectantibus prouidere,) & Eunuchorum veterrimus Mandarino familiari singulos considerant, & inspiciunt, vultum imprimis honestum ac liberalem requirunt, linguam pendulam: hanc duorum verborum prolatione explorant. Si quod enim blæsitatis indicium, haud facile duo hæc vocabula protulerint. selectos variis muneribus præficiunt; primo Eunuchis senio venerandis famulantur, suamque illis patientiâ probant. qui ingenio iudicioque præstat, post aliquot annos ad maiorē dignitatē sustollitur. Horum nonnulli, regio iussu, Mathematicæ incumbunt, cuius imperitos omnino illos esse Pantoia tradit, qui sæpius cum illis egit.

Per interualla totas excubant noctes astra inspe-

inspecturi; ac si quod nouum inuisumque apparuerit fidus, regem certiozem reddunt, eiusque expositionem declarant. Hi regia quodammodo mancipia sunt, quidquid boni malue rex iubet, protinus exequuntur. flagris in hos sæpe, minima etiam de causa animaduertit, inprimis ille qui anno M.D.C. regno præerat. Crudelitate namque & nequitia male toto audiebat regno; plurimos namque etiam leui de causa, minimaq; offensa, ad mortem flagris cõcidi iussisse dicebatur. At quamuis potiorem spadonum partem inertem esse dixerimus, nonnulli tamen & morum honestate & prudentia valent; quorum opera rex in magni momenti ac serijs rebus vtitur. Tenue quidem horum stipendium, habitu tamen serico diuersisque coloribus variegato splendent, pileo à cæteris discrepant: horum sedecim milia in regia versantur. Vide obsecro, quibus cum potentissimus Sinarum Rex assiduo versetur; mirum vt non sit, si voluptatibus effeminatus diffluat; non cum alijs quam mulierculis, pueris, spadonibusque agere assuetus. Rarissime namque regia egreditur. Voluntarium hunc sibi carcerem delegit, ne percussorum petatur ferro; vel forsan, vt subditi eum metuant & colant: familiarem namque se contemptui, (nec immerito) suis futurum putat. Tritum enim sermone prouerbium, *contemptum parit familiaritas*, in seignibus ac nefarijs plerumque; non vero in viris fortitudine ac virtute inclytis locum habet. Sunt qui maiestatis ac magnificentia ostentandæ causa id fieri putant, quæ enim rarius sub aspectum cadunt, maiora & magis admiranda videntur. Regem allocu-

turus

turus regium conclaue non subit, sed aliud atrium, vnde eum loquentem audire commodè rex possit. Tum elata voce alter postulata proponit: cui interdum rex ipse respondet, at plerumq; eunuchus regii responsi interpret. Si quis ad illum rex legatum mittit, hunc non vt legatum (nullum quippe regem in orbe dignū sibi persuadent Sinæ, qui cum suo per legatos) sed vt muneris alicuius, vel gratuito, vel in summisionis signum oblato, delatorem admittere P. Pantoia refert. Si vero grauium negotiorum ergo regiam, vt iam nuperrime Iaponii, de Societate ineunda coram acturi, adeāt; spectandum se non dat: sed per interpretem Mandarinum omnia vltro citroq; deferentem responsa, totum negotium conficitur. Sunt tamen, qui externorum Regum legatos, magnis officiis & honore pro muneris dignitate excipi velint, eosque in vno atriorum, quæ iam supra adeo splendida diximus, ad colloquium admitti. Hoc constat, legatos omnes, qui admittuntur, mox vt pedem in Chinam intulere, regiis impensis toto regno deduci, regiisq; ædibus, quas in singulis habet vrbibus, excipi. Si à potenti rege ac dynasta missi fuerint, Mandarinos, flexo poplite, aliorum instar, qui à regiis præfectis, reguloque minorum gentium mittuntur, non alloquuntur. Sed vtrique vt primam regni urbem ingressi sunt, à Præfecto loci adhibita custodia, hæere compelluntur; de necessariis interim abunde pspicitur. Reddit is interea Proregem certiolem, qui rem ad regium concilium defert; illo namque inuito vltius progredi nefas. In reditu quoque omnia illis necessaria è regio ærario ministratur; nullumque pro munerum à rege accepto-

*Quomodo
cum Rege
Chinensi
legati ex-
terni agant.*

*Hist. Chin.
l. p. 13. c. 25.*

R r rum,

rum, neu mercium coëmtarum (quæ mille interdum sarcinis non comprehenduntur) vectigione pretium, nullum quoque subuectarum in aditu vectigal portoriumq; persoluunt. Hinc legatorum comites se mentiuntur sæpe mercatores, vt inferendo, efferendoq; mercimonia à vectigali immunes sint.

*Mandari-
ni duplices.*

Hactenus regem regiàmq; descripsimus, iam de disciplina politica ac legibus, & inprimis de magistratibus agamus. Duplex igitur Mandarinorum genus: Primum Iurisperitorum, alterum militarium: quos inter magnum discrimen. Iurisperitorum enim ac Togatorum dignitas perpetua non est, nec successione ad hæredem transit; sed tertio quoq; anno magistratu plerunq; amouetur. Si probe dignitate functi fuerint, altiore consequuntur; sin minus, in ordinem redacti domum se recipiunt ac priuati viuunt, eodem quo ceteri iure. Militares porro perpetui sunt, & in parentis locum primogeniti semper succedunt. Togati nullum in patria ius exercet, ne forte amicorum consanguineorumque amore à recto iustitiæ tramite deflectant. Militares sua in patria dignitate vt plurimum fulgent, q; amor patriæ quemlibet ad pericula illius causa subeunda exstimulet.

*Amborum
discrimen.*

Atq; hi ducum nostrorum militarium ritu, aliquot militum turmis cum imperio præsumt; qui pluribus, maior etiam habetur. His, vti & militibus, è regio ærario stipendium persoluitur, tum domi, tum belli. At nõ tanti hi, quanti togati sunt, quos vt numen quoddam suspiciunt. Togatorum magnus est numerus; sed octo quos alii ad sex dumtaxat redigunt; cæteris auctoritate præstant. Hi regiis Conciliis, quæ regem semper sequuntur, præsident. Primus cæ-

teros

teros totius regni Mandarinos constituit, pro-
 meritos ad altius dignitatis fastigium extollit,
 atq; in illos, qui officio defunt, pro criminis ne-
 gligentiaq; magnitudine animaduertit. Quod
 vero maxima illius sit potentia & auctoritas,
cæli Mandarinus vulgo dicitur. Hic namque ad
 regem, quæ sibi videntur, refert, quæ ex ipsius
 voto voluntateq; vt plurimum rata sunt; nul-
 lus vt in vniuerso regno sit Mandarinus, etiam
 minimus, qui nō ex præsidis huius auctoritate
 à rege stipendium accipiat. Secundus cultum
 ac sacrificia deorum curat, is piacularibus &
 sepulcralibus victimis, ac ritibus ad regem in-
 primis spectantib⁹ præest; hic regem delectum
 populo denūciat, hic regium primogenitum
 aut alium ad quem regnum deuoluitur, impe-
 rii successorem pronūciat, hic connubia inter
 regiam sobolem conciliat, aliaq; similia pera-
 git. Tertius concilio militari præsidet; huius est
 regem belli suscipiendi certiolem reddere, ac
 naues aduersus piratarum incursiones emitte-
 re. Proregibus & vrbium præfectis indicere vt
 copias suas ac naues paratas habeant: denique
 quidquid ad bellum gerendum requiritur, ab
 illo dependet. Quartus regio ærario summo
 cum imperio præcitur. Quintus velut ædilis
 curulis facta testæ regiarum domorum curat,
 quæ in singulis vrbibus Proregibus, Mandari-
 nis & externorū regum legatis exstructæ sunt.
 Sextus iuri dicundo, causis criminalib⁹, ac sen-
 tentiæ capitis per vilitatq; res vbiq; locorum fe-
 rendæ præfectus est. Præter sex hosce nulla nisi
 Mandarinorū dignitas est, etsi verè omnium
 maximi sunt. Cum his siquidem rex de omnib⁹
 quæ diximus consulit. Atque hi, meo iudicio,

*Sex Præsi-
 des Conci-
 liorum re-
 giorum.*

*Regium
 Concilium.*

Quamuis autem diuitiis hi affluere vulgo credantur, & reuera reliquorum intuitu affluant: non ex tamen sunt opes, quæ cum Principum, Ducum, Comitum, Marchionumq; priuatorum in Europa conferantur. Quod enim à rege annuè accipiunt stipendium, exiguum, ac tenue, illorumq; clientes viles sunt & sordidi: magno tamen honore coluntur, illorumq; iussis nemo nõ obsequitur: neu plebei modo, sed & Mandarinum reliqui, flexis eos poplitibus alloquuntur. Tanta porro horum magistratuum copia, vt nisi quis coram viderit, incredibilis videatur. Audiamus Pantoiam. Maxima in singulis vrbibus Mandarinorum copia est, sed Nanquini & Paquini prope infinita. Nam præter Mandarinos militares, quorum auctoritas pene sordet, atque illos, qui quotidie negotiorum ergo Paquinum vndiquaque confluunt; Paquinenfium Mandarinorū numerus ad bis mille quingentos facile ascendit, qui bis de die iuri dicundo, aliisque audiendis vacant. Sed Paquinenfibus relictis, de aliis maiorum gentium, qui toto regno dispersi sunt, Mandarinis loquamur.

*Togati
Mandari-
ni maiorū
gentium in
singulis pro-
uinciis, co-
rumq; mu-
ni.*

Singulæ Prouinciæ Proregem habent, quem Tutanum dicunt, is quasi vicarij regis munere, vniuersæ prouinciæ præpositus est: ad hunc grauisima quæq; ac maxima referuntur; pleaque decidit ipse, ac de toto rerum statu subinde regem per literas edocet. Proximus huic honore habetur, regiæ ærarii præfectus, qui etiam è Mandarinorum Togatorum numero est. Is cum ingenti scribarum & custodum copia tuetur ærarium, rationes & codices recognoscit, annua stipendia, salaria, mercedesq; Mandarinis militibusq; distribuit. Denique penes hunc

hunc vectigalium ac fisci regii cura est. Sequitur, qui cum consilio dilectorum virorum, non de ciuilibus modo controuersis ac litibus iudicat, sed etiam rei capitalis quæstiones exercet. Capitum tamen sententiam non fert, sed ad visitatorem, de quo breui agemus, hoc spectat. Quartus provinciæ quieti consulit, prædones, piratasque pellendo, exercitus conscribendo, & dum opus fuerit classes comparando; atque præcipue in id excubat, ne peregrini, iuxta legum præscriptum, in vrbes ac mediterranea sensim irrepant. Huic varii subsunt, atque vnus in primis, qui quasi vicarius, ad illius arbitrium, prout opus est, varias in expeditiones cum exercitu proficiscitur. Sunt & alii Mandarinum minorum gentium diuersis rebus præpositi, ac reip. disciplinæ politicæ inuigilantes, quorum difficile foret munia, ob varietatem, copiamque recensere, tum quod hætenus certi nihil de iisdem compertum.

Togatos hosce Mandarinos diuinis ferme honoribus plebs prosequitur, quod promiscua illis quoslibet virgis cædendi potestas sit, ac sepe leuem ob noxam. Metum hoc supplicium incutit; est enim graue, multi vt eodem extincti sint, aut membrorum vsu priuati. Arundineo siquidem fasce virgarum loco vtuntur: arundines hæ inanes & emedullatæ non sunt, vt nostrates; sed solidæ ac præduræ, & igne tostæ, quo grauiorem faciant plagam, quatuor aut senos digitos latæ, & cubitali longitudine. Lictores quos Vpi dicunt, cædunt; hi Mandarinos, dum in publicum prodeunt, vt olim Consules aliosque Magistratus Romanos, Lictores, præcedunt. Quem cædi Mandarinus iusserit, pronum in terra prosternunt, brachiis post

*Mandarinum
a populo co-
luntur.*

*Quomodo
cedant.*

terga reuinctis, caligisq; sublatiſ (quas pleriq; geſtant) & capite pedibusq; rei firmatiſ, acerrime ſuras & poplites diuerberant, vt ſuo miſelli adſtantes eiulatu ac clamoribus ad commiſerationem excitent. Quinquaginta verbera qui acceperit, vt plurimum emoritur. Quamuis enim mortis ſententiam illos ferre neſaſ ſit, tam crudeliter tamen in maleſicos, ac præſertim latrones ac fures animaduertunt, vt quotannis magna illorum copia maxime in carcere neci detur. Octauum duodecimumve iſtum vulgo non excedunt, ſed ſupplicium hoc adeo obuium, vt vix abeat dies, quin hac virgidea plures plectantur. Sæpe & Mandarinii inferiores, ſuperiorum iuſſu, hoc ſupplicio delicta luunt, ſed neſaſ magiſtratus inſignia indutos flagellare; ea ſunt baltheus argenteus trium digitorum latitudine, & pileus diſtinctus ab aliis: prius hæc à liſtoribus tolluntur; poſt diſcincti capite aperto vapulant proſtrati in terra. Tum magiſtratus reſumunt inſignia, nullo ſui opprobrio aut honoris damno. Si inter duos liſ orta ſit, quamuis alter Mandarinum rem denunciet, vterq; sæpe nulla in rem inſiſtione facta vapulat, atque ita iurgium dirimitur. Hæc virgarum acerbitas Mandarinis ita exoſos reddidit, vt eminus conſpectos omnes fugiant. Si quis enim locum non cederet, vel in genua illis tranſeuntibus non procideret, vel inſolētius ſe gereret, fuſtigatione haud dubie plecteretur. Maiorum gentium Mandarinos foras prodeuntes, præcedunt liſtores, qui ſigno, voce vel ſono edito plebem ſum mouent ac locum parant. In vrbibus priuatis, iſſis tranſeuntibus omnes domo ſe abdunt, iſſi quoque opifices taberna proripiunt, & opus inter-

Quo honore Mandarinos populus proſequatur.

interrumpunt. Vidisse se Pantoia quodam in loco, ait, omnes, conspecto eminus Mandarino, ilico se subduxisse, etiam canes; tantoque illum omnium transisse silentio, ut habitatoribus carere locus videretur. Tantus scilicet horum metus. Plurimi catenis ferreis aliisque rebus strepitum excitari volunt, ut suum hoc pacto aduentum significant: urbem etiam præternavigantes, tubis, tibiisque, quas in naui habent, locum parari sibi iubent.

Si maior in vrbe, cui præsumt, Mandarinus non sit, hoc ritu incedunt. Lictores in ordinem bini, magno inter se, totius viæ occupandæ gratia, interuallo relicto, præeunt: pars sceptræ ferrea stanno illita, pars vexilla gestantes, quidam galeas, alii fasces arundineos; nonnulli ferreas catenas per terram magno cum strepitu trahunt, cæteri reliqua magistratus insignia pro Mandarinis, quem comitantur, dignitate. Interea certis interstitiis, Mandarinum adesse, horrenda voce præcones proclamant, quod via decedant. Sedet ille in sella, cui bini, quaterni, vel octoni pro dignitate succollant, vultu censorio, nunquam nictat, nutat, vel oculos sustollit; caput neutram in partem reflectit; statuum dixeris, aut Catonem Censorium. Tanta morum, gestusque seueritas & grauitas. Subsequuntur, honoris causa multi pedites equitesque, multi quoque fellis insidentes. Hoc ritu in urbibus, quibus præsumt, incedunt. Non vero Nanquini aut Paquini. Nam quantum hi cæteris dignitate præstent, his tamen transeuntibus ciues non fugiunt, locum dumtaxat cedunt. Hic sæpius equo insident, aliis autem in locis gestatorio feruntur. Habitu à cæteris differunt ciuibus, sed à Venetis

*Mandari-
norum ha-
bitus.*

Patribus quàm minimum. Is est toga talaris, manicæ latæ, cingulum sericum trium digitorum, aureis argenteisve bullis & vmbilicis distinctum, pileus pyramidis instar acuminatus, & in semimitram retro desinens, binis vtrique auriculis ac fasciis insignitur, vt infulæ Episcoporum. Peculiaris hæc & præcipua Mandarinorum nota. Omnes regiis impensis aluntur, & ædibus regiis excipiuntur; nihil hic vt desit, ne serui quidem ac supellex. Iis ipsis, quos prædecessor habuit, contenti sint, oportet, neque alios in familiam adlegere fas est. Hinc in prouinciam euntibus nulla opus est supellectile, famulis nullis; duos tresve domesticos secum assumunt. Munere iam defungentes, secum nihil è prouincia, præter famulos inuectos, auferunt; successori omnia relinquunt. Mandarinum itaque veste, comitibus, domo, supellectile, vt diximus, à cæteris ciuibus discrepât. Quamuis igitur ampli regi Sinarum sint census & reditus infiniti, suis tamen sumtibus tot clientes & ministros alat oportet, vix vt quidquam ad ærarium perueniat.

Hi magistratus ordinarii sunt: sed præter hos in singulas quotannis prouincias visitator, inspectorq; destinatur, hic singulas obit vrbes, singula disquirat, & in reos ac maleficos animaduertit: publice in Mandarinorum vitam gesta q; inquirat, num probe munere fungantur; num concussionibus male audiant, prouinciam depeculentur, muneribus corrumpantur. Quidquam enim accipere nefas est, qui deliquerit, grauissime plectitur, ac sæpe dignitate exuitur. Verum nō propterea muneribus abstinent: & quamuis ipsi huius inter se corruptellæ conscii sint, visitatorem tamen celant, & al-
ter al-

ter alteri hac in re auxiliatur. Tradunt nonnulli, clancularios & occultos interdum visitatores in prouincias mitti. Sed abolitam hanc à longo iam tempore consuetudinem scribit Pantoia, & olim quidem factum. Solius visitatoris est mortis sententiam ferre; malefici idcirco tamdiu carcere detinentur, donec in prouinciam venerit; hinc plurimi, antequam appulerit, in carcere vel flagellati vel inedia malisq; confecti emoriuntur; multi quoq; molestiæ ac malorum pertæsi sibi ipsis necem inferunt, quamuis diligens habeatur ratio. Adeo namq; patens est carcer, vt urbem referat; altissimo circumquaq; cingitur muro; quidquid ad vitam necessarium, hic venum exponitur; nec variorum hic tabernæ defunt artificum, vt foris necessariæ inferri necesse non sit. Sæpe captiui vel à custode, vel à carceris præfecto inspiciuntur, ne ferramenta ad parietes effringendos, vel funes ad murum transcendendum parent. Iura autem hoc fere pacto redduntur, Præfectus causarum ac Prætor, à primo mane ad vesperam, paucis horis ad meridiandum intermissis, præcelso in tribunali cōfidet. Cingunt latera iudices & consultores, cohors ad imperium parata circumstat, qui ad ius petendum accedunt, intromissi ab ianitoribus, procumbunt ilico, & vel eminus ipsi quid velint elata voce pronuntiāt, vel supplicem libellum recitandum propalam offerunt scribis. Prætor agitata re, de concilii sententia respondet; ipsumq; responsum literis consignatum à scriba, ipse dein rubricato pigmento sua manu confirmat. Ex aperto administrantur omnia. Solitudo & secreta colloquia & arcani susurri ventantur, quo minor flagitiis & fraudibus, quæ

*Carceris or-
do.*

oderunt lucem, aditus sit. Leges multæ discrepantes rem non perturbant, sed de plano sententiam ferunt, prout in mentē venit. Eadem super re sententiam sepe penitus discrepantem ferunt, vt hac in parte non vsq; adeo iuri equitatiq; consulant. Nam quicūq; scriptum aliquod validum conficere queunt, nō semper ea sunt ingenii dexteritate, vt bene de iure diiudicent. Accedit adhæc, quod commodis omnia metiantur. Quod vero per scientiā Mandarinis ad honores dignitatesq; patere aditum dixerimus, nonnulla de illa iam dicenda sunt.

*Chinenses
litteris hieroglyphicis
vutur.*

Nullum Sinæ Alphabetum habent, nec characteres aliquos affines; illorum characteres omnes inter se discrepant, & quadraginta facile millia numeraris; quamuis alii ex aliis compositi. In singula characterem habent, veterum Ægyptiorum ritu, qui hieroglyphicis utebantur. Vocabula pene omnia monosyllaba sunt, ac communia ad octo pertingent millia.

Quem porro in characteribus hisce situm dispositionemq; seruant, à cæteris distat nationibus: neq; versus ab læua ad dextram vt nos, neq; ab dextra ad læuā, vt Hebræi, sed ad imum ab summo perducunt. Vni itaq; figuræ alteram subiiciunt, non vero ad latus ponunt nostro more; atque ita ad imum vsque perducta serie, aliam in summo ad latus auspicantur, quam etiam inferne prosequuntur. Præter suum cuiusq; nationis atque prouinciæ, certus insuper & cōmunis eruditorum est sermo. Vulgo Mandarinū appellant, quem quamuis plebei loqui nesciant, qui tamen legendi artem callent, eundem intelligunt: iisdem namq; characteres vtriq; linguæ deseruiūt. Difficilis hic sermo, nec facile percipiat quispiam, ob æquiuoca: vnum
namq;

*Sermo Mā-
darinis cur
difficilis.*

namq; idemq; verbum diuersa sæpe designat, vt nonnisi accentu, sonoq; quodam numeroſo discerni queat ſignificatio, quam vt discernat quis, delicatas aures habeat oportet, & loquēs diſtincte pronunciet. Referam in hanc rem hiſtoriam non illepidā. Sacerdos Italus Chinenſi narraturus reperiri in Europa naues, quæ turres maiores magnitudine exæquēt; verbo quo nauē deſignari volebat, eum dabat accentum, quem verbum quo tegula vel later deſignatur, habet. Mirabantur proinde Sinæ, & re velut ſi- dem ſuperante eluſa, petebat cuiſdam tandem rei vtilis hæc tegula foret, ac ingentem eſſe fornacem debuiffe, in qua hæc cocta fuerit. Hæc accentus diſcrimina nō alienigenis modo, ſed & inquilinis permoleſta ſunt: vt ad ambiguitatem tollendā, remq; commodius exprimen- dam, ſynonyma duo vel tria inter loquendum intermiſceant; interdum quoque antitheses & contrapoliſita ad ſenſa mentis declaranda uſur- pant; vel auctoriſtatē ſcriptoris hoc qui vtatur vocabulo adducunt. Exiſtant quippe præclara librorum monumēta typis excuſa longo ante tempore quàm Europa typographicam noſſet, Magni inprimis faciunt ſcripta cuiuſdā, quem Confuſium nominant, cuius omnes Doctrinā ſine vlla contradicſtione aut refragatione amplectuntur: cuius interpretes, vt ſcripta illa vulgo intelligantur, alias eiufdem ſententias illi quam exponere contendunt, perſimiles adducunt, varias lectiōnes inter ſe cōferunt, imo & verba ſingula appendunt, quaſi numerus il- lorum myſticus foret. Deniq; non minori cura ſolicitudineque Confuſii ſui doctrinam inte- gram ſinceramque conſeruare, quàm nos San- ctōrum Bibliorum textum, contendunt.

Septimo ætatis anno pueri legendi scribendiq; artem edocentur: peniculis scribunt; plurimi illis datur libri, quorum lectione ad gnauiter nauandã operam incitentur, spe ad Mandarinatum aliquando perueniendi concepta. Philosophicas artes & Mathematicas raro attingunt, nonnulli tamẽ mathesi ac morali philosophiæ animum applicant: Scripta siquidem permulta sunt, quæ de rebus ethicis ac politicis peregre tractant. Rhetoricæ pleriq; dant operam. Doctrina namque, quæ ad honores ac magistratus aditum patefacit, nonnisi in diserta amplificatione (quæ Græcorum Chreia respondeat, ac cuius præcepta Aphthonius Sophista tradidit) alicuius thematis sententiæq; propositæ consistit; atque aliud non est, quàm elegantem, moratamq; de omni materia orationem texere. Et sanè id præstant non in scite. Nam quod ingenio valeant, & vni huic rei penitus incumbant, faces inprimis subdente honoris dignitatisque spe, hac eloquentiæ laude excellunt. Scholarum ratio penitus alia quàm in Europa, in qua publicæ vniuersitates, in quibus encyclopædia atque adeo scientiæ omnes edocentur, quasque omnes promiscuè nemine excluso frequentant. Sunt qui singulis Chinæ urbibus, imo & opidulis ac pagis vniuersitates tribuant; nullam tamen in vniuersa China esse tradit Pantoia, in qua professores regni alantur stipendiis, & nostrorum instar, publicas lectiones habeant. At quibus amplæ sunt facultates, pædagogum alunt, qui liberos priuatim erudiat. Alioquin singulis in urbibus ac plerisque pagorum magistri sunt, qui iuuentutem edocendo victum sibi comparant. Triplex hic cruditorum gradus, qui nostris Baccalatureis, Licen-

*Num in
China vni-
uersitates.*

*Tres erudi-
torum gra-
dus.*

Licentiatís ac Doctóribus respondet : qui ad primum ac secundum aspirant , præfixo tempore prouinciæ metropolim adeunt ; singulis quippe trienniis , post exactum examen qui iisdem digni fuerint iudicati , ad eosdem ascendunt. Porro hoc pacto examen instituitur. Omnibus studiosis vnum in locum collectis thema præscribitur , de rep. ac regno plerunque , quod amplificando dilatent , ac verborum sententiarumque vestiant floribus. Tum clauís *Examen* ostiis , quisque examinandorum , cubiculis va- *pro primo* riis includuntur ; adhibita etiam custodia , ne *ac secundo* sibi inuicē loquantur. Prætentato tamen prius *gradu.* sinu , ne quem secum occulte inferant librum ; ac ne chartulam quidem digiti longitudine. In quo religiosi admodum ac stricti sunt. Inclusis præter chartam , atramentum ac peniculum , quin & lumen , si de nocte lucubrare voluerint , non datur. Viginti & quatuor horarum spatio scriptum hoc cōficiendum ; in quo tam intento studio ac diligentia incumbunt , vt non raro emoriantur , præsertim si pro secundo gradu examen est. Penso quisque suum nomen ascribit , simul & originem ac patriam. Sed adeo obscure & intricate , vt Censores , quib⁹ doctiores seligere incumbit , nomen non agnoscant. Scribæ namque intersunt plurimi , qui scripta describunt , sed à dictantibus nomen scribentis nō iudicatur. Autographa annariis sigillo munitis ac diligenter asseruatis includuntur : descripta traduntur iudicibus (qui plerunque è doctissimis totius prouinciæ deliguntur) vt per otium eadem perlegant ; ignorauit tamen quorum ea sint , ne quis gratiæ ac fauori sit locus. Perlectis omnibus , quæ optimæ sunt notæ seponūt. Dein autographa scriniis educta cum descri-

descripto cōferunt, tum demum apparet, quorum sint ea quæ seposita fuere. Publice tum nomina recitatur, magnaq; pompa & solennitate ad primum, secundumve gradum promouentur. Secundus nemini confertur, ni ad primum prius ascenderit. Cuius rei magna habetur ratio, ne quis fraudi sit locus. Quod si fiat, cuius id culpa factum, grauius plectitur, & dignitate, etiam si è maiorū gentium Mandarinis foret spoliatur; quamuis etiam nonnisi de primo ac minimo agatur gradu: at si de secundo aut tertio, maior habetur ratio. Qui gradus hosce, etiā inferiorem ascenderit, magnis donantur priuilegiis, quin & vniuersa illorum familia. Ad reliqua tamen parare se debent examina tempore suo subeunda; donec ad tertium ascenderint gradum, vt interim sedulo studiis incumbant. Ad quam diligentiam, qui gradum nondum nacti sunt, non tenentur. Non raro autem contingit, vt, magno sui probro, quod in otio tempus inutiliter elabi siuerint, gradu iam obtento priuētur. Pleriq; in primo conquiescunt, nec vltius ascendere satagunt: exactius namq; examen, antequā ad vltiora pertingant, subeundum est, ad quod nō omnes, qui se obtulere admittuntur: sed primo gradu initiatorū præcipui, aut qui à postrema promotione maiore profectum fecerint. Porro certus ac fixus est in singulis prouinciis, prout priuilegio regio cautum, ad secundum gradum promouendorum numerus; in his maior, in illis minor. Ad hunc dum quis gradum ascendit, si ad vltiora pertingere nolit, Mandarinatui admouetur, sed minori; at qui tertium ascendere gradum potuerint, maiore dignitatē adeunt. Ad quā qui aspirant, obtento secundo, Paquinum in regiā se conferunt, vt examinati ad ipsum perueniāt.

Quibus

*Præuilegia
& dignitates
eorum,
qui hosce
obtinuerint.*

Quibus omnia à regis præfectis ad iter necessaria quàm liberalissime subministratur. Tercio quoq; anno pro hoc gradu etiã examen institui solet : qui primo ipsum cōgressu nancisci nō potuere, secundū repetunt, quin & tertiū ac quartū, donec pertingāt, nisi ante emoriantur; q̃ fieri non raro solet, vel non nisi summa senectute ipsū adipiscātur. Trecenti quinquaginta non amplius, hac laurea donari solent: atq; hoc nullus tota parari China maior honos per scientiā potest. Tum namq; in Loytias referūtur; in quo maximè titulo nobilitas omnis sita. Nō q̃ genus inclytū & illustre habeant, sed nobilitatem ipsa parit dignitas, nullū vt regi tributū censumq; aliorū instar, pendant, cū annuum ē contra ad dignitatē tuendā à rege honorarium accipiāt. Horū ex ordine Mandarinī primores seligūtur. Dies porro quo ad gradū hunc ascēdunt, magna conuiuiorū ac ludorū pompa & celebritate peragitur. Noui magistri phaleratis in equis, ingenti omniū ordinū studio & Mandarinorū comitatu per urbē incedunt. Cæterū inter trecētos illos quinquaginta, qui tertium gradū ascendunt, magnū etiã discrimen; quis nempe primus, secundus, & sic de cæteris, prout scripta merentur: tres ex vniuerso corpore selecti, q̃ cæteris omnibus præemineāt, in prima cōstituuntur linea, atq; horū triū vnus primum obtinet. Magni his à rege honores conferuntur, & ab eo tum tempore (quamuis ætate sint minores) in Mandarinos maiores adlegūtur. In secundū ordinem, triginta vel quinquaginta, qui reliquis præstant, conūciunt. Atque hi etiã Mandarinatui admouētur; sed minoris auctoritatis, quā tres primores cæteri per prouincias disperguntur, & variis in locis dignitatē exercent. Mox enim vt hunc gradū adepti,

*Examen
pro tertio
gradu.*

*Loytia no-
biles Chi-
nenses, eo-
rumq; di-
gnitas.*

*Dignitas
& honores
primorum.*

Manda-

Mandarini creantur, & singulis vel in regia, vel alio in loco, dignitas aliqua confertur. Dein probati spectatiq; gradatim ad superiora conscendunt; sæpe etiam deiiciuntur, & dignitate penitus priuatur. Horum singuli paternis ædibus, epigramma literis maioribus inscribunt, cuius hæc summa: DOMVS HÆC DOCTORIS EST; atq; ideo maioris aliis fieri solet. Arbores quoque, pro patriæ more, ante fores plantari solent; vti apud nostrates Kalendis Maii (quas proinde Maias vulgo dicimus) ante Præfectorum Ducumq; ianuas fieri consuevit. Adeo vt Mandarinus vrbis, in qua natus, arborem vexillo dependente insignem, illi mittat; quæ prius non euellitur, quam computruerit. At qui trium primorum primus fuerit, maiori cæteris honore afficitur. Arcus quippe triumphalis ante domum natalem erigitur.

Quos habeant libros, & quorum.

Doctoribus triplici examine iam probatis, scripta argumentaq; composita, addito suo ac parentum simul & patriæ nomine magno illorum præconio, typis mandantur. Libri quibus incumbunt, scripta sunt philosophorum veterum, qui ante bis mille annos aut amplius hic floruerunt. Multi namq; illorum præclare de virtutibus ac vitiis, deq; politicis rebus scripsere; nonnulli etiâ sanctitatis famâ consecuti sunt, ac præsertim consiliis, de quo iam ante locuti sumus. Tanto hic passim honore fulget, vt eruditi omnes ac Mandarinus, annua illi sacrificia velut numini ob præclaram quam vixit vitam, & quos posteritati tradidit libros, offerre non dubitent. Omnem quoq; illius progeniem rex suis alit expensis, & honoribus auget ampliss. qui in filios continua successione, in gratia tanti viri, à quo genus ducunt, memoriâ transeunt.

Quamuis

Quamuis hic ipse & ceteri Philosophi Chinenſes Platonem ac Senecam imitentur; illorum tamen nemo aut elegantia aut multitudine cum duob, hiſce comparandus eſt: qui tametſi præclaras hinc inde per ſcripta ſententias & gnomas ſpargant, noſtris tamen hoc in genere Patrū Societatis qui hæc & illa legerunt, iudicio pares non ſunt. Confuſius tamen, licet ab illorum doctrina, ingenioq; multum abſuerit, ſcientia certe & veritate quam proxime ad illos ſi modo vera ſint, quæ de illo circumferuntur, acceſſit.

Plurimos quotannis libros prælo committunt, ſine vlllo prorsus examine ac promiſcue. quiſq; quod de qualibet re concepit, laudandū, explodendumne paſſim diuulgat. hinc de omni facultate plures hic exiſtant, quam in Europa libri, & Bibliothecæ omnigenis inſtructæ, quam minimo veneunt pretio. Tanta namque eruditorū hic copia eſt, & quidem honoris ac laudis ſitientiffimorū, vt pleriq; auctoritatis comparandæ gratia, ad ſcribendum animū applicent; ac de omnibus rebus naturalibus, quas China progignit, vt de mineralibus, plantis, animalibus, alijsq; minimis accuratiſſimi exiſtēt cōmentarij. Sed qui de moralib. ſcripſere maximi ſunt. Si quæ momenti maioris negotia dirimenda ſunt, eruditi omnes in conſiliū adhibentur, quod hoc fieri ſolet ritu: Theſes quæ in controuerſiam vocantur, Paquini impreſſas ad ſingularum præſides prouinciarum mittūt; quas ille mox per omnes prouinciæ vrbes diſpergit: tum ſingulæ primores territorij ſui doctores conſulunt, atq; ad urbem metropolitana, quo cæterarum delecti conueniunt, de-

stinant. Hic omnes includuntur domo, (in qua, ut diximus examen fieri solet) & de re in controuersiam vocata quisque pro ingenij mentisque solertia commentatur. Tum singulorum opinionibus à præside assessoribusque perlectis, selectiores suæ prouinciæ nomine impressas Paquinum destinant, ubi reliquarum prouinciarum libelli ab Eruditorum collegio regioque concilio examinantur. Regi perlectis omnibus quid statuendum, decernendumque sit, proponunt. Hinc quidquid in regia hoc pacto definitum est, ab omnibus velut sincerum, & cœlo delapsum admittitur. Verum ut Eruditorum Chinenſium numerus perspiciatur, referam P. Nicolai Lombardi Itali, Societatis Iesu de sola Cantonensi prouincia iudicium. Hic itaque in litteris Xaueo ad R. P. Generalem transmissis, hoc modo scribit: *In Prouinciali Consultatione Cantonem tria litteratorum conueniunt millia, qui tanquam flos ex omnibus ciuitatibus & c. Stellis huius tractus delecti sunt, è qua hac proportionem, ut ex mille nunc triginta, nunc quadraginta, summum quinquaginta eligant. Accepto igitur numero maiori, cum ad deliberandum tria millia censeantur, sequitur necessario omnes litteratos, seu doctores huius prouinciæ LX. millium numerum explere. Quod si in vna sola prouincia LX. millia doctorum inueniantur, quis erit eorum litteratorum numerus, qui necdum gradum aliquem scientiæ adepti sunt? & si hæc in prouincia vna, quæ exurger multitudo, si doctoribus & duabus aulis tredecim prouinciarum studiosi adiungantur? Hæc P. Lombardus. Atque hoc modo Chinenſes litteris incumbunt, non modo qui iisdem ad dignitatem aliquam aditum sibi patefacere contendunt, sed & alij. Paucissimos quippe esse ait,*
etiam

etiam ex opificib. & mechanicis, qui scribendi, legendiq; artē ignorent. Nam hāc ad commercia ineunda, compendiosam existimant. Poëtica non minus delectantur; adeo vt etiā magni nominis viri turpe non ducant, eidē operā nauare, & officiij causa alter alteri poëmata mittat. Musica capiuntur, etiā optimates; pictura quoq; sed huius non adeo pēriti sunt. Vmbra-
rum n. induendarum artē non callēt, nec oleo colores temperandi. Instrumenta vero Musica graui-
ter satis ac numeroſe pulſant, Europæi tñ palmā pręripiunt. Seueriores ac magistratus v-
nico duntaxat instrumēto ludere addiscunt, q; nostro, quā barbyton vocant, aliquo modo si-
mile est. forma tñ differt, & alio pulſatur modo. Atq; vt nulli in vniuersa China graui-
ores maiorisq; auctoritatis viri, q̄ Eruditi, ita & nulli, q̄ meliorē vitę rationem seruent. Quamuis enim pleriq; horū, antequā ad Doctoratū aut Man-
darinatum ascendāt, infimæ ac vilis conditio-
nis sint, ad aliquem tñ dignitatis gradum electi penitus mutantur, & honeste ciuilitatēq; vitam instituunt. Horū nonnulli constantia, integri-
tatēq; in munere suo effulgent, vt superiorib⁹ annis facile patuit. Quamuis n. rex adeo abso-
lutā ac pfectā potestātē habeat, vt de maximis Mandarinis pro libito statuere queat; ea tamē
nonnullorū fuit cōstans & intrepida animosi-
tas, vt nefaria illi⁹ molimina euertere, ac suam
magna libertate sententiā pro reip. bono, ppo-
nere non sint veriti, etiā qui modo imperiū ob-
tinet Varr. XII. cui plurimi scripto edito refra-
gati sūt, vt libera legēdi omnib. facultas fuerit.
Ac tāetih illi⁹ indignationē offensamq; incur-
redi, simul & supplicij grauissimi pter dignitatis

*Mandari-
norum nō-
nullorum
constantia.*

certissimo amittenda, periculum immineret; priuata tamen commoda reip. ac regni totius incolumitati postponendo, sui illum officij commonefecerunt. Inter cæteros quidam tota China tum ob virtutem, tum ob prudentiam celeberrimus, Regi hoc argumento litteras misit: Tametsi compertū mihi sit, indlyte Rex, crucē qua enecer, certo certius manere me, ignemq; iam succensum, quo exurar; non possum tamen, quin Maiestatem vestram erroris, & pessimi quod vniuerso dat regno, exempli commonefaciam. Deinde quæ fieri tolliue vellet, insigni libertate proponebat, vt omnes obstupescerent. Irritatus rex, virtutis tamen, integritatisq; viri ratione habita, in illum animaduertit; sed maiori, quam sibi quisq; persuaserat, moderamine. Simile libertatis exemplū superioribus annis contigit. Rex cum plures præter legitimam, vxores habeat, quarum filij (si regina illiberis sit) primogenituræ non ordinis, primæ, secundæ, aut tertiæ (ordo siquidem inter has est, vt diximus) habita ratione in regnum succedunt; si nullas è Regina legitima proles, sed è tertia filium, qui primogenitus, & post alium de secunda suscepit.

Secundam eiusque filium vnice diligebat, ideoque illum præter regni statuta (quibus primogenitus patri succedere debere traditur) successorem suum declarare nitebatur. Elapso interim tempore, quo primogenitus, velut legitimus regni successor declarandus esset (rege studio rem differente, v. secundo genitus interim adolesceret) plurimi Mandarinorum regi patrias leges violanti obistere. Primi omnes, dignitate exuti, in ordinem red-
acti

acti sunt. cæteri, viso sociorum periculo, nec *Constantia* regem rogatum primogenito regnum deferre *Mandari-* prudens consilium ineunt, ac Mandarinorum *norm-* omnes in regia versantes (quos duorum millium numerum facile superare diximus) statuto die, ut in regiam conuenirent, citant. Dictum factum. Adsunt omnes, cum magistratus insignibus, regi libellum offerunt, rogantes, ut cum rex iam sæpius admonitus, æquitati obnitatur, beneque consulentibus auscultare nolit, inique non ferat, si magistratu cedentes, illius deponerent insignia, priuatam enim se vitam agere decreuisse, in ordinem redactos; alios suum in locum regem substituere posse, qui illius voluntati morem gererent, illique assentari malint, quam regni incolumitati salutique consulere. Rex perspecta procerum primariorum deliberatione, tot præclaros magistratus amittere vno tempore cum metueret; per eunuchum significauit, dignitatem ut seruaarent, postulatis illorum se assensum præbiturum; uti & præbuit. Hæc de Mandarinis togatis compe- *De Man-* rere potui. de militaribus iam nonnulla dicenda *darinis mi-* sunt, qui alijs numero non cedunt, sed hono- *litaribus.* re ac dignitate, cum illis subsint, & in hos, Togatos animaduertere fas sit.

Rex itaque, quamuis nullo domi forisque bello distineatur, magnas tamen tam equitum quam peditum copias suis alit stipendijs: hi non modo arces occupant, quas in regni limitibus, ac præsertim in Tartariæ vicinia, (quam maxime formidat,) ac locis maritimis habet, sed & vrbes primates in regni meditullio. In his singulis noctibus per muros excubiæ circumeunt, quasi hostis portis immine-

ret, cum tamen summa pace & quiete perfruantur. Arces toto regno nullæ, præterquam in finibus: at in vrbibus mediterraneis milites præfidiarij, in portis noctu diuq; excubantes stationes habent.

Quas ante Solis occasum claudunt, nec ante ortum aperiunt. Claudentibus vrbes adest præfectus, aut Mandarinorum primus, aut alius illius nomine; portarum claustris sigillum chartæ impressum apponitur; priusquam mane referentur, inspicitur, num integrum inuiolatumque. Singulæ plateæ binas habent portas, quæ eodem quo vrbana clauduntur tempore. Hac ratione multis occurritur incommodis; nam si qua de nocte præsertim admissa cædes aut iniuria, facile maleficus comprehenditur. Nulli præter milites arma gestare licitum. domi habere cuilibet permissum, sed non propterea reperias: imo eruditiores turpe sibi ducunt, domi arma seruare. Et sane frustra fuerint. Iam enim à multo tempore bello caruere: in mutuis iurgiis dissidiisque ferro ius suum nō tuentur, sed contumelijs ad summum se mutuo proscindunt, pileoq; auulso verticem expilant, quod pugnae & certaminis genus apud Europæos muliebri censetur. Grauem non putant iniuriam, colapho cædi, aut mendacij infimulari, alijsque contumelijs affici.

*Quomodo
Mandari-
ni milites
eligantur.*

Sed ad Mandarinos reuertamur. Hi non generoso aliquo facinore aut fortitudine hanc dignitatem sibi comparant, sed scripto aliquo ceteris elegantius de re militari composito. Prius tamen quam dignitatem adeant, bis terve iaculantur; non artis id experiundæ gratia,

at

at quod ita mos obtineat. filij parentibus in hac dignitate succedunt: secus se in Togatis res habet. Milites plerique eo nati sunt loco, quem præsidio occupant; horum permulti mechanici sunt, & vilissima conditione, vel Mandarinorum baiuli. At dum lustrantur copix, ad stipendium accipiendum (quod nouilunij initio menstruum illis persoluitur) omisso opificio, gladiati comparent. Et sane Chinesium fæx sunt, & infimæ fortis homines, Bonziji exceptis. Armis alijs non vtuntur, quam bombardæ, hasta, clypeo, gladio, acinace, & feratis baculis, alijsque lunæ in morem cornutis, securibus, sica, & lorica.

*Quibus v-
tantur ar-
mis.*

Equites, quaternos è sella gestant enses, & binos quam dexterrime vibrant, quaque manu vnum. Verum maxima tam peditum quam equitum pars abiectissimi sunt animi, armorum tractandorum imperiti; tum quod alta gaudeant pace, tum quod durissimo Mandarinorum premantur iugo. qui tamen in septentrionali regni parte agunt, Tartaris vicini, armis tractandis magis assuevere, & robore & animo hosti non cedunt. Paucis vero, cur Tartaros tantopere Sinæ metuant, & cur ad illorum incursum reprimendos celsum illum, de quo iam supra egimus, murum exstruxerint, complectar. Quadringenti aut circiter iam elapsi sunt anni, ex quo Tartarorum rex totum Chinæ regnum occupauit, vt M. Paulus Venetus, qui Tartari castra sequebatur, testatur; hoc tamen regnum *Mangi* nuncupat; verum situs, quem assignat, habita ratione, (mare namque eius terminum statuit) aliud hoc esse nequit, quam Chinæ. Ducentis id, aut aliorum

*Tartari
Chinam
occuparunt.*

*Sed à Bon-
zio Chinẽ-
si pellun-
tur.*

sententia, paulo minus, annis Tartari tenuere. A Bonzio Chinenſi inſignis ingenij & animi viro, tandem pelluntur. hic deinde Chinenſi regno præfuit, cuius etiamnum progenies ſceptrum tenet, ab hoc enim omnes qui haſtenus fuere reges, originem duxere. Illius iudicij ac prudentiæ per multa exſtant monumenta, non modo ſcite grauiterque dictis, ſed & factis conſilijsque etiam rebus difficillimis ac perplexis clarus: inprimis vero præclara quam induxit regendi ratione ac methodo: Ab ipſo namque politica diſciplina, quæ hodie in uſu, nec vlla ratione immutata eſt, (vt ipſi quidem indigenæ perhibent, quamque perpetuam futuram credunt) duxit exordium.

*Inſtrumen-
ta Mathe-
matica in
China à
Tartaris
relicta.*

Sui quoque aduentus in China Tartarus reliquit veſtigia, quæ etiamnum Nanquini (antiqua hæc Regum Chinenſium ſedes; hinc quoque ſuam Tartarus fixerat) conſpiciuntur. Nonnulla quippe hinc Mathematicæ diſciplinæ inſtrumenta viſuntur ex ære parata. hæc Tartaris regnantibus hinc poſita iaſtant: quibus (teſte Pantoja, qui vidiffe ſe tradit) nihil par forſan habet Europa. Globus eſt inter cætera, omnibus Meridianis & parallelis, additis quam accuratiſſime ſingulorum gradibus, ſignatus; aſtrolabium quoque quod tria completitur; primū, ab aquilone ad meridiem, alterū ab oriente ad occidentē, ac tertium ab altera parte ad ſtellarū altitudinem, horas aliaque ſimilia cognoscenda. Poſtremo vaſta quædā ſphæra cū æneis circulis tanta pportione & arte digeſta, nihil vt deſit. ſingula inſtrumenta diametrali lōgitudine arūdinī facile æquatur hodie draconibus,

nibus, qui Regis Chinenſis inſignia, inſiſtunt; tamq; ſcite horiſonti adaptata ſunt, vt inſignis cuiuſdam Mathematici opus videantur. Ceterum Tartari, vt ad propoſitum redeam, China pulſi, omnem illius recuperandæ ſpem penitus non depoſuere: hinc aſſiduus incurſionibus Chinenſes qua ſibi vicinioreſ ſunt, laceſſiuerunt, ſed fruſtra. illi namq; celſo quod diximus repagulo ac propugnaculo horum impetus excluſere. Ora maritima non minus aduerſus Iapones alioſq; aduerſarios munita. In ſingulis namq; portubus ingenteſ ſtant claſſes, tum ad hoſtileſ incurſus retundendos, tum ad piratas, qui frequentes hic, eliminandos. quod enim otiaſi quemquam neſas ſit, qui labore non delectantur, alio ſe conferunt. hinc magna ſæpe numero erronum ac deſidum coaleſcens multitudo vel terra latrocinia, vel mari piraticam exercent; hanc vero frequentius, terra namq; non adeo tuti ſunt. Hi non inſitorum modo naueſ expugnant, ſed & vrbeſ maritimaſ inopinò incurſu ſæpe diripiunt. Idcirco in portub⁹ naueſ ſemper in procinctu ſtant, ad piraticas incurſioneſ reprimendaſ: quæ ſi non ſufficiant, quam breuiſſimo ſpatio ſexcenti aut amplius hinc inde præſidiarij colliguntur.

Varia hîc nauium genera. Maximaſ naueſ, vento dumtaxat mobileſ, vulgo iuncos appellant ex ijs partim ad bellum parantur, eminentibuſ ad proram puppimq; caſtellis; partim depreſſioſeſ ad mercaturam & onera; eadē tamen forma ac magnitudine qua priorēſ. Sunt quas Lanteaſ, quas Banconeſ vocant, illæ ſex remiſ ingentibuſ, hæ tribuſ tantum, quaterno vel ſeno in ſcalmum remige ad vtrumq; latuſ

*Frequ.
in China
pirata.*

*Chinenſi-
um nauiaſ.*

instructæ. Longis etiam triremium instar v-
tuntur; sed sine rostro, & ad amnes & vada sul-
canda plano alueo fabricatis. portus hæ facile
proinde subeunt, ac tales Mandarinorum na-
ues sunt, vt supra diximus, nisi quod hæ elegā-
tiores sunt. Purgandæ vero naui pluribus con-
fertam vasculis antliâ ad latera introrsum ap-
plicant, eo artificio, vt vnus quilibet sedens, al-
terno pedum ac perleui motu paucis horis quâ
tâlibet sentinâ exhauriat. Hæc sunt quæ de Sinē-
sis reip. forma colligere hîc inde potui. videam⁹
iam quid in ea laudandum quid culpandū sit.
Laudem inprimis meretur mira omnium or-
dinum ac magistratuum regionum parentia,
& subordinatio, vt vocant. & sane in tanta ho-
minum multitudine laudabile est, tanto singu-
la ordine administrari, vt (dempta religione)
non Gentilium, sed Christianorum, & quidem
optimorū, resp. videatur. Adhæc, quamuis ple-
num penes regem non in facultates modo &
opes suorum dominium sit (adeo vt nullus in
vniuerso sit regno, ne Loytia quidem, quin re-
gem soli fundiq; quem possidet dominum, an-
nuo persoluto tributo, agnoscat) sed in vitam
quoq; vt in singulos pro libito animaduertere
liceat, hæ ipsa tamen potentia priorum Regū
legibus, quas successores infringere nefas puta-
uere, coercetur, vt non quæ velit, eadem & ex-
erceat. Patrijs siquidem statutis cautum est, vt
in omni re suorum consilia consultorum ex-
plore. valent hi vt plurimum iudicio, virtute
præstant, prudentia & rerum peritia eminent;
regi tamen subditi sunt, & consultiuum dum-
taxat non definitiuum suffragium ferunt, nisi
forsan facultatem rex concesserit. His omnes

Prouin-

*Utilitates
reip. Chi-
nensis.*

*Illius sub-
ordinatio.*

Prouinciarum præfecti ac proreges subsunt, his autem omnes prouinciæ cuiuslibet Mandarinini, qui in plebem dominium exercent. Vt qua in plebem Mandarinini inferiores potentia pollent, eandem prouinciarum præfecti in Mandarinos suos, ac regium Concilium in præfectos, & rex in consultores suos habeat; omnis tamen subditus à superiore suo eo prorsus modo, plecti potest, quo in suos illi subditos animaduertere licet. Hinc subditi omnes, superiores in terram procumbentes alloquuntur.

Magna subordinatio hæc afferre commoda consuevit: quidquid enim à rege Concilioq; decretum est, ab omnibus, nemine refragante admittitur: quidquid etiam toto agitur regno, ad regem quamprimum refertur. Mandarinini enim inferiores, præfectos prouinciarum illico certiores reddunt, hi regio Concilio, hoc regi rem significat. Hinc quidquid statuitur incredibili celeritate executioni mandatur. Inferiores namq; ad superiorum nutum sunt quâ promptissimi, vix vt prolatum mandatum sit, quin implere satagant. Veredarios habent in hanc rē, vt i nostrates, ij per equos paribus ferme interuallis in via dispositos, celerrime peruolant; suumq; in singulas positiones aduentum, quo recentes equi, seu, ad flumina traijcienda, naues illico expediantur; vel tintinnabulis perargutis è belluæ ceruice pendentibus, vt i apud nos muliones; vel etiam, vt hic moris est, cornu sæpius inflato prænuntiant. atq; ita præfecti prouinciarum non modo de rebus extra ordinem fieri solitis, sed etiam ordinarijs ad regium Concilium referunt, nam in singulos menses ad regios consultores

*lussa quam
primum
executioni
mandan-
tur.*

per-

perscribere tenentur. Hoc pacto innumeras quam breuissimo spatio conflant copias, instruunt classes, parant machinas, & vno die adaptant, quod multis alibi vix annis paretur. Huc conducit imprimis pecuniæ, commeatus, materiæ, opificumq; ingens copia.

*Reip. præ
sunt eru-
diti.*

Prouenit hinc etiam, quod quoniam solis eruditioribus honores & dignitates conferuntur, multi litteris incumbant, & doctrinam illam quam hic sectantur, aucupentur. Quæ non parum vsui esset solet, nam quamuis non adeo absolutam scientiarum cognitionem habeant, ac nostrates; assiduo tamen studio mens excitatur indies. nam diligentia imprimis excellent. quod vero vniuersum regnum viri eruditione illustres dirigant, dubium non est, quin optime resp. dirigatur.

*Bella ciuili-
lia desunt.*

Tertium quod ex hac reip. forma nascitur bonum, quod bella ciuilia ac motus intestini, qui hinc inde insurgerent, penitus hac præsentur ac tollantur. Regij quippe filij ac fratres, regno inhiando nullos excitare queunt. nam quamuis laute habeantur, loco tamen quo relegantur, propositâ capitis pæna, pedem efferre nefas, nisi regis impetratâ, quam numquam ille dabit, facultate. Nullis adhæc rebus præsumt, sed Mandarinis solis commissum imperium; ne his motus aliquos & citare facile est. nam qui perpetui sunt, vt militares, Togatis subditi sunt, atq; hi non nisi trienne habent imperium. Quoniam vero doctrina plerumq; ac virtute ad hoc honorum culmen pertinent; cum plebei ac viles pleriq; sunt, idcirco amicorum consanguineorumue niti ope nequeunt: & si forte affines inflarent, aut animos

mos suggererent elatiores, in cassum id foret. Semper enim in extero solo Mandarinum constituntur.

Porro ita à se inuicem distincti sunt, vt, qui rebus bellicis præsunt politicis ciuilibusque se non immisceant; qui vero emp. curant, nullam regij ærarij curam habeant; præfecti autem ærarij, de rebus tum vrbani tum bellicis non laborent. Denique quod Magistratibus alios sibi adsciscere ministros non liceat, quam quos rex attribuit; hinc nulla motuum occultorum aut bellorum ciuiliū excitandorum, ansa cuiquam datur.

Externa quoque bella prohibent classes in mari assiduo vagantes, & præsidia quæ limitaneas ac mediterraneas vrbes occupant, vt iam dictum est; tum etiam nullius exteri in regnum admissio. Grauiissime namque legum statuto plectuntur, non Sinenses modo, qui Mandarinorum iniussu externum in regnum introducunt; sed externi quoque, si clanculo vel alio astu ultro se ingererent. qui id faxit, si vitæ periculum non adeat, perpetuo saltem clauditur carcere. Vetitum adhæc, nequis indigena, Mandarinis inuitis, alio se, mercandi gratia, conferat: qui si copiam fecerint, certi temporis eam limitibus coarctant, & quidem cautione accepta intra præfinitum tempus illos reuersuros. Externos institores in emporia, Mandarinorum iniussu non admittunt; quam illi facultatem tabulæ inscriptam, proræ, portū subeundo, affigunt. Hic quidem exscensionem facere fas est, huc & illuc euagari nefas. Sancte hoc inuiolateque seruatur. hinc Lusitanis, quamuis à longo iam tempore in China negotiati sint, etiam

Item externa.

Externi regno excluduntur.

*Regni fines
dilatare nō
curant.*

*Coraianū
regnum
abhinc
paucis an-
nis deserue-
ra.*

etiam illis qui in Macao regni Sinensis vrbe sedem domiciliumq; fixerunt; alio sedem transferre aut proficisci licitum non est, quam Cantonem; atq; id non nisi impetratā prius à Mandarinis facultate; quæ non nisi certo anni tempore dari solet, & ad præfixum terminum restringi. Noctu quoq; in suburbijis, nedum in vrbe, commorari nefas est, sed ad naues sub vesperam redeundum. imo ne vetus quidem opidum de die adire licitū. Adeo sc. ab exteris sibi metuunt. Ad pacē quoq; conseruandam nō parum facit, quod dominium regnumq; dilatare nolint, aut alias regno prouincias adijcere. lege namq; statutum est, ne quis, nisi vitæ adire periculum velit, rege Concilioq; non rogato externos bello laceſſat. plurimas olim insulas, vt Iaponem, Lequienſes, Luſſonenſes, Iauas, aliasque imperio adiecerant; quin & varias in India prouincias vt Cochinchinam, Chiampā, Siamem, Malacam, & (vt nonnulli tradunt) regnum Coromandelis, Narſinganum, & Calicutanum simul & Cetlani insulam. Sed sponte iſſedē ceſſere; vtq; regni ſui corpus ſanius foret & integrius, redundantem emiſere ſanguinem. Hinc omnia quæ occuparant regna ultro deſeruerunt, ne quod inde ſibi domi detrimentū eueniret, & procul à patria bellū gerendum foret, ſi quis eas inuadere pararet. Eamdē ob cauſam deſeruerunt abhinc paucis annis regnū Coraianum ob vicinitatē ſatis commodū. nā non niſi freto, vt diximus, à China dirēptum eſt; terrā quoq; iter in ipſum patet, vtpote contiguā ac puiā. Verū q̃ Iapones Chinam abhinc aliquot annis inuadere conati centum quinquaginta, hominū millia huc coegiſſent; Sinæ regnū ſuū

defen-

defensuri, hostilēq; impetum repulsuri, ingenti collecto exercitu, Iapones hinc pepulere; vt amissis quinquaginta suorū millibus re infecta in Iaponiā redire compulsi sint. Inito fœdere cū Sing Coraiam duobus tribusue annis retinuis-
sent, tandē penitus Iaponijs ipsam cessere; tū ne illius conseruādi gratiā suas minuere vires co-
gerentur, tum q̄ nullus Mandarinus eidē præ-
esse cū imperio vellet. Nihil quippe sibi accide-
re posse grauius putant, quam extra Chinā, et-
iam cum imperio, proficisci. Adhæc, quamuis
nonnullas insulas ac regna Sinæ olim possede-
rint, quę illos proinde vt dominos agnoscunt,
atq; ad annuū tributū tenentur; rex tamē ipsū
negligit, dominiumq; hoc ne hilum facit. Tales
sunt Insulę Lufsonenses, quę modo Philippinæ
dicuntur, q̄ Philippo II. Hispaniarū guberna-
cula moderante illas Hispani occuparint. Illa-
rū incolę regem Sinarum olim dominum ag-
noscebant; at ex quo Hispano tenentur præli-
dio, nullum illi tributum annue transmissum
est, de quo nihil dum laborat. Si quę alię in ob-
sequium dominiumq; illius transeunt suum,
non regium compendium, spectant. Quotquot
enim illi obsequium delaturi Chinam petunt,
suo id faciunt commodo. magnis namq; à re-
ge donantur muneribus, suasq; quas inferunt
merces caro diuendunt, & alias inde nullo ve-
stitionis pro vtrisq; persoluto pretio educunt.
Quod enim legatorum nomine regnum ingre-
diuntur, nullum omnino eundo redeundoq; in
vniuerso regno vestigal, tū suo tū mercii no-
mine, persoluūt. Hoc legationis titulo plurimi
mercatores Mahometani, dū se variorū Regū,
ac præsertim regis Persarum, magni Mogor,
alio-

aliorumq; quorum ad Chinenſes nomen peruenit, legatos mentiuntur, ſuas diſtracturi aliasq; empturi ſuo commodo merces, Chinenſes ingrediuntur. Fingunt namq; à Regibus ſe ſuis miſſos vt Sinenſi obſequium deferant, ac munera ſimul illorum nomine offerant. In quo Chinenſibus fucum faciunt, dum ſibi perſuadent, omnes vniuerſæ terræ reges, aut ſaltem potentiſſimos, ſuum, vt dominum, agnoſcere. Non deſunt tamen qui altum hunc probe perſpectum habent. Sed inquirere negligunt. hoc namq; pacto multa quibus China caret, ac permagni tamen ſunt, nanciſcuntur. Ceterum legati vel potius mercatores hi, mox vt Paquinum appulerint, amplis includuntur ædibus, hunc in uſum deſtinatis. nullum hinc vt efferant pedem, adhibetur cuſtodia; niſi dum abitionem adornant. Tam ſolicite ſcilicet Sinae cauent, ne quis exterus vllam ſuarum rerum notitiam, aſſiduo cum incolis colloquio commercioq; nanciſcatur.

Quæ è Chinenſium regimine oriuntur mala.

Hæc fere ſunt quæ è Chinenſium politica diſciplina ac regimine oriri, ſoleant commoda: quibus ex oppoſito mala incommodaque reſpondent ſane non minora. Neq; id mirum in ijs, qui cœleſti lumine deſtituti, vnicam rationem humanam, ac politica quædam principia vt ducem ſequuntur; quæ & ſapientiſſimos quoſq; in regendo, niſi ſupernaturali quadam cognitione, ac diuinæ legis præſcripto nitantur, in errorem inducunt. Maximum imprimis cauſari incommodum ſolet intolerabilis & inſolens Mandarinorum in omnibus promiſcue plectendis potentia: neq; enim diſſiſſime modo flagellari arundineis faſcibus reos iubent,

Magna Mandarinorum po-

iubent, vti diximus, vt non raro emoriantur, *restas mal-*
 verum etiam tetrīs mancipant carceribus, e- *tarum ini-*
 culeo torquent, alijsque cruciatibus diuexant, *quitatum*
 illorum facultatibus inhiando. Felices se si- *causā.*

quidem pauperculi credunt si quando munere
 dato etiam maximo, suffigationis, redimere
 supplicium potuerint. Quotannis quidem in
 singulas mittere prouincias visitatores & e-
 piscopos rex solet, inspecturos, num probe of-
 ficio Mandarinī fungantur, ac moderate se er-
 ga subditos gerant. At, quod versuti sint ac va-
 fri, inuicem colludunt, aut ita malefīcium te-
 gunt, vt detegi nequeat. Hinc per fas & nefas,
 multa hinc inde, magistratus ac functionis no-
 mine, coaceruant, vt munere defuncti, inge-
 res secum ē prouincijs thesauros asportent.
 Quocirca, quamuis regio omnis ditissima sit
 & opulentissima, agricolæ & plebei, cum re-
 gijs exhausti tributis, tum donis ac muneribus
 ad Mandarinorum insolentiam redimen-
 dam, eorumq; cupiditatem explendam, quo-
 tidie dandis, pauperrimi sunt.

Sequitur hinc & aliud longe priori deterius *Chinensiu*
 incommodum, ab eadem prognatum causa; *in bello im-*
 videlicet armorum tractandorum imperitia. *becillitas.*

Seruilis enim metus, in quo assidue agunt, vt
 pueri sub ferula, adeo pusillanimes & remissos
 reddit, vt animum eis natura ac manus ad cer-
 tandum videatur quodammodo denegasse.
 nullos quippe toto oriente inertiores imbelli-
 oresq; Chinenſibus se vidisse testantur Lusita-
 ni. Astu & multitudine potius, quam fortitu-
 dine ac robore victoriam consequuntur. Non
 vero video, cur fortissimis gentibus nō possent
 resistere, si modo seruili illo metu soluti, ani-

mos resumerēt, & armis tractandis assuescerēt. Toroso quippe vastoq; sunt pleriq; corpore, bene formati vegetisq; membris; cibis bonis ac multis vescuntur, ingenio valent, manuum dexteritate excellunt, animus modo non deesset. Sane qui Tartaris finitimi sunt, strenui habentur, hostilesq; exercitus fortissime sæpe repellunt. qui in Maritima Prouinciæ Chincheanæ commorantur, abhinc aliquot annis animos sumpserē. Iapones enim prædas agere hic soliti, centum ac ducentis dumtaxat instructi, duo Chinenfium millia olim in fugam agebant, plurimosq; in captiuitatē abducebant, præda opima relata: at modo quamuis longe maiori veniant numero, vt plurimum profligantur. Quod vero cum externis rarius agant, hinc reliquas elato supercilio præ se gentes contemnunt; & primos se mundi incolas credunt: vt accidere ijs solet, qui pedem patrio nusquam extulere solo. ceteros omnes barbaros & cæcos putant, se vero perspicacissimos. Ex quo tamen Lusitani & Hispani ibidem negotiari cœpere, aliam opinionem de ijs concepere, vno sc. Europæos oculo, ceteros neutro prædictos esse, & in reip. administratione penitus cecutire, industriaq; quaslibet artes esse destitutos. Haud illepidum, quid hoc in genere Patribus nonnullis Societatis contigit. Hi in familiari cum magnæ auctoritatis viris colloquio, Sedis Apostolicæ in Christianos omnes, ipsos etiā Principes, auctoritatē ac ius enarrabāt; hanc porro electione dignitatē cōferri. Tū nonnulli Chinenfes adhuc, se, si in Europā trāsirent, ad pontificatū singulos promouendos. hac tacite ratione data, q̄ ceteros Europæos scientia transcendere, & suorum librorum lectione illu-

*Magna sui
ipforum o-
pinio.*

illustres essent; quorum dumtaxat lectione hominē in reip. directione perfici posse credebāt. Ab eadē radice pullulat mira in externos inhumanitas, vt ius ipsum hospitalitatis, nostris à natura inditū, nullū apud eos occupare videatur locū. Testes sunt Lusitani, quos à tot iā annis in emporijs suis comērcia agētes, vt hoītes & p̄ditores, metuunt. Deniq; nihil adeo Chingē noxiū, q̄ quod plurimi, carceris aut virgarū metu, quas vel admissio crimine p̄mererentur, vel q̄ consanguineorū aliquis, malefici reus, clancullo fugā se subducatur (fugientis namq; affines & cōsanguinei carceri traduntur, ac detinentur, donec malefici iudici sistant) cum victū parare comode nequeant, latrocinentur ac piraticam exerceant; & sane ingens vbiq; maxime in prouincijs maritimis, horum copia. Hi ergo prādas acturi, huc illucq; vagātur, ac nonnumquā insulas atq; emporia maritima diripiunt, Et rapinis, stupris, cædibus, incēdijs cōplent omnia. Tamen si vero Mādarini militares classibus, quas sēper paratas habēt, piratas hos exagitēt; sēpe tamē classiarij Mandarinorū, maius dānū nauigātib⁹ inferunt, quā forsā pirate intulissent. Si quē enim institorū naues occurrāt, quę nec piraticę, nec hostiles sunt, diripiunt, & vectores omnes, ne forsā scelus detegant, iugulant. cæsorū capita ad Togatos Mandarinos adferunt, quæ piratarum dicunt, ita & prādam seruant, & prēmium insuper accipiunt. Certa namq; pecunia ē regio ærario in singula latronum capita appendi solet. Hæc prēmiorum dulcedine illecti, noctu exsensione facta (quod longe deterius) non raro remotiores pagos petunt, omnia compilant, quidquid pro-

*Chinarum
erga exter-
nos inhu-
manitas.*

*Malorum
plurimorū
origo apud
Chinenses.*

dere posset, obtruncant; necatorum agricolarum capita, prædonum esse ementiuntur. ut non modo innocuos iugulent sed & præmium sceleris accipiant. Hæc sunt quæ Chinenſis rei p. forma continet mala. At, quod longe grauiſſimum ac damnoſiſſimum, religionis, (quæ primaria Iuſtitie pars eſt ac præcipua) minima genti cura, ut iam iam dicturi ſumus.

C A P V T X X.

De Religione Sinenſium, num fidem olim Chriſtianam edocti ſint; ac quæ eiſdem huc inferenda oportunitas, quæ obſtacula.

*Pleriq;
athet.*

DE Chinenſium religione locuturus, quid dicam ignoro; cum religione omni carere videantur. pleriq; enim athei, & nullū credunt numen, etiā eruditiores. litterarum enim ſtudio, librorū lectione, & mentis perſpicacitate probe cognoscunt, quæ vulgo in delubris ac fanis proponuntur numina, nihil diuinitatis habere. hinc, quod verū ignorent Deum, caligantibus oculis in atheiſmi præcipitiū ruunt, nullū penitus agnoſcentes. Omnes tamen idola adorare ſe fingunt. verum non ea ſuperſtitione qua Iapones. Ad hæc, quod politico regiminī impriſis ſtudeant, pluriſ ea quæ ad rerum publicarū directionem adminiſtrationemq; quā quæ ad Religionē cultumq; diuinū pertinent, faciunt. Quōcirca quā rariffime fana adeunt: Sacrificulis, quos patrio ſermone (eo quo Iapones nomine) Bonzios, vel aliorum ſententia Hoxiones vocant, exiguus admodū, præter omnium gentilium conſuetudinē, honos; ut vulgo omnium habeantur viliffimi, ac velut ima popelli fæx. Mandarinis namq; ac magiſtratibus ciuilibus ſubditi ſunt, ut ab horū etiam minimo
velut

velut pphani scurre, plectatur ac cædatur. Flexo poplite Mādarinos alloquuntur, interdū tamen, nō sine singulari prærogatiua, surgere iubentur, præsertim dū cum ijs agunt. Alijs quoq; neglectui sunt, q̃ vitę impuritātē imperitiāq; illorū perspectam habeant; neq; enim aliam ob causam genus hoc vitę sectantur, quā vt annuū à rege stipendiū accipiant. Quamobrē nulli his in vniuersa China viliores contemptioresq;. Hinc Societatis Iesu Patres, dū habitu Bonziorum assumpto, populi se facilius gratiā aucupaturos crederent, si veri se Dei Bonzios ac sacrificos dicerent; longo tempore contemptui fuisse, ac vix vlli magni nominis viri cū ijs agebāt. Dēdecus quippe credebant cum externis Bonzijs, quales se dicebant, agere multoq; maius, illorum doctrinam vel admittere vel audire. Verum Eruditorū habitu, qui honestus admodum est, induto, Eruditorum omnium gratiā nacti sunt, atq; illustre sibi nomen ac famā pepererunt; vt suo videbimus loco. Vt vero in capita omnis de Chineniū religione sermo redigatur, primo de idolis quę adorāt, deq; illorum fide agendū erit; deinde quibus hæc placent sacrificijs, de sacrificulis, & alijs cultui deorū singillatim dedicatis: tertio de sortibus, quas antequā quid aggrediantur, iaciunt, vt videant, nū felicem infelicemve res sit exitū habitura: deniq; de sepeliendi, parentumq; humandorū ritibus. Idolorū infinitū prope habent numerū. Alij solem & lunam ac stellas, cælumq; præcipue ipsum, vnde cuncta in terras bona promanent, omni studio colendū existimant. Infinita, præter hæc numina, idola venerantur ex omni parata materia; hæc virorū illustriū, san-

Quæ adorant idola.

ctitate vt aiunt, insignium, aut scripto de rebus moralibus celebrium, imagines esse iactant. Adhæc artis cuiuslibet inuentores, aliosq; priuatim aut publice benemeritos; quidam etiam parentes carosq; in numina referunt; ijsq; & statuas ac tēpla ponunt, & vota faciunt, & adolent thura. (soli Deo quæ cōpetunt;) nec mortuis modo, sed interdū etiam (q; magis detestēre) viuentibus. Sunt etiam qui inferna videntur monstra succincta colubris & igneo vomitu; cuiusmodi eacodēmones in Europa depingimus. neq; id tā impetrandi cuiuspiā gratia, quā depellendi malefici; causa, quippe obuersantia interdum eiusmodi visa maiorem in modū extimescunt. Hanc idolorum farraginē non in delubris modo & fanis publicis priuatissq; colunt, sed domi ceu domesticos penates aclaresseruant, naui, cymbaq; secū trahunt, nec illorum tantū statuas, sed & pictas imagines exprimunt. Tamen si vero eruditiores in idolorū cultu parū religiosi sint, duplici tamē de causa ægre quis idola in domus atrio collocata ab iisdē extorqueat. Hęc namq; velut hereditatē à maioribus relictā asseruant, & hanc line infamia alienari nefas est. Ingrati namq; & parētibus inimorigeri (q; Chinesium iudicio, omniū est delictorū grauissimū) habebuntur: illi nāq; hęc filijs diligentissime cōmendant, vt apud posteros viua stet maiorū memoria. Si vero tātō opere de hereditate pfana à parētibus relictā sarta tecta cōseruanda laborāt, qd de sacra & idolorū paternorū cultu dicendū? Adhęc, cū vulgo, horū plerosq;, quorū colunt statuas, sanctitate ac rerū mirabilium patratiōe illustres fuisse credant; paradoxon ac nouū qd occinere videbitur, si qs eos nefarios ac reliqs hominib; simi-

similes fuisse psuadere conetur. Si adulteria, rapt⁹, aliaq; abominanda his obijci possēt flagitia, vt Romanorū Gręcorumq; idolis primogeniæ Ecclesię patres obijcere poterant; paruo labore qs eos à p̄fano hoc cultu auerteret. at huiusmodi nihil in illorū diuis detegi pōt. Chimentibus facile quis p̄suaserit, vnū esse rerū omniū opificē ac rectorē Deū: hunc multi etiā credunt, & *Xauti* illū, i. supremum regem nuncupant. Hui⁹ p̄inde imaginē inter idola sua statuunt, & qdē primo ac digniori loco; q̄ hunc ceteris superiorem credāt: verū cū persuadere volueris, vt reliquas imagines igni tradāt ac penit⁹ p̄scribant (sociū. n. verus nō patitur Deus) non mediocri illos dolore affici Societatis Patres tradidere. Qui sapientiores inter eos habētur, Pythagorę ferme somnia de transinigratione animorū sequuntur. Hinc plurimi, ac p̄sertim pauperculi, volūtario Deos placāt ieiunio, vt in illustriori nasci familia cōcedant. Eamdē ob causam à parētū morte nullū mactāt animal, ne in hęc forsā anima illorū trāsierit. Credunt p̄multi esse post hāc vitā delicijs plena loca, in quę sanctorū animę admittētur; aliaq; supplicijs destinata, impiorū post mortē receptaculū. Horū frequēs mētio in libris, & in singulis pene opidis tartari imaginē sculptā, ac varios circūquaq; demonas tetro & horrēdo nō mīnus aspectu quam à Christianis depinguntur, depictos reperies, qui misellas damnatorum animas varijs exagitent modis. Sed bene qdē hęc depinguntur, sed vix à quoq; creduntur; & non nisi ad puerorū terriulamēta adinuēta. Si q̄ forsā crediderūt, esse post hāc vitā locū, in quo animę excrucietur; alio errore nō minus dānando fidē hāc inqnāt; dū sibi persuadēt, post aliquot annorū euoluta

*Quid de
inferno sen-
tiant.*

curricula, tetro illo carcere solutas animas, in pecudem transire. Mundū vniuersum ex aqua initio conditū affirmant, quæ vehementius agitata, è spumis ampullisq; cælo; ex imis partibus & crassioribus materiam terræ præbuerit. Interrogati quisnā initio aquas agitarit; sponte ciendi vim ijs inditā fuisse respondent. Rursus vbi queritur, à quo eā ipsam vim ac virtutē acceperint; subrident, quasi plāne ibi sistendum, neq; sit ultra pcedere. Primos homines vna cū ceteris animantibus ac plantis aiunt è terra exstitisse; ac sine legibus aut vllō iure, vagos ac ferros, arborū baccis & crudis carnib⁹ initio vesci & sanguinē potare solitos: ipsa dein ratione duce ac magistra, frugibus ali, tecta moliri, vrbes cōdere didicisse: adhibitoq; studio, paulatim à barbara & agresti vita ad cultū & mansuetudinē fuisse traductos; atq; hominū sapientū, quos reuercebantur, industria legibus latis vti cœpisse. Prætereo hic innumera de dijs deabusq; quæ cōiungunt, commenta, q; hoc illa loco censcam indigna. Ceterū Sinę communīū idolorū cultus quāuis studiosi nō sint, omnes tamē certis qbusdam diebus aliquē ijs honorem deferunt; verū id vsū potius, q̄ ex animo sit, nec propterea eadem adoranda ostēdere volunt. Qui vero plus ceteris illorum cultui addicti sunt, chartas ijs succendunt, thus aliosq; odores adolent, alij cæsis victimis eadē placant. At cū solennem idolo, à quo se beneficium aliquod consecutos existimant, cultum exhibere volunt, pullos illi gallinaceos, anates & coctos oriza anseres conditosq; ac caput suillū (q; præcipu⁹ honos mēsarū) simul & cantharum potionis illius quam vini loco bibunt, offerunt. Sed horū deterrima scilicet

*De mundi
exordio.*

*Quanti
Deos suos
faciant
Chinenses.*

feligunt ac vilissima. Altilium namque solos vngues, suilli capitis rostrum extimum, vel imas, ut nonnulli tradunt, auriculas additis aliquot orizæ granis. hæc lanci imposita, ac liquore illo hinc inde conspersa, in aræ simulacro opponunt. Illi interim in larario epulantur, ac cætera magno cum tripudio & effusa lætitia deuorant. Hinc quam exiguo numina sua cultu dignentur, fit manifestum.

Infinitum pene Bonziorum habent numerum: in communi hi viuunt, cœlibem vitam ducunt, promiscua tamen liberaque libidine sunt infames. Plurima per vniuersum regnum habent cœnobია: è regio ærario ac nonnullorum oblationibus victitant: Mulierum quoque non pauciora, in quibus monialium nostrarum instar in communi viuunt. Vna præest reliquis, ac velut Antistitam agit. Ita cacodæmon simium agens, Dei optimi maximi opera in omnibus æmulari contendit.

De Futurorum inquisitione maximopere laborant Chineses: nam ad grauiores quasilibet auspicandas res uti, ad captanda itinera, ad ineunda connubia, similiaque sortes obseruant; num scilicet prosperum habitura sit res successum, num votorum futuri compotes, Sortium vero ritus est eiusmodi, si grauissimorum auctorum credendum testimonijs. Dimidiatos globulos è ligno duos, ad iuglandis ferè magnitudinem filio traiectos, coram simulacro ipso temere ac fortuito iaciunt. Si ambo supini, vel etiam alterno cōsederint situ (quod vulgo infaustum putatur) idolum verbis ac iurgijs male admodum accipiunt: dein, quasi contumeliæ poeniteat, rursus delinimentis,

*Bonziorum
in China
multitudo.*

*Chineses
dediti sortilegio.
Mattheus
lib. 6.*

*Sortium rī-
dicula in-
quiritio.*

votisq; ac supplicationibus propitiare contendunt. Si nihilominus aduersę appareant sortes, idolū videhcet acerbius plectitur, ad verba accedunt verbera, cæditur, amburitur igne, sed si ligneum sit, mox educitur: in aquas projicitur, velut mergendum. dein blanditijs denuo ac promissis placatur, atque in hac vicissitudine tamdiu persistunt, quoad facta in sortes ambo missilia prona consulant. Tum vero modulato carmine grates, laudesq; agunt inani Deo: mox etiam gallinas, anseres, anates ac porcinum caput, eo quo diximus, offerunt modo. At quibus numina hæc despectui sunt, Augures ac diuinatores consulunt, qui meri impostores, mendaces ac nugivenduli, sæpe namque contraria penitus prænuntiant. Sunt tamen qui vera præfagiunt, sed casu id fortuito fieri certum est, aut suggerente cacodæmone, cui famulantur, vt è permultis signis, colligerelicet. Cæterum quamuis Chineses iudicio valeant, atque impostorum horum nugas, mendaciaq; comperta habeant, vt qui nunquam non mentiantur; vix tamen est vllus, quin antequam quid auspiceretur, illos consulat.

*Parentes
singulari
amore pro-
sequuntur.*

Nulla porro in re maiorem superstitionem religionemq; præferunt, quam in parentum sepultura, sepulcris, ac luctu à morte illorum. Suum namque in illos hoc pacto se putant, amorem patefacere, quo viuentes sunt persecuti. Honoris quippe parentibus deferendi, maximam Sinæ rationem habent, si quæ vsq; natio: vt in immorigeros parentibus ac refractarios grauissimis animaduertāt supplicijs. Mandarinijq; magnæ auctoritatis viri, magistratu abeundi veniam à rege petunt, quo

quo parentibus iam atate grauibus domi ad-
sint, & obsequium filiale præstent. Adeo æqua
regi hæc videtur postulatio, vt vix vnquam re-
fragetur. Parentes vita functos, liberi ad v-
num omnes triennio lugent (quod tam à re-
ge, quam minimo vilissimoque plebeio serua-
tur.) Luctus vestis alia est, quam nobis. Color
quippe luctus illis candidus: hinc è tela candi-
da vestes parant, etiam pileum. Primis mensi-
bus vilissima induti, fune se, Franciscanorum
nostrorum ritu præcingunt.

Mandarini omnes, etiam maiorum gentium
(exceptis militaribus) de parentum obitu nun-
cio accepto, Magistratu ac dignitate omni de-
posita, etiam examine, quod ad gradum ali-
quem obtinendum, iam præ manibus habent,
omisso, in patriam illorum sepeliendorum gra-
tia reuerti solent, ac triennio illos elugere. Qui-
bus ædes sunt laxiores, mox à morte illos ter-
ræ non mandant, sed biennio triennioque in
conclauis domus, hunc in vsum duntaxat de-
stinato, (quod etiam vnū è splendidioribus) as-
seruant. hic illis quotidie honorem exhibent,
ac thura adolent, & sarcophago addunt da-
pes. Statis diebus Bonzios aduocant, vt pa-
trias cærimonias peragant, ac ferale carmen
decantent, interim dum filij, affines, vxoresq;
defunctum deplorant.

*Quid in il-
lorum mor-
te faciant.*

Qui mortuos lugent, non vestem modo mu-
tant, sed & ritus. multi sedilib. non vtuntur, sed
scamnis minoribus: raro alios adeunt, nec ad-
iri vicissim ab alijs volunt: quin & charta, quâ
conscribunt, luctū induit, præcisam namq; par-
tem in luctus signū, alio colore tingunt. Suum
litteris aut alibi nomen descripturi, solitum

*Funerum
stipatio.*

non assumunt, sed aliud illius loco epitheton substituunt, quale foret, inobediens, aut quid simile; quasi ob inobedientiã in parentes eodẽ merito amiserint. Musicam interim exosam habent, ac petitam victus rationem in asperiores ac duriores conuertunt. Corpus terræ mandaturi a fines omnes ac consanguineos conuocant; hi albatii vna cum magna Bonziorum multitudine (pro cuiusque facultatibus) publice sub tristi quadam voce, ad numeros musici instrumenti, modulantium funus stipant. adeo vt Pantoja teste, alba hac veste, & cantu ferali sacerdotes nostros exequias celebrantes æmulentur. Per multæ hic ædiculæ, & icunculæ è charta sericoye albo concinnatæ, multa item sigilla vexillaque deferuntur. Colligere hinc licet, quomodo dæmon Christianas apud ethnicos exequias, aliasque cærimonias velut simius imitetur; vt pari cum creatore Deo honore colatur, & mortales falso veræ fidei velamine imitationeque decipiat. Sed ad Chinenfium redeamus exequias.

*Bono in-
cludi op-
tant sarco-
phago.*

Capulus, cui cadauer includunt, è pretioso construitur ligno, & magna paratur arte. Omnem siquidem felicitatem suam post hanc vitam duabus in rebus constituunt. Primo in materia ac forma sarcophagi, cui corp⁹ à morte includendum est. idcirco ab alijs hunc sibi parari nolunt. & quamuis hanc alijs curam committerent, tanto sane tempore conseruari cadauer non posset, quantum ad hanc arcam eo quo solent artificio parandam requiritur. Ne à suis quidem liberis (velut illius permagni interfit) verum ipsi, interim dum vita fruuntur, per otium (nisi mors derepente inopinanti-
tibus

tibus ingruat) lignum corruptionis nescium, aut saltem putredinem non adeo obnoxium, conquirunt. quaternum, senum, octonumque digitorum crassities cuiq; tabulæ est: hinc, tum etiam, quod arctissime rimulæ constipentur, diutius cadauera domi detineri queunt, nec tetrum odorem afflant. Sunt quibus centum aut circiter aureis capulus hic flet. Felices vero sese credunt, si solidum ac durum nancisci lignum, artificemque ex voto parantem potuerint: E contra vero miseros, si ante mortem hæc parata non fuerint, quod rarius accidere solet.

Deinde de sepulcri loco deligendo anxie laborant. Sæpe namque sortes explorant, antequam hunc sibi deligant; quasi summa inde dependeret felicitas, tum sua, tum posterorum. hinc integro sæpe anno consulunt, num ad septentrionem, an vero aliorsum, sepulcrum respicere consultissimum sit. Lites vero maximæ ac grauissimæ ob sepulturæ locum oriuntur. Extra vrbis muros semper terræ mandantur, in agris aut montibus; hic subterraneum specum è latere vel saxis construunt, cui cadauer includunt; diligenter hunc deinde obserant, ac statis anni diebus nescio, quos ritus hic peragunt, ac mensas opiparis ornant dapibus. Male ominosum putant, mortuum intra urbem sepelire; ac si quem sepultum nossent, quamuis primus à rege foret, eductum extra opidum in agro sepulturæ dicato humarent. Hactenus hæc de Chinenfium exequijs alijsque sacris ritibus. disquiramus iam, num fidem olim Christianam receperint.

B. Franciscus Xauerus in litteris X. Maij anno

De loco sepulcri solliciti sunt.

*Num S.
Thomas
Apostolus
in China fi-
dem docu-
erit?*

*Xauer. e-
pist. lib. 2.
epist. 3.*

no M. D. XLVI. Amboini datis ait se Malacæ in Lusitanum institorem incidisse, qui iam recter è China redierat. hic se à Chinenfi magni nominis viro, qui sæpius regiam adibat, interrogatum aiebat, num Christiani suilla vescerentur: respondisse vero, Christianis nullum ciborum delectum, aut discrimen esse; desiderare autem se scire, cur hoc peteret. Tum Sina in Chinæ mediterraneis gentem esse ait, inter montana commorantem, moribus institutisque nimium, quantum ab alijs dissidentem, suilla abstinens, ac festa plurima obseruantem. Nescio, (adiungit Xauerius) num quos Sina describebat, è Christianorum illorum sint numero, qui Abyssinorum mare rubrum accolentium instar, Christianæ religioni superstitiones Iudaicas permiscant; an vero Iudæi per totū iam dispersi orbem. Constat quippe Mahometanos non esse. Paulo post ait, credere nonnullos S. Thomam Apostolum in Chinam vsque penetrasse, plurimosque incolarum ad Christi fidem conuertisse. Hancque esse opinionem multorum Episcoporum, qui Christianorum Thomæorum curam habuerant; atque horum quendam Lusitanis, dum primum Indiam nauigationib. frequentarent, hoc retulisse.

Huc facit litterarum Patris Francisci Rosij, Societatis Iesu, hodie Archiepiscopi Augamalani, anno M. D. CV. die XI. Decembris missarum pars. Hic itaque Christianorum Thomæorum, in Malabaricis commorantium montibus libros, Chaldaica conscriptos lingua euoluens; vt Nestorianorum hinc inde conspersas maculas elueret; respexisse inter cæ-

tera

tera se tradit, octo in Indiæ partibus ab Apostolo Thoma institutos Archiepiscopatus: quorum aliqui vna cum nomine interiêre. quâuis enim nomina Chaldaico scripta sint idiomate, quid tamen denotent, hætenus compertum non est.

Octo Archiepiscopatus instituit in India, quorum unus in China.

Quorum vero, inquit, notitia habetur, primum est *Hendu*, i. Malabar, alterum, Socotora, tertium Cambaya, quartum Mogor, quintum China, sextum China maior quam Catiom esse credit Rosius. Hinc elici potest, verisimile esse Apostolum Thomam in China Christianam promulgasse fidem: vt taceam interim coniecturas, quas ipsa suggerit regio. conspicitur hic namque (vt fide digni testantur auctores) proceræ mulieris, puerulum in sinu fouentis, imago: cui ardentes hodieque lychnuchos more nostro suspendunt, atque singularem honorem deferunt. Deiparæ hanc imaginem esse dicunt nonnulli, cuiusnam vero sit, ipsimet ignorant Sinæ. Sunt qui duodecim hic virorum imagines etiam conspici velint, Apostolos nostros exteriori scheniate referentium.

Christianitatis signa que in China.

Masse. li. 6.

Lucena li. 10. c. 24.

Denique auctor Chinenfis historix refert, 1. p. l. 2. c. 7. reperiri hic imaginem, qua SS. Trinitatis mysterium exprimi quidam volunt; quamuis prodigiosa atque insolens illius forma. Vnicum huic corpus, binæ manus ac pedes, sed triplex caput, quæ se inuicem respiciunt. triplici hoc capite ipsi indigenæ tres distinctas personas denotari aiunt, vna tantum voluntate prædita, adeo vt quod placuerit vni, placeat & alteri, & e contra quod displicuerit vni, & alteri displiceat.

Tres

Tres personas diuinas ita exprimere illos velle verisimile fit, quibus nonnisi vna substantia, atq; hanc licet confusam notitiam iam inde à S. Thomæ prædicatione retinuisse, à quo ante & dimanasse volunt tria illa flamina in vnum nodum coalescentia, quæ Brachmanes in India gestant.

*Num su-
persint in
China
Christiani.*

Quod vero P. Xauerius, Sine illius relatu, etiamnum Christianos in China superesse credat, P. Lucenæ confirmatur etiam testimonio. Refert hic Lusitanos nonnullos à Chinenfibus captos (Martini Alphonsi Melli, de quo postea agemus forsan socios) in interiorem regionem abductos, haud procul à pago in lapideam incidisse crucem, eamque magna animi pietate & lacrymabundos odorasse: atq; id ipsum mox & incolas fecisse, manibusque sublati in genua procumbentes basim illius exosculatos, sua lingua verba hæc decantasse, Iesus Christus, Iesus Christus, Maria semper Virgo illum concepit, virgo peperit, ac permansit Virgo. Tum dixisse Lusitanos, hanc veram esse fidem, quam sequi oporteret. Incolas vero cognito hincillos Christianos esse, ad pagum illos duxisse benigneque habuisse. Narrasse quoque & in libro abhinc ducentis annis excuso, ad oculum demonstrasse, quendam sanctitate inclytum, cui nomen Matthæus Escandelius, Buda in Hungaria oriundum, postquam ad annos aliquot iuxta Hierosolymam in monte Sionis Anachoretam egisset, in Indiam transiisse, atque inde per regnum Sinai ad hunc vsque Chinæ locum penetrasse. atque hîc quinq; à morte reuocatis, alijsque miraculis patratis Sinarum multos Christo peperisse; tandem vero à Bon-

zijs neci datum, vt Christiani illi referebant. hi se à Chinenſibus illis ipſius operâ Chriſti fidem edoſtis originem trahere aſſerebant. Sunt hic & alij Chriſtiani, de quibus P. Emmanuel Diazius in epiſtola anno M.D. CII. menſe Septembri Paquino ſcripta, loquitur. Commemoratur namque P. Matthæum Riccium, cum in diuerſorium veniſſet, quo omnes Paquinum ad-euntes excipiuntur, in Mahometanos nonnullos incidiſſe, ab eiſq; didiciſſe, in puincia Xenſienſi (quæ omnium maxime Septentrionem ſpectat) in loco quodam qui Xuchæo nuncupatur, candidos quosdâ commorari, denſa, pmiſſaq; barba; in horû opidis templa eſſe & câpanas; & Iſam (i. Ieſum Chriſtum) ab iſſdē ac Mariam adorari. Tum Matthæū, prolata cruce interrogaviſſe, num huiuſmodi hic viſerentur imagines, illos vero aſſirmaſſe. Sacerdotes quoque horû Chriſtianorū varijs morbiõ mederi, ſine villo medicamento, ſolitos, atq; idcirco ab ipſis etiã gentilib. morbo affectis illorum opem expeti. P. Matthæus hiſce auditis, per regiū cursorẽ, Chinenſi idiomate (cuius periti dicebantur) illis litteras mittere decrevit, ſciſcitaturus num ita ſe res haberet; ac num Cataiẽ id regnū foret, cuius ſupra meminimus. Cæterum quãuis Thomas Apoſtolus Chinenſib. Euangelium annuntiari, & nonnulla apud illos eiufdem ſuperſint veſtigia, & forſan non pauci qui ipſum profiteantur; per vniuerſum tñ regnum hodie Chriſtianæ religionis memoria penitus intercidit: quam reſtaurare perdifficile videatur. idq; varias ob cauſas. Obſtant namq; regia edita, quib. capitis pœna indicitur ijs, qui quidq; in religione præſertim immutãrit. quod vero

*In Anna-
lib. anni
M. D. CII.
&
M. D. CIII.
italicis.*

*Cur fidem
in China
ſeminare
difficile ſit.*

regis obseruantissimi sint Sinæ, qui supplicij metu mandatis etiam minimis refragari non audent; hinc quantæ sit molis, Christianâ disciplinam inferere facile patet, rege prius eandem non amplectente. Hinc P. Xauerij, aliorumque sociorum hætenus ea semper fuit sententia, ab illo rem auspicandam. Obstat strictissima alienigenarum, quam diximus, & postea latius dicturi sumus e regno vniuerso exclusio: hinc difficulter admodum tam vastæ regioni de alienis prædicatoribus prospici potest. Verum si Sinæ ipsi Spiritum Dei semel gustassent, (iudicio quippe valent, & studiosi sunt) prædicatorum vice fungi possent, vti modo nonnulli funguntur, Episcoporum quoque ac Pastorum, vt aliunde ejdem petendi non forent. Abhinc paucis annis alia hic apparuit difficultas & obstaculum maximum, idolorum scil. priuatorum amor, quæ supra commemorauimus. Obstat adhæc vxorum multitudo, & forsan maxime. Obstat regionis feracitas & libidinum illecebræ, & cætera malorum irritamenta, quibus inescati sunt omnes, hinc plerique nullum numen credunt, & in atheismum degenerarunt, à quo ægrius quemquam quam ab idololatria diuellas. Obstant conspirationes antistitum ac sacrificulorum, qui Christianos importunis clamoribus, fraudibus, nequitia, nefarijsque moliminibus maxime exagitant; tum quod sacra sua ac festa rarescere, tum quod se ad morbos, ad exequias, natalitia, sponsalia, nouæ fabricæ initia, similiaque è quibus magnum illis proueniebat emolumentum, non aduocari vti solebant, cernerent. Denique fastus & superbia, quæ apud illos frequens, humilitati, quam Christus verbo exemploque edocuit suos, maximopere aduer-

uerfantur. Hæc potissima sunt obstacula, per
 quæ stat, quo minus fidei doctrinam recipiant,
 eaq; adeo potentia, vt Sinenſe regnū (ſicut ob-
 ſeruarunt nonnulli) locus ille munitus videat-
 ur, quē humani generis hoſtis occupauit, & ita
 cominuit, vt ſe, aditu omni vndiquaq; obſe-
 rato, ne quomodocumq; gratia eōdē penetret,
 inde vix expellendū credat. At facile valla hæc
 & propugnacula deiſcientur, vbi lumen fidei ac
 diuina gratia ſemel irruerint. Hæc ſiquidem
 arma ſunt, quib. diabolus, Romano imperio
 præualentē inſoleſcentemq; Deus expugnauit,
 ac fidei iugū ſubire compulit. Credendū vero,
 fidē quo maiori cum diſſicultate plantatur ac
 feritur, eo firmiores profundioresq; radices
 acturā, latiusq; propagandā ob permultas quas
 regnū hoc etiam ſuggerit cauſas. Inprimis ve-
 ro, q̃ vniuerſis ſit coniunctiſſimum omnibus,
 tam maiorib. q̃ minoribus, vni regi ac Monar-
 chæ ſubiectis, qui Paquini ſemper ſubſiſtens, v-
 niuerſum qua patet regnum, velut oppidulum
 quoddam, q̃ minimo negotio dirigit ac mode-
 ratur. Si regis expugnetur animus, cæteri vltro
 manus dabunt. Accedit ad facilem Euangelij
 p̃greſſum vnus idemq; per omnes regni vrbes
 fermo, quē Mandarinū nūcupant; hunc pleriq;
 quamuis loqui neſciant, tñ intelligunt, quē qui
 perfecte calluerit, diſſiciliſſimū alioquin, anima-
 rū omniū ſaluti ſtrenue poteſt incubere, vt ta-
 ceā hic bonā docilemq; incolarū indolē, beni-
 gnitatē, comitatēq;. In inceſſu cæteriſq; cor-
 poris motib. decorū ſeruant: è quib. & mentis
 cōpoſitione quieteq; fieri iudiciū poteſt. Porro
 ſedatus & quietus animus doctrinam facilius
 percipit. Adhæc q̃ omnes adeo probè educati
 ſint, nullus vt ſit quin legendi ſcribendiq; artē

*Cur fides
 ſemel in
 Chinā ad-
 miſſa futu-
 ra ſit per-
 petua.*

*In litteris
anno M.D.
XCVIII. è
China mis-
sis.*

calleat, è catechismis excudendis per se doctrinam Christianam quilibet posset addiscere. Leges & instituta politica commoda satis habent, quæq; adeo sedulo ac religiose obseruantur, vt si Plato ab inferis prodiret, suæ quam effinxit reip. imaginem in China locum habere affirmaret, vt P. Nicolaus Lombardus obseruauit. Otium quoque omnium malorum seminarium, quodque Remp. etiam florentissimam euertere potest; hinc exulat: non modo quod infame sit, ac parentum amicorumq; iurgijs obnoxium, verû etiam quod acriter à magistratu in otiosos & inertes animaduertatur. vnde etiam, qui labori videntur ineptissimi, laborare coguntur. Cæci namq; molæ aut pistrino admouentur; mancis manuarium opus datur, atq; ita & cæteris prospicitur. Ipsi quoq; Eruditi ac doctiores, quibus maius suppetere otium videtur, desides tamen & otiosi non sunt; qui enim ad gradum aliquem aspirant, strictissimû subeunt examen, qui postquâ primum adepti sunt, aliud suo tempore examen expectent necesse est. Si quæ in studio profectum fecisse comperiuntur, ad altiore gradum ascendunt; sin minus, acerrime corripiuntur, ac sæpe gradu accepto priuantur. hinc, tum ad gradum conseruandum, tum ad altiore obtinendû, tanta diligentia ac contentione litteris incumbunt, vt non pauci phthisim aliosq; morbos contrahant. Alij iam prouectæ ætatis, qui à quadraginta iam annis gradum postremum adepti sunt; assiduo se studio emacerant, ac velut enecant, facultatum artiumque suarum scripta, vt rudimentarij nostri Grammaticen, memoriæ mandando, aut assidua scriptione stylum

stylum parando. Deniq; Sinæ non magnam exter- *Chinenses*
 narum modo, sed & internarum actionum *moralibus*
 rationem habent, moralium virtutum exerci- *virtutibus*
 tio animam exornando. Nam vt eleemosynas *dediti.*
 egenis erogatas, Xenodochia constructa, aliaq;
 pietatis opera præteream. sanctum piumque
 putant, corpus emacerare, atque ita effrenes
 animæ motus sub rationis moderamen redige-
 re: Ieiunium quoq; sibi indicere, sed strictiori
 quam Christiani modo. Abstinent enim car-
 nibus, ouis, lacticinijs & piscibus; verū quan-
 tum ac quoties lubuerit, cibum sumunt. Vnius
 vxoris vsum probant, easq; permagni faciunt,
 quæ ad secundas nō transierint nuptias, vidua-
 lem castitatem obseruantes, quas proinde in
 signibus donarunt priuilegijs. Conscientiæ om-
 niumque actionum diurnarum, ac præfer-
 tim interiorum, quarum alij conscij non sunt,
 (quod hic maior sit hominum negligentia,
 cum à nemine de his argui queant) examen
 scripta commentarijque veterum nusquam non
 dilaudant. Hinc aliquoties se nonnulli ad præ-
 dium suburbanum conferre, animi colligendi,
 commentandi, ac sui ipsorum reformandorū
 gratia solent, vt in primæuum, in quo initio
 conditi fuere statum (vt aiunt) se restituant.
 Hinc in honore hic est Eruditorum quædam
 congregatio, qui publica fugientes negotia &
 onera, sibi solis viuunt, quietem sectantes, ex-
 exercitioq; quod diximus, vacantes: hi sæpe coë-
 unt, vt veterum Thebaidis ac Palæstinæ ana-
 choretarum ritu, de rebus suis inter se confe-
 rant. Quod vero in primis admirabile & nota- *Sex præce-*
 tu dignissimum ad sex reuocarunt capita, ea *ptorum ha-*
 quæ ab omnibus obseruanda sunt, vt nos ad *bent com-*
pendium.

decalogum, quæ vt nemo obliuioni tradat ac pueri vna cum lacte nutricis bene beateque viuendi præcepta imbibant, à publicis præconibus singulis nouilunijs ac plenilunijs paulo ante solis ortū, opidatim magna voce enunciantur. Sunt a. hæc: Parentibus omnes obediunt; maioribus superioribusq; honorē & obsequium deferunt; inter vicinos pacē conciliant; liberos ac nepotes honestis disciplinis instruunt; suas qsq; partes debite exequatur; nemini vlla irrogetur iniuria, quæ tum in cædibus, adulterijs, furtis, alijsq; rebus sita est. atq; his omnia pene secundæ decalogi tabulæ præcepta comprehenduntur. octauū n. nonū ac decimū è libris illorū etiam erui queunt. Ex his quæ dicta sunt, hætenus facile quis intelligat, q̄ parum à veritatis lumine Chineses absint, quamq; egregie disposita fundamenta sunt, vt his cōcurrente diuina gratia, spirituale Christianæ fidei ædificiū inædificetur: modo diuinæ placeat bonitati, vultu huius ac potentis regni aditū, permultis verbis sui seminatoribus. referare, quo ipsum libere diffeminent; eiq; omnipotentia sua, ad animarū plurimarum in infidelitate pereuntium, salutem, incrementum dare. At videamus, quo in illius plantatione sudatum sit modo.

CAPVT XXI.

Lusitani Chinam commercijs frequentare incipiunt; variorum ordinum Religiosi eandem adire contendunt, & ibidem ad fidem Christi inferendam commorari.

*Fernandus
Andrada
confirmat
Lusitanorū*

Magno Albuquerque, rebus Armuziæ compositis, in portu Goano, vti supra dixim⁹, iam demortuo, successerat Lup⁹ Suarius, haud multo ante è Lusitania Indiæ prætura, vt fun-

fun-

geretur, missus. Hic renouato cum regulis finitimis fœdere, Fernandum, Petrezium, Andradium cum octo nauium classe in Sinas amandauit, ad instituendū cum ea natione commercium simul & regionē, moresq; incolarū explorādos, atq; eādē simul operā, insulas ac regna è proximo detegenda. Vna profectus Thomas Perezius, alijs Petreius, Emmanuelis regis nomine legatus: hic regias litteras, simul & munus pretiosissimū, ad fœdus ineundū facilius, ad Sinarum regē deferebat. Malaca Chinā petentib⁹, vbi desertas quasdā insulas transierant, primū occurrit Cantonia flumini imminēs, ad cui⁹ fauces, multarū stat nauium classis, ad externos vlteri⁹ ne progrediantur, prohibendos, nisi obtēta à Mandarinis copia. Andradius ad harū insularū vnā Tamū cum appulisset, ad aliquot dies in ancoris stetit, donec Cantonē subeundi facultatem nactus esset; sed nonnisi cum duobus nauigijs. Paruit, cætera classe ad Tannū relicta. Cantonē inuect⁹ Mandarinos adiit, quorū pmissu Thomā legatū exponit, cui ædes & lautia de more attributa. Ibi Andradius mira lenitate ac iustitia contrahendo cum incolis, haud ita diffīcili negotio aditū ad ea cōmercia suis aperuit. Placuit Sinis, namq; viri equitas, ac velut ex vngue leonē agnoscentes, magnā de Lusitanis omnib. opinionē concepēre, legatoq; cum socijs liberū ad Regē iter fecēre. Auxit probitatis existimationē, q̄ sub tempus reuerſionis de suo discessu Andradius per præconē tota vrbe denuntiari iussit, vt si quis quid, vel ab se, vel ab suorum quopiā, vel crediti, vel commodati, vel quouis alio nomine repetere vellent, mature profiteretur. Ea res videlicet magni & innocētis animi

cum Chinenſibus commercia.

*Frater il-
lius eadem
enertis.*

visa, & ex vnus viri moribus, de totius nationis virtute nimirum existimabant, & gaudebant de inuito commercio: apparebatque maximo cum rei Lusitanæ incrementō societatem hanc institutam, ac diuturnam fore: nisi post Fernandi profectionem aliorum deinde nauarchorum cupiditas ac licentia, qui Malaca vna cum Simeone Andradio, Fernandi fratre, Malaca ad spem ingentis lucri, in eadem loca venēre, illecti fratri suisque exhibitis officijs; opinionem Lusitanicæ iustitiæ fideique propemodum sustulisset omnem; parum vt abfuerit, quin omnes iugulati temeritatis suæ pœnas darent. Siquidem ex ijs quidam ad Tamum in terram egressi, primo, ne appellatis quidem magistratibus, castellum è ligno, lateribusque excitarunt. ibi tormentis vigilisque dispositis, imperium vsurpare, negotiationem communem interuvertere, ac sibi proprie vindicare, omnem externum à portu illo arcere; externos æque atq; incolas iniurijs & cōtumelijs intolerandis afficere, virginibus vim inferre, ingenuos ingenuasq; à plagarijs qui præter fas ac nefas eosdem ceperant coëmere; deniq; ita insolenter se gerere, vt non vti socios exterosq; sed vt loci dominos se gererent.

** Ioan. Bar-
rium intel-
ligit.*

*Parum ab-
fuit, quin
cum suis
negaretur.*

Insolentiam hanc non ferentes Sinæ, pro immanibus piratis atq; hostibus eosdem, vt vere merebantur, habuēre. neque vero sum nescius, hæc ipsa minuere quendam * Lusitanum scriptorem & eleuare dicendo. sed eadem illa alij plane disertis verbis arguunt, ac rem prout hic retulimus, gestam asserunt. Igitur Lusitani à præfectis regijs valida classe, præter eam quæ in portu stabat, circumfessi, cum in eo iam esset

esset, vt caperentur, ac vix vila effugij via pateret, hoc pacto tandem euasere. Erat inter Lusitanos dux Eduardus Loellus nomine (vt sæpe boni nefarijs permisti,) hic viso præsentis suorum discrimine, Deiparæ, cuius admodum studiosus erat, opem implorat (cuius ea die natiuitatem colebat Ecclesia.) ecce ad illius intercessionem vocantem audiit Deus, & Lusitanos hac ratione periculo eduxit. Sæua namq; tempestas repente exorta Sinarum naues dissipauit ac distulit. Per eam occasionem elapsi pecunia quam gloria conspectiores Malacam Lusitani rediere. Tristior multo fuit Thomæ Petreij legationis exitus. is magno labore quadrimestre amplius iter emensus, cum ad regiam deniq; peruenisset, præoccupatas cum aliorum tū vero Cantoniorum Magistratuum litteris & criminationibus, Regis & Satraparum offendit aures, significarant namq; , non legationis hunc causa venisse, sed explorandi, ac velut piratarum ducem plectendum. Ita non modo regis conueniendi potestas legato facta non est, sed etiam de concilij sententia pro exploratore comprehensus, & Cantonem remissus in carcerem conditur, vbi omnibus incommodis paulatim absumptus, inter maleficos furesq; nocturnos, vitam miserabili fine, cum suis conclusit.

Interim Martinus Alphonfus Mellus cum sex nauibus in Chinam contendit, nondum probegnarus, quid Thomæ Petreio socijsque accidisset. Lusitanos adesse vbi Cantonem, allatum est, extemplo præfectis oræ maritimæ à magistratibus imperatum, nefarios prædones vel comprehenderent, vel ad interneccionem

*Classis
Martini
Alphonse
Melli à
Chinensibus
oppressa.*

Vu 5 dele-

deherent. Nihil tale metuebat eo tempore Mellus, quamquam à peritis rerum admonitus esset, ne nimium sibi fideret; eo facilius repentino Sinarum aduentu cum suis opprimitur. E-nuntiat mox (visa hostili classe) non bellandi se, sed confirmandæ amicitiae regi Lusitaniæ nomine ab Andradio initæ, & statuendi commercij causa se venisse. sed furdus occinuit, bombardis, iaculisq; impetitus. Dein cum vndique instaret hostis, & nullam pacis mentionem admitteret, iniquissimo loco & conditione committitur pugna. Multitudine tormentorum ac nauium, vt in suo regno, superabant Sine. Itaque circumuentos aduenas bombardis partim è tuto discerpunt, partim vna cū nauibus fundum petere cogunt, atque inter hos Didacum Mellum, Alphonfi fratrem, partim fessos ac sese dedentes in potestatem acceptos in captiuitatem abducunt. Mellus cum aliquot alijs cum aliquamdiu egregie sese defendisset, ad extremum, singulari Dei beneficio, per mediam hostium classem male multatus elabitur. In captos, magistratum iussu, grauius acerbèq; insultum, in carcerem conditi omnes, & pro latronibus piratisq; damnati, aut pedore ac tabe in vinculis exspirarunt, aut ad supplicium producti summo plebis conuersæ, præconibus vetera gentis piacula, & recentē insuper audaciā referentibus; quod in regiones portus ac fines armata manu non dubitassent redire, in quibus omnium flagitiorū ac scelerū paulo ante vestigia reliquissent. Hæc & alia id genus elata voce de scripto subinde recitabantur, ad tollendam è vulgi animis opinionē quā de Lusitani olim generis probitate conceperant. Tandē omnes
vel

*Ipse autem,
ceteris ca-
ptis.*

*Capiti ad
supplicium
rapiuntur.*

vel sagittis confixi vel in frustra, nulla sua noxa, dissecti sunt. Vide quot secū mala trahat nonnullorū cupiditas, superbia, ac malignitas? vt ob hanc non innoxij modo necē subierint, sed Chinenfiū odium ita Lusitani incurrerint, vt velut prædones & suspectos deinceps eos habuerint, ac regno ad tēpus aliquod prohibuerint; nonnisi ad desertas vsq; insulas aditu cōcesso. Sed tandē in Sanchanum, quæ de harum numero est, ac triginta Cantone abest leucis exscendere permisere, in qua tugurijs ex arborū ramis ac virgulis excitatis, merces venales exponerent; domos vllas exstrui, quāuis deserto in loco, vetantes. Hic Chinę status erat, cū eodē Franciscus Xauerus pergeret, qui eadem in insula anno superioris sæculi LII. vt priori diximus tomo, ad vitā immortalē transiit. Tolerabant hanc loci molestiam & quo animo Lusitani, ob singulare ē commercio Sinarū compendiū; qui vicissim ob quotidianā cū illis negotiationē, q̄ conceperant opinionē, paulatim eruebant, audacius agentes. Hinc & Lusitani ex amicitia cōceptā audaciā, propius accedere præsumentes, in Macaū viginti dumtaxat à Cantone distantem leucis, etiā sine Mandarinorū venia, cū mercibus profecti sunt. facta insuper copia, semel quotannis Cantonē adeundi, ac trimestri quadrimestriue spatio hærendi, modo noctu naues subirent; interdium etiā foras prodeundi, quin & nouam urbē ingrediendi Lusitani viso suam apud Sinas fidem non amplius vacillare, neu tam accurate de se iam inquiri, ædes aliquot in Macao, ad vitandam molestiam, quam tanto iam tempore tolerarent, construere cœpere. Tot vero huc confluxere,

*Macao
China vrbis
quam adificauit
Lusitani.*

itaque loci dilatata pomeria, vt vrbs magna breui coaluerit. cui præest dux Lusitanus, qui suos protegat, simul & Mandarinus Chinenfis, qui Regis Chinenfis nomine, urbem præsidio occupat; Lusitani tamen numero superant. Atq; hoc pacto à triginta iam & quadraginta annis, Macaum in sedem sibi domiciliumq; delegere.

*Xauerus
Chinam
petit ad fi-
dem Chri-
sti diffemi-
mandam.*

Verum, vti gloriæ diuinæ zelus & salutis animarum in viris pijs, negotiatorum cupiditati ad aurum argentumve colligendum non cedit; hinc plurimi religiosi, spirituales merces distraçturi, fidemq; incolas edoçturi, nullis obstaculis deterriti, Chinam adire tentarunt. Agmen duxit, B. Franciscus Xauerus, de quo paulo ante locuti sumus. Verum quod tempus, quo Deus gentem hanc fidei lumine illustrare decreuerat (peccatis id forsan exigentibus) nondum illuxisset; votorum fieri compos non potuit, aut quemquam reperire, à quo in Chinam clanculo inueheretur. Quocirca in hac expeditione, in regni quodammodo portis, demoritur, vti suo loco pluribus enarrauimus.

*Item duo
Augusti-
niani Mar-
tinus Her-
rada &
Hieronym.
Marinus.*

Non defuere deinde & alij variorum ordinum religiosi, qui eadem de causa in Chinam penetrare conati sunt. Inter ceteros duo ordinis D. August. è Philippinis Insulis (in quibus tunc agebant,) huc perrexerunt; Martinus scilicet Herradius, Pampelonæ, Nauarræ Metropoli oriundus, qui Prouincialem suorum in Philippinis egerat. Augustiniani namq; primi fidei lumen in easdem inuexere, ac centum animarum millia & amplius Christo iam pepererant. Erat hic non modo sanctimonia, sed & doctri-

doctrina illustris, tantoq; Sinarum conuertendorum ardebat desiderio, vt linguæ patriæ ediscendæ noctes diesq; incumberet, atque in mancipium se libenter Chinenſibus inſtitutoribus, qui Philippinas adierant, vendi voluiſſet, quo illum in Chinam inueherent. Verum impetrare id ab iſtis nequii. Socius illi fuit F. Hieronymus Marinus Mexici in noua Hiſpania natus, vir doctus ſimul ac pius. Commodam *Qua occasione in-* porro itineris ſui occaſionem naſti ſunt; quam *trandi uſi* pauciſſimis verbis perſtringam, reiectis minu- *ſint.* tioribus quæ ad rem non ſunt, quæ hiſtoriæ Sinenſis auctor latius proſequitur.

Ea ipſa tempeſtate, omnem maritimam *Limahonus pirata* Chinæ oram centum prope nauium claſſe in- *nobilis.* feſtabat Limahonus pirata Sina; hic naues obuias diripiebat, atq; vrbes maritimas, etiam maiores, ſubita incurſione expilabat. Vnde magnum omnibus ſui terrorem iniecerat. Rex ſubditorum vicem iniuriæq; dolens, præfecto prouinciæ, quam ille maxime exagitabat, in mandatis dedit, vt archipiratam hunc, manus pedesq; vinctum, aut caput præciſum ſaltem ad regiam mitteret: Inſtructa ergo centum triginta nauium maiorum claſſe, quæ quadraginta claſſiariorum vehebat millia, præfectus expeditionem parat. Tanta ſuum claſſe peti caput cum haberet compertum pirata, ſibi que metueret, inſulam Chinam inter ac Philippinas interiacentem ſubit. hîc delituit ceteris quo profugiſſet, prorſus ignaris. Prædari tamē non deſinebat, ſuos huc & illuc cum aliquot nauium claſſe, emittens. Inciderunt hi in duas Sinenſium inſtitutorum naues, è Philippinis profectas, deferebant hi permultos regales

Hiſpa-

*Philippina
inuadere
conatur.*

Hispanicos, quorum singuli quaternos appendebant. quos auferentes piratæ petebant, vndenam hosce exportassent? In insulis Lussonensibus (ita namq; Philippinæ à Sinenfibus vocatur) aiebant institores, plurimos Castillas commorari, apud quos maxima horum esset copia. Urbem adhuc Manillam, in qua commorabantur, vix munitam facile intercipi posse; ac tum præsertim, quod, plerisq; præfidiariorum, hostem nullum veritis, in expeditionem aliquam foras profectis, vix septuaginta ad urbis defensionem relictis essent. Mercatorum horum ductu, eodem pergere cursumq; dirigere voluit, tum vt hic aduersus Sinarum regem, si forte premeret, se communiret, tum vt urbem deprædaretur. Recta ergo Manillam petens, in urbis conspectum venit pridie festi S. Andreæ anno M. D. LXXIV. quadringentosq; milites scaphis impositos exscendere iussit. hi quod ventus aduersus foret, non nisi postridie mane eluctantes exscensionem fecere. Mox instructa acie recta ad urbem contendunt; quam nullo obstante, ac prius quam de illorum aduentu quisquā intellexisset, ingressi sunt. Prima in domum præfecti militaris incurfio fuit; erat enim intrantibus prima. hunc simul & alios obuios neci dedere. Nonnulli Hispanorum dum fugam parant, comprehensi, iugulati sunt. Ceteri sumptis animis in vnum globati, hosti restitere: qui labore confectus nonnihil exhaustus ad naues se recepit; postridie maioribus copijs & restauratis viribus rediturus, urbem iam spe deuorans. Interim Hispani, vltimam prius sanguinis guttam profusuri, quā loco cessuri, quod totam tueri præsidio urbem non

non possent, vallo ex tempore exstructo, in angustum se recipere: huc cados rudibus completos aggersere, ac quatuor tormenta bellica maiora quæ habebant. Eadem nocte appulit inopinato Ioannes Salcedus Hispanus cum quinquaginta ac quatuor militibus. Erat hic præfecti urbis Fernandinae, iam recenter in insula haud procul à Manilla exstructæ, vicarius. quod enim Limahoni classem haud procul à Fernandina præternauigantem vidisset, hostiliaque meditari in Manillam conijceret, suppetias ferre, hostes per aliam viam præuerrere & ciues de illorum aduentu certiores reddere decreuit. At præuertit Limahonus: tamen adeo commode appulit, ut huic soli, post Deum, urbis ascribenda fuerit conseruatio. Ciues namque hinc hostem repellendo vallumque communiendo ita exhausti erant; illinc vero tam abiecti animi, quod numero exiguo forent, ut repentinum hoc subsidium, nouos animos & vires suggererit. Postridie ergo Limahonus, sexcentorum manu assumpta, exscensionem facit; ignem desertæ vacuæque parti iniecto, ad vallum progreditur. verum à pluribus sibi resisti videt, quam credebat. Vespera certamen diremit, in quo ducendi suorum desiderati, saucij plurimi, Hispanorum binis dumtaxat cæsis. Limahonus suorum imminutum videns numerum, & ceteros aut vulneribus aut laboribus exhaustos, receptui canit, ac naues subit. mortuos omnes in vnum collectos terræ mandari iussit priusquam insula discederet. discessit autem biduo post, ea qua venerat via. Quadraginta nam leucas, insulæ oram legendo, confecerat, dum

*Hispani
auxilium
naui.*

*Limahonus
Manillam
oppugnat,
sed reijci-
tur.*

ad

*Alio fere-
cipit, ut se
commu-
niat.*

ad fauces Pangasinani fluminis appulit: porro loci oportunitate: ac situ perspecto de arce extruenda cogitauit, vna ab ostio leuca introrsum. arce constructâ, ab omnibus finitimis tributum, velut loci imperio occupato, extorsit. Hinc etiam naues suas quaqua versum emittebat, spargebatq; omnes se Castillas in fugam egisse, ac Manillam aliasq; insulas occupasse. Cogitabant Hispani, è rumore hoc, sibi non mediocre detrimentum euenturum, atq; hinc fore, ut vicini, quos famâ virtutis fortitudinisq; potius, quam armis subegerant, occasione sumpta cornua forsan erigerent, prædiciariosque omnes neci darent. Placuit propterea piratam insequi, ac suo in vallo obsidere. Quocirca præfectus Manillanus omniumq; circumquaq; insularum, Guido Labassatus, qui Michaeli Lupio Legaspio, qui hæc insulas sub Hispanorum imperium redegerat, successor missus erat, omnes vndiquaq; prædiciarios cōuocauit. Certiores quoq; reddidit præfectos insularum, quas Pictorum vocant, (quod corpus incolæ varijs coloribus depingant) ut cum nauibus classiarijsq; quibus poterant adessent, Hispanorumq; numerum indigenæ supplerēt. His auxilijs vndiq; conquisitis, & ad defensionem Manillæ sufficienti præsidio relicto, piratam cum ducentis quinquaginta Hispanis, ac bis mille quingentis indigenis, Salcedus, qui in alterius in prima vrbs incursione cæsi locum, præfectus castrensis constitutus iam erat, piratam insecutus est. Copijs porro minoribus impositis nauigijs, quæ ex insulis appulerāt, haud multo post ad Pangasinani fluminis, hoste inscio, fauces penetrauit: quas ille nauigijs catena fer-

*Hispani co-
pias con-
uocant ad
illum ex-
pugnandū.*

na ferrea colligatis obstruxit, ne quod è mari piratæ veniret auxilium. Partem suorū simul & quatuor tormenta minora exposuit. Hos clanculo in hostem immisit terrestri itinere, quibus in mandatis dedit, ne prius sese proderent, quam manus conferendæ essent. Cæteros aduerso flumine nauigare iussit, & eodem, quo alii hostem tempore coniunctis viribus aggredi. Tanta hoc factum celeritate & animo, vt vectores nautici ignem hostili classi iniecerint quæ penitus conflagrauit. Qui vero terrestri itinere venerant, transcenso vallo domibus arcis ignem etiam iniecere. Limahonus vero subito incurſu perterritus fuga sibi consulit, multosq; suorum ad Hispanos propulsandos emisit. At hi calore incendiū quod vallum simul & naues domosque occuparat, æstuantes laboreque exhausti, canere receptui satius duxerunt, præsertim quod turbati iam forēt ordines confusaque omnia. Quinque hic Hispanorum cæsi ac triginta indigenæ socii: centum & amplius piratæ desiderati, plurimi in captiuitatem abducti. Postridie mane Salcedus suos in aciem educit, ac ducentis ab arce passibus castra metatur, signa cum hoste, si copia daretur, collaturus, vel locum si fieri posset, ad deductionem coactus. Verum ea nocte ita locum pirata communierat, vt inuadendi vix esset copia: tria namque tormenta maiora, & alia minora missiliaque igniuoma in vallo disposuerat. Quo viso, Salcedus, cum nonnisi minora ipse haberet, & instrumenta deessent bellica, quod ad vrbis defensionem plerisq; opus fuisset; satius fore iudicauit, terra mariq; prædoni iter obstruere. Credebat namque illum, euadendi spe sublata, tum nauibus omnibus

*Limahonus
in arce sua
obsessus.*

incendio consumptis, tum etiam terrestri itinere occupato, aut breui deditiōem facturum, aut fame enecandum: commeatum namque vñā cum nauibus absumptum putabat. At pirata ipso fuit cautior ac vafrior; adeo vt euaserit, vti suo referemus loco. Sed obsidione seposita, quid interim in China agatur, disquiramus.

*Omonconus Dux
Chinensis
de Limahono
inquirir.*

Sinenses ergo duces, ignari quo se Limahonus recepisset, quemdam suorum cum ingenti naue misere, Omonconum nomine, vt quonā se recepisset, exquireret. Hic non procul à Philippinis tum ab Hispanis, quos obuios habuit, tum ab institore Sinensi, cui nomen Sinsaius, & Manillæ vt plurimum negotiabatur, de omnibus, quæ de Limahono narrata sunt, factus est certior. At cum fidem dicentibus non adhiberet, suis ipse oculis coram voluit inspicere. Salcedus benigne illum excepit, & ad oculum ostendit, quo piratam obsideret modo, vt suas euadere manus non posse crederet, spondens, se vbi in potestate habuerit, viuum vel mortuum in manus illius traditurum. Interim Manillam se conferret, & in præfecti ædibus ageret, donec obsidioni, vel nece, vel captiuitate Limahoni finem imponeret, quod breui futurum sperabat. Non abnuuit Omonconus, cui honoris ergo, socium Salcedus vnum è suis ducibus ac nauigium dedit: quod nauis Omonconi ob magnitudinē insulas transire non posset, quam proinde deseruit. Hunc Manillanus præfectus magno beneuolentiæ signo excepit. At quod obsidionē opinato diutius trahi cerneret, verereturque ne, si moras traheret, naufragio illum periisse crederent Chineses, in patriam

Castra peti.

patriam hæc nunciaturus redire voluit. Quod vero, interim dum Manillæ versaretur, præfectus aliquos se in Chinam ad foedus ineundum, ac Religiosos ad fidem Christianam promulgandam, mittere velle diceret; quamuis alienigenas China exclusos, eosque qui inueherent parum gratos esse sciret; præfecto tamen pollicitus est, omnes, quos vellet, se inducturum; nec Mandarinos id egre laturos, cum tam prospera de Limahono annunciaret, sancteq; Hispani iurarent, viuum aut mortuum se illum tradituros. Quo vero fidem verbis adiungerent Castellain, missosque ab omni iniuria rutos fore crederent, quos vellent daturum se obsides sponndit. Præfectus nullos petiit, verbis sat apud se ponderis habentibus. Euocauit igitur mox Augustinianorum prouincialem, & ab eo aliquot suorum in Chinam mittendos postulauit: Alphonfus Aluaradus viro nomen; senio & sanctitate erat venerabilis, ac de numero illorum, qui ad nouam Guineam explorandam ab Imperatore Carolo V. iam olim emissus erat.

Pium senem ita nuncius hic recreauit, vt sibi ipsi, non obstante senio, hanc ultro prouinciam deposceret. Verum quod iam annis grauis esset, & aliæ rationes occurrerent, hunc mittere visum præfecto non fuit. Tandem re mature deliberata, visum fuit duos illos mittere, quos iam supra nominauimus, & cum illis duos milites, vt si forsan Religiosi à Rege sibi Euangelii annunciandi causa, detinerentur, vt futurum sibi persuadebant; illi ad Philippinas redirent rem omnem denunciaturi. Præfectus priusquam solueret, multa Omoncono largitus est munera simul & Sinçiao Mer-

*Munera à
Præfecto
Manillano
accipit.*

catori Sinenſi, qui itineris futurus eſſet comes. Omoncono torquem dedit aureum, & veſtem coccineam, quam permagni ille fecit, & Chinenſes (eo quod rara) pluris: Sinſaio quoque torquem aureum, tum quod Hiſpanorum hætenus partes egregie fouiſſet, tum vt illum ſibi deuinciret, ne in eo, quod ſperabatur obſtaculo foret. Dedit inſuper aliud donarium præfecto Chincheano, à quo Omonconus miſſus erat, quin & Proregi prouinciæ. Omnes quoque Sinenſes, Limahoni ſocios, reddidit, vt libertate donarentur; Salcedo quoque aliisq; duobus, qui Limahonum obſidebant, edixit, vt quotquot Chinenſium viuos habere poterant, in Chinam remitterent, de lytro ſibi curam fore. Omnibus ad iter neceſſariis iam comparatis, Manilla nauigio minori, alioque Chinenſi, quo Sinſaius ſimul & commeatus vehebatur, ſoluerunt, ac Bulianum, quod quadraginta à Manilla leucis diſtabat, appulit. Hic Omonconi nauis ſtabat, qua in Chinam vehendi erant. Interim nuncius à Salcedo, qui nõ niſi ſeptem aberat leucis, venit, quo religioſos ad ſe euocabat. His cum in caſtra veniſſent, Sinenſes omnes, quos habebat, tradidit, nullo ab eis lytro pretio ve exacto. Miſit inſuper literas & munera ad præfectum Chincheanum ac Proregem per Omonconum deferenda. Hiſce Limahonũ ſe ſpondebat, ſi nõn viuum, ſaltem mortuum, traditurum. Sed pellem vendebat lupi nondum capti, vt noſtrati dicitur prouerbio. Omonconus ergo XXV. Iunii cum religioſis, ſociisq; nauem conſcendit, ac quarto nonas Iulias in Chinæ conſpectum venit; nonis ipſis, centum quadraginta leucarum itinere conſecto. Tranſuſum Chinæ urbem, in qua magno bene-

*In Chinam
appellit.*

beneuolentiæ signo omnes excepti fuere, deinde Chincheum deuenit, à cuius præfecto emissus erat, & cui munera simul & litteræ deferebantur. Verum antequàm ad illius colloquium admitteretur, flexo sibi poplite illos more patriæ loqui volebat; quod non à rege Hispaniarum, sed ab ipsius prætore dumtaxat missi essent. Displicuit hoc initio Hispanis, maxime secularibus; sed morem gerentes ad præfecti ædes deducti sunt; hic flexo genu illum alloquuti mox permissi sunt surgere. Tum munera & literas illi obtulere, à quo vicissim munera accepere, & conuiuio lautissimo excepti sunt. Misit hos ipse ad Proregem, qui Auchei, quæ triginta inde leucis distabat ciuitas, commorabatur, simul & munus, quod sibi delatum erat, ob causam quam postea referemus. Sella gestatoria toto itinere ferebantur, & regiis ubique expensis excipiebantur; at fida militum nusquam aberat custodia. Auchem delati, recta prætorem adeunt, sed urbem subeuntes, permultos obuios habuere præfidiarios (quos illi nobiles credebant) à quibus humane salutati per longam latamque viam, vtrunque militum per signa distinctorum cohortibus, velut sepe à porta ad vsque prætorium, quod inde non parum distat, communitam, ad Proregem deducti sunt. Pars hastas, pars bombardas, vel gladios simul & scuta gestabat, quisque serico interfignio dignoscebatur, galeam conus exornabat. Quieti loco stabant, impediébantq, ne quis viam, per quam Hispanis transeundum erat, occuparet, qui tandem ad prætorium peruenere. Quod quoniam nondum apertum erat, non nihil ante fores hæsere, donec aperirentur, quod non sine ritu solenni fieri solet. Primum

*Religiosè
præfectum
Chincheum
sem salutæ
deinde Pro-
regem.*

*Quis ritus
in foribus
Prætorij a-
periendus
seruatur.*

quaterna tormentorum dispoſitione datur ſignum, dein factio tubarum, buccinarum, tympanorumque ſtrepitu omnia concrepant, tum demum magno fragore ac ſonitu fores laxantur, & hoc quotidianum. Prætor ſalutato, traditiſque literis ac donariis, enixiſſime poſtularunt, ut cum Hiſpanis, Philippiſis inſulis præſidentibus fœdus inirent, ac religioſos ibidem commorari ſineret, ad patriam linguam ediscendam, quo incolæ in viam ſalutis reuocarent. Magnam iis beneuolentiam prætor oſtendit, muneraq; pro patriæ conſuetudine vicifiſim obtulit. Singulis religioſorum ſex pannos ſericos dedit, quos ſtolæ inſtar antrorſum ante pectus decuſſabât, militib⁹ Hiſpanis quatuor, totidem & Omoncōno & Sinſaio. Singulis item bina ſerta argentea, quo honorario donari ſolent in China, qui præclarum aliquod bello facinus edidere. Duplex quoque iis exhibuit epulum, quod muſico, comico dramate, aliisq; ad voluptatem compoſitis exornauit. Ipſe tamen prætor non intererat. Moris quippe eſt, ut qui cōuiuium inſtruūt, maxime ſi auctoritate polleant, eidem non interfint; aliis tamē partes ſuas committunt, ut cōuiuias excipiant. Hiſ peractis cum aduentus ſui cauſam agere Hiſpani inciperent, Rege ſe inſcio nihil decernere hic poſſe, ſed breui de omnibus illum certiorum facturum reſpondit prætor. Quod & fecit, miſitque ad regem eiſque aſſeſſores, ſibi ſimul & aliud Chincheano præfecto tranſmiſſum munus, quod coram tabellione, aliisq; teſtibus adſtantibus Hiſpanis detexit, poſtulant, numquid amplius attuliſſent. Putabant Hiſpani hoc ritu donum ſuum contemni. Sed aliud latebat: neſas quippe eſt, quemquam

Qui in China conuiuium exſtruant, non interſunt.

Mandarinorum munusculum vel minimum, rege eiusque assessoribus insciis accipere, ni omni penitus dignitate toto vitæ tempore priuari velint, ac rubeum gestare pileum; quo nihil apud Sinenses esse potest infamius.

Interim dum Regis responsa expectarent Hispani, longioris moræ pertæsi, ne otiantur, interdum per urbem inambulabant, quæ placeret, coementes: religiosi permultos compararunt libros de diuersis agentibus rebus, quos deinde secum in Philippinas retulere, spectatum ibant & urbis miranda, ac præsertim delubra deorum. In quorum vno, quod cæteris erat augustius, præcipuo in loco centum & vndecim deorum spectarunt statuas, præter alias huc illucque dispersas. Erant hæc scite admodum exsculptæ, & auro exornatæ, ac præsertim tres cæteris elegantiores. Harum vni tria erant capita vno è trunco prodeuntia, & se mutuo respicientia: Altera erat mulieris puerum sinu fouentis; Tertiæ ea erat forma, qua apud nos Apostoli depinguntur.

Quid Hispani in fanis mirati sint.

Erant & aliæ formæ satis prodigiosæ: His quaterna erant brachia, illis sena, vel octona. Ante harum plurimas, ac præsertim tres, quas iam descripsimus, ardentes dependebant lychnuchi.

Cum deinde portas urbis inspexissent, sinistra prorex de illis suspicari cœpit; ut ediceret, suo ne iniussu pedem in posterum domo efferrent: quin & custodiæ præfecto mandauit, aduigilaret ne in publicum prodirent, ne quis ad eos aliquid venditurus se cōferret. Cæterum necessaria tam abunde suppeditabatur, ut reliquæ superessent, idque regis sumptibus.

*Domo in-
cluduntur
& cur.*

Verum ubi se tam arcte custodiri cernerent, proregem de rerum suarum statu percontari voluere, quo ad suos reuerteretur. Prætorium tamen subire illis non licuit. Quocirca literas illi mittere decreuerunt, at eas nemo scribere ausus fuit. Scripsit tandem Omionconus, at perferre noluit; sed custodum præfecto easdem perferendas dedit; cui prorex hunc in modum respondit: Religiosis habitandi, fideique suæ promulgandæ copiam fieri non posse, nisi regium Concilium annueret: cæterum ad literas præfecti Manillani se propediem responsurum: ac deinde ad Philippinas illos reuerti posse; iterum vero in Chinam redire, cum Limahonum viuum aut mortuum secum asportarent: ac tum de fœdere, quod petebant, ineundo commode agere, ac religiosos, si regi videretur, ibidem commorari posse. Hæc paucis pro-

*Quid à Pro-
rege de re-
bus suis in-
tellexerint.*

rex. Hinc Religiosis omnis in China manendi spes defecit, & ad reditum comparare necessaria cœperunt, plurimis libris iterum coemptis. Tum prorex nullos ut imposterum libros emerent, edixit, gratis se quot vellent suppeditaturum; at obliuione forsân, vel aliam ob causam, promissis non stetit. Cum tamen ipse aliquot illorum, quos secum tulerant, libros postularet; quos inspectos remittebat; rogabatq; sua manu, ut aliquid exararent. Morem gerentes religiosi, Orationem illi Dominicam, salutationem Angelicam, ac Decalogum lingua Hispana, & ex opposito Chinenfi, magna illius voluptate perscribere.

Haud multo post omnes prouinciæ præfectos in Aucheam conuocauit, de rebus Hispanorum deliberaturos. Suane id auctoritate an regis assessorumq; regionum fecerit non constat.

stat. Varie hic vtramque in partem disceptatum; Hispanos tandem ad Concilium vocarunt, cui tamen prorex ipse non interfuit, nam præfecto Chinceano partes suas commiserat. Is postquam quæ aduentus fuisset causa, & quo in statu Limahoni negotia sub ipsorum discessu forent, aliaq; similia percontatus esset; eadem omnino decreuit, quæ prorex. Hoc comperto Hispani quamprimum abeundi à prorege sibi facultatem fieri postulant. Verum decem adhuc dies ibidem subsisterent, ille petiit. Inspector namque ac visitator prouinciæ breui adfuturus, literas miserat, ne ante suum illos aduentum dimitteret; se namque illorum videndorum desiderio teneri. Interim in publicum prodeundi interdum copiam illis dabat, tum ad urbem illiusq; mirandæ inspectanda, tum ad animum deambulatione relaxandum. Inter cætera lustrum illi militum ostendit, in quo viginti millia censebantur: singulis id mensibus eodem omnino die (quem nouilunium designabat) per totâ fieri prouinciam, didicere. Visitatorem, cum appulisset salutaturn abire: sublimi is confidebat sella, magna vultus seueritate grauitateque censoria; ante mensam charta, rebusque ad scribendum necessariis instructam. Hunc per vniuersam regionem ritum iudices ius administraturi seruant. Tum splendido illos excepit epulo, quod exhibitum condecorabat drama; priorum id epulorum splendorem superabat, cui, aliorum instar ipse non interfuit. Deducti dein ad ærarii regii præfectum, à quo benigne excepti; dabat hic munera ad præfectum Manillanum deferenda, in compensationem illorum, quæ ipsi proregi detulissent: sellam gestatoriam auro

*Ad redi-
tum se
parant.*

*Misera
Proregis.*

depictam, vmbracula serica bina, equum, quadraginta pannos sericos, ac viginti inferioris notæ. Tantundem & Salcedo misit, & ad singulos epistolas, binis capsulis scitissimis inclusas. Dedit insuper quadraginta pannos sericos variorum colorum inter milites, qui Limahonem obsidebant distribuendos, ac trecentas endromides nigras, totidemque vmbracula. Singulis etiam Religiosis pannos sericos octo, militibus verò qui comitabantur, quatuor, simul & duo vmbracula & equum ad iter agendum necessarium. Tum abeundi veniam concessit; utque quam citissime in viam se darent, edixit. Omnia namque ad iter parata iam esse. Proregi tamen ac vilitatori prius valledicerent.

Quo factò postridie profectionem adornarunt Chincheum versus, gestatoria sella delati, etiam serui & mancipia. Ita namque fieri prorex iusserat. Religiosos octophori gestabant, milites quaterni, seruos bini, quatuor & viginti sarcinas ferebant; præcedebat veredarius qui de commodo illis diuersorio prospiciebat; simul & alius, qui baiulos tum corporum, tum sarcinarum conducebat; nam sapius illi mutabantur.

Hoc pacto tandem Chincheum peruenire; sed non subistere: significarat namque præfectus, vltius ut progredierentur, & recta Tansusum, quo primum appulerant, peterent. Ibi enim se adfuturum. Vti & adfuit. Postridie quam aduenit, nauem ut conscenderent, edixit, quamuis nauicularii ad iter necessaria nondum comparassent. Erat namque nouiluniū; quo cœpta itinera, aliatq; inchoata feliciter successura credunt. Nauem dum conscende-

*Tansusa
naues con-
scendunt.*

scenderent, aderat ipse cum Bonziis, qui pro felici itineris successu sacrificia ritu suo offerebant: dein collationem parabat, in qua ipse ministrabat, cum ipsis & vescens & bibens. Prætoriam cum conscendissent, iterum Bonzii sacrificium instituerunt, quod in vesperam protraxerunt. Hoc peracto festa tormentorum naualium, ac bombardarum militarium displotione ac læto tympanorum, campanarum, que; quas naui vehunt, strepitu abeuntes prosecuti sunt.

Verum iterum naui egressi, in ciuitatem admisi sunt: postridie Chincheanus præfectus opiparum instruxit conuiuium, cui ipse interfuit conuiua. Quo nullum exhibere maiorem magistratus honorem possunt. Tum munera protulit præfecto Manillano & Salcedo deferenda, reciproca beneuolentia. Illi quatuordecim pannos sericos, huic decem misit; Religiosis quaternos, militibus binos dedit: seruis vero epidromides picturatas. Tum magna spondens, benignissime habitos dimisit: breui illos visurum se sperans, dum Limahonum conueherent, ac tum si forte minus pro dignitate excepti iam viderentur, errorem resarciendum. Præfectus ad sua abiit, relictis quinque ducibus, qui itineris futuri essent focii, vna cum Omoncono & Sinfaio, qui conuiuium postremo, Loytiarum vestiti insignibus, quæ a præfecto Chincheano pridie, ob magna in regem merita acceperant, interfuerunt. X I V. Septembris die, anno M. D. L X X V. nauem conscenderunt. Duas ad se, suos, ac sarcinas deferendas habebant naues; octo defensionis ergo comitabantur decem mensium instructæ commeatu.

*Munera
Præfecti
Chinchea-
ni.*

Quo

*Limahonus
fuga se sub-
ducit.*

Quo vero commoda secretaque foret nauigatio, singulis propemodum diebus ad insulam quandam diuertebant. Ad harum vnam cum appulissent, quæ Plonus dicebatur, è piscatoribus didicere Limahonum, nauigio è tabulis ex incendio conseruatis, quas de nocte ex arce flumini proxima, milites clanculo colligebant constructo se subduxisse. Cæterum tam occulte dextreque, vt non prius ab Hispanis id compertum sit, quam piratam ad remotam quandam fugisse insulam nuntiaretur, in qua naues restaurabat, quo iterum mare infestaret. Hæc piscatorum relatu cognita sunt, ac nonnisi ante octiduum fugam hanc institutam. Perculit inopinus hic nuntius Hispanos non minus, quam Sinas, ac præsertim Omonconum ac Sinsaium: quos subiit suspicio, Limahonum inter ac Salcedum occultum fœdus fuisse, & hoc conniunte fugam factam. Verisimile hoc nequaquam esse dixere Religiosi. Verum quod insula, ad quam Limahonus concessisse dicebatur, nonnisi duodecim distaret leucis, Omoncono ac Sinsai placuit eodẽ cursum dirigi, dum nullo eum opprimi posse sperant negotio. At repugnauit nauium præfectus, neq enim hoc sibi iniunctum esse, sed Hispanos dumtaxat ad Philippinas reducere, Limahonumque viuum aut mortuum, si darent, in Chinã auhere. Cœptum igitur iter profecti, haud procul à Buliano eadem de Limahono compererunt. Magis quam ante nuntius hic Omonconum & Sinsaium affecit; quod plane illius fugam non crederent. Verebantur quippe, ne si Limahonum in Chinam non asportarent, omni dignitate ac priuilegiis hoc solo nomine concessis, exuerentur. Tandem quadra-
ginta

ginta quinque dierum itinere emenso Manillam appulere, quos præfectus omni quo potuit est beneuolentiæ genere prosecutus; à quo simul & Salcedo intellexisse, nullum se inter & Limahonum colloquium fœdusque exstitisse: quem deinde nuntiatum est, reconcinnatis cymbis, quas in arce construxerat, & comœatu collecto, deserta longinquaq; in insula, mœrore confectum, quod è tanta potentia tam subito præcipitasset, exspirasse. Interim dum nauis præfectus omni obsequiorum festorumque apparatus obsequio delinitur, quædam illi fidei Christianæ capita per otium exposita sunt. Placere sibi eadem ostendit, atq; in Christianam religionem inprimis se propendere, eamque amplecti velle, nisi certo certius capitis illis sciret imminere periculum, qui aliam à patria religionem amplecterentur. Suggestit tamen præfecto Manillano commodas ineundi cum rege Sinarum fœderis ac fidei promulgatoribus regionem ingrediendi rationes; ab hac Sinas alienos non fore, si modo regis inflectere prius animum possent. Nullum porro huius conficiendi haberi posse viam aptiorem, quam si ab Hispaniarum Rege ad Sinensem, mutui fœderis ineundi, fideiq; Christianæ persuadendæ ergò, legati mitterentur. Quocirca sæpius Hispani, qui Philippinas incolunt, ab rege Hispaniarum, quam enixissime postulant, hanc vt legationem adornaret: hinc anno sequenti Philippo I I. omne P. Martini Herædii iter perscriptum misere; qui petita à se haud ægre facturum promisit. Legationis principem esse voluit Ioannem Gonsaluium de Mendosa, Historiæ Chinensis scriptorem; huic munera permulta dari iusserat ad regem Sina-

*Moritur
pro mœ-
rore.*

*Quæ Sinen-
sum con-
uertendo-
rum ratio.*

Sinarum deportanda. Sed parum lætum res habuit successum. Muneribus enim in Mexicā delatis, obstaculum prorex illius opposuit, ac legatum rursus ad regem Philippum destinavit. Propterea in aliud tempus dilata legatio, atque hætenus intermissa. Hac forsā via fidei semitam parare nolente Deo, sed alia, quam in arcano diuinæ sapientiæ consistorio decretoque constituit.

*Religiosi
Franciscani
Chinam
aduunt.*

Aliquot post annis Franciscani nonnulli Chinam adire, & ibidem commorandi, Evangeliiq; promulgandi facultatem à magistratibus impetrare conati sunt. Erant hi Petrus de Alfara, cum aliis tribus sociis eiusdem ordinis, è Prouincia Sancti Iosephi in Hispania; qui à nonnullis Capucini vocitantur; quod eandem seruent regulam, quamuis non eandem gestent habitus formam; asperitate tamen persimilem. Hic itaque cum Manillam ex Hispania, postridie Kalendas Iulias, anno M. D. LXXVIII. cum quatuordecim sociis appulisset, (quibus ipse cum imperio præerat Custodis, vt appellant) ad Augustinianis, qui soli hætenus Philippinorum conuersioni sedulo incubuerant, opem ferendam; vt erat honoris diuini, Ecclesiæque incrementi desiderantissimus, audito paulo post aduentum suum, Patrem Martinum Herradium in Chinam legationem instituisse, variaque de gentis docilitate diuulgasse, animum ac desiderium concepit, eodem penetrandi. Incitabat ad hoc illum Chinenſis quidam, olim in patria Bonzius, qui à Franciscanis ad fidem Christianam perductus, magna omnium gratulatione Baptismum receperat. A præfecto ergo Philip-

Philippinarum, Francisco Sandio, in Chinam transeundi cum facultatem peteret; indies dilatus est: displicere namque hanc sibi legationem clanculo ostendebat, tum quod prima illa, magna sui spe excitata, parum feliciter successisset, tum quod metueret, ne inita iam nuper cum Sinensibus amicitia, quæ solidas nondum radices egerat, hoc pacto dissolueretur, Verum Alfarius dilationis longioris pertæsus, præfecti iniussu, eodem cum tribus suorum, ac totidem Hispanis militibus, qui socii itineris futuri essent, contendere decreuit. Duxere secum puerum Chinesem, qui Limahono adhæserat, qui interpretis partes ageret, ac quatuor Philippinenses. Hoc comitatu actuariam mediocrem conscendunt; vix erat qui navis gubernandæ peritus foret.

Navem conscendunt præfecti Philippinensium iniussu.

Tandem tamen, Deo duce, paucis post diebus in Sinam peruenere; quam non sine singulari Dei beneficio ingressi sunt. Nam licet ad maris angustias, quas transire, multarum navium staret classis, quæ externos regno arceret, per medias tamen, omnibus insciis, iter direxere; nemo ut transitum impedierit. Panicum siquidem terrorem inieciſſe videbatur Deus iis, quotquot obuias habuerunt naues. Omnes namque etiam eminus actuaria conspecta, velut ab hoste pressa fuga se subducebant, cum tamen nonnisi vna esset navis. Cantonis tandem portum subiere, vbi locorum versarentur ignari. Nullus intrantes compellarat, aciam ad medium ciuitatis nullo vigilum impediēte penetrarant ad vsque prætorium. At quod diutius in foro agerent, & confluentium turba, qui externorum habitum curio-

Chinam sine ullo intrant obſtaculo.

ſue

fius infpiciēbant; circumcingerentur; à præfidiariis, veritis ne fomnolentiæ negligentiaꝝ arguerentur, nulla irrogata iniuria inde amouētur. Hic tamdiu præftolari iubentur, donec vrbs præfectum de illorum aduentu certiozem feciffent, atq; ille exfcendendi copiam dediffet. Accessit dein Chinensis, qui Lufitanicam callebat linguam; cumq; Lufitanos crederet, quid vellent, postulabat. Viam cœli se edoctum veniffe afferebant. Tum ille alium adduxit, qui Lufitanico etiam loquebatur sermone, & Christiano ritu viuebat: triennio namque cum Lufitanis in Macao cōmoratus erat. Hic cum eadem petiiffet, idem etiam responsum ab illis audiuit. Petebat dein, à quo huc deducti effent; à solo inquit Deo. Rursus num à nauibus angustias maris custodientibus, vllum paffi effent obstaculum. Nullas se vidiffe, respondēbant, & à nemine iter impeditum; quod ille non parum mirabatur. Consuluit dein vt ad nauem redirent, donec Mandarinos maritimos de illorum aduentu certiores reddidiffet, vt illi de re tota ad vrbs præfectum referrent. Paruere religiosi. Cumque ad tempus in nauī substitiffent; mox à Mandarino locum portui proximum ingrediente per famulum, qui tabulam depictam, qua facultas à præfecto concessa in terram exfcendendi continebatur, præferebat (neque enim illius iniuffu quemquam exfcendere fas est) euocantur. Tantam porro hic vultu grauitatem præferebat, vt non parum obstupescerent; præsertim cum intellexere; nonnifi inferioris notæ hunc magistratum esse. Vestem habebat, qualem descripsimus; & sublimi confidens sella, mensam ante se habebat rebus ad scribendum necessariis instructam.

A Mandarino euocantur.

structam. Vtrimq; adstabant longa serie lictores, arundines longas, quibus rei caduntur, gestantes: caput galea è nigro parata corio & pauonum exornabant pennæ, ac nummi fusiles; namq; hæc lictorum publicorum sunt insignia. In huius conspectum cum venissent Religiosi, in genu iubentur procumbere, ac deinde accedere propius. Tum per interpretem Chinensem Christianum petijt, cuiates essent, quid acturi venissent, quos itineris ductores habuissent? Castillas se dixere, id est, Hispanos (hoc enim à Sinenfibus dicuntur nomine:) deinde viæ salutis demonstrandæ, ac Dei veri cœli terræq; conditoris annuntiandi gratiâ se venisse: Postremo à solo se deductos Deo, & sine vlllo prorsus obstaculo ad hunc appulisse portum, cuius etiamnum nomen ignorarent. Primum vltimumque responsum vere retulit interpres; sed secundum mutauit dum credit, Mandarinum vbi illos ad aliam legem promulgandam quam passim in vniuersa regione seruaretur, venisse audisset, confestim illos ablegaturum, atq; ita sibi omne quod ab illis sperabat lucellum periturum; & forsan non minus illis quam sibi hinc imminere periculû; Dixit itaq; Dei se cultui dedicatos, victus asperitatē sectari, in communi, Chinenfium Bonziorum ritu viuere. Sed dum ex insulis Philippinis Illocas petunt, nauem qua vhebantur, tempestate diffractam naufragium fecisse, ac plerosq; vectorum submersos; se vero solos, singulari Dei protectione, nauigio quod maiorem nauem sequebatur, conscenso periculum euasisse; ac tandem, nemine ducente aut dirigente, quod omnes fluctibus merfi periissent, solum

Quid ab illis peteret, quidq; responderent.

Interpres responsa deprauat.

impellente, ad hunc appulisse portum, cuius etiam tum nomen ignorarent. Mandarinus instat ulterius, petitque, vbinam Sinam hunc nacti essent. Responderunt Religiosi, hunc Castellani cuiusdam in Philippinis agentis mancipium fuisse, atque ab ipsis in libertatem vindicatum, ut interpretis partes obiret. Verum & hoc responsum interpretes deprauauit, dum ait Sinam nauem quæ Luffonem petebat, conscendisse, illa vero pereunte, nando ad vicinam insulam peruenisse, atque hic octennio seruitutem seruasse, donec in nauigium hoc, quæ aquandi gratia ad hanc casu appulerat, admitteretur, quo tenderet ignorans. Tum quid naui deferrent, perijt Mandarinus. Duas, inquit, librorum sarcinas, ac sacrorum apparatus & instrumentum. Fideliter hoc interpretes exposuit; sciebat namque singula quæ primum excutienda. Nec distulit Mandarinus, omnia ad se delata coram explicari iussit. Et maioris securitatis ergo, ipse met nauigium subiit. Cumque nec arma, nec diuitias vllas (vti dixerant) in nauigio reperisset, meliore de ijs opinione concepta, omnem quam habuerat suspicionem abiecit, ac sine omni demisit maleficio, ne nauigio sine facultate egrederentur, indicens. Accessit dein & alius Mandarinus, maioris quam prior auctoritatis, à loci præfecto destinatus; qui nauigio inspecto nihil quod offenderet, reperit. Præfectum is de omnibus certiolem reddidit, qui mox per tabellam egrediendi urbemque intrandi facultatem dedit. Religiosi, Sinæ Christiani, qui interpretem egerat, ædes subeunt; qui honeste satis illos excepit, opem auxiliumque polli-

Urbem ingrediendi facultatem religiosi nati sunt.

pollicitus, ut in China commorandi facultatem nanciscerentur. Monuit vero, ne se Sinarum ad fidem conuertendorum gratiam venisse dicerent, usque dum res firmiori starent loco, & patriam nossent linguam.

In huius ædibus aram concinnant, in qua vnus Sacerdotum, ipso D. Ioannis Baptistæ festo die sacra peregit; ceteris viatico cœlesti magno animi gaudio refectis, nam ab eo quo decesserant die, ipso destituti vixerant. Eodem die ab alio euocati sunt Magistratu, qui eadem quæ ceteri interrogabat; at maiora benevolentia officia exhibuit, tactaque illorum propius veste, asperitatem illius demiratus est.

Hic accuratius ceteris religiosorum propositum intellexit. ait quippe interpretes, ad ægris succurrendum, mortuosque sepulturæ mandandos, illos appulisse. Tum Iudex fortiter manu mensâ percussâ maximis admirationis editis signis, ad astantes conuersus ait: Hem viros insignes ac laudabiles! si per me staret, petita concederem; sed omnis nostra potestas delegata est, & à maiori auctoritate dependet.

Dein diligenter excussos ad nauigium deduci imperat; ad proregem, qui triginta inde distabat leucis, litteras se in illorum fauorem missurum asserens. Quod & præstitit; prorex autem Aitano, cui ex officio in aduenas inquirere incumbit, rem omnem commisit. Laborare tum rerum inopia religiosi cœpere. Sina, namque ad quem diuerterant, viso omnem illorum pecuniam defecisse, aliunde sibi necessaria conquirerent, edixit.

*Mendicant
ostentim.*

*Interpretis
versutio.*

Vt igitur vitam traherent, quotidie bini, vicatim victum emendicabant. Insoliticum hoc Sinis, nullus hic namque mendicus. Magna tamen animi alacritate stipem conferebant. Præfectus vrbis, necessitate compertâ, è regio illis ærario quotidie tantum pecuniæ, qua se & socios alerent misit; vt ultra quotidiana onera, etiam non nihil superesset. Lusitani quoque, Macaenses, elemosynas aliquot misere. Non multo post denuntiât interpretes, iussisse Aitanum, vt ad suos proficiscerentur: at se, si modo videretur, libellum supplicem scripturum, Iudicibus offerendum; quo quod parum commodum nauigandi tempus esset, nauigiumque deesset, quo Philippinas peterent, ad trimestre aut summum quadrimestre de ædibus sibi prospici postularent, atque interim per otium se ad iter necessaria paraturos. Addebat, visa interim vitâ illorum sanctâ ac modestâ dandam forsan diutius in regno agendi, & sedis etiam figendæ copiam. Non displicuit Religiosis Sinæ consilium, libellumque hunc vt iudicibus offerret, petiere. Vocarunt vero illos ad se Iudices, quo ab ipsis, quæ vellent, ediscerent. tum præcipuus, ad quid domicilium hoc peterent, est percontatus. Ad patriam, inquiunt linguam perdiscendam, qua incolas veram Iesu Christi fidem edocerent. Dixit quidem interpretes (vti postea compertum est) ad patriam illos discendam linguam manere velle; at non addidit, ad fidem Christi promulgandam illius cognitionem dirigi. Cum vero ad hæc dicerent iudex petita se non posse concedere; subintulit interpretes, inconsultis Religiosis, aliud se non petere, quam tamdiu in regno commorari, do-

ri, donec Lusitani cum mercibus appellerent (instabat enim illorum aduentus) ac tum se cum illis, quod eadem lege viuerent, profecturos. Hic petere Iudexnum Hispani ac Lusitani eadem gens foret? Respondere vero P. Alfarius, in fide illos non esse distinctos, sed diuersis parere regibus, affinitate tamen sibi coniunctissimis. Postrema petitio æquior iudici videbatur priore, adeo vt ad proregem se scripturum diceret. Quod & præstitit, illiq; quid sibi, quid assessoribus hac dere videretur, perscripsit. Diutius æquo responsum distulit prorex: tandem mitti sibi religiosos cum omnibus quæ nauigio continebantur petijt. Proregis voluntatem, religiosis declarauit præfectus: qui Mandarinorum conscensis nauibus, quas insignes esse supra diximus, à magnæ auctoritatis viris deducti sunt, qui quidquid ad iter necessarium videbatur, procurarunt. Tringinta leucarum iter aduerso flumine quatri-duo confecere, in quo varia obseruarunt; imprimis bubalos arantes. Vnus siquidem bubalus aratrum ducens, hominem gestabat, qui fune annulo naribus indito affixo, animal velut freno moderabatur. Postridie quam appulere, ad colloquium proregis admissi, qui illorum conspectu non parum oblectabatur, simul & Iaspide nigro, quo in sacris celebrandis utebantur; cuius tantus erat fulgor, vt speculi instar rutilaret; quin & imaginibus ex omnigena ita concinnatis pluma, vt ad viuum illarum colorem exprimeret.

*Ad prore-
gem perue-
niunt.*

Vtrumque Mexicano deuectum erat regno, in quo huiusmodi aptantur imagines, ac Iaspidis huius magna est copia; capiebatur &

*Credunt si-
bi omnia
ex voto ac-
cessisse.*

*Cantonem
redeunt,
domo in-
cluduntur.*

aspectu librorum in Europa excusorum. Denique cognito ab interprete, nonnisi bimestri trimestriue spatio in China illos agere velle, donec Lusitani appellerent; ut ad vicarium (qui scripto quidquid ab ipso petebatur, haud inuite confirmabat) ait concederent, ac quid statuendum foret se definituros; spe data ex voto omnia conficienda. Vicarius ergo eadem cum intellexisset quæ prorex, (dixerat enim interpres nonnisi bimestri trimestriue illos in regno agere velle spatio; quod incommoda in Philippinas redeundi anni tempestas foret) non esse quod magnopere de hoc laborarent, respondit; sed ad quietem se latitiamque componerent. in hoc enim spatium ædes se subministraturum, ac nulla diuexandos iniuria. Retulit vero interpres, vicarium perpetuo quod vellent, in China manendi potestatem fecisse: quod illorum caperetur modestia vitæque ratione, quodque vtilis illos respiceret; interim patrium sermonem edicerent, quo incolas ad fidem Christianam pertraherent. Recreabat hic nuntius religiosos: credebant namque votorum se omnium compotes factos. Tum vale Vicario dicentes, latidomum redeunt, ingentibus Deo actis gratijs, quod negotium felicem ad exitum deduxisset. Tum salutatis hinc inde nonnullis, cum litteras à vicario obtinuissent, Cantonem redeunt; in itinere necessarijs quam abundantissime ex vicarij præscripto subministratis. Hic præfecto loci litteras obtentas exhibuere: quibus ille perfectis latari se ait, quod tantis à prorege affecti forent beneficijs, se vero in complendis ijs quæ litteris continebantur, nequa-

nequaquam defuturum : quocirca ædes illis regiasse mirutas in suburbijs assignauit. Pedem efferre tamen vetuit urbemque ingredi Mandarinorum iniussu. Ad plures hic dies perstitere, falsa spe inescati : mirabantur tamen copiam sibi non fieri vel extruendi monasterij, aut urbis introeundæ, ad promouenda ea quæ sibi concessa credebant. Tandem *Agnoscent* vero interpretis versutiam perspexere, qui *fraudē in-* propositum illorum numquam plane Mandarinis aperuit; magno sane illorum mœrore, *terpretis* hunc ut errorem emendarent, quæsiere virum, qui ex fide præfecto voluntatem illorum patefaceret : at nemo rem fuit ausus aggre- *di.*

Viso itaque tempus præstitutum elabi, quid agendum foret, inter se deliberarunt. Sed opinionum hic mira fuit varietas. P. Alfario namque atque alij religioso consultius videbatur Macaum, Lusitanorum urbem, quæ nonnisi viginti Cantone distat leucis, concedere; hic commodè Sinensem se sermonem posse addiscere, & commodam eodem redeundi occasionem, ad Euangelium promulgandum præstolari. Militibus visum fuit, ad Philippinas, vnde præfecti iniussu soluerant, reuerti. metuebant quippe supplicium, veniam tamen se facile impetraturos confidebant, si prima oportunitate eodem reuerterentur at si Macaum redirent, periculū esse, ne proditorum ac perfidorum instar punirentur.

Alij duo religiosi militum opinioni accedebant, dum sibi persuadent, nondum Deo visum, aditum Euangelij promulgatoribus ad Sinas patefacere.

At quod inter se opiniones dissiderent, in alium diem rem distulere, quam interim precibus Deo commendarunt feruentius; ut quod diuinæ voluntati foret conformius, statuendum suggereret. Verum iterū conuenientes, in sua quisque permanfit sententia. Interim tamen dum nauigandi occasionem expectant, vnus religiosorum Manillam redire cupientium, Cantone demoritur. Nam Mandarinis gradum adipisci volentium examini intentis, ac ludis, epulis, alijsq; ludicris tempus impendentibus (quibus quadraginta & quinque dies dedicarunt) opinato diutius subsistere coacti sunt. His tandem finitis, quisque quo volebat, regia impensa deductus est. Pater Alfarius cum socio Macaum, quo loco haud multo post suis, ex eleemosynis à Lusitanis collectis, monasterium construxit. Ceteri vero Manillam postridie Kal. Februarias, Anno M. D. LXXX. delati sunt. Hic duorum fuit itinerum exitus, quid dein contigerit, iam videamus.

Pars Macaum pars ad Philipinas rediit.

CAPVT XXII.

P. Michael Rogerius Soc. Iesu Macaum mittitur; cum Lusitanis Cantonem inuectus secus figenda à Mandarinis copiam obtinuit.

QUOD ab anno sæculi superioris vndequinquagesimo, B. Xauerij aliorumq; Sociorū opẽ vigilantiaq; Iaponia fidei lumen admisisset; ut, quæ illi felici auspicio inchoarant, non deficerent, sed indies magis ac magis crescerent, nouos interdum operarios in vi-

in vineam illam Christi mittere visum fuit. Quoniam vero Malacâ vel Goâ Iaponem petentes, aliquem sæpe Chinæ portum, ac præsertim Macaensem, ex quo Lusitani hic commercia instituere cœpêre, subibant; non raro fiebat, vt priusquam commoda in Iaponem trajiciendi daretur occasio, ad multos ibi hærent menses, & ex ordinis præscripto, prædicationi verbi Dei, sacramentorum administrationi, & alijs pietatis exercitijs, ad spirituale animarum emolumentum spectantibus, gnauiter incumberent. Hanc ob causam Melchior Carnerius Nicenus Episcopus, à Pio V. Pontifice in Iaponem ad munus dignitatemq; exercendam (cum in Æthiopia, quo missus erat oleum & operam perderet) destinatus, oportuno nauigâdi tempus opperiens, in hoc portu substitit. At hinc in cœlestem requiem, post varios ob Dei obsequium toleratos labores, quos supra retulimus, euolauit. Lusitani ergo, illius post mortem, à patribus Societatis in rebus animæ iuari dum volunt (vt in plerisq; Indiæ opidis fiebat) domum ijs ac templum, quamdiu hic agerent, exstruxêre. Hinc P. Alexander Valignanus, qui tum Indiæ Visitatorem agebat, tentandi occasionem cepit, num in Chinam aliquem Sociorum transmittere posset. Quamobrem Goa tres Macaum misit, qui sedem hic figerent, non vero, aliorum instar, inde breui emigrarent, vt & Lusitanis adessent, ac Sinensi sermoni gnauiter incumberent; quo, si forsan offerretur occasio, ad hanc prouinciâ suscipiendam aptiores forent, incolarumque profectui & conuersioni mox vacarent. Hos tres interfuit P. Michael Rogerius Neapoli in

Macao transitus est in Iaponem.

Melchior Carnerius Episcopus moritur.

Italia oriundus ; hic priusquam Societati nomen daret, iuris Doctor erat, & multis gravibusq; in rebus, etiam rep. regenda principi suo operam præstiterat. Rerum quippe valebat experientia, prudētia, ac singulari iudicio. Macaū cum anno vnde octogesimo appulisset, linguæ Senenſi addiscendæ totus incubuit; at q̄ ætate gravis esset, magnas eo in studio perſentit molestias: verum q̄ sedulo totum se ei daret, illius plusquā mediocrem cognitionē nactus est. Vt vero Mandarinū sermonem, qui vulgari habetur elegantior, & ab illo multū distat, perciperet, quotannis Cantonē cum Lusitanis merces suas vendituris, ac trimestri, quadrimestriq; hic agentib. spatio, se cōferebat. Antequā vero iter hoc susciperet, subita rerū exorta turbatio, omnē Socijs Chinam adeundi, spē adimere perpetuo videbatur. Anno siquidē superiori cum quidā Sociorum cum Lusitanis Cantonē profectus, adolescenti Bonzio nonnulla fidei mysteria aperuisset; tātum illi ardorem iniecit, vt vno post discessum sacerdotis mense, Macaū ipse ultro baptismi suscipiendi gratia venerit. Socij, perpensis quæ hinc sequi poterant incōmodis in Iaponē illum mittere decreuere, vt & melius & rectius edoceret. Non abnuī adolescentens; sufficienter ergo instructus Macaū redijt, vbi Baptismo lustratus est. Hæc ad patrem delata, cum essent, Mandarinos adiens suum sibi raptum queritur filium, & vi adhibitā ad Christiana illum sacra, à Lusitanis coactum. Omnes idcirco Lusitanorum merces, quæ Cantone continebantur, Magistratus occupant, quas distracturos se comminantur, nī adolescentē ilico suis restituant. Lusitani Macaū rem

*Adolescens
Bonzius
conuertitur.*

Parentes illi in reperiunt.

per-

perscribere, adolescentem remitti postulantes:
 at veriti Socij, ne neophytus parū firmas fidei
 radices egisset, & ad supplicia illius causa sub-
 eunda, animus constantiaq; deesset; adolescen-
 tem mittendū dissuadentes, Episcopo tradunt, *Episcopus*
 vt de illo p animæ incolumitate statueret. Lo- *reddi recu-*
 ci præfectus Episcopum cum adiisset, iuuenem *fas.*
 repetiturus, audiuit, tuta illū conscientia reddi
 non posse, ne q animæ periculum adiret: neq;
 enim fas esse, ouem luporum faucib. obijcere;
 nam periculum esse, ne à fide, in qua nondum
 stabilitus foret, descisceret, à se vero Deum ani-
 mæ illius rationem exacturum. Porro adole- *Adolescens*
 scens cognito, se omnium horum motuū cau- *mortem,*
 sam esse, vltro se stitit Episcopo Mandarinorū *subire pa-*
 minas se non morari asserens. sperare vero, vi- *ratum est.*
 res sibi à Deo constantiaq; datum iri, ad san-
 ctum illius nomen, etiam cum præsentissimo
 vitæ periculo, confitendum. Præsul adolescen-
 tis visa constantia, redeundi facultatem dedit;
 verum itineris se comitem dixit futurum. Can-
 tonem reuersus, illico comprehensus fustiga- *Flagellatur*
 tur, eo quod diximus modo, & ni Episcopum *ob fidei*
 mature Lusitani subduxissent, idem suppliciū *confessionē.*
 subiisset. Quatuor igitur ac viginti verbera
 neophytus pro fidei confessione nulla vultus
 immutatione, sed magna animi constantia sus-
 cepit; Mandarinos & omnes adstantes in ad-
 mirationem rapiens. Interim dum flagella-
 tur, rosarij sui crucem magna pietate exoscu-
 latur, sanctissimum Iesu nomen sæpius repe-
 tendo. Deinde iterū carceri mancipatur: sed fi-
 dem se admissam abiuraturū negauit, quamuis
 præsentissimum vitæ periculū adeundū foret.
 Interim aliquoties octogena illi inflicta ver-
 bera;

*In Exilium
pellitur.*

bera, sed animum infractum hæc labefactare, aut infringere non potuere. Sæpius illum Episcopus, qui finem tragædiæ spectaturus Cantone manserat, in carcere data oportunitate adiit, animumq; suggessit, ut pro Christi gloria cruciatus, & supplicia æquo animo sustineret. Tandem Mandarinum, cum operam se ludere cernerent, perpetuo illum multarunt exilio. Sed parui supplicium hoc faciens, cum Macaensi rediit Episcopo exultans, quod ad Christi nomine tolerandum supplicium dignus inueniretur. Recreabat inuicta adolescentis constantia Lusitanos simul & patres, sed tristior ingruens procella lætitiā omnem diluit. Huius namque rei occasione, Cantonis præfectus, quem Aitanum nuncupant, vetuit, ne quis Patribus imposterum Cantonem aditus pateret, sed proscriberentur. Verum ut præfectus hic magistratu defunctus est, P. Rogerius cum Lusitanis anno sequenti Cantonem petiit; cumque Sinenfis linguæ satis gnarus esset, re Deo ex animo commendatā, aleam iacere, & ut sibi in vrbe diuerforium assignaretur, tentare decrevit. Nouo igitur præfecto libellum obtulit, in quo munus, sibi ratione sacerdotij impositum, Deo scilicet quotidiano sacrificio litare, in mari nauique subsistendo, commode se exequi non posse, proposuit, exposcere se proinde à Magistratu, ut in vrbe tam diu agere, quam diu Lusitani in portu commorarentur, concederetur. Petita æqua iudicauit Aitanus, & illi domum iuxta suburbia assignauit. Illic ille oratorium temporaneum, in eoque altare excitauit.

*Obtinet P.
Rogerius
domicilium
Cantone.*

Huius rei fama per urbem sparsa, tantus hominum

minum ad nouum hunc Bonzium, (ita namq;
tum Patrem nuncupabant,) illiusque orato-
rium spectandum, fieri concursus, vt locus
non caperet, neue vnquam vacaret. Adfuere
inter hos etiam nonnulli minorum gentium
Mandarini, maiorum namq; accedere, initio
verebantur. Beneuolum se affabilemq; omni-
bus Rogerius exhibere, & quotquot spectatum
veniebant, omni obsequio delinire, itaque o-
mnium gratiam conciliare, vt dum disceden-
di tempus instaret, non parum ciues tristaren-
tur. Hinc cum anno sequenti reuersus, eadem à
præfecto postulasset, ædes longe ampliores,
quam ante nactus est. Suspicati vero sinistra
nonnulli, visâ Aitani in Rogerium beneuolen-
tiâ, muneribus illum à Lusitanis vel Rogerio
corruptum, prædecessoris sui decreta infringere,
passim calumniabantur. Hæc cum ad Ai-
tani aures peruenissent, Patrem ad se vocatum
rogauit, num patriam scripturam legeret. An-
nuit ille. Tum in charta exarauit, quæ Roge-
rium coram omnibus legi volebat. Hæc autem
scripsit; quoniam veri se Dei seruum diceret,
non dubitare, quin libere & intrepide, nullo
pudore aut metu præpeditus, rei sit veritatem
patefacturus: orare se proinde, vt coram omni-
bus declararet, num ad facultatē qua frue-
batur impetrandam aliquod, vel ipse, vel Lu-
sitani munus dedissent, pernegauit rem Roge-
rius, commentumque merum, & ab omni ve-
ritate alienum esse, coram omnibus asseruit,
non se vel Lusitanos aliquod præfecto huius
fauoris gratiâ munus obtulisse. Placuit Aitano
amplum de innocentia sua, Rogerij testimo-
nium; vnde paulo post ipse vna cum Conchi-
fuio,

*Præfectus
suspicionem
accepti mu-
neris incur-
rit.*

*Illius inte-
gritatem
Rogerius
testatur.*

*Ab alijs
Mandari-
nis maiori-
bus inuisi-
tur.*

finio, qui secundus à præfecto Mandarinus est, & iustitiæ administrandæ præest, comitanti-
bus dignitatis affectis Rogerij domum, orato-
riumque adiere. Placuerunt omnia, & ad maio-
rem beneuolentiam exhibendam inuitarunt.
Vt cognitū in ciui-ate Aitanū & Conchifuium
Patrem adiisse, illiusq; oratorium coram spe-
ctasse (res sane insolita) à pluribus frequentari
cœpit Mandarinis, qui illius se amicitia collo-
quioque gaudere demonstrabant. Ipse vero
Rogerius tam comem & affabilem omnibus se
præbuit, itaque sermone ad rem & personam
adaptato paruos simul & magnos delinuit, ut
illius indies magis magisque amicitia caperen-
tur, ac maiore beneuolentia & affectu virum
alienigenam prosequerentur.

CAPVT XXIII.

*P. Alphonsus Sanchius è Philippinis in Chinam con-
tendit, illius aduentu plena P. Rogerio, & in-
trandi & exeundi, quoties videretur, sit
potestas.*

EAdem qua P. Rogerius Cantone cum Lu-
sitanis agebat tempestate, Manilla appulit
Alphonsus Sanchius eiusdem societatis sa-
cerdos: maximi namq; momenti negotium
(quo de ad finem capitis agetur) Præfectus &
Episcopus Philippinus illi commiserant. Ne
vero ut explorator à Chinenfibus præfidiarijs
comprehenderetur, præfectum, Hispanum na-
tione, Gonfaluum Ronquillam de Penanbo-
za, rogauit; litteras sibi ad Cantonensem Ai-
tanum daret; quibus & luculentum sui testi-
monium daret, peteretq; ne quod sibi impedi-
mentum afferret, sed ut legatum susciperet Si-
nenfi

nenſi ſermone litteræ à duce quodam Sinenſi, qui tum in Philippinis inſulis agebat, cōſcriptę ſunt. Decimaquarta ergo Martij, anno M. D. LXXXII. Manilla profectus, poſt ſœdæ tempeſtatis discrimina, tandem ſexta Aprilis, in Chinæ conſpectū venit. Hiſpanū vt comparuit nauigium, omnes mox naues in fugam ſe dedere; mirantib. Hiſpanis, cum aliæ numero ſuperarent. Iter ſuum proſecuti, & oram legentes, ad anguſtum tandem ſinum delabuntur. Plurimę hic item ſtabant Sinenſium naues, ſed omnes, vti priores, fuga ſe ſubduxere, neu pri⁹ à nauigando ceſſauere, q̃ ingentis cuiuſdam fluminis oſtia, quib. portus imminet, ſubiſſent. Hiſpani repentina fugæ cauſam mirati inſequuntur, vt coram diſcerent, vbinā locorum verſarentur, & qua via Macaum curſus foret; Verum prius attingere non potuere, quā ſimul portum illū, qui ſemi patebat leuca, ſubirent. Mille quingētas hic viderunt naues, in his ſexcentas maiores, quæ oram velut præſidium tuebantur, atq; hæc erat cauſa, cur quas viderant ante naues tã ſubito ſe ſubducerent, vt de Hiſpanenſi nauigio claſſem certioſiorem redderent. Quæ vt externam hanc nauem portū inuehi vidit, tympanorum campanarumq; quas naui continēt, ſtrepitum excitat. In portus faucib. ſtabat nauis communibus Hiſpanorum nauibus maior, hæc tormenti globo nauigium petijt, ſed ſine villo proſus damno illē præteruolans omnib. metum incuſſit. Vela illico contraxere, & recta ad nauem curſum direxere, obſequium illi delaturi; nam prætoriam exiſtimabant. Interim rursus tormentum diſploditur, quo ſiſtere curſum iubebant, & vterius progredi vetabant.

P. Alphonſus Sanchez Chinnam adit.

In Claſſem Chinenſiū incidit.

Parue-

Archithalasso litteras suas exhibet.

Paruere mox Hispani: tum classiarum nonnulli è Chinenfi naui, nudatis gladijs in cymbam insilientes, Hispanum petiere nauigium. Accedere tamen propius non sunt ausi, licet P. Alphonsus signis nutibusque eos inuitaret; sed viginti distabant passibus. Cumq; adhuc sibi metuerent, se cum socio, vt in cymbam admitterent, rogauit. Quo facto cæteræ mox naues Hispanos cinxere. accessit tandem vasta quædam naus, cui cæteræ aliquod honoris signum exhibuere; nam Archithalassum, quem patria lingua *Supi* nuncupant, vehebat. Propius accedens Sanchius litteras illi præfecti Philipinarum tradidit, quarum hæc forma: Duces, Præfidiarii que Sinenses, si quis vestrum in Sacerdotem hunc incidat, sine vlllo maleficio indemnem sinat. nam à summo insulæ Luffonensis Mandarinio legatus est ad Aitanum Cantonensem. Est namque diuinæ legis promulgator, & quotquot socios habet, honestate commendantur: nulla ferunt arma, nec vllius maleficij patrandi ergo ad vos veniunt. Hisce litteris, quas lingua patria *Chapam* (id est, patentes) nuncupant, ab Archithalasso perlectis, alias quas ad Cantonensem Aitanum perferebat, petijt. Tradere se posse negauit Sanchius, quod Luffonensis Mandarinus in Cantonensis tradidit manus illas mandasset. Placuit Supio responsum, & mox nauem nigro extinscus tinctam vernice, aureisque hinc inde picturis variegatam conscendit. Duces aliquot, interea dum Supius Mandarinus sumit insignia, cum patre Alphonso loquuntur, ac paulo post in prætoriam illum deduxere. Porro tametsi naues hæc vastæ, magis ad splendorem, quam robur

bur compositz sunt: intrinsecus namque elegantia, capaciaque habent atria, & vnum duci destinatum. Ductus in prætoriam Alphonsus ad Supium in sella confidentem, & toga rubea eaque serica, antrorsum leonibus opere Phrygio exornata indutum. Ante sellam mensa erat serico panno, vndiquaque fimbriato instrata. Duces ac milites atrium ingredienti- *Loquitur*
Archisba-
lasso in ipsi-
us nani.

Vix effluxerat hora, quin tres ducēs, quidquid nauigio aduectum erat, describerent, ne minima quidem recula præterita. Mouit hoc Alphonsum sociosque, cur hæc fierent ignaros. Verum vbi rei huiusce causam cognouere, metum excussere. Solent namque Sinae hanc descriptionem facere, ne quid aduenis furto surripiatur. In quo adeo religiosi sunt, vt etiam chartulas obsoletas lacerasque, etiam ligulas describere turpe non ducant, quem deinde indicem ad Mandarinum mittunt, qui cum aduenam agere oportet. Si quid surreptum aut amissum fuerit, in ducem à quo deducitur, grauiter animaduertitur. Indice ad Supium delato, iterum Alphonsus euocatur, à quo varijs de rebus interrogatus, benigne dimittitur, vtque diligens illius sociorumque haberetur ratio, mandatur. Idcirco bini per varias disperguntur naues.

Consuetudo
laudabilis
Sinarum.

Mirabantur rem insolitam Hispani, credebantque se hoc pacto velut captiuos consti-

*Quomodo
in naui a-
gantur ex-
cubia.*

tui. Sed longe secus se res habebat. fiebat namque, vt diligentiores illorum rationem duces haberent; vti etiam habuere. nam cœna lauta eos excepere, ac nocte tota excubias egerunt. Excubiarum autem naualium hæc est ratio. In prætoria ingens campana est, in cæteris nauibus minores: vbi hæc pulsus dederit, cæteræ mox respondent; eodemque tempore tympana per singulas naues strepunt. Si per multæ sint naues, ingens sane editur sonus: singulis porro horis signum hoc repeti solet, vt vigilare illos constet. Insomnem noctem cum traduxisset Alphonsus; vbi illuxisset, Supium adit de exhibito sibi sociisque officio gratias acturus. quem Supius benignius quam pridie allocutus, multa per otium sciscitatus est, ac deinde comiter dimisit. postridie, quæ dies erat palmarum sacrarum officio venerabilis, singulæ naues quatuor iam inde ab exortu diei, extulere aplustria, aliæque vexilla complura. tum classiarum exscensione facta, ante arcem vicinam è viuo structam lapide insignibus militaribus induti, (sagulo scilicet flauo eoque serico) lustrati sunt, & quam scitissime bombardas displosere. In aduenarum forsam gratiam hoc lustrum conditum, tum ad dignitatis ac muneris sui amplitudinem, tum ad militum dexteritatē ostendendam; forsam etiam quod dies is lustro designatus esset. nam huiusmodi lustra, toto regno nouilunij tempore condi diximus. lustro peracto, tres ad Alphonsum venire duces, à Supio abeundi, concedi facultatem nuntiantes: verum priusquam valediceret, quod angustum Hispanorum cerneret nauigium, quo laxius essent, tria alia suppeditauit.

Supius abeundi dat patri veniam.

uit. Illo igitur die nauem conscendere, & ad sequentem vsque vesperam nauigarunt. Tum conductor in terram eos iussit descendere, quod haud procul à littore horti forent iucundissimi, & ad amœnitatem concinnati. Iterum dein naue conscensa, ad vsque vesperam feriæ IV. hebdomadæ sanctæ nauigantes, tandem portum subire capaciorem, munitioremq; eo vnde venerant. Altissimis namque circumsecus cingebatur montibus; hic maior etiam instructiorque stabat classis, quam prior; eodem tamen apparatu. Vt naues & nauigium Hispaniense portum subiissent, præsidarij festo bombardarum boatu aduenas excepere; qui mox in Mandarinis cuiusdam nauem deducti sunt, à quo benigne habiti ac de varijs reb. interrogati, dein in terram iussi descendere. Erat in portus huius extremo opidum, & arx munitissima, in qua sedem Chumpinus (id est, pri- *Chumpin.* marius totius regni Archichalassus, qui *primarius* omnibus classibus præsidet) habebat; quod o- *Chine Ar-* mnium is portuum foret commodissimus. *chithalassus.* Chincheanum esse crediderim. Arx à littore, in quo discenderant, duobus tribusq; distabat sclopeti iactibus: vtramque ripam præsidarij, telis, hastis, sclopetisque instructi prætexebant, quæ prætergresso Alphonso sociisque displodebant.

Deinde ad vsq; arcem perducuntur: primam postquam subiissent aream, *Vpŷ*, id est, lictores publici, ingentem & horrendum sustulere clamorem: mos siquidem obtinet, vt, externo cum maioribus Mandarinis agente, tam intense vociferentur. Duplex hic armatorum stabat series, in secunda item area; sed

hi prioribus erant instructiores: in tertia vero duplex ordo Mandarinorum militarium, ducum, ac centurionum, gladijs instructorum & galeis communitorum. accedebant & alia dignitatis insignia. Septuaginta Chumpinus inde distabat passibus, velut in oratorio, quatuor fulto columnis, nigro Charano inductis, à tertiae aere vestibulo ad vsq; oratorium ingens interiacebat atrium, quod vtrinq; porticus exornabat, in qua sedilia constituta, velut iudicium subsellia. Nemo per medium illius transibat præter Chumpinum, cæteri per latera egrediebantur & ingrediebantur.

*Alphonsus
Chumpi-
num allo-
quitur.*

Hoc in atrium cum Alphonsus & Socij peruenissent, duces militares, à quibus deducebantur, in genua procubuerunt, & capite solum ferientes, dixerunt, aduenas Chumpinum conuenire velle. Quos ille iussit accedere, sed cum vicenis quindenisque abessent passibus, in genua item procidere iussi sunt. Interuenit deinde interpretes, qui Hispani sermonis vix peritus, quid Alphonsus socijque vellent, haud intelligeret, nec vicissim ab illis intelligeretur. Offendit Chumpinum hominis ineptia, ingentique clamore sublato, mensam ante se positam manu percussit. Duces militesq; qui haud procul aberant, accurrentes, in genua protoluti, inclinatoq; capite, quid vellet, postulabāt, sed paucis allocuti ad stationem redibant. Vocatus dein alius interpretes, Philippinis oriundus, quem secū Alphonsus duxerat, & Sinensis linguae vtcunque peritus erat. Verum quod petita vix intelligeret, in reddendis ijs errabat. Quo viso ab interprete accedens petit Alphonsus, quid interrogaretur. Chumpinus, dum illos

los inter se mussitantes, loquentesque videt, *Mala de illo concipitur opinio sed purgat se.*
 malum cœpit suspicari, sublataq; voce iterum manu mensam percussit. Tum quotquot in arce versabantur nudato ferro aduolarunt, Alphonsum vna cum interprete extra atriū trahentes. Intellexit ilico Alphonsus, sinistram Chumpini opinionem, quam vt animo euelleret arcæ, qua litteræ patentes continebantur, clauis protulit, quæ, qui qualesque forent, patefacerent. Allatas litteras Chumpinus cum perlegisset, meliorem mentem induit, perq; priorem interpretem denuntiat, nihil de illis sinistri se cogitare, probitatis illorum sufficiens iam testimonium habere, & crastina illos die Cantonem dimissurum.

Nox erat, antequam arce discederent, tum per varias dispersi naues eodem excepti sunt modo, quo apud Supium. Cum illuxisset, litteræ Chumpini allatæ, ac data abeundi facultas, quando alluberet; perque hūntium de viatico illis se prospecturum indicauit, oriza videlicet, suilla recenti, & artocreis ac malis aureis. Mandauit insuper, vt tres illis ad comitatum tribuerentur naues, quæ Cantonem vsq; *Cantonem abijt.*
 deducerent.

Secundo Paschatis die mane, nauem conscenderunt, cumq; iuxta Ancheum exscendissent, à Mandarinis quodā per terram iter post ridie faciendi copiam impetrarūt. Hoc in portu hæserē nauarch⁹ & nauicularij, quos Chumpinus dederat, simul & illi qui Manilla Alphonsum deduxerant; tres duntaxat suorum ac Mandarinum militarem cum aliquot militibus, qui in comitatum designati erant, secum sumpsit Alphonsus. Hisce comitantib. per flu-

men nauigationem instituit, in qua quindecim diebus, & quatuor alijs terrestri itinere impensis, ad aliud flumen, quod à sale nomen habet, peruenit.

Aliquot dies cum hoc in flumine egissent, ad urbem tandem appulit, quæ diei à medijs itinere à Cantone distat. Hic nouæ exortæ difficultates. At Mandarinus cognito à conductoribus, quales aduenæ forent, & vnde venissent, humane habitus, quamprimum ab se dimisit, additis comitibus, qui Cantonem vsq; deducerent. Aitanum (quæ prima à proregedignitas est) hic se reperturos dum sperant, in via cognouere, Tanqueni illum versari (erat vrbs hæc in itinere sita; atque hic remi & gubernacula nauium, dum quiescunt, afferuantur, & noua fabricantur.) Mandarinus, qui Alphonsum deducebat, præibat, & Aitanum de aduenarum aduentu certiores redderet.

*Tanque-
num vrbs
ubi Aita-
num repe-
rit.*

Oblectabat se hic, tum in flumine urbem præterlabente, nauis quales Mandarinarum visibus cedere supra diximus, vectus; festo tibiærum buccinarumque strepitu resonante. Alphonsus ad illud nauigij latus, quo Aitanum agere credebat (neque enim videbatur; nam cortina serica visum impediēbat, singula tamen ipse facile despiciere poterat) morē patriæ in genua procumbens, loqui cœpit. Reduxit cortinam Aitanus, qui in elegantissimo cubiculo sellæ insidebat, purpurea indutus toga.

Litteræ præfecti Philippinarum cum perlegisset, patrem Alphonsum magna à se beneuolentia dimisit. Interim suum in flumine iter

pro-

prosecutus, cum in urbem redisset, patri literas ad Conchifuium Cantonensem (est hic velut iudex primarius, ac totius provincie præses) dedit, aliumq; illi Mandarinum, qui comitaretur, assignavit.

Postridie ergo Tanqueno soluit, & postridie Kalendas Maij Cantonem peruenit, flumine quod urbem alluit, vectus. Mandarinus ductor, hoc in flumine commorari Lusitanos nonnullos ait, in suburbijis vero sacerdotem, ad quem, si quod honorarium daret, se ducturum spondit, à Lusitanis illi satisfactum iri respondit Alphonsus, neque enim pecunias sibi abundare. Promissis se fidere Mandarinus ostendit, & ad Lusitanorum illum navis perduxit. qui visis Europæis, cymbâ egressi, illorum sunt aduentum gratulati, inter quos erat P. Michael Rogerius, qui tum forte ad Lusitanos diuerterat.

In mutuos vterque ruit amplexus, & alter alterius fuit aspectu mirifice recreatus. Mandarinus vero, qui Patrem Alphonsum deducebat, optatum colloquium abrumpens, ut ad Conchifuium pergeret, incidit; ita ut diutius inter se agere non potuerint: ignorabat siquidem Rogerius, capti ne essent, nec ne: omnes tamen ad vsque Conchifui ædes comitati sunt, verum intrare prohibiti. nemo namque ingreditur, nisi vocatus. Alphonso socijsque ingressis omnes mox occluduntur ianux, dein sesqui hoc effluxit tempus, antequam intro vocarentur.

Ita namque Mandarinum præsertim cum advenis, ad auctoritatem dignitatẽq; ostentandã

*Conchifuuii
Cantonem
allo-
quitur.*

agere solent. Admissus ad Conchifuuium Alphonso sellæ insidentem, reuerentiam & honorem exhibuit, quem ille vicissim læto excepit vultu. erat enim humanus & affabilis, quamuis adolescens, atque hoc nomine passim apud Lusitanos bene audiebat. Cumque iam Alphonso litteras daturus esset, nuntius adfertur, Chapenum, id est, Visitatorem ac Censorem provinciæ, adesse.

Moris autem est, vt illis venientibus Mandarinum omnes officij gratia occurrant, ac triduo portæ vrbs occludantur. Cognito ergo Visitatorem adesse, Alphonsum sociosque à se dimissos, alterius Mandarinum curæ committit: à quo in ædes P. Rogerij deducti sunt, qui de Alphonso inprimis sollicitus erat. Verum ubi ad se illum venientem vidit, incredibile fuit gaudio perfusus; vti & Alphonso, dum angusto hoc in loco Socium reperit. Aperuit interim Rogerio itineris sui causam, ac quæ Lusitanis Macaensibus denuntianda in mandatis habebat: vt scilicet persuaderet, vt Philippo secundo Hispaniarum regi (Cardinali Henrico, qui Sebastiano successerat, iam defuncto) obedientiam, velut Lusitanæ regi, præstarent, cuius rei litteras testimoniaque amplissima ostendebat. Horum vero nihil Lusitani, qui Cantone versabantur, & Sinenses intellexere: verum ad visitandos Socios Macaenses Alphonsum venisse arbitrabantur.

Triduo exacto reserantur vrbs portæ, ac tum à Conchifuio ipse & socij euocantur, qui quales forent, & quam ob rem aduenissent, exposcit. Interea vero dum petitorum rationem redderent, subito accessit Mandarinus

finis

Mandarinus qui alio in loco illos examinarat, illorumq; litteras perlegerat: nullam hic difficultatem ac periculum subesse libere confessus est, ac planum de Alphonſi Sociorumq; innocentia & integritate testimonium dedit. *A Conchifuiſio ſententiam* quocirca hunc in modum litteras expediunt: *petitam ob-* tines hi Macaumi proficiſcuntur ad Socios, qui eamdem proſtentur regulam, inuiſendos; arma non gerunt, nemini iniuriam irrogant; quocirca liberum illis iter indulgeo. hoc ſolo plectendi nomine, quod Aitano litteras perbreues attulerint, petita ſua ſupplici libello nō expoſuerint, & illius hoc pacto dignitatem viſi ſint violaffe. Verum quod aduenæ, & patrias leges ignorant, veniam delicti concedimus. Eamdem poſt ſententiam Aitanus confirmavit. verum quod à Tutano ſive prorege confirmari eamdem oporteret, Xauquinum mox eadem tranſmiſſa. Hæſit interim Cantone Alphonſus, donec Macaumi diſcedendi Xauquino facultas appuliſſet. At quod ilico litterę non mitterentur, nouus exortus turbo negotium omne propemodum inuertit, hoc quo ſequitur modo.

Tutanus, ad quem Conchifuij ſententia tranſmiſſa erat vt ſignaretur, & iam nuper dignitatem adierat, eodem tempore à Luſitanis quæritabat, quo iure auctoritateve Macaenſe emporium occuparent. Aſſertur interim ſententia Conchifuij; aderat tum Chinenſis, qui Luſitanorum Cantone agentium agere ſolebat interpretem, euocatur à Tutano, vt hac de re inquisitionem faceret. Petebat Prorex, quales eſſent qui Macaumi iam pergerent: tum interpres, quod aliter quam oporteret de re

*Prorex præ-
fectum Maca-
ensem e-
videns.*

comperisset, vel quod Hispanos odisset; esse ait, Castillas quosdam prædones, latrones, & exploratores, quos Chinenfium bram exploratum venisse vulgo ferebatur: aliaq; in illos crimina depromebat Tutanus, qua erat prudentia, Mandarinum ad præfectum Macaensem destinat, vt quamprimum se fisteret, sui omniumq; Lusitanorum causam acturus. Perculit Macaenses rei huiusce nuntius, initoq; consilio statutum est, præfectum non mittere, sed alios eius loco, Auditorem nempe, ac Iudicem cum P. Rogerio qui Cantone tum agebat. Hi ergo Xauquinum ad Tutanum (qui superbe admodum & arroganter illos militum præsidio cinctus excepit) cum peruenissent, acriter correpti sunt, quod Tutanorum iniussu, hoc in emporio sedem fixissent, domos & templa erexissent. Quem viri furorem Rogerius & Iudex modesto responso fregerunt; Lusitanos sc. Macaenses hætenus fidum Sinarum Regi obsequium & præstitisse & præstare etiamnum paratos, illiusq; se excellentiam vt dominum ac tutorem agnoscere; orare se proinde, sua vt auctoritate ac beneuolentia misellos tueretur. Studio modestiam hanc ac submissionem induit Rogerius; norat namque Mandarinos gloriæ percupidos per magni facere, si quis subditum se illorum fateatur, illorumque potestatem & auctoritatem agnoscat. Hinc, priusquam Xauquinum se conferret, cum Macaensi egerat Iudice, quid respondere & quo in difficili hoc negotio procedere oporteret modo.

*P. Rogerius
& Iudex
Macaensis
Tutanum
adeunt.*

Quod prudenter admodum excogitauit, & felicius successit. Tutanus namque humili
hoc

hoc responso, ita de repente mutatus fuit, ut illorum rebus fauere, causamque agere ab eodem tempore coeperit; uti suo videbitur loco: *Molli respo-*
 ac Lusitanorum se parentem ac protectorem *sponso illius*
 futurum sponderit; & utrique insignem o- *mollium d-*
 ftenderit beneuolentiam. Nam litteras P. *numum.*
 Rogerio dedit, quibus illi Chinam intrandi
 exeundique dum luberet, facultatem conce- *Magnis*
 dit, nullus ut impedire aut contradicere au- *donantur*
 deret. *ab eo priui-*

Quod haftenus toties, sed frustra, magnif- *legia.*
 que laboribus, petitum erat. Dedit insuper
 copiam, ut Cantone publice domum sibi com-
 pararet, in qua oratorium omnibus adire vo-
 lentibus excitaret; denique Xauquinum se *Alphonso*
 conferendi, ad Tutanum quoties alluberet, *libera ab-*
 conueniendum. Rogerius visâ Tutani libera- *eundi da-*
 tate ac munificâ propensione, actis illi ingen- *tur facul-*
 tibus ob tanta beneficia gratijs, ab illo insu- *tat.*
 per conceptâ fiduciâ, petere præsumpsit, ut
 Castellis Cantone agentibus Macaum trans-
 eundi copiam faceret.

Tum Prorex, si vadimonium pro illis, &
 alijs qui Anchei cum nauigio remanserant,
 præstare voluerit, nullum ut inde secutu-
 rum sit damnum aut detrimentum, haud
 illam grauare se facturum. Paratissimum
 vero ad hoc cum se Rogerius ostendisset,
 Alphonso ceterisque Hispanis libera Maca-
 um pergendi potestatem dedit, Conchifuij
 decretum signando. Rogerius ergo & Iudex
 Cantonem reuerſi Conchifuio Tutani lit-
 teras pro Alphonso socijsque cum attulif-
 sent; illius animum maleuolis nonnullorum
 crimi-

criminationibus adeo exulceratum offende-
runt, vt abeundi veniam prorsus denegaret;
donec in genua procumbens Rogerius palam
asseruisset, sui Ordinis esse religiosos qui huc il-
lucq; diuinæ legis docendæ gratia orbem per-
agrarent. Quibus ille sermonibus delinitus,
Tutani litteras tandem obsignauit. hoc enim
ni factum fuisset, frustra fuissent cetera. Omnes
igitur VI. post Dominicam SS. Trinitatis feriâ
Cantone soluentes, ad finem Maij, anno M. D.
LXXXII. Macaum peruenere. Hic P. Alexan-
drum Valignanum, qui Societatis Iesu in In-
dia etiam tum Visitatorem agebat, reperere;
cui P. Sanchius omnem itineris sui causam per
litteras significarat; sua vt prudentia Lusi-
tanorum animos ita præpararet, vt quæ in
mandatis habebat quodammodo præciperent
ac præcoquerent. Valignanus ergo paulatim
ijs proposuit, fieri forsan posse, vt Lusitaniz
corona in Castellanam coalesceret. Acerbum
hoc & crudum Lusitanis videbatur, ac penitus
perdifficile: at paulatim Deo directore moto-
req; vnionem hanc fieri posse sibi persuasērunt.
Appellit interim Sanchius, qui primoribus rei
seriem patefecit, præstito prius iuramento, ne-
mini vt quidquam horum declararent, donec
omnibus simul manifestaretur. Ceterum viso
diuinæ hos se voluntati rerum momenta nu-
tu suo libranti ac moderanti attemperare, sub
vesperam omnes in collegium Societatis con-
uocauit; intererat hic item Macaensis Antistes,
P. Valignanus, & nonnulli Sociorum, simul &
dux ciuitatis primarius cum quatuor Consuli-
bus, ac senioribus potentioribusq; ciuium. Tū
Sanchius omnibus hic in vnum collectis palā,
decla-

*Omnes
Macaum
perueniunt.*

*Agunt de
negotio ob
quod P.
Sanchius
generat.*

declarat, Lusitanicum & Castellanicum imperiū in Philippo secundo Hispaniarum rege coaluisse, paucis quæ in vnione hac contigissent, nullā bellorum mentione factā, perstringens. Protulit adhæc litteras, è quibus constabat, primarios Lusitanicæ nobilitatis viros in Philippi regis nomen, iuramentum præstitisse: cui optimo iure, iuxta doctissimorum Iurisperitorum & celeberrimarum totius Europæ vniuersitatum sententiam, Lusitanicæ sceptrum debebatur. Deprompsit insuper rationes aliquot, quibus vnionis huius equitatem & emolumentum probauit: vt nemo non diuinæ circa hoc dispositioni acquiesceret, & nouis etiam rationibus vnionis huius commoda celebraret, qua tam potentem Monarcham in regem nacti sunt; adeo vt omnes obsequium illis obedientiamq; iuramento sponderint. Quo facto, prima festi quod instabat solennitate Valignanus ad populum verba habens, quid decretum illa vespera esset, publice aperuit, rationesq; produxit, quibus vnionem hanc vniuerso auditorio velut vtilē persuaderet. Id ipsum & alio in cœtu fecit Collegij Rector, & tandem etiam P. Sanchius; vt ciues omnes Regi suo obedientiam iurarint. Porro de tota rei serie petitis litteris, Sanchius ad Philippinas rediit. Illius autem iter hic inferere volui, tum quod multas Chinenſium consuetudines & mores contineat, tum quod illius occasione ea quam diximus P. Rogerio data sit facultas; quæ Sociorum in China ingressus & sedis initium fuit: qui firmiores paulatim hic radices

*Lusitani
Macaenses
obedientiā
iurant Re-
gi Philippo.*

egere, vt è sequentibus fiet manifestius.

CAPVT

CAPVT XXIV.

*P. Rogerius sibi aliisque Socijs Xauquini domicilium
figendi à Tutano facultatem obtinet; hinc ad
tempus demissi, reuocantur.*

Rogerus & Iudex Macaum cum reuertissent, & primarius ciuitatis dux acciues Tutani beneuolentiam & officia exhibita comperissent; placuit per Iudicem donum aliquod totius reip. nomine Tutano deferri, & Rogerium socium illi adiungere, cum tam eximium erga illum affectum declarasset. Verum quod Rogerius, dum itineri se accingit, in grauem incideret morbum, comitari nequiuit, adeo vt solus Iudex in viam se dederit. Rogerius tamen Tutani beneuolentiam & amorem fouere gestiens, per Iudicem illi perspicilia vitrea, quæ Sinenses permagni faciunt, misit, mox vt meliuscule habere inciperet, Chinam se aditurum spondens, & horologium, quod illi seruarat, secum allaturum.

Tutanus ergo è Iudice cum de Rogerij inualetudine didicisset, indoluit; gauisus tamen quod sui memor. Quocirca Iudici indixit, vt, dum ad suos reuerteretur, suo nomine Rogerio salutem precaretur, & diceret, vt cum per valetudinem liceret, ilico Xauquinum ad se excurreret. At quod post Iudicis discessum, Rogerium longiorem moram trahere videret, Valignano scripsit, vt Rogerium, mox vt sanitati restitutus esset, in Chinam venire fineret; incredibili se namque illius videndi desiderio teneri. Huic epistolæ patentes inclusit, quarum testimonio Rogerius libere in Chinam traijceret, & cum vellet Macaum reuerteretur, nullus vt obstaculo foret; argentæ hæerant

*Lusitani
Macaensis
Tutano dona
mittunt.*

*P. Rogerius
perspicilia
misit.*

*Tutanus
Rogerium
ad se reuo-
cat.*

rant inscriptæ laminæ , duorum palmorum longitudine , vmbonis in morem efformatæ. Litteris his Macaum perlatis , oblatam hanc cœlitus occasionem , quæ Missioni Chinenfi auspicium daret, negligere visum non fuit. Decretum igitur , vt Rogerius confestim se in viâ daret: cum itaq; ad iter necessaria comparat , Chinenfis Macaum nauis appulit à Tutano ad Rogerium transuehendum missa. Decimo octauo igitur Decembris die anno sæculi superioris octogesimo secundo hanc conscendit, vna cum Francisco Passio eiusdem Societatis sacerdote, & alio quodam, qui nondum sacris erat ordinibus initiatus, & adolescentibus aliquot Sinensibus, ac pridie natalium Christi mane Cantonem appulit. Hic toto egerunt die, quin & sequenti, quo maiori pietate Natiuitatis Dominicæ solennia celebrarent, ac triplex pro more Ecclesiæ sacrificiū offerrent, quo Deum pro felici itineris successu rogarunt. Tri-duo post Xauquinū perueniunt; ac mox excē-
sione facta Tutani Secretariū adeunt; qui Rogerij fuit aduentu mirifice recreatus. Petebat hic, cur duos se cum socios duceret, cū solus ipse à Tutano euocatus esset. Tum Rogerius, se ex ordinis religiosi instituto, non nisi necessitate maxima exigente, numquam nisi binum egredi consueuisse; ideoq; duos ordinis sui viros adduxisse, quorum vnus comitaretur, cum ad Tutanum aut alio se conferret; alter vero domi interim ageret, & in incidentes occasiones excubaret. Satisfecit hoc responso Secretario, à quo postridie ipse cum Socijs ad Tutanum, qui tum in prætorij sui, vbi ius dicere solebat area versabatur, deductus est. Accessere mox Patres

*P. Rogerius
cum socijs
Xauquinū
venit.*

*Tutanum
adiit vna
P. Passio.*

Patres reuerentiam genu curuato exhibituri, vt patriæ fert consuetudo. Sed quamprimum iussos surgere, propius accedere voluit. Dein magna familiaritate de P. Rogerij sciscitatus est valetudine; vultus namque pallidulus nondum plane confirmatas arguebat vires. Addidit mox Lusitanorum se amicum esse, & Aitano ac Mandarinis imperasse, vt in omnibus illis quam libentissime auxilium opemq; præstarent.

*Domiciliū
petit.*

*Obtinet, in
quo adicu-
lam parat.*

*Offert ho-
rologium
Tutano.*

Egere gratias Patres ob singularem hunc aliosque beneuolentiæ affectus, & valedicto benigne admodum ab eo dimissi sunt: adiere deinde Secretarium qui officijs etiam cum Tutano certabat, & indies maiorem animi propensionem ostendebat. Huic aperuere, se dum in flumine commorantur, munus Sacerdotij sui commode exequi non posse; quotidianum sc. Deo cœli sacrificium offerre, vti Macai consueuerant. Adhæc attulisse se Tutano horologium quod in terra adaptari oporteat; rogare se proinde vt apud Tutanum agerent, domiciliū sibi vt assignaretur, in quod se reciperent. Dictum factū; & ædes illis datæ; in quibus erecto oratorio Kalendis Ianuarij anno M. D. LXXXIII. sacrum celebrarunt. Eodem ipso die munusculū à Tutano transmissum, farina sc. & oriza, & suilla recēs, binę gallinę & anates; & à Secretario cōdimenta nonnulla & electuaria: postea quoq; cōuiuio adhibiti. Interim, horologiū adaptāt, & adaptatū post diēs aliquot Secretarij operā Tutano obtulere. Miratus artem & industriam Tutanus serico panno vel pecunia ipsum soluere voluit. at recusarunt Patres in grati animi signū & beneficiorū collatorū gratiam hoc se debe-

debere asserentes. Petere se dumtaxat, illius ut bona cum venia domus, quamvis exigua, tuta daretur; quo Sinarum instituta moresque discerent melius, & Europæos Sinenfibus vicissim ostenderent. Per libellum hoc à se flagitarent, respondit Tutanus, & illorum se petitionem concessurum. Libellum ergo descriptum Secretario ea quam præstituerat hora, obtulere; cuius hæc erat forma: Se, quod ex instituto diuinum cultum, & variarum scientiarum cognitionem sectarentur; comperto in patria, Sinas ingenio valere, ac præclara instituta, moresque in rempublicam induxisse; habere insuper libros, qui scientiam edocerent, monitaque præclara ad bene viuendum continerent; horum omnium simul & aliarum regni proprietatum cognoscendarum causa, patria deserta, Sinas adire, ac triennem navigationem, variis maris expositos periculis, subire decreuisse. At quoniam Macai commodè horum haberi notitia nequeat, quam humillime ab Excellentia illius deprecari, ut veniam in China inter ciues agendi concederet.

Libello perlecto Tutanus, dum Sinis honori non minimo fore putat, huiusmodi viros, qui relicto patrio solo, tam vastum emensi erant mare, inter illos sedem domiciliumque habere, postulata haud inuitus concessit. Non parum huc momenti attulit, quod Philosophicis illos & Mathematicis disciplinis instructos inaudisset, quibus ipse summopere delectabatur: adhæc paci studere, nulli vel minimam irrogare iniuriam, sed singularem in moribus modestiam, honestatem, & benignitatem præferre. Quocirca commodiores illis ædes, quam priores dari voluit, & copiam fecit alios insu-

Facultatem obtinet in China commorandi.

per duos sociorum, Xauquinum euocandi. Macao igitur P. Matthæus Riccius cum socio, qui sacerdos non erat, accitus. Vt quinque in vniuersum in China socii versarentur; quorum tres erāt sacris ordinibus initiati, Michael Rogerius, Franciscus Pafius, & Matthæus Riccius, qui olim Rōmani collegii fuerant alumni.

*Cum Sociis
China de-
claratur
incola.*

Haud multo post cum indies maiorem Tutanus in eos beneuolentiam ostenderet, aliud illis diploma dedit; quo Chinæ eos esse declarauit incolas, & vt tales ab omnibus impostorum haberi voluit, q̃ publica præconis voce proclamari viciatim voluit. Nec hic illius stetit beneuolentia, sed illos visere insuper voluit; q̃ singularis fuit habitum amoris indicium. Proreges namque Sinenses parem forsan maiorem auctoritatem maiestatemq̃ præferunt, quam reges Europæi, maioriq̃ in prouincia afficiuntur honore, quam forsan rex supremus. Eo tamen se hic deiicere voluit, vt externos suis in ædibus adire turpe non duxerit: atq̃ ita magnā omnibus mirandi occasionem dedit. Hoc vero venit apparatu. Toga serica indutus, p̃cedebat, è cuius himbriis aureā argenteave dependebāt tintinnabula, deauratam capite coronā gestabat: Mandarinī omnes qui tum in vrbe versabantur, honoris eum causa stipabāt, magistratus insignibus induti. Patres pridie huius rei certiores facti, ne officio partibusque suis deessent, à secretario petierant, num honoris causa illi obuiam procederent, aut quo se gererent modo. Domi manerent, suadebat Secretarius; hoc namq̃ Tutano gratius fore. Postridie ergo cum vniuerso comitatu, ad vsq̃ vestibulum antè progressus affuit, descendenti è sella Mandarinī omnes honorem exhibuere, velut regi;

*A Tutano
visitantur.*

regi; tum illis comitantibus domum subiit. Salutatisq; quam officiosissime Patribus, ad aliquod tempus cum eis est collocutus. Domo omni perspecta, ad ædiculam tandem deductus est, quam illi exornarant, quantum per tempus inopiamq; licuerat. Cæteri Mandarinorum visa Tutani in Patres beneuolentia, eosdem etiã & suspicere, & frequentare cœperunt. Appulit Xauquinum iisdem diebus Chumpinus, id est, primarius rei nauticæ per Chinã præfectus, ut supradictum: de cuius aduentu certiores redditi Patres salutatum abiere; qua ille compellatione recreatus, insignem illis beneuolentiã ostendit, & aliquos illis fruct⁹ hortenses destinavit. Haud ita multo post quidã è Mandarinis maioribus loci, duob⁹ aliis Mandarinis, & Tutani secretario conuiuium instruxit, in horto, qui à Patrum diuersorio paruo distabat intervallo; quos etiã rogauit conuiuium interesse ne grauarètur. Morem gessere Patres, maxime ut Mandarinum hunc, qui è maioribus erat, sibi deuincirent; quo illius aliorumq; opera, Xauquini Euangelicæ pmulgationi, cuius rei causa dumtaxat eo concesserant; breui daretur initium. Tametsi vero Mandarinus hic cæteris auctoritate præcelleret, eodem tamen Patres, quo cæteros, honore & officio excepit, easdem quoq; iis sellas collocauit; abeuntibus denique singulis flabellum aureum dedit. Gaudius hic nō parum, quod incolas eos & ciues regni Tutanus declarasset; & omne, quod poterat obsequium opemq; illis se præstiturum spondit, si qua in re sui indigerent. Alius quoq; Mandarinus è maioribus suum ad illos honoris causa misit filium paruulum, quem Patres omni officii genere profecuti sunt. Quæ patri bene-

Ad conuiuium à Mandarinis inuitantur.

uolentia adeo non displicuit, vt memorem se futurum ac non ingratum denunciari, reciprocum iis deferendo honorem & obsequium, qui suis hæc ipsa detulissent. Quod & reipsa deinde ostendit, vt suo videbitur loco.

*Quibus in
rebus se
Patres ex-
ercerent.*

Studebant interim Patres, vt Mandarinò sermoni, qui inter magnates in vsu, quoad possent, assuescerent, quo commodius faciliusq; cum iis agerent, à quibus omnis aliorum conuersio dependebat: quos vitæ honestate, ac modestia ædificare quam maxime, nullo non loco conabantur; quemq; pro dignitatis gradu colendo, & erga quoslibet affabiles & comes se exhibendo, quo quotidie magis magisque illorum beneuolentiam aucuparentur.

Composuit interim P. Rogerius Catechismum Sinensi idiomate, ac Vitas Sanctorum est interpretatus: credebatur enim non mediocre hinc rei Christianæ incrementum fore, quo illius sanctimoniam ac dignitatem Sinenses perspicerent. At cum iam fidem Christi publice Xauquini promulgaturi essent; ita repente mutata sunt omnia, vt Macaum ad tempus redire coacti sint. Atque hanc potissimum ob causam. Tutanus, à quo tot afficiebantur beneficiis, cum prouincia abire ac magistratû oporteret, consuluit, vt ante discessum suum, Macaum reuertenterentur, & Xauquino ad menses aliquot recederent; hoc enim pacto fore vt firmiter ibidem domicilium nancisceretur, vti reuera factum. Cuius rei hæc fuit causa. Solent Tutani, antequam magistratu defungantur, in anales referre quidquid imperii sui contigit tempore: hos porro successor diligentissime ante omnia euoluit, vt prouinciæ suæ negotia penitus perspecta habeat. Tutanus ergo

*Cur Xau-
quino abire
compulsi
sint.*

cum

cum sciret successorem offensum iri, si externos hosce Xauquini reperiret, & examinatum accurate, quomodo & quamobrem regni essent membrum denominati; & hoc solo nomine, quod à prædecessore inducti essent, haud dubie loco pellendos; caute eos & astute, antequam ipse defungeretur, dimittendos censuit. Porro in Annales retulit, viros quosdam sanctimonia & prudentia illustres, & diuinarum, humanarumque rerum peritissimos, ex Occidente eam dumtaxat ob causam profectos, ut Sinenfium leges & instituta perdiscerent; & hos se ad tempus quidem Xauquini tolerasse, verum ne in patrias leges, omnem aduenam proscribentes, peccaret, tandem dimissos. Tristes igitur ac mœsti Patres Macaum redeunt, locum, è quo rem Christianam mirifice se propagaturos arbitrabantur, deferere coacti. At diuturna haud fuit anxietas. Nouus namque Tutanius cum decessoris scripta de Patribus euoluisset, eorum videndorum loquendorumque exarsit desiderio: Subdebant etiam stimulos nonnulli è Mandarinis primoribus, qui superiori Tutano familiares extiterat; dum quæ scripta erant suo ipsi testimonio confirmabant, & noua etiam Patrum encomia proferebant, qui tum Macai agebant, ac nihil minus quam de reditu cogitabant. Missa interim Tutani auctoritate nauis Macaum, qua Mandarinus cum aliquot præfidiariis vehebatur: deferebat hic Tutani literas, quib⁹ illos quamprimum Xauquinum redire rogabat, atque inter cætera aiebat, quamuis decessor pro dignitate ac merito illos non habitos loco pepulisset, non esse quod metuerent, Velle namq; apud se illos habere, ac domum, templum & necessaria omnia quam

A nouo Tutano reuocantur.

*Xauquinū
redeunt, &
magnus à
Tutano of-
ficiis exor-
natus.*

fibentissime suppeditaturū. Inopius hic nun-
tius incredibili Lusitanos Macaenses & socios
inprimis gaudio perfudit; nec mora, duo ex
illis (Rogerius nempe ac Riccius) nauem con-
scendunt, Xauquinum petitori. Magno illos
honore Tutanus excepit, & domicilium iis &
aream ad templum construendum concessit;
diplomate quoq; regio, in China commorandi
& per vniuersos regni fines eundi redeundiq;
velut regni incolis & membris, potestatem fe-
cit. Publice quoq; per ciuitatis vicos proclama-
ri iussit, vt in posterum, non vt aduenæ, sed in-
digenæ, ab omnibus haberentur. Rebus ita ex
animi sententia cōstitutis, vt benignior & Pa-
trum amantior optari prorex non posse vide-
retur; subito à rege euocatur, forsan vt ad al-
tius dignitatis fastigium eueheretur. Abibat e-
nim, in Cantonē non rediturus. Illo decedente
non minus metuebant Patres quàm ante, dum
ignorant, an illius successor Xauquini illos to-
leraret, vel loco pelleret. Erat hic Mandarinus,
cæterorum facile princeps, & Conchifuium e-
gerat, qui singulari in Patres ab eo tempore e-
rat affectu & propensione; quo in filium illius
officium aliquod declararant; hic enim est, de
quo paulo ante sūmus locuti. Illo etiam potis-
simum instigante, Tutanus alter eos Macao re-
uocauerat; & apud tertium auctoritate sua tan-
tum valuit, vt non deliberarit, num Xauquini
retineret, at sua industria ac diligentia effecit,
vt quàm à prioribus Tutanis obtinuerant fa-
cultatem, suo sigillo cōfirmaret. Valebat enim
hic auctoritate ac potestate; Conchifuiū enim
olim & Lancitanum iam agebat, qui dignita-
tum gradus inter cæteros præcellunt. Et sane
diuina prouidentia huiusmodi Patribus virum
misisse

*Mandari-
nus mirifice
erga illos
afficitur.*

misſe videtur, eo præſertim tempore cum res illorum nutarent, qui & tueretur, & quæ ad vitam trahendam neceſſaria ſunt, abunde conferret. Neque enim hic verbis duntaxat illorum apud alios nomen deprædicabat, ſed & muniſicus erat manu; quin & ſuo ære templum iis & domum, qua poſtea uſi ſunt, conſtruxit. Erat hæc in ſuburbiiſ ſumini contermina, in loco arboribus vndequaque conſito, quam imminentium hinc inde ſtagnorum proſpectus iucundam reddebat. Cæmentitia erat è lateribus parata, & ad duplicem contignationem pertingebat. Templum vero in loco erat ſeparato. Veſtibulo impoſita turris, quam porticus ambibat, è qua in vicinum flumen proſpectus erat. Domui inſcripſit Sinenſi ſermone, HIC SANCTI COMMORANTVR VIRI, QVI EX OCCIDENTE HVC VENERE. Templo verò: HIC VERA DEICÆLORVM EDOCETVR FIDES. Quod vero conſtaret Lancitani iuſſu has inſcriptiones exaratas, & hiſce ædificiis palam ipſe gloriaretur, quo ſingularem ſuum in Patres affectum conceptamq; de ipſis opinionem teſtabatur; permulti ad illos Mandarinum confluere, reſpicere, colere, & quibus in rebus poterant, opem ferre. Ipſe etiam adeo cum illis agere familiariter, vt quo cum Tutano ac cæteris Mandarinis agendum eſſet modo exponeret; quo quiete ac nullius cum offenſa ſua exercere poſſent munia. Hoc Tutani & Lancitani exemplo permulti illos adire; atq; inter reliquos Eruditus quidã, qui doctrinæ fama inclytus, iam ad tertium Paquini gradum aſcēderat. Is aſſiduo cum Patribus colloquio factus audacior, de fide animi voluptate agere & audire, P. Rogerium

*Domum iis
& templū
exſtruit.*

*Quibus
duas epi-
graphas
in, cribit.*

*Eruditus
quidam in
fidem Chri-
ſtianam
propendet.*

vnice complecti. Quod vero doctrinæ Christianæ compendia Sinenſi ſermone, verum nō adeo eleganti, qui eruditis placeret, à P. Rogério ſciret compoſita; operam obtulit eadem corrigendi, & ſtyli formandi, quo in aliorum manus maiori cum plauſu inciderēt, & à Mandarinis etiam euoluerentur. Dum huic ipſe operi incumbit, ita diuinitus, mens illuſtrata fuit, vt quam libello hoc legebat veritatem, perciperet; cumque iudicio & eloquentia valeret, ad intima illius adyta tam feliciter pergit, vt magno omnium ſimul & Patrum ſtupore de fidei myſteriis agere ac diſſerere cœperit. Quin & nouas rationes ac conuenientias depromebat, quibus hæc ipſa ſtabiliri queant, quas à nullo Chriſtianorū didicerat, quæ dum meditando commentandoque etiam perpenderet accuratius, incredibilem animi voluptatem ſentiebat. Quocirca ita in illorum denodum exarſit, vt baptiſmum poſtularit: quem certas ob cauſas, in aliud tempus Patres diſtulerunt: imprimis, cum ipſe omnium primus in China baptiſmo luſtraretur, æquiſſimum videri, vt ſatis ſufficienterq; fidei myſteria edoceret; vt cum rationem eiſdem à ſuis rogaretur, ſcite reſponderet. Quod enim doctrinæ & eruditione inter cæteros præcelleret, Mandarinorū haud dubie viſo illum legem nouam & ſibi inauditam amplexum eſſe, cauſam & rationem poſtulatuſ. Deinde quieſcere ac paulatim, nullo excitato motu, in Chinam doctrinam Chriſti inuehere placuit; ne forſan Mandarinini, qui facile ſiniſtrum quid ſuſpiciantur, turbarentur & offenderentur, ſi omnes in nouam quidem illis, attamen antiquiſſimam religionem propenderent: melius propterea videri

*Baptiſmū
petit, ſed
recuſant
Patres, &
quomob-
rem.*

deri, Catechismum ab Erudito iam correctum & interpolatum prælo committere; ac videre, quo ille affectu recipereetur. Exemplaria ergo Mandarinis aliisque hinc inde distribuere visum est. Sparsa quoque singulatim in pagella edita decalogi præcepta: vt hac ratione Legis Christianæ sanctitatem & excellentiam omnes agnoscerent, nullo tumultu excitato: Mandarinum hoc specimen electo, diuinam ac cœlestem esse legem, illiusque præcepta æquissima videri, nec ab hominibus illa condita, sed cœlo delata, palam profitebantur.

Catechismus euulgatur.

Patres viso Xauquinenfes in fidei Christianæ ampliorem expositionem propendere, in fanis illam aperire cœpere. Quod vero Eruditus ille lingua valeret, vtpote Sina, & fidei iam mysteria percalleret; placuit & illum aliquas ad populum hac super re exhortationes habere. Sua namque auctoritate & fama plurimos illum sperabant excitaturum, qui ad doctrinam illorum confluerent. Id priusquam fieret, Lancitano rem exposuere, non consilium modo, vt in omnibus magni momenti rebus iam solebant, sed & docendi veniam petitori. Erat is namque Mandarinorum omnium, Tutano absente, primus. Laudabat ille consilium, ac facultatem dabat non fidei modo exponendæ, sed & omnes, qui eandem amplecti vellent edocendi. Eruditus igitur hic exhortationes habere cœpit, quod vero scientiarum fama celebris esset, multi ad illum audiendum confluxere. Tanto id ille seruire & zelo faciebat, vt Patres ipsos in admirationem raperet; se ipsum in primis, dein & alios ad scelus, errorumque, quibus hætenus implicati vixerant, fugam excitans. Interdum & vehementius in-

Fides Xauquini docetur.

*Quam do-
cet Cate-
chumenus.*

*Aqua be-
nedicta v-
sus in Chi-
na.*

furgens, hac auditores apostrophe compella-
bat; O cœci Sinar, qui veritatis lumen domi
habetis vestræ, nec ipsum præ errorum caligi-
ne conspicitis! Nonnullos hic doctrina sua ita
permouit, vt in Catechumenorum numerum
adlegi voluerint, qui paulatim edocebâtur, vt
cum oportunitas adesset, baptismo admove-
rentur. Hactenus enim nulli is collatus erat,
tametsi à pluribus peteretur; aliis quoque in-
signem in fidei mysteria affectum ostendenti-
bus. Vt pleriq; fixam in fastigio domus, in qua
Patres commorabâtur, crucem, quamuis idolo-
rum cultum sectarentur, transeundo hono-
rarent. Erant qui dicerent, à cruce salutem cœ-
pisse: alii templum adire, & aqua se benedicta
conspargere. A maioribus quippe accipere,
quendam sanctimonia inclytum, olim per re-
gionem transeuntem, benedicta aqua, quam
illi sanctam dicunt, ægros conspersisse, & sani-
tatem attulisse, aliaque per hanc miracula pa-
trasse. Illam vero & hanc Patrum vnâ ean-
demq; existimabant. Hoc scilicet modo Xau-
quini fidei Christianæ iacta sunt fundamenta,
inde vero in alia Sinarum opida pertransiit;
quod hic Tutanus Cantonensis prouinciæ se-
dem haberet. Sed quid dein acciderit videa-
mus.

CAPVT XXV.

*P. Alphonsus Sanchius Macaum è Philippinis profe-
ctus socios Xauquini agentes adire statuit; sed repul-
sam passus re infecta, non sine periculo, Manil-
lam rediit. Primus Sinarum bapti-
smus celebratur.*

Rogerus felicem rerum suarum in China
successum, simul & fidei nostræ, quæ afful-
gebat,

gebat, hic propagandæ spem, per literas Præfecto & Episcopo Philippino significarat; rogabatque vt ad Hispaniarum regem perscriberent, rem hanc pro posse, legationem ad Sinarum regem mittendo, promoueret. Neque enim aliter facilitatem illius per vniuersum regnū, promulgandæ obtineri posse. Dum hæc in China agerentur, nauis quædam è Philippinis soluerat, in nouam Hispaniam cursum dirigens; hæc magni momenti literas & permultas diuitias Hispanorum in insulis hisce agentium deuehebat; quas ipse præfectus naualis ac nauarchus sibi arrogabant. Quocirca non nouam Hispaniam, sed Chinam petiere, & Macaum tandem appulere: Philippinus præfectus huius rei factus certior, ilico Ioan. Baptistam Romanum, regium actorem, destinauit, qui prædones comprehenderet, in illos méritis animaduерteret suppliciis, ac cæterorum repararet iacturam. Socium illi addiderat Patrem Alphonsum Sanchium, tum quod Lusitanis Macaensibus notus esset, & facile sua auctoritate impetraturus esset ea, quæ emissent, accepissentve à perfidis vectoribus; tum etiam vt cum Patribus Xauquinenfibus ageret, quomodo cœpta Sinarum conuersio promoueri posset. Philippinis ergo insulis profecti feliciter Macaum peruenere; quamuis autem initio in fugitiuorum suppliciis, & bonorum iniuste alienatorum restitutione nonnulla se difficultas offerret; tandem tamē reos Macaensis præfectus actori regio consignauit; qui illis pro crimine castigatis, & negotiis è voto compositis, in nouam Hispaniam nauem misit. Rediit igitur spectans, aliud quod in mandatis habebat, exequi voluit, & efficere, vt Pater Alphon-

Occasio secundæ itinæris P. Sanchij in Chinam.

Xauquinū cogitat.

Alphonſus cum Patribus Xauquinenſibus ageret; huius rei ergo tamdiu Macai agere decreuit, quamdiu opus foret. Multis viis tentatum iter: tandem Alphonſus P. Rogerio ſcripſit, vt Tutano ſignificaret, Macai eſſe nonnullos Socios Caſtellanos; qui cum illo de rebus magni momenti velint conferre, num ſcilicet gratum Chinenſi regi foret, ſi quod ab Hiſpaniarum Monarcha ad illum munus mitteretur. Hac namque de recertum ſe eſſe velle.

Tutanus rem ad Aitanum Cantonenſem retulit, is ad Mandarinum, qui regis Sinenſis nomine Macai præeſſet, vt hac de re ſedulo accurateq; inquireret. Mandarinus excuſſo Sanchio, Aitano ſuſpectum hoc eſſe ſibi reſpondit. Neque enim aliam ob cauſam eo veniſſe Caſtillas quam vt maleficos nonnullos, qui facultates alienas alio deferendas inuaſerant, plecterent: Tutanum autem quod ſe alloqui velle fingerent, intrandi potius regni id, quam alicuius ſerii negotii cauſa peragendi fieri. Reſponſum hoc ita permouit animos, vt Xauquinum adeundi omnis denegata fuerit Sanchio facultas. At quod expediret, Rogerium & Sanchium inter ſe conferre, & adhæc aliquem Sociorum, qui Prouincialem Indiæ Franciſcum Capralem Macai tum agentem cōueniret, Macaum pergere oporteret; eo ſe conferendi veniam à Lancitano petiit Rogerius. Cauſam itineris aiebat eſſe eleemoſynas, quas oblaturi eſſent Luſitani, eademq; opera P. Prouinciali facultatem Xauquinum perueniendi petiit: quoniam enim illorum ſuperior ac præfectus eſſet, depoſcere ipſum, ſubditos viſendi, ac corā quomodo ſe gererent inſpiciendi (vt æquum eſt) copiam ſibi fieri; ne quam vero ſiniſtrâ ſuſpicionem

Sed facultas negatur.

cionem de illo conciperet, propediem illum, negotiis confectis, Macaum rediturum. Hunc vero in modum Lancitanus respondit. Quamuis initio, Pater Sinensis te linguæ morumque nostrorum perdiscendorum ergò huic venisse dixeris, & ipse ad Mandarinos hoc retulerim; certo tamen mihi constat, aliud te non spectare, quàm vt diuina lex promulgetur: quod mihi neutiquam displicet. Neque est vt hoc me celes. Quin & facultatem insuper concedo, vt Eruditum quem domi tenes, aliosq; qui Christo accedere voluerint, baptismo tingas. Quin & Patri, quem hac venire velle dixisti, facultatem concedo; & inprimis desidero, vt religionem tuâ per vniuersum regnum diuulges. Vidi namq; , & aliis illius videndæ copiam feci: placet, nec nostris institutis politicæq; disciplinæ vlllo modo repugnat. Hac obtenta venia confestim Macaum pergit Rogerius, vbi per otium cum P. Sanchio rem communicauit, & dein vna cum Prouinciali Xauquinum rediit. Sanchius verò ad Philippinas rediit, sed non sine variis periculis, è quibus illum diuina clementia eduxit; vt sospes & incolumis multis iactatus tempestatibus, tandem Manillam peruenerit. Malacam namque æstu delatus, ad aliquot ibi menses egit, nauem restauraturus, & opportunum Manillam redeundi tempus expectaturus. Prouincialis vero Lancitani literis iter aperientibus, sine vlllo prorsus impedimento Xauquinum venit. Vt hunc cæteris præesse Patribus per urbem diuulgatum est, multi illum Mandarinum Eruditiq; adiere; quem suo ritu compellarunt. Lancitanum præ cæteris adiit, comitem assumens P. Rogerium. Erat hic tum in prætorio, dum iuridicundo præsidebat, ea pompa

*Lancitani
responsum.*

*Xauquinus
Prouincialis venit.*

pompa ac grauitate , qua Mandarinī solent. Aduenientibus tamen Patribus assurrexit , & propius accedere iussit ; quem aliis honorem exhibere Mandarinī non solent , maxime dum ius administrant. Aliquo temporis spatio cum illis egit , de variis rebus sciscitando ea humanitate , comitatēque , qua cum familiarissimis agere solet. Domum cum rediisset , militarem tribunum emisit , qui Prouinciali felicem itineris successum gratularetur , ac munus deferret. Dum hæc agerentur , visum fuit Patribus , Eruditum illum Chinesem , qui ad aliquot iam menses baptismum quam enixissime flagitarat eiusdem compotem reddere. Quod vero omnium foret primus , qui in Sinenti regno eundem reciperet , magna illum pompa solennitatēq; conferre voluere. Adornatum hanc ob causam templum , adhibitæq; temporis & loci habita ratione cærimoniæ , hic adhiberi solitæ , magna pompa & gratulatione omnium. Anno igitur M. D. LXXXIV. decima octaua Decembris die , baptismum recepit , & Pauli fuit nomine donatus. Eadem quoque die & alius magni nominis vir baptismi admotus : is ipse fuit qui Patres primum Xauquinum appulso ædibus suis excepit. Tanta huc ciuium multitudo , baptismi ritus spectatura confluit , templo ut comprehendi non possent ; ac nemo fuit , qui hisce ritibus offenderetur. Erant & alii , qui baptismum poscerent , sed certas ob causas spe data dilati sunt , tum ut in doctrina Christiana firmitus radicarentur , & pluris insigne hoc beneficium facerent , tum ut à Mandarinis peteretur , num præcedentem duorum baptismum ratum haberet ; ne forte offenderentur ; quod verendum erat , si forte plures simul Christo nomi-

*Eruditus
baptizatur
una cum
alio.*

nomi-

nomina dare vidissent. At nemini omnino res displicuit, quin & Mādarini ipsi Patribus congratulabantur, quod eruditum hunc Christo eiusq; legi peperissent. Alteri quoque, qui cum Paulo baptismum susceperat, vicini gratulabantur, illiusque se exemplum sequi velle declarabant. Haud multo post neophytus Paulus in patriam rediit, vxorem simul & filios, quin & ciues omnes Christo lucraturus; hanc ob causam doctrinæ Christianæ libellos aliquot secum sumsit. Interim Patres ab omnib⁹ Cantonensis prouinciæ Mandarinis indies visebātur & colebantur. Moris enim est, vt Mandarinis omnes, alternis saltem mensibus, prouinciæ suæ Tutanum adeant; vt & ii qui magistratu defunguntur, & qui iam recenter ineunt. At quotquot Xauquinum veniebant, domum & templum Patrum, velut rem in China inuisam inauditamque, adibant. Hinc illorum legisque quam docebant, ad plures vrbes manauit cognitio. Singulis quippe libellos dabant Patres, quibus Christianæ legis mysteria continebantur, quos in patriam delatos, aliis dein communicabant. Prouincialis interim rebus peractis, Macaum redit, Rogerio cum sociis Xauquini relictis.

C A P V T X X V I.

*P. Rogerius & Antonius Almeida interiora regionis
adeunt, & ad Chiquionensem prouin-
ciam perueniunt.*

DVm vero Patres, qui Xauquini commorabantur, regionem interiorem cognoscere, & quæ in reliquis prouinciis ad Christi fidem suscipiendam foret dispositio, vellent inquirere; insignis oblata est oportunitas.

*Patres Chiquionensis
cognoscenda de-
siderio tenentur,*

Quod

*Chiquio-
nem ad-
gunt.*

Quod suum Lancitano desiderium cum exposuissent, in Chiquionensem illos se prouinciam è qua ipse oriundus esset, missurum promisit, idque per fratrem, qui eodem propediem tendebat. Prouincia hæc Nanquinenli contermina est, ducentis à Cantonensi distans leucis. Egit gratias Rogerius, & conditionem accepit; obsecrans adhuc vt duos alios Sociorum Macao Xauquinum venire sineret, vt horum vnus domi cum Riccio maneret, alter secum in Chiquionem pergeret. Non abnuuit Lancitanus, sed ea conditione, vt bini dumtaxat venirent, ne quam cuiuspiam offensæ causam daret. Illico rem Macaum ad Socios perscripsit, ac duo illorum Eduardus scilicet Sandeus, & Antonius Almeida Xauquinum perrexere. Lancitani ergo frater qui Cantone agebat, cum Patris videndi causa Chiquionem petere decreuisset; à Lancitano literas accepit, duos vt secum Patres assumeret, ac tum in itinere, tum in patria liberaliter haberet: quod facturum se ille recepit, & exacte, vt suo videbimus loco, etiam fecit. Mox vt Macao Socii aduenissent, Rogerius vna cum Almeida Xauquino ad Lancitani fratrem profectus est, Matthæo Riccio vna cum Eduardo Sandeo Xauquini relicto, vt exiguum Neophytorum gregem pascere, aliosque qui Baptismum peterent, Christianis præceptis imbuerent. Cantonem cum peruen tum esset XI. Kal. Decembris vna cum Lancitani fratre anno Redemtionis humanæ M. D. LXXV. vela ventis dederunt, per flumen illud vastissimum quod Cantonem præterlabitur, idque ad VII. Idus eiusdem mensis. Plurimas toto itinere viderunt vrbes & opida, siluas & nemora, aliaque, quæ regionis & fecunditatem & fertili-

fertilitatem declarabant. Altissimos flumen
 hoc montes interlabitur, ad urbem vsque Mo-
 din, iuxta quam nomen amittit. Haud procul
 ab vrbe pons est, qui ferreis clauditur catenis;
 quas Mandarinum vrbi præsidentis iniussu laxare
 nefas. Verum quod Lancitani Xauquinenſis
 fratrem adesse nuntiaretur, sine vlllo negotio,
 ad nauem transmittendam, laxatae sunt. Dein-
 de terrestri itinere Faquenum appulere, quod
 nonnisi octo leucis distat opidum. Hoc in iti-
 nere Chinenſium industriam & viarum publi-
 carum curam notarunt. Nam tametsi per con-
 fragosos præcipitesque montes iter pateat; ea
 tamen itineris hodie comoditas, vt per aream
 planam incedere videaris. Nam omne lapidi-
 bus stratum erat, in quo per montem transcē-
 ditur, in cuius summitate arcus fornicato erat
 opere cum ipsa epigraphe, quæ nomen eius, qui
 iter adaptarat, continebat. Porro tanta viæ est
 frequentia, vt nundinae vtriusque viderentur;
 nam vtramque inter urbem frequentia exer-
 centur commercia; tantaq; societas est, vt cum
 Modinensi hospiti sarcinae concreditæ fuerint,
 Faqueni easdem in diuersorio, quod designa-
 ris, reperturus sis. Is ipse hospes equos & iumē-
 ta curat seruis, dominis sellas gestatorias; adeo
 quidem faciles ac leues, vt à baiulis binis gressu
 citissimo ad ternas quaternasve leucas feran-
 tur. Qui iisdem gestantur, Solis æstus pluuiæ-
 que iniurias umbellis propellunt. Hoc pacto
 Patres vna cum Lancitani fratre Faquenum,
 seruis equos conscendentibus, delati sunt. Me-
 dio cōfecto itinere sellas & baiulos mutarunt,
 qui ad designatum vsque hospitium detulere,
 queis præter gratuitum aliquod donariolum
 debetur nihil: iustum enim pretium hospiti;

*Modin &
 Faquenum
 vrbes
 Chinae.*

*Frequentia
 vtriusque
 commercia.*

*Itinerum in
 China com-
 moditas.*

cum merces sibi commissas singulis tradiderit, per soluitur. Eodem pretio hic sella gestantur, quo in Europa equo; sed illarum commoditas maior. Iter omne diuersorū etiam plenum. Sub vesp̄eram eodem die Faquenum peruenerē, biduum ibidem commorati: quo tempore tantus erat visentium concursus, vt multitudine pene obruerētur; cuius rei vitandæ causa nauem conscendere. Quindecim dies flumine secundo delati sunt, & vtraque in ripa vrbes & elegantissimas & nonnullas etiā Cantone non minores conspexere. Ad XVI. Kal. Ianuarii, ad frequentissimam urbem Cantone capaciorem deuenere, in qua Chiansiensis provincie Tutarus agebat. Hanc amnis intermedius secat, cuius ripæ nauibus simul iunctis pontis vicem suppleantibus, coniunguntur. Hic confestim laxatus fuit, nec sarcinæ (vti hic fieri solet) excussæ, neu exactum vestigalē mercibus, quas secum ductor vehebat, quod Lancitani frater esset. Verebantur hic Patres, ne forsan à Mandarinis euocarentur, quinam forent, quove tenderent, exquisituris. At nihil negotii quisquam facessit: nam extra Cantonensem provinciam in reliquo regno non tam anxie ac religiose in aduenas inquiritur. Vix se mileuca à ponte aliud occurrit flumen, quod cum superiori coniungitur, sed prius ab altera parte urbem ac vicum vrbi vicinum, qui tertiam illius partem constituit, abluat. Comparatis hic quæ ad reliquum iter conficiendum necessaria videbantur, nauem conscenderunt, & quinque sexve diebus per amnem vecti vrbes vtrunque viderunt septem aut octo, & filuas amoenissimas, tum in ipsa ripa plurimas lignorum strues frigidis regionibus cū oportunas tum necessarias.

In interiori regione non adeo anxie in externos inquiritur.

rias. Tandem pridie natalitiorum, Chiansium peruenere, atq; hic nocturnas nataliū vigiliās peregere. Sequenti die iter reliquum confecissent, sed repente exortus aquilo impediuit; hic enim aquam fluminis (quod in septentrionem delabitur) ita turbauit, vt limpida eo die hauriri non potuerit. Postridie urbem præternauigarunt, quam Vlyssipone maiorem (si modò exterior forma exacte respondeat) iudicabant. Diei itinere peracto viā, quæ Nanquinum ducit, offenderunt; hic duo flumina concurrentia crucis quandā imaginem exprimunt; quorum vnum Nanquinum; alterum Chiquionē, quo iter erat, ducebat. Nanquini itinere, quod ad septentrionem vergit, relicto, aliud flumen, quod in occasum conscenderunt; venito secundo vsi, quindecim, interdum & vicens; indies leucas confecere. Delati dein ad urbem, in qua porcellana vasa parantur. Hic alia prorsus aeris temperies, quam visa hactenus. Frigus namq; indies intialescebat, vt mane circumquaque quodam die, niue canerent omniā. Quod vero amnis decreuisset, Lancitani frater merces in cymbas denas, nauibus quas habebat minores imposuit. Hoc modo biduo nauigantes, ad urbem amplissimam, ad quam per pontem L. nauibus depictis cōnexum, ilico ingressus paruit, appulere. Nonis deinde lanuar. Goulinum delati, quæ nauigationis per hūc annē terminus fuit. Hic ad dies aliquot hædere Patres, quos plurimi maximæ auctoritatis viri adiere: inter alios quidā qui domi idola arasq; plurimas habebat; quē ea de causa Bonzii, sacra hic sua peracturi, frequētabāt. Ab hoc ad cōuiuiū inuitati Patres, cū Bonziis, qui etiā intererāt, certamen iniere disputando; quibus legis, quam profite-

*Chiansium
urbs.*

*Goulinum
urbs.*

bantur, inanias ineptiasque ad oculum ostenderunt. Ne vero asymboli decederent hospiti libellos donauere, quos per otium legeret, nec enim oportunum hic erat, amplius fidei mysteria deducere. Recessere inde pedestri itinere, sed ameno ac iucundo, sellis portatilibus ad sex septemve leucas delati. Atque tum tandem Chiquionensem prouinciam ingressi, in eiusdem vrbe prima (quam Cuinonem dicebant) triduo sunt commorati. Ad quos tanta hominum turba confluit, ut quo se verterent, nescirent: nam velut ad exoticum quoddam prodigium spectandum undiquaque conueniebant. Hic flumen conscenderunt, quod hac ab vrbe cursum incipit; & quamuis initio inopia aquarum laboret, etiam tridui & quatruidui itinere; paulatim tamen ita excrescit, ut cum Cantonensi latitudine certet; sed leni impetu fertur. Hoc in itinere octonæ nouenæque occurrerunt vrbes, & ardui montes niuib. tecti, ligni feraces, quod aduerso flumine Cuinonem defertur. XXII. Ianuarii die frequentem pertransiere urbem, quæ Cantonem magnitudine multis superare interuallis dicebatur. Neque enim præter turres aliquot, conspici ob nebulas niuesque densiores potuere. Circa vesperam ad pagum deuentum est, qui alterius fluminis ripæ adiacet, quod nonnisi teli iactu ab altero distabat. Hic aliis conscensis nauibus, cum nocte tota ad facularum lumen nauigassent, sub auroram ante Lancitani patris domum, quam petebant, Ciquione venerunt. Is itineris huius fuit exitus, cui plusquam bimestre impendebant. Venetiarum inuaginem (teste P. Rogerio, qui utramque urbem viderat) Ciquionem esse qui dixerit, non aberrarit. Terra enim vel aqua per

*Ciquionis
vrbs de-
scripta.*

per singulos vicos iter est, cymbis nauigiolisq;
ad hoc comparatis. Domus ipsæ Cantonensi-
bus splendoriores, plateas varii hinc inde lapi-
dei mira arte elaborati fornices exornant. In-
colæ humaniores, quam Xauquinenſes & Car-
tonenſes. Non est in vniuerſa Luſitania vrbs,
quam cum hanc compares, cum omnes, præter
Vlyſſiponem, teſte P. Antonio Almeida, qui
Rogerii comes fuit, & hæc omnia perſcripſit,
magnitudine ſuperet. Huc itaque cum perue-
niſſent, Lancitani pater mira illos gratulatio-
ne ædibus cōmodiſſimis excepit; quarum ge-
minuſ erat exituſ. Vnuſ in viam publicam ſpe-
ctabat, in flumen alter. Intrinſecus duo erant
cubicula, hortuſ quoq; & locuſ ad parandū
oratoriuſ aptiſſimuſ. Vt cognitū eſt, Lanci-
tanuſ Xauquinenſem mirifice erga illoſ affe-
ctū inſignem ſemper beneuolentiam oſten-
diſſe, omneſ vrbiſ primoreſ, tum Mandarinī,
tum Eruditi felicē illiſ itineriſ ſunt ſucceſſū
gratulati, & è maioribuſ Mandarinī nonnulli
conuiuio etiā excepere. Et inter cæteroſ vnuſ,
qui duplici gradu Lancitani dignitatē ſupe-
rare dicebatur. Rogauit hic Rogeriuſ, vt fu-
neri materno intereſſet: ſed purgare ſe Roge-
riuſ, quod Chriſtianorum preceſ non prodeſſe
diceret iſiſ, qui Deū Creatorem ac Dominū
vniuerſi, dum viuerent, non coluere. Atq; hinc
oſſione ſumta, latiuſ coram omnibuſ didu-
cere cœpit, Dei legem ad ſalutē inprimiſ eſſe
neceſſariā, ac cæteriſ legibuſ ſanctitate præ-
cellere. Auide & gratanter hæc accipi videban-
tur. Non multo poſt iſ ipſe Mandarinuſ Roge-
riuſ denuo ſuū eſſe conuiuiū voluit, & in
menſæ conſtituit capite, quamuiſ inuitū ac
repugnantem; ſed importunæ eiſdē exactioniſ

*Huc Patres
perueniunt.*

*A pluſibuſ
coluntur
etiā Man-
dariniſ.*

tandem cedentem. Cœna peracta ad ianuam
 vsque honoris illum causa (quod Sinensibus ac
 Mandarinis præsertim perrarum est) deduxit.
 Eundem iis honorem & beneuolentiam osten-
 derunt Bonzii; & horum nonnulli aquam be-
 nedictam petebāt, ob eam quam diximus cau-
 sam. Sed, quod nefas sit, sancta canibus obiici,
 dare non placuit. Permulti quoque vicinorum
 exhortationibus, quas de doctrina Christiana
 instituebant, non illibenter intererant: tanto
 has affectu audiebant, ut bonam noctis partem
 sæpe impendere graue non ducerent. Denique
 antequam inde abirent, plurimi baptismum
 postulabant: verum quod Patres non commo-
 randi, sed spectandi tantum causa eò concessis-
 sent; neminem salutari abluere aqua voluere,
 præterquam hospitem domesticum Lancitani
 Xauquinensis patrem, senio & ætate venerabi-
 lem, virtutibus moralibus insignem, & scien-
 tia, qualem Sinæ dilaudent, illustrem. Septua-
 gesimū agebat annum, cum baptismo renatus
 est; ipso Dominicæ Resurrectionis die is colla-
 tus, cum quadrimestri doctrinam Christianā
 edoctus esset. Abluerunt & Eruditi cuiusdam
 filium. Prudentiæ ac sapientiæ nomine pater
 inclytus erat; filius vero Phthisi emaceratus ad
 extrema deuenerat, ut pater frustra tentatis
 omnibus, etiam superstitiosis precibus ac ceri-
 moniis Bonziorum adhibitis, tandem Roge-
 rio baptizandum obtulerit. Non abnuuit Roge-
 rius, dum visa morbi grauitate illum supersti-
 tem futurum non sperat. Sed baptismo susce-
 pto habere cœpit meliuscule, ac tandem paucis
 post diebus penitus sanitati est redditus, ut e-
 literis Patris Rogerii VIII. Nouembris, Anno
 M. D. LXXXVI, datis constat. Quadrimestri
 ergo

*Lancitani
 pater bapti-
 zatur.*

ergo & amplius cum Chiquione vna cum Patre Almeida egisset; Xauquinum postliminio cum socio rediit. Quadraginta interim Christo nomina dederant; qui quod in China essent, permagni fecere: tum ob difficilem, quem habuere regni introitum, tum ob spem, quam dare videbatur Deus, neophytam hanc & teneram Ecclesiæ plantam ramos longe lateque breui illius ope, qui dederat initium, extenduram.

*Xauquin
Patres red-
eunt.*

CAPVT XXVII.

*P. Rogerius in Europam mittitur. Persecutio grauior
a senioribus Cantonensibus, aduersus Pa-
tres Xauquinnenses ex-
citatur.*

Visitator ac Prouincialis Sociorum in India, tam felici rerum successu in China auditus; & spe illius ad Christum reducendæ firmissima concepta, non abs re fore iudicarunt, si ad Sedem Apostolicam & Regem Hispaniarum hæc referrentur: sua ut vterq; auctoritate potentiaque auxiliaretur, & de ad regem accessu habendo ageret; quo facultatem ille fidei Christianæ, per vniuersum regnum prædicandæ, concederet: neq; hoc à proregibus ac Mandarinis dependere, qui quolibet triennio magistratu abeunt aliis in locum succedentibus; sed nisi à rege copia fieret, periculum esse ne, qui multis annis collectus erat fructus, vnico momento euanesceret. Visum idcirco P. Rogerium in Europam mittere, qui patriæ mores & indolem incolarum cæteris Patribus melius, perspecta haberet; utpote qui iam annis aliquot inter eos egisset.

*Cir P. Ro-
gerius in
Europam
missus sit.*

*Item Pater
Sanchius.*

Huc accedebat, quod Alphonsum Sanchium
iis ipsis diebus in Hispaniam cogitare intellexissent; hinc sperabant fore, ut si vterq; in Europam simul proficisceretur, hæc apertius ac manifestius, tum summo Pontifici, tum Regi Catholico ostenderentur. Non sine magna tamen molestia Rogerius, quod Mandarinum omnes mirifice erga eum afficerentur, China euocari potuit. Sed rationibus tantum apud illos effecit, ut illis etiam annuentibus inde discesserit. Nonnisi duo tum Xauquini Patres agebāt, Matthæus Riccius & Anton. Almeida; Eduardus namque Sandeus, q̄ male se haberet, Macaum iam redierat. Rogerius ergo anno 1588. à China cum soluisset, vno post Alphonsum Sanchium anno in Hispaniam venit, cum feliciori ille vsus fuerit nauigatione. Vterq; tamen primo ad Regem Hispaniarum, deinde ad Sedem Apostolicam, cui tum Sixtus V. præsidebat, de negotio cuius causa venerant, retulerunt; at nullus itineris suscepti dein effectus apparuit. Sed Rogerio in Europa iam agente in Chinam redeamus. Patres dum officio quisq; suo gnauiter Xauquini incumbunt, alios quadraginta incolas Christo lucrificere: ut plusquam octoginta in vniuersum Christiani Xauquini numerarētur. Verum malignus spiritus hanc sibi prædam eripi, & in regnum hoc, quod tanto iam tempore tyrannico presserat iugo, fidei Christianæ aditum patefactum dolens; totum negotium turbauit, & omni qua potuit arte felicem Euāgelii cursum impedire conatus est: utque sementem, quæ iam primum germinare incipiebat, in ortu suffocaret suo, cultores ipsos, Xauquinenfes scilicet Patres, Chima pellere machinatus est. Vfus in hanc rem est Mandari-

*Persecutio
aduersus
Patres Xau-
quini ex-
citata.*

norum

norum & Seniorum Cantonensium opera; hi
 Visitatorē adeuntes hoc illum libello compel-
 larunt: Nouit Excellentia vestra, patriis nobis
 legibus facultatem, quodcunque ad regni vel
 detrimentum vel emolumentum spectat sug-
 gerendi concessam. Quamobrem visum fuit,
 ad E. V. referre, Xauquini externos quosdam
 sacerdotes, Macao profectos agere; à quibus
 magna in vnīuersum regnū emanare incom-
 moda, & graues inter incolas oriri tumultus
 queunt: antequam ergo longius malum serpat
 præcidendum, & quā licet arte industriaq; oc-
 currēdum. Adhæc Macaum vndiquaq; alieni-
 genæ confluunt, & iniussu nostro firmas ibi se-
 des figunt. Olim ne in terram quidem descen-
 dere licebat, sed merces distracturos naues re-
 petere cogebamus, ac deinde diuēditis ad suas
 reuerti. Hodie vero domos excelsas & amplas
 construxere, in quibus apium aut formicarum
 instar nidificent ac multiplicentur. Vnde non
 immerito quisque capiti nostro metuemus. Il-
 lorum quoq; Sacerdotes nouam excogitarunt
 artem, dum eleemosynas cogunt ad turrin-
 quandam Xauquini construendam; hocq; præ-
 textu hic agunt, interim aliis hoc modo acce-
 dendi copiam struunt. Verendum profecto, ne
 explorandi huc causa venerint, ac deinde cum
 seditiosis ac perduellibus ciuib; societatem,
 magno regni totius incommodo, ineant. Hoc
 nimirum scripta nostra suggerunt, dum aiunt:
 Fecundo in agro seminastis spinas, serpentes &
 viperas ad bibendum vobiscum inuitastis. Lu-
 sitanos Macai ferre tantundē est, ac si pes ma-
 nusq; male haberent; cui morbo statim occur-
 ri potest. At Sacerdotes Xauquini agere, quid
 est aliud, quā virus in stomachum admitte-

*Libellus vi-
 sitatori pro-
 uincia obla-
 tus à senio-
 ribus Can-
 tonensibus
 aduersus
 Patres.*

re, & venenum ad cor penetrare permittere. Occurrendum igitur principiò, & hæ rerum publicarum pestes proscribendæ. Hoc nos seniores, totius provinciæ Cantonensis nomine, ab E. V. flagitamus, quam illo sibi singulari hoc beneficio in perpetuum deuinxerit. Hæc libelli illorum forma: qui subtilius vafriusque ad ea, quæ spectabant, obtinenda, nec à dæmone ipso componi posse videbatur. Et sane nemo est qui satanicis op⁹ hoc caminis fluxisse fateatur. Sed quid dein factum sit videamus. Libello perlecto Aitano Cantonensi, Conchisuioque Visitator rei huius examen credidit. Iniunxit insuper vt ad Lancitanum Conchisuiumque Xauquinensem libellum mitterent, vt quid videretur, libere hac super re statuerent. Nec mora, ad Conchisuium Xauquinensem missus est, iniunctumque vt in sacerdotes externos inquireret. Nonnisi duo ibi tum versabantur, Matthæus scilicet Riccius & Eduardus Sandeus, (qui bi-duo ante eodem redierat) qui nihil minus cogitantes sibi ipsis prosperū Chinæ aditum gratulabatur, qui magno hactenus steterat. Haud ita multo post, rei huius certiores facti Patres, libelli simul & mandati Cantonensis Conchisuii, Visitatoris nomine, exemplar nacti sunt, idque opera secretarii Conchisuii Xauquinen-sis; mandati hæc erat forma: Domine Conchisue; mox vt præsentem acceperis, inquires in negotium hoc, vt pro rei necessitate opus esse iudicaris, & ea, qua par est diligentia; & quid quid statueris detexerisque, ad me referes: vt voluntati magni Chaieni (ita Visitatorem appellant) obsequendo Cantonensibus Mandari-nis, prout æquum est satisfaciam. Perculit nuntius hic Patres: Sciebant nempe Visitatores se-

Quid secutum sit.

Quid Conchisuius Cantonensis Xauquinesi iniunxerit.

uere animaduertere vt plurimum, ex muneris præscripto, in eos, qui aduersus patrias leges nouitatem quandam inducere conantur; & fama erat hunc, qui modo Visitatorem agebat, cæteros omnes seueritate antecellere. Intellexerant adhæc, præcipuos Mandarinos Cantone illos egregie confectis criminibus, traduxisse: vt mortalis illorū inimicus foret, & parum abesset, quin eosdē, sine vltiori examine vniuerso regno proscriberet. Sed mētem illi Deus iniecit, vt debita iustitiæ forma procederet. Interim Patres rebus suis prospexere. Ilico Lancitanum protectorē ac tutorem suum adire; cum visum fuit, Xauquino vt confestim se subducerent, cum multa aduersus ipsos mala cuderentur. Reminisci adhæc se dicebat, Rogerio à prorege datas literas, quibus in China commorandi facultas concedebatur; quas vt profferrent, si opus foret, suadebat. Non displicuit consilium, tamen vti visum non fuit; sed aliam & cōmodiorem & certiore rationem adhibere. Deo ergo negotium quam potuere diligentissime, commendare, pœnitentias in hanc rem varias exercere, sacra frequētia celebrare, precibus & orationib⁹ instare frequentius, Deum, illiusq; Matrem beatiss. ac Sanctos omnes, hoc vt succurrerēt in discrimine, obsecrare. Haud incassum fuere hæc omnia. Nam vt meriti quod inde sibi compararūt taceam augmentum, nouo mox intrinsecus gaudio efferri cœpere; repentinam hanc mutationem animi secum demirati; at postea præsagium id esse intellexere, diuinā mox opē adfuturā, vti paulo post adfuit hoc quo sequitur modo. Inquisitione facta, Conchisuius Xauquinēsis P. Riccius ad se euocauit, nō parum sibi metuentem; nam rediturusne esset, dubitabat, cum ductores

*Quomodo
ab hac se
procella
Patres sub-
duxerint.*

Conchisuius Xauquinēsis P. Riccius ad se vocat.

gestus exhiberent, præda petita iam potientium, quasi illum iamiam dilaceraturi forent. Sed Susannæ exemplo, erat cor eius habens fiduciam in Domino. A Conchifuio ergo interrogatus tā apposite ad singula quæ sita respondit, vt penitus illi satisfecерit. Vnde post varia vltro citroque prolata, hunc tandem Iudex in modum respondit: Nunquam sinistrum quid de vobis sum suspicatus; sed quidquid actum est, ex muneris mei præscripto fieri debuit. Cæterum maximo in discrimine res vestra versata est, ac parum abfuit, quin neci dati sitis. Si leuitate quadam iis, quæ de vobis mala spangebantur, credidissem, iam pridem occubuissetis: sed magno meo cum dolore, non modo quod singulari vos amore prosequar, verum etiam quod honor meus hic non parum agatur. Cantonenses namque Mandarinum suo in libello honorem etiam meum denigrare conati sunt, & magistratū impugnare. Sane ni mea satis perspecta foret integritas & fides, ac Visitator mihi coniunctissimus fuisset; illorum calumniis infamis & perfidus audiissem, toto vitæ tempore omni vbiq; dignitate indignus iudicatus. Ostendere liquidem conati sunt, confuse geri hic omnia, nullum reip. seruari ordinem, improbos ac nefarios gratissimos esse, denique mea vnius negligentia & inertia vniuersum Chinæ imperiū pessumiturum. Hæc cum turbato iratoque proferret animo, Riccio ait, vt quæ respondisset scripto cōsignaret, nec animo caderet. Riccius domum reuersus, hilaris socio singula narrauit; Deoq; gratis persolutis magna animi gratulatione *Te Deum laudamus* cecinerunt. Deinde Conchifuio apologiā omnem scripto complexam tradidit, obsecrans quam

enixif-

*Animum
illi das.*

enixissime suam vt causam auctoritate, vti ha-
 ctenus, tueretur aduersus eos, qui tam inique
 ac nefarie se suosque criminarentur. Hoc porro
 scripto aperuit, esse se Religiosum regno Trin-
 cico, id est, cœlesti, (hoc namq; modo Sinæ Eu-
 ropam indigetant) oriundum. Retulit adhuc,
 triennem se nauigationem nō sine magno dis-
 crimine confecisse, varia terra mariq; pericula
 subiisse, & tandē Xauquinum, quiescendi cau-
 sa, in sedem delegisse; neque enim Macai, & in
 aliis maritimis locis quietem reperire potuisse.
 Quod vero quotidie, ex muneris præscripto, in
 naui manendo, (in nauibus namque Lusitani
 Cantonem commercii causa venientes cōmo-
 rari cogeantur) Deo offerre sacrificium nō
 posset, Tutanum superiorem exiguum terræ
 pugillum Xauquini, ad domunculam constru-
 endam concessisse, & piorum se eleemosynis
 eandem perfecisse: Tugurium, inquit, mihi e-
 rexi: Sum namque velut aues, quæ huc illucq;
 volitantes, tandem in nidum, quietis captan-
 dæ causa se recipiunt. Ipse mercaturam, ad di-
 uitias mundi comparandas, non exerceo; ma-
 gnum illum cœli terræq; conditorem quotidie
 deprecor, vt benignum se ac clemētem in Chi-
 nense regnum ostendat. Sane omnia opera &
 cogitationes meæ alio non referuntur, neve
 quid aliud vnquam spectabo. Cuius clarissime
 Domine, si mihi forsan non credideris, certio-
 rem te reddent vicini mei, & alii Sinæ quibus-
 cum familiaritatem aliquam cōtraxi: qui quo-
 modo me gesserim hætenus, & qualem vitæ
 sim rationem secutus, testabuntur. Testabun-
 tur, inquam, iurare ausim, ab eo me tempore,
 quo Chinam ingressus sum, ita meos moribus
 institutisq; Sinarum adaptasse, ac si inter illos

*Littera Con-
chifuij Xau-
quini ad Aitanū
Cantonen-
ſem.*

natus eſſem & educatus. Hæc ſunt paucis, quæ
in ſui purgationem Cōchifuij ſcripto Riccius
tradidit. Tum verò hæc ad Aitanum Cantonenſem ille literas deſtinauit: Inquiſiui ea quæ
potui diligentia, magnifice Domine, in ea, quæ
ad me ſeniores Cantonenſes perſcripſerant. At
nihil eorum, quæ criminanda obijciunt reperi:
Magiſtratus namque & ciues noſtri, turtim;
quam veſtri ita depingunt, & aduerſus quam
adeo bacchantur, ædificauit. Fateor, ſacerdo-
tes hos externos, cum moles hæc aſſurgeret,
Tutanum loci tum acceſſiſſe, & aream ad ſibi
domum & templum Deo exſtruendum, poſtu-
laſſe: ſed hoc impetrato, nihil vnquam poſtea
egiſſe, quod reipublicæ incolumitati aut pri-
uati cuiuſpiam commodo officeret. Quod æ-
muli obijciant, tumultuoſos ab illis ciues ac
publicæ quietis perturbatores in ciuitatē clan-
culo inductos, merum commētum eſt; ac nul-
lus noſtrum quidquam hæc ſuper re intellexit.
Equidem porro non video, cur iure, quod Tu-
tanus conceſſit, priuandi ſint, niſi forſan quis
friuiola ac futili de cauſa, illos velut canes exa-
gitare voluerit. Caterum iis, quæ Viſitator de-
creuerit, libens ſubſcribo. Si mea vnus res a-
geretur, ſuo illos vti priuilegio ſinerem, cum
tantus vir ipſum conceſſerit, ac legitima tol-
lendi cauſa non ſubſit.

Hiſce perleſtis literis Aitanus Cantonenſis
(qui in externos per vniuerſam prouinciā in-
quirere ſolet) ita mutatus fuit, vt ab eo tem-
pore magno ſit Patres affectu proſecutus, &
pro ipſis hoc argumento pronunciarit: Ratum
ut oportet, quidquid ſuperior Tutanus Xau-
quini decreuerit & fecerit; præſertim hoc in
negotio. Cum igitur ſacerdotibus aduenis in

China

China agendi facultatem concesserit, agant per me licet quamdiu voluerint; equidem non obstabo. Nolim vero vllum iis negotium exhiberi, cum ea non agant, quæ institores externi, qui Macaum conflunt. Quare si quis iis aduersari voluerit, vtramque prius audiri partem æquissimum est. Decretum adhæc, vt sententia hæc ad Conchifuium Cantonensem referretur, quo ille satisfaciat Visitatori. Hoc igitur modo defæuit procella & persecutio, quæ Patribus exilium minari, ac mortem videbatur. Visitator namque, visis iis, quæ Conchifuius Xauquinenfis, & Aitanus Cantonensis pro illorū innocentia rescripserant, facile cognouit, commentitia esse, quæ à Cantonensibus senioribus delata essent; nihil vt tum decreuerit, sed in suum Xauquinum aduentum negotium distulerit. Deinde vero ad Tutanum novum omnia retulit, qui maiori seueritate rem excussit, vt iam videre licebit.

C A P V T X X V I I I.

*Patres Xauquino à Tutano Cantonensi eijciuntur,
& ad aliam eiusdem prouinciæ urbem,
Xaucheum, mittuntur.*

Nondum in tuto Patrum negotia versabatur, sed nouæ apud Tutanum alterius, à quo tam benigne habiti fuerant, successorem struuntur insidiæ. Demortuus namque Tutanus Patrum amicus iam erat, dum seniorum Cantonensium libellus Xauquinum mitteretur, & alius eius in locum succedens. Is vt primâ prouinciæ suæ urbem attigit, interim dū expectat, vt pompa Xauquini, vbi Tutanorum sedes est, ador-

*Nona in
Patres ex-
citatur per-
secutio.*

ador-

*Crimina-
tiones Se-
niorū Can-
tonensium
in Patres.*

adornetur; Seniores & Mandarinī Cantonen-
ses non quiescentes, ad ipsum profecti Patres
Xauquini agentes mendaciter criminantur, &
plurima aduersus eosdem commenta produ-
cunt. Iactabant, maximam sacerdotum exter-
norum copiam Macao Xauquinum confluxis-
se, templum haud procul à primario flumine
construxisse, paratam semper hic cymbam sta-
re, vt huc illucque nauigando, quid in vniuer-
so ageretur regno explorantes, ad Macaenses
perscriberēt; hos ingenio valere, ac doctrinam
promulgare, quam paulatim omnium animis
instillarent, & Deum suum ab aliis coli velle;
habere insuper campanam in aëre pendulam,
quæ sua sponte, nullo manus admovente, soni-
tum ederet, & ad quoscunque hic deueniret,
fascino eos quodam magico incantari.

*Tutani ad-
uersus Pa-
tres decre-
tum.*

Tutani hisce intellectis, mox ad Xauqui-
nensem præfectum, vt de singulis inquireret,
perscripsit, & si, post accuratum examen com-
pererit, campanam hanc sponte sonitum ede-
re, & illum audientes incantari, & ipsos alicuius
culpæ impositæ reos esse, Macaum trans-
mitteret, vel ad cœnobiū Nangoæ, quod Bon-
ziorum est habitaculum, vti suo dicemus loco,
Xauquino ablegaret. Præfectus & Mandarinī
omnes, qui Patrum partes sequebantur, hoc
Tutani præcepto non mediocriter consternati
sunt. Pro ipsis namq; paulo ante amplissimum
decretum tulerant, quod infringendum haud
dubie erat, si modo Tutano obsequi vellent,
quod illos non parum mordebat. Voluntati
tamen illius refragari non audebant. Patribus
ergo cōsultuere vt modeste, antequam vi com-
pellerentur, se Xauquino subducerent, & ad
Nangoanū cœnobium reciperent. At displicuit
Patribus

Patribus consilium: qui præfectum & Mandarinos etiam atque etiam rogarunt, vt propositos articulos excuterent, & num magicas incantationes vsurparent; inquirerent. Interim octodecim tam viri quam feminae, fidei aggregati sunt, & baptismo in medijs persecutionum patribus imminantium turbinibus admoti. Dum vero præfectus & Mandarinini in rem inquirunt, Xauquinum Tutanus aduenit; sed mox Cantonem ad piratas, qui Ainanem insulam gemmarum piscatu notam, iam occupant, classe instructa exagitandos profectus est. Respirant interim nonnihil Patres. Hinc P. Riccius, occasione præsentis vsus P. Almeida Xauquini relicto, Macaum raptim aduolat, vt cum P. Visitatore, qui abhinc aliquot diebus ex India huc appulerat, rem communicaret. Tutanus rebus Cantone compositis Xauquinum redijt. Mandarinini Patrum tueri causam, & Tutanum illis propitium reddere conabantur; dum quæsitâ in sermone oportunitate, sensim de illis agunt, suum tamen erga illos affectum celantes. Sed Cantone ita exulceratus redijt, (quod aliquot ciuibus Cantonensibus Lusitani detrimentum intulissent; & Seniores mendacibus criminationibus & calumnijs aures obtulissent) nullis vt rationibus, quas præfectus & Mandarinini pro causa illorum afferrent, auscultare voluerit; sed conceptam aduersus illos sententiam ab ipsis approbari petierit, quam se deinde signo muniturum dicebat. Aduersari non audebant Mandarinini, sed approbare eamdem coacti sunt, vt ad executionem eiusdem, solum Tutani signum desideraretur. Affulget interim Patribus mēdax quæ-

*Octodecim
Chinenses
iterum ba-
ptizati.*

*Tutani ad-
uersus Pa-
tres senten-
tia.*

*Tutani
& Visita-
tor Patrū
domum
adant.*

*Raritates
Europæ
illis osten-
duntur.*

dam serenioris auræ, & labyrintho hoc egrediendi spes, qua ad tempus inescati sunt; sed ea perbreuis fuit & momētanea. Cū enim Visitator prouinciæ, Xauquinū ad Tutanū venisset, magna pompa & gratulatione, decē & amplius diebus exceptus fuit: quē Cantonē redeuntem, Xauquinenſes Tutanus & Mandarinī honoris ergo sunt comitati. Tutanus & Visitator eadē vehebantur naui, festo buccinarū, tubarum, & sambucarū modulamine viciniā perſtrepente; quē Mandarinī & primores ciuitatis magna famulorū ac miniſtrorū caterua ſtipante comitabātur. Domū autē Patrum cum præternauigarēt, (nā flumini contermina erat) eamdē viſere placuit; emiſſi igitur Mandarinī aliquot vna cū miniſtris publicis, fores Tutano & Visitatori mox aperiri indixere. Paruerunt Patres; & ea qua potuere gratulatione officiōq; veniētes exceperē: tantā porro maiestatē p̄ferebāt, vt duos Monarchas diceres. Vtrūq; namq; octophori geſtabāt, tā p̄tioſis induti veſtibus, vt nobiles viderētur & magnates. Debitā Patres exhibuere reuerentiā, in genua procumbentes, & tertio caput terrę illidentes; deinde per vniuerſam illis domū deductis, oſtendere nonnullas Europā deuectas elegātias, minutas illas quidē ſed à Sinēſibus ob raritatē magni fieri ſolitas, imprimis vitrū quoddā trigonū, omnigenos reſentans colores, qui in diaphano translucebāt: q̄ illi comētū non parū demirati ſunt. Horologij itē artē ſpectarunt, in quo cāpana nullo mouēte horas indicabat, quod incātationibus quibuſdam fieri Tutanus credebat, donec ſuis id oculis cōſpexit. Viderunt hic libros Sinarum, quos Patres domi per otium euolvebāt; q̄ illis ſtudi-

studiū nō displicebat. Deducti tandē in oratoriū, in quo Deiparę imaginē, quę in ara, spectabantes, artē non parū demirati sunt. erat enim scite depicta. Tandē resederunt, & ex oblatę, pmore regionis, collationis symbolo nonnihil degustato ad naues rediere, signis & verbis gauisos se inde discedere significātes. Credebant ciues & Patrū patroni hac aditione omnē quę sparsa erat, calumniā abolitā ac sepultā, & recuperatā Tutani grātiā illis congratulabantur: quin & patres ipi vltērius se exagitādos nō putabant. Ipse etiā Conchisuius scribē nū decretū aduersus illos latū, Tutano offerendū foret petenti succensuit. Tace, inquit, nec hac de re mihi loquaris, nisi rationē rogatus. Verum quod nonnisi curiositate ductus Tutanus Patrū domū & elegantias, de quibus multa inaudierat, visitasset; paucis post diebus, nō obstante quam ostēderat amicitia, sententiā sigillo suo cōmunitā executioni mandando, Xauquino patres discedere cōfestim voluit, tū q̄ aduenę forent, tū q̄ Bonziorū doctrinę aduersarentur. Domū stipe collata cōstructam redimi noluit; ne quā tamen postea redeundi occasionē prętexerēt, Sexaginta illis Taēs pro ædibus persoluit. Suā Patres innocentia depromebant, se Macaenlibus aduenis persimiles esse negantes; nec æquū videri se, nulla admisā noxā, in Trincicū regnū vnde tanta cū difficultate iā venerant, remitti. Quid.n. aiebāt, discrepat, mortē aut longinquū hoc exiliū ppeti cū tāta itinere hoc subeūda sint pericula. Sed incassū, plata omnia. Conchisuius iniunctum vt pecuniā traderet, & naui imponeret. Omnem manendi spem pręcisam videntes Patres, paruere; sed pecuniam admittere,

*Creduntur
Patres ex-
tra pericu-
lum esse.*

*Tutanus
Xauquino
eos pellit, &
pecuniam
illis dari
vult.*

Patres pecuniam requirunt, & cur?

ex P. Visitatoris præscripto, noluere; ut si forsitan postea benignior succederet Tutanus, ablata repetendi ius semper integrum esset. Conchifuius vero, viso pecuniæ repudio, scripto petebat ut consignarent pecuniam à se oblatam, sed repudiatam. fecere Patres, Cantonem pergentes, mox Macaum profecturi; stipabant militares copię, quæ ad extremos usq; Chinæ limites illos deducerent. Interim dum Cantone Macaum nauigandi opportunitatem præstolantur, subito à Tutano Xauquinum reuocantur. Nec distulere, dum mutatam illius voluntatem sibi persuadent: sed ex ore illorum scire volebat, num oblatam pecuniam repudiassent. Patribus ita se rem habere dicentibus, Nolim, inquit, sine viatico vos quoquã proficisci; probro mihi enim foret. Satis sibi nummorum esse ad Macaum proficiscendum; dixere Patres; & rationibus depromptis hanc à se pecuniam amoueabant. At Tutanus à deo indignatus est, ut interpretem illorum Sinam parũ abesset quin flagellis adiudicaret. quamuis enim linguæ patriæ utcũq; Patres periti essent; tamen quando cum maioribus Mandarinis, de rebus magni momenti agendum erat, interpretem; ad commodius sensa mentis exprimenda, adhibebant. P. Riccius viso Mandarinum vere hoc ob repudium succensere, placare illum quæ potuit modestia contendit. Addidit adhæc, cū illorum, assignato in iter longinquum viatico luculento, miseratione tangeretur; etiam atq; etiam supplicare se, ut exiguum aliquem in Chinã angulum concederet, ad quem se reciperent, nec Macaum redire compelleret; ubi etiã diutius subsistere non liceret. Aliam tum illis,

Tuta-

Tutanus prouinciæ urbem assignauit ; sed Cantone & Xauquino abstinerent : illa , quod prouinciæ metropolis, hac, quod Tutanorum sedes , ad quam omnes totius prouinciæ Mandarini confluunt. Cur vero , inquit, quam offero pecuniam, non admittitis ? erit enim vsus ad domum alio in loco ad quem concedetis extruendam. Tum Riccius : Cum ita Dominationi vestræ videatur , per pecuniæ acceptiōnem nō stet , quo minus vestra clientela fruamur. Adeo vt pecuniam, qua de agebatur, tandem receperint. Porro non parum Tutanus mirabatur, cur tam inuite externi China, præter ceterorum hominum patrium solum amantium consuetudinem, decederent ; sed ignorabat, quanta maiorum foret virium Dei amor in illis qui igne hoc cœlesti flagrant, quam naturalis in Patriam affectus. Adeo vero Patres pecuniam admittendo sibi morem gessisse lætabatur , vt cum ijs ipsis diebus Mandarinus Xaucheanus Tutanum adiisset, illi rede-

*Tutanus
aliam Pa-
tribus vr-
bem as-
signat.*

*Xaucheum
mittit.*

sertim festis diebus: quos vt nossent, factos illis Sanctorum Sinenſi lingua ita concinnarunt, vt distributis ordine diebus, annū Sinarū nostro adaptarint. Tanta vero neophytorū in addiſcēdis ijs, quæ officij ſui forent, fuit ſollicitudo & anxietas, vt noctē ſupremā ijs iſtis impēderint, lacrymātes ac dolentes, tā præpropere ſe magiſtris ac paſtoribus ſuis orbari: nos cōſolati Patres, ostendere cœpere, huiusmodi amicis Dei afflictiōes immitti, qbus erudirentur nō habere ſe hic manentē ciuitatē, ſed in cēleſti Ieroſolyma permanentē ac ſtabilē ſedē fore. Deniq; ad fidei ſunt conſtantiā, & æquanimā aduerſitatū omniū ob Dei nomen ingruentium tolerantīā cohortati: felicitatē ſummam rati pro diuina gloria aliquid in hoc mundo perpeti. Hęc ſuprema peracta ſunt nocte Xauquini poſtridie vna cū Mandarinō, cuius cura cōcrediti erant Xancheum nauigarunt, eiſdem hęc prouincię vrbs eſt, ſed quadraginta & amplius, Septentrionē verſus, interiorē regionem petendo, à Xauquino diſtat leucis. Tutani & Conchifuij litterarū auctoritate, poſſeſſionem loci aſſignandi adiere. Mandarinus, à quo deducebantur nuntiū ad Bonzios qui haud procul ab vrbe commorabantur, in loco qui Nangoa dicebatur, præmiſit, vt hoſpites aduenas, quos Tutanus deſtinabat, domo admitterent. hinc fama Xanchei ſparſa, eſſe Patres Bonziorū Nangianorū Mandarinos ac præfectos conſtitutos, cenſumq; annuorū, qui ampli & luculenti ſunt, rationibus illos præfuturos. Idipſum & Bonzij iſti credebant; adeo vt horū antiſtiſtes in ripa deſcendentes Patres, magno honore exceperint, atq; in capaciffimū cœnobiū deduxerunt.

*Xancheum
petunt.*

duxerint. Sacrum hoc diuo cuidam Sinensi, qui
sectæ nouæ, quam Bonziji sequuntur, fuit inuē-
tor & auctor. Delubrum amplū habent & splē-
didū in cuius ynico sacello quadringentæ de-
auratę visuntur statuae, ante quarū primariā
quadraginta & amplius lampades collucebant.
fani magnitudinē splendoremq; Patres demir-
rati sunt. Obstupere vicissim Bonziji, cum Pa-
tres loco sancto (vt ipsi sibi persuadent) & ido-
lis nullū exhibere honorem conspexere. Cœno-
bio perspecto urbem adiere Mandarinos salu-
taturi, atq; eum imprimis, cui commissi erant,
à quo summa sunt humanitate excepti, inter-
rogatiq; num quem viderant locum arrideret,
& num ibidem aut in vicinia saltem, commo-
rari vellent: si enim displiceret, de alio se loco
prospecturum spondebat. Aliam sibi vrbi vici-
niorem vt daret, flagitarunt Patres. Facturum
se ille recepit. Idcirco in prædium eos deduxit
suburbanum, quod à Bonziorum cœnobio nō
procul distabat, placuit hic locus & commo-
dus videbatur ad domum simul & templum
quod imprimis desiderabant, constituendum.
Placere locum gaudens Mandarinus, dū Tuta-
num non repugnaturum arbitratur, ædifican-
di quod voluissent, facultatem concessit. Multi-
cium, viso Mandarinum in Patres affectu, illos
adiere quam officiosissime, nam Cantonensi-
bus & Xauquinenſibus humanitate & officijs
præstant, atq; idcirco magnum hic, Deo auspi-
ce, Patres facturos se fructum sperabant. At ca-
codæmoni cum non sufficeret Xauquino illos
pulsos esse, Xaueo etiam pellere contendit,
aut quam sibi paulatim auctoritatem para-
bant, infringere & enervare, quo illorum

*Monasteri-
um Bon-
ziorum in-
colere no-
lunt.*

*Haud pro-
cul ab vrbe
domum
nanciſcun-
tur.*

doctrina non ita grata auditorum auribus accideret; idcirco nouam ijs persecutionem, cuius hæc fuit occasio, machinatus est. Patres enim cum in loco quem diximus, domum & oratorium excitassent, exigua satis, tamen ad functiones peragendas satis apta; credebant nonnulli, magnam apud illos auri vim esse, cum tantillo tempore hanc casulam erexissent.

*Fures XII.
domum diripiunt.*

Hinc fures XII. occasione sumpta domum clanculo de nocte ingressi sunt, vt quam latere putabant pecuniam, diriperent. Sed spe frustrati tum domus tum templi supellestili abstulere. Delata mox hæc ad quatuoruiros vrbs, sed non à Patribus, hi in furum tum ratione officij, tum quod à Tutano huc missi forent Patres, inquisierunt, & fures comprehensos ar-
Capti sunt. &æ custodiæ manciparunt. Haud multo post Xaucheum Visitator appulit, cuius solius est mortis sententiam ferre; quæ furibus ex patriarum legum præscripto certissimo infligenda erat. Fures Visitatoris aduentu comperto, dum certo scirent, si Patres damnum posse ibidem manerent, mortem se euadere non posse, libellum aduersus eos obtulere. hic illos externos esse criminati sunt, & cū exteris clancularia agere commercia. æquissimum propterea videri Xaucheo illos pelli. Vnus quatuoruirum, qui Patres magno amore complectebatur, huius astus illos certiores reddidit; qui nuntius non parū illos consternauit. Videbant enim se, si à Visitatore (qui supremis totius prouinciæ iudex) loco hoc pellerentur, nulla humana fieri ope posse, vt aliquo Chinæ loco subsisterent. At Dominus hanc breui procellam discussit. Per quatuor enim præfectorum manus libellū transi-

transire cum oportebat, antequam Visitatori traderetur: quorum vnus furum partes fouens eundem offerri volebat. Sed secus sentientibus alijs, solus cogitata efficere non potuit. Cum itaque dies morti præstituta aduenisset, P. Riccium Visitator euocauit, vt in maleficos animaduerti peteret. Cui Riccius, non modo accusare se nolle ait, sed etiam atque etiam exposcere, vt indemnes ac sine infamia vlla dimitterentur. Miratus hanc benignitatem Visitator, non parum lætatus est, quod tot simul neci dare non teneretur. Idcirco, dum illos accusari à Patribus non vidit, nec ipse vita illos, vt leges præscribunt, priuare voluit; sed flagellis acerrime cædi.

Patrum interuentu à morte liberantur.

Cæterum generosum hoc Patrum facinus ad eò gratum auribus omnium accidit, vt nemo nisi cum honore de illis loqueretur. quin & fures ipsi illorumq; amici & consanguinei gratias acturi veniebant, æquum videri, ac virtutes illorum promereri, vt in China manerent, cum pro malefactis beneficia rependerent. Putabant Patres nebulam ac procellam ita detumuisse: at Satan horum omnium auctor & instigator, qui illos China proscribi etiam atque etiam desiderabat, fures hos & affines iterum commouit, vt beneficij accepti immemores, sed tormenti & ignominia memoriam refrigerantes, & secunda & tertia vice, Patres Xaucheo proscribere tentarint. Visitatori hanc in rem libellum offerunt, quem tres præfecti superiores reiecerant. quorum ingratitudinem & nequitiam miratus à se dimisit, nec audire quidem voluit. Sed nec ita quieuerunt.

Iterum fures in proscriptionem Patrum incumbunt.

Interim aliquot post mensibus, præfectus is,

Item tertio. qui Patrum partes hactenus fouerat, ad regem mittitur; cuius in locum primatem suffectus is, qui secundus ordine furum semper causam egerat. Tempore vtendum rati fures, consanguineorum ope nixi, huic præfecto libellum offerunt, quo aduenas vrbe pelli postulabant. quod haud dubie postridie factum esset, ni De⁹, qui suos tuetur, nocte sequente mortem illi inamississet. Atq; ita irritus omnis illorum fuit conatus. Primarius præfectus è regia reuersus, *Miraculoſe* audito, quo in discrimine fuerint se. absente, *Patres libe-* Patres, & diuinitus illos ereptos esse, maiorem *ra illor.* quam hactenus illis amorem demonstrauiſſet; hinc frequenter domum illorum adiit, & quomodocumq; poterat, auxilio fuit. Illius ergo fauore nitentes, fidem Christi publice Xauchei prædicare cœperunt, sed caute ac prudenter, vt æquum erat, nequam Bonzijs & Mandarinis sinistra suspitionis ac tumultuum ansam darent. Anno ergo M. D. XCIV. mense septembri, Deo iuuante, aliquos baptismo tinxerant, & hos inter Eruditum quendam, Magnatis cuiusdam filium; præter alios plures, qui ad eiusdem susceptionem disponebantur. Præcipitare tñ hic Patribus non placuit, sed lentius procedere, vt iam ante Xauquini, nullos baptismi consortes reddendo, nisi iam rite probatos & instructos; vt si forsan & hinc pellerentur, sine cortice neophyti, in Patrum absentia, Deo iuuante natarent. Semper tamen hactenus Xauchei permansere, neophytam illam Christi vineam indefesso labore colentes, quo palmites proferret; & sane non irritò conatu; multos siquidem Christo peperere, & indies etiam pariunt. Videamus iam, quomodo dilatare pro-

propagines, & ad alias etiam prouincias Euan-
gelij lumen deferre contenderint, & præsertim
ad primarias regni ciuitates.

CAPVT XXIX.

*P. Matthæus Riccius Mandarinum comitatus, ad
interiora regni penetrat; Nanquini
commorari dum vult, repulsam
patitur.*

DVm Patres Xaucheani intimam regni par-
tem adire, & paulatim Paquinum perue-
nire satagerent, insignem anno M. D. XCV.
mense Aprili occasionem nacti sunt. Nam Man-
darinorum primariorum quidam, quem Xey-
am appellant, à rege euocatus, vt à consilio mi-
litari foret, Xaucheū appulit. hic magna pom-
pa & festo apparatu ab vniuersis excipitur, ad
dies aliquot hic cum hæreret, externos quos-
dam sacerdotes, rerum multarum peritos in
vrbe agere comperit. Hos ad se confestim euo-
cat, nam filio, quem ægrum secum trahebat,
opem forsan afferre posse sperat. Adeuntes Pa-
tres maiori gratulatione & affectu excepit,
quam Mandarinos quoslibet. Varijs de rebus
habito sermone, filij morbum aperuit, si qua
pellere arte morbum possent, hanc adhiberēt,
rogat, nec ingratum se fore. Riccius tam insi-
gnem Paquinum aut aliā urbem primariā pe-
tendi occasionem oblatam gaudens, idq; præ-
textu Mandarinum comitandi; quidquid suarum
esset partium, q̄ libentissime se præstiturū spo-
ndit. sed tantillo, quo Xauchi ipsi commo-
rari licebat tempore, viz. pelli posse; at, si vide-
retur paratum se Paquinum vsq; comitari, &
tunc

*Mandari-
nus regiam
petens Xau-
cheum per-
transit.*

Cur P. Riccius Mandarinis comes esse voluerit.

tum in itinere, tum in regia sedulam filij rationem habiturum. Non displicuit hoc Xeyæ, quod de filij incolumitate maxime laboraret. Xaucheano igitur præfecto, litteras ut expediret, quarum munimine secure regnum transiret, indixit. Post biduum, habitis litteris. Xeya cum suis itineri se accingit; quem Riccius, assumpto puero Chinenfi, callido & prudente, naue secutus est, Xauchi P. Lazaro Cataino relicto, is haud pridem Macao appulerat, quod uterque Riccij socius Xauchi esset demortuus. Xeya modo terra, modo aqua iter peregit; quem quia Riccius cymba vectus, sequi non poterat; in prima illum provinciæ Chiansiensis vrbe, quam Nanganfuium nuncupant, expectaturum se spondit. Antequam huc peruenias, Namum oppidum pertranseundum: quod vero anfractibus varijs & circuitu longo hic flumen mæandrizet; ne tædiosa sit nauigatio, terra iter ut plurimum confici solet. Via quoque, quæ duodecim Leucarum, & elegans est & commoda: nam lateribus constrata, etiam tempore pluuiæ lutulenta non est. utrimque enim lacunæ ductæ, aquam omnem excipiunt; quas saliceta procera inumbrant. Namum cum peruenisset Riccius, Xeyam ab aliquot diebus hic fuisse comperit: quem aduentus sui confestim certiolem reddere voluit. at quod magnæ vir auctoritatis foret, non facile dabatur aditus. hinc in œconomi & secretarij se gratiam insinuauit, elegantias aliquas & cimelia Xeyæ danda, ostendens; clepsammidiū scilicet, ac vitrum quoddam trigonum aliasque minutias, quæ in China ob raritatem permagni sunt. Secretarius cum ad dominum hæc

retu-

retulisset, postridie Riccium ad cœnam inuita-
uit, & in multam noctem prolato colloquio
varia ab illo petiuit. Intermiscebat nonnun-
quam de fide Christiana sermonem Riccius,
quem Xeya non grauate se excipere ostende-
bat. Denique cum de filij sanitate nonnihil
egisset, Riccius se Paquini, aut Nanquini sal-
tem, commorari libenter velle aperuit. at hoc
nefas esse Xeya respondit, quod externos hisce
præsertim in vrbibus, sedem figere non liceret,
Nanchanum vero, quæ Chiansiensis prouin-
ciæ vrbs, nobilissimis non cedit, interim con-
cederet. Tum finito sermone, bona Xeyæ cum
venia Riccius discessit. Postridie rursus euo-
catur, & diutius cum Xeya locutus aliquot li-
bros mathematicos, & instrumenta protulit.
Exinde Xeya cum suis naues, conscendit, &
Riccius suam, ac simul Canchefuium venêre,
vbi tum prouinciæ Tutanus erat. Magna hic
gratulatione & applausu Xeya excipitur. Tu-
tanus enim & Mandarinini omnes tribus stipen-
diariorum millibus stipantibus, obuiam pro-
gressi sunt; quem milites transeuntem, ordine
dispositi, sclopetorum displosione salutarunt.
Postridie lautum illi ex ærario publico datum
epulum, exhibita dramata, aliaque gratulatio-
nis signa. Riccius interim naui delituit. nam
cum vrbis spectandæ gratia egressus, magna
populi, velut ad monstrum ac prodigium spe-
ctandum confluentis, corona cingeretur, ne
quam Xeyæ ab adductum externum, pœni-
tendi ansam daret, naui se clausit. Biduo post
secundo flumine deferuntur: vix leucam con-
fecerant, cum in difficile ac periculosum venê-
re octo fluminum confluium, quod inde pa-
tria

*Agit Ric-
cius cum
Mandari-
no.*

*Iapatanum
locus diffi-
cili*

*Riccus po-
ne hic mer-
gitur.*

*Quiangan-
fu vrbs.*

tria voce Iapatanum vocarunt. Octo enim hic
flumina concurrunt, & vndiquaque cutissi-
mæ rupes nonnullæ aquis tectæ, nonnullæ et-
iam prominentes. His naues aliquot rem Xeyæ
deferentes illisæ periere. Nauis quoque Riccij
paulo inferius, scopulos transiens in frusta dis-
siliijt; sed ipse nando, non sine præsentissimo
vitæ periculo euasit. Puer vero Sina, hic per-
ijt; neque enim postea comparuit; nam præ-
ceps aquarum impetus, procul inde abripue-
rat. Quam iacturam Riccius peracerbe tulit.
nam pueri opera reliquo itinere opus habuit;
sine ipso siquidem nihil pene efficere potuit.
Xeya Riccium, comperto casu solatus, puerum
diligenter conquiri iussit, sed frustra. Biduo
post Quianganfuium urbem, & munitissimam
& opulentissimam peruenere. ciues hæc habet
insignes & locupletes; è primarijs totius regni
est; & sola tantum regi vectigal pendit, quantum
provincia integra. Opida & ciuitates habet in
territorio plurimas; quin & commercia, sic
ob institorum copiam frequentia. Hoc & ali-
ud discrimen adire, ea ipsa nocte qua urbem
subiere: adeo vt Xeyæ & Riccij nauis in maxi-
mo versarentur discrimine. Quocirca reliquum
iter terra conficere Xeya voluit, sinistra sibi e-
uenisse, ob Patris comitatum ratus. Idcirco
Secretario iniunxit, vt Nanquinum, quæ prima
à Paquino vrbs est, illum deduceret. Xeyæ pro-
positum, cum intellexisset Pater, postridie ma-
ne illum adiit, litteras patentes postulaturus,
quibus Nanquinum sine vlllo maleficio ac tu-
to ingredi liceret, cum Paquinum vsque co-
mitari nefas foret. non posse se eandem dona-
re, quod nondum dignitatis fi-
gillum

gillum accepisset, sed daturum operam spondit, vt Quianganfuiensis præfectus easdem daret, & tuto illum seruis suis comitantibus, eodem posse pergere. Aliud cum impetrare non posset Riccius, quieuit. Allatæ tum litteræ & amplissimæ, & beneuolentissimæ, quales hactenus in vniuersa China non obtinuerat. His namque incolam illum ac ciuem à Tutanis & Mandarinis declaratum afferebatur, vti colligere licebat è litteris, quas Xauchi acceperat, cui proinde Nanquinum & alia regni loca adire licebat. Hoc munimine Pater, eo ipso die, quo Paquinum alter terrestri itinere petijt, duobus Xeyæ famulis comitantibus, nauem conscendit, & secundo flumine Nanquinū delatus est. at q̃ memoranda quædam hoc itinere contigerunt, paucis eadem hic perstringemus.

Quianganfuo ergo postquam decessit, ad aliam territorij illius urbem deuenit, incidit hic in Mandarinum, à quo Xauquino Xaucheum deductus fuerat, à quo benigne habitus est. inde Ningubaofuium delatus, vbi flumen quod conscenderat, adeo late patet, vt in nouem se cornua, insulas aliquot amœnas constituens, diffundat. Postea Nanchanum, Chianfienfis prouinciæ metropolim, peruenit. exscensione facta magna ciuium mox corōna, qui velut rem nouam conspecturi, huc confluebant, vallatur. Quamuis enim externi Sinarum ritu induantur, vultus tamen lineamenta facile eos produnt, oculi maxime, nares & barba. Pleriq̃ à Xeyæ famulis petebant, qualis hic aduena foret. quib. illi insignē esse Philosophum Occiduis profectū par. ibus, esse responderunt; vnde non parua in eorum animis orta admiratio.

Vise

Viso spectantium confluxu Riccius in nauem se recepit, sed & tantus hîc concursus fuit, solus vt esse vix potuerit. Neque enim illius aspectu modo capiebantur, sed & varia ab ipso percontabantur. Nanchano, eodem flumine deferitur; quod eadem altitudine latitudineque, in duo rursus diuiditur brachia; hoc laocheofuium tēdit, quæ vrbs siglinis porcellanis vasis nobilis est; illud vero Nanquinum. ter hoc cœptam nauigationem confecere, donec ad lacum venere, e quo plurimi amnes originem trahunt, quorum pars in mare mox se exonerat, pars longius cursum extendit. hunc vrbes & pagi varij hinc inde prætexunt; ad se- uam ingens ciuitas spectatur Nanquafuium. Haud inde procul mons altissimus, cuius vertex perpetua, quamuis cœlo sereno cingitur nebula, & trecenta sexaginta quinque idolorum fana continet, numero anni dierum respondentia. Varia hic item Bonziorum inedia corpus emacerantium cœnobia.

In lacus ostio munitissimum atque elegantissimum est opidum, exiguum tñ ingenti, sectum flumine; hoc tantæ altitudinis esse iactât Sina, vt quibusdam in locis fundus haberi nequeat. Vbi angustius est, semileuæ est latitudine. Hic initium territorij Nanquini est, quam urbem indigenæ Nanchili, & Nanceli nuncupant; de qua nonnulla etiam hic dicenda sunt. Duobus & triginta gradibus altitudinis Borealis est, in Xantij fluuij ora sita; qua post Paquinum, nulla Sinenfium urbium aut maior aut insignior. Quod enim commodum foret, veterum Regum sedes fuit. Huc namque ex omnibus regni prouincijs facile iter patet, cum

*Laocheofu
vrbs por-
cellanis
vasis nobi-
lis.*

*Nanqua-
fuiū vrbs.
Mons al-
tus.*

*Nanquini
descriptio.*

eum quod maxima fluminum pars huc defluat, tum quod in regni vmbilico, oram maritimam si legas, sit constituta: nam nonnisi dehis abest leucis. At quod vrbes Septentrionem spectantes, assiduus Tartarorum incurfibus deriperentur; regia Paquinum translata, quo rex inimicis cornua tollentibus, propior foret, & hostilia retunderet. Tametsi vero Reges sedem mutarint, regiae tamen ipsa ciuitatis nomen semper retinuit, iisdemque priuilegijs & iuribus modo gaudet, quibus olim, dum reges incolerent. Hinc regium hic concilium idem magistratus, & dignitates ac prerogatiuæ eadem quæ Paquini. Idcirco hæc Septentrionalis, Nanquinum australis regia dicitur. Triplici lateritio cingitur muro (vt Riccius qui coram vidit, testatur:) singulorum ea latitudo, vt duobus iunctim curribus iter commodum pateat. Primus circuitus, qui quæ vrbi proximus, sena passuum patet millia, nostro calculo sesquileucam. Duodecim in locis peruius est, singuli aditus quatuor habent portas lapidis iactu à se inuicem distantes. ferreis hæ laminis, & quidem densioribus coopertæ sunt; in muro vero intermedio tormenta disposita, & præliarij collocati. Hic vestigal ex omnibus in urbem inuectis mercibus exigitur. Intra hunc murum regiae sunt, & horti circumquaque iucundissimi, stagna, viuaria, & domus ad delicias constructæ, nemora & luci amenissimi, omnigenis referti feris. Elegans vrbs proportio est, vici recti & lati, domus quamuis humiles, intus commode & pulchræ ac præsertim regiae.

*Triplici
muro cin-
gitur, eiusque
magnitudo.*

*Intra hunc
regia est.*

Intra hunc circuitum Mandarinij, Eruditi, a-

D d d

hijq

*Intra se-
cundum re-
gij præsidia-
rij.*

lijq; magnates commorantur. Secundus mu-
rus viginti Italica complectitur miliaria, aut
leucas quinque, eadem materia, forma, latitu-
do quæ proris. Inter vtrumq; hunc circuitum
vrbs præfidiarij agunt, qui plusquam quin-
quaginta millia, vt Chinenſes vulgo iactant,
& P. Riccius teſtatur. Extimus murus quadra-
ginta paſſuum millia, vel decem patet leucas,
ſed hunc multis in locis interlabentia ſecant
flumina. Hunc inter & ſecundum coniectæ
ſunt opificum tabernæ ac vulgus, atque idcir-
co ſuburbia pars hæc vocatur. Sed ad propoſi-
tum redeamus.

*Riccus
Nanquini
venit.*

Riccus cum Xeyæ famulis, cum Nanqui-
num appuliſſet, illi ad ſua reuertunt, orantes
nemini dicerent, in Xeyæ ſe comitatu veniſſe,
neu diutius in vrbe, ac ſæpius in vrbe verfare-
tur, ne quis inde ortus tumultus in Xeyam red-
undaret. Ille vero tanta in vrbe cum ſolum ſe,
& omni humano auxilio deſtitutum cerneret,
videretque nihil inde detrimenti Xeyæ oritu-
rum, quamuis illius in comitatu veniſſe con-
ſtaret, quin potius multum id ſibi profutu-
rum; illorum noluit acquieſcere conſilio. hinc
omnibus adeuntibus & rogantibus, Xeyæ ſe
ductu eodem veniſſe dixit; illius enim nomine
gratior erat aduentus. Igitur domum extra ſe-
cundum murum conduxit.

*Domum
conducit, &
amicos pa-
rat.*

Incidit hic forte fortuna in adoleſcentem
medici filium, quem Xauchi nouerat, &
Nanquini hætenus egerat; à quo didicit, eſſe
hic & alium adoleſcentem Tutani Cantonen-
ſis filium, quem Riccius olim familiariter no-
uerat, qui etiam illum adiit. Hoc pacto ami-
cos parauit, non hos modo adoleſcentes, ſed

&

& alios, quibus illi amici erant, & præsertim Eruditum quendam, magni nominis, & opum virum, illius quoque filium, etiam Eruditum.

Quater quiniæ illorum conuiuia fuit; ac tum nonnulla de fide Christiana aperuit, quæ grata auribus accidere videbantur. Magnos hic se fructus collecturum sperabat, cum tantum felix auspiciū res habuisset. at dæmon omnis boni inimicus, totum negotium perturbans, opinato citius loco illum discedere compulit.

Cognito namque Riccius Mandarinum, quem olim Xauchi nouerat, insigni Nanquini munere fungi, non abs re putauit, illum adire. illius ut ope auctoritateque si opus foret, uteretur. Adeuntem ille magna initio gratulatione excepit, at cognito, Nanquini sedem illum velle figere, adeo succensuit, nullis ut verbis ad mentem reduci potuerit, quamuis in Xeyæ se comitatu venisse diceret, litterasque depromeret, multis etiam prolatis rationibus, quibus ad propositum dilaudandum permoueret. Meruebat scilicet (quantum illius è verbis colligi poterat) ne rex aut assessores regij, audito Riccium Mandarinum domum adiisse, illum oppem afferre aduenæ, ut Nanquini contra patrias leges commoraretur, crederent. Quocirca quo periculis occurreret, mox euocauit illum, apud quem Riccius diuertebatur. Misellus confestim ad Mandarinum violenter abripitur, virgarum minæ intentantur, quod aduenam sacerdotem Mandarinum iussu domo excepisset: sed nonnisi merus fuit timor. Iuramentū dūtaxat præstitit publicis literis, Riccium

Mandarinum adit, quem olim Xauchi nouerat.

Mandarinus succenset, quod Riccius Nanquini agere dasset.

*Ad prouin-
ciam Chi-
ansienſem
pater miſ-
titur.*

à ſe mox in Chianſienſem prouinciã, vbi li-
teras acceperat, ductum iri. Mirabatur ſubi-
tum Mandarinì decretum Riccius, quò ſpem
ſuam omnem concidere videbat : at quod è
primoribus Mandarinis foret, refragari auſus
non fuit, ne & virum magis exacerbaret, &
hospitem in grauius periculum conijceret. Eo
igitur vnde venerat, quamquam inuitus red-
ijt, ſperans forſan meliorem Nanchani res ſuas
ſucceſſum habituras, vbi paulo ante tranſiens
mira ab omnibus exceptus fuit beneuolentia.
Incidit hic in famulum Tutani prouinciæ, qui
eandem petebat urbem; qui non modo comi-
te illo gauisus eſt, ſed & ædes Nanchani con-
quiliuit, ad quas Riccius diuertit, & ciuium
paulatim gratiam eſt aucupatus, vt commo-
randi facultatem, vt iam iam referemus, ob-
tinuerit.

*Nanchia-
num petit.*

CAPVT XXX.

*Nanchanum deſcribitur : commorandi hic à Tutano Riccius facultate obtenta, Euangelium promulgare cepit; quiſ hic & Xau-
chei fructus editus.*

*Cur Nan-
chanum
frequens o-
pidum.*

Nanchanum Chianſienſis prouinciæ me-
tropolis eſt; hanc aliasquæ ob cauſas, quas
poſtea referemus, & propulſa & frequens eſt,
& à magnatibus Eruditisque incolitur. Potior
namq; ciuium pars è regio prognatis ſanguine
conſtat. Solent namq; Chinæ reges liberos om-
nes, præter regni heredem, Nanchanum mittere.
Hic palatia ſinguli habent ampliffima &
cenſum lautiffimum pro dignitate, quotannis
recipiunt. quamuis autem omni reip. & prouin-
ciæ adminiſtratione excluſi ſint, à Mandar-
inis

rinis tamen maxime coluntur. Pluribus etiam priuilegijs gaudent; quæ alijs non dantur. Quod vero progenies regia hic plurima sit, hinc quartam aut quintam ciuitatis partem pene occupant regij. Sed tres familię præcipue, quarum capita ac primarij reges dicuntur, & sane regiam pompam præferunt, maxima famulorum caterua stipati. Multi hic etiam Eruditi, alij iam Mandarinatu defuncti, alij ad eundem aspirantes. Malunt namq; hic inter nobiles agere, quam in Patria aut alio in loco exaltorati & priuati viuere. Hinc Nanchanenses cæteris Sinarū sunt, & humaniores & honestiores. Huc secundo, cum Riccius concessisset meliori, quam Nanquini sorte vsus est. Hospes apud quem diuertebat, bonus & benignus erat, multasq; cum incolis agendi rationes sugerebat. Dicebat inter cætera, medicum hic esse Xeyæ familiarem. Hac occasione vsus Riccius, virum adiit, à quo benigne exceptus fuit; postridie vero ipse Riccium; & paucis post diebus lauto conuiuio excepit, cui duo interfuere magni nominis viri. Inter prandendum nonnulla fidei mysteria Pater aperuit, quæ gratis auribus excepere; atq; ab eo tum tempore legem quam docebat, & eruditionem qua pollebat per vrbem deprecicare cœpere; publice referentes, insignem ex Occidente virum eruditione & scientia illarum appulisse. ac medicus in primis, qui præconem ac tubicinem Patris e-logiorum agebat; nam apud Mandarinos & alios vrbis primores ita illum commendabat; vt Mandarinum adeuntem, magno honore & applausu exceperint.

Riccus hic agit. & in medica se insinuat gratiam.

Medicus hic auctoritatem Riccio comm- parat.

Denique ita nominis illius & eruditionis

fama per orbem diffusa est, vt è Mandarinis quidam Tutanum de omnibus certiozem reddiderit, oraritque, vt in vitam agendique rationem inquireret, quis esset, vnde, quomodo & quamobrem venisset. Tutanus ergo cognito Medicum Riccij familiarem esse, ad se virum euocauit, quis aduena esset, qui cum ageret familiaris, petijt. Ita Riccium ille dilaudauit, vt Tutano videndi iniecerit desiderium. Ne tamen officio deesset, vni è quatuor Mandarinis primarijs inquisitionem in vitam aduenæ demandauit, sed modeste cam ac sine vllò tumultu fieri voluit. Medicus Mandarinum hunc adit, & Riccium de meliore nota commendat: quem postridie Mandarinus euocat, & magni momenti negotium illi se, Tutani nomine, credere velle significat adeuntem. Mandarinus magno apparatu & gratulatione excepit, vnde & qua huc venisset, via percontatur. Xeyæ se comitem fuisse ait Riccius, ac litteras habere, quibus sibi hic commorandi copiam factam aiebat, sed vt appulit, præfectos loci se ob morbum quo hæcenus pene decubuerat, adire non potuisse. Placuit Mandarinò responsum, & ad Tutanum se de omnib. relaturum ait, & quocumque loco posset, auxilio futurum. Postridie & ipse tribus collegis alijsq; stipatus, Riccium domi suæ salutatum venit.

*A quatuor
viris præ-
fectis inui-
situr.*

Huc non parum contulit, quod Xeyæ amicum se diceret, inque illius comitatu venisse; magna namque Xeyæ hoc in loco erat auctoritas. Hòspes & vicini omnes viso, quem ei Mandarinus omnes exhibebant honore, pluris eum facere, quam ante cœpere: quin & Tutanus auditis, quæ Mandarinus, cui inquirendi nego-

nego-

negotium dederat, referebat, videndi se illius cupidum ait. Quamobrem cunctandum ne-
tquam ratus Riccius, Tutanum adiit; hic ve-
nienti assurrexit, neu prius resedit, quam Ric-
cius propius adesset: qui tum more instituto-
que patriæ in genua procumbens, mox surgere
iussus est. Dimidiæ horæ spatio & amplius de
varijs rebus collocuti sunt. Intermiscebat non-
nunquam sermonem de religione Christia-
na Riccius, de Mathematicis item disciplinis
& de horologiorum indicumq; solarium con-
ficiendorum ratione: libenter namque Sinæ
de hisce rebus differentes audiunt. Trigonum
quoq; quod penes se habebat vitrū, illi osten-
dit, quod Tutanus non parum suspexit trans-
parentes in diaphano colores demiratus. quod
illi Riccius obtulit: sed repudiauit alter, ne
quam adstantibus sinistrae suspicionis ansam
daret. Vt uteriusne pergeret, an Nanchani com-
morari decreuisset, petijt. Tum Riccius; Toto
illo tempore quo in Cantone provincia egi, pa-
rū firma vsus sum valetudine, & duo collegarū
Xauchi demortui; hinc inde Nanchanū con-
cessi, q̄ is locus in primis cōmendaretur, & hic
sedē figere, bona cum Excel. vestrę venia decre-
ui. Annuat Tutanus, & cōmorandi facultatem
benignus dedit. Ingentes tum Riccius gratias
agere, & discedens officiose cōpellare: at Tu-
tanus gratū sibi futurū dicere, si indicē solarem
sibi pararet. Facturū propediem se recepit Ric-
cius. Interim alios, Tutani amicitia conciliata,
sibi Mandarinos deuinciendos cogitat. Singu-
los ergo amice compellans & inuisens à Tuta-
no sibi copiam factā ait Nanchani agendi; quā
illi omnes sunt congratulati. Vt cognitum est,
Riccium hic domicilium fixurū, & Tutanum

*Tutanus
illum vi-
dere deside-
rat.*

*Tutanus
Nanchani
commoran-
di copiam
facit.*

facultatem fecisse, multi tum Eruditi, tum optimates sanguine illustres illū adiēre: vt affluentem turbam domus non caperet. Hinc nonnulli etiam regij sanguinis, quos hic supra agere diximus, non modo amice domum illius se contulēre, sed & conuiuiam suam esse voluerunt. Excusare se Riccius non est ausus, illorum gratiam aucupari gestiens; vt cum Christianæ fidei annuntiandæ tempus commodum affulgeret, quod inprimis desiderabat; illos benignos & attentos experiretur. Cum quodam tempore inter mensam de memoria locali, artificialiue, cuius artem Riccius habebat, sermo incidisset, conuiuas singulos litteras nulla seruata serie & confuse, quasumque exarare voluit; quas semel inspectas se memoriæ ita mandare posse asserēbat, vt suo quamque ordine memoriter recitaret.

*Arte memoria
no-
men sibi
parat.*

Incredibile hoc principio omnibus videatur; inuisum enim & inauditum hic hætenus. Sed sine vlla hoc difficultate Riccius præstabat, vt qui artis iam dudum periculum fecisset, & assueuisset. Charta allata quisque quos voluit, characteres depinxit, quos inspectos ille memoriter eadem serie, magno illorum cum stupore recitauit. Nam, teste Philosopho, admirationis causa ipsa est ignorantia. Mirati vero, tum inprimis sunt, cum eosdem inuerso ordine, à calce ad caput vsque percurrerit.

Qui huic sermoni interfuerant nobiles, tota eum vrbe sparserunt, vt plurimi Eruditorum, etiam Mandarinum alijq; optimates, artis huius discendæ cupidi ad illū confluxerunt. Benigne singulos pro dignitate excipiens, & officiose eā

se

se non modo artem, sed & alia permagni momenti, declaraturū ijs se, vbi domus commodior pararetur, spopondit. Erat inter Litteratos quidam fama illustris, qui alios docere contentus, nulli omnino magistratui dignitatique inhiabat. Sexagesimum hic annum excefferat, ac triginta iam composuisse tractatus, singularem eruditionē spirantes, vulgo dicebatur, quos edere volebat. Virtutum adhuc fama inclytus erat. Horum factus certior Riccius, virum adiit, vt illius discipulorum sibi gratiam conciliaret. Adeo vero grata Sinæ hæc Riccij fuit compellatio, vt quoties se daret occasio, illi se auxilio futurum ac tantam illius, quantam suarum rerum rationem habiturum spoponderit. Hinc ipse & discipuli magno Patrem sunt amore prosecuti, & de facto in ijs quæ se offerebant, sincere illi & amice, quid faciendum foret, consulebant; beatos se rati, quoties illum adire & addiscere quippiam dabatur. Sinenses enim, & præsertim Nanchanenses, turpe sibi non ducunt ab alijs discere, neu conceptæ semel opinioni mordicus inhaerent. Quamobrem tanto Riccium honore & veneratione colebant, ac si per annos aliquos illius sub disciplina egissent. Porro non Mandarini modo & Eruditi, sed & magnates & Principes regij sanguinis, illum discendi gratia frequentabant. Atque inter ceteros quidam e tribus primarijs familijs, quas regias dicunt, illius amicitiam ac familiaritatem desiderabat: at quod ob illustre genus & auctoritatem, turpe futurum crederet, si domum aduenæ ipse adiret; euocare tamen ad se, ob insignem quem illi defererebat respectum, non auderet;

*In Eruditi
cuiusdam
amicitiam
se insinuat.*

*Gratiam
aucepatur
Principis
cuiusdam.*

dolebat illius conueniendi sibi occasionē præcidi, & familiaritate se quam tantopere desiderabat, frustrari. Riccio medicus hoc principis desiderium indicat; qui confestim illius palatium adiit; quem Princeps magno honore & humanitate singulari, (grauitatis tamen suæ limites excedendo, quam, vt colligere erat, vix seruare mentiendo poterat, quam familiarissime cum Riccio agere dum vult) excepit. Plusquam horam simul de diuersis rebus egerunt. obseruauit hic Pater, illum quæ de æterna vita dicebantur, attentis auribus accipere; vt potio rem horæ partem ijsdem impenderit magna Principis cum voluptate. Antequā vale diceret, postridie fuit à Principe inuitatus; sed conuiuio ipse, Sinensium magnatum more non interfuit; filium tamen primogenitum, vnicum heredem, mensæ voluit accumbere. Mensa remota, dum varijs de rebus loquerentur, piam Deiparæ illi imaginem Riccius ostendit. hæc adeo Principi placuit, vt ad aliquod sibi tempus domi concedi postularit, quo per otium contempleretur ac spectaret. Interim duas sibi curat ad illius imaginem depingi. Paucis post diebus attulit illi Riccius S. Stephani effigiem, quam ille velut eximium munus complexus est, & scite circumquaque exornari iussit. Aliquot interiectis diebus per medicum Princeps significauit, illius se socium, id est, discipulum esse velle. (hoc enim verbo magnates vtuntur, dum ab alio minori aliquam addiscere scientiam volunt) at, quo melius & rectius edoceretur, optare se vt in palatio commoraretur; oblatisque omnibus conditionibus, etiam atque etiam id flagitauit.

Assen-

Princeps
esse illius
discipulus.

Assensum dare noluit Riccius, plurimis de causis, in primis, quod libertatem docendi quæreret, & ad plures Euangelicæ doctrinæ vtilitas emanaret. Quod in loco, qui ab omnibus libere adiri poterat, dum de Christiana doctrina exhortationes haberet, fieri oportebat; non vero in palatio; quo vulgus & populus, accedere non audet.

Remittit id Riccius.

Hoc initium ait Residentiæ Nanchanensis. Anno igitur M. D. XCVII. duas in vniuerso regno Socij habebant; vnam Xauchi, in Cantonenfi prouincia, centum à Macão leucis distans, vbi Lazarus Cataneus & Nicolaus Lombardus cum alio Sacris non initiato, & adolescentibus duobus Sinenfibus, qui ad Societatem aspirabant, commorabantur: alteram vero Nanchani, quæ vrbs quadringentis Macao leucis abest; agebant hic Matthæus Riccius Chinenfis missionis superior, & Ioannes Soëris, cum fratre coadiutore, & adolescentibus binis China oriundis, qui Macaensi in Collegio litteris operam dederant, & Societati ascribi enixe postulabant. Vitæ bonæ exemplum dare Sinis imprimis satagebant, ac deinde aliquam illis Creatoris cognitionem inferere; sed id paulatim, ne Mandarinis daretur occasio unico destruendi momento, quod tanto tempore sudore præparatum foret. Quod sane verendum erat, si multi simul ad Christi castra transiissent. Interdum tamen aliqui baptismi compotes fiebant; qui, Dei adiuvante gratia, à fide suscepta non deficiebant, sed vitæ honestate infidelibus, quibuscum agebant, exemplo erant. Inter alios quidam, Xauchi à P. Riccio baptismo tinctus, q ad suos in patriam se cōtulit, & solus inter ethnicos Christiano ritu vitam agebat.

Neophytorum constantia.

Hic

Hic domo sua Patres Xaucheo Nanchanum petentes excipere solebat, & magna ijs pietate affectuq; obsequebatur; quæ illi officia salutaris doctrina tradita compensabant. Interdum quoq; certo anni tempore, maxime quadragesimalis ieiunij, Xaucheum se conferebat, quo exhortationibus quæ Christianis tum fiebant, interesset. singulari vero, quam omnes de Patrum doctrina conceperant opinio, vnica erat causa, cur magni ab omnibus fierent, & frequentarentur; ac præsertim ab illo tempore, quo deposita Bonziorum veste, Eruditorum assumpsere: quod anno M. D. XCVII. contigit, implorato prius orationibus, pœnitentijs, sacrificijsque Sanctissimi Spiritus auxilio, & Visitationis aliorumque Patrum Macaensium, simul & Ludouici, Segneriæ Iaponiorum Episcopi, qui Macai tum erat, cum hac de re deliberaretur, consultatione adhibita. Viderant enim, quindecim iam annorum spatio, per Bonziorum hunc habitum stetisse, quo minus diuinæ gloriæ & salutis animarum negotium ex voto succederet. Hac mutatione mutati & Sinensium animi, & magis erga Patres affici cœpere, ac præsertim Eruditi; tum ob habitus & vitæ similitudinem, tum quod familiarius, seruatis. vtrunque patrijs ritibus, in mutua compellatione, sessione, disceptatione, conference adhiberi solitis; sine vlla honoris, quam ante verebantur, iactura, inuicem agere, hoc pacto liceat. Erubescabant quippe ab aduenis Bonzijs (hoc namq; eos dicebant nomine) prius aliquid discere: sed iam vbique, & omni in congressu, quoad titulos, compellationem, mutuam visitationem, muneratq; danda recipien-

*Bonziorum
vestem de-
ponunt Pa-
tres, & E-
ruditorum
assumunt.*

piendaue, & alios ritus, pro Eruditis habentur. Mutuo hoc commercio, tantam doctrinæ & virtutum Patrum opinionem Eruditi concipere, vt per vniuersum pene regnum nomen illorum propagarint; hinc multi illorum videndorum cupiditate tenentur, & plures familiaritatem ambiunt, quo aliquid ab ijs addiscant. Vnus imprimis exstitit, qui nomen illorum mirifice extulit, & celebrauit. Erat hic Mandarinus, omnium præstantissimus, ac tum ob dignitates quibus functus iam olim erat, tum ob plurima, quæ euulgarat commentaria, celeberrimi filius: Hanc ob causam & filius, cui nomen Taïso, magni ab omnibus Mandarinis & Eruditis fiebat. Hic cum aliquo tempore Xauchei cum P. Riccio commoratus esset qui nonnulla matheseos illi præcepta dabat; tanto cum deinceps & Socios omnes est affectu profecutus, vt aduenarum, ac Riccij imprimis, nomen per vniuersas Chinæ prouincias diuulgarit: cumq; cum Mandarinis maioribus & Tutanis sapius ageret, tam luculentum de patribus testimonium dabat, vt illū nosse ac videre summo opere desiderarent. Patres viso oportunum iam tempus aduenisse, quo Euangelicam sementem vasto illi agro committerent, in id vnum incumbabant, vt per omnes regni prouincias sese diffundendi facultas daretur, & imprimis Paquinum adeundi. Interim vero, vt vbiq; specimen aliquod diuinæ legis, sine vllaturla turba, ederetur, Riccius breue Doctrinæ Christianæ compendium Sinensi idiomate edidit; dum alium de eadem re librum, quem iam composuerat, in ordinem digerit, & incolarum moribus, cōditionibus, necessitatibusq; adaptat.

*Hoc pacto
sibi aucto-
ritatem
compara-
uit.*

*Riccio
Nanchini
catechismi
edit.*

adaptat. Varia hinc inde exemplaria distribuit, nec fructu irrito, & magna cum plurimorum voluptate. Erat inter alios Eruditus quidam, qui hoc ipso anno ad secundum gradum obtinendum examen subierat; hic lecto libello motus, in viam se ilico dedit, Patrem de fundamentis ac rationibus libello contentis coram interrogaturus. Nanchanum cum venisset, recta Riccium adiit, & non aliam aduentus sui esse dixit causam; quam vt legis quam docebat, penitiorem cognitionem haberet. facturum se id Riccius respondit, sed per otium: quocirca necesse videri, vt Nanchani commoretur. Non abnuit alter; conductisq; ædibus bis de die lectioni catechisticae intererat, mane & vespere. Trimestri spatio hoc pacto discipulum egit, dum paulatim illi fidei mysteria Riccius aperit; quo constantiam illius experiretur, videretq; an quod afferebat ad Christiana sacra suscipienda desiderium, solidæne rupi an leui arenæ innixum esset. At è perseuerantia iudicium faciens, sincere illum procedere, in oratorio baptismo tinxit; quem eodem die plerique Mandarinum adire, tantum illi bonum gratulantes. Paulo post lætus & alacer ad suos rediit, aliquot secum doctrinæ Christianæ libellis assumptis, quos amicis consanguineisq; distribueret, atq; ita ad Creatoris æterni cognitionem pertraheret.

*Litteratum
conuertit
& bapti-
zat.*

C A P V T XXXI.

*Regiam Paquinenſem ignis corripit & deſtruit. Mat-
thæus Riccius & Lazarus Cataneus Paquinum per-
gunt. ſed hic commorari prohibiti Nanquinum rede-
unt. hic cines & incolæ, mirabili quadam
ratione declarantur.*

IAm ante commemoratum eſt, Patres Regem
conuenire imprimis deſideraſſe, quo liberam
ille fidei promulgandæ, & in regno ſedis figen-
dę poteſtatē faceret; verendum alioquin erat,
ne vnico momento perderetur, quod multorū
annorū labore partum foret. Hanc ob cauſam
Riccius magnū illum Mandarinum, quę Xeyā
nuncupant, iam ante adiit; dū eius ope Paqui-
nū peruenire ſe poſſe ſperat; ſed ab hoc, vt vidi-
mus, in medio deſertus eſt itinere. Non propte-
rea animum deſpondit, aut ſpem abiecit; ſed
denuo rem aggredi ac tentare placuit.

*Patrum
propoſitum.*

Ita porro rem omnem diſpoſuiſſe diuina vi-
detur benignitas, vt cuncta in maiorē nominis
ſui gloriam redundarint, & finem, quem opti-
mus quiſque optabat, conſecuta ſint; ſed non
ſine maxima difficultate ac moleſtia. Hoc quip-
pe in omnibus Dei operibus imprimis elucet;
qui tum vere ſe illorum auctorem effectoremq;
eſſe oſtendit, dum diſturbatis ac ſuperatis ob-
ſtaculis quibuſlibet, finem, quem vult, tandem
conſequitur. Credendum ergo hanc ob cau-
ſam, regis illum animum, immiſſo flagello, mi-
tigare voluiſſe.

*Quomodo
Deus res
diſponat.*

Anno nam M. D. XCVII. menſe Maio, ignis
vnū ē palatijs regijs corripuit, & pene deſtru-
xit; anne quis iniecerit, num vero fortuito aut
naturaliter is euenerit nescitur haſtenus; Si-
næ cælo illum delapſum credunt. Eo prorſus
modo,

Tria flagella in tres monarchas eodem pene tempore immissa.

modo, quo eodem anno & mense, media die, decidit in tentoria, quæ magnus Mogor, (dum solis festum celebrat) sibi filijsq; pararat; qui exinde ad regiam proserpsit, in qua thesauri collecti periere, vt suo commemoratum est loco.

Anno vero superiori in Septembri tam vehemēti terræ motu Iaponia tremuit, vt omnia palatia, quæ Taicosama, supremus tum Iaponum monarcha splendoris ostentandi causa crexerat, solo æquarit. Tres hosce principes eodem pene tempore commonere voluit Deus, non habere illos hic ciuitatem manentem, stabilem aut certam, ac proinde animum terrenis ne afingerent; & simul edocere, esse potentiorē in cœlo monarcham, qui terræ simul & cœlo dominetur, & in maximos mundi principes dum visum fuerit, animaduertēte potest.

Incendium regie Paquiniensis.

At videamus, quomodo incendium in Sina contigerit. Eo igitur quo retulimus tempore, ita flamma regis palatium Paquini corripuit, vt rege ipso inspectante, ne biduo quidem potuerit exstingui. Ingredi ausus fuit nemo; quod lege ac consuetudine prohibeantur omnes, etiam hoc in periculo, pedem intra regiam inferre, ni vitam amittere velint. Cautum id, ne quis hoc in tumultu regem iugulet, aut aliud incommodum eueniat. In regia tamen magna, Eunuchorum erat copia, ni ad castigandum hanc conflagrationem Deus immisisset. Porro ingens iactura fuit, nam vt taceam ædificiorum ruinam, thesaurus regius magnū passus est detrimentum: periere siquidem nomina, gemmæ, margaritæ, aliæq; pretij inæstimabilis.

mabilis. Regis mater hic exstincta traditur, & ipse ita consternatus; vt, cognito cœlitus sibi hæc immitti, filio regni hæredi, etiamnum puero, indixerit, vt in terram prostratus, cœlum adoraret, illiusq; opem ac misericordiam deposceret: Sinarum namque plurium cœlum numen quoddam esse putant. Porro filium ita orare iussisse rex dicebatur, quod ob vitâ sceleratam indignum se crederet, qui aliquod à diuina maiestate beneficium obtineret. Suorum forsan iudiciorum metum hoc pacto incutere voluit Deus, vt, dum libera Euangelii disseminandi potestas posceretur, facilem se (vti reuera fecit, vt suo referam loco) præberet.

Interim dum Patres Paquinum ad regiam tendendi occasionem sedulo conquirunt, anno sequenti insignem nacti sunt. Mandarinorum namque primariorum quidam, Patrum patronus, cum Paquinum à rege euocatus, quo ad eam dignitatem eueheretur, quæ in Gallia nostra supremo Parlamenti præfidi æquiuale- ret, Xaucheum transiret; Lazarus Catanius, qui tum hic commorabatur, officii causa illum adiit, petiitque, vt suo in comitatu Nanchanum ad Patrem Ricciū pergere liceret. Placere sibi Mandarinus respondit. At quod terrestri itinere urbem quandam petere illum oporteret, in qua vectigalia persoluuntur ex iis, quæ secum vehebat; huc vt nauigio Lazarus veniret, indixit, actum se pariter Nanchanum terra perrecturos. Paruit imperatis Lazarus, & vna cum socio, qui sacerdos non erat, nauem conscendit, quo Mandarinum sequeretur. Sed summa etiam adhibita diligentia, Mandarinum consequi non potuit. Quocirca cum ante

*Insignis
Paquinum
adeundi
oblata Pa-
tribus com-
moditas.*

*P. Lazarus
Cataneus
Nanchani
P. Riccius
reperit.*

focios huc peruenisset, media expectauit die, verum moræ impatiens, iter cœptum profequitur. Mandarinis tamen iniungit, vt si quando appellerent, liberam comiteandi facultatem darēt, quod è comitatu suo forent. Postridie tandē appulere, Mandarinis discessum dolentes; dum verentur, ne quod forsan vltius progrediendi foret impedimentum. Sed cognito liberum sibi iter à Mandarinis datum, metum excussere. Deinde vero ita festinarunt, vt biduo ante illū Nanchanum peruenirent. Riccio mox Paquinum adeundi occasionem, adeo exoptatam, oblatam referunt; sperare se, propter singularem Mandarinis affectum in socios, si modo Riccius rogaret, non ægre illum Paquinum vsq; comitandi facultatem daturum. Riccius hoc nuntio recreatus, Mandarinum, mox vt appulit, adiit; quamque necessarium foret, ad secure ac tuto in China manendum, ac ne subito à regis præfectis loco pellerentur, regiam facultatem habere aperuit. Non displicuit hoc Mandarinis: at audito, secum Riccium Paquinum vsque proficisci velle, multis difficultatibus prolati impedire contendit. Inprimis vereri se, ne forsan, ob adductos aduenas, male in regia audiret. Sed munus quod Riccius obtulit, animum viri penitus inmutauit; quin & rationem suggessit, quam si forsan exactius in rem inquireretur, in sui defensionem depromeret, scilicet se comperto voluisse Regem, Lunare sibi Kalendariū (per Lunas namque Sinæ menses distinguunt) condi, quod solari reuolutioni adaptaretur non ingratum regi futurum sperare, si hunc aduenam, in quem forte incidulēt, in Mathesi, ac præsertim Astrologia apprime versatum hoc se facturum spondentem

dentem quo Regi obsequeretur; secum Paquinum adduceret. Riccio vero denunciatur, ut si modo adire regem voluerit, munus aliquod, pro patriæ consuetudine, deferat. Tum ille horologium, quod rotis ageretur, imagines aliquot scite depictas, & alias minutias Sinis ignotas protulit; quas Regi minime ingratas putauit fore.

Tametsi vero Mandarinus, quod auctoritate polleret, Riccium cum socio secure ac tuto Paquinum deduceret, tamen ut urbem subire cauit, ne in publicum prodirent, sed domo se continerent. Timebat namque, ut aiebat, ne palam fieret, in suo illos comitatu venisse, Patres, ne virum offenderent, foras non prodibant, sed per interpositas personas cuncta gerebant. Sæpe quidem, etiam oblati donariis, aditum ad regem sibi fieri postulabant, quo illi delata munera offerrent, & Euangelii promulgandi, ob quam potissimum venerant, peterent copiam. Sed nemo patronum illorum hic agere voluit, quod aduenæ forent, quos inuisos Sinæ habent. Aliquot hic egerant mensibus sine ullo prorsus fructu: veriti vero, ne qua interim in domibus Nanchanensi Xaucheanaq; procella oriretur Nanchanum redire decreuerunt. Nanchanum autem cum in transitu peruenissent, iterum Riccius sociis hic domum parare tentauit. Diuinitus huc (ut effectus declarauit) videtur fuisse impulsus, certa spe concepta, ex voto fore ut res succederet. Illinc vero penitus id fieri non posse credebat, quod omnis aduenæ, non habita Mandarinorum venia, vrbe excludatur, & in hoc omnes diligenter adiungent. Tanta hic namque magistratuum est copia, ut etiam minima quæque contingen-

Paquini agunt Patres sed re infecta redeunt.

tia comperiant. At Deus (cui omnia & facilia & possibilia sunt) suam hic potentiam & bonitatem patefecit; dum Patres Nanquini, nullo Mandarinorum refragante, omnibus tamē consciis, collocat. Vnus tamen (qui singularis dein illorum patronus, & protector exstitit) carceri illos tradere (vti postmodum retulit) iam decreuerat: at comperto, quieti illos studere, & diutius iam in Regno sine vllō tumultu egisse, cœptis destitit. Amicorum quidem ope, illius imprimis Mandarinī, à quo Paquinum deducti fuerant, & qui eo ipso tempore Nanquinum appulerat, hic vñ sunt; primum tamen auxilium cœlitus affulit: absque hoc enim nihil penitus effectum fuisset. Primam enim Riccii repulsam hoc pacto reparare voluisse visus est Deus. Solet namquē Satorum aduersa & amara superiniecta dulcedine temperare; quibus nec semper aduersa ne deiciantur, nec prospera ne insolescant, immittit, vt præclare Chrysostomus obseruauit. Nanquini ergo Patres, Mandarinorum nondum facultate habita, conuiuentibus tamen singulis agunt. Quo vero firmiores hic radices agerent, mirabilem Deus, facilem tamen, vt iam videbimus, rationem adhibuit. Diximus iam ante Mandarinōs omnes non propriis, sed regis ædibus, omnibus in opidis, magistratus tamen functioni accommodis, vti: & triennio, quo dignitate funguntur, euoluto, successorē muneris ædes quoq; easdem accipere, has vbi libuerit, suis vñbus adaptare, veterascētes restaurare, aut nouas etiam erigere regis tamen sumptibus. Eo vero tempore, quo Nanquinum venerant Patres, quidam è primariis Mandarinis nouam sibi struxerat domum; sed

lemu-

*Hom. 8. in
Matth.*

*Qua ratio-
ne Deus
Nanquini
Patres sta-
bilierit.*

lemures hanc iam perfectam ita infestant, ut illico se inde proripuerit. Horrenda quippe spectra domesticos variis lacescebant modis, ac nocte præsertim (sunt namque spiritus tenebrarum,) nullus ut ibidem commorari voluerit, cunctis assidua vexatione deterritis.

Domus elegans erat, & optimo ciuitatis sita loco; sed prorsus inutilis: nam ne vili quidem pretio diuendi potuit. Quærebat tum ædes Riccius ad diuertendum; hinc nonnulli per iocum petiuere, num ædes dæmone infestæ emere vellet. Tum Riccius non abnuere se, modo commoda forent; verum se adorare & colere Deum, quem dæmones perhorrescunt, & vel audito eius nomine contremiscunt, se vero Dei huius fîsum auxilio, dæmones non morari, at se ipsis econtra terribilem esse, ut Domini huius famulum. Domum igitur cum Riccius vidisset, placuit; quod vero vili fieret, facile inter eos conuenit. Mandarinus qui extruxerat, adeo gauisus est, ut nō domum modo cesserit, sed & literas, quibus & illi & successoribus in perpetuū illius vsum possessionemque confirmauit, dederit, quod à nullo hætenus Mandarino impetrarant. Confestim ergo illius possessionem adiere, verum antequam incolerent, ritu ab Ecclesia seruari solito eandem benedixerunt. Atque ex eo tempore nulli auditi visive lemures & omnis infestatio abiit. Rei huius exitum Sinæ expectabant; verum comperto omnia pacata, & phantasmata penitus euanuisse, mirati dixere, magnum sane Deum esse Christianorum; cum hanc domum incolere cupiens, dæmones velut custodes premiserit, qui impedirent, ne quis, præter seruos suos, hic diuerteret; ad quorum aduentum ca-

Domum amant lemures, & infestant.

Benedicunt hanc, & demonibus fugatis incolunt.

codæmones ilico inde recedere iussit. Atque hoc modo Patres Nanquini, quæ prima à Paquino vrbs est, domum nacti sunt, à Deo non sine miraculo, præter omnem humanâ spem, introducti.

Rei huius fama mox per urbem sparsa, adeo ut cuncti externos illos sacerdotes & videre, & conuenire cuperent; dicebantur & varios ex occidente attulisse libros, aliaque in China antè non visa; doctrina adhæc & virtutibus excellere. Hinc Mandarinum plerique, omni verecundia humana postposita, solito famulorum, liſtorumque cœtu stipati, ædes Patrum adierunt: idcirco & plebei illòs colere cœpere, nec ullorum conatibus obſistere auſi ſunt. Omnes porro magnam de illis, & quàm docebant lege opinionem concepere. Afferet hoc non mediocre ad conuerſionem vrbs huius momentum, modo diutius hic agendi facultatem, & prædicationi efficaciam concedere Deo videatur.

*Statu rerum
Chinensium
quoad fidem
anno
1599*

Hoc in statu res Christiana apud Sinas erat anno vndeſexcenteſimo, ad quem, Deo fauente, hiftoriam noſtram deduximus. In appendice dicemus, Riccium, tentato iterum aditu ad Regem, cum Patre Iacobo Pantoia, & Sebaſtiano Fernandio, Paquinum rursus adiſſe, & anni ſexcenteſimi ſecundi initio eodem perueniſſe, ac tandem poſt varias diſſicultates, Regi munus gratiſſimum obtuliſſe. Quocirca indies è regia alimenta neceſſaria mittebantur; in domum, quàm conduxerant, in qua publice fidem Chriſtianam edocebant; cui menſe Sèptembri eiufdem anni regium Mandatini, & virum primarium, quæ Regis ſororem in matrimonium duxerat, & alios Bru-

ditos

ditos , & magni nominis viros , iam lucrati erant.

Quamuis autem plenam nuntiandæ fidei , *Quid postea*
& in regno commorandæ potestatem rex non-*nuntia-*
dum dedisset; eandem tamen se breui impe-*tum.*
tratu-ros sperabant , oblato illius ergo libello; quin & plerique Mandarinorum palam asseriebant , votorum illos compotes fore. Quod Regi munus oblatum perplacuisse , & inprimis horologium quoddam maius , (in cuius usum ligneam parabat turrin) & manucor-
dium ; cuius pulsandi , horologii-que dirigen-
di artem , vt regios Eunuchos Pantoia edo-
ceret , quotidie mense integro Regiam adibat.

Goa perscriptum est anno millesimo sexcentesimo septimo extremo , è China venisse literas , quibus regio diplomate Patres regni incolas , & ciues declaratos iam fuisse , significatum est , ac plenam domos struendi , emendi , possidendi , vendendique , eo prorsus iure quo indigenæ , potestatem nactos , & iam commodam sibi parasse. Non deesset tamen interdum procellas aduersitatum , & hinc anno millesimo sexcentesimo sexto quendam Sociorum , fustigatione , aliisque tormentis à Cantonensibus Mandarinis inflicis occubuisse. Sparsus namque rumor erat , Socios Macai ingentem Iaponiorum aliorumque externorum exercitum conscribere , & classem parare , qua in Chinam trajicerent , cui temere nimis Cantonenses crederent ; sed tandem , post innocentis fusi sanguinem merum fuisse patuit commentum , vt in sequentibus latius deducetur.

Oranda igitur diuina bonitas, vt quemadmodum potentis huius regni aditum, ante adeo occlusum fidei præconibus reſerauit, regis quoque & ſubditorum animos aperire dignetur, vt ea qua par eſt diſpoſitione diuinorum verborum ſementem admittant; robur quoque, media, & animum iis ſuggerat, qui tam grauem difficilemq; adeunt prouinciam, quo gnauiter laborent, ſedulo incumbant, totque ſibi animas lucrifaciant, quod in infidelitatis caligine ad inferos præcipites ruunt. Vt, ſicut opibus ac diuitiis hoc affluit regnum, ita religione & pietate aliquando florere compariatur, vt eadem omnes fide vniti diuinam ſimul Maiestatem adoremus, & colamus, cui honor & gloria in perpetuas æternitates.

FINIS LIBRI II.

Deo Deipareq; laus & gloria.

INDEX



I N D E X

R E R V M M E- M O R A B I L I V M, Q V Æ I N D V O B V S H I S L I B R I S C O N T I- n e n t u r .

A.



BASSINI fidem Christianam profi-
tentur. 209. 2 quo illam acceperint.

ibid. hodie Judaicis superstitionibus
inquinati. ibid. eorum Episcopi &
Monachi. 210. Schismatici sunt &
hæretici. ibid. eorum Legatus in Lu-

fitaniam. 213. ad summum Pontificem, quam obe-
dientiam ei præstent. 218. obedientiam excutunt.

219. Suppetiæ mittuntur à Prætorè Indiæ. 220

Abrahamus Maronita Iesuita in Æthiopiam mixtitur.

286. Mazuam appellit. 288. ibique Christianum se
professus occiditur. 289. sepulchrum illius lumine

40. diebus miraculose collustratur. 290. eius som-
nium. 291

Abuna Patriarcha Æthiopiæ recusat disputare cum
Roderico Gonsaluo. S. I. Patre. 240

Abyssini Catholicos leonibus obijciunt. 259. illæsi e-
vadunt. ibid. in exilium mittunt. ibid.

Adamas Æthiopiæ rex. 245. hostis Catholicorum, ib.
& seq.

Adolescens Bonzius conuertitur. 714. parentes illum
repetunt. ibid. Episcopus reddi recusat. 715. mor-
tem subire paratus. ibid. ob fidei confessionem fla-
gellatur. ibid. in exilium pellitur. 716

Ecc 5 Ado.

I N D E X

- Adolescentis cuiusdam recens conuersi ingens fer-
uor in religione. 460.
- Adolescentis cuiusdam Germani qui ad Turcas con-
fugerat conuersio. 466. à turcis necatur. 467
- Æthiopia duplex. 206
- Aimuri in Brasilia populi ferales & antropophagi. 382
- Albuquerqueius Armuziam regi Lusitanie subijcit. 427
- Alcoranus Mahometanorum ter confutatus. 507
- Alphonsus Congi regis filius efficitur Christianus. 38
- improbis se opponit 42. multa patitur 43. fit rex &
fratrem bello superat. 47. mittit filium in Lusita-
niam. 52. Legatum ad Pontificem Romanum. 58
- morbis lentus 60. & eius mors. 61
- P. Alphonsus Sanchius Chinam adit. 719
- in classem Chinesiam incidit. ibid. Archithalasso
suas literas exhibet. 720
- Chumpinum alloquitur. 724
- Cantonem abiit. 725
- Sinarum laudabilis consuetudo circa descriptio-
nem rerum aduenarum. 725
- Aluarus Congi rex moritur. 108
- alium eiusdem nominis fratrem duello interimit.
108.
- Amadaba qualis ciuitas & ubi sita. 336
- quæ ibi memoranda. ibid.
- Amazones Indicæ ubi. 130
- Ammonitæ Arabiæ populi 484. à P. Gaspare doceri
cupiunt. ibid.
- Ampaza vrbs diruta. 194
- Andreas Quietus Soc. Iesu in Æthiopiam proficisci-
tur. 144 summam ibi paupertatem patitur. 247
- destinatur in Japoniam 249. sed moritur in Æthio-
pia 251. 265. eius laus 252. miracula 253. & seq. mul-
tos Abyssinos ad fidem conuertit 256. variæ eius
persecutiones 257. & seq.
- Angolæ regnum ubi situm 110. & seq. eius fines & ter-
mini 111. inco. & caninam carnem magni faciunt
ibid. eorum malitia 112. quatuor hominum genera.
114. eorum iniquæ leges 115. quorundam feritas ibi.
Sacerdotes Christianorum petunt 117. & seq. co-

I N D E X

rum conuersio ad Christianam fidem.	128
Antonij Fernandez Iesuitæ pietas.	267
Antonius de Monte Serrato Iesuita in Æthiopiam proficiscitur 276. varias patitur calamitates 277. & seq.	
Antrophagi in regno Angolæ.	111. 140. 382
Anziani populi Australes humana carne vescuntur. 9. eorumq; maxima barbaries	ibid.
Aquæ benedictæ vsus in China.	746
Arbor Brasilia qualis.	299
Arbor vndas aquæ referens.	559
Archiepiscopatus octo à S. Thoma instituti.	671
Armuzia vrbs & regnum 421. eius frequentia.	423
incolarum politia.	424
Armuzia ad pietatem incenditur.	460
repete in peius ruit.	461
Armuziæ rex cupit fieri Christianus.	477
Armuziæ regina viua cum fratre paruulo baptizatur.	491.
Armuzianorum vitia 449. quædam sublata ibid. for- nera & iniuste parta restituunt.	456
Ars imprimendi apud Chineses prius quam apud nos	598.

B.

Baixos da India scopuli marini terribiles.	153
Balenz pugnaces vbi.	17
Baptismus puelæ cuiusdam notatu dignus ob fidem illa varie affligitur. 573. victrix tandem euadit. 575	
Baburæ rex. 494 eius gesta.	ibid.
Butta prouincia & vrbs.	14
Bayensis Collegij exercitia in Brasilia.	370
Bazaz quid.	442
Bella ciuilia in China quare non facile exoriantur.	652. item externa. 653
Bemba prouincia regni Congiani 9. eius diuitiæ. 10. 15	
Bembanarum robur.	10
Bestia portentosa vt numen adorata apud Congianos	10.
Bombycum in China copia.	594
Bonziorum in China multitudo.	665
Bon-	

I N D E X

Bonziorum vestem Patres deponunt. 796 eruditorum
assumunt. ibid. illo facto authoritatem comparant.

797

Brasilia vbi sita, eiusque descriptio. 196. eius tempe-
ries. 197. fertilitas. 198. incolarum olim immani-
tas & religio. 301. vnde dicta. ibid. tria Societatis
Iesu collegia a Sebastiano rege Lusitanix ædificata.

361

Brasiliæ cuiusdam beata mors. 400

Brasilianorum mos in vescendis carnibus humanis.

317. metuunt Lusitanos, & cur. 163. & seq. Iesuitas
amant. 367. iisque obtemperant. 370. eorum pie-
tas. 392

Brasiliani ad Christum conuersi ægrotant, sed paulo
post sanantur. 321. inter eos superstitio seu error
sparsus qualis. 174. miracula circa baptismum &
Eucharistiam. 378

Brasiliorum mores. 303. nudi incedunt. ibid.

Breuia Iudææ vbi, & quam metuenda. 145. 153

Buttua regnum vbi. 144

C.

Cafres gens barbara & inhospitalis Lusitanos nau-
fragos spoliât. 161. 168. 177. gens stupida &
barbara. 135

Caluinistæ occidunt Patres S. Iesu in Brasiliam ren-
dentes. 339. eorum feritas. 345. mors violenta. 358

Cambaia quale opidum. 531

Cambambes montes in Angolæ regno argenti fera-
ces. 123

Canina carq ab Angolanis magni æstimata. 111

Cantus Congi regnum derégit. 26. & seq. Christianam
religionem inducit. 29

Capdeuilius Caluinista & pirata occidit Iesuitas in
Brasilia nauigantes. 351

Carauana quid & quomodo iter instituat. 135

Carceres apud Chinenfes quales. 635

Cangii populi Americæ fidem Christi doceri cupiunt.
114. eorum ducenti longum iter emensi occidunt.

EUX.

I N D E X

- tur. [325.](#) dociles. [324.](#) ardent zelo religionis Christianæ. [328](#)
- Catechumenorum processio. [372](#)
- Caximir regnum. [358.](#) illius descriptio. [ibid.](#)
- Classis Martini Alphonsi Melli à Chinenfibus oppressa. [681.](#) & seq. ipse euadit cæteris captis. [682.](#) capti ad supplicium rapiuntur. [682](#)
- Celunda fluuius. [76](#)
- Cerigones animalia Brasiliæ qualia. [299](#)
- Ciquionis vrbs descriptio. [556.](#) eò Patres perueniunt. [557.](#) à pluribus etiam Mandarinis coluntur. [ibid.](#)
- Circumcisio in vsu apud Africanos quosdā populos. [9](#)
- Chaquarà prouincia, eiusque fines. [49](#)
- Chia qualis liquor. [589.](#) vnde exprimatur. [ib.](#) eius vsus. [ibid.](#)
- Chiansium vrbs. [754](#)
- China ferax & cur. [588. & seq.](#)
- in China frequentes piratæ. [649](#)
- Chinarum erga externos inhumanitas. [659](#)
- Chinarum regnum. [581.](#) eius limites. [582.](#) eius amplitudo. [584. & seq.](#)
- Chinenses quare semper calidam potent. [617.](#) quando & quomodo vxores ducāt. [612.](#) vitam quomodo arte prolongare studeant. [613.](#) rerum nouarum percupidī. [614](#)
- Chinenses argentum plurius quam aurum faciunt. [593](#)
- Chinenses quomodo annum distinguant, & quomodo incipiant. [608.](#) eorum salutandi mos. [ibid.](#) visitandi ritus. [609](#)
- Chinenses regni fines dilatare non curant. [654.](#) Coraianum regnum occupatum quare deseruerunt. [654](#)
- Chinenses moralibus virtutibus dediti. [677.](#) sex præceptorum habent compendia vti Christiani decalogum. [677.](#) quibus vtantur libris. [640](#)
- Chinenses literis hieroglyphicis vtuntur. [634](#)
- Chinenses plerique [arhei. 660.](#) quæ idola adorent. [661.](#) quid de inferno [sentiāt. 663.](#) de mundi exordio. [664.](#) quanti deos suos faciunt. [ibid.](#) dediti sunt sortilegio. [665.](#) diuinatores consulunt. [666.](#) parentes singulari amore prosequuntur. [ibid.](#)
- China-

I N D E X.

Chinenſes quomodo aues alant.	593
anates.	ibid.
Chinenſium arma.	647
naues.	648
Chinenſium in bello <u>imbecillitas</u> 657. magna ſui ipſorum opinio.	658
Chinenſium induſtria. <u>592.</u> in parandis aquis.	597
Chinenſium <u>inductia</u> in artibus Mechanicis.	<u>598</u>
Chinenſium urbium pulchritudo.	599
earumque platearum diſpoſitio.	600
Chinenſe ſericum.	<u>594</u>
Chriſtiani nonnulli auro corrupti Saracenis ſuum fa- num reddi petunt. 483. eorum miſerabilis interitus.	ibid. & ſeq.
Chriſtianitatis ſigna quæ in China.	671
Clasſis Luſitana Armiziam appellit.	467
Chriſtianæ legis difficultas apud Ethnicos poſſi- mum quæ.	<u>507</u>
Chumpinus quis.	743
Claudius Abyſſinorum rex. 219. reſtituitur in regnum.	224.
Catholicæ Eccleſiæ vniri, quod antea petie- rat, <u>detrectat.</u> 239. idque palam profectur. 245. in bello victus occubuit.	ibid.
Cœli Mandarinus apud Chinenſes quid dicatur.	<u>627</u>
Coanza flumen.	8
Collegium S. <u>L.</u> in oppido fluminis Ianuarij.	389
Confefſio ſacramentalis miraculo confirmatur.	465
Congi prouincia ubi ſita. 4. in ſex prouincias diſtincta.	9.
qualis in ea æſtus & hyems. 9. in ea motus <u>36. 87.</u>	
tres reges eodem die occiſi. <u>88.</u> rex a Deo punitur.	94.
aurifodina.	<u>96</u>
Congo urbis regia, eiufque ſitis <u>15.</u> diripitur à Giachis populis barbaris.	<u>93</u>
Congiani quomodo domos ſtruant. <u>18.</u> eorum idolo- latria. 21. Politia. 22. Muſica inſtrumenta. 23. vxor- um copia. ibid. veſtitus. 24. Chriſtiani ſunt. <u>29. rex</u> & regina baptizantur. <u>37.</u> lægueſcit in fide idque mulierum <u>inſtigatone.</u> 41. mittunt legationes va- rias in Luſitaniam, plerumque infelices.	701 & ſeq.

Congia.

I N D E X.

Congiani Clericum Episcopo d.ffenio.	64
Concilium regum in China quale.	627
Conchiliorum piscatio vbi. 6. eorum vsus loco auri.	
ibid.	23
Conuertendi obstinatum ratio.	454
Conuiuorum ratio apud Chineses. 694. qui illa in-	
struit, non solet interesse.	ibid.
Corai regnum.	583
Cuama flumen.	145

D.

D æmon simius est.	486
Dæmonum terra visio.	457
Deipara apparet regi Monomotapæ.	143
Deus quomodo res Patrum disponat. 799. tria flagel-	
la in tres Monarchas eodem pene tempore immit-	800
tit.	
quomodo eos Nanquini stabiliert.	804
Disputatio inter Patres & Mullas Mahometanos.	516
Dissensio inter Clerum & Episcopum Congiensi.	m. 64
Dominicani habent monasterium in Mozambico.	133
Domorum extruendarum ratio apud Congiauos.	18
Duellum duorum Principum Congiarorum.	108
Duodecim Soc. Iesu intersectorum à Calvinistis no-	
mina.	360

E.

E donardus Lopez Regis Congiani legatus ad re-	
gem Lusitaniæ. 99. & ad summum Pontificem.	100.
Elephas proboscidi vt Scipioni innititur.	361
Elephantum greges. 10. magna copia in regno Mo-	
nomotapæ.	147
Elephantorum copia. 496. eorum armatura. 497. cur	
non ponantur in prima acie.	ibid.
Emanuel Fernandus Iesuita Prophetiæ dono clarus.	
269. ante mortem à Deipara visitatur.	270
Emanuel Nobrega Soc. Iesu missus in Brasiliam.	309
Emanuel Chaues Soc. Iesu moritur in Brasilia.	400
Ema-	

I N D E X

Emanuel rex Lusitaniz mittit legatos & sacerdotes in Congi regnum. <u>50.</u> in Æthiopiam ad regem Abyssi- sinorum. 216
Ensada arbor mira in Insula Loanda. <u>7.</u> ibi Conchi- liorum frequens piscatio. 8
Episcopus Congi quomodo acceptus. 62
Equi lignei in regno Congi quomodo fiunt. 36
Eruditus quidam Xanquini in fidem Christianã pro- pendet. <u>743.</u> baptismum petit. <u>747.</u> quare Patres recusarint. ibid.
Excubiz apud Sinas quomodo in naui agantur. 712
Extatici apud Brasilijs quales. 376
Externi Chinenſi regno excluduntur. 653

F.

F Ames in Caximir ingens. 560
Fernandus Andrada confirmat Lusitanorum cum Chinenſibus commercia. <u>679.</u> eius frater eadem euertit. 680
Fides Christiana in Congo acceptatur. <u>29.</u> pene pe- rit. 85
Fidem Christianam in China seminare quare diffici- le. <u>673.</u> semel admissa quare futura perpetua. 675
Flumen de la Plara quam latum. 297
Flumen ad preces Patriarchæ & Catholicorum Abyssi- fin. exsiccat. 259
Franciscus Berretus Indiæ prrex. 217
Franciscus Borgia Gandiæ Dux Soc. Iesu. 328
Franciscus Broicadus Lusitanus. 169. 183
Franciscus Bullamaterius suadet regi Congensi re- linquere religionem <u>Christianam. 90.</u> eius inopi- nata & repentina mors. <u>ibid.</u> eius cadaver post mor- tem à d abolis abreptum. ibid.
Francisci Lopezii Soc. Iesu in Æthiopia vita & mors. <u>270. & seq.</u>
Franciscani & Benedictini in Brasilia. 363
Fratrum duorum naufragorum insignis dilectio, deq; iis historia. 175
Fulgentius Ferreira Soc. Iesu capitur à Turcis. 248
Funerum stipatio apud Chinenſes. 668

Fures

I N D E X.

Fures. 12. Patrum domum diripiunt.	776
capiuntur.	ibid.
ad mortem damnantur.	777.
sed Patrum interuentu ab ea liberantur.	ibi.

G.

G Alli plebs Æthiopica dicta.	247
Gallinæ habentes nigram carnem.	132
Gangæ magi & sacerdotes Angolanorum.	134
eorum impostura.	ibid.
Garziæ Proregis Armuziæ expeditio in Hibernia.	460
& seq.	
Gaspar Soc. Iesu quæ in Armuzia effecerit.	451 & seq.
magnum sibi ibi nomen parat.	452
Blasphemum conuertit.	452
Schismaticos & hæreticos multos ad Ecclesiam re-	
ducit.	466
Quid circa Iudæorum conuersionem Armuziæ e-	
gerit.	468
duos Iudæorum Rabinos conuincit.	469
à Saracenis magnific.	470
quare ab ijs Ioannes baptista nuncupatus.	470
cum Saracenis disputat.	471
à quibusdam Saracenis vt magus habitus.	476
Christianorum supplicationes Armuziæ instituit.	
480. 490.	
Goæ cum magno fructu concionatur	490. eius obi-
tus.	491
Goæ rex dū peruicax Deo non auscultat, punitur.	556
vt Deus adorari vult.	556
nouam vult inducere sectam.	ibid.
opem pollicetur ijs, qui in Cataiam mittuntur.	580
Gei quales populi.	584. eorum mores.
	ibid.
Giachæ populi barbari. 14. eorum mores.	91
Congum expilant, & regem in fugā coniiciunt.	92
Congi regiam diripiunt.	93
Gonsalui Cardosi Iesuitæ pietas, gesta & labores.	268
Gonsaluis Rodericus Soc. Iesu mittitur in Æthio-	
pnam	237. scribit librū de Abyssinorum errorib. 238

I N D E X.

Gonsalvus Silueria mittitur in Mozambicum 134. &
 seq. regem baptizat, eiusque familiam. 136. mittitur
 in Monomotapam. 138. regem eius baptizat. 144. ab
 eo occiditur. 148

Gregorianum Calendarium apud Armenos admitti-
 tur. 537

Guinea superior & inferior. 26

H.

Hæreticorum sacrilegia in res sacras. 341

Hieronymus Xauerus S. Iesu cum alijs duobus
 Mogor adiit. 530. in morbum incidit. 560

Hippopotami equi fluuiatiles, ubi & quam robusti. 5

Hispani quid in Chinensium fanis mirati. 695

I.

Iaocheofu vrbs. 784

inter cætera vasis porcellanis nobilis. ibid.

Iapatamum qualis locus. 782

Iesui: & quidam naufragium passi moriuntur. 242

Ignatius Azeuedus in Brasiliam mittitur. 382

occiditur cum socijs. 339

Ignati^{us} Loiola S. I. fundator scribit regi Æthiopie. 229

Illeensis Præfectura in Brasilia habet residentiam Soc.

Iesu. 380

Imago S. Antonij Paduani ab hæreticis irrita facit,

quod perierunt. 387

Imbij populi efferi ubi. 199

eorum regis superbia & potentia. 100

Ioannes III. Lusitanie rex Iesuitas mittit in Congum.

85. Legatum ad Presto Ioannem 211. conatur Æthi-

opiam sedi Apostolicæ vnire. 226. eius in eam rem

liberalitas. 237. mittit Iesuitas in regnum Angolæ.

118. in Brasiliam. 309

Ioannes Nonius Soc. I. fit Patriarcha Æthiopie. 227

sed in illam non peruenit & cur. 245

Inambanæ regnum ubi. 136

Indo-

I N D E X.

Indostani flumina.	495
Infantes Brasilianorum in Christiana religione institu- turi.	320
Ingratitudinis exemplum.	326
Iogue à Pagan s vt numen cultus à Gaspare ad fidem traductus.	485. & seq.
Ioguz cuiusdam superbia.	536
Ioguis miraculosa visio.	488
Christianus fieri cupit.	ibid.
baptizatus cur Paulus vocatus.	ibid.
Romam iter parans in Lusitania moritur.	499
Iter Patris Ricci Nanquinum versus.	783
Itinerum in China commoditas.	753

L

L Acus centum leucarum longitudine.	37
in Lahor multi baptizati.	568
Lami rex capite plectitur. 204. & cur.	ibid.
Lancitani pater baptizatur.	758
P. Lazarus Catanus P. <u>Riccium Nanchanix reperit.</u>	802
Lechias pruna.	590
eorum vis.	ibid.
Lezæ rabies amissis catulis.	562
Legati externi quomodo cū Rege Chinenſi agant.	615
Lelunda flumen.	6
Legitima potestas & pura doctrina siue clauus regni cœlorum.	230
Leo Grimonius Græcus Subdiaconus.	525
mittitur vt Legatus à Magno Mogor ad Indiæ Præ- torem.	ibid.
Leprosus quidam aqua benedicta sanatus & <u>conuer-</u> sus.	385
Liampus promontorium.	583
Loanda insula 6. Conchiliorum piscatu frequens, ib. eius fertilitas & opes.	116
Libellus Visitatori Prouinciæ à seniorib. Cantonensib. aduersus Patres oblatus, vbi & confictis criminib. egregie traducuntur.	117
Limahonus pirata nobilis.	685
Philippinas inuadere conatur.	686

I N D E X

Manillam frustra oppugnat.	687
alio se recipit, vt se communitat.	688
Hispani illum expugnare se pafant.	687
in arce fua obfeffus.	689
fuga fe fubducit.	780
moritur præ mœrore.	781
Litteræ Conchifuij Xanquinenfis ad Aitanum Cantonenſem.	766
Litteræ Magni Mogor ad Patres Goanos.	527
Litteræ P. Prouincialis ad Magnum Mogor.	564
Litteræ regis Abyſſin. ad Emanuelem regem Luſitaniae.	215
Loytiæ nobiles Chinenſes, eorumq; dignitas.	639
Luco frumentum regni Congiani quale.	16
Ludouicus Vaſconzellus claſſis præfectus Braſiliz prætor.	333
Luſitani cuiuſdam miraculoſa viſio.	455
Luſitani Macaenſes obedientiam iurant regi Philippo. 733.	734
Luſitanorum portoria in India Orientali.	192
commerciâ in regno Angolæ.	113
victoria incredibilis de Angolanis.	131
Deiparæ ope hoſtes debellant.	133
ſtatus in Æthiopia.	292
victoria contra Gallos hæreticos in Braſilia.	412
Arx in <u>Sofala. 146. in Mozambico.</u>	135
Lymphatici apud Braſilios.	346

M.

M acao qualis vrbs. 683. à quib. ædificata.	ibid.
Macao tranſitus eſt in Iaponiam.	713
Magus quidâ in Angolæ regno fœmines veſte indutus. 126. Braſilienſis cum vxore baptizatus.	381
Magicus flumen.	145
Magni Mogor origo, imperium, potentia & opes. & ſeq. diuitiæ.	492 496
Magnus Mogor filium ſecundo genitum Patribus in diſciplinam tradit.	509
Patres viſitat.	510

Chri-

I N D E X.

Christianam legem omnibus præfert.	511
Imagines honorat.	ibid.
impedimenta IV. cur fidem Christianam non suscepit.	513. & seq.
concedit Patribus baptizandi facultatem in suo regno.	515
a Deo iterum suæ salutis commonefit.	524
Deiparæ imaginem colit.	ibid.
Alcorana & Mosquea destruit.	ibid.
Vxores repudiat.	525
tertio ad accersendum Patres Goam legatum mittit.	530
quomodo Patres exceperit.	538
quam erga fidem Christianam propensionem ostenderit suæ conuersionis spem dando.	ibid. & seq.
dedit Patribus libros.	539
eius & filij erga Deiparam affectus.	542
eis dat facultatē omnes, qui vellent baptizandi.	ib.
Mahometis num in regno profligauit.	543
Magni Mogor Regia.	497
eius vestes.	497
Dotes.	ibi.
Exercitia.	ibid.
Ludi.	ibid.
Venatio.	499
quomodo causis audiendis vacet.	ibi.
iustitiam exerceat.	500
maleficos puniat.	ibid.
illius clementia & iustitia.	501
cur aliquot S. Iesu Patres Goa euocarit.	501. & seq.
de lege sua dubitat, eius literæ ad Patres S. Iesu.	ibid.
Mahumetani cuiusdam liberalitas in Lusitanos naufragos.	163
Mahumetanorum vrbs in Sofala.	146
Mahumetanorum fano P. Gaspar crucem infert, illudque obstrui iubet.	481
illud Saraceni aperire conantur.	ibid.
Malorum plurimorum origo apud Chineses vnde.	659
Mameluci in Brasilia qui dicti & quales.	372

I N D E X.

Mandarinorum duplex genus. 626. eorū discrimen. ib.	
Mandariini togati maiorum gentium in singulis provinciis 628. eorum munus. ibid. à populo quomodo colantur. 629. quo honore ab eo afficiantur. 630	
Mandariini militares, qui. 645	
quomodo eligantur. 646	
Mandarinorum magna potestas multarum iniquitatum causa. 657	
Mandarinorum habitus. 632	
Mandarinorum nauium pulchritudo. 601	
eorum vestitus. 605	
Mandarinis cur sermo difficilis. 634	
Mangi regnum quale. 647	
Mani præfecti apud Congianos. 9	
Martyrium pueli innocentis. 564	
Matamaneſe regnum ubi. 143	
Mathematica instrumenta in China à Tattaris relictæ. 648	
Mattheus Armenius Legatus regni Abyſſinorum in Luſitaniam. 213	
P. Mattheus Riccius ad interiora regni penetrat. 779	
Mandariini comes eſſe voluit. 780. & cur. ibid. cum Mandarino agit. 781. ſete mergitur. 782	
Mazua inſula in ſinu Arabico. 238	
Medicus Nanchani, quomodoq. P. Riccio auctoritatem comparat. 789	
Melchior Carnerius Ieſuita vir pius & zelofus. 274	
Melchior Carnerius Epifcopus Nicenus moritur. 713	
Melchior Siluius Sacerdos mittitur in Æthiopîa. 293	
Melinda regnum ubi. 190	
Miles ebrientioſus opera P. Gaſparis conuertitur. 452	
Militis cuiuſdam peruerſicia aduerſario nolentis ignoſcere. 453. impœnitens moritur. 454	
Miracula apud Braſiliôs circa Baptiſmum & Euchariftiam. 378	
Miramoini Braſiliæ populi. 401	
conuertuntur ad Chriſtum. 402	
Mombazæ regnum ubi. 190. vrbe & inſula. 196. capitur & euerſum. 702	

Mone-

INDEX I

Monomotapæ regnum ubi situm eiusque descriptio	
146. & seq. rex baptizatur.	144
Monferratus S.I. cur à Turcis captus.	565
Monumentum insigne apud barbaros.	536
Mos Chinenfium in sepeliendis suis parentib. 667 & seq.	
Moscum unde paretur.	593
Mozambicum olim promontorium, nunc Insula v-	
bi.	131
Mulier Brasiliensis Christiana docet suos vincere ho-	
stes.	324
Mulier diabolicis spectris per S. Euangelij verba libe-	
ratur.	458
Mulier sterilis Ethnica Deiparæ ope fit secunda.	563
Mulierum Chinenfium habitus. 606. cur pede sint exi-	
liores. 606. semper domi manent.	607
Mundus opinione regitur non ratione.	7
Murus a Chinenfibus aduersus Tartaros exstructus. 603	
illius magnitudo.	ibid.

N.

N Anchani opidi descriptio.	788
Nanquafuium vrbs.	784
Nanquini descriptio.	784
triplici muro cingitur.	785
eiusque magnitudo.	ibi.
ibi regia est.	ibid.
Nauarri ad Ethnicos conuertendos idonei.	314
eius ratio.	ibid.
Naufragium Lusitanorum horridum & triste. 152. &	
seq. & 245.	
Nautragorum in periculis mortis pietas.	156
Neophytorum quorundam constantia.	295
Nili inundationis causa. 19. & quando contingat.	ib.

O.

Octodecim Chinenfes Xanquini baptizantur.	769
Ogegha arbor.	18
Oleum butyro simile.	17

I N D E X.

Omoconus Chinenſis dux.	690
Orationis vis mirabilis.	131
Oriens dextra mundi pars.	419
Opes magnæ caudæ.	132
P.	
P almæ variæ.	16
Pango provincia.	13
Panis è palmarum folijs.	17
Panni ex palmarum folijs.	17
Paquini magnitudo.	618
Paquinum adæundi inſignis Patribus oblata commo- ditas.	801
Paquinenſis Regiæ incendium.	800
Paraibani Braſiliæ populi baptizantur.	413
Parthi aduerſus ſuum regem ſe commouent.	515
Parthus, interceſſione Dei paræ prodigioſus.	193
Patana vrbs.	537
Patres Soc. Ieſu mittuntur in Mogor.	529
iterum Goam redeunt.	ibid.
Patres Soc. Ieſu Braſilijs ab epulis humanis pellunt.	316.
Patres Soc. Ieſu mittuntur in regnum Congi.	85. in An- gola. 136. & ſeq. in Braſiliam.
Patres Chinæ cognoscendæ deſiderio tenentur.	751
Chiquionem adæunt.	752
Patruus regis Congiani ſeruens Chriſtianus.	32. & ſeq.
Paulus Diazius regem Angolæ oppugnat.	112
Pauſus Aquitimus iunior regis Congi filius fidei ho- ſtis. 39. caprus occiditur.	48
Pax inter Luſitaniz & Æthiopiæ regem inita.	217
inter Luſitanos & Carigios Baſilæ populos.	396
Pendæ rex in regnum reſtitutus.	202
Perambucus vrbs Luſitaniz in Braſilia.	410
in ea collegium Soc. Ieſu.	ibi.
Peregrinantium in Braſilia magna neceſſitas.	369.
Perſa quidam euocatur ad diſputandum cum P. Gaſ- pate. 47. illius aſtus. 474. diſputationem differt. ib.	110
	circa

circa quæ disputatio instituta.	474
veritatem fidei Christianæ fatetur.	475
eius vxor pro filia baptizatur.	475
Persecutio aduersus Patres Xauquini excitatur.	760
Petrus Correa primum prædator Brasiliensium postea prædicator effectus.	322
Petrus Couillanus Legatus regis Lusitaniæ in Æthiopiam ad Prætores. 211. eius iter 212. detinetur in Æthiopia.	213
Petrus Martinez Soc. Iesu docet rudimenta fidei Christianæ in Mozambico.	188
Philippi II. in Congi regnum Legatus.	92
Pigritia animal.	300
Piratiningensis Colonia in Brasilia.	440.
eueritur.	401
Piscandi per corvos ratio.	503.
illius piscationis emolumentum.	544.
Pontes plurimi in China.	ibid.
Porci marini seu aquatiles.	5
quomodo capiantur. ibi.	
Portus formosus vbi 144. securus vbi 306. vnde dictus.	187
Potentissimi Mahometis 2. magni Regis & Domini Follerij diploma.	526
Præfectura S. Vincentij in Brasilia.	324
Præsepe Bethlemiticum.	562
Præsides comitiorum regionum in China.	627
Prætoria Magistratuum in China.	601
Charan quid.	601
Presbo-loannes vel Presbyter Ioannes cur dicatur rex Æthiopiæ.	206.
eius imperij fines.	207
fertilitas & populi inertia.	208
Promontorium falsum cur dictum.	142
bonæ spei. ibid. cur ita dictum ibid.	
Prouincialis quare Patres Goam reuocarit.	519
Pueri cuiusdam febricentis ac lippientis miraculosa curatio.	458

Q Valimanes fluvius.	142
Quatuor atria in regia Chinenſis regni ſplendi- da ſina 619 . eiſdem regie deſcriptio.	620
Quaymados montes vbi.	14
Quiloa inſula & vrbs vbi ſita.	189
Quianganſu qualis vrbs.	782
Quinque ſcutula in inſignibus regum Luſitaniae quid deſignent.	56

R Amada ieiunium Saracenorum.	188
Raris mons in Braſilia.	171
eius incolae Chriſtiani fieri cupiunt.	16
Reconciliatio duorum qui ſibi inuicem necem para- rant.	452
Reipublicae Chinenſis vtilitates.	650
illius ſubordinatio ibid. ei praefunt eruditi.	652
eiſdem reip. mala.	656
Religio Chriſtiani in Congiregna plantatur.	29
inopia ſacerdotum in eodem pene extinguitur.	97
Religioſi Franciſcani Chinam adeunt.	707
nauem conſcendunt Praefecti Philippenſium in iuſſu.	703
Chinam ſine vilo intrant obſtaculo ibid. à Manda- rino euocantur.	704
illius petitio à religioſis & eorundem reſponſio.	705
eorum interpres reſponſa deprauat ibid. oſtiatim mendicant.	707
Vrbem ingrediendi facultatem naſci.	706
ad protegem perueniunt.	709
Cantonem redeunt.	710
agnoscunt ſui interpretis fraudem.	711
eorum quidam Macaumi, quidam ad Philippinas redeunt.	712
Reliquiae ſanctorum quam efficaces.	387
<i>S. Maurij.</i>	403
Reſidentiae ſanctorum.	402
<i>S. Spiritus.</i>	403
Reſidentiae Ieſuitarum in Braſilia.	362
	Rex

I N D E X.

Rex Congi instantèr petit sacerdotes in regnum mitti.

98.

Rex Chinæ omnes diuitiis superat. 615

Reges Chinæ illustres virtutibus. 617

Rex Mogor ad bellum proficiscitur. § 69. cum P. Xaverius sequitur § 70. eiusdem Patris cum illo colloquium ibid.

Rex Monomorapæ baptizatur. 144

occidit Sylueriam. 148

resipiscit. 149

Rhabarbarum in China optimum gignitur. § 90

Rhinoceros in India Lusitanis naufragis tentat periculum. 162

P. Rogerius Xauquini à Tutano obtinet locum ubi ædiculam parat. 736

illi offert horologium. ibid. obtinet facultatem in China commorandi. 737

cum socijs declaratur incola Chinenfis. 738

à Tutano Visitatur ibid. à Mandarinis cum socijs ad conuiuium inuitatur. 739

Xauquino cur patres abire compulsi § 740. à nouo Tutano eodem reuocantur. 741

eo redeunt & à Tutano magnis officiis exornantur. 742. erga illos Mandarinus mirifice afficitur.

ibidem ijs domum & templum extruit. 743

eiusdem domus & templi insignes inscriptiones ibid.

domicilium Cantone obtinet. 716

à Mandarinis maioribus inuisitur. 718

cum socijs Xauquinum venit. 735

cur in Europam missus sit. 760

item P. Sanchius. ibid.

Ritus in foribus prætorij aperiendis apud Chinenfes. 633.

Rudolpho Soc. Iesu, quare Mulla necem paratint. § 20.

ei rex custodiam & stipatores adiungere vult, sed non admittit, § 21. eius vitæ austeritas ibid. in morbum incidit. § 27. à Deo solarum ibid.

Sacer.

S acerdotū summa penuria in Congiano regno.	102
S acrilegium punitum.	401
S alomon vnde olim thesauros suos eduxerit.	147
S araceni multi à P. Gaspare conuertuntur.	477
S aracenorum in Christianos odium.	365
S copuli Iudææ in India.	151
S ebastianus rex Lusitaniz Congi regi succurrit.	95
tria in Brasilia ædificat collegia Soc. Iesu.	361
S erpentes ingentes.	11
loco cibi incolis.	12
S erpentes virulenti.	12
S exua Christiana ope Deiparæ à suspendio præserua-	
tur.	139
S excenti barbari in Brasilia conuertuntur.	392
S inenfium conuertendorum ratio.	701
S inus Anjanensis plurimas gemmas profert.	393
S inus Nanquinenfis.	383
S inus Vaccarum.	8
S iluius Legatus in Congum moritur antequam eo	
perueniret.	53
S itis restringendæ dura ratio.	364
S oba Banzanus baptizatus in regno Angolæ.	127
S obæ magnates Angolani.	126
eorum quidam punitus ab violatum locum sa-	
crum.	138
excitatur à mortuis & fit Christianus ibid. alij con-	
uertuntur.	140
S ongo prouincia.	13
S oria Caluinius pirata occidit Iesuitas in Brasiliam	
nauigantes.	339
impenitens obit 341. & seq.	
S ortium ridicula inquisitio apud Chinenfes.	666
S tatus rerum Chinenfium quoad fidem.	806
S uccessio in regno Chinenfi quomodo fiat.	621
S undo prouincia.	13
S ulranus Morad secundo genitus Magni Mogor	
Gambaiam venit.	332
	à Patri-

I N D E X.

à Patribus salutatur, ibid. in castra eos vocat. ibid.	
Patribus pecuniam, equos & reliqua ad iter necessaria suppeditat.	334
Supius quis dicatur.	712

T

T Amberlani nepotes eorumq; gesta.	439
Tanquenum qualis vrbs.	726
Tartari Chinam occupant. 647. à Bonzio Chinenſi pelluntur.	648
Templum lapideum in Congo extruitur.	36
item alia.	87
S. Thomas Apoftolus num fidem in China docuerit.	
670.	
S. Thomæ infula quomodo inuenta & eius deſcriptio 61. Episcopatu illustrata.	62
Tigrides feroces ii. in Braſilia.	300
Timor conſitendi à vanò pudore proſectus.	416
Tormentorum bellicorum inuentio Chinenſibus aſcribitur.	597
Toroa regnum.	147
Tres Socie. Ieſu Patres à Magno Mogor poſtulati ad illum veniunt. 505. quomodo ab illo excepti ibid. qualia ei obtulerint Patres munera 506. illorum PP. cum Caciziis diſceptatio.	506
Tria hominum genera in Braſilia. 367. & ſeq.	
Triginta octo gentiles vno tempore Lahore baptizati.	571
Triginta Ieſuitæ occiſi à Calviniſtis.	344
Triste naufragium.	352
Tutanus & Viſitator Patrum domum Xanquini ad- unt 770. Raritates Europæ illis oſtenduntur ibi. eos Xanquino Tutanus pellit 771. eis vult pecuni- am dari ibid. ſed illam Patres renuunt 772. ijs a- liam urbem assignat 773. Xaucheum mittit 773. Monasterium Bonziorum incolere nolunt. 775 haud procul ab vrbe domum nanciſcuntur. 775.	771 772 773 775
Turanus eos videre deſiderat.	791
qui	qui

I N D E X.

qui ipsi Nanchani commorandi copiam facit. <i>ibid.</i>	
Attem. porje sibi nomen comparat. 791. gratiam cuiusdam principis aucupatur. 793. in eruditi cuiusdam amicitiam incidit. <i>ibid.</i> Princeps illius esse vult discipulus. 794. is quare renuerit. 795. Nanchani Catechismum edit. 797. Literatum quendam ad baptismum conuertit. 798	
Tutani ad præfectum Xanquinensem aduersus Patres Societ. Iesu decretum. 768. eiusdem aduersus eod-	
dem sententia. 769	
Tumultus in regno Congi. 87	
Typographica ars Chinenfium à nostra distat. 127	

V.

Vaccarum sinus. 8	
Vascus Gamma Brasiliam detegit. 305	
enchici cuiusdam Brasilijs arrogantia. 318	
Veredarij apud Chinenfes 631. eorum ordo. <i>ibid.</i>	
Vestis Chinenfis qualis. 609	
Via in Cataiam. 179	
Victoria Lusitanorum mirabilis de Angolanis. 131	
Vinum ex arbore expressum. 17	
Vinum palmæ medicum. 17	
Viri Chinenfes quare longam gestent Casariam. 606	
Viri ubi puerperæ. 303	
Vniuersitates in China 636. ibidem eruditorum res gradus 636. pro primo gradu quale examen. 637	
Privilegia & dignitates eorum qui illos gradus obtinent. 638	
examen pro tertio gradu quale. 639	
Vrbium muratarum in China genera quinque; ibidemq; opidorum & pagorum numerus. 596	

X.

X Ambalu regni Cataiani metropolis. 576	
Xauerus Soc. Iesu Chinam petit ad fidem Christianam disseminandam 684. item duo Augustani Monachi	

I N D E X.

Monachi ibid. qua occasione intrandi vsi.	685
Xauchei quid Patres egerint.	778
miraculose à periculo ibi illis imminenti liberantur. ibid.	
Xauquinum Patres redeunt.	758
Xauquini Catechismus euulgatur.	745
Fides Christiana ibidem docetur, ibid.	
Xetaiæ vel Cataiæ regnum.	576
eius incolæ pleriq; Christiani.	577

Z.

Z Abucates fructus Brasiliz.	199
Zacuta Legatus Congianus baptizatur in Lusitania cum suis.	51
Zair fluuius vbi situs eiusq; descriptio.	4
à quo detectus.	20
Ziuetæ vbi.	11
Zebra animal quale.	11
Zeisadinus Armuziæ rex puer.	427

F I N I S.









